


J. Can. P. 804.







REGALE  
SACERDOTIUM  
ROMANO  
PONTIFICI  
ASSERTUM,

*Collegij Societatis ET IESU Monachij. 1715.*  
QUATUOR

PROPOSITIONIBUS  
EXPLICATVM.

EDITIO TERTIA

AUCTIOR  
Tertia parte.



*Typis Monasterij S. GALLI.*

Excudebat Jacobus Müller, ANNO 1693.

Bayrische  
Staatsbibliothek  
München



*Parænesis prævia ad Lectorem.*



Quandoquidem & in Regali Sacerdotio & in Galliæ Vindictæ Libro sæpius veterum Pontificum epistolæ citantur, earumque auctoritate Pontificis Romani Primatus asseritur; necessario monendum Lectorem duximus, quantæ, & quàm firmæ auctoritatis Epistolæ illæ sint; ne videlicet errore aliquo deceptus dubia & apocrypha pro certis & canonicis habeat. Nec enim Causa, quam defendimus, hujusmodi est, ut argumentis & adminiculis incertis egeat, cum certissimis abundet.

Sciendum igitur est, testimonia antiquorum Pontificum trium priorum sæculorum usque ad Siricium (qui obiit Anno 398.) à gravissimis Auctoribus in dubium vocari, quamvis aliàs Decreto Gratiani inserta sint. Et primò quidem quæstio non vertitur de Epistolis S. Cornelij, quæ inter Opera Cypriani extant. Neque de epistolis Julij I. quæ referuntur à S. Athanasio Apologia 2. Neque de epistolis Liberij, quæ à S. Hilario in fragmento recensentur. Nec etiam de epistola Damasi ad Ilyrici Episcopos, quam exscribit Theodoretus *lib. 2. Histor. Eccles. cap. 22.* Sola ergo quæstio de ijs epistolis, quas ex Iſidori Mercatoris collectione Compilatores Canonum

in numerum & decalogum Decretalium retulêre; nec earum à veteribus Historiæ Ecclesiasticæ scriptoribus, aut à Sanctis Patribus ulla fit mentio. Tales sunt *S. Clementis* quinque. *S. Anacleti* tres. *Evaristi* duæ. *Alexandri* tres. *Sixti* l. duæ. *Telſphori* una. *Hygini* duæ. *Pij* l. quatuor. *Aniceti* una. *Soteris* duæ. *Eleutherij* una. *Victoris* quatuor. *Zephyrini* duæ. *Lucij* una. *Calisti* l. duæ. *Vrbani* l. una. *Pontiani* duæ. *Anteri* una. *Fabiani* tres. *Cornelij* duæ. *Stephani* l. duæ. *Sixti* ll. duæ. *Dionysij* duæ. *Felicis* l. tres. *Eutychiani* duæ. *Caji* una. *Marcellini* duæ. *Marcelli* l. duæ. *Eusebij* tres. *Melchiadis* una. *Marci* una ad S. Athanasium. *Julij* l. duæ. *Liberij* duæ. *Felicis* ll. duæ. *Damasi* plures; nimirum tres ad S. Hieronymum; aliæque ad Afros de Corepiscopis; ad universos Episcopos Italiæ, ad Aurelium. De his quærimus, legitimæ sint, an supposititiæ? Et dico, supposititias esse, falsóque ijs Pontificibus adscriptas. Id verò ita esse ex sequentibus rationibus patet.

*Primò* quia epistolæ illæ abundant verborum sordibus, & omnino alienæ sunt ab elegancia sermonis illius ætatis; & à majestate & gravitate alijs Pontificibus, qui tunc temporis scribebant, observata. *Secundò*, quia eodem scribendi stylo & charactere præditæ sunt; adeo, ut unius tantùm Scriptoris non plurium & diversorum esse omnino videantur. *Tertiò*, quia utuntur vulgata S. Hieronymi versione, quæ multò recentior est, ut proinde post ætatem Hieronymi scripsisse videantur. *Quarò* quia Hieronymo (qui Scriptorum Ecclesiasticorum Catalogum texuit) Innocentio, Leoni, alijsque Sanctis Patribus incognitæ. *Quintò*, quia Dionysius Exiguus, qui tempore Justiniani scripsit, quique omnium Pontificum Romanorum constituta, Decreta, & Epistolas Romæ colligebat;

num-

numquam earum meminit ; sed initium à Siricio facit. *Sextò*, quia Legum Imperatoriarum verba, quæ in Codice Theodosiano habentur, usurpant ; cùm tamen ij Pontifices duobus aut tribus sæculis Codicem Theodosianum præcesserint. *Septimò*. Leo IV. Anno circiter 850 Epistolas Decretales diligenter enumerans, initium à Siricio facit. *Octavò* Codex Canonum Ecclesiæ Romanæ ex tribus vetustissimis exemplaribus transcriptus solas exhibet Decretales à tempore Siricij. *Nonò*, earum epistolarum argumenta, contra morem omnium Ecclesiasticorum Doctorum & Patrum, quis ijs sæculis scripsere ; omnino ijs temporibus non conveniunt, nihilque tradunt, quod controversijs, quæ ea tempestate agitabantur, accommodatum sit. *Decimò*, omnes ferè eorum Pontificum epistolæ falsis temporum, & Consulum notis consignantur. *Undecimò*, ipse Baronius & Bellarminus, imò plerique hujus temporis Auctores Apocryphas esse fatentur. *Duodecimò*, singulæ propemodùm manifestis erroribus scatent, v. g. Epistolæ Anacleti habent testimonia Damasi, Augustini, Idacij, Gregorij M. Gelasij, aliorumque, qui diu postea vixere. Agunt quoque de Patriarchis, quorum nomen primò audiri captum circa tempus Concilij Chalcedonensis &c.

Ergo. ut dixi, illæ primorum Pontificum epistolæ supposititiæ omnino videntur ; non ideo tamen contemnendæ auctoritatis ; nam, ut de Marca *lib. 3. cap. 5. § 1.* notat, è *sententijs & verbis legum, Canonum antiquorum & Sanctorum Patrum, qui quarto sæculo floruerunt, si pauca demas ; concinnatas esse constat* ; Et ideo Hincmarus Rhemenfis eas epistolas ad canones pertinere, nec canonum auctoritate præditas esse ; eas tamen magni facit ; ijsque

sæpe utitur, & cum Hincmaro tota ferè Gallia, teste eodem de Marca *lib. 3. cap. 6. §. 2.* Unde in Concilio Rheimensi Anno 902. Anacleti, Damasi, aliorumque Pontificum epistolæ expenduntur in causa Arnulphi. Ivo quoque Carnotensis suæ Canonum collectioni intexuit, quam ad Ecclesiæ Gallicanæ usum evulgavit circa Annum 1001. Agnovit etiam Concilium Aquisgranense circa Annum 836. Concilium Colonienſe Anno 887. Moguntinum Anno 888. Metense Anno 887. Triburiense Anno 895. Lateranense sub Calisto II. Anno 1122. Ex quibus constat, Decretales primorum trium sæculorum non esse quidem eorum Pontificum, quibus adscribuntur; magni tamen momenti, magnæque auctoritatis; quid enim refert, cui nomini tribuantur, si veræ sunt? nec interest, Apellem aut Parrhasiū Auctorem imago habeat, si pulchra est & placet.

Observandum quoque in utroque Libro, Regalis videlicet sacerdotij & Galliæ Vindicatæ, sæpe Ludovici Maimburgi (Societate tandem emissi) meminimus, qui varijs libellis editis auctoritatem Pontificiam deflorandam sumpsit. Quæ verò ab illo scripta sunt, utroque eo Libro refutanda nobis proposuimus; quippe veritati, sanctorum Patrum doctrinæ, exemplisque Ecclesiæ Catholicæ planè contraria. Quæ causæ huic homini fuerint, tam aliena ab instituto suo scribendi; tamque adversa ijs doctrinis, quas hætenus Patres Societatis & calamo & voce professi sunt, non habeo, ut dicam. Quamvis enim & in Regali Sacerdotio, & in Galliæ vindicata cum sinistris intentionibus abreptum dixerimus; quia tamen cogitationes, sinusque animorum ad solum Deum explorare pertinet; credendum est, persuasumque habemus, errore potius, rerumque Ecclesiasticarum




rum ignorantia, quàm malitiâ aut fraude destinatâ laborasse.

Sed præfertim, quæ in utroque Libro de Patribus Societatis dicta sunt; ea de aliquibus & particularibus tantum intelligi oportet; nullâ autem ratione de toto Societatis Corpore. Societatem enim ipsam quod attinet, tantum abest, eam Pontificiæ authoritati adversatam esse; ut potius dicendum sit, de tota Christiana Republica, ipsaq; Apostolica Sede optimè & hætenus meritam esse; & in hac ipsa causâ, quam præ manibus habemus, P. Tyrus Gonzales Societatis Generalis egregium opus quatuor Propositionibus Parisiensibus profligandis adornasse, typisque edidisse, quod tamen, ne in publicum prodiret, spes cum Gallo componendi effecit; ut taceam, insigne aliud opus P. Nicolai Pallavicini Innocentio XI. dictum. Ergo ut dixi, quæ ab aliquibus è Societate admixta sunt, in ipsam Societatem nulla ratione redundare possunt. Quamvis enim P. Zerle magnus Appamiarum Vicarius in Epistolis suis ad Pontificem Romanum datis aliqua recitet, quæ ipsum Societatis institutum notare videntur; crediderim, hæc illi (ut alijs quoque Sanctissimis Viris) calamitatum, quibus conflabatur; ac ardore disputandi excidisse, quæ pacato postea compositioque animo non scripta maluisset; cum alioquin & ex Sanctorum Pontificum Diplomatribus; & rebus toto Orbe præclarissimè gestis, ipsaq; experientiâ teste negari haud possit; Societatis institutum sanctissimum, optimeque de Republica Christiana meritum esse, hodieque mereri tot libris in omnibus scientiarum facultatibus eruditissimè scriptis; tot peccatoribus ad Christianam vitam revocatis; tot sacris expeditionibus in remotissimas orbis plagas pro Religione susceptis.

Quod

Quod si præterea in utroque Libro Galliae videlicet Vindicatae, Regalisque Sacerdotij; ac etiam illo, quo Legationem Lavardini prosequimur, aliqua in medium producta sint, quæ cujusque status aut conditionis hominibus damno aut etiam dedecori esse possint; ea in hac Editione consultò omittenda duximus; idem quoque in alijs Libris facturi, si recudentur; non enim pro personis bellum, sed pro causa suscepimus, quam ut optimam esse omnino persuasum habemus; & rationibus, quæ superari non possint, armatam; ita nemini noxiam esse volumus; juxtaque invictam & innocentem.





## PRÆFATIO.



*Orbis* Peris, quod suscepimus, & rationes, & causas tibi, Amice Lector, expandere animus est, ne aut illarum ignorantia aliter, quam cupimus, & res ipsa est, de hac scriptione sentias, aut earundem rerum crebrâ repetitione, & tibi fastidio simus, & ipsum disputationis cursum aliò flectamus. Primò igitur persuasum illud habe, nullo nos aut partium studio, aut odio in hoc stadium decurrissè: Animum affectibus liberum pacatùmque, & calamum juxta innocentem, ac nullis conductum stipendijs, nullis obstructum premijs ferimus, solique Veritati militamus. Nec Roma, nec Parisijs degimus, nec lasi, nec amati, nec metu, nec pretio scribimus, tantiisque & hinc Tyberi, & hinc Sequanâ spatijs dividimur, ut parùm interesse nostra debeat, utri magis, Lupara an Vaticano, placeamus; in solam quippe Veritatem intenti, & ab hac una gratiam relaturi, Cælo teste, pugnamus. Enimverò si quatuor illa propositiones nuper in Conventu Parisensi edita, Regijsq; edictis armata intra Galliam stetissent, nec eò devolâssent, ubi hæreticis cingimur, præpotentibus aquè ac Papæ infestis, silentio rem premi decussisset, Galloque eam curam relinquere, ut sedem, quam calamo infestabat, imperio & potentia adversus sui Regni hæreticos tueretur, paucos debilesq;: Nunc verò ubi doctrina Parisijs deprompta, totum Orbem pervasit, tantùmque abest, hæreticos (quod tamen propositionibus illis prætexitur) circumscriptâ

Pontificis auctoritate molliri, nostrasq; in partes trahi; ut potius Catholicos rideant, Pontificia Majestati à suis tentata illudant: Triumphum de Gallis ipsis, & Ecclesiastico præsertim ordine agant, quos in suam tandem sententiam descendisse dicunt, quam tot retrò annis præcinnuerant: evadantque tanto fructiores, alienique à Catholicorum Religione, quòd victos hos, victores se credant. Stupidi planè gelatique animi fuisset, silentium tenere, & insultante parantèque triumphum hoste, eam causam deserere, quâ nulla melior, nulla aequior, nulla firmior fuit. quæque nisi Scripturis, Canonibus, Patribus, Concilijs, sacris Doctoribus, antiquitate, usq; perpetuo, ac ratione calcitrâ deferri non potest. Quid ergo? Illi malam causam nullis Scriptura, nullis Patrum suffragijs nixam, tanto apparatu, tanto studio curaque muniant, nos nostram tanto meliorem negligamus, & cui omnia probationum, & veritatis adminicula, quæ ad certissimam causam victoriam optari possunt, præsidio sunt? Illi nihil non agant, ut Regiam auctoritatem in immensum proferant? nos Pontificiam non tantum non proferri, sed in arctum cogi, in discrimen vocari patiamur, idque spectante, gestiente, insultante, & velut ad lectissimum spectaculum Calvino ludente? Enimverò non hanc Christianissimo Regi mentem esse credimus, ut ignaviam in causa Ecclesia probet, quam in alijs omnibus damnat: Et quos vellet, si Regno suo, sibi que periculum immineret, flammeos invictosque, eosdem cum de Pontificis Maximi, quem Patris loco reveretur, periculo agitur, inertes amet recordesque, & stupore quodam ac somno obstrictos: maxime cum non in Gallijs agamus, ubi & hæreticis nihil ultra Regiam voluntatem licet: Et Catholicis vitio veritur, si plus tribuant Pontifici, quàm Aula præscripsit: Nunc verò illic terrarum agimus, ubi nemo est, qui doctrinam Conventus Parisiensis æquis auribus audiat, ubi liberis vocibus uti licet, ubi hæ-

*hæreticos patimur & multos & præpotentes, ubi denique silentium non reverentia, non obsequio, sed malæ causæ adscribitur: Cur ergo taceremus in tanta loquendi necessitate, & ubi ipsa Gallia non tacuit? ab hac enim præcipua monumenta accepimus, quibus hanc nostram disputationem adornamus. Ecclesiam Gallicanam in quatuor ordines distinguimus. Primus Clerum, præcipuè verò Episcopos complectitur. Secundus sacros Doctores. Tertius Reges ipsos. Quartus Scriptores, qui historiam Gallicanam posteritati commendârunt. Istos omnes si ostenderimus in nostram sententiam convenire, (ostendemus verò) quæ erit tandem illa Ecclesia Gallicana, cujus nomine Adversarij gloriantur? ut videlicet, quod mercatores jam solent, spacioſo elogio merci nec nobili nec rara, pretium aliquod adjungant. Patres ergo Concilij Lugdunensis I. exauctorari à Pontifice Imperatores posse definiunt. c. ad Apostolicæ de sent. & re jud. Iidem Patres Lugdunenses jus Imperatorem eligendi Germania Principibus ademptum, ab Innocentio IV. PP. transferri in Septemviros patiuntur. Paris. in hist. Anglic. Idque & fieri potuisse, & ritè factum esse, Patres Concilij Viennensis fatentur. Clem. un. de jurejur. Patres Concilij Constantiensis, quos Galli unicè venerantur, Principibus imperant, pœnas statuunt, in ordinem redigunt, Provinciis spoliant. sess. 20. 28 39. 42. ult. Totus Gallia Clerus in Comitibus Parisiensibus sub Ludovico XIII. hanc ipsam in Reges potestatem Pontifici tribuit, & qui negant, acerbis censuris perstringit. Grammond lib. 1. S. Thomas, S. Bonaventura, S. Bernardus, Petrus Blefensis, Innocentius III. Clemens V. Doctores Galli, primaq; nota hoc ipsum & senserunt, & doctissimis commentariis illustrârunt. De Innocent III. Vide Maynburgum in historia belli sacri, Tomo 3 f. 31. & 223. ubi præclarissimis elogijs hunc Pontificem exornat. De Clemente V. vide Spondanum ad annum MCCCV.*

*Exempla Regum Francorum sunt quàm plurima : Childericus auctoritate Zacharia PP. Regno exiit. Pipino Regnum defertur, & ex Stephani PP. præscripto illi soli, ac Carolina stirpi Francia Proceres se obstringunt. Carolus M. à Leone Imperium Occidentis accipit. Ludovicus Pius Imperatori Græco coronam repetenti auctoritatem Pontificum opponit. Theodoricus & Brunshilda Francorum Reges privilegio subscribunt, cujus observantiam Regni jacturâ S. Gregorius sanxerat.*

*Philippus Pulcher sibi fratri vè Imperium Occidentis à Clemente V. reposcit. Episc. Meldensis Caroli VII. Regis Christianissimi nomine supremam in Pontifice potestatem, non in Concilio agnoscit, & qui illam Concilio tribuunt, vesanos turbidosq. appellat. Raynald. ad annum MCCCCXLI. n. 10. Carolus VIII. Romam cum exercitu ingressus, Imperium Orientis ab Alexandro VI. Pontifice petit obtinetq. accepto Zizimo Bajazetis fratre ejus expeditionis comite. Spondanus ad annum MCCCCXCV. Bzov. Ludovicus XII. Concilio Lateranensi, quo Basileensis acta rescinduntur, & potestas supra Concilium Pontifici asseritur, subscribit, illudq. legitimum ac universale agnoscit recipitq. Acta Concil. Sess. 8. En Lector, doctrinam, sensumq. Ecclesie Gallicane, cum qua si Conventus Parisiensis nuperas propositiones componas, merito dubites, an Galli fuerint, aut saltem, an Gallicana Ecclesia doctrinâ imbuti, qui illas ediderunt.*

*Quis enim in animum inducat, eam esse Gallicanam Ecclesiam, quæ cum Concilio Lugdunensi, cum Concilio Viennensi, cum Patribus Constantiensibus, cum Doctoribus Gallis, & celeberrimis, & sanctissimis, cum Cardinali Perroxio, totòque Clero Gallicano, & denique cum ipsis Gallia Regibus tam aperitè depugnat? Planè si hæc P. Ludovicus Maymburgus considerasset, aliter foritè, & moderatius quàm fecit scripsisset; de quo illud dici-*

dicimus, potuisse inter præclaros Scriptores aliquando censeri, si amantiam florémque Gallici sermonis, pari in sedem Apostolicam reverentiâ aquasset, nimiamque Aulam demerendi cupidinem prudentiâ vicisset: qua enim historico necessitas fuit, tot illas & perpetuas diversiones captandi, ubi dum præter professionem suamque institutum in arcana Imperij calamum mergit, seque regnantium litibus miscet, ac velut stipendio conductus, Pontificiam auctoritatem ex composito carpit; quid, rogo, aliud fecit. quàm ut sanguinantem adhuc plagam foderet, ut oleum flamma aspergeret, ut mutuos dolores silentio potius velut somno componendos, excitaret, ut fidem candoremque, & animi aequalitatem historico dignam seponeret? Tanti videlicet fuit ingenium ostentare, & oculis nova præ veris deamantibus præplacere? Quanto aquius erat, Ecclesiâ inter tot hæreticos obsessâ bello abstinere, eoque calamum ac ingenium vertere, ubi plus gloria, plus præmij, minúsque periculi ostendebatur. An verò potentissimi Regis causa tam mala erat, ut fragili eam calamo fulciri oporteret, & calamo Religioni, non Aula sacro, ubi tot alij non deerant? Ecquid tandem profectum est, nisi ut nullâ necessitate animi discordijs, Ecclesia turbis, Aula odijs, hæretici gaudio, omnes querelis futurique metu implerentur, excitatione in eos versâ, qui ut privatas cupiditates explerent, publica quieti bellum attulere. Sed quid querimur plagâ jam in sinum receptâ? Ergo illud agamus, ut iura offensa veritatis in lucem producantur. Deum pacis & veritatis precati, ut Concordiam faciat in Sublimibus. Documenta & Apostolicas litteras, quibus Præludium instruximus, à magno Principe, ac Roma notissimo, partim scripta, partim impressa accepimus; quæ proinde, quantam fidem merentur, Lectori permitimus.





REGALE SACERDOTIUM  
ROMANO PONTIFICI  
ASSERTUM, &c.

P R Æ L U D I A

IN

PRÆSENTEM TRACTATUM

§. I.

*Quid Jus Regalia, qua illius origo, progressus:  
qua causa, ut tam acriter impugnatum, de-  
fensumq̃, & rationes utrinq̃, productæ.*

S U M M A R I A.

1. *Causa scribendi.*
2. *Fructus Ecclesiæ vacantis de Jure Canonico ad Electos perti-  
nent.*
3. *Et Jure, & consuetudine, fructuum custodia ex S. Pontif. con-  
sensu Principibus secularibus competere potest: non tamen  
fructuum occupatio, & vacantium Beneficiorum dispo-  
silio.*
4. *Concilia Lugdunense, & Constantiense occupationem vacan-  
tium fructuum aliquando concedunt.*

s. Re-



*Praludia. §. 1. Quid Jus Regalia, quæ illius origo. &c.* 15

5. *Regum Gallia, Regnantis præsertim, circa Regaliâ Arresta, & Edicta.*
6. *Quæ ab Episcopis partim recepta, partim oppugnata.*
7. *Allectensi præsertim, & Apamiensi, eorûmq; appellatio Romanæ: & littera à Pontifice summo ad Regem, & Episcopos scripta.*
8. *Tempestas in Episcopum, & Ecclesiâ Apamiensem tota incumbit ignaro Rege.*
9. *Rationes à summo Pontifice contra Regaliâ productæ: & alia à Gallis opposita.*
10. *Querelis Romani Pontificis offensi Galli, Archiepiscopi præsertim Tholosanus, & Parisiensis, quibusq; ex causis? & Comitibus Parisios indicta.*
11. *Littera Romani Pontificis ad Regem Christianissimum.*
12. *Ab aliquibus inhumanitatis notata, sed imm. rito. quod ex alijs summorum Pontificum & Patrum ad Imperatores litteris ostenditur.*
13. *De Regalia, & juribus illi annexis, fusius differtur.*



I.

On in naturalibus tantum, sed etiam Politicis rebus multum interest, è quibus causis, quibusque principiis res aliqua proveniat, causarum indolem plerumque imitante effectu: enimverò quod ex impetu animi, turbatâque ratione initium habuit, raro est, ut intra justum, honestumque consistat, affectu videlicet dominante, & medium, aut modum virtutis perturbante: & miraculo planè, aut casui adscribas, si quod Amor, aut Ira consuluit, rectè provenerit, non minùs, quàm si navis remo, & rectore amissis inter ventos, procellasque portum, quò cursum flexerat, teneat. Hæc nobis causa fuit argumentum, quod præmanibus est, à principiis suis reperendi, lectoris postea judicio commissuri, ut examinatis causis de effectu pronuntiet, & florem, fru-

fructumque ex radicibus æstimet, quod in Jure nostro non est novum, ex Proëmio videlicet mentem, & intentionem ac causam finalem dispositionis colligi, animumque proferentis declarari. (a) Et eleganter notavit D. Leo Pontifex: *Principatus, quem aut seditio extorsit, aut ambitus occupavit; etiamsi moribus atq; actibus non offendit, ipsius tamen initij sui est perniciosus exemplo.* • Et difficile est, ut bono peragantur exitu, quæ malo sunt inchoata principio. c. Principatus. 1. q. 1.

II. Jus ergo Regaliæ nihil aliud est, quàm jus quoddam custodiæ; & depositi; cùm videlicet vacante Ecclesiâ aliquâ, fructus interim, qui proveniunt, Principibus loci custodiendi, aut in depositum committuntur, quos Electo postea Ecclesiæ Pastori integros restituant. Sic enim sacris Canonibus statutum est, ut fructus Ecclesiæ vacantis Electo, non alteri cedant, nec possint alienari. (b) Dabimus aliquot textus, ut res evadat clarius: Sic ergo Alexander III. Cantuariensi Archiepiscopo, ejusque suffraganeis loquitur: *Fraternitati vestra mandamus, quatenus si quando in vacantibus Ecclesijs, in quibus Ecclesiastica persona presentationem non habet, vel quia persona minù idonea presentatur, vel alia de causa de jure personas non potueritis in eis instituere: appellatione remotâ ponatis æconomos, qui debeant fructus percipere, & eos aut in Ecclesiarum utilitatem expendere, aut futuris personis fideliter reservare.* c. cum vos plerumq; 4. de offic. Jud. ordinarij. Et Bonifacius VIII. *Quia sæpe contingit, quod Cathedralibus, & Regularibus, ac Collegiatis Ecclesijs vacantibus, Capitula, Conventus, Collegia, & singulares earundem persone bona à Prælati ipsarum dimissa, vel vacationis tempore obvenientia, quæ in utilitatem dictarum Ecclesiarum expendi, vel futuris deberent successoribus fideliter reservari, occupant; & consumunt in earum grave dispendium, & jacturam. Nos ipsorum ausus reprimere, ac Ecclesiarum indemnitatibus præcavere volentes, decernimus, ut ij, qui præmissa de cætero præsumperint, eo ipso sint, & tamdiu maneant ab officio, & beneficijs quibuscunque suspensi, donec plenè restituerint, quidquid de bonis perceperint supradictis, non obstantibus quibuscunque privilegijs, consuetudinibus, vel statutis juramento, confirmatione Sedis Apostolicæ, aut alia quacumq; firmitate vallatis, quæ omnia Apostolicâ auctoritate revocamus.* c. quia sæpe 40. de Elect. in 6. Eadem ferè disponit Gregorius X. in Generali Concilio Lugdun.

Olim

(a) De quo vide Barbofam axiomate. 192.

(b) Vide c. 38. causa. 12. q. 2. c. non liceat. 43. & 47. causa. 12. q. 2. c. quoniam. 2. dist. 75. Concilium Trident. Sess. 24. de reformat. c. 16. quæ capitula ex Concilijs Ilerdensi, Chalcedonensi, & Lateranensi desumpta sunt.

Olim ergo, ut ex allatis textibus constat, vacante sede Episcopali unus ex Provincialibus Episcopis à Metropolitano eligebatur, qui vacantem Ecclesiam regeret, quem veteres *Intercessorem* vocabant, aut etiam à summo Pontifice in Italia Visitator decernebatur, qui vacanti Ecclesiæ præesset, Et tamen inter tot sacrorum Canonum præsidia impediri non potuit, quin in omnium vacantium Ecclesiarum custodiam, & fructus involaretur. Audi Flodoardum in *calce Historia Rhemensis*, & Rigordum Anno Christi 1190. *Si forte contigerit sedem Episcopalem vel aliquam Abbatiam Regalem vacare, Regina, & Archiepiscopus tamdiu regalia in manu sua teneat, donec Electus consecratus sit, vel benedictus.* Idem jus custodiæ, seu Regaliæ ab Angliæ Regibus usurpatum refert Guilielmus Rufus in *Chronico* 1089. & Mathæus Parisiensis ad eundem annum: Rex, inquit, *Wilhelmus, defuncto Venerabili Patre Landfranco Cantuar. Archiepiscopo, Ecclesias, & Monasteria fere totius Angliæ in manu sua, defunctis Pastoribus, retinens, gravi omnia depopulatione vastabat, & instar firmarum Laicis commendabat.* Idem de Orientis Imperatoribus narrat Zonaras tom. 3. *Annalium*, & Balsamon in c. 35. *sexta Synodi Trullensis.* Idem de Ducibus, & Comitibus Galliæ, & Britannię habet Dandinus *Alteserra* l. 2. *de Ducibus.* (a)

III. Duo igitur complectitur jus Regaliæ. Primò custodiam; deinde fructuum occupationem. Hanc, ut diximus, jura non tantùm severè prohibent, sed etiam eos, qui usurpant, anathemate feriunt, ut patet ex allatis textibus. Ipsam verò custodiam tam jura, quàm consuetudo Patronis etiam Laicis aliquando concedunt: jura quidem: quia Laicis Patronis permittunt, ut possint honestam conditionem Fundationibus adjicere, qualis est custodia Ecclesiæ vacantis. Quid enim æquius, quàm ut rebus tuis modum aliquem adjicias, & donato Ecclesiæ patrimonio, defuncto illius Episcopo, solam tuendi curam tibi reserves? Nemo planè ingentes facultates hac conditione sibi donatas respueret, nec donatorem injuriæ appellaret. (b) Imò etiam pensiones ab Ecclesia solendas cum Episcopi consensu reservare sibi possunt. c. *præterea* 23. *de jure Patronatus* (c) Consuetudinem verò admittunt multi gravesque Auctores, & ea summorum Pontificum venia etiamnum in Hispa-

C

nij

(a) Vide Gonzalez. ad c. 4. de officio ordin.

(b) Vide inter Textus in c. decernimus 16. q. 7. c. cum dilectus. 8. de consuetudine, ubi Abbas. c. verum de conditionibus appollitis. Trid. c. 24. de reformat. c. 3. & sess. 25. c. 9.

(c) Vide Glossa in c. generali 13. de Elect. circa finem.

nijſviget, (a) modò, ùt diximus, fructus, aut alia vacantis Eccleſiæ jura ſibi non vendicent, alioquin graviffimis pœnis à ſacris Canonibus multantur; imò jus patronatûs amittunt. (b) Et meritò quidem: qui enim cuſtodiam habent, cuſtodire debent, non conſumere, ut dicitur in l. Ii cui §. ff. ut in poſſeſſionem legat. §. 22. Multò minùs conceſſa eſt Patrono obtentu foundationis aut dotationis, Beneficiorum vacantium collatio. c. relatum, de jure patronatûs. Trident. ſeſſ. 22. c. 11. de reformat.

Ergo, ùt dicebamus, Principibus & Patronis, tam jus, quàm conſuetudo cuſtodiam vacantis Eccleſiæ permiſit: ſed illa paulatim in lucrum, & ſpolia ceſſit; & quæ prius cuſtodia dicebatur, cœpit Patrimonium eſſe, dilatante terminos cupiditate. (c) Principes ergo, quibus jus Regaliæ, & cuſtodix competeſcit, non ſolùm vacantis Eccleſiæ decimas, oblationes, legata pia, aliòſque proveniunt diſpenſabant, ſed etiam canonicatus, & beneficia interim conferebant; in quam nimis præſidentem licentiam à ſanctis PP. acriter eſt declamatum, ùt videre eſt in literis Formoſi Papæ ad Fulconem Archiepiſcopum datis, & apud Innocentium III. in Concilio Lateranenſi c. 12. de pœnis.

IV. Hæc, quantumvis ſic ſe habeant, cum moderatõe tamen aliqua intelligenda ſunt: ſi enim Patronus Laicus tempore foundationis, aut dotationis ex fructibus Eccleſiæ penſionem aliquam reſervâſſet; (d) Aut antiquâ conſuetudine jus percipiendi fructus in vacante Eccleſia obtinuiffet; nolebant jura patronis quicquam derogari, cùm Eccleſiæ interſit, eorum liberalitatem Beneficijs potiùs provocare, quàm decretis conſtringere, & ſunt expreſſi textus in c. præſentis §. de offic. ordin. in 6. Sed præſertim in Concilio Lugdunenſi ſecundo ſub Gregorio X. Anno MCCLXXIV. celebrato; ubi Eccleſijs juxta, & Eccleſiarum Benefactoribus conſultum eſt jure Regaliæ, & vacantium fructuum Principibus quidem conceſſo, ſed etiam temperato: ſtatuit enim, ut graviffimis pœnis etiam excommunicationis latæ ſententiæ in eos animadverteretur, qui jus Re-

(a) Teſte Gonzalez. de offic. jud. ordin. c. 4. n. 6.

(b) Vide c. filijs 16. q. 7. c. præterea 4. de jure Patronatûs. Trid. ſeſſ. 25. de reformat. c. 9.

(c) Vide Flodoardum l. 4. Hiſtoriæ Rhemenſis. c. 2.

(d) c. 23. de jure Patronatûs. Gloſſa in c. generali 13. de Elect. in 6. circa finem.

Regalix hæcenus non obtentum de novo invaderent, qui verò titulo foundationis, aut antiquæ consuetudinis jam olim illud possedissent, non quidem turbarentur, abusus tamen abstinere: Verba Concilij sunt: *Generali Constitutione sancimus universos & singulos (qui Regaliam, custodiam, sive guardiam, advocacionis seu defensionis titulum in Ecclesijs, Monasterijs, seu quibuslibet alijs pijs locis denovo usurpare conantes, bona Ecclesiarum, Monasteriorum, aut locorum ipsorum vacantium occupare præsumunt) quantacunque dignitatis honore præfulgeant, Clericos etiam Ecclesiarum, Monachos Monasteriorum, & personas ceteras locorum eorundem, qui hoc fieri procurant: eo ipso excommunicationis sententia decernimus subjacere. Illos vero, qui se (ut debent) talia facientibus non opponunt: de proventus Ecclesiarum, seu locorum ipsorum pro tempore, quo præmissa sine debita contradictione permiserint: aliquid percipere districtius inhibemus. Qui autem ab ipsarum Ecclesiarum, ceterorumque locorum fundatione, vel ex antiqua consuetudine jura sibi hujusmodi vendicant: ab illorum abusu sic prudenter abstineant, & suos ministros in eis sollicitè faciant abstinere, quòd ea, quæ non pertinent ad fructus, sive redditus provenientes vacationis tempore non usurpent: Nec bona cetera, quorum se asserunt habere custodiam, dilabi permittant, sed in bono statu conservent. c. generali. de Elect. in 6. Nota: Hoc ipsum Lugdunense Concilium receptum fuisse, & observari jussim in Concilio Provinciali Salisburgensi Año 1274. cujus Provincialis Concilij hoc est initium: *Ad honorem & gloriam Sponsæ Christi, & fidei Christiana, Nos DEI Gratiâ F. S. Salisburgensis Ecclesia Archiepiscopus A. S. L. Leo, Petrus, Bruno, Wernardus, & Joannes Ratisponensis, Passaviensis, Brixienfis, Seccoviensis, & Chiemensis Ecclesiarum Episcopi in Provinciali hoc sancto Concilio congregati, &c. (a) Eadem fere est Concilij Constantiensis sententia, quod sess. 43. S. de fructibus percipiendis, sic loquitur: *Fructus & proventus Ecclesiarum, Monasteriorum, Beneficiorum vacationis tempore obvenientes juris & consuetudinis, vel Privilegij dispositioni relinquimus. Hoc est ergo illud jus Regaliæ à sacris Canonibus partim, ut ostendimus, permixtum, partim damnatum, tantaque animorum contentione, ac partium studijs in Gallia defensum, Romaque oppugnatum, & justâ forsan utrinque ratione, si abusum excludas. Sed difficile est magnam potentiam intra limites coërrere, magnoque flumini, ne exundet, ripas præscribere; parva siquidem continentur, sed plena excurrunt.***

C 2

V. In-

(a) Reperitur hoc concilium Tom. 3. p. 2. Concil. General. SEVERINI BINIJ ad Concil. Lugdunense. 2. mihi fol. 1498. colum. 2.

V. Inter primos, quibus Regaliæ, aut custodiæ jus à multis retro sæculis quæsitum est, merito Galliæ Reges adnumere; qui & Imperij potentiâ, & rerum gestarum magnitudine, & ingenibus in Ecclesiam meritis illud affecuti sunt, ut præclarissimis elogijs à Summis Pontificibus ornarentur, in quos ipsi tot beneficia contulerant: Gregorius Regem Galliæ *Christianissimum* dixit: Innocentius IV. *Catholicum Principem*: Urbanus IV. *Principem inclitâ devotione præclarum*: Honorius III. *Murum inexpugnabilem Populi Christiani*, teste Chopinol. 1. *De sacra politia* titulo 3. Stephanus III. in celebri epistola ad Pipinum data apud Baronium ad annum, 755. *Super omnes inquit, gentes, quæ sub cælo sunt, vestra Francorum gens Apostolo Dei Petro prima existit: quia secundum promissionem, quam ab eodem Domino, & Redemptore nostro accepimus, peculiare inter omnes gentes vos omnes Francorum populos habemus.* Et apud Bzovium l. de Pontif. Rom. c. 47. Idem Stephanus Pipino Regi sic benedicit: *Benedictus es eximie fili à Deo excelso, qui fecit cælum & terram: & benedictus Deus, quo protegente in manibus Tuis hostes sunt: Benedicat Tibi Dominus, pulchritudo justitiæ, & Tuos amantissimos Natos, meosque spirituales filios à Deo institutos Reges Francorum, & Patris Romanorum cum Christianissima eorum matre excellentissima Regina tueatur, & in omnibus protegat. Dilatet Dominus semen vestrum, & benedicat in æternum, atq; solum Regni fruendum perenniter concedat.* Ergo, ut diximus, inter tot alia privilegia etiam illud Regibus Galliæ concessum est percipiendi vacantis Ecclesiæ fructus, ut patet ex Bullis SS. PP. Innocentij I II. Clementis IV. Gregorij X. Et aliorum in libro Gallico, cui titulus: *Prenues des Libertez de l'Eglise Gallicane.* Sed cum dubitari cæptum esset, an jus illud ad omnes Regni Ecclesias extendi posset; re in Parliamentis agitâ, sub Henrico Magno, cum jam Ecclesiæ Romanæ, abjectâ hæresi, accessisset, definitum; esse universale, & ad omnes pertinere. Intercesserunt continuè Episcopi longi temporis exemptionem causati; quorum precibus, allatisque rationibus datum, ut sententia non revocaretur quidem, sed executione interim suspensâ, quiesceret. Ita 60. annis cessatum, nisi quod Ludovico XIII. Regnante, lis aliquoties gliscere visa, iterum consedit. Successit Ludovicus XIV. Qui rem finiri aliquando volens, coactis, uti dicunt, pari doctrinâ, & virtute Proceribus examinandum argumentum hoc dedit, eoque discusso Arrestum anno M. DC. LXXIII. Febr. XII. è Regio consilio prodijt, quod ad omnes Regni

Regni Ecclesias extendebatur, non tam novâ sententiâ latâ, quàm confirmatâ Henrici Magni antiquâ, imperatâque executione.

VI. Varios in Ecclesiarum prælatis affectus Regium edictum aut excitavit aut prodidit; alijs per occultas querelas dolorem restantibus, alijs, & plerisque Regiæ voluntati obsecutis, quod nihil crederent à tam æquo Principe iniquum imperari posse; præsertim cum speciosissimæ rationes Regaliam adornarent: facileque non improbis solum, sed etiam æqui amantibus imponebant; hinc si Regi obedirent, propositum præmium; inde facies honestatis tot coloribus picta: quæ causa fuit, ut complures potentiori causæ subscriberent.

VII. Duo Episcopi tamen infractis animis in aciem prodire, & ministris Regijs libertatem Pastoribus dignam opponere ausi sunt, Apamienfis scilicet, & Alecensis; qui, cum suas Ecclesias à longissimo tempore, & ultra memoriam hominum Regaliæ oneribus exemptas esse dicerent, negabant, nisi calcatâ immunitate Ecclesiasticâ, gravari posse. Et, cum à Regijs non audirentur, nec Metropolitani, quos in clamabant, succurrerent, urpote qui causam Regiam tuebantur, ad communis omnium Matris, hoc est, Romanæ Ecclesiæ sinum confugiunt, eamque appellant. Admissa est à Romano Pontifice appellatio: Cui, cum Episcoporum, qui certatim, & undique impetebantur, calamitas vehementer doleret, ad Regem Galliæ humanissimis scribit, quibus, *ut ab inceptis desistat, hortatur; alijs tot prælarè gestis hoc etiam addat, ut turbata Ecclesia pax redeat: hoc unum deesse, quo majorum gloriam exaquet, sanctæ, toto orbe volantis magnitudinem expleat.* Additæ ad Episcopos litteræ, quibus officij sui in tuendâ Ecclesiarum libertate, componendisque, qui gliscebant, tumultibus admonebantur.

VIII. A Rege, quod mireris, benigniùs, quàm ab Episcopis responsum: nec tamen tempestas dissipata, quæ tora in Pastorem, & Ecclesiam Apamiensem incubuit: spoliatus beneficijs, & proveniuntibus, omnique ærumnarum genere exercitus, cum tamen constantiam non exueret, sed quâ verbo, quâ exemplo, libertatem suæ Ecclesiæ tueretur, fulminatisque censuris procul Regalistas arceret, animam tandem inter ærumnas septuagenarius posuit scripto priùs, missoque Regi libello, quod & persecutiones, quas injustè ignaroque Rege ferebat; & necessitatem, quâ divinam huma-



næ voluntati præponere cogeatur, cum præsertim juramento se devinxisset ad libertatem Ecclesiæ suæ tuendam: denique Regis periculum, si pergeret blandientium potiùs, quàm Episcopi vera momentis Consilium audire, adeò graphicè depingit, miscétque reverentiam Regi suo debitam libertati, & officio pastoralis, ut planè expressam in illo videas boni Pastoris ideam, qui animam suam ponit pro ovibus suis. Mortuo Episcopo Canonici Apamienfes alij exilio pulsì, alij reb<sup>9</sup> omnibus exuti, alij extrema passi speciem omnino primitivæ Ecclesiæ refert, apertòque velut theatro antiquas Martyrum pugnas, & triumphos seriò ludere videbantur, non alterius culpæ comperti, quàm quòd Papæ obedirent. Equidem credò æterno dedecore apud posteros laborabunt, qui tam sædo jamætos naufragio non tantùm non juverint, sed etiam prædati sint, aliorum lacrymis, & infortunio divites. Suspirabat ad hæc, quæ ad aures quotidie ferebantur, Romanus Pontifex, & cum aliter non posset, partim afflictos benignissimis litteris solatus est, partim reperitis admonitionibus Regium animum pulsabat, à quo tandem Estrensis Cardinalis Romam missus, qui cum Pontifice super Regalia conferret, & si æquis conditionibus posset, negotium componeret.

IX. Erit fortasse, qui scire rationes cupiat, quæ hinc Gallum movebant, ut Regaliam defenderet, inde Romanum Pontificem, ut oppugnaret: breviter illas expendamus. Ex parte Pontificis hæc dicebantur: *Jus Custodia, seu Regalia*, utpote contra *leges Canonicas, & Patrum Decreta* inducitur, extendi non posse, nisi quantum privilegia, consuetudo, & Ecclesiarum foundationes admitterent. Non hoc agi, ut Regi tam bene de Ecclesia merito hoc jus adimatur, sed tantùm, ut extra limites non excurrat: in ijs Ecclesijs, quæ jam olim hoc onus tulissent, pergeret Rex privilegio suo uti, illi modo abstineret, quæ hætenus immunes fuerant. Non posse Regem ullo privilegio, aut consuetudinis, & foundationis titulo eas Ecclesias occupare, quas recentibus victorijs Gallia adj. ctas, nunquam fundâisset, nunquam possidisset; cur ergo in istas pedem profunderet? Concilium Generale Lugdunense in Gallijs celebratum, sanctèq; habitum terminos jam olim fixisse, quos egredi non liceat, ut videlicet *jus Regalia*, ubi hætenus longâ consuetudine obtinuerat, permitteretur, non tamen de novo, ubi non erat, induci posset, qui secus facerent, & facientibus non obstitent, anathemate & divinis ferirentur; hoc solum, nec aliud Romanum Pontificem velle; esset tantùm Lugdunensi Concilio locus, nec



amplius controversiam ullam fore. Ex Regis monumentis, observantia quatuor & ultra saeculorum, & celebriorum Gallia Jurisconsultorum testimonio satis constare, multas Ecclesias, & praesertim Apamiensem à Regalia fuisse immunem; cur istam aequè in servitutem raperent? defuturum partibus suis Papam, si hoc permetteret, nam exemplum in alias Ecclesias, Regesq; manaturum cum ingenti rerum sacrarum, & Episcoporum damno, idq; tanto magis, quod obtentu Regalia tot alijs abusus miscerentur. Non esse Regios decimis, oblationibus, pijs legatis, alijsq; proventibus contentos: nomine fructuum, collationes omnium beneficiorum (exceptis curatis) Canonituum, prabendarum Theologicalium comprehendendi, nec aliam institutionem, quam Principis placitum requiri: sic Ecclesiasticam disciplinam omnino everti: nec posse summum Pastorem, nisi officij aut immemorem, aut negligentem connivere; aliud esse jus Regalia, aliud abusus tam indignos; istos tollerent, & illud non impugnari.

Respondabant ex adverbo Galli: Regem nihil novi molitum, nec aliam, quam Regum praedecessorum viam insistere, eorumq; vestigia illi pro regula, & legibus esse. Jus Regalia sex jam saeculis, & multò ante Lugdunense Concilium immotum stitisse, nec posse tanto tempore firmatum sine injuria, & damno everti.

Non illud gratis, & precariò à Regibus obtentum, sed summis in Ecclesiam praesertim Romanam beneficijs: Inspicere tot Episcopatus in Gallia fundatos, dotatosq; ; tot feuda collata, tot templa, tot loca pia, tot prabendas, aliq; innúmera; haec omnia bases esse, quibus Regalia insistat, nec posse hanc Regibus adimi, quin omnia illa Regibus restituantur. Si deessent alia, hoc unum instar omnium fore, quod se, suaq; omnia, etiam Coronam, quam capite fervent, tuendis Ecclesijs earumq; juribus Reges addixissent, quantum hoc esset pramium tantis beneficijs? & tamen hoc ipsum clementia Regis multò minus, leviusq; effectum. Fuisse olim jus Regalia sic constitutum, ut tenerentur Episcopi Reges ad bella comitari, arma, pecuniamq; conferre, Aulam ipsam, militesq; hospitio excipere, multaq; alia praestare, nunc Episcopis remissa. Ipsos vacantium Ecclesiarum fructus sic à Moderno Rege distribui, ut tertiam partem Electis Pastoribus cedat; quod superest, non profanis usibus, sed hereticorum bono impendi, quid ipse Papa melius faceret? Laborare ipsum Regem, nec sanguini, nec thesauris in augenda Catholica Religione parcere, majori nescias fortitudine, an pietate; & Rome circa pauculos fructus tantum pulveris, & contentionis esse? Nihil ab ipso Rege decisum, sed Henrici Magni sententia locum datum esse, idq; non temere, & inconsultò, sed adhibitis peritissimis juxta, & aequi amanissimis, quosq; ipsi Episcopi judices optassent. Nihil amplius à Rege fieri potuisse, quo conscientia sua consuleres: ab istis jus  
Rega-

Regalia illimitatum, ac universale, & in omnes Ecclesias extensum agnoscere ipsos Episcopos, virosq; Religiosos, extra paucos certatim subscribere: non posse sibi Regem persuadere, parvis & doctrina, & pietatis viros aut velle, aut posse falli, solemq; Roma tantum, non Parisijs illucere. Falli omnino, qui crederent fuisse Ecclesias aliquas Regalia non obnoxias: Regum enim indulgentiâ, non jure aliquo, aut privilegio libertatem consecutas: quis nesciat gratias non praescribi? Id ipsum Episcopos intellexisse, qui per annorum intervalla hanc immunitatem à Regibus peterent, nunquam petituros, nisi debitum agnoscerent. Jus hoc custodia, & occupandorum fructuum Corone innexum esse, & à nullo Regum alienari posse, remittiq; & si qui praedecessorum remisissent, potuisse id facere, quoad viverent, seque ipsos tantum, non successores obstringere. Nihil aliud Regem quam sua petere, nec de lucro, sed dignitate certamen esse, nec sibi minorem, quam Papa necessitatem incumbere jus Regale, quod à Majoribus accepisset, tuendi: hoc enim, cum thronum conscenderet, jurasse, & hanc ipsam Religionis esse causam, juramenta servare.

Lugdunense Concilium quod attinet, illo potius causam Regis adjuvari, quam opprimi, cum antiquis possessoribus Regaliam confirmet, & illud tantum vetet, ne ab alijs usurpetur. Mirum esse, Episcopis omnibus Regiam causam probantibus duos solum, Apamiensem, & Aletensem adversari; quasi verò aequum videri possit, ut omnium auctoritas, & sententia duobus cedat, assurgatq; & aamen utriusq; contumaciam Romanum Pontificem haud latere, qui in causa Jansenij duobus Summis Pontificibus Alexandro VII. & Clementi IX. pertinaciter obstiterint, nec Amicorum aut precibus, aut rationibus flecti prius potuerint, quam armatum Vaticanum viderent, & fulmen eminens coruscare. His ergo tam paucis, tamq; obstinatis nec minus Roma, quam Gallia molestis major fides habenda esset, quam alij omnibus? habere Gallicanam Ecclesiam, quod merito doleat, si Pontifex Maximus Prælatos doctrinâ, & virtute, tantoq; numero insignes duobus illis non tantum aequet, sed etiam posthabeat. Denique Concilio Lugdunensi definitum esse, jus Regalia tunc ab ijs possideri, qui longâ consuetudine, aut privilegio munirentur: solam ergo questionem facti superesse, an longa hac consuetudo omnes Gallia Ecclesias occupasset: hic de facto, non jure certari, & proinde ad solum Regium Senatuum sententiam pertinere, cum nihil sacri admixtum habeat: & merito calumniatores esse, qui propterea dicant turbari à Rege Ecclesiasticum forum, cum ad hoc juris tantum quaestiones pertineant, qua nulla hic vertitur, utpote in Lugdunensi Concilio jam finita.

Ad has Gallorum exceptiones alix à Pontificijs oppositz. Ex-  
tra lineam esse, qua à Gallis dicerentur, nec ad materiam, de qua agitur, per-  
tinere. Pontificem Maximum nec tam ignarum esse, nec tam ingratum, ut  
quantùm Gallia Regibus debeat, aut nesciat, aut neget. Beneficia, qua in Ec-  
clesiam Romanam contulissent, nunquam effluxura; & quàm aliè Romani  
Pontifices memoria illa inscripserim, testari tot privilegia, indulta, gratias,  
aliq̃, quàm plurima, qua Reges vicissim à Christi Vicario acceperint. Cæ-  
terum donato etiam totius Orbis Imperio, & Coronâ, quam capite Reges ge-  
scent, nunquam effecturos, ut officio, & partibus sibi à Christo impostis, sancto-  
que juratis Pontifex Romanus deesse possit. Non privilegia, non consuetudi-  
nes, non libertatem, non Regaliam denique ipsam impugnari, sed abusus tan-  
tùm, quibus Regalia nomen imponant. Collationes beneficiorum invadi, im-  
pediri Canonicas Institutiones, jus custodia, & fructuum occupandorum ad Ec-  
clesias extendi omnium testimonio liberas, exemptasq̃; & hoc ipsum custodia  
jus tanquam Corona proprium, innatumq̃, non verò à summis Pontificibus  
acceptum palàm jactari. Episcopos, qui ausis tam indignis se opponant, tan-  
quam perduellionis reos toto Regno agitari, & quod in sinum communis Ec-  
clesia Patris lacrymas suas, & querelas effundant, in exilium, & ad penas  
rapi: Libertatem denique Ecclesiasticam sic deleri, ut vestigium ejus vix ali-  
quod appareat. Hec quâ ratione, quo privilegio, aut consuetudine excusari  
possint? has Pontificis Romani querelas, non alias esse; nec ad istas prius à  
Gallis responsum iri, quàm sacrorum Canonum, Ecclesiâq̃, disciplinâ penitus  
oppressâ. Non hac in angulis & occultis fieri, ut ad illa credenda opus ha-  
beat Pontifex Maximus duorum Episcoporum testimonijs, Apamiensis videli-  
ceti, & Alciensis. N. mis hac aperta, soliâ, exposita esse, ut ab aliquo igno-  
rari possint, multoq̃ minùs ab illis, qui in fastigio Ecclesia velut speculâ positus  
orbem circumspicias. Nihil ergo Gallos agere, dum privilegia, dum consuetu-  
dines, ipsûmq̃, Lugdunense Concilium sua causa præexant: Nihil istorum à  
Romano Pontifice oppugnari, nec antiquos terminos convelli, sed novos tantum  
abusus, quos nulla consuetudo, aut privilegium purgare possit, damnari: hos si  
tolant, pacem cum Christo, ejusq̃, Vicario, nec aliter fore.

Hæ, ut credimus, potissimæ rationes erant, quibus utrinque  
pugnabatur: alia non tam ex solido, quàm declamantium more,  
& pro singulorum affectu producta, omnibus, ut fieri amat, dicere  
aliquid volentibus. Nos potiora selegimus.

X. Romæ interim, dum gliscenibus turbis remedium qua-  
ritur, pejora in Gallijs agitabantur. Exacerbaverant Episcopos va-

rix Pontificis querelæ, missique libelli, & quod mireris, illos maxime offendit, quorum causæ tam ardentè studebat. Notabantur Romæ Gallicani Pastores tanquam officij sui negligentes, desidesque. Si animosè principiis obstitissent, Regem veneratione Sacerdotum jam dudum alium fore, nunc verò eorum conniventiam, & blanditijs, qui mederi debebant, plagam incruduisse, & extra remedium esse, non tam aegroti, quàm Medicorum culpâ.

Querelis accesserant anathemata, & censuræ, quibus Regalistræ omnes petebantur, & nominatim Tolosanus Archiepiscopus: atque, ut infortunia raro sola, sed catenatim incedunt, aliud evenit, quod Archiepiscopum Parisiensem vehementer incitavit. Haud procul Parisijs in paupere Monasterio sanctimonialis ex Ordine D. Augustini degebant, quibus mortuâ, ut vocant, Matre, aliam Archiepiscopus præfecit; hæc paulò post è vivis sublatâ, alia iterum ab Archiepiscopo iussæta, sed Religionis, & habitûs alterius, ac cum titulo Abbatisæ perpetuæ. Dolebant sacræ Virgines sibi Electionem ademptam, & contra Regulæ Decreta, longasque consuetudines Matris titulum in Antistitæ mutatum, nec singulis triennijs, sed perpetuò datam. Archiepiscopo igitur supplicant, dignetur Antistitam aliò movere, & quam vellent eligi, permitteret: rejectæ preces obtentu Regij Chirographi, & necessitate collapsas Monasterij facultates per Abbatisam reparandi. Romam ergo confugiunt: illic auditæ, Decretum Matrem aliquam liberè eligendi impetrant, omnique obedientiâ in Antistitam solvuntur. Hinc enim verò ab Archiepiscopo, alijsque Galliæ Prælati querelæ. Exacerbatis ergò animis, & in communem causam sociatis facile fuit, eam tempestatem cogi, quæ postea erupit; easque propositiones constari, quæ adversus Romanam auctoritatem præsidio essent, si aliqua, quæ Gallis displicerent, imperâset.

Hic contentionis hujus ortus, hic progressus fuit, exitu adhuc pendente. Hinc in multis Galliæ Prælatos Romani Pontificis indignatio, & in Gallis par indignationis offensa. Ex hac non dicam vindictæ, sed injuriæ, ut putabant, arcendæ causâ, Parisios Comitibus indicta, & in Comitibus propositiones contextæ, quæ infra producentur.

XI. Cæterum, ut, quæ hætenus diximus, evadant clariora, Pontificis Romani ad Regem Christianissimum Diploma subjungimus.

Pri-

## Primum Breve Apostolicum.

*Ludovico Francorum Regi.*

**J**Am pridem inaudivimus, non deesse Majestati Tuæ Consiliarios, & administratos, qui tibi persuadere niterentur, ut usum illum antiquum custodires, fructuum vacantium Ecclesiarum, quod Regaliam vocant, ad eas quoque Regni tui Ecclesias extenderes, quas illi juri obnoxias nunquam fuisse, vel ex ipsis Fisci Regij tabularijs liquidò constat. Sed Nos memoriâ repetentes omnem de hac re controversiam, communi olim Ecclesiæ Catholicæ consensu, & benignâ Sedis Apostolicæ indulgentiâ providè, sapienterque compositam fuisse in Generali Concilio Lugdunensi, minimè ad credendum adduci poteramus, Majestatem Tuam consilij hujusmodi aures præbitorum aliquando esse, multò minùs ad moturam operi manum, invitâ Synodo tantæ apud universam Ecclesiam auctoritatis, & reclamantibus constitutionibus, & exemplis Regum Majorum tuorum, qui constitutionem in eadem Synodo ad preces Regias. Regijs Legatis, præsentibus, in ipsa Gallia, & totâ Gallicâ Gente efflagitante, sancitam per integrum quatuor ferme seculorum spatium certatim probârunt, observaruntque, & præcipuo in honore semper habuerunt; nec vero simile videbatur Majestatem Tuam, postquam tantum sibi apud Deum meriti, & apud homines gloriæ maximis pro Religione Catholica rebus gestis comparavit, ut nullius Majorum Tuorum Regum clarissimorum memoriæ pos-

sis invidere, vellerem aggredi, quæ, nullâ vel urgente necessitate, vel aequitate suadente, magnum esset quàm plurimis Galliæ Episcopis, eorûnque Clero incommodum, & justum dolorem allatura, non sine gravi Catholicorum omnium sensu, qui in Francorum Annalibus, & in sacrorum Canonum Statutis animadvertunt, quantum id veteri consuetudini, & Ecclesiasticæ libertatis, ac disciplinæ rationibus adversetur. Unde plerique tum veteres, tum recentes Galliæ scriptores, quantumvis Majestati Tux & imperio subessent, & auctoritati magnitudineque impensius studerent, in eos, qui præfatam Regaliæ extensionem suadere ausi fuerunt, tanquam in malæ, perditæque causæ Patronos, & favorem Aulæ captantes liberâ indignatione inveciti, stylum subinde strinxerunt; nullus vero Galliæ Regum vel tentare id voluit, vel tentatum exequi innuit, memor à sapiente præclarè præcipi: Ne transsumamus terminos, quos posuerunt Patres nostri. Illud præterea nos hujus periculi metu, curæque liberabat, quòd, cum Majestas Tua multis ab hinc annis hujus Sanctæ Sedis liberalitate aucta, ornatæque sit penè supra votum indultis amplissimis, præter ea, quibus etiam Reges Majores Tui ejusdem Sedis benignitate gaudebant, nominandi ad beneficia Ecclesiastica, putavissemus ipsam sanctissimi, sapientissimique olim Galliæ Regis exemplo cogitare potius de se tam gravi periculosâque sarcina exonerando, quàm novis inopundis rationibus Regiæ in sacros redditus auctoritatis amplificandæ. Sed ubi allatæ ad nos fuere b. m. Aletensis Episcopi litteræ, in quibus post debitas Religiosi in hanc sanctam Sedem obsequij, & filialis observantiæ significationes suas ad Nos querelas, quas propè jam moriens postea renovavit, ob Regaliæ usum in Diocesim suam,



suam, quæ ab eo libera semper fuit, nuper invecum deferrebat, unâque appellationem à sententia Metropolitani Narbonensis; deinde etiam edicti sumus idem Apamiensi Ecclesiæ pariter liberæ contigisse, ac tandem Galliæ Regni Ecclesiæ hujusmodi onere jubentur assuescere: mirari vehementer sumus Constitutionum Apostolicarum, & Generalium conciliorum Decretis, ac tam certâ, compertâque apud omnes veritate, & justitiâ potiores fuisse illorum conatus, qui terrena potius, & caduca, quàm cœlestia, & æterna respicientes, dum Majestatis Tuæ gratiam, potentiam amplificando, aucupantur, molestissimos Tibi, & valde periculosos conscientię terrores, quod Deus avertat, in id tempus præparant, cum in districto Dei judicio mortales omnes, quocunque tandem potentia & dignitatis loco sint, diligenter reddere debent omnis antea vitæ rationem. Nos itaque pro nostra non minùs erga æternam, quæ magnæ nobis curæ & est, & esse debet, Majestatis Tuæ salutem, quàm erga inelictum Clerum, & Religiosissimos Galliæ Præsules, imò erga universam Ecclesiam, cujus in hoc negotio procul dubio causâ agitur, paternâ charitate seriò admonendum Te, & vehementer hortandum, obsecrandumque judicavimus, ut à tam injustis ac perniciosis consilijs animum abducas: præfatis Alestensi, & Apamiensi, cæterisque Regni Tui Ecclesijs, quæ usui Regaliæ obnoxia non fuere, tuas libertates, atque immunitates tutas relinquant, ne eas de cætero ullo modo labefactari sinas, sed quidquid in contrarium hæcenus actum, tentatumque est, reparari, atque in pristinum statum restitui cures; nève cœlestis beneficentiæ fontem, quam subditæ Tibi gentes, pietatis inprimis, justitiæque suæ merito, sicuti credere nos juvat, experta

hucusque sunt, secus nunc agendo, & Dei, per quem regnas, Ecclesiam graviter lædendo obstruas, qui scias hujus quoque vitæ bona, & regnorum felicitatem, & incrementa à divina bonitate unicè dari, expectandaque esse, sicuti innumera omnium gentium, ac temporum exemplâ testantur. Nos sanè hos animi Nostri sensus in sinu tacitos continere non patitur, vel Nostri pastoralis officij ratio, cui sollicitudo incumbit omnium Ecclesiarum; vel justitiæ debitum, quo omnibus ad hanc Sedem ex veteri, justoque more, quem à nulla humana potestate impediri fas est, recurrentibus jus reddere, consilium, opem, ac paternum patrocinium præstare; vel denique necessitas occurrendi scandalo, quo Christiani latè populi ad tantæ rei exitum conversi afficerentur, si à laicali potestate Ecclesiæ, earumque Antistites, & ministri suis libertatibus, atque immunitatibus, earumque usu, & antiquâ concessione contra generalium Conciliorum Decreta, & veterem inconcussamque observantiam, spoliarentur, non alio prætextu, quàm novæ, & inauditæ opinionis nullo jure nixæ, cui nonnulli postea accesserunt, non quod aliquid novi afferrent, quod rei veritatem tam apertam posset in dubium revocare, sed ut rem suam agerent, nihil solliciti, si publica perderent. Speramus Majestatem Tuam causæ justitiæ, & æquitate cognitâ, quæ patet ipsa per se. Paternæ cohortationi, ac precibus nostris, pro spectata animi tui pietate, & sapientia, perpetuaque in hanc Sedem observantia auscultaturam, Nosque curâ non minùs molestâ, quàm necessariâ, inter tot alias, quibus circumdamur, liberaturam. Sanè si aliter suadentium consilia Majestas Tua paulò attentius excusserit, facilè intelliger, homines gratiæ & fortunæ inhiantes, obtentu Regiæ  
pote-



potestatis suam firmare velle; neque tam esse amplitudinis Tuæ cupidos, quàm laudis inimicos, ut qui ad omnem posteritatis memoriam illustribus factis Christianæ Reipublicæ salutem tueri, & Religionem amplificare tantopere studuisti in alienis terris, nunc à Te ipso quodammodo alienus, Ecclesiæ libertatem, auctoritatemque in tuis imminutam velis; quasi verò facile tibi persuaderi possent confidant, æquum esse, vel fieri posse, ut nobilitetur & crescat ex Ecclesiæ ruinis Imperium, quod Religiosissimi fortissimi que Reges Majores Tui mirifico in eandem Ecclesiam studio, & pari in Apostolicam Sedem pietate Tibi eorum vestigijs strenuè insistendi, amplissimum reliquerunt. Tu Reges eos, Fili charissime, vel etiam Te ipsum imitare, & eorum tuæque præclare facta in mentem revoca. Nos quidem oblivisci non possumus prædecessores nostros Romanos Pontifices, qui similibus de causis graves, ac diuturnas pati ærumnas, & immanes contentionum ac periculorum procellas, in eo confisi, qui mari ventisque imperat, invicto animo subire non dubitârunt. Hæc ad Majestatem Tuam inviti scribimus, qui in materia lætioris argumenti versari magnopere cuperemus, sed postquam Apostolicæ servitutis onus subeundo divinæ voluntati paruimus, liberum Nobis jam non est exequi nostram, quæ tuæ obsecundare quacumque in re vellet; sicut in pluribus, quas nobis ratio temporum, & publicæ pacis studium hætenus indulgere permisit, cognoscere potuisti. Significavimus hæc ipsa Oratori Majest. Tuæ nobili viro Duci de Estre, ut Tibi pluribus referret, itidemque venerabili Fratri Archiepiscopo Adrianopolis Nuncio apud Te Nostro, quem, ut de tota re disserentem diligenter, ac benignè pro more tuo audire velis,

velis, vehementer à Te petimus, ac Majestati Tuæ Apostolicam Benedictionem amantissimè impartimur.

## Secundum Breve Apostolicum.

*Ludovico Francorum Regi.*

**E**X litteris, quibus Majestas Tua ad nostras n. Martij datas respondit, & ex ijs, quæ ad Nos retulit venerabilis Frater Archiepiscopus Adrianopolitanus, eò rem adductam videmus, ut Nos vel officio Nostro deesse, retinendo verbum in tempore salutis, vel Tibi fortassè molesti esse cogamur. Sed dabis, Charissime Fili, Pastoralis officij debito, dabis paternæ sollicitudini, atque amoris in Te Nostro, si Te malè consulentium culpâ in summo æternæ salutis periculo constitutum videntes, opportunè, importunè instamus, & obsecramus, clarâ voce clamantes, ut è tam præcipiti loco pedem referas. Duo imprimis ut certa, atque indubitata affirmari cognovimus ex tuis litteris. Primum quidem Regiæ jus, uti nuncupant, in Ecclesias Galliæ universas Majestati Tuæ competere, tanquam Regiæ Coronæ insitum, & innatum; deinde clarissimos Reges majores tuos jus illud exercuisse, dum viverent, & ad Te morientes hæreditario ordine transmississe; quibus à Te creditis minimè miramur, si ad ea progressus fuisti, quæ talium principiorum consentanea erant. Verumtamen illa tam aliena à vero sunt, ut nihil magis. Nemo enim sanæ mentis, & doctrinæ ausit in dubium revocare, nullum sæculari potestati in res sacras jus esse, nisi quatenus Ecclesiæ indulsit auctoritas. Nunc autem non solum Galliæ Regibus non indulsit, ut Regaliam prædictam extenderent ad Ecclesias illi oneri non assuetas, sed

etiam

etiam id fieri apertè vetuit in Generali Concilio Lugdunensi, quod Gallia imprimis veneratur, & sanctum habet. Reges prædecessores tuos, quotquot fuere, ejusdem Concilij dispositionem religiosè semper, & per quadringentorum ferme annorum spatium custodivisse; & si quis eorum de illa confringenda cogitavit, remeliùs pensatâ, ab incepto destitisse audimus, in confesso esse apud omnes scriptores, præsertim Gallos, & Regia ipsa tabularia ad oculum demonstrare. Quamobrem pati non possumus, nec debem' Majestati Tuæ obtrudi errorem tam manifestum, tam conscientiæ tuæ, Tam Galliæ Regno, tam Ecclesiæ universæ perniciosum; semel enim admissa Majestati Tuæ licere adversus Generalis Concilij decreta, adversus Regum Majorum tuorum exempla, adversus ipsam rerum sacrarû naturam, & primogeniam Ecclesiarum libertatē, jus Regaliæ in eas quoque Ecclesias, quæ hujusmodi oneri obnoxia nunquam fuere, idq; palàm dissentiente, & reclamante, & ineluctabilem cœlestis iræ animadversionē multis cum lacrymis denuntiante Romano Pontifice, ad quem, sicuti vetus consuetudo poscebat, nonnulli Galliæ Episcopi à Metropolitanorum sententijs appellârunt; nemo non videt, quæ inde Ecclesiæ catholica deformatio, ac ruina, quæ sacrarum, ac profanarum rerum confusio, sublato quodammodo inter spiritualem, & sæcularem Potestatem pariete medio, sit consecutura, non in Gallia solùm, sed in omnibus alijs Christiani orbis Provincijs manante in dies latius exempli auctoritate. Accedet ad hæc, nisi error tam absurdus, ac tam certus corrigatur, gravis jactura, & periculum animarum in isto Regno: illi enim, quos Majestas Tua vacantium Ecclesiarum fructibus augebit, in quibus Ecclesijs jus illud locum non habet, cum progressu temporis, vel monitu Sacerdotum, quibus Arcana con-

scientiæ suæ detegunt, vel etiam ipsi per se, ut in re clara, & aperta viderint, in quos se laqueos induerint, & in quod animam suam perditionis æternæ discrimen adduxerint, tot censuris, adeoque tot Sacrilegijs obstricti, tot illicitè perceptis bonis Ecclesiæ, quæ restituere cogantur, incredibile dictu est, quâ animi perturbatione, quibus conscientia terroribus agentur, Regiam beneficentiam Tuam magni infortunij loco habituri. Quorum profectò malorum, & discriminum culpam, nisi providè arceantur, Majestas Tua haud dubiè in districto Dei Judicio sustineret. Vehementer itaque Majestatem Tuam rogamus, ut pro eximia animi tui æquitate, & sapientia rem seriò perpendas, ac si innumeris amplissimi Regni Tui negotijs impediris, quo minùs eam per Te cognoscas, viros aliquos non tam doctrinâ, quæ non ad eò magna requiritur ad hujus causæ cognitionem, quàm pietate fidèque præstantes, consulas, vel, si placet, evolvas acta ipsa Cleri Gallicani nuper impressa, quæ Tibi rei veritatem luculenter aperient. Quâ cognitâ minimè dubitamus, quin Majestas Tua illico declaret nihil Tibi majori curæ esse, quàm reddi Deo, quæ Dei sunt, à quotantas opes, tam splendidum amplumque Regnum, & omni Regno potiora tot præclara animi corporisque bona accepisti. Longiùs fortasse, quàm patitur, vel evidens causæ justitia, vel egregia virtus Tua, in hoc argumento immoramur. Verùm, non ut Te confundamus, hæc scribimus, sed tanquam Filium charissimum admonemus, animo reputantes, nihil prodesse homini, si universum mundum lucretur, animæ verò suæ detrimentum patiatur. Speramus, Charissime Fili, opus non fore, ut novis eximiam religionem, æquitatemque Tuam precibus in hoc negotio interpellemus; ea cæ-

tero,

terroque est rei magnitudo, & gravitas, in qua non Gallianæ solùm, sed totius Ecclesiæ dignitas, salusque vertitur, ut pro Apostolici officij nostri munere extrema omnia pati potius, quàm causam istam negligenter agere debeamus. Reliqua super hoc argumento accipies à præfato Nuncio Nostro, ac Tibi Apostolicam benedictionem perpetuo cum felicitatis Tuæ voto, conjunctam amantissimè impartimur.

### Tertium Breve Apostolicum.

*Charissimo Filio nostro Ludovico Francorum  
Regi Christianissimo Innocentius Papa XI.*

**C**harissime in Christo Fili: Binis jam litteris fusè, & luculenter ostendimus, Majestatem Tuam etiam in concordia ferè omnium Galliarum scriptorum testimonio, & ex ipsis Regij tabularij tui actis, quod esset Ecclesiæ libertati injuriosum, omni divino, humanoque juri contrarium, & alienum, & perpetuo Regum Majorum Tuorum more, & exemplo editum, septem ab hinc annis à Te decretum, quo consuetudinem illam custodiendi fructus, & vacantium Ecclesiarum, quam Regaliam nuncupant, ad eas quoque Ecclesias extendi jubes, quæ hujusmodi oneri numquam obnoxie fuere, in quibus litteris vehementer à Te pro Pastoralis officij Nostri debito, & pro paterna, quam gerimus, salutis Tuæ cura efflagitavimus, ut Decretum ipsum, aliaque deinceps acta adversus jura libertatesque Ecclesiarum abrogari, abolerique mandares; erat sanè illud etiam causæ ipsius meritum, ea de Regij animi tui æquitate, & magnitudine opinio No-

stra, ut certâ spe duceremur, Majestatem Tuam omnibus in locum pristinum quàm primùm repositis, corTuum ab ulteriori tantæ rei sollicitudine tot alijs in Catholicæ Ecclesiæ Procuracione districtum liberaturam. Verùm, postquam plurium mensium spatium, quod longanimitati Nostræ probandæ ab ultimis litteris effluxit, nullum adhuc neque ad eas reïsonsum, neque ex eis fructum videmus, quin etiam plurimorum litteris, & sermone nos pro comperto habemus, omnia deteriore in dies loco esse, & prætextu Regaliæ hujusmodi beneficiorum collationes, & Canonicas institutiones impediri, Episcoporum auctoritatem pessundari, Ecclesiasticam disciplinam, ordinemque turbari, novam denique praxim veteri Ecclesiæ praxi, & divinæ institutioni contrariam invehi à sæculari potestare, neque ea clam, aut timidè fieri reperimus; sed apertè, & manu Regiâ. Non dicimus hoc loco, ne actum agamus, quot inde scandala, & querelæ, quot in Clerum Gallicanum incommoda nascantur, quod Ecclesiæ universæ à tali exemplo periculum, quæ tempestas imminet, quæ nomini, atque honori Tuo macula, quæ Conscientiæ labes inuratur: satis enim ea in superioribus litteris indicavimus, satis patent ipsa per se; non patitur tamen sincera, ac planè paterna erga Te, Regnumque istud amplissimum charitas Nostra, Nos in tanta divini honoris injuria, intam gravi Tui ipsius periculo adhuc silere; sed cogimur iterum intimo cordis affectu, & in visceribus Jēsu Christi rogare, obsecrareque M. T. ut memor ejusdem Christi Verborum ad Ecclesiæ Præpositos: qui vos audit, me audit. Nos potius, qui Tibi Parentis, & quidem amantissimi loco sumus, audire velis, vera & salutaria suadentes, quàm filios diffidentia, qui terrena tantum

tum sapiunt, quique consilij in speciem utilibus, sed re-  
vetâ perniciosis incliti istius Regni fundamenta in rerum  
sacrarum reverentia, & in Ecclesiæ auctoritate, juribusque  
tuendis posita convellunt; qui quidem, si ij esse vellent,  
quos esse ipsorum dignitas, & officium, Tuaque singularis  
in eos benignitas cogit, imitari potius deberent integrita-  
tem, fidemque eorum, quos olim pari loco positos me-  
moriam proditum est, & in Gallicani Cleri acta nuper re-  
latum, liberâ aliquando voce in simili causa monuisse  
Reges Prædecessores tuos: meminissent, quid, & quâ ju-  
risjurandi Religione, ubi Regni gubernacula suscepturi,  
sacro chrismate inungerentur, polliciti Deo fuissent, se  
videlicet divinæ ejus gloriæ omni ope, & studio inservi-  
turos, & pro Ecclesiæ suæ Sanctæ juribus, & libertate asse-  
renda paratos semper fore sanguinem ipsum, vitamque  
profundere: considerarent fluxam, & fugacem esse mor-  
taliū vitam, Regum præsertim, ac Principum, qui, ubi  
ad districtum Dei judicium vocarentur, illuc accederent  
sine custodibus, sine comitatu, sine ullis Regiæ, vel di-  
gnitatis insignijs, vel potentiæ praesidijs nudi, atque iner-  
mes, reddituri omnis antea actæ vitæ rationem Judici scru-  
tatori cordium, quem nulla res latet, apud quem non est  
acceptio personarum, qui potestatem habet mittere in  
gehennam, ubi potentes tormenta patiuntur. Nec supe-  
riori sæculo defuit in Gallia Episcopus, qui in frequenti  
aliorum Præsulum, aulaque Procerum coronâ apud Hen-  
ricum Regem hujus nominis Terrium Cleri Gallicani  
causam in re non absimili orans Regi dixerit: observatum  
fuisse, nunquam Regias in Gallia stirpes defuisse, nisi ubi  
Reges indebitas ad beneficia nominationes arrogare sibi  
cœpissent, à quibus S. Ludovicus Rex Christianæ humili-



tatis non minus gloriâ, quàm Regiæ dignitatis culminè  
 sublimior, usque adeò abhorruisset, ut ultro etiam Ponti-  
 ficiâ autoritate sibi delatas rejecerit. Fuit hæc quondam  
 in Gallia, imò ad hæc nostra tempora strenuè retenta est  
 penes Episcoporum ordinem Apostolica loquendi liber-  
 tas, nihil metuens, nihil sperans, nisi à Deo; neque id so-  
 lum per Reges licuit, sed ita Episcoporum monita sem-  
 per accepta sunt, ut Episcopi ipsi, & sibi meritam laudem,  
 & causæ optatum exitum sint consecuti, manseritque pro-  
 pterea inviolata tandem, atque inconcussa sanctio Oecu-  
 menici Concilij Lugdunensis: adeò, ut nonnulli Galliæ  
 Reges impios, & sacrilegos publico Decreto eos appella-  
 verint, quicumque Regaliam ad Ecclesias ei non assuetas  
 extendere aliquâ ratione tractarent, sicuti in nostris an-  
 nalibus traditum reperitur; hæc autem temporis præsen-  
 tis infirmitas eò acerbior nobis accidit, quòd scimus M.  
 T. nihil ducere inter Regij animi Tui ornamenta præcla-  
 rius Zelo justitiæ, & studio Divini honoris, pro quo tam  
 pia, & tam salutaria decreta nuper edidisti, ac tam multa  
 tanta cum nominis tui laude, & bonorum omnium læti-  
 tia in præsens agis, destruendo Synagogas, & ædes hære-  
 ticorum, ut tibi non minora in cœlo statuere videaris  
 conservatæ propagatæque Religionis trophæa, quàm in  
 terris relicturum speramus devictarum Gentium Barba-  
 rarum. Cavendum tamen diligenter est, ne quod dex-  
 tera, hoc est, ingenita pietas Tua ædificat, destruat sinistra,  
 hoc est, callida, & iniqua consilia dicentium tenebras  
 lucem, & lucem tenebras: Cùm moneamur Apostolico  
 Oraculo; qui in uno delinquit, esse omnium reum: non  
 defuere hæc etiam occasione in Gallia quidam, neque plu-  
 res deessent ex fratribus nostris Episcopis, viri fortes, &

Divi-

Divinæ legis, & libertatis Ecclesiæ Zelatores, qui gravissimam hanc, & toti Franciæ Regno, imò Ecclesiæ universæ communem causam pari constantiâ, & spiritu apud Majestatem Tuam agerent, sed metu quodam, ut ipsis videretur, justo, ignoscendoque; ut Nos autem judicamus, vano, & non solum Episcopali officio, sed etiam magnanimitati, æquitatiq; Tuæ injurioso retenti silent, expectantes, dum humilitas Nostra à filiali Tua in hanc S Sedem observantia impetret, quod à Regia Tua justitia Ecclesijs debitum poscere ipsi non audent. Itaque in his litteris Nostris illorum omnium justum dolorem, & preces agnosce, quinimò Dei ipsius voluntatem ore Te Nostro alloquentis, ac seriò monentis, ut præ fatum Decretum, & quidquid ejus occasione adversus jura libertatesq; Ecclesiæ actum, gestumq; hætenus fuit, corrigi, emendariq; omnino cures; alioquin magnopere veremur, ne subire aliquando debeas, quam Tibi aliàs in litteris denunciavimus, & nunc iterum, & tertio, invitique quidem, quantum pertinet ad sensum amoris in Te Nostri, sed Deo Nos interius movente apertè denunciamus, Cœlestis iræ animadversionem; Nos sanè neque hoc negotium per litteras amplius urgebimus, neque desides erimus in adhibendis remedijs, quæ traditæ Nobis divinitus potestati competunt, quæq; in tam gravi, & periculoso morbo omittere, sine gravissima neglecti Apostolici muneris culpa non possumus; neque tamen ullum inde incommodum, aut periculum, nullam quantumvis sævam, atque horribilem tempestatem pertimescemus, ad hoc enim vocati sumus, neque facimus animam Nostram pretiosiores, quàm Nos, probè intelligentes, non forti solum, sed etiam a quo animo subeundas esse tribulationes propter justitiam. in  
qui-

quibus, & in Cruce Domini JESU Christi gloriari oportet. Causam Dei agimus, quærentes, non quæ Nostra sunt, sed quæ JESU Christi, cum Eo postea, non Nobiscum Tibi negotium erit imposterum; cum Eo scilicet, adversus quem non est sapientia, non est consilium, non est potentia. Nos, postquam Ministerij Nostri partes plantando, & rigando, sicut oportet, impleverimus, expectabimus, dum operi incrementum det Deus, à quo accurata prece flagitare non desinemus, ut verbis, & exhortationib<sup>9</sup> hisce Nostris vim, & robur infundat, Majestatis Tuæ animum ad salubriora consilia flectendo, unde & mereri Tu possis, & Nos latari, res Tuas omnes secundiores indies cursum fluere, subditas Imperio Tuo gentes perpetuâ, ac optimâ pace florere, Tibique Apostolicam Benedictionem amantissimè impartimur. Datum Romæ, die XXIX. Xbris. M. DC. LXXIX.

## Quartum Breve Apostolicum.

*Ludovico Francorum Regi.*

**C**harissime in Christo Fili Noster, Salutem & Apostolicam Benedictionem. Quò expectatio, cò gratior nobis accidit dilecti Filij nostri Cardinalis d<sup>i</sup> Estrées in Urbem adventus. Virum enim nobis merito suo jam pridem charum, judicium de illo Tuum, & huc proficiscenti munus impositum fecit etiam chariorem. Læto itaq; ac perlibenti animo eum ad nos advenit exce-  
pimus, & intimo paternæ charitatis sensu complexi sumus. Gaudium autem hoc nostrum non leviter cumulârunt redditæ Nobis ab eo Majestatis Tuæ litteræ, insignibus refertæ notis, non solum eximia & verè filialis Tuæ erga nos, at-  
que

que erga hanc Sanctam Sedem observantiæ, sed etiam præclari inflammatiq[ue] cujusdam studij, pietate & avitâ gloriâ digni, de Catholica Ecclesia & de tota re Christiana bene merendi, nostrosq[ue] in ea administranda pastorales labores & conatus strenuè juvandi. Quâ quidem pijæ liberalis, & planè Regij animi Tui testificatione nihil evenire nobis optatius poterat, in his rerum angustijs, maximisq[ue] periculis, quæ Ecclesiam DEI omni ex parte circumstant, quæq[ue] cor nostrum de remedio opportuno valde sollicitum continenter excruciant; cùm Tibi, & animi Tui Religio, ac magnitudo suadeant ut velis, & florentissimæ Gallici Regni opes, & conciliata nomini Tuo apud Barbaras quoque gentes reverentia tribuant, ut possis, quæ liberaliter exhibes, efficaciter implere. Ab hoc tamen solatio, quod perpetuum & in dies uberius cuperemus, penè excidimus, ubi idem Cardinalis disserere nobiscum aggressus est de negotio Regaliæ, in quo illum Regiæ Tuæ mentis interpretem apud nos fore ad nostras litteras in exitu anni superioris ad Te datas, rescripseras. Cùm enim & Causæ ipsius meritum, & animi Tui æquitas, post interposita apud Majestatem Tuam tot officia precesq[ue] nostras felicem tandem gravissimo huic, & multis nominibus permolesito negotio, exitum pollicerentur; nosq[ue] hâc unâ spe leniremur, & longiorem ejus moram in itinere, & paterni doloris sensum, quo viscera nostra assidue transfigunt voces Ecclesiarum Galliæ, Apamiensis præsertim, graviter gementium sub novo jugo per decretum, seu arrestum, quod prodijt octo ab hinc annis mense Februario, illis imposito; ea idem Cardinalis Tuo nomine nobis exposuit, quæ nos ad pristinam sollicitudinem maioremq[ue] revolvunt; quantum enim ex ejusdem sermone conjicere ha-

Stenus potuimus, non aliud videtur Mandatum habere, quàm explicandi causas & rationes, quibus innititur Decretum, quod diximus. Qua quidem in consideratione hæsimus dubij, quid consilij caperemus: sed vicit sensus, & videri vis accensi nostri erga Te amoris: quamvis enim ex certis & indubitatís rationibus, & documentis perspecta nobis explorataque sit justitia causæ, quam tuemur, & pateat ipsa per se; ac propterea fieri non posse credamus, ut Cardinalis quicquam novi afferat, quod nos à sententia dimoveat; cùm verum non sit vero contrarium: convenire tamen Pontificiæ erga Te charitati nostræ duximus, patienter excipere, quæ ille nobis exponenda habebat, sicuti fecimus. Audivimus enim illum luculenter, & quantum ei libuit, hac de re differentem; si quæ addenda prætereà habet, iterum audiemus. Sed tolle moras, Fili Charissime, & parentis amantissimi veram Tibi, solidamque, non fucatam & umbratilem gloriam, tum in hac mortali vita, tum in æterna; illa peroptantis verba plena salutis libenter audi, & quæ perperam acta sunt, celeriter emenda, & nos ab hac molestissima cura, & molestiore necessitate, pastorale officium exequendi, Te verò ipsum, & Regnum populosque Tuos, quos omni felicitate florentes cupimus, à divinæ animadversionis periculo liberes: cui quidem magnopere veremur, ne via quamprimum speriat, si paternis hortationibus, & justissimis postulatis nostris aures diutius ocluseris. Facile enim fiet, ut dum nos lentâ nimis mitique manu (quod utinam divinam non armet in nos quoque) vulnus Ecclesiæ libertati inflictum tractamus, exurgat Deus, & judicet causam suam. Nemo est, qui non intelligat, in hac disceptatione summam rerum Ecclesiasticarum in discrimen adduci. Si enim

enim dissimularetur diutiùs decreti, seu arresti illius malum in dies magis invalescens, brevi profectò fieret, ut disjectis ac revulsis ubique gentium terminis, quos inter utramque potestatem divinâ ordinatione posuerunt patres nostri, nulla relinqueretur ratio tuendæ disciplinæ, nulla sacerdotio reverentia, nullum Episcopali ordini vestigium pristinæ dignitatis. Notum est jam omnibus, & pervulgatum causæ illius meritum. Neque Tu, ut rei veritatem assequâre, necesse habes peregrina documenta scrutari, cum amplissima & certissima domi habeas. Interroga majores Tuos, & dicent Tibi. Plura sunt ab ijs hac de re edita decreta, eaque Regijs tabularijs inclusa & asservata, quæ omnem dubitationem de medio tollunt, accedente præsertim perpetuâ & inconcussâ quadringentorum annorum observantiâ. Stamus adhuc ad ostium & pulsamus, aperi Fili Charissime, aperi cordis Tui sinum vocibus Patris Tui, qui Te assiduo gerit in visceribus charitatis Christi, non minùs anxius de tua æterna salute, quam videt & magno quidem cum animi sui dolore, apertè periclitari, quàm de Ecclesiarum Galliæ libertate, cui sustinendæ manum applicuit. Exigua sanè ab hac Regaliæ extensione accessio fieret ad Regiam Tuam auctoritatem, & amplitudinem; sed non parùm nominis Tui laudi decederet, si in animis hominum suspicio oriretur, Te rei parùm consonæ æquitati patrocinium Tuum præbere. Hæc paulò uberiore affectu volumus ad Te scribere, ut nihil intentatum relinquamus, quod Majestatem Tuam possit ab eorum consilijs abducere, qui præclarè secum, & cum rationibus suis actum iri putant, si summa illa conjunctio animorum, quæ majoribus Tuis Galliæ Regibus, Regnoque ipsi, cum Prædecessoribus no-

stris, atque Apostolica Sede, semper, & magna quidem cum utrorumque utilitate, & Catholicæ Ecclesiæ singulari solatio, intercessit; quamque inter nos conservari, atque in dies magis mutuæ charitatis officijs colligari, in præsens, si unquam antea, necessarium videtur, paulatim debilitari ac dissolvi incipiat. Quod improbum sanè lucrum ( quantum ad nos pertinet ) nunquam illi assequentur. Te enim, quæcunque hominum vel temporum iniquitas inciderit, intimo & constanti semper amore, (salvis Dei honore, & Sedis Apostolicæ dignitate) prosequemur. Quem interim quasi præsentem in spiritu charitatis ardè complectimur, dum Majestati Tuæ veram in utroque homine felicitatem ab immortali Deo precamur, & Apostolicam benedictionem amantissimè impertimur. Datum Romæ, die 3. Martij 1681.

*Marius Spinola.*

## Breve Innocentij PP. XI. ad Archiepiscopum Tholosanum.

**V**enerabilis Frater. Delatæ nuper sunt ad nos querelæ Monialium Ordinis sanctæ Claræ Urbanistarum in Tholosana civitate, graviter dolentium, & dolorem suum in paternum sinum Nostrum multis cum lacrymis deponentium, ut accisis ac penè perditis rebus suis præsentem opem pro Apostolici muneris Nostri debito afferamus: per hos enim dies ad illud Monasterium venisse Monialem quamdam magno comitatu, militum etiam cohorte stipatam, ut Abbatisatûs perpetui possessionem invaderet, prætextu Regiæ nominationis, nulli juri, aut consuetudini, nulli Apostolico indulto subnixæ:  
 fe



se quidem ad inusitatæ rei spectaculum primò attonitas, mox collectis animis, & imploratâ coelesti ope, quacumque ratione licuit, restituisse, ne immunitati Ecclesiæ, & instituto Ordinis sui Apostolicâ autoritate firmato, tam inaudita, ac tam perniciosi exempli injuria inferretur; sed superante vi militum cedere tandem coactas, effractisque foribus, & pariete ipso, liberum multis sæcularibus aditum paruisse, cum quibus ingressos quoque milites violenter ibi & sacrilegè multa patrâsse, magna cum totius civitatis indignatione & scandalo, Fraternitate autem tuâ, quæ par omnino erat, ut venientibus Lupis Pastorale pectus opponeret, non solùm non repugnante, sed ultro eos quodammodo invitante, & Monasterium edito decreto per vim recludi jubente. Inhæruit ad tam indignæ rei nuntium animus Noster, adeoque monstri similis visa est, ut quamvis aliunde quæque eadem afferrentur, vix tamen persuadere Nobis potuissemus, Archiepiscoporum Tholosanum, inspectantibus Religiosissimis fortissimisque Galliæ Episcopis, & Galliâ universâ, eò progressum fuisse, ut dignitatis ac muneris sui oblitus, nullo horribilium censurarum, & cælestis iræ metu, nullâ famæ reverentiâ, tanto facinori, pro quo impediendo animam ipsam, boni Pastoris exemplo, pōnere debuisset, non solùm non resisteret, sed etiam suffragaretur; nisi memoriâ teneremus, quid duobus abhinc annis in negotio Regaliæ, ut nuncupant, ubi de Apamienſi Ecclesia Tholosanæ suffraganea agebatur, decernere ausus fueris contra manifestam causæ justitiam, contra omnes humani diviniqûe juris regulas, contra ipsius Ecclesiæ totiusqûe Provinciæ tuæ jura & libertatem, & contra morem prædecessorum tuorum aliorumqûe Galliæ Præsulum, qui in similibus

casibus Regiæ voluntati atque indignationi, ne muneri suo deessent, obviâ fortiter cundo, & DEI causam strenuè orando, læta & salutaria Ecclesijs suis responsa ab ingenita Christianissimorum Regum justitia & pietate retulêr. Officij itaq; Nostri esse duximus, gravem ac planè acerbum eâ de re animi Nostri sensum tibi aperire, teq; in Domino monere, ut diligenter consideres, quo in periculo sis experiundæ divinæ ultionis, quam facilè provocabunt gemitus tot lectissimarum Virginum, quarum vitæ innocentia & candor, atq; assiduus divinarum laudum concentus deliciæ quodammodo sunt cœlestis Sponsi, cui sacrosancto & insolubili vinculo conjunctæ fuêr; nisi quàm primum, emendatis, quæ admissa sunt, misericordiarum Patris clementiam demereri studueris. Alioquin Nos, pro Vicaria Christi Domini in universam Ecclesiam potestate, quâ fungimur quamquam indigni immerentesq; & pro sollicitudine, quam debemus unicuique Christi fidelium ad paternum patrociniû Nostrium confugienti, cogemur de opportunis remedijs seriò cogitare. Datum Romæ die 18. Januarij 1679.

**Sententia Excommunicationis ab Illustriſſimo & Reverendiſſimo Episcopo**  
**Apamiensi contra Guerin Palarin Sacerdotem solemniter pronuntiata.**

**F**Ranciscus Dei & Apostolicæ Sedis gratiâ Episcopus Apamiensis, &c. Visâ Constitutione Nostrâ sub data 27. Octobris Anno 1677 quâ omnibus Canonici Cathedralis & Collegiæ Beatissimæ Virginis de Campo Ecclesiarum districtè prohibetur, ne sub pœna suspen-

suspensionis ipso facto incurrendæ ad præfatarum Ecclesiæ beneficia titulo Regaliæ quemquam admittant, neque ad ullos actus Capitulares, locum in Choro, aliasq; functiones recipiant. Visis etiam actis, & instrumentis executionis à Domino Antonio Novè Ecclesiastico Diocesis Tholosanæ die 26. Februarij, Anno 1680. Domino Balthasaro d' Ouvrier Decano nostræ Collegiæ de Campo insinuatæ: attentâ quoque inobedientiâ & contumaciâ contra præfatam nostram Constitutionem Domini Guerin Palarin, Canonici & Sacerdotis sæpèdictæ nostræ Collegiæ (quamvis ipse quoque unus ex illis fuerit, qui, ut nostra Constitutio in publica Capituli acta referretur, consenserat) quippe qui non obstantibus Constitutione, & Inhibitionibus nostris, titulo Regaliæ Possessionem Decanatus Ecclesiæ Collegiæ de Campo adire præsumpsit (prout apparet tam ex publico actu ad prædictos Canonicos Vigesiinâ currentis mensis directo, quàm ex stalli locoque Decani ab ipso occupato) quantumvis eum non sateret, Diocesin nostram Regaliæ subiectam non esse, imò quamvis Regaliæ subjaceret, Decaniam, utpote Beneficium electivum, exemptam esse, præsertim cùm ipse Palarin septem integros annos Dominum Balthasarum de Ouvrier pro Decano canonicè electo semper agnoverit: viso denique prænominato actu ad jam dictos Canonicos sub data 20. currentis mensis, & rationibus in eo adductis, & præsertim quia sæpè fatus D. Palarin, quamvis ter à nobis admonitus, nullas probabiles causas allegat, ob quas excommunicari & denuntiari non debeat, invocato DEI Omnipotentis nomine Patris, Filij & Spiritûs Sancti de potestate ligandi arque solvendi specialiter confisi, quam Christus Apostolis Episcopisq; eorum Successoribus

bus clementer largiri dignatus est, Declaravimus & denuntiavimus, declaramus & denuntiamus pro Excommunicato præfatum Guerin Palarin Presbyterum Canonicum nostræ Ecclesiæ Collegiatæ Beatissimæ Virginis de Campo, eumque velut Excommunicatum separamus à Communione Ecclesiæ, nec non à participatione Corporis & Sanguinis Christi JESU, eumque potestati Sathanæ temporaliter subijcimus, ut per veram sinceramque poenitentiam ejus spiritus salvus fiat in die Domini. Potestatem verò ab hac Excommunicatione absolvendi nobis reservamus, prohibentes & districtè omnibus utriusque sexûs inhibentes, ne sub pœna Excommunicationis à Sacris Canonibus latæ cum prædicto Palarin audeant communicare. Præcipimus etiam, ut præfatus Palarin publicè denuntietur, ejusque Denuntiationis & Excommunicationis notitia vicinis quoque Dioecesibus insinuetur, nec non omnibus, quibus opus erit, ut ita juxta Juris dispositionem tamquam excommunicatus, & ab Ecclesiæ Communione separatus habeatur. Factum & pronuntiatum dicto Palarin in nostra Ecclesia de Campo in præsentia Cleri Populi que, die 24. mensis Martij Anno 1680.

*Franciscus Episcopus Apamiensis.*





Epistola Cleri Gallicani, auctoritate  
Regiæ Parisijs congregati ad Sanctissimum  
Dominum Dominum  
INNOCENTIUM PP. XI.

*Beatissime Pater,*

**Q**UAM consecrandi fecimus Apostolicæ Sedi canonicæ obedientiæ professionem, ea nos impellit; quæ Parisijs jussu Regio congregati gessimus, ad Apostolatum Vestrum referamus, gravesque metus nostros paternum in sinum effundamus: (a) *Cum enim Te Dominus gratia sua præcipua munere in Sede Apostolica collocaverit, talemque nostris temporibus præstiterit, ut nobis potius ad culpam negligentia valeat, si apud venerationem Tuam, qua pro Ecclesia suggerenda sunt, tacuerimus, quàm ea possis Sanctitas Vestra, vel fastidiosè, vel negligenter accipere, non ambigimus, quin magnis periculis nostris Pastoralem diligentiam adhibere digneris.*

Sanè, Beatissime Pontifex, à majoribus nostris, sanctis; gravibusque viris accepimus, Regni & Sacerdotij turâ piâque concordia res humanas niti: (b) *Dum unum ab altero impugnatur, periclitari utrumque; eâ occasione & de Regno tolli justitiam, & de Ecclesia pacem, schismata & scandala suscitari, & fieri animarum perditionem simul & corporum; (c)* *Sine horum concordia res humanas nec incolumēs esse posse, nec*

G

*tutas.*

(a) Epistola Concilij Milevitani ad Papam Innocentium, inter Epistolas S. Augustini Epist. 92.

(b) Goffridus Vindocinensis Opusculo quarto,

(c) Ivo Carnotensis Epistola 60.

- \* *intus.* Hæc Goffridus Vindocinensis, hæc Ivo Carnotensis, sanctissimi, gravissimiq̃ue Ecclesiæ Gallicanæ Præsules immortalibus scriptis testata reliquerunt. Hos in medium afferre, & ad Vestram Sanctitatem allegare juvat, quos pro Ecclesiastica libertate, atque Apostolica auctoritate multa perpeßos Sancti Vestri Deceßores, non tantum ut probabiles Magistros, sed ut præcipuos, singularesq̃ue filios semper habuerint. His accedat tertius Claravallis Abbas, non Gallicanæ tantum, sed Universæ Ecclesiæ lumen, Sanctus Bernardus, ille Canonum propugnator, ac fortissimæ cujusq̃ue sententiæ gravissimus auctor, ubi nimio rigore Regnum & Sacerdotium dividi, (a) atque *inconsutilem Christi Tunicam* scindi animadvertit, utili condescensione temperari canones supplicavit, ac pacem utriusq̃ue potestatis, quæ utramq̃ue fulciat, retineri, præsertim in Gallia. (b) ubi *nullam unquam Regnum inter & Sacerdotium divisionem fuisse* antiquiores Episcopi gloriati erant, ubi denique, ipso teste Bernardo, toto orbe colliso, ipsisq̃ue Pontificibus gravi toties tempestate jactatis, non modò nullæ scissuræ factæ essent, (c) sed etiam *solerent scissura alia refarciri.*

Nec minore studio Apostolici Præsules Vestræ Sanctitatis Antecessores eam concordiam commendârunt, cùm geminâ potestate res humanas regi ex sacris Litteris accuratissimè tradidère; quarum proinde concordia publicam pacem, totiusq̃ue generis humani statum contineri certissimum sit, dicente Prophetâ : (d) *Ecce vir Oriens nomen ejus, Zorobabel in persona, in figura Christus,*  
certè

(a) Sanctus Bernardus Epistola 219.

(b) Ivo Carnotensis Epistola 238.

(c) S. Bernardus Epistola 219.

(d) Gelasius Papa Epistola 8. ad Anastasium Imperatorem.

certè populi Dei Dux & Princeps; (a) *Et ipse extruet Templum Domino; & ipse portabit gloriam, & sedebit, & dominabitur super folio suo; & eris Sacerdos super folio suo; & consilium pacis eris inter illos duos.* Stet ergo utrumque solium, alterum Principis, alterum Sacerdotis, auxilio mutuo, mutuâ consensione munitum; hinc populi salus, hinc non tantum corporum, sed etiam animarum lucra proveniant; hinc denique res humanæ stabili, ac Deo pariter, hominibusque placitâ tranquillitate decurrant.

Quæ cum ex Patrum traditione, ipsaque adeò prophetica ac divina auctoritate descenderint, ubi eam pacem nostris temporibus occasione Regaliæ sollicitari vidimus, cœpimus cogitare, quid Majores nostri, quid antiqui Sedis Apostolicæ Antistites præscriberent, pro certo habituri, quod verbo pariter, & exemplo docuissent. Sic autem comperimus, quæ Ecclesiasticâ auctoritate, æternâ lege sancita essent, manere inconcussa; quæ Ecclesiasticâ prohibitione constarent, in his Ecclesiarum Principes multa pro tenore canonum districtius judicasse, multa pro temporum necessitate tolerasse, ubi non periclitatur fidei veritas, aut morum honestas, quædam instituta temperari, non cæcâ tamen & indiscretâ relaxatione disciplinæ, sed si adesset necessitas, ex qua leges quoque mutari contingeret: sanctos enim Pontifices Antecessores vestros ita præcepisse: (b) *Ubi necessitas non est, Sanctorum Patrum Decreta manere inconvertibilia;* eadem ergo Decreta ex necessitate interdum temperanda: eam verò necessitatem esse, si graves dissensiones, si turbulenti motus, tumultusque imminerent, quam *populorum stragem*

(a) Zachariæ cap. 6. vers. 12. & 13.

(b) S. Bernardus Tractatu de Præcepto & Dispensatione cap. 4.



Sancti Patres vocant; tunc enim Charitatem, quæ summa Ecclesiæ lex sit, alias emollire ac temperare leges, (a) ac detrahendum aliquid canonum severitati; ut majoribus morbis sanandis Charitas sincera subveniat; hinc nempe profectam, à Sanctis Patribus, ipsaqué Apostolica Sede toties celebratam moderationem canonum, quæ utili dispensatione. & providâ compensatione librata Ecclesiam ædificet, propulset dissidia, Regnum & Sacerdotium firmâ pace componat.

Hæc ex Sancto Augustino, alijsque Patribus; hæc ex Sanctis Pontificibus, Leone, Gelasio, cæterisque Majores nostri didicerunt, nobisque tradiderunt: (b) *Salvo scilicet fidei fundamento, & communi morum regulâ, toleranda quadam, etiam facienda, qua infirma videantur; hac enim facit Charitas, qua operit multitudinem peccatorum, qua cum infirmantibus infirmatur, cum scandalizatis uritur, & omnibus omnia fit; ut omnibus prodesse mereatur.* Quod si jus illud Regium, quam Regaliam dicimus, aut Fidei fundamentis, aut morum regulis esset adversum, non illud utique sancti Pontifices doctrinâ & pietate conspicui Alexander III. Innocentius III. atque alij comprobassent; non illud denique sacrum generale Lugdunenſe Concilium tot personis, totque sub titulis suâ auctoritate firmasset. At enim extendi vetuit ad eas Ecclesias, quæ primævâ atque innatâ libertate gauderent; sed ut hanc interim quæſtionem omittamus, neque minutatim verba Concilij, variosque sensus quæque antegreſſa, quæque consecuta sint, expendamus: id sanè liquidò constat, nullum esse periculum, ut extensum Fidei, moribusque noceat, quod illæſâ Fide, salvaque morum regulâ, longè lateque propagatum, plu-  
rimas

(a) Augustinus Epistola 56.  
(b) Ivo Carnotensis Epistola 214.

rimas jam Regni Ecclesias occupârit; ex quo illud efficitur, Regaliæ causam, non ad (a) *Fidei*, morumque *regulam*, quæ *immobilis & irreformabilis* sit, sed ad disciplinam, quæ pro locis ac temporibus subinde mutetur, quæque temperamenta ac salubrem illam moderationem admittat, omnino pertinere.

Jam ergo constituto quæstionis statu, Beatissime Pater, quantum intelligimus, rem totam expediri haud difficile fuerit; cum id unum inquirendum restet, justane causa fuerit, cur post Ecclesiarum quarundam libertatem totis sexaginta annis strenuè propugnatam, victi in eo Tribunali, quod ipsi antiquo more Regni appellavimus, acquiescere potius, quàm omnia commovere. Regiam potestatem cum Pontificali committere, nova denique bella ciere vellemus. Nos pacem anteponimus, nec in simili causa piget imitari Vindocinensem Abbatem non minùs fortitudine, quàm prudentiâ clarum, cujus verbis dicimus: (b) *Habeat Ecclesia suam libertatem; sed summopere caveat, ne dum nimis emunxerit, eliciat sanguinem, & dum rubiginem de vase conatur eradere, vas ipsum frangatur.*

Neque verò publicam pacem, ac sub tanto Rege prosperum rerum Ecclesiasticarum cursum turbatum oportebat. Adhibe pias aures, Sanctissime Pontifex, & tantisper cogita, quem Regem habeamus: non invictam bello dexteram, ac decora victoriarum prædicaturi sumus pacifici Sacerdotes: habent illæ laudem suam universis Gentibus celebratam, ac pacis gloriâ cumulatam. Utinam, Beatissime Pater, rebus nostris interesse, & coram in-  
tueri posses (paternis sanè oculis dignum spectaculum) quàm benignè Optimus Princeps Episcopos audiat, quàm

G 3

rebus

(a) Tertullianus de Virginibus velandis.

(b) Gossridus Vindocinensis opusculo 4.

rebus Ecclesiæ faveat, quàm bonos fulciat, quàm invictâ auctoritate frangat contumaces, quàm cœlestem illam nobis à Domino traditam potestatem intemeratam velit. Eo protegente, Jurisdictio Episcopalis propemodùm profligata emergit è tenebris: nostris jam Decretis, nostræ auctoritati Parlamenta obsecundant, ac Regia Decreta Canonica disciplinæ ancillantur. Jam verò Hæresis quot accipit subinde salutes plagas? Quot Edictis comprimitur? Quot amissa Tempora luget? Quantas nobilium, plebejorumque turbas ad Petri, hoc est, Christi ovile revocatas? Quid deinde referemus, ut Regius animus exosas habeat novitates omnes, nulloque Regni loco consistere patiatur? Est profectò Ludovicus Magnus alter ille Mauritius à Sancto Gregorio Antecessore Vestro toties commendatus: (a) *Cujus temporibus Hæreticorum ora conticescunt; quia eisi eorum corda in insaniam perversi sensus ebulliunt, Catholici tamen Principis tempore, prava qua sentiunt, eloqui non præsumunt.*

Hæc coram admiramur, hæc luculentius Vestra quoque Sanctitas ab altissima illa, cui totus orbis subest, Petri Sede commemorat; his Apostolicum Vestrum pectus exultat; si quid fortasse tot inter prospera emergit incommodi, non omnia proindè ad juris apices exigimus; (b) magno enim Cyrillo Alexandrino Præsule docente didicimus œconomiâ rerum plerumque cogi nos etiam à stricto & confesso Ecclesiæ jure discedere. Quanti verò æstimamus illa privilegia aliquot Ecclesiarum, si emolumentis damna contendimus? Quid, quòd illud onus vix Ecclesiæ sentiunt, vacantium Ecclesiarum fructibus, quos Reges vindicare fisco in Ecclesiarum longè maxima  
parte

(a) Libro 7. Epistolarum Epistolâ 48.

(b) Epistola ad Gennadium Presbyterum & Archimandritam.

parte non dubiâ consuetudine poterant, Successori reservatis, rebusque ad Canonum auctoritatem Ludovici Decimi tertij augustæ memoriæ Edicto redactis? Quid, quod in quibusdam Praebendis ac Dignitatibus conferendis, si quid erat asperius, nobis supplicantibus, à Rege mollium, tanti Principis pietatem, largitatemque commendat? Quid, quod Capitulis sua jura servata, certique Judicibus præscripti limites, ne Regaliæ nomine omnia invadantur? Id subjuncta his litteris gesta testantur, certoque indicio sunt, quàm bene illi aliqua concedantur, qui multa jam sibi possessione vindicata ultrò concedat.

Sed enim exprobrabunt, qui votis suis omnia metiuntur, leve illud quoque (sic enim sentiunt) quod Rex Christianissimus tanto studio assertum Coronæ suæ velit, nobis auctoribus ac flagitantibus potuisse dimitti: næ illi falsi sunt, rerumque nostrarum imperitissimi. Liceat verò nobis, Beatissime Pater, quando eo in cardine totius negotij summa versatur, paulò liberius inturbare graves illas curas Apostolicæ mentis, ac jus Regaliæ Francorum Regibus, totique Regno infixum, prout nostris hominibus insitum, inditumque est, ab ortu repetere.

Sic nempe inclamant Regij Magistratus, Christianissimos Reges jam inde à Clodovæo, ac primis Christianæ Religionis exordijs, Ecclesiarum omnium, ut pietate filios, ita effusissimâ liberalitate nutritios, & Regiâ defensione propemodùm Patronos, ac Tutores extitisse: ea verò, quæ Ecclesiæ in fundis haberent, teste Augustino, jure Casareo, hoc est, Regio obtineri, supremamque eorum omnium potestatem penes Reges esse. Hinc à prisceis temporibus, vacantium Ecclesiarum Regiâ manu occupata bona, mox reddita Successoribus: nec à Sede Apostolica repro-

bata,

bata, quæ huic juri tuendo antiquissimis etiam temporibus Reges Francorum fecissent; Præbendas quoque, hoc est nativo sensu, stipendia Clericorum, partem Ecclesiasticæ possessionis ac proventus, necdum à toto discretas, si vacarent Ecclesiæ, eodem quoque jure à Principibus collatas; quarum quippe collatio & antiquo jure à solida massa decidi non posset, & recentioribus quoque juris Pontificij institutis in fructu haberetur. Hæc omnia ab antiquo Regibus de se benè meritissimis concessisse Ecclesiam, sanè consensisse, jusque illud utriusque potestatis consensione firmatum, Regiæ Majestati proprium atque congenitum ita coaluisse, ut distrahi nequeat: neque verò fas esse, ut Ecclesiæ primis Francici Imperij temporibus diverso jure haberentur, quas eadem Regiâ protectione fulciri, eadem liberalitate ditari, ejusdem Majestatis reverentiâ ac potestate contineri certum esset. Si quid ergo tristioris diversitatis exortum sit, id esse referendum ad illa tempora, quæ scissum Regni corpus, Ducumque & Comitum olim innocuo, tunc infausto nomine avulsa ac discerpta membra vix inter se cohærent: hos enim Principes, Regalibus occupatis, sæpe etiam sine Regum conscientia relaxatis, omnia perturbâsse: at postquam Regia potestas distractas Provincias ad sese revocavit, & afflictum diu, dissipatumque Regnum suum demum integrè sub uno Capite nobilissimo pariter ac valentissimo sanitatem intellexit, tunc obliterandam, quæ laceros artus olim dehonestabat, fœdam diversitatem, nec Regio juri ex antiquissimis, receptisque Regni Francici legibus, nocere potuisse possessionem intermissam, quam & per Principes sibi subditos diu retinuisent, nec ipsi unquam animo dimisissent; universasque Ecclesiæ, non tantum ad deco-

decorem, sed etiam ad robur, firmamque compagem, eodem denique jure componendas. Neque verò obstare Lugdunense Concilium, quippe quod nec Reges nominet, ex Pontificijs quoque Decretis pro sua Majestate specialiter appellandos, nec de Præbendis loquatur, & aliò verti possit; neque à Pontificibus Regibusve in quæstione Regaliæ, cùm de ea maximè ageretur, memoratum, aut leviter saltem indicatum fuerit.

Hæc utcumque se habent; neque enim lubet commemorare, quæ Antecessores nostri reposuerint, aut litigare est animus coram Vestra Sanctitate pacis negotium tractaturis; hæc, inquam, adeò Regijs Magistratibus infixa menti sedent, ut à se avelli nullâ ratione patiantur, causaque ceciderimus, eorum quoque sententiâ, qui & æquitatis laude florerent, & in nostrum ordinem essent propensissimi; quâ consensione victus Rex Maximus, satisque sibi conscius, quàm ab invadendis Ecclesiarum jurbus abhorreret, jus Regium putat, quod in universum Regnum penè diffusum, suo velut cursu undique protendatur, rerum similitudine, pari que Ecclesiarum conditione, velut in proclive ductum. Quid hic nobis mentis, Sanctissime Pontifex, planè simpliciterque dicemus; hæc neque omnia ut certa proponimus, nec ut erronea & fidei regulis adversa propulsamus; ac dispensationi providæ locum esse censemus, gravissimos scilicet auctores secuti Apostolicos viros Antecessores Vestros.

Prodeat sanè vir maximus, non minùs in sacris litteris, quàm in Canonum disciplina versatus Innocentius III. atque in simili causa quid agendum sit, doceat: de Regalibus agebatur; jure autem Regalium multa contineri, quæ jam Ecclesijs Regum liberalitate remissa sint, certo cer-

tius est. Primum jus procurationis, siue hospitij, quo Episcopi Abbatesque Regem domo excipere; totamque cum ipso curiam, publicasque personas alere certis temporibus: tum jus exercitus, quo certos milites ad Regium exercitum ducere, eosque alere deberent: & quidem occupari à Rege Ecclesiarum bona, non modò si illæ vacassent, verùm etiam si Episcopi consueta, quæ vocabant, servicia omisissent; eaque omnia ab eodem fonte Regalium existere, & perspicuum ex sese est, & ipse Innocentius profitetur. Duo ergo Episcopi à Rege accusati, quòd illius injussu milites abduxissent, eorum Regalia manu Regiâ confestim invaduntur, nullâ judicij formâ; nec tantùm Regalia, sed etiam alia bona quæcumque possiderent; id enim juris Regij esse Rex contendebat: Episcopi id negare, tum factum excusare, vim illatam conqueri, gravissimasque expositulationes deferre ad Innocentium. Quid ergo tantus Pontifex? susceptâ, ut decebat, Episcoporum causâ, Philippum Augustum aggreditur, multa interminatus, multisque adhortatus: (a) *Ne inter Regnum & Sacerdotium scandalum oriretur*; intentato quoque Apostolicæ censuræ metu, nisi Episcopis Regalia, aliaque omnia præter jus fasque (sic enim ferebat) occupata relaxaret: gravis sanè causa, in qua Rex Maximus (b) *censurâ cōhibendus* esse videretur, sed interim Innocentius ad Episcopos scribit: (c) *Fraternitati Vestræ consulimus bonâ fide, quatenus cum charissimo Filio nostro Rege, quantum melius poteris, componere studeatis; quoniam arcus, qui semper est tensus, vires amittit, & nonnunquam Reges melius vincuntur mansuetudine, quàm rigore.* Præclare ille quidem, ubi nullum fidei,

nul-

(a) Libro 1. Epistolarum Epist. 107.

(b) Lib. 3. Epist. 40.

(c) Lib. 3. Epist. 107.



nullum morum regulæ creatum periculum est; sed particulare factum, inquit, nec in exemplum trahendum; & tamen agebatur, uti prædictum est, non tantum de Episcoporum facto, sed etiam de Regalium jure, quousque pateret, quæ bona complecteretur, quâ formâ exerceri posset: sed hæc omittamus. Quid Benedictus Duodecimus, unus omnium Pontifex & constantiæ & prudentiæ laude ornatissimus? Is Philippum Valesium Regem editâ Philippinâ multa (a) Regaliæ Juri ab antiquo more diversa velut inferentem gravissimis monitis ab ea tutanda lege deterruit; sed præclarè functus officio, ab negotio destitit; neque enim omnia urgenda Pontifici, nec exactè semper ad minutos quosque apices res Ecclesiasticas deducendas: Philippinaque ad nostra usque tempora stetit incolumis.

Sed ne Vestræ Sanctitati molesti simus, postremum commemoramus Bonifacium Octavum; nec tamen refrigeramus infausta illa dissidia, quæ nec sine lacrymis legi queant: abeant illa in tenebras aeterno sepelienda silentio. Id de Bonifacio referre lubet, quod ad pacem conducatur, quod dignitatem pariter atque clementiam Summæ Sedis deceat. Grave erat Bonifacio à Philippo Pulchro, pleno etiam jure conferri Præbendas, seu Regaliæ, seu quovis alio titulo; nec tamen negabat Pontifex, imò profitebatur id fieri posse Ecclesiæ consensu tacito vel expresso. (b) Rex interim se possessione tuebatur; eo enim jure à se conferri Præbendas, quo à Majoribus, & à Sancto Ludovico Avo data essent. Rectè ille & ordine, ut videtur; satis enim constabat, reclamante nemine, eo jure usos: neque frau-

H 2

di

(a) Rainaldus ad ann. 1337. numero 17.

(b) Histoire du différent de Boniface VIII. & de Philippe le Bel page 90. page 93. page 78.

di esse poterat optimis Regibus, quòd ad Jus Regium ea revocabant. Id enim Jus Regium esse, quod Coronæ Regiæ ab antiquo insitum, coalitumque sit: atque ut ex simili rem conficiamus, an non Patronatus, quos vocant Laicos, ipsis quoque terris atque dominijs ex possessione inbærere, ac quasi temporalis juris loco esse constat: cum tamen id juris ex Ecclesiasticæ potestatis fonte profluere nemo non fateatur? Quantò ampliora Regibus & Beneficentia, & propria Majestas conciliare potuit? Neque id Bonifacium juris consultissimum fugiebat; sed cum in ancipiti esse videretur, quatenus Juri Regio Præbendas conferendi Ecclesiæ consensus accessisset, quod dubium, quod illicitum reputabat Pontifex, de potestatis plenitudine concedebat, ac licitum faciebat: *Quid enim litigamus, inquit, volumus, ut Rex faciat licitè, quod facit illicitè: volumus super hoc sibi facere gratiam omnem, quam poterimus.* Sic quem nodum solvere ex Pontificis sensu, antiqua monumenta juraque non poterant, Apostolicæ potestatis gladio amputabat: atque id Bonifacius Octavus tot inter similitudines conferre ultrò voluit in Philippum Pulchrum: quanta Innocentius Undecimus Benevolentissimus & propensissimus in Ludovicum Magnum? Neque verò ambiguum, quid Orbis Christianus expectet, si Pontifici Pontificem, Regem denique Regi componamus. Id tantum postulamus, ne plus æquo audiantur, qui in Jure Coronæ novas hæreses fingunt, nimisque intelligendo faciunt, nihil ut intelligant præposterii homines, qui quem exsufflant pulverem, ut præclare Sanctus Augustinus, in suos, aliorumque excutiunt oculos. Vestra verò Sanctitas hæc omnia supergressa, Christianique Orbis intenta commodis, tantas contentiones ex tenui ortas, sed in gra-

viii-

vissima mala, nisi Deus avertat, aliquando erupturas. Apostolicâ auctoritate componat: pacem expetimus, pacem flagitamus, pacem, quæ Vestrum nomen tantâ pietatis ac sanctitatis laude omnibus Gentibus, ipsisque aded Ecclesiæ hostibus clarum, venerandumque immortalitati consecratura sit. Satis jam, superque Parens Optimus, Devotissimusque Filius repugnante animo altercantur. Nos quidem, Beatissime Pater, ut gratias agimus, quas possumus maximas, quod Jura quarundam Ecclesiarum, quæ nobis omnibus communia facit ipsa Fraternitas, facta tecta que esse vultis, ita nostrâ causâ concuti Orbem, Pacemque Christianam conturbari nolumus: quare eo quoque, quidquid inerat, jure decessimus: id in Regem Optimum atque Beneficentissimum ultrò contulimus: (a) *Et si foris propter Canonum rigorem minùs licebat, factum est tamen, quia Ecclesiastica paci sic expediebat; cum enim plenitudo legis sit Charitas, in hoc legibus obtemperatum esse credimus, in quo Charitatis opus impletum esse cognovimus.*

Quæ à nobis acta, si Vestra Sanctitas dignetur inspicere, probaturam esse pro sua æquitate confidimus. Sanè summâ consensione, pronaque omnium nostrum voluntate gesta esse testamur; cum præsertim nemo sit, qui rebus nostris intellectis, ac perpensis omnibus; quæ recens nobis supplicantibus à Rege Maximo statuta sunt, non ultrò fateatur, plura & ampliora concessa, quàm dimissa, atque Ecclesiæ causam Regiâ æquitate ac liberalitate, meliore nunc omnino conditione esse: quamobrem obsecramus, ut quæ à nostra humilitate, non modò publicæ pacis intuitu, sed maximo Ecclesiæ emolumento gesta sunt, quæque Rex Maximus, tanto Religionis studio, tan-

tasque omnium nostrum obtestatione concessit, Regijs Magistratibus nequicquam reclamantibus, sic Vestra Sanctitas complectatur, ut Sacerdotij Regniq̃ue concordiam æternum firmet & sanciat.

Quid enim luctuosius, quàm sub tanto Pontifice, ac tanto Rege, quorum consensione tot in Ecclesiam bona redundatura sint, per invisa & importuna dissidia eludi expectationem Orbis, & publica commoda retardari? Sanè ex quo Ecclesia est, Sede Apostolicâ Regnoq̃ue Francorum nihil conjunctius fuisse, & maximo honori ducimus, & Vestri Antecessores libentissimè prædicant; hanc verò perpetuam conjunctionem animorum nostris quoque temporibus auctam oportuit. Quid enim videt Orbis Magno Ludovico majus? Quem Turcæ sævienti graviolem hostem? Quam expeditiorem manum? Quem animum promptiorem? Quem idoneum magis, quicum ea, quæ Vos assidue pulant, coërcendi hostis, atque amplificandæ Ecclesiæ, communicare consilia? Quem ad ardua quæque jam spontè currentem incitare possitis? Ne verò prohibeat Vestram Sanctitatem Ecclesiarum aliquarum haud tantis sanè moribus digna libertas: solet Ecclesia Christi quædam omittere, ut alia, eaq̃; potiora servet, multa quoq̃; in melius ferendo, commutare. Ipsa Regalia quantum imminuta est, cum pij Principes à potiundis fructibus jam abstinuerint, & gravissima onera alendorum militum ac Procurarionum spontè remiserint, ut jam illi à nobis, si necesse sit, memorem animum suo quodam jure reposcere videantur? Quid attinet commemorare in Episcopis atq̃; Abbatibus eligendis, investituris, in iussionibus, permissionibus, assensionibus Regijs, in Episcopatum & Abbatiarum concessione & dono, in Hominijs quoque & Sacramentis fidelitatis, quàm multa primùm censuris gra-

gravissimis reprobata, mox ultrò concessa sint? Ipsa Apostolica Sedes, arx Ecclesiasticæ libertatis, quàm multa Principum in seipsam quoq; jura tolerârit, imò aliquando concesserit, ipsâ temporum morâ excussa cervicibus, & in optimum statum spontè restituta? An ergò Ecclesia (a) *levitate usa est? fuitq; in illa est & non?* Absit, sed satis sibi conscia æternitatis suæ, ipsiq; veritati semper immobili animo adhærescens, aliquâ sui parte humanis se rebus utcunq; accommodat, nec tam temporibus, quàm animarum saluti servit. (b) *Hæc dicendo doctam Paternitatem Vestram non docemus, sed eandem consulendo & rogando monemus, ut ibi consilijs & pietatis studeatis visceribus abundare, ubi fas non est, fortitudinem exercere.*

Quare, Beatissime Pater, ad sacros Vestros pedes ritè provoluti, atque Apostolicam Benedictionem expectantes, Summum illum Ecclesiæ, vestriq; unici Primatûs Auctorem oramus, obsecramus, uti mentem Vestram ad pacis consilia inflectat, & quæ pacis stud. o. exemplo Majorum, Sanctitas Vestra gesserit, ea in Vestram gloriam, quam in Christo habetis, totiq; Ecclesiæ utilitati vertat.

Datum Parisijs tertio Nonas mensis Februarij, An. 1682.

*Obsequentijsmi & devotissimi Filij ac Servi Vestri,*

Archiepiscopi, Episcopi, & alij Ecclesiastici Viri  
in Comitij Generalibus Cleri Gallicani Parisijs  
congregati.

Franciscus Archiepiscopus Parisiensis, Præses.

*De Mandato Illustrissimorum & Reverendissimorum Archiepiscoporum, totiusq; Cætus Ecclesiæ  
sue in Comitij Generalibus Cleri Gallicani  
Parisijs congregati.*

Alia

(a) 1. ad Corinthios cap. 7. v. 17.

(b) Ivo Carnotensis Epistolâ 190.

Alia Cleri Gallicani epistola ad Sanctissimum Dominum Nostrium Innocentium XI. Pontif. Max.

*Beatissime Pater,*

**Q**uantum olim à Majoribus nostris Sedi Apostolica delatum est, tantum nos, qui honoris Sacerdotalis successores Patrijque animi hæredes sumus, Vestrae Sanctitati debere, solemniter profiteamur; neque id modò, quòd Vestra Beatitudo in præcelso editoque Ecclesiae loco posita est, sed & quòd Illam videmus singulari pietate, & religione summâ, loci auctoritatem exæquare. Cùm enim Petri Cathedram eâ quâ debemus veneratione prosequimur, & pariter nobis ante oculos proponimus virtutes eximias, quibus V. S. ornata est, severitatem scilicet Institutorum, studium amplificandæ Ecclesiae, constantem retinendæ veteris disciplinæ sententiam, quotidianam sollicitudinem omnium Ecclesiarum, obfirmatam non acquiescendi carni aut sanguini voluntatem, non possumus non admirari, & summam in honoribus gloriam, & parem in moribus disciplinam. Hæc & alia, quæ sanè magnifica sunt, magnam de Vestro Pontificatu spem omni Ecclesiae injecerunt; quisque statim Vestri nominis merita prædicare, sibi quisque polliceri cœpit, fore ut summo Pontifice Innocentio Undecimo Ecclesia Provincias reciperet, quas Patrum nostrorum memoriâ Hæresis abstulerat, & fides Romana prolatis longè finibus amissam recuperaret possessionem. Ea spes Orbis Christiani fuit, eaque opinio hoc magis apud  
nos

Hos invaluit, quòd paribus votis, & simili animorum consensione cum Vestra Sanctitate conveniret Rex Christianissimus, qui, quâ Religione, & quâ præditus est potentia, impietatem disturbare, & solus inter Principes Christianos domitam hæresim Romanis subjicere falsibus potest; neque frustra est hæc expectare ab invictissimo Principe, qui jam non minùs religione, quàm armis, Magni Nomen implevit. Ille domi hæresis tanquam alicujus hydræ innumera capita Edictorum pondere oppressit: Ille jam pridem foris subactis Provincijs & Civitatibus expugnatis, Romanæ Ecclesiæ religionem intulit, & nuper in Argentoratensem Civitatem, stupente Europâ, & frendente hæresi fidem ab exilio reduxit, expiatoque Dei Sanctuario, signa Catholica sacris affixit postibus, quos tot annos hæreticorum polluerat impietas. Hæc Christianissimus Rex, cujus spectata virtus, summa in rebus gerendis Prudentia, in exequendis Fortitudo admirabilis, Magnitudo animi, Justitia, Fides, Religio, tanquam sagittæ in arcu brahij potentis, ad tollendam hæresim, delendum mendacium. Cùm hæc inter sanctissimum Pontificem, & Regem Maximum incredibilis esset virtutum, & voluntatum conspiratio, quid aliud nos augurari oportebat, quàm fidei victorias, & gloriam Ecclesiæ. Verumtamen, Beatissime Pater, hæc contra omnium expectationem perversis quibusdam hominum improborum artibus interpellata sunt: vix præ dolore hæc meminisse, nedum commemorare possumus. E enim dum Rex Christianissimus pro sua pietate rem Ecclesiæ bene & feliciter gerit, ecce per Provincias & Civitates Galliarum Litteræ Apostolicæ divulgatæ sunt, quibus sacra Regis Christianissimi Majestas offenditur, acerbis minacibusque litteris impetitur ille Rex.

I

Præ-



Prædicator fidei, Defensor Ecclesiæ, Regionum Præsul, Patriæ Cultos, Triumphator Gentium; convelluntur Jura Regni, tolluntur sacra majorum nostrorum deposita, pulsan-  
 tur Ecclesiæ Gallicanæ libertates, cæditur reverentia Sacerdotalis, Provinciarum Ecclesiarumque Privilegia violantur, subvertitur Jurisdictio Episcoporum, perruptis-  
 que terminis, quos Patres nostri constituerunt, ex antiqua Patrum nostrorum hæreditate immeriti dejicimur. Inge-  
 nuit, Beatissime Pater, Clerus Gallicanus, cum videret, contra Canonem Ecclesiasticum, & contra formam judi-  
 ciorum condemnatum esse Illustrissimum Archiepisco-  
 pum Tholosanum; exhorruit districtum & minitantem Capiti Collegæ excommunicationis gladium, demum  
 contra fidem Concordatorum litteræ Pontificiæ absque Canonica causa denegantur ritè nominato ad Apamien-  
 sem Episcopatum; unde accidit, ut non succurratur Eccle-  
 siæ scissurâ laboranti, quoniam non adest Episcopus, qui &  
 pro munere institutionis suæ tollat schisma, & dissidentes  
 ad unitatem revocet.

Unde verò, Beatissime Pater, tot & tantæ in nos ira-  
 rum causæ? quos olim unus ex Vestræ Sanctitatis Præde-  
 cessoribus appellabat Gentem sanctam, Regale Sacerdo-  
 tium, Populum acquisitionis, cui Deus Israel benedixit.  
 Nonne nobis eadem, quæ Majoribus nostris fuit in Sum-  
 mum Pontificem devotio? Nonne erga Sanctitatem Ve-  
 stram reverentiæ & obedientiæ obtestatio similis? idem-  
 que nos, quos illos olim ejusdem communionis vinculum  
 Sedi Apostolicæ adstrictos tenet? Dolemus, Beatissime  
 Pater, nihilominus ex vestris litteris in Ecclesia seri discor-  
 dias; cumque in dies malum ingravesceret, huic tandem  
 obviàm ire cœpimus; habitoque generali Ecclesiæ Galli-  
 canæ

canæ conventu in commune providere, ne quid detri-  
menti Christiana res caperet. Adivimus itaque Regem  
Christianissimum, & quâ legatione pro Christo fungimur,  
tanquam DEO exhortante per nos, obsecravimus, ne ex  
unius negotij causa ædificationem Dei dissolvi sineret.  
Eum verò, Beatissime Pater, qui pacandi orbis gratiâ, glo-  
riæ & magnitudini suæ, quibus nihil fortissimo Principi  
pretiosius est, ultrò modum fecit, tranquillitati Ecclesiæ &  
felicitati Sacerdotum nihil non condonaturum esse, roga-  
tionis nostræ eventus comprobavit.

Quoniam verò paci & quieti Ecclesiæ Gallicanæ, non  
modò in præsentiarum, sed etiam in posterum prospicien-  
dum est, talia nempe præcesserunt, ut similia, vel etiam  
graviora præcaveri oporteat; præmisso erga Sedem Apo-  
stolicam quod decet, reverentiæ & obedientiæ officio,  
impensius deprecamur Sanctitatem Vestram, ne jura, pri-  
vilegia, mores, & instituta Majorum convelli, aut minui  
patiatur, ea præsertim, quæ sacris Canonibus, & Patrum  
Decretis stabilita nobis semper in honore & usu fuerunt,  
& quæcumque Ecclesia Gallicana auctoritate consuetudi-  
nis & vetustatis possessione defendit: idque eò ardentio-  
ribus votis exposcimus, quo nullâ temporum interrup-  
tione, nullaque definitione Patrum hac in re Ecclesiæ  
Gallicanæ derogatum est. Ejusmodi autem sunt Episco-  
porum judicia, quæ ex Patrum Decretis, & ex moribus  
nostris in his partibus à nobis tractari, quin etiam inter-  
jectis ad Sedem Apostolicam appellationibus finiri de-  
bent; ea quoque, quæ ad jurisdictionem Metropolitano-  
rum & Episcoporum attinent, jura Regni, libertates Ec-  
clesiarum, negotia Ecclesiastica, quæ omnia intra limites  
Diocæses Galliarum æstimari, agitari, & judicari con-

dictum est. Prudentissimè enim, & justissimè, ut in simili propè negotio Patres Africani ad Cœlestinum Papam scribebant, Nicæni Patres providerunt, quæcumque negotia, ubi orta, sunt finienda, nec unicuique Provinciæ gratiam Sancti Spiritûs defuturam, quâ æquitas à Christi Sacerdotibus, & prudenter videatur, & constantissimè teneatur.

Oramus itaque Sanctitatem Vestram, & omnibus precibus obtestamur, ut suam, quam Vestris Fratribus DEUS tribuit portionem, intactam illibatamque esse velit, ut paterno animo suam filijs hæreditatem sanctam rectamque custodiat, ut vulneribus Ecclesiæ Gallicanæ Matris nostræ piâ, & salubri eorum, quæ gesta sunt, ratione medeatur; nec intercessionem Cleri Gallicani minùs æquis auribus accipiat, dum præsertim periculum est, ne quid dispendij res nostræ, nobis tacentibus, patiantur. Neque hæc pro juribus nostris defendendis repentina supervenerunt subsidia: antiqua Majorum nostrorum documenta sunt, quæ ut hausimus ab ijs, ea pariter hoc Ecclesiastici vigoris, & Sacerdotalis animi exemplo, ad posteros transmittimus. Quin etiam æmulamur sapientiam Patrum, qui in similibus causis, simili modo suis institutis providerunt, neque id ægrè tulisse Summos Pontifices Bonifacium & Cœlestinum, quin & hisce postremis temporibus Innocentium X. accepimus; speramus quoque, Beatissime Pater, fore ut Vestra Sanctitas æqui bonique consulat hanc nostram contestandæ, & dirimendæ causæ rationem, ubi sine honoris erga Vestram Sanctitatem diminutione, sine ulla charitatis offensione, decertata jura suis possessoribus asseruntur. Nobis enim hoc inprimis de Vestra Sanctitate pollicemur, ut ille, cujus ad Pontificatum felix ortus, &

lati

læti dies fuerunt, cujus vita omnis virtutibus tanquam fau-  
stis syderibus fulget, amotis procul vel levium dissidio-  
rum nebulis, tranquillitatem Ecclesiæ Gallicanæ afferat,  
& serenitatem. Hoc omnium nostrum votum, & hoc  
cum Apostolica benedictione optant, expectantque.

Datum Parisijs prid e Nonas mensis Maji, Anno 1682.

## Sanctitatis Vestræ

*Obsequentissimi & devotissimi Filij ac Servi  
Vestri,*

Archiepiscopi, Episcopi, & alij Ecclesiastici  
Viri in Comitijs Generalibus Cleri Gallicani  
Parisijs congregati.

Franciscus Archiepiscopus Parisiensis,  
Præses.

*De Mandato Illustrissimorum & Reverendis-  
simorum Archiepiscoporum, Episcoporum, totius-  
que Cœtus Ecclesiastici in Comitiji Generali-  
bus Cleri Gallicani Parisijs con-  
gregati.*



## Litteræ S. Pontificis ad Conven- tum Parisiensem.

**V**enerabilibus Fratribus Archiepiscopis, & Episcopis, &c. Paternæ charitati, quâ charissimum in Christo Filium nostrum Ludovicum Regem Christianissimum, & Ecclesias vestras, vos ipsos, & universum istud Regnum amplectimur, permolestum accidit, ac planè acerbum cognoscere ex vestris litteris die tertiâ Februarij ad Nos datis, Episcopos, Clerumque Galliarum, qui corona olim, & gaudium erant Apostolicæ Sedis, ita se erga illam in præsens gerere, ut cogamur multis cum lacrymis usurpare propheticum illud: *Filij matris mee pugnaverunt adversum me.* Quamquam adversum Vos ipsos potius pugnatis, dum Nobis in ea causa resistitis, in qua vestrarum Ecclesiarum salus, ac libertas agitur, & in qua Nos pro viribus, & dignitate Episcopali in isto Regno tuenda, ab aliquibus Ordinis vestri pijs, ac fortibus viris appellati absque mora surreximus, & jam pridem in gradu stamus, nullas privatas Nostras rationes secuti, sed debitæ Ecclesijs omnibus sollicitudini, & intimo amoris erga Vos Nostro satisfacturi.

Nihil sanè lætum, & vestris nominibus dignum eas litteras continere in ipso earum limine intelleximus: nam præter ea, quæ de norma in comitijs convocandis, peragendisque servata afferebantur, animadvertimus, eas ordiri à metu Vestro, quo suafore nunquam Sacerdotes Dei esse solent, & in ardua, & excelsa pro Religione, & Ecclesiastica libertate, vel aggrediendo fortes, vel perficiendo constantes. Quem quidem metum falsò judicavistis

vistis posse vos in sinum Nostrum effundere. In sinu enim Nostro hospitari perpetuò debet Charitas Christi, quæ foras mittit, & longè arcet à se timorem. Quâ charitate erga vos, Regnumque Galliæ paternum cor Nostrum flagrare multis jam, ac magnis experimentis cognosci potuit, quæ hic referre non est necesse. Si quid est autem, in quo bene merita de vobis sit charitas Nostra, id esse imprimis putamus, hoc ipsum Regaliæ negotium, ex quo si seriò res perpendatur, omnis ordinis vestri dignitas, atque autoritas pendet. *Timuistis ergo, ubi non erat timor*: Id unum timendum vobis erat, ne apud DEUM, hominesque redargui ritè possetis, loco atque honori vestro, & Pastoralis officij debito defuisse: memoriâ vobis repetenda erant, quæ antiqui illi Sanctissimi Præsules, quos quàm plurimi postea quâlibet ætate sunt imitati, Episcopalis constantiæ, ac fortitudinis exempla in hujusmodi casibus ad vestram eruditionem ediderunt. Intuendæ imagines Prædecessorum vestrorum, non solum qui Patrum, sed qui nostrâ quoque memoriâ floruerunt, & qui Ivonis Carnotensis dicta laudatis, debuistis etiam facta, cum res posceret, imitari. Nôstis quantum is fecerit, passusque sit in turbulenta illa, & periculosa contentione inter Urbanum Pontificem, & Philippum Regem, muneris sui esse arbitratus, contra Regiam indignationem stare, bonis spoliari, carceres, & exilia perferre, deferentibus alijs causam meliorem. Officij vestri erat Sedis Apostolicæ authoritati Vos adjungere, & Pastorali pectore, humilitate sacerdotali causam Ecclesiarum vestrarum apud Regem agere, ejus conscientiam de tota re instruendo, etiam cum periculo Regum in vos animum irritandi, ut possentis imposterum sine rubore in quotidiana Psalmodia Deum

Deum alloquentes Davidica verba proferre: *Loquebar de testimonijs tuis in conspectu Regum, & non confundebar.* Quantò magis id vobis faciendum fuit, tam perspectâ & exploratâ optimi Principis justitiâ, & pietate, quem singulari pietate Episcopos audire, Ecclesijs favere, & Episcopalem potestatem intemeratam velle vos ipsi scribitis, & Nos magna cum voluptate legimus in vestris litteris. Non dubitamus, si stetissetis coram Rege pro causâ tam justâ defensione, neque defutura vobis verba, quæ loqueremini, neque Regi cor docile, quo vestris annueret postulatis. Nunc, cum muneris vestri, & Regiæ æquiritatis quodammodò oblitus in tanti momenti negotio silentium tenueritis, non videmus, quo probabili fundamento significetis, vos ad ita agendum adductos, quòd in controversia victi sitis; quòd causâ cecidistis. Quomodo cecidit, qui non stetit? ecquis vestrū tam gravem, tam justam causam, tam sacrosanctam curavit apud Regem? Cum tamen prædecessores vestri in simili periculo constitutam, non semel apud Superiores Galliæ Reges, imò apud Hunc Ipsum liberâ voce defenderint, victoresque à Regio conspectu decesserint, relatis etiam ab æquissimo Rege præmijs pastoralis officij strenuè impleri? Ecquis vestrū in arenam descendit, ut opponeret murum pro domo Israel? quis ausus est invidiæ se offerre? quis vel vocem unam emisit memorem pristinæ libertatis? clamaverunt interim, sicuti scribitis, & quidem in mala causâ pro Regio Jure clamaverunt Regis administri, cum vos in optimo pro Christi honore sileretis. Neque illa solidiora, quòd reddi tibi Nobis rationem seu veriùs exultationem allaturi, rerum in hujusmodi comitijs per vos actarum exaggeratis periculum, ne Sacerdotium, & Imperium in-




ter se collidantur, & mala, quæ exinde in Ecclesiam, & in Rempublicam consequi possent; proinde existimâsse vos ad officium vestrum pertinere, aliquam inire rationem tollendi de medio gliscentis dissidij, nullam verò apparuisse commodiorem remedio à Patribus judicato, utili condescensione Canones temperandi pro temporum necessitate, ubi neque fidei veritas, neque morum honestas periclitetur. Deberi ab ordine vestro, deberi à Gallicana, imò ab universa Ecclesia plurimum Regi, tam præclare de Catholica Religione merito, & in dies magis mereri cupienti; propterea vos jure vestro decedentes illud in Regem contulisse. Omittimus hîc commemorare, quæ significatis de appellato à vobis sæculari Magistratu, à quo victi decesseritis; cupimus enim ejus facti memoriam aboleri, & volumus ea Vos verba à litteris vestris expungere, ne in actis Cleri Gallicani resideant ad dedecus vestri nominis sempiternum. Quæ de Innocentio III. Benedicto XII. Bonifacio VIII. in vestram defensionem adducitis, non defuere, qui doctis litteris ostenderint, quàm frivola, atque extranea sint causæ, & magis notum est, quàm ut opus sit commemorare, quo Zelo, quâ constantia eximij illi Pontifices Ecclesiæ libertatem defenderint adversus sæculares potestates, tantum abest, ut exemplo eorum possint errori vestro suffragari. Caterum ultro admittimus, & laudamus consilium relaxandi Canonum disciplinam pro temporum necessitate, ubi fieri id possit sine fidei, & morum dispendio; imò addimus cum Augustino toleranda aliquando pro bono unitatis, quæ pro bono æquitatis odio habenda sunt, neque eradicanda zizania, ubi periculum sit, ne simul etiam triticum eradicetur. Id ita tamen accipi oportet, & in aliquo

tantum peculiari casu, & ad tempus, & ubi necessitas urget, licitum sit, sicuti factum est ab Ecclesia, cum Arrianos, & Donatistas Episcopos ejurato errore suis Ecclesijs restituit, ut populos, qui secuti eos fuerant, in officio continerent. Aliud est, ubi disciplina Ecclesiæ per universi amplissimi Regni ambitum sine temporis termino, & manifesto periculo, ne exemplum latius manet, labefactatur, imò evertitur ipsius disciplinæ, & Hierarchiæ Ecclesiasticæ fundamentum, sicuti evenire necesse esset, si quæ à Rege Christianissimo in negotio Regaliæ nuper acta sunt, conniventibus, imò etiam consentientibus vobis, contra notam jam vobis in eam rem mentem Nostram, & contra ipsam jurisjurandi Religionem, quâ vos DEO, Romanæ, vestrisque Ecclesijs obligastis, cum Episcopali charactere imbueremini, hæc executioni mandari, & malum invalescere diutius differendo permitteretur; ac non ea nos pro tradita divinitus humilitati Nostræ suprema in universam Ecclesiam potestate solemnino more, prædecessorum Nostrorum vestigijs inhærentes, improbamus. Cum præsertim per abusum Regaliæ non solum everti disciplinam Ecclesiæ res ipsa doceat, sed etiam fidei ipsius integritatem in discrimen vocari facile intelligamus ex ipsis Regiorum Decretorum verbis, quæ jus conferendi beneficia Regi vindicant, non tanquam profluens ex aliqua Ecclesiæ concessione, sed tanquam ingentum Regiæ Coronæ. Illam verò partem litterarum vestrarum non sine animi horrore legere potuimus, in qua dicitur, vos jure vestro decedentes illud in Regem contulisse, quasi Ecclesiarum, quæ curæ vestræ creditæ sunt, essetis arbitri non custodes, & quasi Ecclesiæ ipsæ, & spiritualia earum jura possent sub potestatis sæcula-

ularis jugum mitti ab Episcopis, qui se pro earum libertate in servitutem dare deberent. Vos sanè ipsi hanc veritatem agnoscitis, & confessi estis, dum alibi pronuntiastis, jus Regaliæ servitutem quandam esse, quæ in ea præsertim, quæ spectant beneficiorum collationem, imponi non potest, nisi Ecclesiâ concedente, vel saltem consentiente. Quo jure vos ergo jus illud in Regem contulistis? cumque sacri Canones distrabi vetent jura Ecclesiarum, quomodò vos distrahere in animum induxistis, quasi eorundem Canonum authoritati derogare liceat vobis? Revocate in memoriam, quæ inclitus ille vester Clarevalensis Abbas, non Gallicanæ modò, sed universalis Ecclesiæ Lumen à Vobis jure merito nuncupatus, Eugenium Pontificem officij sui admonens reliquit scripta præclarè; meminisset se esse, cui claves traditæ, cui oves creditæ sunt, esse quidem & alios cœli janitores, & gregum pastores, sed cum habeant illi assignatos greges singuli singulos, ipsi universos creditos, Unicum, nec modò ovium, sed & Pastorum Eugenium esse Pastorem, ideoque juxta Canonum statuta alios Episcopos vocatos fuisse in partem sollicitudinis, Ipsum in plenitudinem potestatis. Ex quibus verbis quantum vos admoneri par est de obsequio, & obedientiâ, quàm habetis huic sanctæ Sedi, cui Nos Deo auctore, quamquam immeriti præsidemus, tantumdem Pastoralis Nostra sollicitudo excitatur, ad inchoandum tandem aliquando in hoc negotio, quam nimia fortasse longanimitas Nostra, dum pœnitentiæ spatium damus, hætenus distulit, Apostolici muneris executionem; quamobrem per præsentès litteras traditâ Nobis ab Omnipotente Deo autoritate improbamus, rescindimus, & cassamus, quæ in istis vestris comitijs acta sunt in negotio

Regaliæ, cum omnibus inde securis, & quæ impofterum attentari contingat, eaquæ perpetuò irrita, & inania declaramus, quamvis, cum sint ipsa per se manifestè nulla, cassatione, declaratione hujusmodi non egerent. Speramus attamen vos quoque ipsos re meliùs consideratâ, celeri retractatione consulturos conscientia vestra, & Cleri Gallicani existimationi, ex quo Clero. sicuti hucusq; e non defuere, ita impofterum non defuturos confidimus, qui boni Pastoris exemplo libenter animam ponere parati sint pro ovibus suis, & pro testamento Patrum suorum. Nos quidem pro officij Nostri debito parati sumus, DEI adjunctrice gratiâ, sacrificare sacrificium justitiæ, & Ecclesiæ jura, ac libertatem, & hujus S. Sedis authoritatem, dignitatemque defendere, nil de Nobis, sed omnia de Eo præsumentes, qui Nos confortat, & operatur in Nobis, & qui jussit Petrum super aquam ambulare; *præterit enim figura hujus mundi, & dies Domini appropinquat.* Sic ergo agamus Venerabile Fratres, ac dilecti filij, ut, cum Summus Paterfamilias, & Princeps Pastorum rationem ponere voluerit cum servis suis, sanguinem pessumdata Ecclesiæ, quam suo cruore ipse quasivit, de Nostreis manibus non requirat. Vobis interim omnibus Apostolicam benedictionem, cui cælestem accedere exoptamus, intimo Paterni amoris affectu impartimur. Datum Romæ die XI. Aprilis. M. DC. LXXXI.





Dilectis in Christo Filiabus Monialibus, seu Canonissis Regularibus Congregationis Beatae Mariae Virginis nuncupatis, Monasterij loci de Sciaron, Parisiensis Dioecesis,

Ordinis Canonico: um Regularium Sancti

Augustini Servi DEI Petri


Fourieri.

INNOCENTIUS PAPA XI.

**D**ilectæ in Christo Filiae, allatum ad nos est, monialem quandam Cisterciensis, seu alterius, non tamen Vestri Ordinis Mariam Angelicam Le Maistre nuncupatam, prætextu Regiæ nominationis ad perpetuam, seu temporalem istius Monasterij præfecturam se in ejusdem possessionem, effractis violenter claustri vestri foribus, dum vos ad Divinam opem implorandam preces ad aram suppliciter funderetis, immisisse. Eam sanè ex hujusmodi facto cepimus intimi doloris amaritudinem, quam rei ipsius atrocitas, & grave scandalum, quod exinde profectum est, exposcebat, neque minori commiserationis sensu persecuti vos fuimus, Qui cognitam, & perspectam habemus pietatem atque egregiam disciplinam, quâ instituti vestri, præsertim in gratuita & fideli puellarum instructione normam teneris, speramus non defutura Vobis veriora solatia à Patre Misericordiarum, qui Virtutem vestram ita exercet, & quasi per ignem probat, ut ornet, & illustret magis, & ampliori mercede suo tempore coronet: Praecipimus interim Vobis, ne

præfatæ Mariæ Angelicæ ullum obedientiæ actum exhibeatis, aut quidquam faciatis, quod trahi aliquo modo possit in approbationem, & consensum eorum, quæ hæc occasione à quocunq; quovis colore peracta & patrata sunt, quæque Nos Apostolicâ authoritate nulla, atque irrita declaramus, & (quatenus opus sit) cassamus, omniâque & singula tam à dicta Maria Angelica, quàm ab ejus fautoribus attentata annullamus, revocamus, atque abrogamus; sed procedatis juxta Regularum vestrarum præscriptum, ad eligendum de gremio vestro Matrem, seu Priorissam triennalem eâ charitate, & prudentiâ, ut monasterio vestro præesse cum laude possit. Caterùm mandamus, ut sorores seu Matres vestræ, Moniales dicti vestri Monasterij, quæ ausu temerario relegatæ asscruntur, quantò citius redeant, & ibi voce activâ & passivâ frui, potiri & gaudere possint, Vobisque & ipsis, totiûque Congregationi Beatæ Mariæ Virginis Instituti præfati Servi DEI Petri Fourier, & præsertim vestro Monasterio Pontificium Nostrium patrocinium ex animo pollicemur, dum accuratis, & jugibus precibus vestris necessitates Ecclesiæ, & Nos ipsos commendamus, quibus Apostolicam Benedictionem paternè impartimur. Datum Romæ die VII. Augusti. M. DC. LXXX.

*Marinus Spinola.*



Litteræ ab Archi-Episcopis, Episcopis, cæterisque Cleri Gallicani deputatis  
ad Regem Christianissimum datæ, & Latinitati ex Gallico redditæ.

Domine &c.

**I**Ntelleximus. nec absque intimo doloris sensu à S.<sup>mo</sup> D.  
N. Romano Pontifice ad Majestatem Vestram delatas  
esse litteras, quibus non solum Majestatem Vestram ex-  
hortandam ducit, ne aliquas nostrarum Ecclesiarum Re-  
galia subijciat; Verum etiam, nisi Paternis, ac sæpè repeti-  
tis admonitionibus acquiescat, suâ potestate se usurum de-  
nunciat; Enimverò Nostrarum partium, Nostrique obse-  
quij esse credimus minimè in re tanti momenti silentium  
tenere, eo præsertim temporis, quo invito, ægroque ani-  
mo ferimus Filium Primogenitum, Ecclesiæque Protecto-  
rem ijs omnino minis, eademque acerbitate tractari, quâ  
Principes solent, qui Ecclesiæ jura invadunt. Non est No-  
bis animus cum Majestate Vestra in eo negotio disceptare,  
in quo ab Eadem tot argumenta notasque Pietatis, & justi-  
tiæ jam dudum accepimus; sed tantum hanc novam agen-  
di rationem dolentes intuemur, ex qua tantum abest, ut Ec-  
clesiæ, Sedique Romanæ honoris aliquid, & emolumentum  
accedat, ut potius ingentia utrique mala pessimique effectus  
timendi sint, quis enim non videat intempestivâ hâc seve-  
ritate eorum animos, & molitione vali, qui turbido, inquieto  
que ingenio sunt, & contra Sanctitatis suæ genium, ac  
intentiones rectissimas occasionem hanc amplectuntur,  
vindictam, privatosque affectus explicandi, & Majestatis  
Vestræ, ejusque Prælatorum honori, quod jam dudum faci-  
ciunt.



ciunt, acerbè insultandi. Ipsi omnino sunt, qui lapidem omnem movent, industriamque collocant dignitati Sacerdotali cum Regia collidendæ, eo potissimum tempore, quo nunquam magis oportuit utrâque fœderari, & nunc maximè, cùm, quæ Religionî augendæ, Disciplinæ exornandæ, expugnandisque erroribus Hæreticorum, à Majestate Vestra quotidie fiunt orbe toto, cantantur; Enimverò nec consilia Nobis, nec media desunt, quibus auctoritate Majestatis Vestræ, & potentiâ nixi, tam perniciosos funestosque eventus avertere possimus, explicatâ videlicet summo Pontifici animi nostri sententiâ, aliisque remedijs, quæ tam gravi malo conveniunt, maturè adhibitis, illasâ tamen eâ Reverentiâ, obsequioque, quæ Christi Vicario profitemur. Hoc siquidem Prædecessores nostri solemne semper habuerunt, ut Zelo, quo Ecclesiasticam libertatem tuendi flagrabant, Reverentiam adjungerent tot titulis cum naturæ, tum Religionis suis Regibus debitam. Et quemadmodum Majestati Vestræ inter alia tot decora illud etiam accessit, ut Majores Suos omnes potentiâ, & Religione post se relinquat, ita Nos quoque sic obstrictos habet, devinctosque, ut ab Ejus obsequio nullâ ratione, nullisque artibus avelli possimus. Serviet hæc animi nostri contestatio eludendis conatibus omnium sacræ Sedis, Regnôque inimicorum, eamque Nos tantò libentiùs, & quàm fieri potest candidissimè, repetendam ducimus, quòd necessarium credamus, ut totus Orbis intelligat, & amorem Ecclesijs, & venerationem Regibus debitam conjungi à Nobis posse. Qui erimus perpetuùm

Majestatis Vestræ

*Humillimi, obsequentissimi, fidelissimi, obligatissimi  
Servi & subditi*

Archiepiscopi, Episcopi cæteri que  
Deputati, &c.

XII. Haecenus Innocentij XI. Pontificis Max. litteræ, in quibus & libertas Pontifice digna, & Majestas, ad quam scribit, observata publico reverentiæ, & auctoritatis temperamento, & tamen à quibusdam inhumanitatis notatæ sunt, quod dicerent, oportuisse Regem majestate, & victorij ferocem molliùs tractari, nec minis, sed obsequio flecti.

Sed qui hæc dicunt, nec officium satis considerant Pontificis Max. nec morem; quis enim Regem veritatis admoneat, tacente Petro, Christique Vicario?

Inter tot adulantium illecebras miserrima sit Principis conditio, si ne à Patre quidem veritatem audiat. Eodem calamo scripsit Innocentius XI. quo Illius Prædecessores ad Reges scripsere, imò dulciore, ut patebit ex fragmentis paulò post recitandis; recitabimus verò eo animo, ut intelligat Lector Summorum Pontificum semper hunc animum, & morem fuisse, ut Dei sapientiam, cujus in Ecclesia personam sustinent, imitarentur, *qua operatur omnia fortiter, & suaviter.*

Innocentius III. ad Alexium Comnenum Imperatorem (a) sic loquitur: *Mirata est Imperialis sublimitas, quod Te nisi fuimus in nostris litteris increpare. Huic autem Tuae admirationi non causam, sed occasionem præbuit, quod legisti B. Petrum Apostolorum Principem sic scripsisse: Subditi estote omni humanae creatura propter Deum, sive Regi tanquam præcellenti, sive Ducibus, tanquam ab Eo missis ad vindictam malefactorum, laudem verò bonorum; Nos autem etsi non increpando scripserimus, potuissimus tamen rationabiliter increpare: cum B. Paulus Apostolus Episcopum instituens ad Timotheum scribat: Prædica Verbum, in sua oportune, importune, argue, obsecra, increpa in omni patientia; Non enim os Nostrium debet esse ligatum, sed patere debet ad omnes; ne secundum Propheticum verbum simus canes latrare non valentes. Unde correctio Nostra Tibi non debuit esse molesta, sed magis accepta, quia Pater Filium, quem diligit, castigat: debitum igitur Pastoralis officii exequimur, cum obsecramus, arguimus, quando increpamus, & non solum alios, sed Imperatores, & Reges, & ad ea studemus adducere, qua Divina sunt placita Majestati.*

Symachus Papa in Apologetico ad Anastasium Imperatorem: *Precor Imperator inquit, pace Tua dixerim: Memento Te hominem, ut possis uti concessi Tibi divinitus potestate, quia etiam si hæc sub humano prævenire iudicio, sub Divino necesse est, ut discutiantur examine. Fortassis dicturus es, scriptum esse omni Potestati sub-*

L

(a) in c. 6. de major. &amp; obed.

is subditos nos esse debere. Nos quidem Potestates humanas suo loco suscipimus, donec contra Deum suas non erigunt voluntates. Defer Deo in Nobis senatus, & Collegio Clericorum Roma, & Nos deferemus Deo in Te. Caterum si Tu Deo non deferis, non potes ejus uti privilegio, cujus jura contemnis. Duxis quod mecum conspirante Senatu excommunicaverim Te. Ita quidem Ego, sed rationabiliter factum à Decessoribus Meis sine dubio subsequor, & consensari meâ voce non desino, ut Te memineris hominem, quantalibet sis mundi Potestate subnixus, circumspiciâque cunctos, qui Catholicam fidem persequi, & affligere sunt conati, quemadmodum prevalendo defecerint, &c.

Stephanus Papa Basilio Imperatori: Accipe quâso Imperator optimam in partem, quâ subijcio: Datum tibi est, ut cures, quo pacto Tyrannorum impietatem, & immanitatem potentia ferro praeclidas, subjectis tuis jura administras, leges condas, terrâ, marique exercitum componas, hæc sunt capita, curâq; Imperij Vestri. Nostri verò cura gregis tantò praestantior est, quantum est inter cœlestia, ac terrestria discrimen: obtestor igitur Tuam pietatem, ut Principum Apostolorum instituta sequare, magnâque veneratione amplectare, omnium enim in orbe Terrarum ordo, & Pontificatus Ecclesia à Principe Apostolorum Petro originem accepit, per quem & Nos sincerâ, & incorruptâ doctrinâ instruimus, & docemus omnes: Tua verò Majestas perpendat potius, si ex grege DEI (quod opto) est, ovem se esse, & limiues Apostolorum ne transilias.

Gregorius Papa Leoni Isaurico Imperatori: Obsecutus es, ait, pervicaci animo Tuo, ac domesticis perturbationibus, & scripsisti: IMPERATOR SUM, ET SACERDOS. Audi humilitatem Nostram Imperator: cessa, & sanctam Ecclesiam sequere, prout invenisti, atque accepisti: non sunt Imperatorum dogmata, sed Pontificum, quoniam sensum Christi Nos habemus: alia est Ecclesiasticarum Constitutionum institutio, & alius sensus secularium. In administrationibus saculi militarem, ac ineptum, quem habes sensum, ac crassum, in spiritualibus dogmatum administrationibus habere non potes &c. Imperatores, qui piè, & in Christo vixerunt, Ecclesiarum Pontificibus obedire minimè recusârunt, nec Eos vexârunt. Tu verò Imperator, cum transgressus fueris, ac perversus evaseris & manu propriâ subscripseris, ac confessus fueris, eum, qui terminos Patrum tollis execrabilem esse, in hoc proprio judicio condemnatus es, ac Spiritum sanctum à Te alienâsti, & animam Tuam in barathra, & prærupta loca precipitem egisti, quod humiliari nolueris, durâque cervicem Tuam submittere. Ecce, nunc quoque Te hortamur, penitentiam age, & convertere, atq; ad veritatem ingredere, sicut invenisti, & accepisti, custodi.

Ambrosius Theodos. Imp. Fortasse Princeps dignitas ista, quæ præditus es, & lucenia, quam Tibi sumus, animo caliginem offundit, nequæ sunt reputare, quàm sit atrox facinus, ac detestabile, quod admisisti. Ego autem fure te pervelim, unum Deum esse potentem omnium rerum, & Dominum hujus Universitatis: mortales verò nihil nisi canum, & inane nomen: nequæ in hac communi miseria singularem esse Vestram Regum conditionem: ex luto vicissim à rerum natura patre facti, & exciati mox in lutum reciditis, Vosq; temporis momentis viors aequat illis ipsis, quos nimirum eluditis umbratili hoc Imperio. Agnosce crimen, & perhorresce, nequæ ausus fueris temeratum istud caput intra sacratos templi fines inferre; tantum humani sanguinis hausisti, ut procul inde sis amovendus, ubi celebrantur Augustissima Mystèria Redemptionis humana, &c. Extincto Maximo Tyranno, & Mediolani agente Ambrosio, facinus accidit, quo res Catholicorum turbata. Incensa fuerat à Christianis majori studio, quàm prudentiâ Judæorum Synagoga, & Lucus Valentinianorum. Hi Dijs triginta thus adolebant. Res ad Imperatorem delata: qui turbarum metu Synagogam ab Episcopo, & Christianorum impensis reparari mandat. Movere se continuò Ambrosius, qui tum degebat Aquilejæ, datâque epistolâ Imperatorem à sententia revocare. Ubi inter alia: Peto, ut patienter sermonem meum audias; nam si sum indignus, qui à te audiat, indignus sum, qui pro te offeram, cui Tuas Vota, cui Tuas committas preces. Ipse ergo non audies eum, quem pro te audiri velis? non est imperiale libertatem dicendi negare: nequæ sacerdotale, quod sentiat, non dicere. Relatum est à Comitibus Orientis incensam esse Synagogam, idq; auctore factum Episcopo. Jussisti judicari in ceteros, Synagogam ab ipso edificari Episcopo. Non adstruo expectandam fuisse assertionem Episcopi. Hoc dico, non vereris Imperator, ne non acquiescat sententia tua? Non etenim vereris, quod futurum est, ne verbis resistat Comitibus Tuis? necesse erit igitur, ut aut pravauctorem, aut Martyrem facias. Hanc proposui conditione puto dicturum Episcopum, quod ipse ignes sparserit, turbas compulerit, populos concluserit; hoc, inquam, dices. ne amittat occasionem Martyrii. O beatum mendacium! quo acquiritur aliorum absolutio. Hoc est Imperator, quod poposui & ego, ut in me magis vindicares, & hoc si crimen putas, mihi adscribas. Quid mandas in absentes judicium? habes præsentem, habes consentientem. Proclamo, quòd ego Synagogam incenderim, cerie quòd ego mandaverim, ne locus esset, in quo negaretur Christus. Legimus templa idolis antiquius condita de Manubijs Cimbrorum, de spolijs reliquorum hostium. Pro pudor! Theodosi, ergo titulum hunc Judas in fronte Synagoga sua scribens: templum

plum impietatis factum de Manubijs Christianorum? Cunctabatur tamen Theodosius, & an edictum refingeret, animi pendebat; advolat igitur Mediolanum Ambrosius, & præsentem Imperatorem de suggestu vehementi Apostrophe, inducæque personâ Dei sic ag-greditur: Audi Theodosi, quid ad Te pro se dicat Christus, Ego Te ex gregariis Imperatorem feci: Ego de fructu seminis tui in throno locavi: Ego tibi subjeçs Na-tiones Barbaras: Ego Tibi pacem dedi: Ego perturbavi hostes tui consilia, ut se ipse nudaret: Ego ipsum usurpatorem Imperij tui ita vixi, mentemq; ejus ligavi, ut, cum haberet fugiendi copiam, tamen cum omnibus suis, ne quis tibi periret, ipse se clauderet. Ego, cum periculum summum esset, ne alpes Barbari penetrarent, in-tra ipsum alpium vallum victoriam Tibi contuli, ut sine damno vinceres. Et tu de Me inimicis Mei triumphum donas. Et Tu erigis Synagogam hostibus Meis de ca-daveribus Christianorum, de sanguine maceratam. Sic Ambrosius peto-ravit, sic victus Cæsar, qui descendentem de Cathedrâ sic est affa-tus: Contra nos deposuisti hodie Episcopo. Cui Ambrosius: Non contra Te, sed pro Te locutus sum. Nec prius ad altare oblaturus accessit, quàm Imperator fidem tuam obstringeret. Cui Episcopus: Ergo, inquit, agam fide tuâ? respondit Theodosius: Age fide meâ: quâ ipositione repetitâ, jam securus Deo litavit.

Nicolaus Papa I. Epist. ad Michaëlem Imp. His, inquit, ita pralibatis sub conspectu DEI, purè syncerèq; pietatem vestram deprecamur, obie-flamur, exhortamur, ut petitionem Nostram non indignanter accipiat. Rora-mus denique, ut Nos in hac Vita potius audiatis deprecantes, quàm (quod absit) in Divino judicio sentiatis accusantes. Et ideo nolite (precamur) irasci, si Vos san-tum diligimus, ut Regnum, quod temporaliter asseuti estis, velimus vos habere perenne: & qui imperatis saeculo, possitis regnare cum Christo. Nam quâ fiducia (rogamus) illic DEI premia petituri estis, Cujus hinc Ecclesia detrimenta non pro-hibitis? Non sine gravia, quaesumus Vos, quæ vestra salutis aternitate duuntur. Scriptum legis, meliora sunt vulnera amici, quàm fraudulenta oscula inimici. Innocentius I. in causa D. Chrysostomi ad Arcadium Imperato-rem sic scribit: Vox sanguinis Fratris Mei Joannis clamat ad Deum contra Teò Imperator, sicut quondam Abel Justus contra parricidam Cain; & Is omnino vindicabitur: ne id modo admisisti, sed etiam pacis tempore persecutionem ma-gnam adversus Deum, & Ecclesiam Ejus con-nasti. Eje-isti è throno suo, re non judu-ata, Magnum totius Orbis D-ctorem, & unâ cum illo Christum persecutus es. Neq; de illo ita queror. quamvis intolerabilis ea jactura sit, propterea quòd pri-mum de animarum Vestrarum salute, deinde de illis, qui sapientissimâ, & Divinâ doctri-

doctrinâ orbat, fame Verbi DEI conficiuntur, sum sollicitus. Nova Dalila Eudoxia Imperatrix, quæ paulatim erroris sui novacula te Imperatorem totondit, ex-  
 trationem sibi ipsi conflavit, grave, & quod gestari nequeat, peccatorum pondus  
 colligans, atq; id prioribus suis peccatis superaddens. Itaque Ego minimus pec-  
 cator, Cui thronus magni Apostoli Petri creditus est, segrege, & rejice te, & illam  
 à perceptione Immaculatum: Myſteriorum Christi DEI Nostri: Episcopum etiam  
 omnem, aut Clericum Ordinis sanctæ DEI Ecclesiæ, qui administrare, aut exhibe-  
 ber Vobis ea ausus fuerit, ab ea hora, quâ præsentem legistis litteras, dignitate suâ  
 excidisse decerno, quod si ut homines potentes, quemq; vi adegeritis, & Canones  
 Nobis à Salvatore per sanctos Apostolos transgressi fueritis, Scitote id vobis  
 non parvum peccatum fore in horrenda illa Judicij die cum neminem hujus Vita  
 honor, & dignitas adjuvare poterit; Arcana autem, & abdita cordium sub oculos  
 omnium effundentur, atq; exhibebuntur. Atque quæ, quem pro Magno  
 Jo: ne in thronum Episcopalem produxisti, etiam post obitum exauctoramus unâ  
 cum omnibus, qui consilio cum eo communicarunt Episcopi, cujus etiam Non en  
 sacro Episcoporum albo non inscribatur; indignus enim honore est qui Episcopatum  
 quasi adulterio polluerit; omnis enim planta, quæ à Patre Nostro in cælis plantata  
 non est, eradicabitur.

Paulus III. ad Carolum V. Imperatorem, & Regem in cau-  
 sa Edicti Spirensis, inter alia sic scribit: Ex edicto Majestatis Tuæ Acta  
 Conveniūs tui Spirensis cognovimus. Nos verò, Fili, cum à te indigna quadam  
 Decreta in Conventu Spirensi ex ipsis actis animadverterimus, indigniora verò de-  
 signata esse, & talia, ut si propositum exitum, quod Deus avertat, consequantur,  
 non solum te in certissimum animæ periculum adductura, sed Ecclesiæ pa i, atq;  
 un tati majorem, quàm hactenus perturbationem fini allatura, &c. Hec, Cha-  
 rissime Fili, cum ita sint, quæ Tuam ipsius animam in magnum salutis periculum  
 adducant, & Ecclesiæ pacem magis, magisq; perturbent, facile videre potes, nisi  
 per te quam primum his malis remedium adhibeatur (quod te facturum speramus)  
 in quas angustias sis Nos compulsurus: ut aut offitio, & muneri Nobis à Deo per  
 ejus Filium dato deesse cogamur cum maximo detrimento, aut iterum severius  
 agere, quàm vel consuetudo Nostra, vel natura, vel voluntas ferant. Quamquam  
 Offitio quidem deesse in tanto discrimine non debemus prorsus, nec volumus, quan-  
 tum per ejus gratiam, super vires licet indigni in terris gerimus, de Nobis polliceri  
 possumus. Insidet enim in animo, & ob oculos Nobis obversatur illud idem, de quo  
 principio diximus. Divina severitatis in Heli Sacerdotem exemplum, quem non  
 ob id quidem damnatum legimus quod in filijs corripiendi: prorsus abstinerit,  
 corripuisse enim eos satis constat ex Scriptura: sed quod in corripiendo, ut inquit

D. Hieronymus, lenitate Patris, non auctoritate Pontificis agebat. Nos lenitate Patris integris prope adhuc rebus usi sumus, quibus ex Edicli forma transactis (quod Deus avertat) in Heli exemplo satis vides, inquam Nos necessitatem his adducturus. Quare Tecum considera, Caesar, quid Te magis deceat, quid ad Tuum imprimis officium erga Deum, & Ecclesiam magis pertineat, quid honori, & rebus tuis magis expediat: an ut brachium Nostræ severitatis in ijs, qua ad unitatem Ecclesia pertinent, praebeas? an potius illis faveas, qui hanc semel ruptam in plures adhuc partes scindere miserabiliter laborant, & opiant?

Adjungemus denique, quas igne, & Zelo plenas ex horto voluptatum ad Joram Regem Elias Propheta maximus dedit, de quibus. 2. Paralip. 21. Allata sunt ei littera ab Elia Propheta, in quibus scriptum erat: hac dicit Dominus DEUS David Patris tui: quoniam non ambulasti in vijs Josaphat Patris tui, & in vijs Asa Regis Juda, sed incessisti per iter Regum Israhel, & fornicare fecisti Judam, & habitatores Jerusalem, insuper & fratres tuos meliores te occidisti; ecce! Dominus percutiet te plagâ magnâ, cum populo tuo, & filijs & uxoribus tuis, universâq; substantia tua.

Comparat jam quilibet, quas ad Orientis, & Occidentis Imperatores summi, & antiqui Pontifices litteras dedere, cum illis Innocentij XI. ad Regem Christi inissimum; inveniet, nisi fallor, in illis flammam, & myrrham esse, in istis flores, & mella, productâ quidem efficaciter veritate, sed tot elogijs, & blanditijs sparsâ, ut mirum sit non placuisse tam compram, totq; argumentis Paterni amoris conditam. Planè in tanta Ecclesiæ, Prælatorum, & innocentium clade, quorum voces, & lacrymæ Galliam, Romamque implebant, nihil minus à Pontifice Max. dici potuit, nisi statuam velis, non Papam: si enim miles infamiam, ultimûmque supplicium meretur, qui pugnam otiosus, inersque spectat, nec gladium in hostem torquet; quanto majore culpâ Vicarius Christi bellum Episcopis, & Ecclesiæ juribus indictum, oppressosque innocentes otiosus cerneret, & gladium Verbi DEI in vagina teneret, expositis interim ad prædam, & injurias ovibus? Enim verò mercenarij hoc exemplum, non boni Pastoris est, dicente Christo: Bonus Pastor animam suam dat pro Ovibus suis. Mercenarius autem, & qui non est Pastor, cujus non sunt Oves propriae, videt lupo venientem, & dimittit Oves, & fugit, & lupo rapit, & dispergit Oves: Mercenarius autem fugit, quia Mercenarius est, & non pertinet ad eum de Ovibus.



XIII. Verùm cùm hoc ipsum Regaliæ argumentum non modò hâc nostrâ tempestate, sed jam olim per gravissimas contentiones agitatum fuerit, & Ecclesiam diu multùmque affligerit, ut mèritò dubitare possis, plùsne illi dirimendo calamis certatum, an armis fuerit; operæ pretium me facturum credidi, si rem totam à suis principijs evolverem; maximè cùm vix aliud in historia Ecclesiastica obscurius occurrat magisq̃ implexum, & faciliùs exitum in Labyrintho invenias, quàm in tot canonibus decretisq̃ Conciliorum aliter semper alitèrque statuentium: facem igitur præferam, quantùmque licuerit, claritatem huic nocti affundam.

Jus ergo Regaliæ ex quatuor juribus conflatum est, ex *jure videl. eligendi*; *jure investendi*; *jure conferendi beneficia Sede Episcopali vacante*; ac tandem *jure proveniùs fructùsque*, dum nova electio expectatur, *percipiendi*: hoc ultimum *temporalem Regaliàm* vocant; alia ad Regaliàm spiritualem pertinent. De omnibus sigillatim agendum est, sic enim restota clariùs sub aspectum cadet.

Eligendi ad cathedras Episcopales non eadem semper ratio, sed varia, & multiplex observata est; nec mirum; cùm enim ritus eligendi nullo divino aut naturali jure sancitus sit, sed ex voluntate hominum pendeat, sicut alia humana jura, ita & hoc mutari debuit, novis videlicèt hominum moribus, novas leges expositentibus: nec enim minùs ridendus est, qui eandem legem omni temporì, quàm qui eandem vestem aptandam velit. Initio Ecclesiæ nascentis, & multò post tempore non Episcopi tantùm, sed etiam populus eligendo Pastori admittebatur. Id tam clarum est, ut negari possit à nemine; ita enim expressè testantur S. Clemens Papa in *epistola*, quam ex *manuscripto codice Junius Patricius vulgavit*, ubi dicit, sic ab Apostolis constitutum esse; S. Cyprianus *epist. 68.* Origenes *homil. 6. in Levit.* & videri possunt varij de hac re canones apud Grat. *d. 63.* Sic Anno CCCXXVI. Athanasius postulante omni populo electus est: Sic Anno CCCLXIX. Basilii: Sic Anno CCCLXXIV. Ambrosii: Sic quamplurimi alij, quorum electiones in annalibus Ecclesiasticis videre est. (a) Ratio verò ob quam eligendis Episcopis populus admittebatur præcipua fuit, ne Pastor invitis, & nolentibus datus parùm reverentiæ & amoris habe-

(a) Vide Cabassutium ad can. Concilij Nic. fol. 109.

haberet, nec enim amamus, quæ non eligimus: deinde quia electio ad Episcopatum vices Matrimonij spiritualis refert, Matrimonium verò cum invitis non est. Audiamus hac de re Cyprianum lib. 1. Epist. 3. *Post divinum judicium, post populi suffragium, post Cœpiscoporum consensum Episcopi eliguntur &c.* Et lib. 1. epist. 4. *Ipsa maxime plebs habet potestatem vel eligendi dignos Sacerdotes, vel indignos recusandi. . . . . Coram omni Synagoga jubet Deus constitui Sacerdotem, id est, instruit & ostendit, ordinationes Sacerdotales, non nisi sub populi assistentis conscientia fieri oportere; ut plebe presente vel detegantur malorum crimina, vel bonorum merita pradicentur; & sit ordinatio iusta & legitima, qua omnium suffragio & iudicio fuerit examinata.* Et lib. 2. epist. 2. de electione Cornelij Papæ: *Factus est autem Cornelius Episcopus de Dei & Christi ejus iudicio, de plebis, qua tunc affuit, suffragio, de Clericorum penè omnium testimonio &c.* Idem habet de Fabiano Papa Eusebius lib. 6. cap. 29. Ceterum cum ad electiones & Clerus, & Populus convenirent, alix tunc Cleri, alix populi vices erant. Populus enim propriè non eligebat, nec ejus suffragium necessitatem inducebat, ut haberetur in can. 13. *Concilij Laodicensi (quod auctore Baronio Niceno antiquius est) c. non est permittendum. d. 63. epistolâ Leonis 1. ad Episcopos Viennensis Provincia. inc. Vota. d. 63. & idem Leo epist. 90 in c. 1. d. 62. & Stephanus Papa epist. ad archiep. Ravennatem in c. nōsse. d. 63. S. Basilii epist. 64. & epist. 75. ad Neocæsarienses. Concilium Antiochenum (quod celebratum est Anno CCCXXXI.) can. 18. Concilium Oecumenicum 7. alias Nicænum 2. Anno DCCLXXXVII. celebratum. canon. 3. allegans canonem 4. Concilij Nicæni primi, in quem canonem Theodorus Balsamon, & Zonaras affirmant, post Concilium Nicænum 1. consensum populi non amplius necessarium fuisse, sed totum eligendi jus ad Episcopos translatum esse. Cum ergo in allegatis auctoritatibus expressè inter electionem & petitionem distinguatur, & hanc populi, illam Episcoporum esse dicatur, oportere illum à civibus recipi, quem Episcopi elegerint: Si populus à Clero electum temere recuset, non idèò electionem irritam esse: solos Episcopos eligere, &c. ex his, inquam, alijsque palàm est, consensum popularem, nec propriè electivum fuisse, nec semper necessarium. In electionibus ergo futuri Pastoris populus aut operabat tantum petebatque, aut testimonium de vita & moribus eligendi ferebat exemplo non præcepto Apostolorum 1. ad Tim. 3. Act. 1. & 6. aut tantum consulebatur: aut factâ*

factâ electione populi consensus expetebatur, non quia necessarius, sed ne invitis Pastor obtruderetur. (a) Id verò clarissimum evadit exemplo Athanasij, ut alia omittamus. De illius enim electione ita Patres Concilij Alexandrini (quorum verba describit ipse Athanasius Apologia secunda:) *Testamur omnem multitudinem, populumq, catholica Ecclesie in unum coactum clamoribus, vociferationibusq, postulasse Athanasium Episcopum dari, idq, publicis votis à Christo expetisse, nosq, ut faceremus, per multos dies ac noctes jurejurando obtestatos fuisse.* Ubi vides ad populum postulare tantum, precariq, ad Episcopos verò eligere & votis assentiri spectasse. Et Theodoretus lib. 4. c. 20. de Lucio Ariano loquens: *Non Episcoporum Orthodoxorum Synodus; non Clericorum verorum suffragio, non petitione populorum, ut Ecclesia leges praescribunt.* Et ideo sapientimè contingebat, ut Episcopi à Collegis eligerentur, nullo populi voto. Sic Patiens Lugdunensis Archiepiscopus Joannem delegit in Episcopum Cabilonensem, quem nec Clerus, nec populus poposcisset, ut scribit Sidonius epist. 25. Sic Augustinus Eradium sibi successorem delegit ijs verbis usus: *Presbyterum Eradium mihi Successorem volo.* Et S. Leo ad Episcopos Mauritanix epist. 87. *Mirantes tantum apud vos per occasionem temporis impacati, aut ambientium presumptionem, aut tumultum valuisse populorum, ut indignis quibusq, & longè extra Sacerdotale meritum constitutis, Pastorale fastigium & gubernatio Ecclesia crederetur. Non est hoc consulere populis, sed nocere: Nec prestare regimen, sed augere discrimen.* Narrat Eusebius, à Petro, Jacobo & Joanne electum fuisse Jacobum cognomine justum & Ierosolymæ creatum Episcopum. Extincto autem Jacobo, Apostolos, Discipulosque Domini conglobatos designasse eis Successorem Simeonem Cleophae filium. Et plurima hujusmodi exempla pergit recitare lib. 2. can. 1. Lib. 3. cap. 11. lib. 6. cap. 9. & cap. 11. lib. 7. cap. 30. Idem in Concilio Antiocheno expressum est can. 16. & 19. ubi: *Servetur autem jus Ecclesiasticum in continent, ut iudicio Episcoporum, qui post obitum quiescentis potestatem habent, eum qui dignus extiterit, promovere.* Idem observatum ab Episcopis Concilij Ephesini, ut videre est Actione 3. part. 3. cap. 14. & cap. 21. Plura videantur apud Thomasinum part. 2. lib. 2. à cap. 4.

M

A4-

(a) Quæ omnia probantur ex c. 1. d. 62. c. nôlle d. 63. c. vota. d. 63. Cypri. epist. 33. Athanas. alijque supra cit.

Advertit verò Baronius ad Annum CCCLXIX. tunc postulationem populi pro legitima habitam esse, cum suffragia ordinatè per Artificum sodalitia, & Nobilium familias inibantur, non verò si confusè turba conclamaret. Sic ergo populus optabat potius, quàm eligebat.

Alia ratio Clericorum, & Episcoporum Provincialium fuit, qui verè eligebant. De his ita statutum fuerat, ut cathedrâ Episcopali vacante Metropolitanus synodum Provinciale in Civitatem, cui Episcopus præficiendus erat, indiceret, ibique Episcopus à Clero eligeretur, populo consensum, aut testimonium dante. Oportebat verò Episcopos aut omnes convenire, aut si non possent, tres saltem unâ cum Metropolitano; reliquis, qui aberant, scripto saltem suffragium dantibus, aliter facta electio pro nulla habebatur. (a) Cum verò tempus, & experientia docuissent, magno Ecclesiarum damno, synodus Provinciales expectari (quæ nec facilè, nec citò cogebantur) & electiones differri, synodi Provinciales auctoritate summorum PP. onerati cæptæ, Clero (optante tamen populo) potestas eligendi data, à quibus decretum factæ electionis Metropolitano transmittebatur, & hic causâ maturè discussâ electionem aut admittebat, aut rescindebat. (b) V. Petrum de Marca Archiep. Paris. de Concord. Sacerdotij, &c. lib. 8. c. 8. n. 6. Erat etiam Metropolitanus officium, vacanti Ecclesiæ Episcopum, quem *Visitatorem*, aut *Interventorem* vocabant, submittere, qui electionem promoveret, curaretque partium studiis, & discordijs longè submotis suffragia liberè conferri, eo fere modo, quo apud Athenienses popularibus suffragijs prædri præponebantur, teste Julio Polluce lib. 8. De Officio Interventorum. (c)

Cæpit paulatim etiam populus ab electionibus removeri, ut patet ex legibus à Justiniano latis L. 42. C. de Episcop. & Novellâ 123. cap. 1. & 137. cap. 2. ubi statuitur, ut Clerici & primates tres nominent, & ex istis unum Metropolitanus eligat: tandem omnis ad electionem accessus partim consuetudine, partim latis Canonibus populo prohibitus est, ut patet ex cap. 51. de Elect. cap. 2. de Judic. cum enim

(a) Vide passim d. 63. & Concil. Sardic. can. 5. Laodicen. can. 13. Nicæn. c. 4. & 6. Antiochen. c. 19.

(b) Vide epist. Leonis PP. apud Grat. c. 36. & c. 27. d. 63. & c. 1. d. 62.

(c) Vide S. Greg. l. 11. Reg. cp. 19.

enim modus eligendi sit juris merè humani, mutari pro necessitate potuit. Apostoli quidem electiones non soli, sed coram tota congregatione instituebant, ut habetur in *Act. cap. 1. 6. 19.* & ideo S. Cyprianus *Epist. 68.* scribit, traditione divinâ, & Apostolicâ observatione inductum esse, ut Episcopi coram plebe eligerentur, non quodd hoc juris & præcepti divini Apostolici fuerit (nec enim quidquid Apostoli observabant, jus & præceptum erat) sed quod moris & exempli. Ratio verò populum excludendi multiplex fuit; quòd videlicet aucto fidelium numero convocari sine gravi difficultate, & tumultu vix posset; quòd discordijs ac partium studijs usque ad rixas, & bellum cædesque scinderetur: quòd affectu plerumque & favore non merito vota conferret: quòd potentiorum, qui Episcopatus aut sibi, aut suis, affectabant, metu & præmijs facile vinceretur, nec tam eligeret, quàm venderet: quòd invitos ad dignitates compelleret: quòd unius Ecclesiæ Episcopos ad aliam vocaret, ut habetur in *c. Osius. 2. de Elect.* & denique, ut dicitur *1. Ad bestias. 31. ff. de pœn. l. Decurionum. 12. §. 1. C. eod.* quòd iudicium vulgi inconstans sit & varium, & ideò vanæ voces populi non sũt audiendæ.

Principes quod attinet, res sic se habet. Negari haud potest, jam primis Ecclesiæ annis, cùm pace fidelibus redditâ, & Constantino rerum posito, illa suis legibus vivebat, gravissimè veritum esse, ne Episcopi fierent, qui non à Clero electi, non à populis expetiti, solâ Principum voluntate promovebantur. Sic expressè habetur inter canones Apostolicos *c. 29. (aliàs 31.) & can. 3. Concilij Nic. 2.* quod etiam canonem Apostolorum adducit: & *act. ult. Concilij Constantinopolit. 4. & octavi Oecumenici*, in quo monita sunt cedro æternaque memoriâ digna, quæ à Basilio Augusto sunt ad Patres Concilij & Laicos perorata. De vobis, inquit, Laici, tam qui in dignitatibus, quàm qui absolute conversamini, quid amplius dicam non habeo; quàm quia nullo modo vobis licet de Ecclesiasticis causis sermonem movere, neq; penitus universali Synodo adversari. Hoc enim investigare & querere Patriarcharum, Pontificum & Sacerdotum est, qui regiminis officium sortiti sunt; qui sanctificandi, solvendi & ligandi potestatem habent, qui ecclesiasticas & celestes adepti sunt claves; non nostrum, qui pasci debemus, qui sanctificari, ligari vel à ligamento solvi egemus; Quantumcumq; enim Religioni & sapientia laicus existas, vel etiamsi universa virtute interius polleat; donec Lai-

cus est, ovis vocari non desinet. Rursumq̃, quantacumq̃, Episcopus sit irreverentia & irreligiositate plenus, & nudus omni virtute &c. Ipte S. Athanasius epist. ad solitariam vitam agentes : Cur cum se ecclesiasticum canonem cura habere Constantius prætexit, omnia contra canonem facit ? Ubi enim ille canon, ut de palatio mittatur is, qui Episcopus futurus est ? Florus cognomento Magister, Diaconus Ecclesiæ Lugdunensis in fragmento de Electione, quod circa Annum 820. scripsit, apud Stephanum Balluzium : Omnium Ecclesiarum Antistes, absq̃, ullo consulto mundana potestatis, à temporibus Apostolorum, & postea per annos ferè quadringentos ordinatos fuisse constat &c. Plura videantur apud Thomasinum, qui hoc argumentum accuratissimè prosequitur Tom. 2. Disciplina Ecclesiasticæ. Ex quibus omnibus constat, legibus Ecclesiasticis vetitum quidem Principibus fuisse, ne ipsi Episcopos juberent, & libertatem electionis imperio ac suprema potestate turbarent ; solumq̃ue ijs permissum, ut suffragio suo, quod etiam populo licebat, electiones juvarent. Progressu tamen temporis hanc sibi eligendi potestatem sæpius vindicasse ; idq̃ue Episcopis, summisque Pontificibus, ac præsertim Gregorio Magno haud repugnantibus : Tum quòd temporum acerbitas id exposceret : Tum quòd usus invaluisset, nec facilè corrigi compesciq̃ ; posset ; tum præsertim pejorum metu, ob ambitionem videlicet, potentiam, profusasq̃ue largitiones Candidatorum, suffragia, auramq̃ue popularem captare festinantium ; unde sæpissimè indigni promovebantur ; quibus malis avertendis etiam sanctissimorum Episcoporum consensu Principibus electio permittebatur. (a) Non idèò tamen Principum consensus negligebatur, cum in quamplurimis Episcoporum electionibus videre sit Principis nutum expetitum esse, idq̃ue aut diuturnâ consuetudine, aut honestate, aut etiam aliquo jure inductum est ; cum enim sacri canones ex populorum votis Episcopos eligi vellent, quantò magis ex voto Principis, qui caput & apex est Reipublicæ ? Sic Joannes Chrysostomus ex voluntate Arcadij Imp. Epiphanius ex Justiniani, Menas ex Justiniani, Nicetius Episcopus Lugdun. ex Regum Francorum ; sic denique quamplurimi alij ex aliorum Principum assensu nutuq̃ue electi sunt. Imo cum magna necessitas, aut metus civilium discordiarum premeret, Episcopi jus eligendi

iplius

(a) Vide Spondanum Anno DCCCLXIX. n. 9.

ipsis Imperatoribus demandabant, & istorum præcepto tota electio stabat. Exempla sunt illustria in Nectario, Proclo Patriarchis Constantinopolitanis, Imperio Theodosiorum electis. (a) Elegans etiam hujus rei exemplum est apud Theodoretum l. 4. c. 6. Baron. ad Annum CCCLXXIV. ubi cum Auxentio Episcopo Mediolanensi de vivis sublato ingentes futuræ dissensiones præviderentur, Arianis & Catholicis pro novo Antistite pugnaturis, Episcopi Orthodoxi Valentiniano Imperatori hanc provinciam eligendi Pastoris imponunt, illius Majestatem & potentiam Arianis obiecturi, quam tamen modestissime Augustus recusavit. Imò in hoc ipso necessitatis publicique periculi casu etiam Romanum Pontificem multi Imperatorum elegerunt, maxime cum schisma votis certantibus Ecclesiæ imminerebat, neque tunc proprio jure Imperatores, sed delegato utebantur, & nomine ac voto Cleri populiq; sic à Valentiniano cum Damaso in schismate Ursicini: ab Honorio cum Bonifacio in schismate Eulali: sic cum alijs Pontificibus factum: supra etiam notavimus, mortuo Auxentio Episcopo Mediolanensi, cum ab Arianis schisma timeretur, partes eligendi ab Episcopis Orthodoxis Valentiniano Imperatori esse inpositas. Imò in Concilio Lugdun. 2. Imperatoribus alijsq; Principibus sæcularibus potestas à Pontifice & Concilio demandatur curandi, ut quæ de summo Pontifice deligendo statuta sunt, executioni dentur. (b) Cum ergo Principes sæculares avertendo schismati, extremaq; Ecclesiarum calamitati electionibus Pontificum aliorumq; Antistitum se immiscebant, jure non proprio utebantur, sed à Clericis delegato, imò ab ipsa natura, quæ in tali casu Principibus, tamquam Advocatis & Protectoribus Ecclesiæ jus eam defendendi permittit. Illud verum est, intra limites Principes non stetisse, sed ultra provectos esse, necessitate in moram conversâ. Id verò manifestè ut appareat, rem totam à suis principiis, & per annos singulos repetemus, est enim maximi momenti, & quam vix ab aliquo rite pertractatam invenies. Ergo.

Anno CCCLV. Primus Constantius Imperator Arianus, quod ne ab Ethnicis quidem tentatum fuerat, Liberio in exilium pulso, Felicem II. Cathedræ Romanæ imponit.

M 3

Anno

(a) Vide Sozom. l. 7. c. 8. Soer. lib. 5. c. 8. & l. 7. c. 19. & l. 7. c. 39.

(b) Vid. c. ubi 3. de elect. in 6. §. præterea,



Anno DXXVI. Theodoricus Italiæ Rex æquè Arianus, Constantij exemplum imitatus Felicem IV. Pontificem jubet, & paulo post qui triginta tres annos felicissimè regnaverat, in præmium usurpatæ, præter alia scelera, potestatis miserrimè extinguitur.

Anno DXXXIII. Athalaricus Italiæ Rex non contentus electionum confirmationes sibi vindicare, certam insuper pecuniæ vim Pontifici Rom. alijsque suæ ditionis Episcopis imponit.

Anno DLV. Justiniani Imperatoris non assensu tantum, sed etiam promotione extincto Vigilio, Pelagius Pontificatu donatur, & deinceps exemplo ab Arianis ducto, pecunia electis Pontificibus imperatur, non aliter confirmationem obtenturis. Adeò cupiditas lucri ne pijsimo quidem Principi pepercit. Doluit vehementer hanc Romanæ Ecclesiæ miseram conditionem Gregorius Magnus, *dirosq; persecutores ac regio nomine indignos* appellavit, qui hæc molirentur, ut videre est in *Psalm. 4. panis.* & tamen cum alium Pontificatum evadendi aditum non haberet, Mauritio Imperatori idem Gregorius supplicat, ne sui electionem à Clero populoque factam admittat: quod cum non impetraret, pecuniam solvit; & caput insula submitit. (a) Interim dum ab Imperatore consensus expectabatur, electus Papa officio abstinebat, & Ecclesia à quatuor Vicarijs, inter quos electus, curabatur. (b)

Anno DCLXXXI. Constantinus Pogonatus dato ex Concilio 6. Oecumenico ad Agathonem Papam diplomate remittit pecuniam hætenus pro confirmatione solvi solitam, salvo tamen jure confirmandi.

Anno DCLXXXIV. Idem Constantinus Benedicto II. necessitatem petendæ Constantinopoli confirmationis remittit, sic tamen, ut confirmatio ab Exarchis, qui nomine Imperatorum Italiam gubernabant, peteretur. Id videtur testari Anastasius in vita Cononis Papæ, qui post Benedictum II. Anno 685, electus est; Baronius tamen repugnat ad *Annum 686.*

Anno DCCLXXXIV. Adrianum I. Carolo M. jus tradidisse eligendi Papam omnesq; Episcopos investiendi scribit Sigebertus Monachus Gemblacensis in Chronico, qui post Annos cccxxviii scripsit; recitat hoc privilegium Carolo concessum Gratianus in

c. Ha-

(a) Vide Gregor. Turon. l. 10. c. 1. & Joan. in Vita Gregor. l. 1. c. 39.

(b) Vide Bedam 1. hist. Anglic. 19. Baron. ad Annum 590. & 650.

c. *Hadrianus* 22. d. 63. Verùm præter Baronium, & Spondanum ad Annum DCCCLXXIV. Sigebertum egregiè confutat Petrus de Marca Archiep. Paris. l. 2. c. 12. Sed quidquid de veritate hujus privilegij sit, certum videtur aut à Carolo non acceptatum, aut renuntiatum illi fuisse, cùm ex testimonio Flori Magistri Carolo contemporanei, quæmq; Walafidus in carm. ad Agobardum Archiepisc. Lugdun. magnis laudibus affecit, constet, hinc ullo Principis consensu Papam tunc temporis eligi solitum. Verba Flori sunt in fragmento de elect. ex editione Papij Massoni apud Balluzium in notis ad Agobardum p. 152. operæ Agobardi, fol. 414. Petrum de Marca cit. n. 4. Spondanum ad Annum DCCCXIII. in Romana Ecclesia usq; ad præsentem diem cernimus absque interrogatione Principis solo dispositionis Divina judicio, & fidelium suffragio legitime Pontifices consecrari. Iple Carolus tantum abest, ut sibi electiones Episcoporum adscripserit, ut potius publico diplomate eas liberaret, & ex canonum præscripto à Clericis fieri decreverit, ut expressè habent capitularia Caroli, & Ludovici Imp. lib. 1. c. 84. & c. sacrorum canonum 34. d. 63. Lufus Ferrar. in epist. 81. (hic ex Monacho Benedictino in aulam Ludov. Pij Imp. translatus fuerat.) Totum jus Episcopos nominandi Imperatoribus, & Regibus Franciæ non ex privilegio Hadriani, sed Zachariæ Pontificis ob temporum calamitatem, quibus Laici palàm passimque Episcopatus involabant, unice derivat, nullâ factâ mentione hujus privilegij ab Hadriano concessi, quod utique nunquam omisisset, utpote & recentius, & amplius. Ipse Hadrianus Papa in epistola ad Carolum Anno DCCCLXXIV. data Episcoporum in Regno Longobardico electiones à Clero populoque factas solus confirmat, & de Ecclesia Ravennate idem manifestè apparet ex epistola ejusdem Hadriani Anno DCCCLXXXVII. ad Carolum scripta. Ex quibus omnibus palàm est, privilegium illud à Sigeberto consignatum, aut fictum, aut nunquam Carolo concessum esse, aut nunquam acceptatum fatetur etiam Mayn b. ljo. de l' Arianisme f. 155. Hincinarus tamen Episcopus Rhemenfis epistolâ ad Carolum Calvum, Flotus in Fragn. cit. de Electionibus, Spondanus ad Annum DCCCXIII. n. 7. fatentur, consensum Regium in electionibus Episcoporum consuetudine inductum, & necessarium fuisse, mitrique Visitatorem à Principibus solitum, qui curaret in electionibus omnia canonicè peragi, idque tunc temporis necessarium omnino fuit, competen-

tium

tium ambitione omnia vi, metu, ac largitionibus miscente, ex qua ipsa causâ executio eorum, quæ pro electione Pontificum statuta sunt, Principibus sæcularibus committitur, in Concilio Lugdunensi 2. in c. 3. de elect. in 6. sed de electionibus Episcoporum postea.

Anno DCCCXVII. Ludovicus Pius Imperator in celeberrimo & frequentissimo Conventu Aquisgrani electionem Romani Pontificis liberterrimam reddit, eximitque ab omni consensu Imperatorum aut Præfectorum; nam antea Græcis Imperantibus consensus ab Exarchis petebatur (eâ solùm conditione, ut à Clero Populoque paractâ electione Legati ad Imperatorem mitterentur, qui nomine electi Pontificis inter hunc, & Imperatorem *amicitiam & charitatem* (verba sunt Ludovici) *ac pacem facerent.* (a)

Anno DCCCXXIV. Lotharius Ludovici Imperatoris filius Romam proficiscitur, schisma ob electionem Eugenij II. natum componit, & nequis electioni Romani Pontificis intersit præter eos, quos sacri canones admittunt, edicto verat. (b)

Anno DCCCXLVII. Leo IV. Pontifex renuntiatur, & Privilegium libertæ electionis à Lothario Imperatore iterum confirmatum est, Leone reciprocè obstricto, ut legibus imperialibus, cùm temporalia negotia agitantur, uteretur. (c)

Anno DCCCXCVII. Stephanus VII. potentiâ Marchionum Tusciæ solio imponitur. Himole Hadriani poriti, divitijs atq; nis, & clientelis præpotentes, electiones Pontificum sibi per nefas vindicârunt. Nihil corruptis fictisque illis Pontificibus sedius visum, qui hoc tempore Vaticanum insedere. Alij pecuniâ promoti, alij vix pueritiâ egressi, alij per mutuas cædes, alij, quod suprapudorem & fidem est, meretricis arbitrio omnia Romæ potentiâ & libidine miscentis: & tamen inter tot vitia, causasque Romanos Pontifices averfandi nullum tunc schisma in Ecclesia visum, omnibus in Vicario etiam indigno Christum adorantibus. Joannes enim x. à Marozia nobili, & præpotente scorto intrusus, & tamen à Clero, Populoque, majoris mali, & schismatis metu pro legitimo Papa receptus (quod etiam in alijs intrusis observatum) Berengarium Imperatorem coronat, ab Archiepiscopo Hamburgenfi rogatus pallium mittit, ab Ordonio Rege Legionensi splendidâ

Legat-

(a) Vide lib. 1. Capitularium cap. 84. & c. ego Ludov. 30. d. 63. §. quando.

(b) Vide Sigon de reb. Italiæ ad ann. 825. Gretsch. c. 11. Apolog.

(c) Vide c. 31. d. 63. & c. 9. d. 10.

Legatione honoratur; Legationem ab Orientalibus expetitam pro ineunda concordia Constantinopolim mittit; confirmat electionem Archiepiscopi Rhemenfis, &c. Sic iterum Joannes XI. quamvis à scorto Matozia natus, intrususque, & deinde à Clero, & Populo communi consensu receptus, nihilominus Theophylacti Patriarchæ Constantinopolitani electionem confirmat, eidemque ac successori jus Pallij in perpetuum concedit, & à tota Orientali Ecclesia, semper aliàs in schisma præcipiti, pro capite, summoque pastore agnoscitur. Ex quibus facile intelligas verissimè à B. Leone dictum esse: *Petri Vicariam dignitatem etiamnum in indigno herede non deficere.* Alius quippe est honor qui personæ, alius qui officio debetur, hunc dignitati, illum virtuti dicamus.

Anno DCCCCLXII. Otto Magnus Romam intrat, Pontifici Romano, quæ ab Imperatoribus donata, à tyrannis verò ablata fuerant, restituit, sancitque, ut electio Romani Pontificis canonicè deinceps fiat, idque Clerus, & universa Nobilitas se facturam juramento promittat, nec antè electus Papa consecratur, quàm Legati ab Imperatore adveniant. Extorsit hanc legem tot jam annos cum ingenti totius Ecclesiæ scandalo grassata tyrannorum potentia, Romanam Sedem opprimentium. (a)

Anno DCCCCLXIII. Otto M. Joannem XII. quoddam Adelberto Berengarij filio studeret, urbe pellit, & Romanos juramento adstringit, nunquam præter voluntatem Imperatoris Papam electuros.

Anno DCCCCLXIV. Leo VIII. Othoni Imperatori jus Pontifices, aliosque Episcopos eligendi, & investiendi donat, ut habetur *inc. 23. d. 63.* Synodalis hæc Leonis Constitutio extat apud Cranzium Metrop. Saxon. l. 4. c. 20. Sed multis ex capitibus falsi postulatur, quoddam videlicet data habeatur tertio Calend. Maij; cum tamen ex Reginone illius temporis scriptore constet, Othonem expugnatâ Româ nono Calendas Julij in ipsa Vigilia S. Joannis Baptistæ urbem ingressum esse, & synodo Lateranensi adfuisse: quoddam ponatur annus Othonis & Leonis secundus, cum tamen Othonis tertius, & Leonis primus fuerit: quoddam Episcopi, qui subscribunt, alij sint ab ijs omnibus, qui anno superiori easdem Ecclesias regerant,

N

bant,

(a) Vide Baron. ad hunc ann. & Gretsch. c. 20. Apolog. & c. 32. d. 63. cum seq.

bant, & in synodo Rom. Joannem XII. exaudiverunt: oportet ergo intra eundem annum repentinâ morte omnes sublato esse: & si hoc fingas, constat Joannem Episcopum Narniensem postea in Pontificem electum esse retento nomine Joannis XIII. quomodo igitur Martinus Episcopus Narniensis in hac synodo subscribit, vivente adhuc Joanne ejusdem sedis Antistite? Plura addit Baronius *ad hunc annum*. Sed quidquid de veritate hujus privilegij sit, valere ex eo saltem capite non potuit, quod non à legitimo, sed Pseudopapa concessum. Leo enim viventibus adhuc Joanni XII. & postea Benedicto V. legitimis, verisque Pontificibus suppositus est, ob quam causam Dithmarus Episcopus Merseburg. ejus temporis nobilissimus scriptor *lib. 2. Chron.* testatur exercitum Imperatoris scissimâ peste, cum ingenti Procerum & Antistitum clade, deletum esse; & hoc forsitan causa fuit, ut Ottonum sanguis & familia in tertio hærede deficeret, nec ultra 65. annos rerum & Imperij potita sit, quamquam æternæ credi debuisset, magnitudinem rerum, quæ ab Ottone M. gestæ sunt, æstimantibus.

Anno M. XIV. Henricus I. Imperator dato regis, ex omnium statuum consensu, diplomate, liberam electionem Clero, populoque Romano restituit, reservatis tamen juribus sibi ab Eugenio, Leone, aliisque Pontificibus datis *V. c. c. 32. d. 63.*

Anno M. XXXXVI. Henricus II. cum exercitu in Italiam venit, indictâque synodo Gregorium VI. metu schismatis renunciare cogit, cui suffectus omnium Romanorum consensu Clemens II. Gregorio inter alia crimini datum, quod nullo Henrici suffragio electus esset.

Anno M. LIX. Nicolaus Papa II. Henrico III. Imperatori in schismatis extincti præmium jus confirmandi Pontificis, jam à Cardinalibus electi concedit, quod si contingeret Cardinales aut factionibus aut tyrannorum potentiâ, aut aliâs impediri, ut ipsemet Imperator, ejusque Successores, Cleri & Cardinalium nomine, Pastorem Ecclesiæ darent. *V. c. in nomine Domini d. 23.*

Anno M. LXI. Totius Cleri, Populi que Romani consensu Alexander II. eligitur. Hinc ab Henrico IV. schisma, qui Cadoulum Antipapam Alexandro sufficit; nec enim Pontificem eligi potuisse dicebat, Imperatore aut ignaro, aut invito. Diu schismate conflictata est Ecclesia, sed vicit totius orbis Christiani senten-

tentia, Alexandrum pro legitimo Pastore venerantis. Conquerenti Annoni Archiepiscopo Colonienſi in Concilio Mantuano, quòd absque mandato, assensuque regio Alexander electus esset, responſum ab Hildebrando Archidiacono, alijsque Cardinalibus; nullum Imperatoribus in electiones Pontificum jus esse, sacris Canonibus id expresse vetantibus. Vide (a)

Anno M.LXXIII. Eligitur Gregorius VII. qui qualis, quantumque fuerit, non ex virtutibus, non ex vitæ innocentia, non ex miraculis, non ex historicis illorum Temporum, sed ex testimonio Henrici IV. implacabilis Gregorij hostis desumptum velimus. Gregorius ut primùm electus est, statim ad Imperatorem misit, qui electionem significarent, rogarentque, ne in illam consentiret. Imperator Gregorio rescribit, electionem ipsius in Romanum Pontificem cælitus esse factam, neminem illo Pontificatu digniorem esse: non posse improbari à se, quod Deus comprobasset: eum Patrem & Benefactorem vocat; ab eo suorum peccatorum veniam petit, & denique totam epistolam ælogijs implet, quam reperiſ inter epistolas Gregorij VII. *lib. 1. post epist. 29.* (b) Hic ergo est ille Gregorius, quo nemo infractius contra Reges, & Imperatores causam & libertatem Ecclesiæ sustinuit, adeò ut dubitari de nimio rigore posset, nisi cælo teste absolutus esset. (c)

Anno MC. XIX. Callistus II. in synodo Rhemenſi (cui 426. Patres & Ludovicus Crassus Rex Francorum adfuit) ex omnium Patrum voto jus investiturarum Laicis, & Principibus interdicit, & Henricum Imperatorem anathemate ferit, quadringentis viginti sex facibus simul extinctis, quas Patres manu gestabant. Verba Canonis sunt: *Investituram Episcopatum, & Abbatiarum aut quarumlibet Ecclesiasticarum possessionum per manum Laicam fieri penitus prohibemus.*

Anno MC. XXII. Romæ generale Concilium, & supra trecentos Episcopos frequens in Laterano habitum, ubi tandem Henricus Imperator ad officium redijt, absolutusque est; libertas electionum Episcopaliū, & præsertim Pontificia, post certamina tot annorum, reddita; investituræ quoad spiritualia abolitæ, & pax tandem reducta. Laus tanti operis, & à quingentis annis agitati

N 2

Cal-

(a) Acta Concilij Mantu. & Baron. ad annum 1064.

(b) Vide etiam vitam Greg. & Maymb. l. 2. dela decadenz. fol. 127.

(c) V. Leon. Ostiens. l. 3. c. 53.

Callisto II. Pontifici Max. debita. Ab hoc tempore pax inter Sacerdotium Regnumque sancita, & jacta illius altissime quietis fundamenta, quæ Romani Pontifices modò fruantur. Electiones Episcoporum extra Germaniam, præsertim verò summorum Pontificum, ab omni Principum assensu exemptæ, in Germania Clero quidem permixtæ, sed tamen præsentè Imperatore, ejusve legatis, eaque conditione, ut à Clero electi ab Imperatore per sceptrum Regalia & feuda postea reciperent. Eventus ergo docuit, quæ pro Ecclesiarum libertate contra Imperatores Gregorius VII. tanto ardore molitus est, prudentiæ non temeritatis fuisse; nec enim vicisset Ecclesia, si Gregorius non pugnasset, hujus bellis, curisque tantum gloriæ & triumphus paratum est; (a) Ratio ob quam Principes ab electione Romani Pontificis exclusi, varia fuit; quòd pecunia, non merita, spectabantur: nec enim Imperatores tot alijs curis belli domique impliciti, merita eligendorum aut cognoscebant aut curabant; quòd illi præferrentur, qui Aulam sequebantur, & plus gratiæ aut commendatione apud Principem valebant, quid verò absurdus, quàm in aula castrisque Papatum mereri? quòd Principis voluntas non tam votum, quàm imperium esset, & ita libertas eligendi calcaretur contra Imperatoris placitum nemine ausuro; nam si auderet, Principis offendendi metus erat, nec metus tantum, sed parata etiam vindicta: quòd Imperatores Cleri consensu non starent, sed omnium approbatione electis, alios Pseudopontifices opponerent, sicque civili bello in Ecclesiam grassante, omnia sacra & profana, exde, sacrilegio fœdarentur: quòd cum forma electionis sit humani juris, & experientia docuisset, expectato Principis assensu, Ecclesiam miserrime conflictari, supremi Pastoris officium & cura fuit, electionis formam mutare, & malo alijs immedicabili remedium asserre: quòd denique & Patrum & Imperatorum decretis sancitum sit, abusu privilegia amitti; maximè cum Principes non tam hoc privilegio exuti sint, quàm sponte abstinerint; eique non solum in Conciliis Rhemen. si. & Lateranen. si, sed etiam in comitijs generalibus Wormatiæ habitis renunciaverint, communi Henrici IV.

(a) Vide. T. X. concilior. Edit. Paris. Siggerum in Ludov. V. Abbat. Ursperg. Baron. Spondan. ad hunc annum; & Maymburg. de la decadence lib. 4. f. 399.



ci IV. omniumque Imperij statuum consensu, ut videre est locis supra citatis. Istud etiam in hoc argum ento memoriâ & notatu dignum est, omnes fere Imperatores Regesque, quotquot jura electionis Romanæ turbârunt, aut infelici morte extinctos, aut alias præfenti supplicio pœnas dedisse. Constantius spectris, umbrisque mortuorum ante oculos errantibus, & mæstitiâ diu contractus, & à Genio Tutelari quem discedentem vidit, desertus, corpore tandem instar foculi ardente, quo tangentium quoque manus urebantur, in febris exstinguitur. Idem fere Theodorico Regi finis. Athalaricum Regem in ipso juventutis flore, sextum decimum ætatis annum agentem morbus absumpsit. Justinianum prius in hæresin lapsum, & immortalitatem sibi promittentem, in ipso persecutionis impetu, quam Orthodoxis parabat, mors improvisâ occupavit. Ottonis Magni posteritas varijs cladibus afflicta est, & in primo nepote deleta. Henricus II. intempestivâ morte anno ætatis nono supra tricesimum excessit: diu inter daemonum manus colluctatus, ejus animam expetentium, vix tandem precibus B. Laurentij, quem eximie coluerat, subtractus periculo est. (a) Henricus IV à filio perduelli diuturnum carcerem passus, imperio exutus, in exilium actus, mortem quotidie à veneno & ferro ante oculos oberiantem cernens, Leodij tandem vitam infelicem absolvit: Anonymus tamen apud Abbatem Urspergentem ante exitum pœnituisse tradit, acceptâque factorum veniâ cum Ecclesia in gratiam rediisse, sacrumque Epulum libasse. (b) Henricus V. continuis fere bellis afflictus, diris percussus, tandem, nullo masculino hærede relicto defungitur, & ira Imperium ab Alemannis ad Saxones transit, Lothario II. Saxonie Duce à Proceribus electo.

Anno M. C. LXXIV. Concilium Lugdunenſe II. à Gregorio X. celebratum, in quo totum jus Pontificis Romanum eligendi solis Cardinalibus, exlusis non tantum Principibus, sed etiam populo, collatum. (c) Sciendum etiam est, fuisse longissimum usu receptum, ut electionem Romani Pontificis votum, & optio Romani populi præcederet, quod expressè S. Cyprianus testa-

(a) Vide Baron. & Spondan. ad Annum M. LVI.

(b) Vide etiam Maynb. de la decad l. 4. f. 352.

(c) V. c. ubi. 3. de elect. in 6. §. præi. & §. ceterum.

tur *epist. 4. & epist. 52.* & videre est in omnibus fere summorum Pontificum antiquis electionibus, idque exemplo Eleazari, quem Deus coram universo populo consecrari Pontificem jubet; & Apostolorum *Actuum 1. & 6.* Qui mos diutissime observatus est, ut apparet in electione Alexandri III. qui Anno MCLIX. Pontifex communi Clericorum, populiq[ue] voto renuntiatus est. Imperitè, sed more suo, Novatores ab exemplo Apostolorum, usuq[ue] Ecclesiæ, divinum præceptum deducunt: nec enim aut Christi aut Apostolorum exempla in præceptis sunt, alioquin in quàm multa præcepta ipsi offenderent; usus Ecclesiæ in ijs, quæ ad fidem non pertinent, mutari potest, debetq[ue], ut necessitas exigit, præsertim auctoritate Ecclesiæ: & mirum est à Novatoribus usum, moremq[ue] fidelium allegari, & pro præcepto urgeri, cum ipsi nullis Ecclesiæ præceptis, nullaq[ue] traditione stringi velint. (a) S. Aug. docet in ijs, quæ ad fidem non pertinent, sed ad solos mores, penes Ecclesiæ arbitrium esse, ut alias & alias leges statuatur, & antiquis abolitis novas sufficiat: cum enim leges humanæ moribus, temporibus, utilitati alijsque circumstantijs aptari debeant; sicuti ista mutantur, ita & leges mutari oportet, alioquin quæ prius salubres, postea rebus mutatis noxiæ evadent; nam & medicus mutatis in corpore humano morbis, mutabit medicinas, numquam eodem remedio contrarijs malis profuturo; quod nisi faciat, non tam curabit, quàm perdet, & quæ prius fomenta, postea venena fient; & hæc est illa serpentis prudentia nobis à Christo in Evangelij commendata: verno enim tempore appetente, hausto fæniculi succo, senectam & antiquitatem exuit, & in novam membranam transit; sic prudens, cum tempus & res poscunt, non dubitabit antiquis legibus novas supponere.

Ex hætenus de Romanorum Pontificum electione dictis, facile conijcias, quæ Episcopatum electionum conditio fuerit; quis enim dubitet Principes sæculares, qui tantum sibi juris in Papam fumebant, multo plus in Episcopos sumpsisse? ergo vix aliquas in Germania, Gallia, Hispania, electiones Antistitum reperias, quæ non ex Principum ant consensu, aut voto, aut imperio fierent, quamvis ut supra notatum, id graviter Canones prohiberent, cum Principum voluntas pro imperio esset, imperium verò pro neces-

sitate,

(a) Vide S. Augustin. l. 2. de Baptismo. contra Donatistas. c. 3. & 9.

fitate, sicque electionum libertas pessum ibat. Vide multa exempla electionum regio consensu aut imperio factarum apud Gregorium Turonensem. (a) Huic malo ut Concilium Parisiense III. mederetur, edidit Anno DVII. can. 7. quo vetabantur electiones regio imperio violari, & à Rege electi omnino sacerdotijs arcebantur. Anno tamen DXLIX. Concilium Aurelianense v. licet can. 11. electiones Episcoporum solis Clericis, & populo concedat, veterique ne Principes ad *consensum faciendum* (verba sunt Concilij) *cives aut Clericos, quod dicitur nefas, inclinent*: canon tamen 10. approbationem electionis Regiæ voluntati permittit. Idem in Concilio v. Parisiensi Anno DCXV. & edito Regis Clotarii confirmatum, sicque consuetudo in jus & legem verita. Idem quoque jus Regibus Hispaniæ (nam Gothorum Reges nominationem Episcoporum jam olim sibi vendicaverant) in Concilio Toletano XII. can. 6. aut collatum, aut confirmatum est Anno DCLXXXI. habetur is canon apud Gratianum *canone 25. d. 63.* Videntur Reges Galliæ Hispaniæque exemplum à Græcis Imperatoribus accepisse, qui n ultum in electionibus Patriarcharum, aliorumque Episcoporum sibi tribuebant, & exempla, historiam Ecclesiasticam legentibus, passim occurrunt. Septimo sæculo labente Martellus rerum in Francia potitus, unà cum alijs juribus Ecclesiasticis etiam electiones sibi adscripsit; maxime Clericorum palatinorum, ut videre est apud Lupum Ferrar. *epist. 81. 98. & 99.* Quæ res & Martello fatalis fuit, & Ecclesiæ, tantâ rerum omnium inductâ confusione, tantâ morum corruptelâ, ut Episcopatibus laici fruerentur, teste S. Bonifacio *epist. ad Zachariam Papam*, & Hadriano I. *in privilegio Ecclesiæ Rhemenfis dato apud Flodoard.* Huic malo ut mederetur Zacharias Papa, Pipino Francorum Regi privilegium dedit, ad omnes Regni vacantes Ecclesias, Episcopos nominandi. Id expressè testatur Lupus Abbas Monasterij Ferrariensis apud Senonas in Gallijs in *epist. ad Anulum Archiepiscopum Lugdunensem*: est verò epistola 81. additque causam concessionis, *propter temporis acerbitatem.* testatur etiam Joannes X. PP. epistola ad Herimannum Colonensem Anno DCCCCXI. ubi, *Sicut priores suos Antecessores, nostrorum Antecessorum auctoritate, Episcopum per unamquamque parochiam ordinare probabiliter statutum est, ita ut Carolus Rex faciat ordinando statum.* Fatetur etiam Maynburg

(a) Lib. 4. c. 7. & II. & c. 15. & l. 5. c. 47. & l. 6. c. 39. & l. 3. c. 2. & l. 8. c. 23.

burg hiftor: Iconoclaft: f. 259. l. 2. & præfertim Florus cognomen-  
to Magifter, Diaconus Ecclefie Lugdun. omnium ore laudatiffi-  
mus: hic in fragmento de electione ( quod circa annum dcccxx.  
fcripfit ediditque post Papium Maffonum Stephanus Balluzius,  
& habetur ad calcem operum S. Agobardi ) *Omnium* inquit, *Ecclefia-  
rum Antiftites absque ullo confulto mundana potestatis à temporibus Apostolorum,  
& postea per annos fere 400. ordinatos fuisse constat. & infra. Quòd verò in qui-  
busdam Regnis postea consuetudo obtinuit, ut confulto Principis ordinatio Epi-  
scoporum fieret, &c.* Est quoque celebre testimonium Paschalis II. in  
privilegio investiturarum Henrico Imperatori concessò, apud  
Malmespuriensem l. 5. & della Marca l. 8. c. 20. n. 4. ubi conceptis  
verbis hoc privilegium summis Pontificibus adscribitur. Id verò  
privilegium varias ob causas Regibus Francorum à Zacharia con-  
cessum; quòd calamitas temporum id exposceret, potentioribus  
laicis Episcopatus involantibus, qui non aliter quàm Regiâ pote-  
state coerceri poterant: quòd Pipini ingentia in Ecclesiam Catho-  
licam, Sedenque Romanam merita essent, quibus meritò præ-  
mium aliquod debebatur: quòd longâ consuetudine Regius con-  
sensus jam olim interpositus electionibus esset, & consensus jam  
fere in imperium transisset. Prudentis ergo consilij fuit, concede-  
re quod prohibere non poterat, necessitate in legem & præmium  
versâ. Hoc ergo jus & privilegium in Pipini successores propaga-  
tum est; enimverò ante privilegium Zachariæ Reges non jure, sed  
facto eligeant; nec electioni aliud præter consensum accommo-  
dabant.

Anno DCCCXVI. Ludovicus Pius Pipini Nepos Aquisgra-  
ni in celeberrima synodo, ad Episcoporum preces, id ardentè ex-  
petentium, electionibus veterem usum, canonicam libertatem re-  
stituit, permisitque Episcopos ex Cleri, populi que consensu eligi.  
Sic habetur l. 1. capitular. c. 48. Eodem decreto Ludovicus vetuit, ne,  
quod fieri solebat, sacerdotiæ muneribus emerentur, qui turpissi-  
mus quæstus à Theodorico Gothorum Rege inductus est, teste  
Gregorio Tur. de vit. patr. c. 3. adè ut non Imperatoribus & Regi-  
bus tantum, sed etiam Episcopis ordinantibus pecunia solvenda  
esset, idque vario prætextu, Enthronismi, Emphanias, Pastilli,  
&c. unde Enthronistica, & Emphanistica vocabantur; quorum  
modus

modus à Justiniano in Patriarchis reductus fuit ad 20. libras auri, in tenuioribus Episcopatibus ad 300. vel 200. solidos. (a)

Quamvis verò Ludovicus Imperator libertatem eligendi Episcopos Clero reliquerit, non idè tamen necessitatem Regij assensûs videtur tenuisse, ut apertè constar ex ijs, quæ Florus loco citato, Concilium Paris. Anno DCCCXXIX. celebratum l. 3. c. 22. quod habetur *Tmo 3. Concilior.* Hincmarus *epist.* 12. Patres in synodo apud Theodonis Villam Anno DCCCLIV. Joannes PP. X. *ep. ad Herimannum Coloniensem.* Anno DCCCCXI. Flodoardus l. 3. *Histor. Rhem: cap. 35.* Flodoardus in chron: Anno DCCCLXII. testantur; denique Sigerius in vita Ludovici Grossi, ubi scribit in Conventu Catalauni habito, Archiepiscopum Trevirensen coram Paschali II. & Ludovico Rege testatum esse, à tempore Gregorij M. antequam electio publicaretur, admoneri Imperatorem solitum; cui si electus placeret, tunc demum electionem vulgatam fuisset, & Episcopus consecratus Imperatorem adibat, petebatque Regalia, quæ cum per anulum, pedumque accepisset, homagium Cæsari præstabat. Assensus tamen, aut voluntas Regia nullam inducebat necessitatem eligendi quem Rex optabat, ut eleganter, prolixèque docet Hincmarus loco cit: nec omisso Principis assensu irrita electio reddebatur, sed tantum litibus ac discordijs exposita, teste Floro citato, & tunc quoque suas partes Pontifices Romani interponebant, quod fatetur Petrus de Marca. (b) Hic status electionum fuit usque in Annum MXXII. quando in Concilio Lateran: sub Callisto II. Pont: Max: electiones Episcopales in plenissimam libertatem asserunt, & ab omni Regio assensu exemptæ, salvâ tamen Regibus feudorum & Regalium investiturâ per sceptrum faciendâ. Anno tandem MXXV. post insignem ad Marignanum victoriam, cujus merces & præmium ducatus Mediolanensis fuit, Franciscus I. Gallicarum Rex cum Leone X. Bononiæ congressus, abolitâ Pragmaticâ sanctione, tor discordiarum matre, Concordata inijt, quibus jure eligendi à Capitulis avvocato, integra facultas ad Episcopatus vacantes nominandi, Regi concessa est; jus tamen electiones & nominationes confirmandi Papæ reservatum. Eadem Concordata in Concilio Lateranensi sess: 2. lecta & approbata sunt, ac Con-

O

(a) Vide Novell. 123. c. 3. & c. 16. & l. 6. quemquam, Cod. de Episc. & Clero

(b) Lib. 8. cap. 16. num. 6.

lio Lateranensi Sess. 2. lecta & approbata sunt, ac Concilij auctoritate firmata. Pragmaticam hanc sanctionem consensu Ecclesiarum Gallicanarum Carolus VII. Galliarum Rex Anno MCCCXXXVIII. ediderat, quâ decreta Concilij Basiliensis recipiebantur, illa in primis, quibus libertas electionum reddebatur, & gratiarum expectativarum, ac Beneficiorum reservationes vetabantur. Sæpe in hanc Pragmaticam Roma declamavit, irritum semper conatu. Pius II. Ludovici XI. primus animum flexit, evicitque, ut Pragmaticam aboleret, sed repugnante Parlamento, nec finem querelis ponente, iterum Pragmatica valere iussit, iterum in usum deducta. Conati sunt quidem Sixtus IV. & Julius II. illam evertere, sed nullo eventu; donec inter Leonem X. & Franciscum I. conventum est. Doluit enim verò Cæsar Gallicanus hac conventionem, seu Concordatis libertatem eligendi sibi ademptam, & idè ad futurum Concilium generale provocavit. (a) Sed vix est, ut aliquid hac provocatione serare possit, concordatis in Concilio Lateranensi confirmatis, quod Concilium pro generali Reges Galliarum etiam habuere, & publicè professi sunt, ut ex actis Concilij patet, & ad illud Ecclesia Gallicana sæpe vocata, multumque expectata est, submotis, quæ obtendebantur, impedimentis. Multiplex ratio Regem ad hanc cum Pontifice conventionem movit: quòd gravissimo bello cum Carolo Imperatore implicitus mallet Pontificem amicum, quàm hostem habere: quòd Ecclesiâ Gallicanâ sæpius ad Concilium vocatâ, nec tamen comparente, timendum erat, ne Patrum suffragiis Pragmatica damneretur, sicque aut invitus causâ caderet, quod & damni & dedecoris plenum erat, aut perpetuis litibus, ac schismate, cum Romanis Pontificibus collideretur, quod eo potissimum tempore, cum à Carolo gravissimum bellum instaret, omnino fugiendum: prudentis ergo Consilij fuit, tempestatem præoccupare, navigio in tutum, nec sine spolijs, recepto; ijs enim concordatis jus omne electionum lucrabatur, nec leviores Pontificem causæ movebant: Cum potentissimo Rege, eoque & victore, & vicino, recepto Mediolano, pacem jungebat: Annatas à Concilio Basiliensi veritas lucrabatur: Pragmaticam sanctionem, toties irritoque conatu, à summis Pontificibus appetitam delebat, & tandem Concilium Basiliense patrocinio

florē-

(a) Teste de Marca lib. 6. c. 9. & c. 10.

florētissimi Regis exuebat. Nec Clerus Gallicanus de sublatiſ electionibus conqueri poſſe videbatur. Cur enim non poſſet Leo Papa id Franciſco Regi concedere, quod jam dudum Zachariæ Pipino, Clero Gallicano nihil contra moliente? quodd ſi minus in Franciſco meriti, quàm in Pipino fuit, non minus tamen in Leone neceſſitatis. Deinde modicum id erat, quod per concordata Clero adimebatur; nam etiam ante concordata aſſenſus Regis eligendis Episcopis neceſſarius erat, immo preces Regiæ ex præſcripto Pragmaticæ ſanctiſ electiones prævenire, & poterant & ſolebant. Quis verò nescit preces Regum pares imperio eſſe? juxta illud Taciti, & Aufonij: *Potentiffimum impetrandi genus eſt, cum rogas, qui poteſt jubere; tunc enim preces quidem ſunt, ſed quibus contradici non poteſt.* Nihil ergo concordatis, præter nomen electionis Clero ademptum, collatione ipſâ dignitatum, precum obtentu, jam in Reges tranſlatâ. Et in hoc fortè ſenſu ſuſtineri utrumque poteſt, quod ſcribit Maymburg, *Hiſtor. Iconoclaſt. l. 2. f. 259.* pactis inter Leonem & Franciſcum initis, nullum novum jus Galliæ Regibus quaſitum, ſed illud tantum confirmatum, quod privilegio Zachariæ jam olim obtinebant. Id verum eſt, ſi velit preces Regias electionibus interponi ſolitas, eundem penè effectum habuiſſe, quem jus nominandi, & præſentandi, per concordata Regibus permiſſum, quod etiam fatetur della Marca Archiep. Pariſ. *lib. 6. c. 10. n. 13.* extra hunc ſenſum falſum eſt, jus ad Episcopatus nominandi jam ad Reges ante concordata ex privilegio Zachariæ ſpectâſſe; huic enim privilegio jam olim Ludovicus Pius renuntiaverat *l. 1. capitular. c. 84.* & in Concilio generali Lateranenſi ſub Calliſto II. libertas eligendi Clero permiſſa, nec Regibus aliud præter aſſenſum & approbationem relictum eſt. Et verò ſi per concordata nullum jus Regibus datum, quid cauſæ fuit Clero Gallicano concordatis repugnandi ob electiones ademptas, appellandi quæ ad futurum Concilium? Hæc ergo ſunt, quæ de electionibus & nominationibus Episcoporum dicere habui, quod quidem, quantum in re obſcura implexâque fieri potuit, diligenter etiam per annorum ſeriem tractatum eſt, ſiquid verò me fugit, aut minùs Lectori arridet, veniam difficultati dabit, & meliùs aliquid in ſolem expromet. Nunc ad inveſtituras pergo, quæ proximè ad electiones ſequuntur.



Postquam Regum Christianorum indulgentiâ factum est, ut Ecclesiæ non solum magnâ vi auri, argenti, gemmarumque, verum etiam multis magnisque feudis, dominijs, ac jurisdictione, donarentur, hæc ipsa amplitudo, opesque servitutem Ecclesijs pararent. Auclâ igitur in Episcopis potentiâ, auclâ quoque aut invidia, aut cupiditas, aut formido, aut denique necessitas in Principibus est, eos sibi obstringendi, à quibus metuere poterant. *Duplex*, inquit Bernardus, *serm. ad Pastor. inf. dominium Prælatorum: habent enim Claves Ecclesia quibus claudunt, & nemo aperit; habent & Regalia, quia Domini sunt urbium & oppidorum, nec solum Episcopatus sed etiam consulates habent, ut merito eis dicatur, quid ultra debui facere & non feci, sed quod datum est illis in adjutorium, factum est illis in scandalum.* Hinc ergo nata servitus electionum, & necessitas eos ad insulas provehendi, quos Reges aut juberent, aut saltem cuperent; quamquam idem fere erat cupere, quod jubere: natæ etiam investituræ, quæ vox Caroli M. tempore nondum erat ad significandam concessionem Episcopatuum instituta, ut notat Baronius, & post illum Marca. *l. 8. cap. 12. n. 7.* Cum enim lege Salicâ (quâ solâ Reges utebantur) qui fundo aliquo, aut feudo, jure beneficiario, à Rege donabantur, in signum traditæ potestatis, baculum, festucam, aut aliquid simile acciperent, & secutis post annis, gladium etiam, aut vexillum; idem quoque ad Episcopos extensum, ut videlicet feuda, & Regalia Episcopatibus annexa, traditâ à Rege Cruce, annuloque, post electionem acciperet, & juramento etiam, quod homagium, vel hominum dicebatur, eidem Regi se obstringeret, id verò fiebat manu Episcopi in Regiam manum insertâ. Hoc ergo ritu investitura dabatur, quæ, ut dixi, Crucis annulique traditione, & juramento constabat; & hoc modo investiti à Regibus reperiuntur, S. Rembertus Archiepiscopus Bremensis à Ludovico Pio, S. Romanus Episc. Rothomag. à Clodovæo II. Ulstanus Episcop. Vigorniens. à S. Eduardo. Ivo Carnotens. à Philippo I. (4) Nec mirum videri debet hujusmodi investituris etiam sanctos acquiescisse: id quippe in usum & morem transierat, & nondum summi Pontifices damnaverant, nec ad aliud spectare videbantur investituræ, quàm ad Regaliam & feudorum concessionem, non verò

ad

(4) Vide Ivon. epist. 8. & 190. Matthæum Paris. in Eduard. & Aucarium vitæ SS. Remberti & Romani.

ad officium Episcopale, aut dignitatem spiritualement; & ided à Calisto II. tandem in Concilio Lateranenſi admiſſæ ſunt; eratque in omnium oculis exemplum B. Gregorij, qui imperatam pecuniam adepti Pontificatus præmium Mauritiſ Imp. ſolverat, id verò longè pejus inveſtituris erat; ſed neceſſitas vicit, nec pecunia ided data, ut Pontificatum emeret, quem maximè fugiebat; ſed ut occurreret pejoribus malis, & ut Theologi loquuntur, *redimenda vexationis cauſa*. Anno MXXXVIII. primus in Concilio Rom. V. teſte Malmespurienſi in Wilhelmo I. Gregorius VII. inveſtituris bellum indixit, eaſque & homagium Regibus præſtari ab Episcopis ſolitum omnino vetuit, anathemate in Reges & Imperatores pronuntiato, qui illas darent acciperentve. Enimverò clauſicum hoc fuit, quo diuturnis & graviffimis bellis præluſum eſt, Eccleſiâ Romanâ Imperioque diu multumque collis. Cauſæ inveſtituras delendi hæc à Gregorio prolata. Eas ab Hadriano II. & Concilio Oecumenico VIII. can. 22. jamdudum proſcriptas eſſe; Regum eſſe palatia & urbes condere, eaſque, quibus vellent donare, non verò inſulas & ſacerdotia; hac extra Regiam poteſtatem eſſe, ſolisque ſacerdotibus commiſſa, non ergo qua Regum non ſunt, donari à Regibus poſſe; quid verò eſſe inveſtituras, niſi Episcopatum donationes? à Regibus crucem, à Regibus annulum, à Regibus virgam paſtorales electis dari, quid hac aliud, quàm Episcoporum inſignia eſſe? & quid aliud ſit Episcopos facere, quàm hac conferre? cogi ſacerdotum greges aſulas & caſtra ſequi, alioquin ignotos neglectosque, procul inſultis haberi, iſ ſolùm admonitis, qui Regum latus ſequerentur, ſicque non merito, non virtuti, ſed gratia tantum & obſequijs dignitates locari, immo, quod turpius & neſas dictu ſit, Episcopos pecuniâ fieri, & velut in publico mercatu Eccleſias iſ cedere, qui plus pretij obtulerint; ſic fieri, ut ſcleratiffimi quique integerrimis ac probatiſſimis præſtarentur; quanto hoc Regum dedecore, Eccleſia contemptu, animarum periculo damnoque? quo deinde vultu egregios hos Antiſtites auſuros Regibus obſiſtere, quibus tot vinculis aſtringantur? populos monere, quos exemplis corrumpant? nihil aliud inveſtituris agi, quàm ut diſciplinâ Eccleſiaſtica penitus exciſa, & Reges frano, & Antiſtites reverentiâ, & populi verecundiâ peccandi careant; nullum ergo remedium tot malis ſuperſeſſe quàm ut fontes claudantur, unde illa proveniunt. Fruſtra verò tuendis inveſtituris privilegia uſumque prætexi; primo enim privilegium nullum oſtendi poſſe, quod enim illud? quando & à quo datum? deinde non plus firmiatis privilegio quàm legi eſſe, hanc verò, cum in publicam perniciem vertitur, aut planè extingui, aut ſaltem à

legitimo Magistratu delevari posse, & tandem omni jure sancitum esse, ut abusu privilegia tollantur; abusum verò nullo temporis decursu muniti, & pestis more, quanto diuturniorem, tanto pejorem esse. Hæ fere rationes erant, quibus Gregorius investituras persequeretur. Opponebant ex adverso Principes. Duo in Episcopatibus spectari posse, & sacram dignitatem, & jura ac dominia temporalia; hæc investituris non illa à Regibus dari; nec enim tantum aut ignorantia, aut impietatis Regibus esse, ut sibi, qua Dei sunt, usurpent. Si non erubescant Principes thesauros suos Regiasq; opes in Episcopos effundere, cur isti erubescant à Principibus accipere? & si accipiunt, cur nolint palam profiteri? alterutrum eligendum Episcopis esse; aut investituras accipere, aut Regijs Patrimonijs carere; hanc esse naturam feudi, nec posse aliâ conditione tradi. Nullum hæcenus è tot retrò Pontificibus ausum hunc lapidem moliri; licetq; Regibus intendere, solum Gregorium post tot annorum decursus novam aciem instruere pacemq; turbare, num ergo tot alij & sanctissimi Pontifices, aut oculis carebant, quibus hos abusus ac sacrilegia viderent, aut linguâ calamoq; quibus proscriberent? mirum ergo esse, aut illos non vidisse, qua modo Gregorius videat, aut Gregorio non probari, qua illis semper probata sint. Siqui abusus hujusmodi investituras incurrant, paratos Reges opem omnemq; operam illis purgandis polliceri; Gregorij tantum esse remedia præscribere, non defuturos suis partibus Principes, quorum aquæ ac Pontificum intersu ijs infulas imponi, qui Ecclesiæ aquæ ac Regno dedecori non sint. Ceterum si omnia illa è medio tolli oporteat, qua abusu aliquo sedantur, parum esse Gregorio investituris irasci, totum orbem vertendum esse, cum totus abusus scateat, prudentem agricolam sterilibz quidem aridisq; ramis arborem purgare, non tamen excindere, alioqui pejus remedium periculo fore. Hæc Gregorio pro investituris objecta ab illis sunt, qui Principum partes tuebantur, præsertim Ivone Episcopo Carnotensi. (a) Offensus vehementer est hæc epistolâ Urbanus II. eoque indignatio processit, ut Ivo de Episcopatu deponendo cogitaret, ut patet ex ejusdem epistola. 68. sed Urbano paullo pôst è vivis sublato, Ivo in gratiam cum Episcopatu redijt. Viçtor III. Pontif. Max. qui Gregorio successerat Anno MLXXXVII. in synodo Beneventana æquè sub anathemate Investituras prohibuit. Idem ab Urbano II. in synodo Claremontana repetitum Anno Mxcv. can. 16. adhibitum tamen temperamentum est, ut videl. Reges abstinerent tantum solemnitate annuli & virgæ pastoralis, aliàs jure suo uterentur. Ita colligitur ex epistola 60. Ivonis: constat verò, decretis Urbani synodi-

(a) In epist. 65. ad Hugonem Archiepisc. Lugdun.

nodique Reges Gallia acquievissent. Paschalis II. qui Urbano successit, constantissime Investituris oblectatus est, Anno tamen MCVII. post acce cum Henrico Rege Angliæ certamen ita conventum est, ut electi homagium quidem Regi præstarent, hic tamen nullum per baculum annulumque investiret. Sed multo gravior ab Henrico IV. Imp. tempestas in Paschalem incubuit. Hic Gregorij VII. & Urbani II. vestigijs insistens, repetitis Concilijs, Imperatoribus investturas abrogaverat, anathemate in Episcopos vibrato, qui illas à laicis reciperent. Henricus altâ dissimulatione iram contegere, & tandem rebus toto Imperio compositis, florentissimis copijs cinctus, inter quas tricies equitum millia, in Italiam movere. Color expeditioni quaesitus, velle Imperatorem Romæ more Majorum coronari. Copiæ, quò iter commodius esset, bifariam per Tyrolim & Sabaudiam divisæ Mediolani conveniunt: hinc Romanam progressa sunt, expugnatis deletisque urbibus, quæ militem morari auderent. Pontifex ubi exercitum prope urbem vidit, suspicatus quod erat, obtentu pacis vim admoventi, Legatos mittit pacemque his conditionibus impetrat; Imperator investituris cederet, Pontifici Romano vitam, libertatem, largitiones à Pipino, Carolo, Ottone alijsque Imperatoribus factas tueretur: Pontifex verò Imperatorem coronaret, juberetque Episcopos Regalia, feuda, ditionesque, quas à Regibus acceperant, restituere, solisque aris, ac fidelium oblationibus, ut olim in primitiva Ecclesia, contentos esse. (\*) Subscriptum utrimque, conventumque in has conditiones; sed, ut eventus docuit, irrito effectu, Episcopis Germaniæ, quorum spolia petebantur, nunquam consenturis. Henricus Romam ingressus est, interque plausus communisque omnium voces eum Imperatorem & Augustum acclamantium, Vaticanum intravit: rogatus verò à Paschali, ut, quod jam prius sponderat, investituris palàm cederet; cessurum se respondit, si Episcopi Regalibus feudisque abirent, quæ ab Imperatoribus acceperant; hic enim verò querelæ, strepitus clamorque Episcoporum negantium posse Ecclesiæ suas Pontificis Romani arbitrio spoliari, ipse prius provincijs Regnisque, quæ à Pipino & Carolo acceperat, renuntiaret, secururam exemplum Germaniam; hanc verò nudari, Romam tot Principum Regumque spolijs onustâ, iniquum esse.

Dum

(\*) Vide epist. Pasch. 22. ad Henric. &amp; Chron. Cassin. lib. 4. cap. 37.

Dum ergo mutuis altercationibus omnia complentur, jussu Imperatoris Paschalis abductus traditusque custodiæ; hinc mutæ Germanos inter Romanosque cædes, Henricus in faciem ictus vix mortem evasit. Paschalis non tam carceris malorumque tædio, quibus flecti à sententia nunquam poruit, quàm suorum querelis, metuque inprimis expugnandæ diripiendæque Urbis, paratiquæ schismatis, vinci se tandem passus, investituras Henrico cedit, eamque cessionem, & diplomate, & sacratissimo Eucharistiae epulo, cujus unam partem ipse acceperat, alteram Imperatori tradiderat, obfirmat. Id Anno *mcxi.* factum. (a) Dici non potest, quàm ægro ab omnibus fere Cardinalibus, & Episcopis animo hoc privilegium (quod ipsi pravilegium vocabant) acceptum fuerit, adeò, ut Anno *mcxii.* in Concilijs generalibus Lateranensi, & Viennensi declaratum sit, irrita fuisse, quæ à Paschali gesta & concessa fuerant, utpote vi metuque, & contra Patrum canonumque sanctiones extorta. Immo non defuerunt in Gallijs viri sanctitate & miraculis clari, qui assererent, non quidem ipsum actum investiendi hæresin esse; sed hæreticos videri, qui pertinaciter defenderent, Ij fuerunt inter alios S. Godofredus Episc. Ambianens. S. Hugo Episc. Gratianopolit. S. Bruno Episc. Signinus, Joannes Archiepisc. Lugdun. ac deniq; cõmuni voto Patres omnes Conc. Viennens. Errat ergo Maymburg, suoque more censuram præcipitat, dum Brunonem Episcopum temeritatis accusat, quodd investituras hæresis notâsser; qui enim temerarius; qui tot Patres virosque præclaros in Gallijs, aut duces suæ sententiæ, aut comites habuit? immo totum Viennense Concilium? Ratio ob quam isti investituras hæresis postulabant, fuit, quodd Principes, cùm Episcopos investiebant, annulum & crucem, seu virgam pastorem electis porrigerent; hæc verò insignia esse non temporalis alicujus, sed Episcopalis & Ecclesiasticæ dignitatis, quam qui diceret posse à laicis conferri, utique pro hæretico habendus esset: esto enim Principes negarent, se quod ad sacram dignitatem spectat, conferre velle; videbantur tamen aliud agere, quàm dicerent; quippe qui sacræ dignitatis insignia traderent; quemadmodum pro hæreticis semper habiti sunt, qui voces hominij, & Christotoci usurpabant; quamvis

(a) Vide Wilhelmum Malmesburiensem l. 5. de gestis Reg. Angl. & Petrum Diacon. l. 4. & Baron. ad hunc annum.

vis se Catholicos esse dicerent, & hærefes Arianam ac Nestorianam execrari. Hæresis ergo non ex animo, qui occultus est, sed ex facto æstimabatur: rursus hæresin censebant eorum sententiam, qui dicerent, investituras toties ac tot Concilijs, summorumque Pontificum decretis veritas, nihilominus licitas esse. (a) Ipse Ivo Episcopus Carnotensis (b) negat quidem, sententiam investituræ defendentium hæreticam esse, fatetur tamen schismati vicinam; cum tamen annulus, & virga signa sint ex sua natura indifferencia, nec investituræ Divino aliquo, sed humano tantum jure prohibita; potuisse illas, immo & debuisse à Paschali Pontifice Imperatoribus majoris mali, & schismatis vitandi causâ concedi. Hæc fere sunt, quæ in hac celebri controversia utrimque magnæque animi contentione jactabantur. Paschalis factorum penitens abire Pontificatu statuerat, sed permissus non est. Tandem in Concilio Lateranensi Anno mxcvi. seipsum ignaviæ accusans privilegium Henrico datum damnat revocatque, & investituras, eosque qui illas darent reciperentque, perpetuo anathemate ferit, nullam tamen Henrici mentionem factam, quem se nunquam excommunicatione percussurum juramento promiserat. Paschali è vivis sublato, Gelasius II. omnium voto suffectus est, sed quod palam edixisset, se nunquam investituris assensurum, ab Imperatore Germanisque Romam pervolantibus gravissima passus confectusque ærumnis est. Successit Callistus II. à quo tandem, ut suprà dictum est, pax Imperio & Ecclesiæ reddita est, electiones Episcoporum ab Imperatoribus ad Clerum translata, ipsis verò Imperatoribus investituræ Regalium relicta, sic tamen, ut non per annulum pedumque, sed per sceptrum darentur. Eiusdem Callisti decreto abolitum jus homagij ab Episcopis præstari soliti; hujus solemnitas erat, ut Episcopus Regiæ manui suam supponeret, sicque fidelitatem juraret; juramentum enim fidelitatis jam olim in Hispania, Gallia, Anglia, & Germania ab Episcopis præstari Regibus solebat. (c) Hic ergo

P

in-

(a) Vide epist. Joannis Archiepisc. Lugdun. quæ inter epist. Ivon. est. 227.  
(b) Epistol. 233.

(c) Vide Concil. Toletanum 16. & Duziacense (oppidum Provinciæ Rhenensis) ex Malmesb. l. 2. de gestis Pontif. Angl. & l. 3. videantur Concil. Toletan. 4. c. 75. & Tol. 10. c. 2. & Concil. Turon. 3. c. 1. & Aquisgr. Anno DCCCXXXVI. c. 12. & Gratian. in 22. q. 5. ubi eleganter effectus juramenti fidelitatis describuntur.

investiturarum ortus, progressus, exitusque fuit. P. Maymburg lib. delle decadenze. f. 408. Sanctum Anselmum Archiepisc. Cantuariens. imprudentiæ notat, parumque rebus gerendis accommodatum dicit, quod homagium Henrico Regi Angliæ præstare, ab eoque investituræ accipere diu recusaverit. Verum quàm lubricæ sint hujus Critici censuræ, quàmque ad Aulæ potiùs gratiam, quàm veritatis (quod in Ecclesiastico meritò displiceat) composiæ, tu ex historia cognosce. Anselmum Archiepiscopum Cantuariensem, quod contra Guibertum Antipapam pro Urbano 11. staret, Guillelmus Rex abire in exilium jussit: Guillelmo extincto Henricus successerat, à quo Anselmus revocatur. Paulo post investituræ accipere, Regique homagium præstare rogatus, negat se id facere, tot Concilijs, tot Pontificibus prohibentibus, posse; missurum tamen Romam, qui sensa Pontificis perquirerent, Episcopos canonum custodes, non corruptores esse; quid Angliam, quid Galliam, quid Orbem universum dicturum esse, si, quæ nuperri-  
mè in Concilio Romano tot Patrum suffragijs sancita fuerant, subverti ab Anselmo viderent? Romam ergo à Rege, ab Archiepiscopo Legati ad Paschalem missi: Paschalis investituræ omnino damnare: repetita iterum legatio, at æquè repetita repulsa. Sed cùm legati à Rege missi corruptique muneribus dicerent, Paschalem investituris acquiescere, nec tamen voluisse id litteris commendare, ne gratia in exemplum transiret, id verò constanter pernegarent, quos Archiepiscopus miserat, idque allatis à Pontifice ad Anselmum litteris confirmarent, tertia ad Pontificem legatio instructa, sed à pontifice responsum, non posse investituræ se per-  
mitteri, quas toties Prædecessores damnaverant; idque decreto firmavit, quod in Concilio Lugdunensi lectum acceptumque est. Quid Rex faceret toties repulsus? ipsum Anselmum, & Wilhelmum electum Exoniensem Episcopum mittit, qui Pontificem flectant. Tanta Wilhelmi perorantis eloquentia fuit, ut, cùm dicendi finem fecisset, omnes admiratione suspensi hærent, obstinatoque silentio, quæ ab Anglo dicta fuerant, comprobarent. Aditi Wilhelmo animi: *Illud*, inquit, *scitote, prius Henrico Regi, & coronam, & caput, quàm investituræ adimi posse.* Hic Pontifex rupto silentio, vultuque in majestatem composito, *Ego*, inquit, *ne quidem pro capitis mei redemptione patiar illum investituræ habere.* Secuta omnium  
Pur-



Purpuratorum, & Antistitiū acclamatio Pontificem collaudantium. Anglus silentio, & pudore defixus. Henricus verò Rex Anselmum regno, & Archiepiscopatu abstinere jubet, sed paullo pòst revocatum, omni honore cultūque excipit; convenerat enim inter Pontificem Regemque, ut hic quidem homagia ab Episcopis reciperet, eosque, quod temporalia spectat, investiret; annuli tamen, pediūque collatione abstineret: quod ubi Anselmo significatum, promptissimè acquievit: hinc pristina illi à Rege gratia. Sic Anselmi certamen habuit. Jam hīc lectoris arbitrium esto, annon omnes ab Anselmo prudentiæ partes expletæ. Quòd Legatos Romam miserit, quòd distulerit, quòd rogaverit, quòd ipse in Italiam venerit, quòd acceptā semel à Pontifice indulgentiā continuò acquieverit; hæc omnia reverentiæ in Regem suum data: quòd verò tot à Gregorio, ab Urbano, à Paschali, à Romano, Lugdunensi, aliisque Concilijs decreta Regiæ voluntati, suisque commodis præhabuerit, id planè pastoralis constantiæ ac libertatis fuit; plus enim Episcopus Pontifici ac Concilijs, quàm Regi suo debet; cūm & ipsi Reges Concilijs, ac Pontifici subdantur. Iubet Rex, Vetat Papa, cujus imperium præferas? Regium? sic omnino Maymbugo visum, sed aliter Anselmo; sed quantò Anselmus melior majorque, tantò hujus melior æquiorque sententia. Jam ad ultimum Regaliæ caput, quod in custodia, ac usufructu bonorum Episcopaliū sede vacante consistit, calamus vertendus est.

Primis Ecclesiæ temporibus non alij Episcopis proventus erant, quàm fidelium oblationes, decimæque; his sustentabantur. Constantinus lege lata (*qua est prima C. de SS. Ecclē.*) permisit fidelibus, ut bona ac latifundia, quæ vellent Ecclesijs relinquerent: hinc Ecclesiarum opes vehementer auctæ. Divi Augustinus, ùrest in ipsius vita apud Possidium c. 22. & Chrysostomus *hom. 22. in Math.*: quo & curis rerum temporalium, & invidiā ex opibus ortā leverentur, latifundia, quæ Ecclesijs obvenerant, laicis permittere conati sunt, solis oblationibus victuri, sed numquam persuaderi fidelibus hoc potuit. Præcipua Clodovæi, Pipini, Carolique M. liberalitas fuit, integras provincias, immo Regna Ecclesijs donantium. Nec causæ tam largæ profusionis aberant. Summi & ipsi beneficijs ab Ecclesia affecti erant. Huic Clodovæus Religionem, & cum Religione tot victorias & incrementa, Pipinus Regnum,

Carolus Imperium debebant. Intererat quoque Episcopos potentis & opibus augeri, ij siquidem nec bellis gerendis, nec rebus novandis apti, minùs Imperatoribus afferebant metùs, plus verò fidelitatis; quam fuisse causam Carolo M. Episcopos ditandi notat Malmesburienf. *de gestis Reg. Angl. l. 5.* Notat etiam Baronius ad Annum MIV. cum hoc ipso sæculo Canones pœnitentiales, expiandis in hac vita peccatis revocati essent, & tamen ob eorum acerbiteriam, peccandi quæ frequentiam, quàm plures aut spem veniæ deponerent, aut pœnitendi conatum; pœnarum redemptio induci capta est, ut quantum videlicet pauperibus, aut Ecclesijs donaretur, tantum pœnitentijs decederet; hinc à divitibus profusæ donationes. Auctis ergo Ecclesiæ opibus, ne deessent, qui illas curarent, sacris canonibus sancitum est, ut ijs Oeconomi, qui ex Clero legi debebant, præficerentur. *ita statutum in Concilio Chalcedonensi can. 26. Hippa- lensi secundo cap. 9. Toletano quarto cap. 47. Niceno secundo c. 11. (a) Præcipuum verò Oeconomi officium erat, ut defuncto Episcopo, proventus Ecclesiæ curaret, custodiret quæ successoribus tradendos. Concil. Chalcedon. can. 25. & ibi Zonaras. Et cum Principes sæculares vacante Ecclesiâ facultates redditusque sibi vendicarent, severè id eis prohibitum in Concilijs Ilerdensi c. 16. Chalcedonensi c. 22. Claremontano, Lateran. & c. V. c. 22. & 25. 16. q. 7. & Concilium Francofordiense Anno DCCXCIV. can. 41. Pontigon. Anno DCCCLXXVI. can. 14. Trosleianum Anno DCCCXXI. can. 14. sed Nullæ leges coercendæ Principum cupiditati pares fuere, aded ut nomine obrentuque custodiæ, omnia vacantis Ecclesiæ bona sibi Principes addicerent, nec solum quæ titulo Regalium feudi quæ Ecclesiæ obvenerant, sed etiam decimas, supelle&ilem, ipsasque Beneficiorum Ecclesiasticorum collationes. Videtur aliquibus hæc consuetudo circa sæculum undecimum invaluisse, post Callisti 11. cum Henrico Imperatore initam conventionem; enimverò nullam ejus mentionem Gregorius VII. Urbanus 11. Paschalis 11. & ipse Callistus fecere, facturi utique, si illam agnovissent, ut qui ob solam Investituræ solemnitatem non dubitarent tot Imperatoribus bellum indicere, sequæ, totamque Ecclesiam tot ærumnis, & persecutionibus involvere. Planè jam ab Anno MCLXI. sub Ludovico juniore, Philippo Augusto, Ludovico IX. Galliarum Regibus, hunc ipsum morem occupandi bona va-*

can-

(a) Vide etiam S. Gregorium l. 2. Epist. 22.

antis Ecclesiæ obtinuisse, demonstrant varia exempla, quæ Au-  
 &or libertatum Ecclesiæ Gallicanæ concessit. *Tom. 2. tit. 5. tit. 16. tit. 4.*  
 & della Marca *lib. 8. c. 22. n. 8.* Idem dicendum est, de Collatione  
 Præbendarum, quæ nomine fructuum, pendente electione venie-  
 bant, quæque à summis Pontificibus Innocentio III. Anno MCCX.  
 in causâ Thomæ Argentolij à Philippo Augusto nominati Cle-  
 mente IV. Anno MCCLXVII. Gregorio X. Anno MCCLXXI. aut appro-  
 bata, aut saltem permissa fuerunt, ut apud citatos Auctores vide-  
 re est. Illud tamen negari haud potest, hanc ipsam vacantium bo-  
 norum occupationem prius saltem, quam in legitimam consue-  
 tudinem transisset, gravissimis proborum censuris vapulasse: Pa-  
 tres Concilij Trosleiani *pestimum abusum*. Raymundus Comes Bar-  
 cinonensis in privilegio Anni MCXXXVII. quod apud della Marca  
 reperire est, *l. 8. Nefariam consuetudinem, detestabilem, & alienam ab om-  
 ni jure divino, humanoq.* Emmanuel Comnenus in constitutione An-  
 no MCL. *Abusum vergentem in Dei Contemptum, legisq. naturalis eversionem,  
 indignum professione nominis Christiani*. Fridericus II. Imperator in con-  
 stitutione de Año MCCXIII. (quam editâ Bullâ aurâ Año MCCXIX.  
 confirmavit) *pravum abusum à suis majoribus inductum*. & idè ipsdem  
 constitutionibus ad Honorium III. Papam hunc abusum abrogat,  
 abdicatque. Idem ab Ottone III. factum, qui ex Episcoporum ac  
 Principum Germaniæ voto, hanc ipsam *pravam consuetudinem* (sic  
 enim vocant) abolitam voluit, bonis morientium Episcoporum  
 intactis, reservatisque Successori. Ita Principes Germaniæ Inno-  
 centio III. Anno MCC. significarunt, (a) Sed quidquid de hoc sit,  
 hoc ipsum Regaliæ jus, quod solâ consuetudine, non lege niteba-  
 tur (saltem si proventus feudales excipias) tandem in privilegium,  
 verumque jus transiit, quando Gregorius X. in Concilio Lugdu-  
 nensi Anno MCCLXXIV. Principibus concessit, ut ubi hætenus con-  
 suetudo obrinuerat, vacantium Ecclesiarum fructibus gaudere pos-  
 sent, excommunicatione percussis, qui hoc jus Regaliæ ad loca  
 extenderent, ubi hætenus antiqua consuetudo non fuerat. Caus-  
 æ ob quas Patribus visum, posse Principibus hoc jus permitti, va-  
 riæ fuerunt; quod jam passim longâque consuetudine, ac infinitis  
 penè exemplis hæc occupatio invaluisset, nec posset aboleri, ni-  
 si Principibus gravissimè offensis; necessitas ergo in privilegium

(a) Vide Baron. ad Annum 996.

transijt; quòd negari haud posset, ingentia fuisse Principum in Ecclesiam merita; istis ergo aliqua merces debebatur, & tunc præsertim, cùm instinctu Gregorij in sacrum bellum accingebantur, non tantùm immensos sumptus, sed etiam sanguinem profusuri; præsertim verò, quòd dignitas Episcopalis cùm non jure sanguinis, aut hæreditatis, sed tantùm electionis conferri posset, Episcopo extincto, feuda & Regalia devolvi ad Principem viderentur; donec alius in dignitatem succederet, & à Principe Regalium investituram per sceptrum acciperet; si enim, inquebant, defuncto Antistite, feuda, latifundia, ditionesque ad Regem non redeunt, cur ergo electi Antistites à Rege investituram accipiunt? si enim non habet, dare non potest; aut si dat, ergo habet: quæ ratio in ijs potissimùm provincijs valebat, ubi *jus relevij* in feudis obtinuerat; mortuo siquidem vasallo, Dominus interim, donec hæres investiretur, proventus feudales, velut solatium levamenque translati in alios patrimonij recipiebat: & cum hoc onere feuda in Ecclesias transisse videbantur; Ceterùm si privilegium Concilij excludas, parùm hæ rationes Principum causam promovebant. Feuda enim Ecclesijs, non Episcopis donata fuerant, & idè Episcopis sublatis, non idè recidebant. Deinde vel in ipsis feudis, quæ Laicis conceduntur, quis nescit fructus, qui ante Investituram proveniunt, non Domino, sed vasallis & hæredibus deberi? & demus hæc omnia: quid de decimis, domestica supellectile, bonis mobilibus, & beneficiorum collationibus dicemus, quæ nec feuda, nec Regalia erant, & tamen à Principibus æquè occupabantur? & idè ipsi Principes Regesque, ut suprà vidimus, non tanti has rationes, aut prætextus faciebant, ut hanc occupationem non inter abusus & corruptelas referrent, eamque abdicarent; Ergo si verum fateri volumus, vera & unica Regalix origo cupiditas fuit, iùm consuetudo; ac tandem privilegium Concilij: hoc solùm Principes absolvit. Reliqua, quæ de investitris & feudis dicebantur, colores tantùm, qui numquam quærentibus desunt, non veritas erant; alioquin Patres Concilij Lugdunensis illimitatè hoc jus, & non tantùm ubi consuetudinis erat, Principibus indulgissent. Quia verò Concilium nihil de collationibus beneficiorum, sed tantùm de fructibus loquitur, noluit Bonifacius VIII eo privilegio collationes contineri; sed à Philippo pulchro Galliarum Rege, & Joan-

ne Parisiensi, qui librum ea de re edidit, responsum; rationem Concilij Lugdunensis æquè ad collationes, ac fructuum receptionem spectare: æquè enim illoz consuetudine, præscriptione, beneficijs Regum, ac concessione saltem tunc Pontificum niti. Quæ Patribus rationes fuere, vacantium Ecclesiarum fructus concedendi. Cæterùm jus Regaliæ in Gallijs extendi ad omnes provincias (præsertim Burdigalensem, Narbonensem, Arelatensem, & Auscitannam) non posse, docet ex editis Philippi pulchri, Philippi Valesij, Ludovici xii, alijsque monumentis Petrus de Marca Archiepiscopus Parisiensis, l. 8. c. 24. n. 8. & apertè deduci videtur ex Concilio Lugdunensi, cujus fragmentum habes cap. 13. de elect. in 6. & hæcenus de jure Regaliæ, cujus causam plenius Dissertatione primâ Galliæ Vindicatæ prosecuti sumus.





§. II.

*Rationibus, & exemplis ostenditur, animum  
passionibus agitatum in errores prolabi  
Ecclesie fatales.*

S U M M A R I A.

1. *Veritas placidum animum requirit, quod ratione, & auctori-  
tate probatur.*
2. *Hereses pleraq; contentionibus, & amulationi principium de-  
bent, quod exemplis ostenditur Nicolai Diaconi.*
3. *Meletij, & Arij.*
4. *Luciferi Episcopi, & Tertulliani.*
5. *Lutheri.*
6. *Henrici VIII. Anglia Regis.*
7. *Eadem ratione propositiones Parisiensis Conventus suspectas  
reddi.*

I.



Apienter in bello Catilinario monet Sallustius: *Omnes  
homines, qui de re dubia consultant, ab odio, ira, & amicitia  
vacuos esse debere:* Enimverò passionibus tincturae qua-  
dam sunt, quas si animus semel imbibat, ægrè alium  
colorem admittet; rationis libram in unam partem  
præcipitant, multisque modis veritatem excludunt.

Primò, quia impetu quodam, ut dixi, voluntatem impellunt,  
secumque rapiunt, ut faciliùs contra torrentem naviges, quàm  
contra affectum semel incitatum. Deinde, quia voluntas cum

non

non eligat, nisi quod amat; nec amet, nisi quod placet; nec placeat, quod affectui repugnat; plerumque id eligitur, quod affectum mulcet: & quemadmodum linguâ bile, aut ablynthio corruptâ, quicquid infuderis, amarum erit: sic infecto passionibus animo quidquid dixeris, etiamsi verum, nisi affectui respondeat, displicebit, & respuet.

Et tandem passio plerumque, & vehemens præsertim, cum corporis alteratione humorumque conjungitur, qui excitatis velut nebulis objecta aut minora, aut majora, aut alia exhibent, quàm sunt; nec satis rationi permittunt, ut ad ea, quæ occurrunt, advertat, aut si advertit, nisu radioque tam debili, ut vix sentiat, & negligat æstu animum rapiente: quod ergo judicium de coloribus à cæco expectes? & ideò passiones, *perturbationem animi* Philosophus definit; ut enim in pellucida, & tralucente aqua fundum videmus, qui turbatâ continuò later, sic veritas placidum, quietumque animum intrat, commotum respuit irâ præsertim, quæ quantò plus sanguinem accendit, tantò plus flammæ, fumique habet, & veritatem tegit. Audi monentes Sacros Canones. Gregorius in c. illa. 11. q. 3. illa, inquit, *Præpositorum sollicitudo utilis, illa est cautela laudabilis, in qua totum ratio agit, & furor sibi nihil vindicat. Restrīgenda sub ratione potestas est, nec quidquam agendum prius, quàm concitata ad tranquillitatem mens redeat: nam commotionis tempore iustum omne putat, quod fecerit.* Et idem D. Gregor. in c. summopere 11. q. 3. summopere, inquit, *præcavere debent Rectores Ecclesiarum, & qui publica judicia exercent, ut in dictandis sententijs nullatenus levitate, aut furore ducti sint precipites: sed causis prius diligenter ventilatis, cum res, qua ignorabatur, pleniter ad notitiam venerit, tunc Divina, & humana lex resolvatur, & tunc secundum quod ibi constitutum est, remotâ personarum acceptione, definitiva proferatur sententia.* Hinc est, quod Moyses querelas Populi semper ad Dominum, tabernaculum ingressus, referebat, & juxta quod Dominus imperabat, judicia proponebat: nimirum nos instruens, ut non ex corde nostro, sed ex præcepto Divino, condemnationis, vel justificationis sententiam proferamus. Et D. Ambrosius c. Ira 11. q. 3. Ira sæpe etiam innocentes in crimen abducit: quia dum iusto amplius irascimur, & volumus alienum coercere peccatum, graviora peccata committimus; unde Dominus Iesus dimittens ad evangelizandum Discipulos, misit eos sine auro, sine argento, sine virga, id est, ut & incentiviâ litis, & instrumenta eriperet ultionis. Et aptè Seneca, lib. 1. de Ira

cap.



cap. 16. *Judicis, inquit, tum maxime placidus esse debet, & in statu vultus, cum magna pronuntiat.* (a)

Quæ omnia dicta sunt eum in finem, ut agnoscas doctrinam à Conventu Parisiensi nuper propositam, vel hoc ipso suspectam reddi, quod calentibus adhuc animis, & ut credebant, injustè la-cellicis, concepta, & producta.

II. Neque hoc novum in Galliâ, cum plerasque in Ecclesia turbas Ira conceperit ambitioni mixta, & viros etiam pietate, & doctrinâ summos in errorem impulerit. Percurre Historiam Ecclesiasticam, ex qua nonnulla tantum, ne simus prolixi, decerpamus. Inter primas Hæreses fuit illa Nicolaitarum circa Annum Christi 68. & cum ipsa Ecclesia propè nata, viventibus adhuc Apostolis, cujus meminit D. Joannes in Apocalypsi: Auctorem habuit Nicolaum ex septem primis Diaconis unum: origo hæc fuit. Ab uxore continentie causâ diverterat, sed impatiens amoris pristini thalamum repetijt: hanc ob causam abs Apostolis inconstantiæ postulatus, correptusque, irâ excanduit, & injuriam, ut credebatur, vindicaturus, Apostolis sordidum errorem opposuit, neminem videlicet in cælos admitti, qui voluptati non quotidie litaret. Alij aliter narrant; eum videlicet, cum uxorem duxisset elegantis formæ, & propterea zelotypiâ flagraret, ab Apostolis reprehensum esse: Illum ægro animo id tulisse, & ardentem irâ uxori in plenum confessum adductæ Maritum, quem vellet concessisse. (b) Alij tamen multi, gravissimi que Scriptores Nicolaum ipsum omni culpâ absolvunt, & tamquam virum probatissimum Samaritanis ab ipsis Apostolis datum esse Episcopum tradunt, de quo V. Baron. ad ann. 68.

III. Circa annum Christi CCCVI. & CCCXV. natum est schisma Meletij, & ex isto Ariana hæresis, quâ nulla gravius Ecclesiam Catholicam agitavit, tantumque sanguinis, ac lacrymarum expressit, totum penè orbem pervagata. Utriusque initium ex offensis, iratisque animis fuit. Meletium Petrus Alexandriæ Episcopus ob varia crimina Episcopatu exuerat, præsertim quod pœnarum metu minùs fortiter contra Infideles aciem duxisset, quàm Episcopum deceret: Ille pudorem, contemptumque non

ferens,

(a) Vide D. Gregor. l. 5. Moral. c. 37. & S. Thomam 1. 2. q. 48. a. 3.

(b) Vide Epiphanium hæresi, 25. & Baronium ad annum 68,

ferens, schisma contra Petrum Alexandrinum molitur, totamque Ægypti Ecclesiam perturbat, & in factiones scindit: Huic inter primos Arius adhæsit, & ipse ambitione, iraque in transversum actus. Fuit Arius, teste Epiphanio, dialecticâ præsertim insignis, & profanæ litteraturæ admodum callens, ingenio acri subrilique, pietate, & studio religionis apud plerosque egregiè commendatus, tantæque morum elegantia, quam gravitas temperabat, ut animos prius caperet, quàm obsideret, accedente præsertim eloquentiâ, quâ præpollebat; sed gloria nimius, contemptusque impatiens, & idè ad offensas pronus, nam ut bene Seneca: *Nunquam sine querela agra tanguntur.* Mortuo Achilla Alexandriæ Episcopo sibi infulas promiserat, neminem ratus huic dignitati parem: sed electus Alexander æmulum invidiâ perculit, quæ tunc maximè ex cinere in flammam emerfit, cum in publico Catholicorum Conventu scripturas doceret; ortâ enim inter disputandum contentione, suamque doctrinam minùs observari ab alijs dolens, quàm cuperet, ut æmulos torqueret, (Alexandrum præcipuè, qui Filij cum Patre æqualitatem frequenter repetebat) eandem æqualitatem impugnare aggressus est, nec prius cessavit, quàm Episcopis, & Imperatoribus in sententiam suam raptis, Ecclesiam, à qua se contemptum dolebat, sædissimè vexaret. (4)

IV. Eadem pestis Luciferum Episcopum, & Tertullianum perdidit duos Ecclesiæ nobilissimos Doctores, toti que orbi, antequam caderent, summâ veneratione habitos. Luciferum commendabat eruditio maxima pari sanctitati conjuncta, pari que constantiæ in tuenda Religione; pro qua, ut erat animo invicto, gravissimas pœnas vicit, & quater in exilium abiit, donec à Juliano Imperatore revocatus naufragium in portu fecit, quem tormenta non poterant, expugnante irâ. Missus fuerat Antiochiam à Summo Pontifice Legatus, ut schisma inter Catholicos componeret, alijs Eustathium, alijs Meletium Episcopum acclamantibus: sublato è vivis Eustathio Lucifer Paulinum suffecit defuncto prædilectum; quæ res Meletij partem adedò offendit, ut spem omnem conciliandæ pacis abrumperent. Supervenit Eusebius Vercellensis Episcopus, & ipse notæ jam sanctitatis, qui ubi advertit imprudentiâ Luciferi, & Paulini electione, schisma, & discordias extra remedium

esse, Luciferum præcipitæ electionis arguit: *Paulinum Episcopatum quidem dignum esse, sed per mortem Eustathij Deo litum dirimente quid opus fuerit novum ignem accendere, & intempestivâ electione altare altari opponere? si Episcopatum Melesio reliquisset, pacem jam fore, nunc Christianos mutus contentioibus perire.* Indignissimè hoc Luciter tulit, cum crederet eò se proventum, ut errare non posset, nec aliquid facere vituperio dignum; ergo amicitiam cum Eusebio abrupit, & in Sardiniam profectus fersale Schisma Ecclesijs, bellumque indicit, in quo mortuum Baronius scribit. Hinc errores, & hæresis Luciferianorum, ex carne videlicet animam propagari, lapsosque Episcopos non esse ad dignitatem recipiendos, si pœnituerint. (a)

Quid de Tertulliano dicam? qui non tam admirationi, quàm miraculo fuit? Omni scientiarum genere, sacræ, profanæ, naturalis, Divinæ supra omnem commendationem cultus: Eloquentiâ tam forti invictâque, ut teste Vincentio Lyrinensi, quot in illo sunt verba, tot oracula; & quot oracula, ac sententiæ, tot palmæ & victoriæ: Sanctitas vitæ, ardorque tuendæ Religionis ingenium, & doctrinam æquabant: quicquid scriberet, aut doceret, tot erant trophæa recentesque Catholicorum triumphi; nec in illa tam acris, sævæque persecutione majus habuit Ecclesia aut solatium, aut asyllum, quàm Tertulliani calamus, linguamque: quis crederet lapsurum hunc Colossum? lapsus est tamen, non terræ, sed animi motu: quòd Sacerdotes Romani illius gloriæ inviderent; quodq; Episcopatu Carthaginensi, quem ambiebat (ut ominatur Pamelius) repulsus; causæ fuerunt desertæ Religionis, quam toties antè defenderat. Montanismum amplexus est, & faminarum delirij captus, quàm plurimis erroribus insenuit, felix pulcherrimis initijs, sed turpissimo fine miserrimus: De utroque scribit Augustinus. *Soliloq. cap. 29. Vidimus multos Domine, & audivimus à Patribus nostris, quod utique sine magno tremore non recolo, sine multo timore non confiteor; ascendisse primum usq; ad cælos, & inter sidera nidum suum collocasse: postmodum autem cecidisse usq; ad abyssos, & animas eorum in malis obstupuisse: vidimus stellas de cælo cecidisse, & eos, qui inter filios DEI ambulabant in medio lapidum ignitorum, quasi lutum ad nihilum defluxisse.*

V. Nimij sumus, si antiquitatis singula exempla producamus: dabimus unum, alterumve nostri temporis, ex quibus æquè intelli-

(a) Vide S. Aug. de hæresib. cap. 81. & D. Hieronym. lib. contra Lucifer.

telligas, in quos errores animus ambitioni, iræque impotenter obsequens præcipitet. Quas clades Lutherana hæresis Ecclesiæ dederit, palàm est: ejus origo ex jurgiis, & æmulatione ducta. Wittenbergiæ lauream Doctoralem incinxerat Lutherus, & cum plausu ob torrentem eloquentiæ, & præstantiam memoriæ audiebatur: hinc illi cum Theologis Scholasticis æmulatio nata, quos frequenti disputatione, editisquæ libellis, quotidie laceſcebat. Sub illud tempus Leo X. Christianos Principes ad bellum Turcis inferendum sociabat, piæque in belli expensas oblationes colligi jussërat. Id negotium Patribus D. Augustini dari solitum; sed Albertus Archiepiscopus Moguntinus ex alio Ordine ad hoc munus quæstores delegit. Conqueri palàm Augustiniani hoc contemptum interpretati, datumque Luthero negotium: ut contra quæstores pro suggestu declamaret: fecit hoc ille non tantùm acriter, sed furiosè; nam in petu, & vindictâ ferebatur: nec contentus vocibus, libros, & disputationes adjungit, & quod irati solent, extra metas procurrens, aram fidei tangit, premitque: hinc ab æmulis, & præsertim Romano Inquisitore notatus errorum, & minis territus. Nimis erat superbus, ut scripta omnium manibus sparsa recantaret, multoque minùs, ut pateretur æmulos vincere; ergo ut illos perderet, à quibus premebatur, Ecclesiam incendit, perque communes flammæ in tutum evadit. Dubites plus damni à Luthero Ecclesiæ acceperit, an à Friderico Duce Saxonie, qui & ipse privatis injurijs à Papa, & Archiepiscopo, ut credebatur, offensus, animum, opes, & asyllum Luthero præstitit, sine hoc pariete illa hederæ concidisset: ergo Schisma Lutheranum ambitioni, iræ, mutuisque jurgiis debemus.

VI. Idem Angliæ infortunium. Thomas Volsæus Regnum unâ, & Regem moderabatur tanto fastu, ut plerumque sic juberet: *Rex & Ego*: Carolo Imperatori tam charus, ut cùm illi scriberet, ad calcem epistolæ adjungeret: *Filius vester Carolus*: ab hoc Papatum sperabat, sed mutato Cæsaris animo delusus vindictæ se accingit. Suadet Henrico Catharinam Imperatoris Materterram repudiet: Et facile persuasit aliam amanti; ea fuit Anna Bolena ex Catharina gynæcæo. Petita à Julio II. Pontifice Max. dispensatio, sed negata, quodd diceret, constante primo Matrimonio eam dari non posse. Rex amore victus Annam occultè priùs, dein apertè & cum

apparatu ducit. Papa excommunicationem minari. Intercessit tamen excommunicationi Franciscus I. Rex Galliarum, impetravitque terminum, etsi angustum, pœnitentiæ Henrico præscriptæ; die ultimâ jam consumptâ, nec apparente Nuntio in Angliam dimisso, dixit in Henricum pronuntiatur, publicisque locis affixæ. Vix biduum fluxerat, & ecce! Nuntium, & litteras ab Henrico obsequij, & Reverentiæ plenas, quibus Pontifici causam submittebat; sed divulgatâ jam sententiâ, & paullo pòst in Angliam apulsâ, tantum iræ concepit Rex, ut Papam ejurârit, seq̃ue Caput Ecclesiæ jussit: Recepti in Angliam Lutherani, & fides toto Regno expulsa: huc ira, & indignatio pervenit. Pœnituit enim verò Papam biduum non expectâsse; tantulâ enim morâ Angliæ Regnum constabat; sed Imperatoris Amici Pontificem impulsere, qui serò didicit verissimè à Philosopho dictum: *Dandum semper est tempus: veritatem dies aperit.* (a)

His exemplis satis, ut opinor, constat, quantum sit periculi irato, infensoque animo Religioni consulere: quid enim aliud tunc lingua dicat, quàm quo animus redundat? *Habet iracundia hoc mali*, inquit Seneca, *lib. 1. de irâ. c. 16. non vult regi, & irascitur veritati, si contra voluntatem suam apparuerit; nec quicquam magnum, nisi quod simul & placidum: malè irato ferrum committitur, & calamus; utroq̃, enim seriet.*

VII. Oportebat planè Gallos cogitare; conventum ab illis hoc tempore indictum, cum mutux querelæ, & offensæ ardebant, & propositiones in Comitij vulgatas, non Religioni adscriptum iri, sed vindictæ, tantoque magis, cum viderent Pontificem Max. non sui, suorumque, sed Episcoporum gratiâ, utque illis libertatem assereret, in aciem progressum. Enimverò si non gratitudinis, at saltem humanitatis erat, quæ Gallis adeò curæ est, eo tempore, quo Papa pro eorum amplitudine, tam ardentè, tamque invictè pugnabat, nihil hostile contra bene meritum moliri: demus Papam terminos egressum; at Illos tuendi causâ hoc fecerat; cur ergo arma in Defensorem conversa, quem potius excusari decebat etiam errantem: præsertim in conspectu Hæreticorum, quibus nullum gratius poterat exhiberi spectaculum, quàm Vaticanæ oppugnatio: si ergo nec sibi parcere animus erat, nec Papæ, saltem Religioni pepercissent, quam risibus hostium, & ludibrio

(a) Vide Senecam lib. 2. de ira cap. 22.

dibrio exponebant, Pontificis Auctoritatem tam foedè, & palàm aggressi; aut distulissent: quod enim in mora periculum, si spatium aliquod componendis motibus darent, & serias, ac tanti momenti curas in serenum, pacatumque tempus differrent? plus tunc ponderis, & fidei reperissent placidè concepta; nunc per tumultum, & rixas effusa, vel hoc ipso à prudentibus respuuntur, quodd ex impetu fluxerint. Prudenter Livius. *Decade 3. lib. 3.* Ubi orationem Hannonis recitasset, quâ Carthaginensibus à Cannensi victoriâ pacem suadebat, Romanis facile daturis, quia victis; subiungit: *Haud multos movit Hannonis oratio; nam simulas cum familia Barchina leviozem auctoritatem faciebat; ita quidquid dixeris, quod doctrinam, ac æstimationem Parisiensis Conventus augeat, semper respondebitur: sed simulas cum Romano Pontifice leviozem auctoritatem facit, irascebantur: hoc unum, si alia deessent, doctrinæ fidem, & venerationem ademit, ut enim & ratio, & experientia ostendit, vera, & à Deo inspirata doctrina pacem amat, & nunquam ex contentione profluxit, Omnis, inquit Christus, Matth. 15. v. 13. plantatio, quam non plantavit Pater meus, eradicabitur.*



§. III.

*Exhibetur Edictum Regium cum Propositionibus Conventus Parisiensis.*

S U M M A R I A.

1. *Edictum Regium latinè ex Gallico redditum.*
2. *Declaratio, & Propositiones Conventus Parisiensis.*

~~~~~

# I. Edictum Regium, quod ex Gallico latinè dabimus sic habet.

## Ludovicus DEI Gratia, &c.



Quamvis potestatem nostram, auctoritatemq, Regiam nulli hominum, soli, Deo subiectam esse veritas sit omnino explorata, & extra dubitationem omnem, ac in sacris litteris omnino asserta; non potuimus tamen sine ingenti gaudio declarationem intelligere, quam Ecclesia Gallicana Deputati in Conyentu Parisijs nostrâ permissione celebrato ediderunt. Eoq, libentiùs Supplicationem ab iisdem Deputatis nobis factam admisimus, quâ petebatur, ut eandem declarationem toto Regno publicari iuberemus: quod à Prelatis concepta fuerit tantâ virtute, & doctrinâ conspicuis, quiq, in ea, quæ ad Ecclesia Catholica, nostræq, Corona maiorem pertinent dignitatem, summo studio incumbunt: præsertim quod præfatam declarationem suam pari sapientiâ, & moderatione temperaverint: ut nobis omnino polliceamur eâ subditorum nostrorum in sacram Sedem Reverentiam, ac venerationem promotum, & Ministris Religionis, ut vocant Reformatæ, omnes pretextus, & cavillationes ademptam iri, quibus caput Ecclesia visibilis Eiusq, auctoritatem (quam centrum unitatis Catholica agnoscimus) Principibus exosam, gravemq, reddere laborant, objectâ quorundam Scriptorum doctrinâ, qui eandem Papa auctoritatem supra modum exaggerant. Propter has igitur, aliasq, rationes gravissimas, postq, examinatam in nostro Concilio prædictam Deputatorum Declarationem, perpetuo hoc nostro, semperque duraturo Edicto volumus, atq, ordinamus eandem Declarationem in acta publica omnium Curiarum, & Parlamentorum nostrorum, omniumq, Præfaturarum, Universitatum, Facultatum Theologia, Jurisq, Canonici, quæ nostro Regno, nostraq, obedientia subsunt, referri.

Primò igitur omnibus Corona nostra subditis, atq, etiam Extraneis in nostro Regno existentibus, tam Ecclesiasticis quàm secularibus, cuiuscunq, Ordinis, Congregationis, Lociq, fuerint, distriçtè prohibemus, ne aliquid Declarationi præfatæ, & illic comprehensis Propositionibus contrarium doceant.

Secundò, Ordinamus etiam, ut quicunq, sacra Theologia docenda admotus deinceps fuerit, priusquam hoc officium aggrediatur, seu Regularis, seu secularis sit, in Cancellaria ejusdem Facultatis præfatæ Declarationi subscribat, promittatq,



eatq; se nihil ab hac Declaratione alienum in Scholiis lecturum, aut docturum; cujus subscriptionis sue copias à Notario legitime factas per syndicum Facultatis Theologicae Ordinarijs, nostrisq; Regio, & Generali Procuratori transmittet.

Tertio, Volumus quoq; ut in omnibus Collegijs, aut domibus praedictarum Facultatum, ubi plures sunt Professores, propositiones eâ Declaratione contenta singulis annis doceantur; ubi vero unus Professor, quovis triennio.

Quarto, Jubemus deinde, ut singulis annis ad Scholarum apertionem nomina omnium Professorum per syndicum Facultatum Archiepiscopi, & Episcopi locorum, ubi commorantur, nostrisq; Procuratori, sicut etiam lectiones Scholaribus, imposterum dictandae transmittantur.

Quinto, mandamus pariter, ut nullus Baccalaureus ad Licentiatum aut Doctoratum admittatur, qui non prius in publica aliqua disputatione praedictas Propositiones palam defenderit.

Sexto. Exhortamur, ac etiam injungimus omnibus Archiepiscopis, & Episcopis, qui in nostris Regnis, Provincijs terrisq; commorantur, Auctoritatem suam efficaciter interponant, curentq; Propositiones jam dictas in suis Diocesis ab omnibus doceri.

Denique omnes Syndici, & Facultatum Decani operam sedulo dabunt, ut praesens Edictum executioni mandetur, alioquin perinde ac si in illud ipsi deliquissent, puniendi. Datum. 23. Martij Anno MDCLXXXII.

Haecenus Edictum Regium. Sequitur Conventus Parisiensis de potestate Ecclesiastica Declaratio.

Ecclesia Gallicana Decreta, & libertates à Majoribus nostris tanto studio propugnatas, earumq; fundamenta Sacris Canonibus, & Patrum traditione nixa multis diruere moliantur, nec desunt, qui earum obtentu primatum B. Petri, ejusq; Successorum Romanorum Pontificum à Christo institutum, ipsq; debitam ab omnibus Christianis obedientiam, Sedisq; Apostolica, in qua fides praedicatur, & unitas servatur Ecclesia, reverendam omnibus gentibus Majestatem imminuere non vereantur. Haeretici quoq; nihil praetermittunt, quo eam potestatem, quâ pax Ecclesia continetur, invidiosam, & gravem Regibus, & populis ostendant, ipsiq; fraudibus simplices animas ab Ecclesia, Christi, adeo communionem disjicient. Quae ut incommoda propulsemus, Nos Archiepiscopi, & Episcopi Parisijs mandato regio congregati Ecclesiam Gallicanam representantes, unâ cum caeteris Ecclesiasticis viris nobiscum deputatis diligenti tractatu habito hac sancienda, & declaranda esse duximus.

I. Beato Petro. Ejusq; Successoribus Christi Vicarijs, ipsi Ecclesia rerum spiritualium, & ad æternam salutem pertinentium, non autem civilium ac temporalium à Deo traditam potestatem, dicente Domino; Regnum meum non est de hoc mundo; & iterum: Reddite ergo Cæsari, quæ sunt Cæsari, & quæ sunt DEI, Deo, ac proinde stare Apostolicum illud: Omnis anima potestatibus sublimioribus subdita sit. non est enim potestas nisi à Deo, quæ autem sunt à Deo, ordinata sunt. Regentes ergo & Principes nulli Ecclesia potestati Dei ordinationis subijci, neq; auctoritate Clavium Ecclesia directè, vel indirectè deponi, aut illorum subditos excommunicari à fide, atq; obedientiâ, ac præstito fidelitatis sacramento solvi posse, eamq; sententiam publica tranquillitati necessariam, nec minus Ecclesia, quam Imperio utilem, ut Verbo Dei, Patrum traditioni, & Sanctorum exemplis consonam omnino retinendam.


II. Sic autem inesse Apostolica Sedi, ac Petri Successoribus Christi Vicarijs rerum spiritualium plenam potestatem, ut simul valeant, atq; immota consistans sancta œcumenica Synodi Constantiensis à Sede Apostolica comprobata, ipsaq; Romanorum Pontificum, ac totius Ecclesie usu confirmata, atq; ab Ecclesia Gallicana perpetuâ Religione custodita Decreta de auctoritate Conciliorum Generalium, quæ sess. 4. & 5. continentur, nec probari, qui eorum Decretorum, quasi dubia sint auctoritatis, ac minus approbata, robur infringant, aut ad solum schismatis tempus Concilij dicta detorqueant.

III. Hinc Apostolica potestatis usum moderandum per Canones Spiritu DEI conditos, & totius mundi Reverentiâ consecratos. Valere etiam Regulas, mores & instituta à Regno & Ecclesia Gallicana recepta, Patrumq; terminos manere inconcussos, atq; id pertinere ad Apostolica Sedis amplitudinem, ut statuta, & consuetudines tanta Sedis, & Ecclesiarum consensione firmata propriam stabilitatem obtineant.

IV. In fidei quoq; questionibus præcipuas summi Pontificis esse partes, ejusq; decreta ad omnes & singulas Ecclesias pertinere, nec tamen irreformabile esse judicium, nisi Ecclesia consensus acceperit.

V. Quæ accepta à Patribus ad omnes Ecclesias Gallicanas, atq; Episcopos mittenda decrevimus, ut id ipsum dicamus omnes, sinusq; in eodem sensu, in eadem sententia.





§. IV.

*Hereticos ad veram Religionem non propterea  
facilius converti, quod Catholici eorum  
postulatis acquiescant, eorumq; Doctrina  
propius accedant.*

S U M M A R I A.

1. *Minutâ Pontificis Auctoritate non propterea Hæreticum fa-  
cilius converti.*
2. *Immo ex conniventia insolescere.*
3. *Ipsos verò Catholicos oppugnato Capite turbari, ex sententia  
D. Cypriani.*

I.



Ræfigitur Declarationi Parisiensi honestissimus titulus;  
juvandi videlicet Hæreticorum conversionem, quos  
circumscriptâ Pontificis auctoritate, quam maximè  
aversantur, sperari potest ad unionem (a) reversu-  
ros. Exercent Galli, quam solent urbanitatem, dum  
amarissimo poculo saccharum oblinunt, & sanguinem hausturi in-  
ter florum illecebras ferrum abscondunt, doloremque officijs com-  
pensant. Hæretici à Papa non magis, quàm Concilij abhorrent;  
& cum ista tot capitibus consent, ac difficilimè convenient, &  
quàm plurima, ut sint legitima requirantur, exceptionibus longè  
pluribus patent. Si Hæretici Concilia audirent, nunquam Arianos,  
Pelagianos, Calvinistas haberemus, jam dudum à Concilij dam-  
natos. Quantò magis auctoritatem Pontifici detraxeris, tantò ma-  
gis contemnent, & quod hætenus suo more, deinceps Catholico-  
rum etiam exemplo facient. Si Magnates, aut Ministros Refor-

R 2

matz

(a) Vide fusiùs Galliam Vindic. Dissert. 2. §. 1.

matæ Religionis spectes, illi, aut ambitione, aut libertate, aut alijs affectibus tenentur, ut veræ Religioni non accedant, & ided non minuto tantum sed nec etiam sublato Pontificatu errorem deferent. Si minores, & plebem accipias, parum istius interest Papæ, Concilio, an alijs obediant; cum alicui necessarid subint: non ergo Papæ Imperium, & potestas errandi causa est, sed prætextus, quem si auferas, alij non deerunt. Hæreticorum genius intolens, & superbus conniventia non tam mollescit, quam duratur in pejus, & tigrinum more cantu effertur.

II. Fallitur, qui credit hostem concessis expleri; unum adeptus aliud exiger obtentis insolentior: & si Historiam percurras, raro invenies hanc conniventiam aliquid profectum.

Georgius Bohemiæ Rex à Pio II. Communionem sub utraq; Specie pro Bohemis impetrarat, si hoc concederetur ad Catholicam unionem reversuris; Idem à Concilio Basileensi exoratum, sed tantum absuit beneficio illos proficere, ut impudenter potius jactarent: *Papistas suum errorem hac in re factos, spernq; allucere, ut alios a quæ erroribus emendarent*: quæ causa fuit, ut quamvis Ferdinandus Cæsar à PP. Concilij Tridentini Communionem sub utraque specie ardentissimè urgeret, allegata Conversionis certissima spe, si gratia fieret; si negaretur, periculo, ne jam Catholici ad Hæreticos deficerent: numquam tamen obtinere potuit, quod Patres responderent, *satis experientia constare, Hæreticos beneficijs obstinari, abutiq; & quidquid cederetur, Victoriam suam arbitrari, non piam Ecclesie conniventiam.* (a)

Eodem modo cum peterent Arianum nomen homousij aboleri: Nestorianum nomen Deiparæ Græci, ne symbolo adderetur: *Qui ex Patre, Filioq; procedit*, quod dicerent, hanc verborum novitate Ecclesiam hætenus abstinuissè, illisq; vocabulis non satis à populo intellectis turbari alios, alios irritari, paratos se credere, quod Ecclesia credit, parumq; Religionis interesse verba mutari, re illar. Nunquam tamen ad has Hæreticorum blanditias permoveri Concilia poterant; cum scirent esse principium fugæ hostibus credere.

III. Nec magis hac declaratione Catholicis consultum credimus; siquæ enim inter Catholicos de Religione dubitatio surgat, habent in Romano Pontifice judicem erroris expertem, & infallibilem, cui omnes & merito acquiescunt; jam hanc ipsam infallibilitate:

te:

(a) Vide Palavicinum in Historia Concilij l. 18. cap. 4.

te decidendi Papæ adempta, & in Concilium translata, quem rogo Judicem adibunt, qui lites dirimat? nam si ad Concilium differantur, erunt utique immortales: imitari ergo Judices Areopagi oportebit, qui difficili implexæque lite producta, partes jubebant post centum annos iudicio sisti, accepturas nimirum à morte sententiam. Vicerunt Jansenistæ, si Concilium expectatur, & Innocentius, Alexander, Clemens Pontifices Maximi errare potuerunt. Verissimè scribit B. Cyprianus, *Epist. 55. ad Cornel.* Non aliunde hæreses sunt exorta, & nota schismata, quam quòd Sacerdoti EEI non obtemperatur, nec unus in Ecclesia DEI Sacerdos & Judex Vice Christi cogitur.


Est illud memoriâ dignum, quod tempore Justiniani Imp. & Vigilij Papæ contigit. Persuaserat Theodorus Episcopus Justiniano, fore, ut Acephali hæretici (qui Chalcedonenſi Concilio ibique decretis repugnabant.) ad sinum Ecclesiæ redirent, modò contra ejusdem Concilij præscripta, Theodorus Mopsuestenus, Ibas Edessenus, & Theodoretus Cyri Episcopi damnarentur Nestorianæ hæresis suspecti, & à Patribus Chalcedonenſibus venia donati: æquum non esse tribus Episcopis, quorum hæresis in apico erat, veniam datam, toti Ecclesiæ fraudi & periculo esse, quin potiùs sapientem ducem, bellique imperatorem omnium pacem, certamque victoriam, paucorum clade mercari. Vicit Imperatorem lucrandi hæreticos componendæque amor Ecclesiæ, affixoque edicto, Episcoporum, quos Concilium Chalcedonenſe absolverat, memoriam damnavit: sed quo eventu? in Catholicos, qui pro Chalcedonenſi synodo stabant, ingens, diuturna, crudelisque persecutio orta; Episcopis, qui edicto non parebant, in exilium raptis: Hæretici verò insolentiùs Concilio, & Patribus illudere, quos dicerent, vel ipsa confessione Catholicorum errasse, & ab Imperatore correctos: ergo & Catholicos turbati, nec Hæretici ad fidem conversi, immò recenti victoria implacabiles facti. (a) Eadem ratione eodemque eventu Zeno Imperator *Hennoticum* seu Decretum unionis: *Constans Typum*: Carolus v. constitutionem *Interim* vocatam, eo prætextu, ut omnes Christiani in unam eandemque fidem convenirent, ediderunt; nullotamen alio effectu, quam ut ipsi Catholici inter se concurrerent, fluctuarentque; hæretici ve-

R 3

rd

(a) Vide Baron. ad annum DLIII. & ibi Leontium de fest. aët. 6. & 7. quem citat Damascenus lib. 2. cap. 11. de fide Orthodoxâ.

rò discordibus insultarent, eorumque pugnas suis victorijs adderent. (a) Ergo nullibi, quàm in materia Religionis verius est Politici monitum: *Mediam viam pessimam esse, qua nec amicos parat nec inimicos tollit.*



## §. V.

*Calvinistis & Lutheranis non favere Propositiones Parisienses, quò causam suam meliorem faciant, Catholicorum verò pejorem reddant.*

## S U M M A R I A.

1. *Propositiones Parisienses non tantum Calvinistis non favere, sed plurimum adversari.*
2. *Semper in Ecclesia, ante ultimam definitionem de varijs dogmatibus contentiones fuisse.*
3. *Salvâ tamen fidei unitate, ac integritate.*
4. *Secus apud Calvinistas, aliosq. Reformatos, quibus, cum nulla sit certa & indubitata credendi Regula, omnia incerta & dubia sunt, & consequenter nulla fides divina.*
5. *Quod Luculento exemplo probatur.*

## I.



Oc habet omnis falsa mendaxque religio, ut cum nullâ re propriâ commendetur, gloriam sibi premiumque ex raptò quærat, nostris tantum damnis felix, nostrisque sordibus pulchra; muscas ergo non ætilu-

(a) Vide P. Maymb. in història Lutheranismi lib. 5. fol. 192.

Ailucas imitantur, tunc solùm claras, cùm alicubi tenebræ sunt. Enimverò ubi primum propositiones Parisienses vulgari cœpere, quantum gaudij pompæque apud Reformatos nostros fuerit, expugnato jam velut Vaticano, Romanoque Pontifice in triumphum ducto, hand faciliè exprimam, adeò somnijs umbrisque delectantur, ubi veritatem amisere. *Miseri!* ut Prophetæ verbis utar, *qui latamini in nihilo!* Propositiones Parisienses, quibus causam vestram munitis, non sunt illæ ipsæ, quæ in vos maximè vestramque Religionem armantur? illæ Primatum Petri Romanique Pontificis profitentur; illæ Concilium Constantiense, quo vestri errores plerique damnati sunt, venerantur; illæ Unitatem Catholicæ veræque fidei in cathedra Petri velut in centro collocant; & denique illæ sunt, quæ cardines vestros, ac fundamenta convellunt: frustra ergo ab ijs præsidium quæritis, qui tam enixè in vos pronuntiârunt. Aut ergo propositiones Parisienses veræ sunt, aut falsæ? si falsæ, cur illas contra nos vertitis? fallo veritas non vincitur. Si veræ, cur illas non recipitis, & cum illis Primatum, Concilia, Romanamque Ecclesiam? infelix est vestra Religio, si aut vero repugnat, aut falso sustinetur. *Recipimus*, inquit, *in Conventu Parisiensi decreta, sed pro ea tantum parte, quæ nobis favet, pro alia rejicimus.* Sic est, arbitrio vestro sedet, quid fallum verumque sit; veritas erit, quæ vobis arriserit, falsitas nisi arriserit; egregijs enimverò testibus causam vestram fulcitis, quos & falsi postulatis, & in rem vestram adducitis; *errant, falluntur, veritati adversantur, creditamen illis volumus, fidemque præstari.* O jura legesque, Romanæ! quis unquam his testibus causam dixit & vicit? sed deus hoc Calvinistis, habeant Patres Parisienses doctrinæ suæ testes; habemus planè & nos Catholici testes doctrinæ nostræ; quid ergo contra nos lucrantur, cùm plus pro nobis, quàm contra nos, aut saltem tantum pro nobis, quantum pro ipsis dicant? Si ergo hos testes recipimus, aut pares nos, aut victores sumus, immo victores, nam quæ contra sententiam nostram scribunt, ad fidem non pertinent, re nondum decisâ, diremptaque: quæ verò contra Calvinistas Patres Parisienses decernunt, utique fidem & dogma spectant toties in sacris litteris expressum, in concilijs definitum, & à tot retrò seculis, quot à Christo ducuntur, in Ecclesia receptum, ut infra docebitur.

II. Sed, *inquit*, ubi est illa unitas, & consensus doctrinæ, quam toties Catholici contra Lutheri Calvinique aſſectas jaçerunt?

*Respon-*



*Respondes*, unitatem doctrinæ non in eo esse, ut nunquam in Ecclesia lites pugnæque opinionum nascantur; pax ista nullis bellis turbata, Ecclesiæ triumphantis, non militantis est: quæ major unio, quàm quæ corpus animæ adstringit? & tamen quantæ utrique luctæ, & affectuum discordantium quotidiani tumultus! si ergo nec anima cum suo corpore, nec secum semper convenit. quid mirum est in Ecclesia dissidia esse, ubi tot corpora sunt, tot animæ, tot mentes, tot affectus? salvâ tamen semper fide, ac obedientiâ summo judici debitâ, ubi sententiam edixerit? quamdiu enim intra velum hæc latuit, nec edita est, conflictari partibus licet; neque hoc culpæ adscribitur, sæpe tamen damno. Percurre historiam Ecclesiasticam, videbis meritò Ecclesiam à spiritu sancto *lilio inter spinas* componi, nunquam enim, aut rarò sine spinis fuit, quæ amicum hunc florem eodem mucrone pungerent, quo protegebant, hoc est, inter ipsos Doctores, qui Ecclesiæ præsidio & custodiæ sunt, sententijs, calamisquæ certatum est. Sub ipsis Ecclesiæ initijs, Christus Dominus vix ad cælos excesserat, inter ipsos Apostolos primosque fideles, quamvis Spiritu sancto plenos, recentique doctrinâ à Christo imbutos, quàm acre certamen fuit, & opinionum discordia de Legalium observantia? *Act. 15.* De eodem argumento ingens inter Petrum & Paulum contentio fuit, uterque tamen Spiritu sancto abundabat. *Ad Gal. 2.* An in SS. Trinitate dicere hypostasas deberent, diu inter sanctissimos Orientis & Occidentis Episcopos dimicatum est, adeò ut B. Basilius, alioquin modestissimus, hæresis notaret Occidentales, qui eas voces admittere recusabant, quòd crederent idem esse hypostasin, quod substantiam, nixi auctoritate Concilij Nicæni, anathema in eos dicentis, qui assererent, *Filium esse ex alia Ulsia vel Hypostasi.* (a) Hæreticos omnes rebaptizandos esse multi Africæ, & Orientis Episcopi censuerunt, pietate ac doctrina insignes, quorum agmen B. Cyprianus duxerat, nec priùs pax inter Catholicos facta, quàm Stephano Papa litem dirimente, cujus etiam sententiæ Cyprianus tandem acquievit. (b) Orta Semipelagiana hæresi, certum est, re in Ecclesia necdum satis illustrata, aut decisa, multos sanctitate ac doctrina insignes viros ei adhæsisse, ut testatur S. Prosper *Epistolâ ad Augustin.* & Cal-

(a) V.S. Basil. ep. 78. & ep. 1. in addit. & ep. 10. S. Hieron. ep. 57. ad Damas.

(b) S. Augustin. epist. 48. ad Vinc. & de Bapt. contra Donat. lib. 2. cap. 4. Vide etiam Vincent. Lirin. adversus hæreticos, novitates. cap. 9.

Cassian. *collat. 13. cap. 7. & c. 8. & 9.* inter quos numerantur Gennadius, postea Episcopus Massiliensis, Severus Sulpitius Episcopus Bituricensis, immo, ut multis probare nititur, Valsq. *l. p. d. 91. cap. 8.* S. Joannes Chrysostomus.

III. His ergo exemplis palam est, fuisse in Ecclesia inter viros sanctissimos, & de rebus gravissimis crebras longasque contentiones, salvā semper fidei unitate, quam omnes profitebantur; hæreticus enim non est, nisi qui pertinax, & certæ veritati obnitens: pertinax verò non est, qui non convictus, & sententiā necdum à iudice prolata litem adversario intendit; cum ergo nec veritas satis expensa, & oculis objecta esset, nec sententia adhuc prolata, extra hæresin erant, qui dimicabant, immo ipsa dimicatio tantò illustriorem veritatem reddebat rationibus utrimque collatis, & quantum haberent, aut non haberent virium, in acie & pugna prodentibus. Eadem ergo Patrum Parisiensium, & eorum qui illis obsistunt, conditio est: propositiones, quas illi tuentur, necdum in Ecclesia damnatæ sunt, non ergo fidem adhuc tangunt; intra aram confligitur. Si ergo nihil fidei veræque Religioni nocuit, quòd inter Apostolos de observantia Legalium; inter Orientem & Occidentem de tribus hypostasibus; inter Cyprianum & Stephanum de Baptismo hæreticorum, inter Clerum Massiliensem & Orthodoxos de Gratia Dei, diu multumque certatum est, cur eidem unitati noceat, si de Pontificia auctoritate à Patribus Parisiensibus excitata aliqua quaestio sit? nondum habent propositiones Parisienses tot à sanctitate, à doctrina, à Concilijs suffragia, quot Cypriani opinio; hanc tamen tot præsidij munitam vicit Stephani Papæ sententia. Idem in nostra tantò meliori causa, ut postea videbimus, sperandum est, Gallis non Zelum & doctrinam tantum Cypriani, sed etiam pietatem, agnoscendæ veritatis parendique studium imitantibus. Calvinistæ ergo, cum nobis dissidium Parisiense obijciunt, tantum eis lucri accedit, quantum si primitivæ Ecclesiæ, quam ipsi quoque veram sanctamque profitentur, Apostolorum, Cypriani, Basilij, Patrum Ariminensium ac Massiliensium dissidia obijcerent.

IV. Illud verum est, ingens discrimen esse inter domesticas pugnas, quæ inter Catholicos, quæque inter Calvinistas seruntur; istorum enim sunt de summa rei, nec tamen finiri apud illos com-

ponique possunt, omni iudice, qui pronunciet, sublato: unde nulla apud ipsos fides divina est, sed merè humana, incerta, anceps, & agitationis plena, à qua facilis omnino, & prona ad nihil credendum migratio. Quid enim magis ad essentiam, & necessitatem fidei pertinet, quàm isti articuli? Videlicet: *quam Scriptura sint verum Dei Verbum, qua non: qui verus Scriptura sensus, qui non: ex sensu enim Scripturæ malè accepto omnes hæretes profectæ sunt; plerique enim Hæreticorum non circa litteram Scripturæ, sed circa sensum errabant: quot, & qua Sacramenta sint necessaria salutis ubi, & qua vera Ecclesia, extra quam nemo salvatur &c.* In his, inquam, tam necessarijs nulla potest esse Calvinistis, & Lutheranis certitudo, & consequenter neque vera fides; apud illos enim & Concilia, & Patres, & Traditio, & Papa, & Miracula, & Ecclesia errare possunt, & certi nihil habent; unde ergo illis certitudo, quâ credunt? *A Scriptura*, inquit, *qua nec falli, nec fallere potest; hæc iudice, nec alio utimur.* Miserrimum, & deploratū refugium! scriptura quidem nec fallere potest, nec falli; sed falli vos circa scripturam, & fallere potestis, ut Ariani, ut Pelagiani, ut Macedoniani, ut Anabaptistæ, ut Patres Ariminenses, Africani, Massilientes, alijque, qui omnes tunc maximè in scripturis errabant, cum scripturis utebantur; quæ ergo sciam vos minùs in scripturis, quàm Arianos errare; aut cur vobis vestræque assertioni majorem fidem, quàm Arianis adhibebo, utrisque scripturas prætextentibus? aut quibus ex signis vestram Ecclesiam meliorem esse credam, quàm Arianorum? Date quæso aliquod signum, quo vestra Ecclesia melior, quàm tot hæreticorum appareat. Non habetis miracula, non Ecclesiæ perpetuitatem, non missionem Ministrorum, non florem sanctitatis, non Concilia, non Universitatem (in angulo enim lateris) non donum continentis, non abnegationis, non denique ullam ex notis illius primitivæ, & Apostolicæ Ecclesiæ, quam veram fuisse nec vos negatis; unde ergo agnoscam apud vos veram potius Ecclesiam, verumque scripturarum intellectum, quàm apud alios hæreticos esse? Deinde si ut dicitis, & Concilia, & Patres, & Ecclesia circa verum scripturæ sensum errare possunt, ergo & multò magis errare vos potestis, qui nec tantum studij, nec tantum doctrinæ, nec tantum pietatis, quantum illi habetis, si ergo errare potestis, unde vobis, unde mihi constat, vos non errare? & si non constat, ergo  
nihil

nihil certi apud vos est; & si nihil certi, ergo nihil veræ divinæque fidei; quæ si est, certa est; aut si certa non est, nec fides est. Si scriptura sole clarior est, ejusque sensus neminem latet, modò, ut dicitis, oculos aperiat, an omnes hæretici hoc non dixere? ecquid ergo causæ est, ut dicatis tot antiquos Patres, tot Concilia, ipsamque Ecclesiam errasse, nec ea vidisse quæ sole clariora sunt? si ergo hæc scripturæ claritas non illos ab errore exemit, quantò minus vos? nulli planè persuadebitis plus lucis in sole noctuas, quàm aquilas spectare. Plurimi apud Calvinistas sunt, qui litterarum ignari legere scripturas non possunt; isti fidei luz certitudinem unde, & à quo habent? à scripturis? nunquam illas legerunt: à Ministris? unde sciunt se ab istis non falli; felices nimium sunt Ministri vestri, si Patribus, Concilijs, Ecclesiâ errantibus, ipsi soli immunes ab erroribus, & securi sunt; ridiculi vos, qui hoc dicitis, infani qui credunt. Si ad internos instinctus, & Spiritûs sancti afflatus recurritis, planè ostenditis non scripturas judicem, sed vos, exemplo omnium hæreticorum esse; vos ergo, non scriptura pro tribunali sedetis. Nolumus, dicitis, ab Ecclesia, à Concilijs, à Traditionibus, à Patribus, à Miraculis, ab Antiquitate, à Martyribus, à Sanctis, à Legibus judicari, sed à sola scriptura; scripturam verò nolumus, nisi quæ nobis placet, nostrisque dogmatibus accommodari potest; nolumus Epistolas Jacobi, nolumus ad Hæbreos &c. istis enim convincimur; nolumus etiam scripturas alias, nisi ad eum sensum, quem illi nos atteximus; nos testes, nos interpretes, nos judices, sic tamen, ut, quod nos judicamus, sentimusque, instinctus, & oraculum Spiritûs sancti appelletur. Quis hîc prudens non videat scripturam quidem prætexi, quod omnes hæretici fecerunt, sed tamen & reipsâ vos judices sedere? Qui leges humanas hoc artificio vellet interpretari, aut potius ludere, nunquam audiretur, nec aliud, quàm impostoris nomen referret; quantò magis repellendus erit, qui hoc audeat in leges, & scripturas divinas, in quibus non de rebus fluxis caducisque, sed æternis agitur, & ubi idem est errare, quod perire? Deniq; nihil hic instinctus, & interna motio Spiritûs sancti Calvinistas juvat; si enim hoc instinctu Concilia, Ecclesia, Patres decepti sunt, & quod ipsi spiritum veritatis putabant, spiritus erroris fuit, quantò magis decipi illo fallique Calvinistæ possunt tot nominibus Concilijs, ac Patribus impa-

res? Quocunque ergo se vertant, nihil planè habent, quo fidem suam divinam esse, certamque adstruere possint, sed semper, ut in lubrico sint fluctuantque oportet, anchorâ destituti; idque, ut suprà diximus, non in rebus tantùm nullius, aut minimi momenti, sed in summa rei.

V. Dabimus hujus rei luculentum exemplum. Gregorius Blandrata ex Sabaudia oriundus, & Michaëlis Serverti discipulus (qui sub annum Christi mxxx. Arianam hæresin tot seculis extinctam revocaverat) in Transylvaniam venit: isthic beneficio Medicæ artis, quam profitebatur, in aulam Sigismundi Principis, mox etiam in gratiam penetravit; nec multò post & Regis, & Petrovizij omnium in aula potentissimi Archiater evadit. Inter obsequia curasque medendi venenum paulatim utriusque animo infudit, mille dicendi blanditijs illecebrisque conditum; erat enim facundus. Facile, ut fieri amat, à Rege in Magnates, & tandem in plebem malum vagari cœpit; Calvinistæ ac Lutherani novæ huic sectæ, & numero sectatorum, & potentiâ formidandæ, se totos opponere, & nihil non agere, ut crescentem opprimerent. Ariani certamen expetere, ut in publico conventu, ac Sigismundo præsentem palàm disputaretur, Rege in eas partes transituro, quæ suam causam meliùs probâssent. Conventus ac disputatio Varadini habitata. Pro Arianis Blandrata, & Franciscus David; pro Calvinistis Petrus Melvius, & Petrus Caroli dixere, alijque Lutherani. Initium à Francisco factum, qui, ut scripturam ferè omnem memoriâ tenebat, infinita ex sacris litteris congesserat, quibus Filium infra Patrem collocabat, videlicet: *Pater major me est: Qui est figura Patris: Quasi unigenitus à Patre: Omnia à Patre accepti: Non est meum dare vobis Regnum; sed quibus paratum est à Patre: De dicillo neque Filius novit, sed solus Pater &c.* Calvinistæ ex adverso plures alios textus opponebant, quibus apertè dicitur, *Filium & Patrem esse unum: Verbum esse Deum & æternum: Esse principium & finem: Ab eo facta esse omnia, &c.* Non deerant Blandratæ distinctiones, quibus se ab his locis scripturæ liberaret, videlicet: *Verbum esse Deum*, metaphoricè & phrasi usitata scripturæ, qua etiam homines excellenti virtute, aut potestate, Dij appellantur: sic Moſen *Deum Pharaonis* appellari; sic in Exodo dici, *Dij non detrahes*: sic in Psalmis, *Ego dixi Dij estis, & filij Excelsi vos omnes*. Filium in scripturis æternum vocari, non quia semper fuerit, sed quia mul-

multò ante alias creaturas; nihil verò in scripturis frequentius esse, quàm ut æterna dicantur, quæ diuturna, &c. Calvinistæ cùm viderent ex foliis scripturis Arianos vinci non posse, immo ex ipsis scripturis petere, quæ scripturis opponerent, & ita victoriam penes eos futuram, quos hæresis postulaverant, nec tamen convincere poterant, ad Patres & Concilij Nicæni explicationes, & Decreta confugiunt, istis repugnare, quæ Blandrata & Ariani proferrent. Hic enim verò Franciscus, qui pro Arianis pugnabat, captatâ occasione Calvinistas suis armis cædendi, palamque triumphandi, *Ecquid, inquit, ad artes nugasq; confugitis, quas vos ipsi in Catholicis jam olim damnastis? vos mihi Patres objicitis, qui à Patribus desecistis? vos Concilia, qui Concilij nullam fidem, nullam certitudinem adscribitis? vos hominum cæcis mihi obtruditis, quos toties, ut mendaces, ut erroribus plenos respicistis? Papistas, ut video, redoletis, qui puro & impermixto Dei verbo ablegato ad hominum figmenta, ad Patres, ad Concilia recurritis. Mihi credite, causam Dei, & vos ipsos vestramq; fidem proditis, qui, ne veritati cedatis, oculos scriptura clauditis, & ad traditiones, ac statuta hominum, hoc est, in hostium castra profugitis. Sinite, sinite auctoritatem nobis humanam opponere, quam & vos ipsi deriditis, & nos scriptura baud patimur præferri.* Hâc oratione cum plausu acceptâ triumphârunt Ariani, Calvinistis partim silentio & pudore defixis (quid enim responderent suis armis, suis rationibus oppressi?) partim in Arianam hæresin prolapsis, quam & ipse Rex, & optimates amplexi etiam sunt. Acta hujus colloquij ab Arianis victoribus divulgata magno Catholicæ veritatis damno. Ita narrat Maymburg lib. 12. *Arian. fol. 347.* Hoc alijsque infinitis exemplis patet, nullam esse Calvinistis, & Reformatis infallibilem certamque normam doctrinæ, quâ & sibi, & alijs certò persuadeant, quæ credunt, aut potius quæ opinantur; nec produci ulla ratio poterit, quæ eorum Religionem magis certam magisque fide dignam, quàm aliorum hæreticorum reddat.

Ex hæcenus ergo disputatis facilè patet, propositiones in Conventu Parisiensi editas nec de summa rerum & fidei esse, nec rebus ac dogmatibus jam decisus certisque quidquam obesse, nec denique unitati veræ fidei obstare; meritò tamen refelli debere curatque, morbum enim afferunt, etsi non mortem.



# LIBER I.

## PROPOSITIO I.



Erum temporalium, & Civilium  
 curam Principibus sæcularibus  
 primariò & directè concedi-  
 tam esse, ingenuè fatendum est:  
 quos Ecclesia Christi ut advoca-  
 tos, protectores, & Justitiæ ad-  
 ministros semper venerata est, tamquam illos,  
 qui gladium à Deo acceperunt ad defensionem bono-  
 rum, vindictam verò malorum: tamquam septuaginta  
 illos fortes, qui custodiunt lectulum Salomonis, omnes ac-  
 cinctos gladijs propter timores nocturnos, & ad bella for-  
 tissimos: & denique ex vaticinio Prophetæ: tan-  
 quam Nutritios & Altores, quorum lacte & divi-  
 tijs se impinguatam & agnoscit, & ingenuè  
 profitetur: adeò ut ex præscripto Apostoli  
 Principibus non bonis tantum & modestis, sed etiam  
 dyscolis omnem reverentiam, & subjectionem  
 præstandam esse sentiat, & doceat: nulloque  
 pacto in illorum jura, & administrationem,  
 velut



velut in alienam messem, falcem à Sacerdotibus mitti patiatur, quamdiu videlicet Ecclesiam, veramque Religionem, cujus filij sunt, aut venerantur, aut saltem in discrimen non adducunt. Ubi enim aram Religionis invaderent, & vastandæ Ecclesiæ, potentiam à Deo acceptam, admoverent; posse illos à summo Pontifice Christi que Vicario, cui tamquam oves supremo Pastori crediti sunt, & Ecclesia coërceri, & nisi acquiescant monenti, etiam exarmari, ne noceant, regnisque privari, dicendum est: *si enim, teste Apostolo, etiam Angelos judicabimus, quantò magis secularia?* maximè cum Pastoris officium, & cura sit morbidas infectasque oves ab integris separare, luposque non voce tantum, sed etiam virgâ pastoralis arcere, hancque sententiam tamquam divinis litteris expressam, usu omnium sæculorum confirmatam, SS. Patrum non doctrinis tantum, sed exemplis etiam subnixam, & præsertim à sacris Canonibus, sanctisque universalibus Concilijs clarissimè assertam, omniumque ferè Doctorum calculis traditam, & cum recta ratione necessariò connexam, omnino retinendam esse.



§. I.

*Pontifici Romano in Principes saculares, eorumq<sup>3</sup> Provincias & Regna Jus aliquod & potestatem dari, non tamen ordinariam & directam.*

SUMMARIA.

1. *Necessariam Pontifici Maximo esse aliquam in Principes potestatem.*
2. *Non tamen ordinariam & directam, quod Ipsorum Pontificum testimonio evincitur.*
3. *Et sententiâ D. Bernardi.*
4. *Et Ratione.*

I.



Rima Parisiensis Propositio omnem in Reges potestatem adimit Vicario Christi, jubetque unâ clave contentum, quâ cœlum aperit, alteram, terræ destinatam, Regibus relinquere. Contrarium paullo post ostendemus: cum enim tanta sit cœlestium cum terrestribus conjunctio, & Principes eodem sceptro, quo Regna moderantur, Religionem simul, fidemque aut concutiant, aut custodiant: & quemadmodum xgro corpore anima quoque laborat, nec operationibus naturæ suæ congruis defungi potest; sic xgrâ, corruptâque Republicâ, non potest Religio florere, quod nimium exempla demonstrant eorum Principatum, in quibus ex Principum erroribus, inertia, mutatione Religionis, eadem mala in populos derivata sunt, & tandem cum animarum tanta, æternaque clade

¶ fides

fides Catholica penitus deleta; quod nuper in Angliæ Regno manifestè apparuit, ubi quantum sub Henrico VIII. Rege Schismatico Catholica Religio damni est passa, tantum sub Maria Principe Catholica rethoruit, & sub Elisabetha omnino extincta est, memorabili exemplo ex Principum nutu, & voluntate non facultates tantum subditorum, sed etiam animas pendere. Sic cum Gustavus Erichsonius Sueciæ Rex Lutheri partes amplexus esset, eâ præsertim ratione inductus, ut regium ærarium Ecclesiasticis bonis repleret; ejus exemplum usque in hanc diem toti Regno fatale fuit. Idem Regno Daniæ infortunium Christiano III. ad Lutherum dilapso. (a) Non potuit ergo Summo Ecclesiæ Pastori una potestas sine altera concedi, spiritualis videlicet sine temporali, cum unam sine altera tueri non possit, & idè juxta celebre Juristarum axioma: concessio uno, conceduntur omnia, quæ ad illud sunt necessaria. (b)

II. Hanc tamen potestatem non esse directam, & ordinariam, efficacissimè probatur Ipsorum Pontificum confessione. Nicolaus I. Epistola 8. ad Michaëlem Imperatorem sic loquitur: *Quoniam idem mediator DEI & hominum homo Christus JESUS, sic actibus proprijs, & dignitatibus distinctis officia potestatis utriusq; discrevit propria, volens medicinali humilitate hominum corda sursum efferrè, non humanâ superbiâ rursus in inferna demergi: ut & Christiani Imperatores pro æterna vita Pontificibus indigerent, & Pontifices pro cursu temporalium tantummodò rerum imperialibus legibus uterentur, quatenus spiritualis actio à carnalibus distaret incurfis, & idè militans Deo minime se negotijs secularibus implicaret; ac vicissim non ille rebus divinis præsidere videretur, qui esset negotijs secularibus implicatus.* Ex cap. quoniam. dist. 10.

Idem Nicolaus in eadem Epistola ad Michaëlem: *Fuerunt hæc ante adventum Christi, ut quidam typicè Reges simul, & Sacerdotes existerent; quod sanctum Melchisedech fuisse sancta produit historia, quodq; in membris suis Diabolus imitatus (utpote qui semper, quæ divino cultui conveniunt, sibi met tyrannico Spiritu vindicare contendit) ut pagani Imperatores, iidem & Maximi Pontifices dicerentur. Sed cum ad verum ventum est, ultra sibi nec Imperator juræ Pontificatus arripuit, nec Pontifex nomen Imperatorium usurpavit.* cap. 6. dist. 96.

T

Stepha-

(a) Vide Maymb. l. 1. Luther. fol. 126.

(b) Cap. translato. 3. de Const. l. 2. ff. de jurisdic. & l. avibus. 66. ff. de legat. 3.

Stephanus VI. Papa Basilio Imperatori: *Residè noveris, inquit, Pia potentia tua, quod manus regia non subjiçiat sacerdotalis, & Apostolica nostra dignitas. Licet enim Ipsius Christi Imperatoris similitudinem in terris geras, rerum tamen mundanarum, & civilium tantum curam gerere debes: quod etiam precamur, ut ad multos annos præstare valeas. Quo igitur pacto à Deo largitus es nobis, terrenis rebus præfisse: ita etiam nos per Principem Petrum spiritualibus rebus Deus præfecit, &c. Accipe, quæ te, benignâ fronte, qua sequuntur. Datum est tibi curare, ut tyrannorum impietatem & feritatem gladio potentia concidas, ut justitiam ministris subditis tuis, ut leges con-  
das, ut terrâ mariq; militares copias disponas. Hac est præcipua cura potentia, & principatus tui. Gregis cura verò nobis commissa est tantò præstantior, quantum distant à cælo ea, qua in terris sunt, &c. Si ovis Dei existis ( quod in votis habemus ) ne transgrediaris limites Principum Apostolorum. (a)*

Gregorius II. Ad Leonem Isauricum Imperatorem: *Obscutus es pervicaci animo tuo, ac domesticis perturbationibus, & scripsisti: IMPERATOR SUM, ET SACERDOS. Et post pauca. Audi humilitatem nostram, Imperator, & ecce tibi palatii, & Ecclesiarum scribo discrimen, Imperatorum, & Pontificum; agnosce illud, & salvare, nec contentiosus eslo. Nam quemadmodum Pontifex introspectendi in palatium potestatem non habet, ac dignitates Regias deferendi, sic neque Imperator in Ecclesiam introspectendi, & Electiones in Clero peragendi, &c. (b)*

Alexander III. Oxoniensi Episcopo, & Decano Lundenensi: *Denique quod queris: si à civili iudice ante iudicium, vel post ad nostram audientiam fuerit appellatum, an huiusmodi appellatio teneat? tenet quidem in his, qui sunt nostra temporali iurisdictioni subiecti: in alijs verò etsi de consuetudine Ecclesia teneat, secundum juris rigorem credimus non tenere. cap. 7. de appellat.*

Idem Alexander III. Lundenensi & Vigornienſi Episcopis: *Nos attendentes, quòd ad Regem pertinet, non ad Ecclesiam, de possessionibus iudicare, ne videamur juri Regis Anglorum detrudere, qui ipsarum iudicium ad se asserit pertinere; Fraternitati Vestra mandamus, quatenus Regi possessionum iudicium relinquentes de causa principali, videlicet, utrum Mater de legitimo sit matrimonio nata, plenius cognoscatis, & causam huiusmodi terminetis. cap. 7. qui filij sint legitimi.*

III. Eadem est D. Bernardi sententia, qui lib. 1. de consideratione capit. 6. ad Eugenium Pontificem sic scribit: *Non monstrabunt, puto, ubi ali-*  
quando

(a) V. Baron. ad ann. DCCCLXXXV.

(b) V. Baron. ad ann. DCCXXVI.

quando quispiam Apostolorum iudex sederit hominum, aut divisor terminorum, aut distributor terrarum. Sietisse denique lego Apostolos iudicandos, sedisse iudicantes non lego. Erūt illud, non fuit. Iūne imminutor est dignitatis servus, si non vult esse maior Domino suo: aut discipulus, si non vult esse maior eo, qui se misit: aut filius, si non transgreditur terminos, quos posuerunt patres sui? quis me constituit iudicem, aut ille, Dominus & Magister: & erit injuria servo discipulūq;, nisi iudicet universos? Mihi tamen videtur bonus aestimator rerum, qui indignum putat Apostolis, seu Apostolicis viris, non iudicare de talibus, quibus datum est iudicium in majora. Quidni conseruant iudicare de terrenis possessiunculis hominum, qui in celestibus, & Angelos iudicabunt? Ergo in criminibus, non in possessionibus potestas vestra: quoniam propter illa, & non propter has, accepistis claves regni caelorum, pravaricatores utique exclusuri, non possessores. Ut sciatis, ait Christus, quia filius hominis habet potestatem in terra dimittendi peccata, &c. Quanam tibi maior videtur & dignitas, & potestas dimittendi peccata, an pradia dividendi? sed non est comparatio. Habent haec infima, & terrena iudices suos, reges & principes terra. Quid fines alios invaditis? quid falcem vestram in alienam messem extenditis? non quia indigni Vos, sed quia indignum Vobis talibus insistere, quippe potioribus occupatis. Denique ubi necessitas exigit, audi quid censeat non ego, sed Apostolus: Si enim in vobis iudicabitur hic mundus, indigni estis, qui de minimis iudicetis? Sed aliud est incidenter excurrere in ista, causā quidem urgente, aliud ultro incumbere istis tamquam magnis, dignisq; tali & talium intentione rebus. &c.

Haecenus D. Bernardus. Ubi vides duas ab illo constitui potestates rerum temporalium, unam ordinariam, quam Regibus ascribit; aliam incidentem, & causā urgente, quam in Pontifice maximo agnoscit. Idem D. Bernardus, lib. 4. de consideratione cap. 3. Pontificem sic alloquitur: Pastorem te populo huic certē aut nega, aut exhibe. Non negabis, ne cujus Sedem tenes, Te neges Haredem. Petrus hic est, qui nescitur processisse aliquando vel gemmis ornatus, vel sericis, non tectus auro, non veclus equo albo, nec stipatus milite, nec circumstrepentibus septus ministris. Absque his tamen credidit satis posse impleri salutare mandatum: Si amas me, pasc oves meas. In his successisti non Petro, sed Constantino. Consulo toleranda pro tempore, non assequenda pro debito. Ad ea te potius incito, quorum te scio debitorem. Etsi purpuratus, etsi deauratus incedens, non est tamen, quod erubescas Evangelium. Quamquam si volens evangelizes, inter Apostolos quidem gloria est tibi? evangelizare, pascere est. Fac opus Evangelista, & Pastoris opus implesti. Dracones,

*inquis, me mones pascere, & scorpiones, non oves. Propter hoc, inquam, magis aggredere eos non ferro, sed verbo. Quid tu denique usurpare gladium tentes, quem semel iussus es ponere in vaginam? quem tamen, qui tuum negat, non satis mihi videtur attendere Verbum Domini ducentis sic: Convertite gladium tuum in vaginam. Tuus ergo & ipse, tuo forsitan nutu, etsi non tuâ manu evaginandus. Alioquin si nullo modo ad Te pertineret & is; ducentibus Apostolis; Ecce gladij duo hic; non respondisset Dominus, satis est, sed nimis est; uterque ergo Ecclesia, & spiritualis scilicet gladius, & materialis; sed hu quidem pro Ecclesia, ille vero & ab Ecclesia exerendus est. Ille Sacerdotis, hu militis manu, sed sanè ad nutum Sacerdotis, & iussum Imperatoris, &c.*

IV. Hæc Summorum Pontificum, & D. Bernardi sententiæ omnino rationi consona est. Potestas enim data est Pontificibus in ædificationem, non destructionem, teste D. Paulo 2. ad Cor. 10. v. 8. esset verò potius in destructionem, si pro libitu instar ordinariæ ad temporalia se extenderet. Primò enim impediret ipsam potestatem, curamque spirituales, quam in omnes totius mundi Ecclesias ex officio Papa exercet, quantoque plus curæ temporalibus, tantò minùs spiritualibus impenderet, distractis in diversa vitibus, & idèd minutis: idque cum maxima animarum perniciè; si enim ubi etiam in solam rem Ecclesiasticam, causasque Religionis unicè incumbitur, tam multa negligi videmus, quid fieret, accedente Regnorum cura? quam rationem Apostolus expressit. 2. ad Timoth. 2. v. 4. *Nemo, inquit, militans DEO implicat se negotijs secularibus, ut ei placeat, cui se probavit.*

Deinde, cùm oporteat inter Pontificem Max: Regesque velut inter communem omnium Patrem, Filiosque summam pacem, animorum conjunctionem, mutuamque auxilium intercedere, contrarium potius eveniret, communicato Imperio; essentque inter utrumque discordiæ, lites, similitates, & bella perpetua, sunt enim Imperia velut conjugia, quæ thori socium non admittunt; & vè canit Poëta.


*Nulla fides regni socijs, semperq, potestas  
impatiens consortis erit.*

Inter mutuas ergo contentiones, & pugnantia Regum, & Papæ decreta Respublicæ, & Regna perirent. Inter ipsos Principes temporales sunt quotidiana dissidia, in quibus si ordinariam iudicandi potestatem Papæ concedamus, dum pro uno pronunciat, alium.

aliud necessariò offendet, exutà, quæ communem Patrèm decet, in omnes æqualitate, amissioque, dum uni studet, aliorum amore, præsertim si Pontifex aliquis contingeret, aut minus affectuum potens, aut partibus addictus. Docuit tot sæculorum experientia, summo Pontifice hanc in Reges potestatem etiam rarò usurpante, & intra necessitatem, Principes tamen gravissimè offendi; Regna, populosque turbari, armarique; quæ omnia ipsa quidem necessitas excusat, metusque peiorum, & acerbitas morbi extrema postulantis: quid ergo fieret, si passim, & pro lubitu adhiberetur? Denique Principes ipsi suis in Regnis nati, educatique mores, consuetudines, legesque locorum, & meliùs callent, & aptiùs necessaria provident: & quia præsentibus majorem sibi venerationem amoremque vendicant, nec facilè decipiuntur, cùm rebus ipsis, & negotijs adstent: quæ omnia secus habent in Pontifice absente extraneo, rerumque, quæ procul fiunt, ignaro, & plerumque alienis oculis vidente. Hæc omnia, ut diximus, efficaciter convincunt, non fuisse necessariam Ecclesiæ, immo noxiam Pontificis Romani in Principes potestatem, nec à Deo concessam, nisi fide, ac Religione periclitante.

*Neque obstat, Papam esse Vicarium Christi, sicq; omnia posse, quæ Christus potuit:* Nam Vicaria potestas Papæ concessa terminos suos habet, legem videlicet divinam, & Ecclesiæ utilitatem, extra quos proferri non debet: De jure divino expressi sunt textus in *c. sunt quidam. & c. contra statuta. 25. q. 1.* de utilitate verò Ecclesiæ habemus D. Pauli testimonium, *2. ad Corinth. 10. v. 8.* & sicut Vicarius non omnia potest, quæ Principalis, hoc est, illa, quæ speciali nota digna sunt, & mandatum expressum requirunt. *c. 3. de off. Vicar. in 6. c. 2. eod.* Ita nec Papa potest omnia, quæ Christus v. g. Sacramenta nova instituere, abrogare antiqua, dispensare in vinculo Matrimonij, bigamiam simultaneam concedere, quæ omnia pertinent ad potestatem excellentiæ, nulli hominum, nec Pontifici quidem communicatam. (4)

(\*) Vide Cajetan. 2. 2. q. 88. a. 12.







§. II.

*Esse in Ecclesia, & in Capite Ecclesie, Romano vid. Pontifice potestatem indirectam, cum urget necessitas tuenda Religionis, in Reges, eorumq; bona temporalia, ex sacris litteris demonstratur.*

S U M M A R I A.

1. *Textus sacre scriptura expensi, & primò exemplum Azaria Pontificis.*
2. *Jofada Pontificis, & Phineës sacerdotis: ac exempli utriusq; moderatio.*
3. *Elie Propheta.*
4. *Locus D. Pauli. 1. ad Cor. 6. junctâ PP. explicatione.*
5. *Locus Matthæi 26. ratione, & auctoritate illustratus.*
6. *Locus S. Joannis cap. ult.*
7. *Alij textus apud Mattheum 28. de duobus gladijs, & Luca 22.*

I.



*U*T à sacris litteris initium ducamus, occurrit primo loco exemplum observatione dignum. 2. *Paralip. 26.* ubi Ozias Rex, quamdiu Pontificis Azariæ mandato, & consilijs paruit; gloriâ, & victorijs floruit, ubi verò sacerdotis officium usurpat, leprâ percussus templo & Regno à Pontifice pellitur, & Imperium filio traditur. Verba scripturæ hæc sunt: Sed cum roboratus esset Ozias, elevatum est cor ejus in interitum suum, & neglexit Dominum DEUM suum, ingressusq; templum Domini adolere voluit

luit incensum, super altare thymiamatis. Statimq; ingressus post eum Azarias sacerdos, & cum eo sacerdotes Domini octoginta, viri fortissimi restiterunt Regi, atque dixerunt: Non est tui officij Ozia, ut adoleas incensum Domino, sed sacerdotum, hoc est, filiorum Aaron, qui consecrati sunt ad hujuscemodi Ministerium: egredere de Sanctuario, ne contempseris: quia non reputabitur tibi in gloriam hoc à Domino Deo. Iratusq; Ozias, tenens in manu thuribulum, ut adoleret incensum, minabatur Sacerdotibus. Statimq; orta est lepra in fronte ejus coram Sacerdotibus, in domo Domini super altare thymiamatis. Cumq; respexisset eum Azarias Pontifex, & omnes reliqui sacerdotes, viderunt lepram in fronte ejus, & festinatio expulerunt eum. Sed & ipse perterritus, acceleravit egredi, eo quod sensisset illico plagam Domini. Fuit igitur Ozias Rex leprosus usque ad diem mortis suæ: & habitavit in domo separata, plenus leprâ, ob quam ejectus fuerat de domo Domini. Porro Joatham filius ejus rexit domum regis, & judicabat populum terra. Nota Regem à sacerdotibus non tantum ut templo exiret, rogatum esse, sed etiam compulsum, & à reliquo populo summi Pontificis arbitrio separatum, & hoc ipso regno exutum esse: Sic enim habetur, Levitici 13. v. 44. Quicumque ergo maculatus fuerit leprâ, & separatus est ad arbitrium sacerdotis &c. solus habitabit extracastra. Sicut ergo ad Sacerdotem pertinebat de lepra Principis cognoscere, & si reperisset infectum, à commercio populi excludere, sicque inhabilem Regno pronuntiare; multò magis in nova lege ad summum Sacerdotem pertinebit de lepra spirituali judicium ferre, & si periculum ex illa Fidelibus immineat, Regnum Principi adimere, ne exemplo, imperio, & potentia Ecclesiam corrumpat: quæ causa fuit Adriano, Leoni, & Stephano Romanis Pontificibus, ut Imperatoribus Græcis non tantum in hæresin lapsis, eamque Decretis, & supplicijs Oriente toto propagantibus, sed etiam Occidentem invadentibus, Imperium abrogarent. Et quamvis illud præceptum de lepra corporali à sacerdote cognoscenda judiciale fuerit; potuit tamen etiam in lege Evangelica locum habere. (a) Immo quoad lepram spiritualem est præceptum morale, fundatumque in jure divino Naturali; ut jam innuimus, & infra magis explicabitur.

II. Aliud exemplum est. 2. Paralip. 23. & 4. Regum 11. Ubi Joad Pontifex Athalias, quæ Regno injustè occupato idolorum cultum invexerat, puniri jubet, & legitimum Regem solio restitui: Verba scripturæ sunt: *Produxitq; Joad Filium Regis, & posuit super*

(a) Per c. 1. de Homicidijs, & c. 1. cum seqq. de injurijs,

per eum diadema, & testimonium, feceruntq; cum Regem, & unxerunt, & plaudentes manu, dixerunt: *Vivat Rex*. Et post pauca. *Præcepit autem Jojada Centurionibus, qui erant super exercitum, & ait eis: Educite Athalias extra septa templi, & quicumq; eam secutus fuerit, feriatur gladio: Pcepit ergo Jojada sædus inter Dominum, & inter Regem, & inter Populum, ut esset populus Domini; & inter Regem, & Populum*. Vides in hac historia Pontificem Maximum, cum alios animus deficeret, Reginam tyrannidis damnare, milites conscribere, legitimum Regem solio imponere, fœdus non tantum inter Regem & Deum, sed etiam inter Regem, & Populum, & conditiones dicere, remque civilem juxta, & militarem curare: Quo jure inquires? naturæ, & necessitatis, ne videlicet impio principe in thronum sublato, Religio sacerdotibus commissâ profligeretur.

Si duas, notoriam hanc fuisse Athaliæ tyrannidem nullo jure regnum involantis, & idè non à sacerdote tantum, sed quolibet subditorum potuisse regno, quod injuriâ tenebat, expelli. *Respondeo: Quia* modum Athalias Summus Pontifex regno ejecit, quia nullo jure regnabat: eodem modo, si regnum aliquis sic administret, ut Religioni, & fidei noceat, deponi imperio poterit, quia jus regnandi aut amittit, aut illo est indignus: potest enim aliquis vel ab ipsis initijs regno indignus esse, quia nullum jus regnandi habuit, ut tyranni: potest iterum indignus esse, quia licet regnum legitime ingressus, postea tamen jus regnandi amisit, aut meretur, ut amittat: utroque casu nullo jure regnatur; primo, quia non habuit; secundo, quia amisit: sicut æquè non videt, qui semper cæcus fuit, & qui aliquando cæcus evasit: æquè hæreditate caret, qui numquam adiit, & qui adiit quidem, sed postea delicto perdidit, ut patet exemplo Ozii: paria ergo sunt non habuisse, & perdidisse. Hoc tamen judicium cum sit de re gravissima, & capita Republicæ tangat, quibus omni iure venerationem debemus, soli Pontifici Max: reservatur, cui soli dictum est: *pasci oves meas*, ut infra ex cap. *ne aliqui. de privilegijs in 6.* dicetur: si loquin Republicæ latrocinij plenæ, & parricidij essent, quolibet qui Principi vim intulisset, causam, & salutem publicam prætexente. Simile exemplum de Phineës summi Sacerdotis filio Numer. 25. habetur, cujus factum ex eo capite D. Thom. excusat. 2. 2. q. 60 ad 2. *Quia licet non esset summus Sacerdos, erat tamen summi Sacerdotis filius, & ad eum hoc videbatur pertinere, sicut & ad alios judices, quibus hoc erat præceptum.* Verbalunt D. Thomæ. Sed

Sed nota circa hæc duo exempla Athalix, & Phineës, in lege Evangelica non licere Sacerdotibus, multoque minùs Pontifici Max. sanguinem alicujus, præsertim verò principis, ne quidem consulendo effundere, ut habetur in *cap. his*, à quibus, &c. si in morte. 23. q. 8. & eleganter Gratianus post c. nos 2. q. 7. Multa, inquit, concedebantur tunc, quæ nunc penitus prohibentur, miracula enim, & maxime Veteris testamenti, sunt admiranda, non in exemplum nostra actionis trabenda: tunc enim Samuel Agag pinguißimum Regem Amalec in frustra dividendo confcidit: nunc nulli Ecclesiasticorum judicium sanguinis agitare licet. Tunc Phineës Judæum congressum cum Madianita interfecit, & reputatum est ei in justitiam: hodie Sacerdotibus in perniciem sui officij verteretur.

III. Eliæ Prophetæ hoc elogium ponit Spiritus Sanctus Ecclesiastici 48. Quis potest similiter sic gloriari tibi? qui dejesisti Reges ad perniciem, & confringisti facile potentiam ipsorum, & gloriosos de lecto suo, qui ungu Reges ad penitentiam, & Prophetas facis successores post te. Reges quos unxit Elias fuere Azaël Rex Syriæ, & Jehu Rex Israel 4. Reg. 19. Si dicas Eliam id fecisse Dei jussu, non suâ sponte; id quidem verum est, sed idem Dei mandatum Summi Pontifices acceperunt, cum illis commissæ sunt Oves Christi, quarum custodia necessariò requirit potestatem lupos arcendi, eosque, qui Ecclesiam invadunt, exarmandi, ne, si velint, possint nocere; hoc enim naturale jus defensionis, cum singulis natura permittat, quantò magis summo Pastori, in eos, qui Ecclesiam, ovesque Christi, ac sibi commissas animas aggrediuntur? hoc, inquam, casu poterit summus Pontifex exemplo Eliæ deijcere Reges ad perniciem & confringere potentiam ipsorum, & Reges ungere ad penitentiam; nam teste D. Ambrosio. lib. 1. de offic. cap. 36. & S. Thom. 2. 2. q. 60. art. 6. ad 2. Quinon repellit injuriam à socio cum potest, eam est in vitio. quam ille, qui facit.

IV. Efficax est etiam in hanc rem locus D. Pauli 1. ad Cor. 6. ubi sic loquitur: Audeat aliquis vestrum habens negotium adversus alterum judicari apud iniquos, & non apud Sanctos: an nescitis, quoniam Sancti de hoc mundo judicabunt? & si in vobis judicabitur mundus, indigni estis, qui de minimu judicetis? nescitis, quoniam Angelos judicabimus, quando magis secularia? Vides ex hoc textu S. Apostolum agnoscere in Sacerdotibus, & Apostolorum successoribus potestatem de rebus secularibus judicandi, camque probare argumento à majori ad minus per illa verba: Nescitis quoniam Angelos judicabimus, quando magis secularia? quasi di-

cat: qui idoneus est ad majora, multò magis erit idoneus ad minora, ut ibi loquitur D. Thomas: idque ob periculum, ne ex crebro cum infidelibus commercio, eorumque gratiam captandi causâ, fideles subvertantur. Sed Apostolis circa majora occupatis, hanc potestatem judiciariam vult ab alijs rerum forensium peritis exerceri, quos B. Apostolus *contemptibiles in Ecclesia* vocat, hoc est, respectu eorum, qui propagandæ Religioni, lucrandisque animabus student. Hunc locum sic intellexit B. Clemens SS. Petri & Pauli auditor in *Constitutionibus Apostolicis* lib. 2. cap. 51. *Quod oporteat in secunda sabbatorum cognoscere causas. Adfint autem iudicio Diaconi & Presbyteri, integrè iudicaturi, veluti Dei homines cum iustitia. Cum utraq; persona venerit, prout lex jubet, ambo, qui litigant, statuunt in medio Tribunali, ijsque auditis, sanctè iudicium pronuntiate: studentes ante sententiam Episcopi eos conciliare, ne exeat supra terram iudicium in peccatorem, prout in Tribunali consorem, participemq; causa habes Christum Dei.*

S. Anacletus epistolâ ad omnes Episcopos, & Christi fideles. *Si fuerit saculare negotium, apud ejusdem Ordinis Viros terminetur, iudicio tamen Episcoporum, cum Apostolus privatorum Christianorum causas magis Ecclesijs deferri, & ibidem Sacerdotali iudicio terminari voluerit: omnis enim oppressus liberè sacerdotum appellet iudicium, & à nullo prohibeatur, sed ab his succurritur, & liberetur.* S. Bernardus de consideratione lib. 1. cap. 6. *Mihi tamen videtur bonus estimator rerum, qui indignum putat Apostolis, seu apostolicis viris non iudicare de secularibus, quibus datum est iudicium in majora. Quidni contemnunt iudicare de terrenis possessiunculis hominum, qui in cœlestibus & Angelis iudicabunt.* Et post pauca. *Non quia indigni Vos, sed quia indignum vobis talibus insistere, quippe potioribus occupati.* Denique ubi necessitas exigit, audi, quid censeat, non ego, sed Apostolus: *si enim in vobis iudicabitur hic mundus, indigni estis, qui de minimis iudicetis?* Eadem Gregorij VII. Sententia lib. 8. epist. 21. *Habet, inquit, Ecclesia Romana potestatem singulari privilegiò concessam aperire, & claudere januas Regni cœlestis, quibus voluerit: cui ergo aperiendi, claudendiq; cœli data potestas est, de terra iudicare non licet? absit. Num retinetis, quod ait Beatissimus Paulus Apostolus: nescitis, quia Angelos iudicabimus, quantum magis secularia?* Idem docuit B. Gregorius Magnus, 2. parte Pastoralis cap. 7. ubi ex allegato Apostoli textu agnoscit quidem potestatem in secularia Pastoribus datam, sed eâ uti non vult, ut tantò spiritualibus negotijs attentius operam navent.

Merito proinde Jacobus Tyrinus in hunc locum Apostoli: No-

*ta*, inquit, *hac* iudicia causarum *secularium* inter Christianos committi consuevisse Episcopis, vel delegatis ab Episcopo Presbyteris, ut constas ex Clemente Romano, ex lege Theodosij, & Caroli Magni; & ex antiquo Ecclesiæ usu; Iudices enim in his causis sederunt Gregorius Thaumaturgus Neocaesariensis, SS. Ambrosius, Augustinus, Synesius, alijq; Episcopi: sed crescente nimis numero Christianorum simul & litium, onus hoc rejectum in humeros Iudicum secularium jam Christianorum, ne ut ab initio S. Petrus apud eundem Clementem rectè monuit, Episcopus praefocatus secularibus negotijs non possit vacare verbo Dei.

V. Huc etiam faciunt verba Christi Domini ad Petrum Matthæi 16. v. 18. *Et ego dico tibi, quia tu es Petrus & super hanc petram aedificabo Ecclesiam meam, & porta inferi non prevalebunt adversus eam: & quodcunq; ligaveris super terram, erit ligatum & in cælis; & quod solveris super terram, erit solutum & in cælis.* Omnium PP. cum Latinorum, tum Græcorum sententia est, hisce verbis Petro promissum esse supremum, & Monarchicum Ecclesiæ regimen, in his, quæ pertinent ad bonos mores sanamq; doctrinam: ergo etiam omnia media promissa sunt necessaria, sine quibus illa conservari non possunt, & consequenter in bona, & regna temporalia, quæ omnium consensu sunt propter bona spiritualia tanquam media propter finem; concessio enim sine, conceduntur omnia media illi necessaria, alioquin concessio finis erit inutilis: Sicut concessio militari officio, datur unà facultas arma gestandi, hostemq; impunè ferendi; & factâ Medico potestate agrum curandi, conceditur etiam medicinas sanitati necessarias applicandi, & si opus fuerit, etiam membrum infectum præcidendi, sic tamen, ut hoc remedium velut ultimum, magnoq; dolori, incommodo, deformitati conjunctum non liceat, nisi ut pejus malum vitetur, usurpare. Quæ consequentia ex Matthæi verbis adducta non est imaginaria, & Chymerica, sed omnino ex natura rei desumpta, & à legislatoribus, ipsisq; Principibus approbata, sic enim loquuntur in l. 2. ff. de iurisdic. Cui iurisdic. data est, ea quoq; concessa esse videntur, sine quibus iurisdic. explicari non potest. Quod optimè animadvertit Gregorius VII. l. 8. epist. 21. ubi: *Habes enim potestatem Ecclesia Romana singulari privilegio concessam aperire, & claudere annuas Regni cælesti, quibus volueris.* Cui ergo aperiendi, claudendiq; Cæli data potestas est, ut terra iudicare non liceat? absit. Et S. Leo IX. in epist. adversus presumptiones Michaelis Constantinopolitani, cap. 13. His, inquit, & alijs quàm plurimis tibi monijs iam vobis satisfactum esse debuit de terreno, & cælesti Imperio, immo de Regali Sacerdotio sancta Romana, & Apostolica

*Sedū, præcipuè super speciali ejus dispositione in Cælis, si quoquomodo Christi-  
stiani esse, vel dici optatu, & si ipsam Evangelij veritatem aperit, quod absit,  
non impugnatu. Vides quo loco S. Leo illos habeat, qui Romanæ  
Sedi terrenum, vel cœleste Imperium abrogant.*

VI. Joannis ultimo sic habemus: *Cùm ergo prandissent, dicit Si-  
moni Petro JESUS: Simon Joannis diligis me plus his? dicit Et: etiam Do-  
mine tu scis, quia amo te. Dicit ei: pascere agnos meos. Hoc tertio repe-  
titum à Christo: hunc locum infrà latiùs expendemus: jam hoc  
solùm argumentum deducimus. Non est dubium, omnes Christi  
fideles, omnesque Magnates ad Christi oves pertinere, & hoc ipso  
eorum custodiam Petro, Petrique Successoribus commissam esse,  
saltem quoad regimen spirituale, & illa, quæ salutem æternam  
spectant; sed fieri potest, immo sæpe factum est, ut eorum saluti  
expediat, aut etiam sit necessarium, eos in ordinem redigere; aut  
potestatem, quâ sibi & alijs noceant, constringere; sicut Medicus  
furioso potest, debetque gladium eripere: Cùm ergo ad ovium  
custodiam curamque hæc potestas fuerit necessaria, summo Pa-  
stori omnino concessa est, aut si concessa non est, ergo in necessa-  
rijs defuit DEUS, imperato quidem fine, sed negatis medijs.*

VII. Matth. 18. v. 15. *Si autem peccaverit, inquit Christus, in te  
frater tuus, vade & corripe eum inter te & ipsum solum; si te audierit, lucra-  
tus eris fratrem tuum: si autem te non audierit; adhibe tecum adhuc unum,  
vel duos, ut in ore duorum, vel trium testium stet omne verbum. Quòd si non  
audierit eos: dic Ecclesia: si autem Ecclesiam non audierit, sit tibi sicut ethni-  
cus, & publicanus: Amen dico vobis, quacunque alligaveritis super terram,  
erunt ligata & in cælo.*

Patet ex hoc textu, esse penes Apostolos, eorumque succes-  
sores potestatem judicariam circa omnia delicta, & injurias in  
proximum commissas, hoc est, famam, facultatesque, & bona  
temporalia, aut corporalia, sic videlicet, ut in defectu Magistratûs  
sæcularis, eoque justitiam non administrante, possit ad Ecclesiæ  
tribunal, velut ultimum asylum, & aram innocentie provocari,  
in quo Theodosij Imperatoris luculentum est exemplum. Au-  
riga nobilis cujusdam Adolescentis pudicitiam sædaverat, ea de  
causa à Præfecto militum in vincula conjectus. Instabat dies  
solemni decursui quadrigatum indicta. Cives Thessalonicenses  
Aurigam certamini, ut credebant, necessarium impatienter po-  
stula-



Rulare: sed negante militum Præfecto tam turpis flagitij reum dimitti posse; Populus in rabiem actus Præfectum invadit, trucidatque. Re ad Theodosium delatâ, mirum quantum exarsit, iustâ quidem irascendi causâ, sed præter modum: jubet ergo in eos, qui cædi interfuerant, gladio vindicari, quo decreto innocentes quàm plurimi, nec alterius culpæ rei, quàm quòd oculos non velâssent, involvebantur. Ambrosius evulgato diplomate ad Principem pervolat, eumque emollit, ac veniam populo impetrat. Sed vix Palatium egresso, novæ faces ab Aulicis accensæ; dicebant: *Hæc indulgenti facilitate populum ad paria, immo pejora invitari, ac veniam unius culpa, alterius initium fore: nec eadem intra Præfectum stetit, sed Casari Majestatem eodem vulnere petitam esse.* His, aliisque Theodosius incensus clam Ambrosio in Thessalonicenses sæviri jubet: quod tantâ factum crudelitate, ut trium horarum spatio septem millia, innocentes plerique, ceciderint. Ingemuit auditâ clade Ambrosius, Imperatorem Ecclesiâ, sacrisque arcuit, & vix tandem post longam delicti, & publicam expiationem admisit, supplicemque, ac genibus affusum sic allocutus: *Quam tu penitentiam post tam grave scelus ostendis, qua medicamenta ad vulnera tam difficilia adhibuisti? Tuum est, inquit Imperator, medicamenta ostendere, meum autem accipere.* Cui Ambrosius: *Quoniam non recte rationi, sed animo irato obsecutus sententiam pronuntiasti, conscribe legem, quâ deinceps sententia, per iracundiam pronuntiata, irrita sint, & nullum momenti, earumque, executio ad triginta dies suspendatur.* Paruit Theodosius, legemque conscripsit, quam videre est. l. 20. C. de pœnis.

Vides in hoc facto Principis delictum ab Episcopo judicatum, punitumque esse; nec Theodosium excepsisse, aut iustè in populum perduellem sævitum esse; aut modum vindictæ milites se ignaro transgressos; aut denique ad Episcopos non pertinere, quam pœnam in suos subditos Principes statuunt; nec etiam impositæ ab Episcopo pœnæ oblectatum, cum imperaret novam legem conscribi de sententiarum differenda executione, quod utique ad forum politicum pertinet. Quantò minùs Pontifici oblectaretur eadem imperanti?

Ceterùm circa textum allegatum *Math. 18.* nota illic sermonem non esse de correctione tantùm fraterna, & occulta; sed etiam publica, & coercitiva, quod communiter interpretes ferè

omnes, sanctique PP. docent, & videri potest, *S. Thom. in 4. sentent. dist. 18. q. 2. a. 1.* idque manifestè patet ex eo, quòd testes sint adhibendi, & qui Ecclesiam non audit, sit instar ethnici, & publicani habendus, hoc est, ab Ecclesia separandus, ne suam scabiem & delictum alijs fidelibus affricet, adeò ut nec cibum cum illo sumere, *1. ad Cor. 5.* Nec eum salutare permittaris, *epist. 2. v. 10. Joannis.* Amittarque jurisdictionem, & auctoritatem judicalem *c. ad probandum. de sentent. & re judic. c. Nos Sanctorum. 15. q. 6.* Quod etiam ad Principes extendi, patet ex eodem *c. Nos Sanctorum. alijsq. eadem causâ 15. q. 6. & c. Gravem. de pœnis:* Modò ij non sint tolerati: toleratis enim jurisdictio non adimitur, quales sunt hodiernâ die multi Principes Hæretici, & olim Cæsares Romani, quibus obediendum omnino est per textum elegantem in *c. Julianus 11. q. 3. c. Sacerdos. causâ 3. q. 7. in fine.*

Bene etiam observat Layman de Sacramento Pœnitentiæ. *c. 10. n. 3.* & Sylvester v. *Excommunicatio. 1. §. 10.* Reges, supremosque Principes Privilegio donatos esse, quò minùs ab alijs, quàm Romano Pontifice excommunicari, alijsque censuris astringi possint, *ex cap. ne aliqui. de privileg. in 6.*

Si ergo qui Ecclesiam non audit, habendus est ut ethnicus, & publicanus; adeò, ut ex doctrina Apostolorum, cum illo tanquam infami nec cibum sumere, nec salutare, nec alio commercio humano uti liceat; patet potestatem spiritualem se ad temporalia etiam extendere, indirectè, quatenus ista illi deserviunt; illa enim separatio non tantùm est à suffragijs Ecclesiæ, & beneficijs spiritualibus, sed etiam temporalibus, ut patet.

VIII. *Luca 22.* hæc ad Apostolos Christus dixisse legitur: *Qui habet sacculum, tollat similiter & peram, & qui non habet, vendat tunicam suam, & emat gladium; dico enim vobis, quoniam adhuc hoc quod scriptum est, odoriet impleri in me: Cum iniquus deputatus est; etenim ea, quæ sunt de me, finem habent. At illi dixerunt: Domine ecce duo gladij hic: at ille dixit eis: satis est.* Hæc Christi sententia difficilis videtur, & cum ipsius doctrina pugnare: hîc enim jubet tunicam vendi, & gladios emi; cùm tamen alibi aut præcipiat, aut consulat tunicam auferenti pallium dimitti, & percutienti maxillam alteram offerri: & *Matthæi 26. v. 52.* Petrum in milites inVectum, & gladio grassantem coërcet: *Converte gladium tuum in locum suum, omnes enim, qui acceperint gla-*

*gladium, gladio peribunt.* Cur ergo iusserat gladios emi, & Petrum ferro succinctum non tantum non prohibuerat, sed etiam comitem acceperat, si noluit, ut gladio uteretur? Varias SS. PP. cum mysticas, tum litterales explicationes adhibent, & illam præsertim: Voluisse Christum Dominum duplici gladio duplicem potestatem exprimere Petro commissam, spiritualem videlicet, & temporalem: istam vero in vaginam recondi, hoc est, non manu, sed nutu, & præcepto Petri; nec vindictæ, sed necessitatis causâ exerendam. Sic omnino S. Bernardus lib. 4. de Consideratione ad Eugenium. S. Anselmus in Matthaum c. 27. Bonifacius VIII. in extr. vag. Unam sanctam de Major. & obed. Abb. in c. novit. de iudijs. Et Cornelius in c. 25. Mathei n. 5. Allegorice, inquit, interpretes passim per duos gladios accipiunt duplicem Ecclesiæ potestatem, spiritualem videlicet, & temporalem. Patet ergo ex allegato Lucæ textu, & iunctâ PP. explicatione utramque potestatem spiritualem, & temporalem duplici gladio significatam Apostol's, eorumque Successoribus concessam esse, modò illam non vindictæ causâ, sed utilitatis usurpent, & gladium nuru & auctoritate, non manu exerant.

Hæc non nostro arbitrio, sed ex SS. litteris deducta, & PP. suffragijs, ac sensu explicata sufficient, illis convincendis, qui veritatem, non aliud quærunt: aliud enim quærentibus nec ista, nec mille alia satis erunt, animo semel in contrarium obstinato, & veritati larvam opponente. Ceterum cum Parisiensis Conventus in sua declaratione Sacrorum Canonum observantiam adeò summis Pontificibus inculcet, ijsque velit obstrictum; multò magis fatebitur Episcopos Papâ inferiores Canonibus alligari, nec posse ab illis dissentire. Videamus ergo, an nostram hanc Doctrinam sacri Canones aperte non doceant.





§. III.

*Primus Textus Canonicus ex c. novit 13. de  
Judicijs.*

S U M M A R I A.

1. *Laus Innocentij.*
2. *Causa hanc Decretalem ad Gallia Prælatos scribendi, bellum  
Philippi Augusti Gallia, & Richardi Anglia Regum.*
3. *Decretalis Innocentij.*
4. *Aliud simile Innocentij factum in causa Ingeburga Gal-  
liarum Reginae.*

I.



Ræmittimus alijs hunc textum Canonicum, quia In-  
nocentium III. Auctorem habet laudatissimum Pon-  
tificem Doctrinâ, & Sanctitate pari; quique non  
prius summam dignitatem acceptare voluit, quàm  
Deo manifestis miraculis Electionem approbante; tantæque mo-  
derationis luxuque abhorrentem, ut argentea in pauperes distri-  
bueret, solis è ligno, vitroque vasis contentus.

Deinde quia ad Gallia Prælatos exaratus, rei que nostræ ap-  
primè serviens. Huic Pontifici Innocentio Ludovicus Maymburg  
pulcherrimam statuam, & monumentum posuit, tot encomijs scul-  
ptum, tot coloribus exquisitè pictum, ut Innocentium videatur  
velut exemplar omnium virtutum, quas alij Pontifices imitari qui-  
dem debeant, sed assequi non possint, æternitati ac famæ commen-  
dasse. Illius variam, & incomparabilem doctrinam, quâ univer-  
sitate Parisiensem, omnium scientiarum matrem illustravit, om-  
nesque qui tunc temporis florebant, Doctores post se reliquit: Il-  
lius flagrantissimum tuendæ ac proferendæ Religionis zelum: Il-  
lius

lius animum insuperabilem, & adversus omnes mundi potestates invictum: Illius Prudentiam, Illius Majestatem Pontifice dignam, & denique præcellentem sanctitatem cælis exæquat. *V. L' histoire des Croisades. l. 7. f. 31. & l. 11. f. 223.* In hujus ergo Pontificis, tam sancti sapientisquæ doctrina, quæ merito pro doctrina Ecclesiæ Gallicanæ, & universitatis Parisiensis habenda est; nil puto habebit Maymburg, quod jure meritoque reprehendat, sed illius testimonio vinci se utique patietur, quod aded laudavit, omnique exceptione majus professus est.

II. Causa scribendæ Decretalis hæc fuit. Diuturno inter se bello Philippus Augustus Galliæ, & Richardus Angliæ Reges conflixerant, sed tandem inter utrumquæ operâ Innocentij III. quinquennales induciæ pactæ, dilato potius bello, quàm finito. Richardus in Aquitaniam excurrentes, telo ictus interiit, & Joannem successorem habuit. Hic cædis, quam Arcturo Nepoti obtulisse dicebatur, & injuriarum in proceres Aquitanie postulatus, à Philippo Galliæ Rege causam dicturus evocatur, siquidem Comitatum Pictaviensem, aliasque in Gallia Provincias beneficiario jure obtinebat. Sed cum ad diem Anglus non adesset, omni jure, quod in Galliis habebat, mulctatur, armisque illatis invaditur. Ille ad Innocentium Papam velut ultimam naufragij tabulam. Pontifex missis Legatis pacem utrique imperat, & judicio litem agitari jubet, sed Gallus victoriam sibi è manibus rapi causatus, à Legato ad Pontificem provocat, & interim causam bello prosequitur, Nortmanniam, & quicquid Anglorum fuerat, in fidem recipit, subigitque, Joanne in Angliam compulso. Quem exitum res habuerit, infra dicitur. Vide interim Spondanum ad annum MCC. & MCCIII. Morerum in Theatro Historico Gallicè edito in vita Philippi Augusti.

III. Jam Decretalem audiamus. *Innocentius III. Prælati Archiepiscopi, & Episcopi per Franciam constituti.* Novit ille, qui nihil ignorat, qui scrutator cordium est ac conscius secretorum, quod charissimum in Christo filium nostrum Philippum Regem Francorum illustrem de corde puro, & conscientia bona, & fide non fictâ diligimus, & ad honorem, & profectum, & incrementum ipsius efficaciter aspiramus, exaltationem Regni Francorum, sublimationem Apostolica sedis reputantes, cum hoc Regnum benedictum à Deo, semper in ipsius devotione permanferit, & ab ejus devotione nullo unquam,

mus, tempore sit discessurum. Non putet ergo aliquis, quod jurisdictionem illustris Regis Francorum perturbare, aut minuere intendamus; sed cum Dominus dicat in Evangelio: Si peccaverit in te frater tuus, vade & corripue eum inter te & ipsum solum; si te audierit, lucratus eris fratrem tuum; si te non audierit, adhibe tecum unum vel duos: quod si non audierit, dic Ecclesia: si autem Ecclesiam non audierit, sit tibi sicut ethnicus & publicanus. Et Rex Anglia sit paratus sufficienter ostendere, quod Rex Francorum peccat in ipsum, & ipse circa eum in correptione processit secundum Regulam Evangelicam, & tandem quia nullo modo profecit, dixit Ecclesia; quomodo nos, qui sumus ad regimen universalis Ecclesie superna dispositione vocati, mandatum divinum possumus non exaudire, ut non procedamus secundum formam ipsius? non enim intendimus judicare de feudo, cuius ad ipsum spectat iudicium, sed decernere de peccato, cuius ad nos pertinet sine dubitatione censura, quam in quemlibet exercere possumus, & debemus. Non igitur injuriosum sibi debet Regia dignitas reputare, si super hoc Apostolico iudicio se committat; cum Valentinianus inclitus Imperator suffraganeis Mediolanensis Ecclesie dixisse legatur: Talem in Pontificali sede constituite, cui & nos, qui gubernamus imperium, sincere nostra capita submittamus, & ejus monita (cum tanquam homines deliquerimus) suscipiamus necessarii velut medicamenta curantis. Nec sic illud humillimum omittamus, quod Theodosius statuit Imperator, & Carolus innovavit, de cujus genere Rex ipse nascitur descendisse: quicumque, videlicet litem habens, sive petitor fuerit, sive reus, si iudicium elegerit sacrosancte sedis Antistitis, illico sine ulla dubitatione, etiamsi pars alia refragetur, ad Episcoporum iudicium dirigatur. Cum enim non humana constitutioni, sed divina potius innitamus, quia potestas nostra non est ex homine, sed ex DEO, nullus, qui sit sana mentis, ignorat, quin ad officium nostrum spectet, de quocumque mortali peccato corripere quemlibet Christianum: & si correctionem contempserit, per distractionem ecclesiasticam coercere. Sed forsitan dicetur, quod aliter cum Regibus, & aliter cum alijs est agendum. Ceterum scriptum novimus: Ita magnum iudicabis, ut parvum, neque erit apud te acceptio personarum, quam beatus Jacobus intervenire testatur: Si dixeris ei, qui est indutus veste praeclara: Tu sede hic bene: pauperi vero sta illic, aut sede sub scabello pedum meorum. Ideoque, universis volis per Apostolicam Sedem mandamus, quatenus sententiam nostram recipiatis humiliter, & faciat ab alijs observari: licet enim hoc modo procedere valeamus super quolibet criminali peccato, praecipue, cum contra pacem peccatur, qua est vinculum charitatis. Postremo cum inter Reges ipsos re-

*formata fuerint pacis fœdera, & utrinq; præstito juramento firmata, nunquid non poterimus de juramenti Religione cognoscere, quod ad judicium Ecclesia non est dubium pertinere? Ne ergo tantam discordiam videamur dissimulando fovere, prædicto legato dedimus in præceptis, ut (nisi Rex ipse vel solidam pacem cum prædicto Rege reformet, vel saltem humiliter patiatur, ut idem Abbas & Archiepiscopus Biturcensis de plano cognoscat, utrum justa sit querimonia, quam contra eum proponit coram Ecclesia Rex Anglorum, vel ejus exceptio sit legitima, quam contra eum per suas nobis litteras duxit exprimendam) juxta formam sibi datam à nobis procedere non omitat. Hætenus Innocentij Decretalis: ex cujus historia textuque multa colliguntur notatu digna, nostroque argumento servientia: videlicet non esse quidem Pontificis directè & immediatè se causis feudalibus, & negotijs Regum immiscere: posse tamen, & debere ab eo id fieri, cum Ecclesiæ interest; cum de peccato, perjurio ac fœdere violato agitur; tunc enim partes Pontificis esse, Regibus pacem imperare, eorum causas cognoscere, appellationes ad se factas etiam in causa temporali recipere: neque hoc novum, sed jam antiquis legibus constitutum, ut ex Evangelio constat *Matth. 18.* & explicat D. Thomas. 2. 2. q. 33. Maldonatus in *Lucam c. 18.* Ex edicto Valentiniani Imperatoris (quod habetur in *historia tripartita lib. 7. c. 8.*) & apud Gratianum in *c. Valentinianus distinct. 63.* Ex lege Theodosij Imperatoris, qua est prima titulo de Episcopali judicio in *C. Theodosiano: & apud Gratianum c. quicumque. & c. sequenti, causâ 11. q. 1.* Neque hanc Pontifici Auctoritatem negavit Philippus Rex, cum & ipse ad eundem Pontificem provocaverit teste *Æmilio rerum Francicarum scriptore lib. 6.* & *Spondano ad annum MCCIII.**

IV. Idem Innocentius ad hunc ipsum Philippum Augustum Regem Francorum Archiepiscopum Capuanum anno *MCXCVIII.* legatum miserat, ut eum cum Ingeburga filia Regis Daniæ in gratiam redire cogeret, quam vigesimâ octavâ à nuptijs die repudiârat, superinductâ Agnete: ob quam causam Concilium Prælatorum Galliæ Innocentius indicit, ad eosque Petrum Cardinalem Capuanum delegat, à quo excommunicatio in Regem, & interdictum toto Regno pronuntiatur, adeò, ut præter baptismum parvulorum, & Sacramentum pœnitentiæ morientibus administratum, nec divina officia, nec Sacramenta alia in Gallijs haberentur, jacerentque sparsa & insepulta in plateis cadavera, clausis



Ecclesijs, & cœmeterijs omnibus: quæ res Philippum adeò incendit, ut Episcopos Clericosque Papæ obsecutos, & interdicti executores, alios Ecclesiâ & bonis pelleret, alios verò in suas partes traheret. Sed Gallis octo mensium interdicto jam fessis, & in Regem conclamantibus, Romam Legatos mittit, qui Innocentium flectant. Negat iste veniæ locum esse, nisi legitimâ uxore in thorum receptâ. Evicit Regem Pontificis constantia, & Agnetem quantumvis gravidam, & partui vicinam dimisit, revocavitque Ingeburgam, quæ in palatium quidem, sed non amorem admissa, paullo post mœori & fato cessit. Perierat Philippus medico parcente, & lethale obstinatumque malum mitius palpante, Vide Spondan. ad ann. MCXCVIII. Innoc. lib. 2. epist. 186.



## §. IV.

*Secundus Textus Canonicus ex cap. licet 6. de votis.*

## SUMMARIA.

1. *Causa hanc Decretalem scribendi, & Historia Henrici, & Andree Hungaria Regum.*
2. *Ipsa Decretalis.*

## I.



Crispit hanc Decretalem Innocentius III. ad Andream Ducem, Hungariæ Regis filium secundogenitum, anno primo sui Pontificatus, Christi MCC. Scribendi causa hæc fuit. Urgebat Innocentius expeditionem Christianorum Principum in Palæstinam, terramque sanctam, & multos jam permoverat. Inter istos Bela III. Hungariæ Rex voto se obligavit Hierosolymas cum exercitu movendi: sed morbo derepentè occupatus, jamque moriturus Andreæ filio mandat, votum exequatur, nisi faciat, paternam maledictionem, & diras minatus. Extincto Belâ Henricus major natu filius rerum potitur.

An-

Andreas conscripto exercitu, acceptoque vexillo crucis cum infidelibus instare videtur, ex insperato arma & acies in fratrem vertit, Regnum, quod natura negabat, ferro invasurus. Stabant acies in conspectu procinctuque pugnandi, cum Henricus positis armis, sceptrum manu quatiens, nec alio, quam innocentia suâ comite ad fraternas acies procedit, altaque voce: *Esse aliquis, inclamat, qui legitimo Regi vim auderet inferre, & ejus sanguine manus impiare, cui defendendo sanguinem deberet? Quis crederet? Majestate non tam supplicantis, quam imperantis, victi milites, inermi se dedunt, Regemque acclamant.* Hæc ubi ad Innocentium delata, præsentem Decretalem ad Andream exarat jubetque, ut se voto extolvar; nisi pareat, diris feriendus, & paternam hæreditatem amissurus. Paruit Andreas, Regnumque adeptus bellum quidem sacrum aggressus est, sed continuè abruptit, præcipitato, quod illic res turbarent, in Hungariam reditu. (a)

II. Jam verba Decretalis audiamus. *Innocentius III. Andream Duci. Accepimus, quod cum Rex Hungaria Pater tuus agens in extremis votum, quod voverat Domino, Hierosolymitanam Provinciam in sortis manu humili corde visitare, sub interminatione maledictionis paterna, commiserit tua fidei exequendum, & tu assumpto crucis signaculo, te id impleturum sine dilatione qualibet promissisti: Verum eodem Patre tuo sublato de medio, cum Hierosolymitanum hoc iter te arripere simulasses, assumpta peregrinationis oblitus, quoniam contra inimicos crucis dirigere debueras, in fratrem tuum, & Regnum Hungariae convertisti aciem bellatorum, & multa contra serenitatem regiam malignorum usus consilio commissisti. Nos autem, quos diebus istis ad Pontificatus officium licet immeritis Dominus evocaverit, tam paci Regni Hungariae, quam tua volentes saluti consulere, nobilitatem tuam rogamus, & monemus, & exhortamur in Domino. ac per Apostolicam Sedem mandamus, quatenus postpositis ceteris sollicitudinibus, usque ad festum Exaltationis sanctæ Crucis debitum acceptæ Crucis exoluens, propositum iter arripas, & humiliter prosequaris. Ne, si onus tibi à patre injunctum, & à te sponte susceptum, occasione quâlibet detrectaveris, paternam te reddas successione indignum, & hæreditatis emolumento priveris, cujus recusaveris onera supportare, sciurus ex tunc Anathematis te vinculo subiacere, & jure, quod tibi, si dictus Rex sine prole decederet, in Regno Hungaria competebat ordine genitura, privandum. & Regnum ipsum ad minorem fratrem tuum appellatione postpositam devolvendum.*

Hic iterum Pontificiam in Reges auctoritatem Innocentius exercuit, nec enim satis habuit spirituales pœnas denunciare, quas plerumque haud magni Principes faciunt; sed temporales etiam adjungit, quæ plus doloris habent; Regni videlicet privationem: cum enim debello sacro ageretur, inferendâque Catholicâ fide terris à barbaro usurpatis; tanti hæc res momenti videbatur, ut posset à Vicario Christi quâvis honestâ ratione urgeri.



## §. V.

*Tertius Textus Canonicus ex c. venerabilem 34.  
de elect.*

## S U M M A R I A.

1. Imperium Romanum à Constantino divisum. Eruli Gothique Italia dominantur, à Belisario & Narsese victi expulsiq.
2. Alboinus Longobardorum Rex Italiam subigit. Gregorius Papa Martellum Francorum Regem contra Longobardos implorat, Consulatum offert, & in Leonem Isauricum Italiam armat.
3. Extincto Martello regnum Francie Childerico ademptum & Pipino datum auctoritate Zacharie Pontificis. Stephanus III. Carolina stirpi magnates Francie juramento adstringit.
4. Pipino jus Regium à Stephano confirmatur. Pipinus Aistulphum Regem Longobardorum vincit obsidetq. Pax conditionibus facta. Pipinus iterum cum exercitu in Italiam. Ecclesia Romana amplissimo patrimonio aucta. Copronymi postulata à Pipino rejecta. Moritur.

5. *Carolus & Carlomannus Francia Reges ob nuptias cum Longobarda à Pontifice correpti emendatiq̃. Carolus Magnus Desiderium & Ticinum capit. Romæ excipitur, & ab Hadriano Pontifice amplissimo privilegio donatur. Gracos vincit caditq̃.*
6. *Carolus iterum armatus Romam: Leonem Pontificem vindicat, ab eodem Occidentis Imperator Augustus constituitur: Origo & Regnum Francorum à Germanis.*
7. *Causa, ob quas Imperium Occidentis à Leone Pontifice Francis delatum. Horum in Ecclesiam beneficia. De Regni Francici perpetuitate. Necessitas Imperium in Francos transferendi.*
8. *Carolus cum Irene Imperatrice componit: hujus virtutes & vitia. Et iterum cum Nicephoro Logotheta Imperatore. Pontificis Romani in Reges auctoritas totâ hâc historiâ sa-  
pius ostensa & exercita.*
9. *Auctoritate Pontificis factam Imperij translationem testimonio probatur, etiam Gallorum, & A catholicorum, praesertim confessione ipsius Ludovici Imperatoris.*
10. *Ludovici Maymbourgi de hac re sententia, ejusque rationes: Refutatur testimonijs Basilij, Nicephori, Phoca, Henrici II. Imperatorum: ex annis & calculo Imperij: ex ipsius Maymbourgi & Ludovici Imperatoris confessione: ex Synodo Ticinensi, quam Galli Scriptores agnoscunt. Gal-  
liq̃. Pralati approbant: ex ratione demum, & objectorum solutione.*
11. *Multa in historia Patris Maymbourgi notata. Haecenus dicta brevi dilemmate conclusa & confirmata.*
12. *Imperium auctoritate Pontificiâ in Germanos transit, de-  
munq̃. in familiam Saxoniam.*
13. *Recitatur ipsa Decretalis Venerabilem.*

## I.



Tertius hujus Decretalis *Venerabilem* est singularis, & Innocentium III. Auctorem habet, pro qua intelligenda sciendum est, Romanum Imperium olim Orientem & Occidentem complexum esse, sæpe ab uno, aliquando à pluribus, indivisum tamen, Imperatoribus administratum, donec Constantinus Byzantio ædificato Consules, senatum, & omnia Romæ privilegia eodem transtulit, ac Imperium inter filios divisit, Occidentem Constantino Juniori, & Constanti; Orientem Constantio partitus.

Constantino igitur magno anno cccxxxvii. è vivis sublato; prima divisio Imperij facta, Romanisq̃ue Aquilis duo capita nata: sic tamen scissum Imperium, ut Caesaris utriusq̃ue nomine leges ferrentur, & altero sine liberis functo alter succederet. Immo ab uno sæpe Imperatore utrumq̃ue Imperium administratum est; nam Constantinus, Julianus, Jovinianus soli imperârunt.

Valentinianus anno ccclxiv. Occidente contentus, Orientem Valenti patri suo cessit. Ab hoc tempore usque ad Augustulum Occidentis Imperatorem, hoc est, annum cccclxxvi. duobus Imperatoribus Oriens Occidensq̃ue parebat.

Anno cccclxxvi. Odoacer dux Erulorum, qui populi Scythiæ sunt, religionis Arianæ, in Italiam ab ijs, qui Nepoti Imperatori favebant, invitatus transit, Venetos expugnat, Augustulum prælio victum captumq̃ue abdicare Imperium cogit. Causa occupati ab Odoacre Imperij hæc fuit. Nepos Imperator Orestem Patricium militiæ & copijs præfecerat. Hic majorum avidus, Nepotem Imperatorem in fugam agit, & filio, cui Augustulo nomen, Imperium desert. Qui Nepoti studebant, injuriam suâ & omnium strage ulturi, Odoacrem Erulorum ducem in Italiam vocant. Hic Nepote & Augustulo in Ordinem redactis Imperium capit. Miserrima tunc Ecclesiæ facies sub infidelium dominatu. Italiam, Hispaniam, Africam, Gothi Wandaliq̃ue Ariani, Galliam Idololatræ, Orientem Zeno hæreticus gubernabat.

Anno cccclxxxix. Theodoricus Gothorum Rex, & ipse Arianus, Italiam bello invadit, & cum Odoacrem Ravennæ benignio obsessum non vinceret, Italiam cum illo dividit. Sic Imperio Occi-

Occidentis barbari, Gothi videlicet Wandaliq̃ue magna ex parte potiti. Fuit Theodoricus bello impiger & consulatū, triumphū, ac equestrem statuam à Zenone Imperatore ob bene merita, devictosq̃ue perduelles accepit; immo in filium adoptatus est; sed beneficijs satur, cū Orientale Imperium bello, sed frustra tentasset, in Italiam flexit, meliori eventu. Sunt, qui dicant, auctoritate imperioq̃ue ipsius Zenonis Italiam contra Odoacrem debellandam accepisse.

Anno cccxciii. Odoacrem Regni socium, & ided gravem, ad epulas Theodoricus invitat, & nihil suspicantem obtruncat, missisque ad Anastasium Imperatorem legatis, pacem ab eo, & Italiam impetrat.

Anno dxxiv. Justinus Imperator Arianos in Oriente agit, & Ecclesijs pellere aggreditur. Theodoricus Constantinopolim legatos, & inter illos Joannem Pontificem mittit, Arianis pacem à Justino impetraturos. Pontifex summā omnium gratulatione exceptus, totā civitate cum facibus ad duodecim milliaria obviā effusā. Ejus precibus pax Arianis data, non tamen Ecclesiæ redditæ, quæ causā fuit, ut Theodoricus reducem Papam mori compulerit. Secutæ paullo pōst Boëtij & Symmachi Senatorum cædes, & ipsius Theodorici funesta mors, rotam ab eo tempore vertente fortunā, cū in Joannem Pontificem sæviſſe. Regnum Athalarico Nepoti cessit, matre dum adoleſceret, gubernante.

Anno dxxxiv. Athalaricus corruptis moribus adolescens octavo Regni moritur, & Theodatum Theodorici ex sorore nepotem successorem habet. Hic Amalasuntham Athalarici matrem exilio primū, deinde capite mulctat: cujus necem utpote amicitia & frædere sibi conjunctissimæ vindicaturus Imperator Justinianus, legatos Theodati, qui pacem petebant, domum remittit, & bellum in Gothos parat, ac paullo pōst infert Belisario Duce.

Anno dxxxvii. Belisarius Siciliam, Neapolim, Romam expugnat, debellatis Gothis.

Anno dcli. Totilas cū parvā Gothorum manu bis collatis signis Græcos acie fundit, magnamq̃ue Italiæ partem occupat.

Anno dliii. Totilam victorijs & potenti exercitu ferocem Justinianus Narsese duce vincit cæditq̃ue, & paullo pōst Theiam Gothorum fortissimum. Sic tandem Justinianus Imperator operā

fortissimorum Ducum Belisarij, & Narsetis Africâ Italiâque barbaros pellit, & Occidentem Orienti conjungit, utriq̃ue Imperio uno principe, ut olim, dominante.

Anno DLXVII. Justinus junior per præfectos Italiam gubernare cepit, quos Exarchos dicebant: istorum dominatione oppressa potius Italia, quàm defensa. Hoc eodem anno natæ inter Narsetem Romanosque discordiæ Italiam perdiderunt. Invidebant Narsetis opibus Romani, & ideò apud Justinum Imperatorem, & Sophiam conjugem accuturunt. Justinus missò ad Italiæ præfecturam Longino, Narsetem in Græciam revocat, ubi tantis opibus dicunt affluxisse, ut ingentem cisternam thesauris, quos Italiâ extulerat, impleret, occisis tamen conscijs, ne proderent. Recenti adhuc injuriâ calentem magis magisque incendit scomma Imperatricis, quæ per contemptum jussèrat in gynæceum Narsetem ire, illic cum virginibus lanæ texturum. Ille in vindictam præcepit, missis per legatos opimis frugibus, Longobardos ex Pannonia in Italiam vocat, quam Alboino Duce Saxonum, Bulgarorum, Sarmatarum, Sueuorumque auxilijs præpotente invadunt torrenti similes, Ticinum triennali obsidione captum. Alboinus dolo Rosimundæ uxoris ab armigero, quem amabat, infelicitèr cæsus. Fuere Longobardi Germana gens ad Albim fluvium, ubi nunc Magdeburgum, & Halberstadtium.

Anno DXCi. Longobardi operâ Theodolindæ Reginæ ad fidem Catholicam conversi, & Italia potiti, Ravenna tantum, Romæque exceptis, quæ Græcis adhuc & Exarchis parebant, sed paullo post sub Rege Arioaldo ad Arianos deficiunt.

Anno DCLXIII. Constans Imp. Longobardis bellum, sed frustra motum, Romam venit, & omnia ex arce Urbis monumenta etiam tegulas Constantinopolim transfert. Grimoaldus Longobardorum Rex Catholicam fidem profiteretur.

Anno DCCXII. Luithprandus Rex Longobardorum regni sui initio Romanæ Ecclesiæ confirmat donationem, aut potius restitutionem Alpium Cortiarum (quidquid videlicet ab Alpibus usq̃ ad fines Galliæ continetur) jam nuper ab Ariberto factam.

Anno DCCXXV. Carolus Martellus Francorum Princeps, & regij palatij Præfectus Saracenos Galliæ infusus vincit, deletque, caesis una die cum Rege Abdirama ter centies septuagies quinquies mille:



mille: Gallorum mille quingenti nec plures desiderati. Et iterum in Franciam transire ausos iterum prælio fundit, Avenione recepta, quam occupaverant. Fuit Martellus Pipini Francorum Principis & palatio Præfecti filius ex pellice Alpaide: qui a patre hæres scriptus æmulis (Eudone præsertim Aquitanix Duce) oppressis, Franciam moderabatur.

Anno dccxxvi. Gregorius II. qui tunc Romæ sedebat, victorij Martelli excitatus, se suamque Ecclesiam Franco defendendam committit, ac toties victoris opem, & arma contra persecutores insidiasque Leonis Isaurici implorat, oblato Romæ consulatu. Causa Francos appellandi hæc fuit: Leo Isauricus sævissimis decretis totâ Græciâ sacras imagines profligaverat, ferro, incendio, tormentis in eos grassatus, qui non parebant. Nec Oriente contentus, ferale edictum Romæ promulgar. Hinc omnium animi ad seditionem versi. Gregorius Papa Imperatore toties monito, nec unquam victo, Concilium Romam indicit: illic Leo hæreticus acclamatur, dirisque percutitur, omnique tributo, quod populus pendebat, Gregorij sententiâ privatur. Atque ut vires consilium juvarent, ad Martellum decreta legatio, consulatus, & dona oblata, protectio, auxilium petita. Martellus se in Italiam venturum spondet, præmittitque Abbatem Corbejensem, qui fœdus sanciat, & Romanis auxilium offerat: hæc prælusio Imperij postea in Francos translata. Gregorius Ecclesiâ velut à naufragio in portum collectâ sanctè defungitur. Vide Cedrenum. Zonar. Spondan. Maymburg. lib. i. *hisor. Iconoclasti.* Fredegar. c. 110. in Chron. Ubi: *Eo enim tempore, inquit, bis à Roma beatus Papa Gregorius claves venerandi sepulchri cum vinculis S. Petri, & muneribus magnis, & infinitis, legatione (quod antea nullis auditis, vel visis temporibus fuit) memorato principi destinavit. Eo pacto patrato, ut ad partes Imperatoris recederet, & Romanum consulatum præfato Principi Carolo sanciret.*

Anno dccxxix. Leo Isauricus per Eutychium Exarchum isto cum Luithprando fœdere Romam cum exercitu contendit, Gregorium II. Pontificem maximum capturus. Rex Gregorio obviam progresso ad pedes allapsus veniam sibi, & Eutychio impetrat, aureamque coronam, & arma ad sepulchrum D. Petri, trophæa videlicet reverentiæ ponit.

Anno dccxxxix. Luithprandus Romam repetit, obsidetque, & vastato circum agro Romano, ac inprimis Basilicâ D. Petri

exercitum reducit. Causa belli, quod nollet Gregorius III. Transamundum Ducem Spoletanum tradere, quem Regis crudelitatem fugientem hospitio acceperat. Hinc Longobardorum fortuna oc-  
casum spectare.

Anno DCCXL. Gregorius III. semel iterumque Martellum urget. Luithprando jam urbi imminente, & extrema parante, bis in litteris ad eum datis *Filium Christianissimum appellat*, quem titulum, velut immortale Religionis elogium, Galliarum Reges deinceps observâtunt. Martelli præmatura mors expeditionem morata est. Princeps inter felicissimos numerandus, si bonis Ecclesiasticis manum abstinuisset, hac enim de causa funestâ morte consumptus est; de anima litigante adhuc historiâ. (a) Reliquit Martellus duos filios Pipinum & Carlomannum. Hic Romæ Monachum induit, Pipino & palatium & Regnum moderante, auctoritate regiâ, non nomine; sic enim multis jam annis factum, ut Regibus orium & delitiæ, Magistro palatii vires & auctoritas cederent. Audi Eginhardum Carolo magno à Secretis ejusque comitem individuum, sic enim scribit; *Opes & potentia Regni penes palatii præfectos, qui Majores Domûs dicebantur, & ad quos summa Imperij pertinebat: Neque Regi aliud relinquebatur, quam, ut Regio tantum nomine contentus crine profuso, barbâ submissâ, solio resideret, ac speciem dominantis effingeret, legatos undecumque, venientes audiret, eisq; abeuntibus responsa (qua erat doctus vel etiam jussus) ex sua velut potestate redderet: cum præter inutile Regis nomen, & precarium vita stipendium, quod ei præfectus aula, prout videbatur, exhibebat, nihil aliud proprij possideret, quam unam & eam præparui redditus villam, in qua domum, ex qua famulos sibi necessaria ministrantes, atque obsequium exhibentes pauca numerositatis habebat. Quocumq; eundum erat, carpento ibat, quod bubus junctis, & bubus rustico more agente trahebatur; sic ad palatium, sic ad publicum populi sui conventum, qui annuatim ob Regni utilitatem celebrabatur, ire, sic domum redire solebat. Ad Regni administrationem, & omnia, quæ vel domi vel foris agenda ac disponenda erant, præfectus Aula procurabat.*

Anno DCCLI. Pipinus Romam ad Zachariam Pontificem Legatos mittit, qui expositâ Childerici Regis inter otia marcentis vecordiâ, populorum consensu Pipinum Regem exoptantium: Regni & Ecclesiæ periculo sub principe imbelli, rerumque omnium negli-

(a) V. epist. S. Bonif. ad Athelbald. Merciorum Regem, & Spond. ad Annum 744.

negligente; Regnum transferri in eundem Pipinum rogant, solutis Francis eo Sacramento, quod Childerico dixerant ultimo Meroveicæ stirpis: *Hoc omnium esse votum, qui pro stupido, pacisq; & belli ignaro principe, alium sapientiâ, victorijs, gloriâ florentem cuperent.* Res diu Romæ agitata. Zacharias tandem Francos juramento solvit, suâque auctoritate, & Procerum consensu Regnum Pipino defert. Tantumque abstuit, Gallos obniti, ac Zachariæ adversari velut inconcessa tentanti, ut potius id ipsum expererent, acceptarentque concordibus votis, pari in Pipinum amore & in Pontificem reverentiâ; pater ergo, quænam fuerit eo temporis sententia Ecclesiæ Gallicanæ. Et ne ulla dubitandi ratio supersit, dabimus Authorum omni exceptione majorum verba, & ea tam clara, ut negari à nemine possint.

Eginhardus perpetuus Carolo comes, eique à Secretis, quiq; non audita solum & præterita, sed visa & præsentia scribebat: (a) *Gens, inquit, Merovingorum usq; in Hildericum Regem, qui jussu Stephani Romani Pontificis depositus, ac detonsus durasse putatur. Et intra: Pipinus per jussionem Romani Pontificis ex Præsædo Palatii Rex constitutus est: Et in Annalibus. (b) Burkardus Wirzburgensis Episcopus & Jalsvaldus Presbyter Capellanus missi sunt Romam ad Zachariam Papam, ut consulerent Papam de causa Regum: per quos prædictus Pontifex mandavit; melius esse, illum vocari Regem, apud quem summa potestatis consisteret; dataq; auctoritate sua jussit Pipinum Regem constitui. Et alibi ad Annum 750. Hoc anno secundum Romani Pontificis Sanctionem Pipinus Rex Francorum appellatus est. Nota, hanc translationem ab Eginhardo jam Zachariæ, jam Stephano tribui; quia illam uterque promovit; nam Zacharias initium fecit; Stephanus verò ad exitum perduxit, ac ultimam manum imposuit; eodem quippe anno, quo Zacharias Pipinum Regem jussit, & Francos sacramento absolvit, ipse vitam finivit. Stephanus verò jus Regium Pipino & filijs confirmavit, ut postea videbimus; unxitque, & coronam imposuit.*

*Annales Laureshamenses ad Annum 749. Hoc anno secundum Romani Pontificis sanctionem Pipinus Rex Francorum appellatus est; & mox Francorum elevatus in solum Regium Sueffione.*

Y 3

Anna-

(a) Eginhard in Vita Caroli M. ab initio.

(b) Et in Annalibus ad Annum 749. & 750. Obijt Eginhardus Anno 843. juxta Chronol. Bollandi Tom. 2. Jan. f. 875.

Annales Fuldenſes : *Zacharias Papa ex authoritate S. Petri mandat Populo Francorum, ut Pipinus, qui poteſtate Regia utebatur, nominis quoqꝫ dignitate frueretur.*

Annales Loifeliani ad Annum 749. *Per Authoritatem ergo Apoſtolicam juſſit (Zacharias) Pipinum Regem fieri. . . . Pipinus ſecundum morem Francorum eſt electus ad Regem, & unctus per manus S. Bonifacii, & elevatus à Francis in Regno ſuo &c.*

Sigebertus ad Annum 750. *Pipinus Princeps authoritate Apoſtolica & Francorum electione à S. Bonifacio in Regem conſecratur.*

Fredegarius (a) ad Annum 751. *Quo tempore una cum conſilio & conſenſu omnium Francorum miſſa relatione; à Sede Apoſtolica, authoritate percepta præceſſus Pipinus electione totius Francia in ſedem Regni ſublimatur.*

Rhegino in Chronico : *Juſſit Papa per authoritatem Apoſtolicam Pipinum Regem creari, ne perturbaretur Chriſtianitatis ordo.*

Otto Friſingenſis (b) Imperatorum Nepos l. 5. c. 22. & 23. *Zacharias conſultus reſpondit, & ipſius authoritate Pipinus à Bonifacio Archiepiſcopo Moguntino & alijs Regni Principibus in Regem eligitur. Et ad Annum 754. Pipinus à Stephano Papa I. à fidelitatis ſacramento, quod Hilderico promiſerat, cum alijs Regni Francorum Proceribus abſolvitur.*

Theophanes l. 22. *Stephanus in Franciam veniens Pipinum provehit in Regem, virum probatiſſimum.*

Abbas Urſpergenſis (c) ad Annum 743. *Pipinus ex Præſeſſo Palatii authoritate Apoſtolica ſublimatus, & unctus in ſedem Regni; regnavit Annis 15. abſolutus per eundem Stephanum Papam à juramento, quod Regi Childerico cum cæteris Regni Primoribus fecit. . . . Zacharias verò Papa ſuper hujusmodi negotio conſultus remandavit, melius eſſe, eum vocari Regem, apud quem ſumma poteſtas conſiſteret, dataqꝫ authoritate ſua Pipinum Regem juſſit conſtitui.*

Ludovicus II. Caroli M. Pronepos, qui res in familia ſua geſtas, recentesqꝫ ignorare non poterat; in Epiſtola ad Baſilium Orientis Imperatorem: (d) *Matrem omnium Eccleſiarum Dei, Romanam videlicet Eccleſiam, defendendum ſuſcepimus, ex qua & regnandi prius, & poſtea imperandi authoritate proſapia noſtra ſeminarium ſumpſit; nam Francorum Principes primò Reges, deinde verò Imperatores dicti ſunt, ij duntaxat, qui à Romano Pontifice ad hoc oleo ſancto perfuſi ſunt.* Schaf-

(a) Floruit Fredegarius Sæculo 8.

(b) Obijt Friſingenſis Anno 1158.

(c) Floruit Sæculo 11.

(d) Ludovicus Imper. epiſt. ad Baſil. Anno 871. & habetur apud Baron.

Schafnaburgensis in Historia Germanica: *Pipinus Decreto Zachariae Papa per unctionem S. Bonifacii Rex appellatus est.*

Hermannus contractus in Chronico ad Annum 752. *Pipinus auctoritate Stephani Papa deponso ac deposito Hilderico Rex Francorum factus est.*

Albertus Crantzius: (a) *Merito Summus Pontifex & Gallorum Rex mutuis se attollunt favoribus, quando ab initio hac Sedes domui Caroli hoc praestitit, ut Regiam haberet dignitatem.*

Carolus Sigonius: (b) *Rogatus à Pipino Decretum pro Magnitudine potestatis interposuit, quo Regnum Childerico abrogavit, & Francis Sacramenti religione soluit, ut Pipinum Regem substituerent, author fuit.*

Paulus Aemilius rerum Francicarum Scriptor accuratissimus: *Pipinus ad Zachariam Pontificem mittit, ut Franci solverentur iurijurandi religione, qua se Childerico devinxerant, & tandem Francos sacramento Regi Childerico dicto solvit.*

Præter jam citatos Autores videndi sunt Aimoinus de Gestis Francorum l. 4. c. 6. Gaguinus l. 3. Chronici. Sabellicus Enneade 8. l. 8. & Spondanus ad An. 751. alijque, qui iisdem ferè verbis hanc translationem describunt. Ex quibus simul Maymburgum apertissimè refutes, qui Tractatu de Ecclesia Romana c. 29. f. 404. solum consilium à Pontifice petatum fuisse, datumque asserit. At authorum, quos citavimus, verba nimis clara sunt, nec cavillatione ulla obscurari possunt; laudati enim Scriptores non solum à Francis petatum fuisse consilium dicunt; sed etiam Zachariam & Stephanum solvisse Francos juramento, auctoritate sua jussisse, sanxisse, imperio Pontificis Childericum depositum esse, quæ omnia non consilium tantum, sed præceptum & imperium sonant.

Anno DCCLII. Moritur Zacharias, qui ut pietatem & beneficia Regum Francorum præmio aliquo donaret, Pipino nominationem Episcoporum ad Ecclesias vacantes concesserat teste Lupo Abbate Monasterij Ferrariensis in Gallia epist. 81. Spondano ad ann. DCCLII.

Anno DCCLIII. Aistulphus Longobardorum Rex Ravennâ, totoque Exarchatu potitus, Romanas ditiones vastat, & Urbi, cuius occupandæ cupidissimus erat, bellum inferre parat. Stephanus III. Constantinopolim ad Copronymum Imperatorem legatos mittit,

(a) Crantzius l. 1. Metrop. c. 14.

(b) Sigonius de Regno Italiæ ad An. 750.

mittit, qui auxilium & arma peterent reliquijs Imperij defendendis. Verba legatis data, Copronymo nullum aliud bellum, quàm cum Sanctis eorumque imaginibus agitante. Stephanus ad preces & munera conversus barbarum Aistulphi animum placare aggreditur, sed frustra: immo adjecit minas, se ferro & igni Romam deleturum, nisi Longobardos admitterent. Quid faceret Papa tam vicinâ pernicië? Pipinum compellat. Missi continuò legati Rodigangus Episcopus & Ancharius Dux, qui Stephanum in Franciam deducerent: nec unquam oportunius auxilium jam Urbem Longobardo cingente. Soluta continuò reverentiâ & metu Franci obsidio. Stephanus à Legatis Pipini ad Aistulphum deductus, à quo petitâ, nec impetratâ cum Exarchatu Ravennâ in Franciam contendit: illic omni honore cultuque exceptus, Rege unâ cum liberis, & uxore non tantùm obviâ progresso, sed etiam alioquoque Pontificis equum comitante.

IV. Anno DCCLIV. Stephanus Papa jus Regium Pipino confirmat, filios coronat, & traditâ sibi à DEO potestate, Franciæ proceres juramento adstringit, nunquam ex alia quàm Pipini, hoc est, Carolina stirpe Reges admissuros. Agebat tunc Pipinus Lutetiæ Parisiorum in Gallia. (a) Eodem hoc anno Pipinus Stephani hortatu, qui bello abhorrebat, missis legatis Aistulphum urget, Ravennam, Exarchatum, & injustè occupata restitueret, nec bellum exspectaret. Sed surdo obstinatoque ad postulata barbaro, cum valido exercitu in Italiam movet: Aistulphum in Alpium faucibus occurrentem caedit, fugatque, & Papiâ inclusum obsidet. Stephani rogatu, quem humani sanguinis cadionique expugnatâ urbe pœnitebat, pax cum barbaro ijs conditionibus facta, ut Ravennam aliasque civitates redderet, & fidem juramento adstringeret. Pipinus Victor in Galliam redit duplici triumpho auctus, & quòd gentem hæcenus bello invictam domuisset, & quòd Deo, non sibi militasset, exemplo in Regibus raro, sed glorioso.

Anno DCCLV. Aistulphus paëtorum, fidei, ac juramenti negligens, in Urbem & Pontificem se armat. Ferro, igni, rapinis omnia vastata: Virgines etiam sacræ stupris sædatæ: incensa templa, infantes in matrum amplexibus sinuque confossi, omnique crudelitatis genete sævitum, & Romam exercitus admoti. Stephanus

Pipino

(a) Vide Anastasium in Stephano III. Theophanem lib. 22. & epist. Ludov. pij Imperatoris in Areopagiticis. Spondan. ad hunc annum.

Pipino iterum supplex; missæque in Galliam litteræ dolore, precibus, querelis mixtæ, quæque non Regem tantum pietatis & gloriæ avidum, sed scopulos traxissent. Pipinus ergo iterum in Italiam cum exercitu. Aistulphus in Alpium angustijs fusus & Ticini obsessus: nec prius venia data fœdusque compositum, quàm Ravennam, Exarchatum, aliasque civitates omnes, Ariminum, Pisaurum, Anconam, Auximum, Urbinum, Rhegium, Mantuam, Ducatus Spoletanum & Beneventanum redderet. (a) quæ omnia Romano Pontifici à Pipino donata, & claves per legatos missæ, quas Pontifex velut munus agnosceret, non sibi, sed Petro datum, sepulchro Apostolorum imposuit. Paulo post à Copronymo Imperatore legati adfuerunt, qui victoriam Pipino gratulati, Exarchatum (partem videlicet Imperij) repetebant. In castra admissi, auditique & à Pipino magnificè responsum: *Græcorum Imperatores à Pontifice Maximo, à senatu, ab Italia tota, à se ipso sape & repetitis legationibus rogatos, ut Italiam à barbaris defenderent, nec tantum non defendisse, hostium furori, & rapinis expositam desertamq; ab ipsis insuper Imperatoribus, qui tueri debebant, eorumq; præfectis miserrime afflictam esse. Pontifici maximo Vicario Christi insidias structas, & quod barbari non fecerant, sapius in vitam conspiratum esse: Religioni palàm per edicta & supplicia illusum: & denique in Italia non tanquam in disione Imperij, sed hostili terra à Græcis servitum.* Venisse ergo in Italiam cum armis Pipinum, non ut Græcis Provinciam, sed ut oppressos & innocentes latronibus eriperet. Quam Imperatores Græci pro devicta habuissent, à se justè occupatam, & cum possit retinere, Deo tamen donasse, à quo & Victoriæ agnosceret, & cum Gallia tot Regna accepisset, ut Italiâ non indigeret; se ut victorem, non prædonem adesse; nec spolij, sed gloria & pietati militare: irent, referrent Copronymo, non prius spem in Italiam & reditum illi fore, quàm cum gladio, quem pro Ecclesiâ Pipinus accinxerat, transieisset.

Anno DCCLVI. Desiderius extincto Aistulpho, à Longobardis in Regem eligitur annitente Stephano, cui omnia promiserat.

Anno DCCLXVIII. Moritur Pipinus, duosque filios Carolum & Carlomannum relinquit, inter quos Regnum Franciæ divisum.

V. Anno DCCLXX. Bertruda Caroli & Carlomanni mater in Italiam profecta, duobus filijs Regibus, duas Desiderij filias jungit: quod ubi Stephanus IV. Papa, intellexit, litteras & Legatos in

Z

Frân-

(a) Vide Leonem Ostiensem hist. Cassin. l. 1. c. 7. Maymb. l. 2. hist. Iconoclastæ



Franciam mittit, quibus excommunicationem regijs fratribus intentat, nisi matrimonium continuò abrumpant: Non posse nuptijs jam innexos alias jungere. Hoc cum Longobardis connubio Franciam, & Religionem periclitari; feminas enim maritis, Regnis, & antiqua pietati fatales fuisse: sumpturos animum Longobardos & Regiâ affinitate nixos, crudelius, quàm sub Pipino Ecclesiam vexaturos. Clausula litterarum flammæ & doloris plena hæc fuit: Præsentem igitur exhortationem nostram atque adjurationem in confessione Beati Petri ponentes, & sacrificium super eam, atq; hostias Deo nostro offerentes vobis cum lacrymis ex eadem sacra confessione direximus, & si quis (quod non optamus) contra hujusmodi nostra adjurationis, atque exhortationis seriem agere presumpserit, sciat se auctoritate domini mei Beati Petri anathematis vinculo esse innodatum, & à Regno DEI alienum, atque cum diabolo, & cæteris impijs æternis incendijs concremandum deputatum. At verò qui observator & custos istius nostre exhortationis exstiterit, æternis prætoriorum gaudijs cum omnibus Sanctis & electis DEI particeps effici mereatur. Præpotuit hæc Pontificis monitio apud Carolum, qui sequenti anno Bertham Desiderij filiam thalamo abdicavit, nuptijs etiam impotentem. Hoc repudium quantumvis Papæ, & Episcoporum judicio factum quàmplures in Gallia offendit, qui pietatem rerum ignorantia prætexebant.

Anno DCCLXXI. Moritur Carlomannus, cujus uxor filia Desiderij Regis unâ cum liberis ex eo susceptis ad patrem refugit: & Carolus ex decreto Episcoporum, atque Optimatum totius regno Franciæ potitur, exclusis ex fratre Rege nepotibus. (a)

Anno DCCLXXIII. Desiderius Longobardorum Rex Italiæ totius dominium animo agitans, Ecclesiæ ditiones populatur, Exarchiam Ravennatem occupat, & Romam cum exercitu contendit. Causam belli præter dominandi votum, hanc referunt annales, quòd Hadrianus Papa Caroli ex Desiderij filia nepotes nolleret Reges consecrare, habilesque paterno regno, cujus tunc Carolus potiebatur, reddere. Dabimus verba Pauli Emiliij Gallicarum rerum scriptoris in vita Caroli Magni prope initium: Longobardus, inquit, contendebat, ut, cum manu Summi Pontificis non modò Pipinus, sed & Carolus, & Carlomannus inuncti fuissent, eorumq; soboli jus regnandi datum à Francis, Hadrianus Pontifex Carlomanni liberos, eosdem Pipini nepotes, Reges appellaret, inungeretque, quod ejus judicium sanctum apud

(a) V. Adelmum in annal. Regum Franc. ad hunc annum,

*Tertius Textus Canonicus ex c. venerabilem 34. de Electione. 179*  
*apud Francos fore non dubitaret, Regnumq; paternum ad adolescentulos redi-*  
*turum.*

Hærebat interim Constantinopoli Copronymus Imperator Italix suæ immemor negligensque. Exarchi, ut in alieno fieri amat, otio & præsentibus fruebantur delitijs futurorum incurij. Hadrianus ergo pontifex Maximus Carolum Regem implorat, qui florentissimis armatorum copijs cinctus binâ clade custodijs cæsis, Alpes penetrat, Desiderium ejusque exercitus in fugam avertit, ipsumque Ticino includit. Sequenti anno sedente ad Ticinum exercitu Carolus cum regni sui Ducibus Romam profectus, illic Paschalia agitat, donationem à Pipino factam suâ omniumque Regni Ordinum auctoritate confirmat, Ticinum redit, sextoque mense obsessum, morbo in Longobardos grassante tandem expugnat. Desiderius cum uxore captus Leodium deportatur. Aldagisus filius maritimo itinere Constantinopolim evadit, ubi à Copronymo humaniter acceptus, & Patricius factus. Hic Regni Longobardici occasus fuit sexto supra ducentissimum, quàm capisset anno. Gallicis præsidij omnia firmata, Carolus novo Regno auctus, & Ecclesia metu hostis tam præpotentis sæviq; tandem liberata, & velut post longam tempestatem in portum appulsa est.

Refert Sigebertus in *Chronico*, quod scripsit anno MCXII. Carolum capto Ticino Romam profectum, ibique in synodo centum quinquaginta trium Antistitum ab Hadriano jus accepisse summum Pontificem eligendi, omnesque Archiepiscopos & Episcopos investendi: quod ex Sigeberto totidem verbis exscripsit Gratianus in *c. Hadrianus 22. distinct. 63.* quæ tamen à nullo ante Sigebertum memorix tradita, ne illis quidem, qui vitam & gesta Caroli ad annos singulos scripsere. Immo affirmant omnes eum Ticino capto non Romam, sed in Franciam celeriter profectum Saxones debellaturum. Et Eginhardus, qui Carolo à secretis fuit, expresse habet Carolum non nisi quater Romam profectum, hoc videlicet anno in expeditione Longobardica; & DCCCLXXX. Voti causâ; & DCCCLXXXVI. contra Ducem Benevantanum; & DCCC. quando Imperator à Leone III. est renuntiatus. Sed cui bono Sigebertus hoc fingeret? audi Morerum in suo Dictionario Gallico & ipsum Galium in vita Sigeberti: Sigebertus, inquit, Henrico IV. contra Gregorium VII. Urbanum II. Paschalem II. Summos Pontifices adbasit, qua causa illi fuit,

ut multa scriberet, non in præjudicium tantum sedis Apostolica, sed etiam falsa & peiulante effusa. Vide etiam Spondanum aequè Gallum ad annum DCCLXXIV. num. 3. quæ ad eundem annum etiam Baronij sententia est. Sed pace eminentissimi Baronij, cui omnem venerationem meritò proferimus; veriùs videtur Canonem Hadrianus: legitimum omnino esse, cum habeat canones alios consonantes videlicet. *c. in Synodo 23. distinct. 63. c. Ego Ludovicus 30. eadem distinct. & Gratianum ad c. sacrorum Canonum eodem loco*: quos omnes falsitatis arguere, & est difficile, alijsque idem faciendi exemplum præmunire, & toti Decreto auctoritatem ac fidem abrogare: maxime cum hoc privilegium ab Hadriano Imperatori concessum, à Ludovico & Ottone I. Ecclesiæ remissum fuerit, illique renuntiatum, ut patet ex *c. ego Ludovicus, distinct. 63. & sequentibus*. Neque hoc est absurdum, electionem Papæ fuisse Imperatori concessam; licet enim potestas & jurisdictio papalis non proveniat ab homine, vel eligentibus, qui potestatem, quam ipsi non habent, alijs concedere non possunt. *Reg. 79. in 6.* Sed à solo DEO immediatè. *c. novit de judicijs*. Nominatio tamen & designatio personæ est ab homine, subiacetque humano Juri, & sæpè pro temporum ratione quoad modum designandi, vel eligendi personam variatum est, ut patet ex *c. in nomine, distinct. 33. c. nosse, distinct. 63. c. licet, de electione. c. ubi. eodem in 6.*

Anno DCCLXXVI. Aldagifus Desiderij filius classe à Græcò acceptà in Italiam solvit, cujus advenientis famà excitatæ Longobardorum reliquæ: inter alios Rogaudus Forojuliensium Dux arma contra Gallos capit, & exercitum ducit. Sed Carolus in Italiam pervolat miræque celeritate Rogaudum in ipso belli apparatu opprimit, cæditque. Aldagifus desperatis jam rebus, Regni que repetendi spe omni consumptà in Græciam vela facit.

Anno DCCLXXXVIII. Simultas inter Francos Græcosque prorumpit. Imperabant Orienti Constantinus & Irene mater, qui auditis Caroli victorijs non tantum de Italia repetenda, Græcis erepta, nihil cogitabant, sed insuper legatos in Galliam miserant, qui & victori gratularentur, & ejus filiam Rotrudem Imperatori peterent, pacemque inirent; quæ omnia à Carolo benignè præstita, eoque magis, quod speraret posse hisce nuptijs Orienti Occidentem conjungi. Sed Irene potentiam Caroli verita, timensque

ne Francos semel admissos excludere numquam Imperio posset, sibi que commune cum filio sceptrum excuterent; nuptias subito abruptis, filioque quantumvis invito, & alijs amoribus flagranti Armenam jungit, Mariam nomine, & Carolum invadit auctore belli & Duce Aldagiso Desiderij filio. Sed victi omnes fortunâ & virtute Caroli; Aldagisus interemptus, & ita ultimæ Regni Longobardici favillæ in ipso micandi conatu penitus extinctæ bellumque in Græcos aversum.

Anno dccxcv. Hadrianus Papa deletis Longobardis florentequè Italiâ moritur. Eâdem die Leo III. mortuo suffectus tanto omnium consensu, & virtutum, quibus præfulgebat, admiratione, ut Hadrianum obumbraret; hinc nata invidia & conspirationes.

Anno dccxcix. Paschalis & Campulus Hadriani Nepotes Leonem III. publico ritu litanias majores obeuntem cum armatorum manu invadunt, & in terram dejecto oculos effodiunt: sed eâdem nocte à Beatis Apostolis sanitati redditus, elusis custodijs Paderbornam ad Carolum evadit, ejusque armis se, mitramque vix capite hærentem committit. Humanissimè à Carolo exceptus, & cum magno optimatum & Antistitum numero Romam præmissus, Rege mox secuturo. (A)

VI. Anno dccc. Hic tandem est annus, quo Imperium Occidentis in Francos translatum est, & cujus nostræque Decretalis causâ hanc narrationem suscepimus. Hoc igitur anno Carolus cum exercitu in urbem venit, non tam Leonis, quàm Christi injurias vindicaturus. Nunquam Romæ tantum exterorum mortaliū fuit, duo maxima Orbis capita videre cupientium. Carolus indicto in Ecclesiam D. Petri omnium Optimatum & Præsulū Franciæ Italiæque conventu causas aperit, ob quas armatus in Italiam venerit. Dein criminatores Leonis producti auditique: cùm subito omnium Antistitum Magnatumque in hæc verba orta conclamatio: *Nos Apostolicam sedem, qua est caput omnium DEI Ecclesiarum, judicare non audemus: nam ab ipsa nos omnes & Vicario suo judicamur, ipsa autem à nemine judicatur, quemadmodum antiquitus mos fuit: sed sicut ipse summus Pontifex consuevit, jubeat, & canonicè obediemus.* Spondanus ad hunc annum. Dabimus etiam verba Pauli Æmilij in histo-

ria Catoli Magni lib. 3. *Rerum Franc. Cogniturus de Leone Pontifice venerat Rex, cum igitur ad cognoscendam causam confedisset, qui in Pontificem maximum manus injecerant, alienis criminibus audaciam seq. tegentes, ultro eum accusabant. Carolus quasitor, Leo idem & accusator & reus. Conjuratores utrumq. & accusatores & rei. Francus dici, recitari, perorari jubebat: haftenus silentium actum. Cum vero ad rogandas sententias descendit Rex, tunc demum patientia silentiumq. ruptum, ac omnis simulatio deposita. Episcopi magis sacrosancta potestatis, quam Regia Majestatis memores, consentienti ore reclamavere: summum optimumq. Regem esse Carolum: sed cui nam tandem de Pontifice maximo iudicium facere fas esset? Susciperet Leo in gremium causam suam: quiq. in ceteros clavium jus haberet, de se quoque ipse incorrupte judicaret, solo Numine vel teste conscientia, vel vindice. Idem pluribus citatis refert P. Maymburg. ad annum DCCC. in hist. Iconoclast. Leo igitur sibi jus dicturus ambonem conscendit, tactisque sacris Evangelijs, solemni jurejurando innocentiam suam probavit: omnium secuta gratulatio, & perinde ac oraculo cœlis lapso fides Vicario Christi habita. In Sicarios, qui manus Pontifici intulerant, velut Majestatis reos sententia capitis dicta, sed rogante Pontifice exilio mutata. Agebatur dies Natali Domini nostri sacra, & plateas omnes infinita vis mortalium occupaverat, Rege ad sepulchrum D. Petri processuro. Palatio prodijt Francia Italicaque nobilitatis flore stipatus, vultu grandi & Majestatis pleno: vibrantibus oculis, & radio quodam, qui venerationem juxta & amore provocaret, aspersis: promissâ comâ, vultu roseo, lentoque incessu, & qui heroem deceret. Paludamentum humeris injectum ex auro textili multoque adamante adstrictum. Sic per longos spectantium & acclamantium ordines progressus ad tumbam D. Petri in genua procidit. Post longas preces surgenti Leo Papa diadema auro & margaritis grave imposuit, ac Imperatorem Augustumque salutavit. Secuta velut ex condicito Senatûs Populiq. Romani apprecatio confusis vocibus acclamantium: *Carolo piissimo Augusto à Deo coronato, Magno, Pacifico, & Imperatori Romanorum visa & victoria.* Unctio sacra à Leone coronationi addita, sparsum in populos aurum: & sic tandem in Francos Imperium perlatum auctoritate Leonis III. Pontificis maximi, & Senatûs Populiq. Romani consensu.*

Francorum, si Paulo, Emilio credimus, origo hæc fuit. Caprâ incensâque Trojâ nobilissima civium manus Duce Francione ad Mæotin paludem confedit, illic conditâ civitate. Ex his sedibus Duce Marcomiro in eam Germaniæ partem, quæ nunc Franconia appellatur, concessit, eâque occupatâ Faramundum primum apud historicos Regem habuit (nam Reges jam multò antè habuisse certum est) sicque Francorum Regnum in Germania est natum: quod post Ciceronem ad Atticum testatur etiam D. Hieronym. *inter Saxones videlicet, & Alemannos Franciam incolæ non tam latam quàm validam.* Et Paulus Æmilii, qui res Francicas in Gallia scripsit, uti apparet ex Epigrammate historiæ præfixo: *Manifesta, inquit, fides est Franciam Franconiam esse, & indidem ortos, qui Francorum postea in Galliis confédere.* Quæ causa est, ut Innocentius III. in *c. Venerabilem 34. de electione*; & Clemens V. *Clement. unicâ. de iurajurando* dicant, Imperium à Græcis ad Germanos translatum fuisse in persona Magnifici Caroli, quem tamen *ex c. ego Ludovicus distinct. 63.* constat fuisse Regem Francorum: quod omnes etiam historici tradunt, ut appareat & Francos Germanam fuisse Gentem, & Carolum Germaniæ imperâsse, immo in Germania natum esse, quod manifestum est, ex nominibus quæ ventis & mensibus germanicè imposuit, teste Eginhardo *in vita Caroli.* Sub Probo Imperatore suos in Gallia à Romanis interemptos vindicaturi totum penè Romanum Imperium terrâ marique Franci incursârunt, captis Syracusis. A Constante, cum Gallias invadere parant, victi, & Romanis fœdere juncti, tandem patrium solum egressi, Duce Clodione, circa annum Christi ccccxv. Rhenum transmittunt, in Treviros & Gallias penetrant, & sub Marciano Imperatore anno dclvi. ductu Childerici Francorum Regis feliciter Galliæ sæpius occupatæ perditæque potiti Regiam Parisiis figunt, testibus Siegebertho *in Chronico* & aliis *S. Genevesa.* Spondano ad annum cccclvi. *P. Maymb. de la decadenze l. i. f. 4.* Sub Clodovæo Rege mirum, quantum Francica potentia & Regnum excrevit: cum enim Alemanni, hoc est, Germani, qui Rheno à Gallis, Alpibus ab Italia dividuntur; Sicambros Francorum Socios bello vexarent, Clodovæus Alemannis acie & miraculo victis, eorumque Rege occiso Alemanniam Regno Francico adjunxit. Sed regnante Carolo, de quo nunc agimus, res Francica ad summum potentie gloriæque pervenerat, Boiariâ, Italiâ, Sclavoniâ, Dal-

Dalmatiâ, Istriâ, Daciâ, quæ Walachiam, Moldaviam, & Transylvaniam complectitur, Pannoniâ totâque Germaniâ, quæ Rheno, Danubio, Oceano septentrionali, & Vistulâ fluvio continetur, in potestatem redactis, & aliquâ insuper, citra Iberum amnem, Hispaniæ parte; ut planè dignissimus tunc fuerit Carolus, cui tot victorijs, & pietate insigni Imperium deferretur.

VII. Et fuerunt omnino causæ quàm plurimæ, quæ hanc translationem Leoni Pontifici Maximo in Francos persuaserunt. Summa erant in Romanam Ecclesiam Regum Franciæ merita, quæ jam præcesserant. Clodovæus morti proximus coronam auream, gemmisq; se distinctam, quam Regnum vocant, B. Petro dono miserat, quasi Francorum Regnum Ecclesiæ defendendæ oppignorâset. Hincmarus in vita S. Remigij. Eisdem Francos tot jam Pontifices, cùm periclitabantur, appellaverant, Pelagius, Gregorius, Stephanus, Adrianus, Leo, felici semper eventu. Pipinus bis in Italiam cum exercitu descenderat, sedemq; Romanam à barbaris jam ultimò expectantem liberaverat, donatisq; amplissimis patrimonijs ex serva Reginam fecerat. Carolus ipse in præfatione ad sua capitularia inter alios titulos hunc velut maximè regium suo nomini præfixerat: *Carolus Rex Francorum devotus S. Ecclesiæ defensor, humilisq; adjutor.* Et ad Episcopos Hispaniæ in litteris contra hæresin Nestorianam: *Carolus Rex Francorum & Longobardorum, Patricius Romanorum, filius ac Defensor sacra & Romana Ecclesiæ;* & in testamento filijs Regibus ante omnia mandavit, curam & defensionem Romani Pontificis susciperent. Verba testamenti sunt: *Super omnia autem jubemus, ut ipsi tres fratres curam, & defensionem sancti Papa simul suscipiant, sicut quondam ab avo nostro Carolo, & beata memoria genitore Pipino, & à nobis postea suscepta est, ut eum cum omni adjutorio ab hostibus defendere nuntur.* Quod testamentum, eoq; contentam Regnorum inter filios divisionem Leoni III. per Eginhardum à secretis confirmandam postea transmisit. (a) Idem deniq; Carolus jam quartâ vice armatus in Italia & pro Ecclesiâ stabat; cui ergo Imperium Occidentis majori jure, majoriq; merito Pontifex deferret? Accedebat j m à tempore D. Augustini vulgatum inter Patres Vaticanum: *Francorum Regnum perpetuum fore, nec ante mundi finem desitum.*

(a) Aimoinus lib. 4. c. 94. Ado Viennensis in Chronico. Spondanus ad Annum DCCCVI.



*rum.* Meminit hujus Vaticinij D. Augustinus in libello de Antichristo. *tom. 9.* Quæ omnia si cessarent, necessitas tamen extorquebat omni ratione major. Quis enim tunc temporis Romanam Sedem arcemque Religionis contra Barbaros Græcosque alius tueretur? Orientis Imperium olim sub Theodosio totâ Asiâ, Africâ, & Europâ florentissimum jam Barbari majori ex parte obtinebant, Bulgari videlicet, Avars, Saraceni. Vix tanti dominatûs reliquias in minori Asiâ, Thracia, Græcia, Macedonia Imperatores Græci possidebant, & hanc ipsam tantulam partem hæreses multæ, sævæ, cruentæque vastabant, & præsertim Iconoclastarum, quæ à Leone Isaurico nata, per Constantinum Copronymum, & Leonem Armenum Imperatores ducta, plus Catholici sanguinis haurierat, quàm sub Cæsaribus ethnicis antiquæ persecutiones: nec contenta Orientem corrupisse, per edita & insidias Exarchorum in Occidentem & Italiam devolabat, summo Religionis discrimine. Accedebant domesticæ clades, discordiæque, Irene Imperatrice cum filio Constantino de Imperio pugnante. Solus ergo, qui pulsata tot periculis Ecclesiæ subveniret, Carolus Magnus supererat, & vicinus & potens, & pietate potentiam æquante. In hunc igitur summa rerum deposita est, præstirumque juramentum, cujus forma in libro Rituum habetur, & videri potest apud Spondanum anno DCCC. n. 3.

Hiems Romæ à Carolo acta, resque Urbana & Italica curata: leges etiam ab illo editæ, quas viginti tribus capitulis comprehendit, inter quas una habetur *Can. 3. distinct. 19.* in hæc verba: *In memoriam B. Petri Apostoli honoremus sanctam Romanam & Apostolicam Sedem, ut, quæ nobis sacerdotalis mater est dignitatis, esse debeat Ecclesiastica magistra rationis. Quare servanda est cum mansuetudine humilitas, ut licet vix ferendum ab illa sancta Sede imponatur jugum, tamen seramus, & piâ devotione toleremus.*

VIII. Româ profectus Carolus Aquisgrani Legatos Irenes Imperatricis audit, nuptias & pacem ferentes. Rerum in Oriente potiebatur Irene Leonis IV. jam functi vidua, femina rarâ pulchritudine parique prudentiâ, eoque Imperio aprissima, amore cum potentia fœderato, & quod vires non poterant, vultu impetrante: sed dominandi ambitio tot in illa dotes corruptit. Filium unum ex Leone susceperat Constantinum juniorem, hunc custodiæ

tradit, & matris oblita oculis privat. Si Theophani credimus, sol ipse indignatus usque in septimum diem pertinaciter latuit, nec Constantinopoli luxit ecclipsi hæcenus invisâ. Naves subductâ luce, fama est, aut cæco errore vagatas, aut portu & itinere amisso in anchoris stetisse. Ubi ergo audivit Irene, Carolum in Occidente Augustum acclamatum esse, & ipsa ratum habuit, & insuper nuprias & Orientem missis legatis in dotem obtulit; sed ecce negotio adhuc calente Nicephorus I. Imperium invadit, Irene procul relegatâ, & Constantino Leonis filio jam nuper defuncto. Nicephorus Caroli legatos benignè acceptos, donatosque domum remittit, istoque fœdere Neapolim, Siciliam, Calabriam sibi retinet, reliquum Occidentem cum titulo & insignibus Imperatoris Caroli permittit.

Vides Lector velut in tabula brevique compendio totum hujus translationis contextum, & rerum in Occidente, & Oriente statum, longâ forsan narratione sed necessariâ, cum rerum gestarum ignorantia multis imposuerit. Nec unum tantum, sed plures actus potestatis à summo Pontifice in Reges exercitæ animadvertes; Cum Gregorius II. Caroli Martelli protectionem implorat desertque Romanum consulatum: Cum idem Gregorius Leoni Isaurico in Catholicos sævienti tributum à Romanis pendi solitum abrogat: Cum Zacharias à Childerico stupido ultimo Merovingicæ stirpis in Pipinum Regem potestatem, & Regnum transfert: Cum Stephanus Papa Pipino & filijs Regnum confirmat, Regni que proceres solemni juramento adigit, nunquam ex alia, quàm Pipini, hoc est, Carolina stirpe Regem admissuros: Cum Hadrianus Papa Carolum & Carlomannum Reges, nuptijs cum Longobarda severè prohibet: Cum idem Hadrianus à Desiderio Longobardorum Rege, sæpe & importunè pulsatur, ut nepotes ex filia legitimos Regni hæredes pronuntiet: Cum denique Leo III. Carolum Augustum dicit, coronâ & Imperio Occidentis donat.

IX. Enimverò factam esse hanc Imperij translationem auctoritate Leonis III. Summi Pontificis, probat Bellarminus testimonijs 35. historicorum, quorum verba describit; duodecim Imperatorum, aliorumque Principum, & septem summorum Pontificum suffragijs, quorum testimonia eo prætextu rejici utique non possunt,

possunt, quòd in propria causa testari videantur: cùm supremus Princeps non tantùm testis, sed iudex esse possit etiam in sua causa. *l. un. Cod. si quis Imperatori maledixerit. l. 54. Cod. de Decurionib. c. cum venissent 12. de judic. & ibi Abbas n. 6. Godofred. ad c. ne quis in sua causa. Azor. p. 3. lib. 2. c. 7. q. 4. Laym. lib. 1. de conscientia c. 5. n. 7.* Estque communis sententia, posse Episcopum vel alium Prælatum esse iudicem in causa propriæ Ecclesiæ, Abbas in *c. 1. de maledicis*: & ipsa experientia, & praxis etiam in Gallijs recepta convincit, ubi lite circa Regiam dignitatem & jura coronæ ortâ, nullus alius præter Regem, aut Regis Ministros iudex admittitur, ab eoque, cujus causa agitur, sententia fertur, & bellum jam indicitur: quantò id verius erit in Vicario Christi? Cùm enim tribunal Vicarij sit tribunal ipsius Principis, aded ut à Vicario ad Episcopum appellari non possit. *c. 2. de consuet. in 6. c. Romana. de appellat. in 6.* Eodem modo dicendum erit, tribunal Papæ esse tribunal Christi, nec ab alio lites Pontificiæ dignitati motas, quàm ab eodem Papa finiri posse: & consequenter ejus testimonium, immo sententiam tanquam suspecti non posse recusari, quod omnes etiam Præsules, & optimates Galli confessi sunt, qui teste Maymburgo in *histor. iconoclasi. initio anni DCCC. in senatu Romano conclamârunt: Romanum Pontificem à nullo judicari posse, sed iudicem sibi esse.*

Verùm ut res ista de translatione Imperij per Pontificem Romanum facta omni prorsus suspicione, & vel umbrâ careat, dabimus testimonia historicorum, quorum aliqui aut Græci aut Galli, aut reformatæ Religionis fuerunt, nullamque admittunt exceptionem.

Zonaras author Græcus *Tomo 3. annal. in Vita Constant. & Irenes*: Româ prorsus Franci potiti sunt Carolo à Leone coronato, Romanorum Imperatore appellato. & infra: Sub Constantino & Irene, Papa Leo Francos etiam Romam admisit.

Paulus Diaconus, qui tempore Caroli Magni floruit *lib. 23. rerum Romanarum. Leo*, inquit, vicem Carolo recompensans, in Imperatorem coronavit eum. Observa hanc coronationem beneficium Leonis appellari, & consequenter ejus voluntate & jussu factam.

Otto Frisingensis ad annum *1000. Carolus*, inquit, Rex à summo Pontifice ablato Patrij nomine coronatus, omni populo tunc acclamante:

**Carolo Augusto, à DEO coronato, Magno. & Pacifico Romanorum Imperatori Vita & Victoria.**

Abbas Urspergensis in Chronico anno DCCXCVI. *Leo Papa ordinatur, hic Carolum fecit Imperatorem. Et infrà; Anno DCCC. Carolus Magnus Rex Francorum consecratus est Imperator, cum enim Natale Domini Roma celebraret, in ipsa die sacratissima ad Missarum solennia veniens nihil minus speranti Leo Papa coronam imposuit, & Imperatorem Romanum pronuntiavit.*

Lupoldus Bambergensis in proœm. lib. de juribus Imperij. *De sacri Regni, & Romanorum juribus a tempore translationis ipsius Imperij de Gracis Imperatoribus ad Reges Francorum, & ad Germanos, per sacrosanctam Ecclesiam facta tractaturus, &c.*

Joannes Trithemius. *Leo Papa III. natione Romanus, sedit annis 20. Vitæ Sanctimoniam clarissimus, Carolum cognomento & opere magnum, ad Imperium Romanum unxit, & hanc dignitatem à Gracis in Francos transfudit.*

Albertus Krauzius. *Non habetur Imperator, nisi quem Romanus Pontifex confirmarit, & consecrarit. Domini enim est terra, & plenitudo ejus: ipse transfert regna & Imperia, dignissimeq; ad suum Vicarium hoc sacrum ministerium delegavit.*

Spondanus Gallus non tantum referens, sed etiam approbans, quæ Baronius de hac translatione scripserat (ut patet ex appendice minusculis adjecta) ad annum DCCC. sic loquitur: *Non tantum Eginhardus aut Anastasius de collata per Leonem Romanum Pontificem dignitate Carolo M. sunt testes, sed & fatentur id ipsum Latini omnes & Graci auctores. Quod autem ejusmodi translatio Imperij ab Oriente in Occidentem divino consilio facta fuerit, magno Reipublicæ Christianæ emolumento; & Imperij Orientalis desolatio, & alia eventa satis superq; demonstrarunt.*

Horatius Tursellinus in Epitome historiarum Lugduni edita, Lugduni approbata, & à Regio Advocato edi permessa: *Pontifex, inquit, illustris in Ecclesiam Romanam Caroli merita remunerans, eum Imperatorem appellat, tutelam Ecclesiæ tradidit. Ita Romanum Imperium ob desitutum à Græco Imperatore Ecclesiæ patrocinium pervenit ad Francos.*

Joannes Cluverius homo reformatæ, ut vocant Religionis, eoquæ, ut ex toto historię contextu patet, Pontifici infestus ad Annum DCCII. *Leo III. inquit, Hadriano Pontifici successor datus, populum in Caroli verba adegit, vexillo Romana Urbis ad ipsum transmissit: ob id, & ob crimina, quæ illi obiectabantur amul; indignissimè habitus oculorum suorum privatione*

tione damnatur. Et infra ad annum DCCC. Leo gratiam relaturus benefactori tanto, Carolum in D. Patri Basilice solemniter pronuntiat Augustum, coronâ capiti impositâ, acclamantibusq; Romanis: Carolo Augusto, à Deo coronato, Magno, & pacifico Imperatori Romanorum vita & victoria.

Daniel Pareus, & ipse Reformatus in medulla historiar, ubi agit de Leone III. Isaurico: Extinctis bellis Leo in Religionis reformationem incumbens Idola omnia destrui, templisq; Christianorum ejici jussit ( sic imagines sacras homo Lutheranus appellat ) propterea Iconomachum ipsum vulgus appellavit. Gregorius III. Pontifex Romanus ea in re tantum offensus est, ut excommunicationis fulmine feriendum Leonem censuerit, subdites etiam Imperatoris in Italia, hoc est, Regimine Exarchorum omnium fidei nexu, tum tributorum pendendorum necessitate solvit; quod avellenda à Græcis Italia, Francosq; ad Imperium vocandi, initium fuit.

Vides, quid veritas possit, quæ illis etiam confessionem extorsit, qui tamen, si possent, maximè vellent negare.

Sed addemus coronidis loco testimonium omni majus exceptione, & in quo vel ipsa invidia nihil habeat, quod rodât. Anno DCCCLXXI. Basilii Macedo Orientis Imperator, ad Ludovicum II. Caroli pronepote legationem cum litteris adornavit per Joannem Patritium. Quibus cum eodem Ludovico acriter questus est, quod dignitatem, & nomen Imperatoris, & Basilei usurparet; unum tantum Imperatorem esse, qui Orienti & Occidenti imperet: rogavitq; hoc nomine deinceps abstineret, sibi, nec alijs debito. Ludovicus & ipse Autprandum Constantinopolim Legatum cum litteris Basilio misit, quas Baronius ad annum DCCCLXXI. recitat, ubi inter alia hæc scribit: Et ipsi Patri nostri gloriosi Reges absque invidia Imperatorem nos vocitant, attendentes ad unionem & sacrationem, quâ per summi Pontificis manus sumus ad hoc culmen proventi, &c. & infra. Pratercâ mirari se dilectâ fraternitas tua significat, quod non Francorum, sed Romanorum Imperator appellemur: sed scire te convenit, quia nisi Romanorum Imperator essemus, utique nec Francorum. A Romanis enim hoc nomen, & dignitatem assumpsimus, quorum gentem & urbem divinitus gubernandam, & matrem omnium Ecclesiarum Dei defendendam, atque sublimandam suscepimus, ex qua & regnandi prius, & postmodum imperandi auctoritatem prosapia nostra seminarium sumpsit. Nam Francorum Principes primò Reges, deinde verò Imperatores dicti sunt, si duntaxat, qui à Romano Pontifice ad hoc oleo sancto perfusi sunt, &c. Præsertim cum tales sape ad Imperium sunt asciti, qui nullâ divinâ operatione per Pontificum

*ministerium propositi, solum à Senatu & Populo Imperatoriâ dignitate potiti sunt: nonnulli verò nec sic, sed tantum à militibus sunt clamati & in Imperio stabiliti, aut alio modo ad Imperij Romani sciptra promoti sunt. Porro si calumniarius Romanum Pontificem, quod gesserit, calumniari poteris & Samuel, quod spreto Saule quem ipse unxerat, David in Regem ungere non tenuerit. Sed interim si paginas revolvas Græcorum Annalium, & si qua à vestratibus Pontifices Romani pertulerunt, perscruteris, profecto invenies, unde illos justè non valeas redarguere; unde merito apostatis desertis adhaerunt genti adhaerenti DEO & ipsius Regni fructus facienti, &c.*

Vides ex hisce Ludovici litteris eum apertè fateri se Pontificis operâ ad culmen Imperij provectum. Imperium à majoribus suis non usurpatum, sed DEI nutu, & Ecclesiæ judicio summique Pontificis obtentum esse. Observa non illum jus belli, hæreditatis, vel electionis à populo senatuque Romano factæ prætexere, sed solam Pontificis auctoritatem; quâ Imperium, sui que majores etiam Regnum acceperint, operâ videlicet Zachariæ Papæ, qui Childerico in ordinem redacto, Regnum Francicum ad Carolinos transtulit. Immo expressissimè Ludovicus distinguit, Aliosq; à Senatu, Populo, Exercitu, aliòve modo Imperium adeptos: se verò divinâ operatione per Pontificum ministerium sacramq; unctionem, & à Matre omnium Ecclesiarum regnandi prius, & postmodum imperandi auctoritatem, prospecta sua seminarium sumpsisse. Hæc omnia verba sunt Ludovici Imperatoris, quibus nostro judicio nihil clariùs dici potuit. Unde Spondanus litterarum sumnam compendio referens ad Annum DCCCLXXI. n. 3. His litteris acceptis, inquit, Ludovicus misso ad Basilium Imperatorem legato acrem satis dedit epistolam apologeticam, quâ inter alia multa fuscè ostendit, ejusmodi appellationem Basilei non esse peculiarem Græcis Imperatoribus, sed etiam competere alijs principibus; maximè verò Francis, qui eam dignitatem accepissent à Sede Apostolica ob egregiam ipsorum fidem in DEUM & Ecclesiam Romanam, &c.

Hæc Spondanus; quæ nunquam ipse Gallus scripsisset, nec Ecclesia Gallicana, cui librum dedicavit, scribi passâ esset, nisi vera credidissent; maximè cum Spondanum ob pietatem, eruditionem, zelumque præsertim Catholicæ Religionis tota Gallia veneretur, Ludovico XIII. præcharus, & cui ob merita Episcopatum detulit. Ac denique testatur in tuo dictionario Gallico Moreru, & ipse Gallus, Spondanum ob assiduos in Ecclesiam labores à Pontifice maximo  
elogia,

elogia, à Rege suo amicitiam, ab omnibus Christi fidelibus æternam memoriam & benedictionem retulisse.

Notandum tamen ad majorem hujus rei intelligentiam: duplicem fuisse coronationem & electionem Imperatorum, alteram privatam tantum, & quæ Pontificis auctoritate non indigebat; quâ ratione Carolus filium Ludovicum Aquisgrani in Conventu optimatum Imperatorem dixit, teste Eginhardo *in vita Caroli*. Alteram publicam solemnem, & per quam jus plenum ad Imperium dabatur, & hæc teste Ludovico ipso, ut audivimus, ad solum Pontificem spectabat, adeò, ut Carolus in celebri testamento apud Pithæum & Baronium *ad annum DCCCVI.* cum Regnum filijs divisisset, nullam Imperij Romani mentionem fecerit; quamvis enim Imperium esset hæreditarium, ex gravi tamen & omnino publica ac necessaria causa suberat Pontificum dispositioni, ut audivimus, & ided Imperator Carolus conditum testamentum per Eginhardum à Secretis aulicum ad Leonem Pontificem subscribendum misit.

X. Hæc quantumvis ita sint, & ex ipso historiae decursu scriptorumque supra omnem exceptionem testimonijs probata, non omisit tamen Ludovicus Maymburg ea impugnare, *in hist. Iconoclast. lib. 4. ad annum DCCC.* ubi cum dixisset, *Carolum M. Imperium Occidentis & ipsam Italiam jure belli occupasse, Romam verò populi Romani donatione; nec aliud à Leone Papa quam coronam, hoc est, non ipsum Imperium, sed insignia tantum nudamq; caremoniam accepisse, immo nec istam, nisi civium Romanorum precibus compulsus, eum sine fine Augustum acclamantium, tunc enim nec prius à Leone coronatum.* Hæc, inquam, postquam Maymburgus probare conatus esset, nec enim probavit, ut ostendamus, adjungit, *Se quidem de hac Imperij translatione nolle sententiam pronuntiare, eamq; arbitrio lectoris committere; principia tantum posuisse, ex quibus rei veritas facile deduci possit: eum verò qui alia quam ipse principia statuat, omnino errare, & à vero abluere, pulchrasq; rerum chymeras, & imagines, velut somniantem ante oculos ponere, qua delectent quidem, sed nunquam fuerint, idq; eo fine, ut factum illud defendant, quod nunquam evenit, sed quod cuperent evenisse.* Hæc Maymburgus. Idem

Nolo, inquit, decidere, an Carolus à Pontifice Imperium acceperit; sed non accepit. Nolo dicere, quis illi hanc dignitatem contulerit; bellum contulit populusq; Romanus. Lectoris esto arbitrium; sed si aliter, quam ego sentiat, errat, somniat, & in omnem historiam impingit. Hoc videlicet est nihil decidere, & rem in medio relinquere,

Sed



Sed audiamus rationes, quibus Maymburgus sibi persuadet, scriptores omnes, Græcos videlicet, Latinos, Gallos, Catholicos, Acatholicos somnare se uno vigilante: eas ad hæc capita reducit.

Primò, inquit, certum est Carolum M. jure partim hereditatis, partim belli tantum in Occidente terrarum possedisse, quantum alius ante illum Imperator Occidentis: quid potuit ergo à Leone Papa præter titulum accipere & insignia, Imperio jam dudum potitus? immo ne titulum quidem & coronam à Leone necessariò accepit; cum enim toto jam Occidente dominaretur, potuit suo jure Imperator Occidentis appellari. Secundò cum dono & spontaneà Senatûs Populûq; Romani subjectione Romam ipsam caput Imperij tenuit, nihil Carolo defuit, quod à Pontifice posset obtinere: sicut enim & Odoacer & Theodoricus Italiâ, Româque potius nomen Imperatoris induerunt, repugnante nullo; multo magis id potuit Carolus: sed abstinuit modestia causâ, dum tandem populo impatienter id flagitanti cederet.

Hactenus Maymburgus loco citato, eadem omnino, nec aliud afferens, quam quæ jam dudum à Matthia Flaccio Illyrico Lutherano producta, & à Bellarmino in l. de translatione Imperij refutata sunt, quò lectorem remittimus, nonnullis tantùm additis, quæ veritati & historiz lucem afferant.

Olim Imperatoris nomine appellabantur omnes, qui bello alicui præerant: propriè tamen nemo id nominis consequebatur, nisi re bene gestâ, atque aliquot millibus hostium cæsis, tunc enim acclamatione militum, vel Senatûs decreto Imperatoris nomine donabatur. Cicero 2. *Epistolarum epist. 10.* Postea nomen Imperatoris proprium perpetuumque principis Romani ex Senatûs consilio esse cœpit: & auctore Suetonio prænomen Imperatoris, cognomen Patris patriæ primus assumpsit Julius Cæsar, in ejus vita c. 77. Octavius verò Julij Successor, tum reliqui ab eo Cæsares, Imperatores sunt appellati: nec verò poterat aliquis, quantumvis potentissimus lateque dominans nomen & jura Imperatoris vindicare, nisi qui legitimo ordine Imperatoribus & principibus Romanis succederet: hi soli Imperatores & græcè Basilei vocabantur, alij Reges tantùm; quæ causâ fuit Basilio Imperatori Græcorum per litteras legatosq; graviter cum Ludovico II. expostulandi, quòd Imperatorem, non Regem se diceret. Spondanus Anno DCCCLXXI. Et in Synodo universali Constantinopolitana nomen Imperatoris Ludovico à Pontifice datum, dolo Græcorum in litteris Apostolicis expunctum est

teste

teste Anastas. in *vita Hadr.* Et An. DCCCCLXVIII. Legati ab Ottone I. pacis & nuptiarum causâ Constantinopolim missi à Nicephoro Phoca pessimè habiti, quòd Otto se Imperatorem vocaret. Anno MLV. Legati ab Henrico II. ad Concilium Turonense missi graviter eâ causâ conquesti sunt, quòd Ferdinandus Magnus Castellæ & Legionis Rex jura sibi titulumque Imperatoris vendicaret, & Henrico Cæsari parere nollet: qui tamen Ferdinandus Victori II. Pontifici, alienis titulis abstineret, & regio contentus esset, monenti, modestè acquievit. Immo antequam jus eligendi Imperatorem ad Septemviros transferretur, injussu Pontificis Imperator dici nemo potuit. Audi Glabrum *lib. 1. in fine circa Annum MXIII.* hujusmodi decretum recitantem: *Cum Henricus I. Romam veniret, hujusmodi Decretum factum est, ne quisquam audacter Imperij Romani sceptrum præposteris gestare Princeps appetat, seu Imperator dici aut esse valeat, nisi quem Papa sedis Romana morum probitate delegeris aptum Reipublica eiq. commiserit insigne imperiale.* Cujus decreti hanc idem Glaber affert rationem, *Quòd olim ubique terrarum quilibet Tyranni sese procaciter impellentes sapissimè essent Imperatores creati, quamquam minùs apti Reipublica.* (a) Nec annus Imperij priùs numerari caprus, quàm coronâ Imperioque à summo Pontifice acceptis; sicque non à die successionis, vel obitu Imperatoris, sed à die coronationis per Romanum Pontificem calculus ducebatur, ut de Carolo M. expressè Abbas Urspergensis ad Annum DCCCI. De Carolo Crasso ex ejus diplomate Metis dato apud Baronium ad Annum DCCCLXXXI. De Arnulpho ex Synodo Moguntina Anno DCCCLXXXVIII. quæ Arnulphum Regem tantùm, non imperatorem vocat. De Henrico sancto ex privilegio ejusdem Monasterio S. Vincentij ad fontes Vulturni concessio, & alio Ecclesiæ Novariensi, manifestum est.

Ex quibus omnino constat, coronationem illam non fuisse honorariam, nudamq; cæremoniam, ut post Illyricum (cujus planè nec alijs argumentis utitur) voluit Maymburgus, alioquin non ab hac velut à re non necessaria, sed à successionem in Paternum Regnum anni supputarentur, quemadmodum hodie, postquam potestas eligendi in Septemviros translata, nec coronatio necessaria, sed nuda cæremonia est, vidimus annos Imperij non à coronatio-

B b

ne,

(a) Videatur Banuinus de comit. Imper. & Spondanus Anno MXIV.  
n. I.

ne, sed electione duci. Et patet vel ex ipso Maymburgo, qui *lib. 4. hist. Konoclast. ad Annum DCCC. ex gestis Ludovici c. 16.* hæc verbatim ad marginem notat: *Qui Stephanus IV. statim, postquam Pontificatum suscepit, iussit omnem Populum Romanum fidelitatem cum iuramento promittere Ludovico.* Hæc Maymburgus, quæ ex Thegano descripsit in *lib. de gestis Ludovici Pij Caroli M. filij c. 16. 17. 18.* Non ergo intra cæremonias hæc coronatio stabat, sed cum subjectione, & iuramento fidelitatis conjungebatur, quâ Imperatori se omnes submittebant, in eoque jura & dignitates non Regis tantum, sed etiam Imperatoris agnoscebant. Et Ludovicus II. in *epist. ad Basilium data DCCCLXXI.* proficitur se, suosque majores non titulum, sed dignitatem Imperialem beneficio Romani Pontificis accepisse, ut jam supra notatum.

Et denique, ut res ista omni careat dubitatione, exstant post annales Francicos à Pithæo editos, & apud Aimoinum *lib. 5. c. 33. acta Synodi Ticinensis*, quæ Baronius & Spondanus etiam recitant *ad Annum DCCCLXXVI. DCCCLXXVII.* in quibus Joannes VIII. & Patres in Synodo congregati, Imperium Carolo Calvo nuper collatum iterum confirmant, anathemate damnatis, qui pro legitimo Imperatore illum non agnoscerent. In hac Ticinensi Synodo expressè & luculentis verbis declaratum, Imperatoris coronationem non fuisse nudum ministerium, externumque ritum, *sed veram electionem, approbationem, & secundum priscam consuetudinem, provectionem ad Imperij Romani sceptrum.* Videantur acta Concilij §. unde nos tantis induijs &c. Quæ acta ab Episcopis Gallie confirmata omnino, & recepta sunt in Concilio Pontigonensi in 2. actione apud Aimoinum *lib. 5. c. 33. n. 4.* Et fatetur Spondanus *ad annum DCCCLXXVI. n. 2.* Vide Gretserum *apolog. Baroniana c. 15.*

Ubi animadvertit, cum hanc à Joanne VIII. factam coronationem, aliasque similes adducimus, non esse nobis animum omnes Pontificum actiones tueri, quos fuisse homines, & in hujusmodi errori obnoxios fatemur, sed potestatem solum ostendere, ab illis exercitam, ab omnibus agnitam; ut planè agnoverunt Episcopi Gallie in Concil. Pontigonensi, qui cum Ansegisus Archiepiscopus Senonensis primatum affectaret, potentiâ Imperatoris, & privilegio subornato fretus, constanter obstiterè, immo hoc ipsum Imperatori minaciter & importunè urgenti, animosè à Rhemeni Archiepiscopo responsum; id sacris Canonibus, & Ecclesie

eleſiæ Gallicanæ privilegij obviare, nec aliud ab Episcopis reſponſum impetrari potuit, ne ad Synodum quidem comparere volentibus. At verò ubi de Imperatoris electione, & coronatione à Pontifice facta cœptum agitari, continuò ab omnibus recepta & approbata eſt, utique repugnaturis, ſi poteſtatem in Pontifice non agnoſcerent. (a)

Hiſce animadverſis manifeſta eſt reſponſio ad objecta Illyrici potiùs, quàm Maymburgi : Carolum videlicet M. antequam à Pontifice Romano Auguſtus renuntiaretur, poſuiſſe Franciæ, Germaniæ, Italiæ Regem, non Imperatorem vocari, vivente adhuc & dominante, orbis utriuſque Occidentis & Orientis Imperatoribus, Conſtantino videlicet, Irene, Nicephoro, &c. quod vel ipſo Carolus ingenuè ſaſſus eſt, affirmans, ſe ne quidem Eccleſiam ingreſſurum, ſi conſilium Papæ prævidiſſet, adedò nomen & dignitatem Imperatoriam averſabatur, teſte Eginhardo in *Vita Caroli*. Quid recuſabat Imperium Carolus, ſi jam habebat? aut inſignia titulumque dignitatis jam bello partæ? non ergo omnis, qui provincias etſi multas magnasque Romanis aliquando ſubjectas tenet, continuò Romanorum eſt Imperator, alioquin Reges plerique, Hiſpaniæ, Galliæ, Britanniæ, alijque Imperatores eſſent. Immo juſ Imperij, Monarchiæ, Reipublicæ vel in una civitate & exiguo tertæ ſpatio conſervari poteſt *argumental. 7. ff. quod cujuſvis univerſitatis. & docet Clariff. Doct. Herman. Hermes plures allegans in faſciculo jurispublici l. 1. q. 3. n. 30.* Quantò igitur veriùs eſt, penes Græcos juſ Imperatorium ſteſiſſe tam multis civitatibus & provinciis in Occidente à Carolo M. nunquam occupatis (Hiſpaniâ videlicet, Britanniâ, Apuliâ, Calabriâ, Illyrico, &c.) antequam à ſummis Pontificibus illo donaretur ipſe Carolus? Quid ergo præter titulum & inſignia à Leone Carolus accepit? Reſpondemus, ut ea ipſa, quæ jam habebat, non jure tantùm Regis & Patricij Romani, ut ante coronationem; ſed etiam Imperatoris & Auguſti retineret, videlicet cum prærogativis, præcedentijs, ſuperioritate alijsque, ſi quæ Imperatoribus erant propria; fuiſſe enim aliqua, multoque ampliora, quàm nunc habeant in ſupremos Europæ Principes Cæſares noſtri, patet ex ijs quæ ſuprà diximus; Henricum

B h 2

vide-

(a) Vide Aimoinum Gallum, & Monachum Floriacenſem Lib. de geſtis Francorum c. 33.

videlicet II. de Ferdinando M. Hispaniæ Rego conquestum esse, quod non titulum modò, sed etiam jus Imperatorium sibi vendicaret, nolleretque Cæsaris imperio & mandatis parere. Deinde hanc Leonis coronatione id est consecutus, ut non tantum, quæ ad Longobardos bello victos, sed etiam, quæ ad Græcos pertinebant, sibi acquireret, cum jure occupandi omnia, quæ constaret, injustè ab alijs in Occidente possideri.

Ad aliud, quod assert Maymburgus, Carolum videlicet dedicatione Romanorum ipsam urbem Imperij caput & arcem tenuisse; multi sunt qui hoc negant, non tantum nostrates, sed etiam Acatolici scriptores, ut videre est apud Illyricum à Bellarmino citatum *lib. 1. de translatione Imperij c. 1. n. 5. & c. 13. ad 11. & Centuriatores centuria 8. c. 10.* Unde mirum est, Maymburgum inter duo illa principia, quæ sole clariora, & à nemine dicit posse negari, rem ponere aded controversiam, hoc est, novâ demonstrandi methodo rem dubiam probare per principium æquè dubium. Demus à Carolo missos, qui Romanum Populum juramento sibi obstringerent, non potuit jussu & auctoritate Pontificis hoc fieri? Immo sic factum esse patet exemplo Ludovici Pij, quod ipse Maymburgus allegat, & nos jam suprâ notavimus; non tam ergo hæc Populi, Senatûsque Romani, quàm Pontificis voluntas & mandatum fuit. Vix aliquem reperias Imperatorem Romanum à Senatu Populoque creatum; sed omnes vel successionem, vel à Principe aut exercitu nominati; quis ergo credat Populum Senatûmque Romanum auctoritatis vix umbram aliquam servantem id ausum facere, quod florens vigensque nunquam fecerat? Sed demus hæc omnia: acceperit Carolus dono Senatûs Populi que Romanam urbem; non sequitur tamen etiam dignitatem Imperialem accepisse, quæ loco & urbi non est alligata, alioquin qui hanc haberet, continuò Imperator Romanorum esset; qui non haberet, non esset: quæ omnia sunt absurdissima, cum illic quoad jura & potestatem sit Roma, ubi est Romanorum Imperator juxta illud Poëtæ:

Sejos habitante Camillo

Illic Roma fuit.

Vide laudatum Hermen in fasciculo *lib. 1. c. 3. n. 25.*

Ad exempla Odoacris & Theodorici, quos nomen Imperatoris prætulisse Italiâ Romaque expugnatis Maymburgus dicit, multò igitur

igitur magis id Carolum suo jure potuisse, sed modestiâ retentum. Respondemus: mirum esse duos & Tyrannos & barbaros ac infideles in exemplum adduci, qui eodem jure nomen Imperatoris, quo Italiam invaserant, hoc est, nullo. Theodorico Constantinopoli educato & contra perduelles pro Zenone egregiè bellis defuncto, constat, ab eodem Zenone triumphum, Consulatam, Equestram in foro statuam præmio data, oblatamque insuper spem Occidentalis Imperij, cum in filium ab Imperatore jam esset adoptatus, testibus Evagrio *lib. 3. c. 25.* Ennodio in *Paneg.* Jordane Episcopo Gotho in *Orat.* &c.

Non ergo Theodoricus, ut vult Maymburgus, ob Romam Italiamque occupatam, sed dono Zenonis Imperatorium nomen accepit, quod in tyranni postea mutavit; cum tentato frustra Oriente arma in Italiam vertit Benefactori suo ingratus: nihil ergo exemplum Theodorici probat; nec etiam, quod additur de modestia Caroli: modestiæ siquidem est aliena non usurpare, nec plus, quam deceat, sibi sumere: ceterum si Carolus ante coronationem à Leone factam jam Imperium bello, aliòve justo modo quæsierat, non erat cur titulum recusaret, sibi que conscientia duceret, illis nomen adimere, quibus rem ipsam & Imperium ademerat; non hæc planè modestia, sed hypocrisis fuerit, à qua nemo magis, ut Carolus, abhorruit, Princeps videlicet bello, victorij & pietati, non fraudibus & imposturæ natus.

XI. Ex his ergo, quæ à nobis hucusque disputata sunt, palam est, multa esse in historia Maymburgi, quæ notam mereantur. 1. Quod præfatur, se in hoc translationis argumento sententiam non dicturum, adeò tamen dicit, ut videatur ex professio id agere, damnatis, qui aliter sentiunt, vanitatis & imperitiæ. 2. Quod opinionem suam nullo ex historia, aut scriptoribus testimonio & suffragio muniat, duabus contentus rationibus, quæ, ut ostendimus, ne quidem levis conjecturæ titulum merentur: quasi verò historiam ex arbitrio suoque ingenio texere liceat, & non potius ex authenticis testimonijs: & quamvis Maymburgus aliquot ad marginem citet, nemo tamen ad rem facit, cum nemo illorum dicat, Translationem Imperij auctoritate Leonis non esse factam, de quo agitur, & quod Maymburgus probandum sumpserat; sed tantum magnam partem Occidentis ad Carolum pervenisse, Ro-

manos Carolo fidelitatem juramento pactos, eidem à populo tantumquam Augusto applausum esse, quæ omnia, ut patet, extra questionem vagantur. 3. Quod sententiæ nostræ, tot auctoribus, historijs, rationibus praxique continuâ vallatæ, suam tam leviter probatam non tantum præferat, sed etiam somnare dicat, deludique, qui illam non profitentur, aliam amplexi: enimverò merces suas nec raras nec nobiles, & quarum apud Reformatos tanta copia est, nimis magno hic auctor venum exponit. 4. Quod potestatem transferendi Regna & Imperia, quam Pontifici negat, optimatibus Regni, immo populo concedat. (a) Jam verò longè magis infra dignitatem Principis est, populo submitti, cui imperat, ab ejusque arbitrio in summa rerum pendere, quàm summo Pontifici, Christi quæ Vicario; nec faciliè Principem reperias, qui malit proprijs subditis, quàm Sacerdotum maximo subjici; nec tam suo, quàm DEI nomine imperanti. Quod si judice Maym-burgo nihil derogat Principum dignitati, si ex populi judicio pendeant, cum illis videbitur, Regnum & potestatem amissuri, magis derogabit, si Papæ hoc concedamus? & Regni causas non infimæ plebi, quæ levitate, odio, partium studijs lucroque faciliè corrumpitur, deferamus? sed Apostolicæ Sedi, à qua utpote remota magisquæ placabili minùs etiam periculi est; & si concedatur, dari aliquem casum, in quo subditis juramento solutis Regnum Principi abrogari possit, concedi omnino debet, esse in summo Pontifice potestatem judicialiter declarandi hîc & nunc subditos juramento non obstringi, sed posse & debere Principem abdicari, eumque jure imperandi excidisse: interpretationem siquidem juris divini, quantum videlicet & in quibus circumstantijs obliget, vel non obliget; sicut etiam causas juramenti ad forum Pontificium pertinere, utpote spirituales in confesso est apud omnes, propter textum apertum & notatu dignissimum *Deut. 17. v. 8.* (b) Quidquid ergo dicatur, vel ex ipsa sententia Maymburgi, negari tandem summo Pontifici non potest Reges destituendi potestas, sive dicas hanc potestatem esse veræ jurisdictionis, sive necessariæ, generalis, & auctoritativæ declarationis & interpretationis, quæ in causis, maximè arduis, qualis est, de qua nunc agimus, ad solum Pontificem pertinet.

Deni-

(a) Vide hist. Iconoclast. l. 2. fol. 186. &amp; l. 4. f. 42. &amp; f. 61.

(b) Vide Sanchez de matrimon. lib. 8. d. 6. n. 4. Abbatem in c. 1. de postulat. Prælat. n. 18. Laym. de legibus, c. 18.



Denique, ut memoriæ causâ, quæ hucusque de translatione Imperij dicta sunt, brevi dilemmate complectamur. Aut Græci jus aliquod in Occidentis Imperium habebant, cùm Carolus Imperator acclamatus est, aut nullum? si nullum, cur ergo Nicephorus Logothera, qui Constantino & Irenæ successit, tandem in translationem Imperij consensit, & Neapoli, Siciliâ, Calabriâ, Apuliâq; retentis, Occidentem Carolo cessit? Maymburgus *lib. 4. hist. Iconoclast. Morer. in Dictionar. hist.* Cur Imperatores Græci teste eodem Maymburgo adeò indignati sunt Carolo, ut hæc Leoni Armeno causa fuerit Catholicos totâ Græciâ persequendi, quòd spem omnem Occidentis amisisset? Et denique, cur omnium historicorum Vox & sententia est, Imperium à Græcis ad Carolum anno DCCC. victis Longobardis translatum, si jam antè Imperio caruerant? Si verò Græci jus aliquod Imperiale in Occidente adhuc habebant, hoc dicimus in Carolum à Leone translatum, non bello quæsitum, quod cum amicis nullum erat, nec esse poterat, justitiâ integrâ. Quid enim in Carolum Græci offenderant, ut illos Imperio Occidentis exueret jam compositâ pace? Planè Maymburgus Carolum non Victorem, sed Usurpatorem alieni facit. Est enim notandum, victo Aldagiso Desiderij filio, qui cum classe Græcorum in Italiam transmiserat, anno DCCC. venisse Aquisgranum ab Irene ad Carolum Legatos, qui pacem offerrent, & animum prætentarent ad nuptias cum Imperatrice jungendas: hæc enim cùm thronum, extincto filio Constantino infedisset; duorum procerum Stauracij & Aëtij potentiam verita, animum ad nuptias cum Carolo adjecerat. Missi hoc anno Legati & Amores cum Imperio promissi. Causa legationi prætexta, Sisini fratris Tarasij Patriarchæ, nuper bello capti liberatio: Legati à Carolo benignè accepti, & omnia, quæ postulabant, concessâ. Contigit hæc Legatio biennium ante Caroli Imperium: nam auditâ Constantinopoli ejusdem coronatione missa alia est apparitor legatio ab Irene, thorum & thronum offerente. Meminerunt legationis primæ Annales Francici auctore Adelmo Benedictino ad eundem annum. Spondanus ibidem, & omnium clarissimè Maymburgus *lib. 4. hist. Iconoclast. Anno DCCCL. fol. 70.* Qui auctor (ut hoc quoque ingenuè dicamus) sanctiùs utique veritati defendendæ, quàm impugnandæ calamum locâset, antiquitate oppressâ; nec deerant alia contra hæreticos argumenta, quibus

bus ingenium & eloquentiam impenderet; sed maluit classicum discordijs canere, fatali nostrorum temporum malo, quibus ostentando ingenio antiquis nova præponimus; non quia meliora, sed quia recentia, & ided admirationi, & plausui conjuncta: quàm enim difficile, tam gloriosum creditur, contra omnes potius, quàm cum omnibus sapere: & ipsa tamen, quæ novitate placebant, fastidio erunt, cùm insenuerint, antiquis in gratiam receptis.

Hæc est ergo celebris illa Imperij ad Francos per Leonem III. facta translatio, quam nos temporibus suis distinctam dedimus, ut tantò evaderet clarior. Jam videamus, quomodo à Francis ad Germanos Saxones pervenerit.

XII. Anno DCCCXIV. Moritur Aquisgrani pleuritide Carolus Imperator, quem ut magnum efficerent, natura, religio, fortitudo, omnesque politicæ ac militares scientiæ, & fortuna certârunt; vix alium Principem reperiâs, quem huic exæques: uno tantum vicio notatus, quod Gallicum florem alienis vagisque amoribus scødavit: sed hanc quoque labem pœnitentiâ extersit, lachrymis, jejunijs, eleemosynis, cilicinâ veste, inter quæ senectutem & vitam consumpsit, teste Thegano Chorepiscopo Trevirensi de gestu Ludovici: ut merito de Carolo dicas, quod olim S. Ambrosius de Davide: *Peccavit Carolus, quod solent Reges: sed pœnitentiam gessit, flevit, ingemuit, quod non solent Reges.* De Carolo inter Sanctos recepto, vide Baron. ad annum DCCCXIV.

Scribit idem Theganus, vulgatâ Caroli morte, tantum fuisse ubique luctûs & lachrymarum, ut crederes communi Patre mundum orbatum esse. Carolo Ludovicus cognomento Pius successit. Inter alia præclarè à Carolo facta ejusque magnitudini paria, illud etiam refertur, voluisse ingenti fossâ per Franconiam in Mœnum ductâ, Rheno Danubium, & Oceano Pontum Euxinum conjungere, sed pluvias, bella, mortem ipsam intercessisse indignante velut naturâ suos limites moveri.

Anno DCCCXVII. Ludovicus Pius Imperator Caroli filius in comitijs Aquisgranum indictis confirmat omnia, quæ à Pipino avo, & Carolo patre, Ecclesiæ Romanæ donata fuerant, aut restituta, additis Romanâ civitate cum suo Ducatu, Exarchiâ Ravennensi, Sardinia, Sicilia, Corsicâ insulis, Ducatu Beneventano,  
Spo-

*Tertius Textus Canonicus ex t. venerabilem 34. de Electione.* 201  
Spoletano, Neapoli, Calabria, &c. & præsertim liberâ Pontificis  
electione (a)

In eodem hoc Aquisgranensi conventu filium Lotharium Lu-  
dovicus coronat; nepotem verò conjugationis reum, convictumq;  
oculis privat.

Anno DCCCXXX. Nova in Ludovicum conspiratio à Pi-  
pino filio Rege Aquitaniz. Causa in Patrem armandi, quòd Ber-  
nardum Hispanum hominem custodiæ & cubili præfecisset, Fran-  
cis dolentibus externum præferri. Hinc nata, aut potiùs ab æmu-  
lis sparsa suspicio, Imperatrice Judithâ Bernardum frui. Sed Lo-  
tharius filius & collega Imperij cum exercitu adveniens patrem  
discrimini exemit. Juditha in Monasterium detrusa & velata.,  
Aquitania Pipino adempta.

Anno DCCCXXXIII. Iterum armati in Ludovicum Augu-  
stum filij Pipinus, Lotharius, Ludovicus; & jam prælio congressu-  
ris, Gregorius IV. Papa intercessit, pugnamque diremit. Gregorio  
in Italiam reverso, renata lites & dissidia. Lugduni Conventus  
habitus, & Imperium Augusto ademptum: quod decretum à Pon-  
tifice maximo continuò rescissum, & Archiepiscopi Lugdunensis  
temeritas multata. *Æmilius rerum Francic. in Ludovico Pio.*

Anno DCCCXXXIV. Ludovicus dignitati & Imperio resti-  
tutus, filij ingratiam recepti, perduelles mitiùs, quàm merue-  
rant, puniti.

Anno DCCCXXXVIII. Imperium à Ludovico inter filios  
divisum Lotharium & Carolum Calvum; Ludovico filio indignan-  
te, Carolum natu minimum sibi in regnorum divisione præposi-  
tum: hinc nata bella. Ludovicus Augustus paullo pòst sanctissimè  
functus.

Anno DCCCXLI. Gallia civili bello affligitur, Lothario Im-  
peratore, qui Ludovico Augusto successerat, Monarchiam exclusis  
fratribus meditante: signa inter fratres collata: Carolus & Ludovi-  
cus victores; Lothario pax data.

Anno DCCCXLII. Lotharius Imperator infectis signis in  
fratres movet; iterum vincitur: & in Conventu Aquisgranensi Re-

Cc

gno

(a) Videc. ego Ludovicus dist. 63. & Sigonium l. 4. de Regno Italiz. Parq-  
onium ad hunc annum. Leon. Ostiens. lib. I. Chron. Cassin. c. 18. Ivon.  
p. 5. c. 14. Anastas. Bibliothecar. &c.

gno & Imperio ejicitur, duobus fratribus Ludovico & Carolo ab Episcoporum conventu sufficis: sed exactum ab iisdem juramentum de justâ Regnorum administratione. Verba Episcoporum à Nithardo Francorum nobilissimo & Caroli M. ex filia nepote *lib. 3.* hæc referuntur. *Et nos, inquit, auctoritate divinâ & illud suscipiatis, & secundum Dei Voluntatem regatis, monemus, hortamur, atque precipimus.*

Sed anno sequenti Carolus & Ludovicus victoriâ modestissimè usi, Lotharium fratrem in societatem Regni admittunt. Francia Carolo data, hoc est, quidquid Arari (vulgò Saona) Rhodano, Scalde, Mosâ, Oceano, Pyrenæo saltu continetur. Ludovico Germania & Hungaria cecidit. Reliquæ opes ac Imperium, & Lotharingia Lothario relicta. *Æmilius innotitia Caroli Calvi.*

Anno DCCCXLV. Dani seu Northmanni Gallias populantur, DEO per Gentiles rapinas bonorum Ecclesiasticorum vindicante. Spondanus *ad hunc annum.* Vide Lupi Ferrariensis *epist. 42.* Ubi animadvertit, Carolo Francorum Regi nihil prosperi, ex quo manus in bona Ecclesiastica conjecerat, evenisse. Godefridus Northmannorum Dux in societatem regni à Carolo receptus, & pars Franciæ, quam Northmandiam vocant, data.

Anno DCCCLV. Lotharius Augustus, Imperij & Mundi factus in Monasterium se abdit, & Religionem proficitur: succedit Ludovicus II. Lotharij filius.

Anno DCCCLX. Pax inter Francorum Reges Carolum calvum, Ludovicum fratres, & nepotem Lotharium constituta: sed paullo post à Carolo abrupta; hinc à Ludovico & Lothario querelæ ad Nicolaum delatæ, petitum quæ, ut Caroli ambitionem compesceret, inter alia: *Oportere præterea vestra auctoritatis jubar propter generalem sollicitudinem nostros invadere fines, ut quos nulla pacis fœdera, nulla movent si æterna charitatu viscera, nulla neciunt consanguinitatis ligamenta, Apostolica invectione ad censuram ecclesiasticam venire compellat: & quidem sanctissimi prædecessores vestri per tuam præsentiam, ac primum laborem plurima correxerunt, immo per legatos ac litteras ab entes corpore, sed spiritu sancto præsentis innumera, quæ in abruptum lapsa fuerant, revocârunt. De cetero, si aliquis Regum, quod absit, vel fortè aliqua contumacia per se vestra Beatitudinis admonitionem parvipendere præsumpsit, latere non poterit. (a)*

Anno

(a) Vide totam epistolam apud Baron. Anno DCCCLX. n. 27.

Anno DCCCLXII. Lotharij Francorum Regis amores extra-  
thorum progressi, & Episcoporum turpiter ad alium conniven-  
tia Galliam, vix non perdunt. Amabat jam à puero Waldradam vir-  
ginem, quâ ut potiretur, Theutperga legitima conjux abdicata:  
additâ insuper criminationes, quæ repudium excusarent, & co-  
lorem inducerent: &, quod mireris, binis Episcoporum conven-  
tibus Aquisgranensi & Metensi repudium admissum: dicebant  
Theutpergam Lothario jam legitimis nuptijs cum Waldrada im-  
plicito adjunctam esse, non ergo uxorem ejectam, sed pellicem;  
addebant incestus cum fratre compertam. Colonienfis & Trevi-  
renfis Archiepiscopi præcipuam defendendo Regi perditè aman-  
ti operam locârunt: Nicolaus Papa I. re intellecta & conventum  
acta rescindere, & Archiepiscopos communionem fidelium exclu-  
dere, damnatis cum Waldrada nuptijs. Archiepiscopi Pontificem  
frustra placare conati Photio Schismatico Patriarchæ se jungunt.  
Pontifex censuris in mœchum fulminat, & jacuram Regni Lotha-  
rio minatur. Spondanus *ad annum 866.*

Anno DCCCLXVIII. Mortuo Nicolao Hadrianus II. succedit.  
Lotharius cum regio comitatu Romam profectus in urbem admit-  
titur; accessuro ad aram sacrumque Epulum; Cave, inquit Pontifex,  
*hoc corpus DELICTI sanguinem attingas impudico adhuc animo; si pellicem ejurasti,*  
*hic veniam tibi & pacem offero: si retines, venenum tibi pro remedio sumes: &*  
ad Aulicos conversus: Si dimino, inquit, & Regi tuo Lothario in adulte-  
rij crimine favorem non prestasti, neque consensum tribuisti, & Waldrada aliisve  
ab hac sede Apostolica excommunicatu non communicasti, Corpus & Sanguis Do-  
mini nostri Jesu Christi pro sit tibi in vitam æternam.

Lotharius comitesque nihil hâc voce territi accedunt intre-  
pidè, imò petulanter: eodemque anno è vivis sublato poenas  
contemptæ religionis dederunt. Aimoinus *lib. 5. c. 21.* Lothario  
mortuo ejusdem Regnum Carolo calvo à proceribus delatum, ex-  
cluso Ludovico Imperatore defuncti fratre, & successore legitimo.  
Id ubi Hadriano innovuit, missis continuo legatis jubet Carolum  
alieno Regno abstinere, ni faciat, graviter puniendus. Verba Pon-  
tificis ad Regem, Regni que Episcopos hæc sunt, apud Aimoinum  
*lib. 5. c. 24.* Regnum quondam Lotharij, quod Ludovico Imperatori Spirituali  
filio ejus hereditario jure debebatur, & quod ad eum post mortem ipsius Lo-  
tharij rediit, mortalium nullus invadat, nullus commoveat, nullus ad se conetur

*inflectere: quòd si quis presumat, non solum per nostræ auctoritatis ministerium infirmabitur, verum etiam vinculo anathematis obligatus, nomine Christianitatis privatus, cum Diabolo omnino locabitur: & si quis de Episcopis tam nefaria temeritatis auctorem vel tacendo fugiet, vel non resistendo consentiet, non jam pastoris, sed mercenarii nomine se nori fore censendum. (a)*

Anno DCCCLXXVI. Carolo Calvo à Joanne VIII. Pontifice Maximo Imperium collatum excluso Ludovico majore natu: quòd à Carolo contra Saracenos auxilium speraretur: confirmata hæc Imperij collatio à Prælati Franciæ in Synodo Pontigonensi. Aimoinus *l. 5. c. 33.* Mortuus Ludovicus Germaniæ Rex liberum Carolo fratri Imperium relinquit.

Anno DCCCLXXVII. Carolus veneno extinguitur, & Imperium Ludovico Balbo filio relinquit.

Anno DCCCLXXIX. Moritur Ludovicus Balbus: & Anno DCCCLXXXI. Carolus Crassus Calvi frater Italiam vi occupat, & à Joanne VIII. Augustus creatur. Aimoinus *lib. 5. c. 60.* Ludovicus Balbus tres filios reliquit Ludovicum, Carlomannum, & Carolum Simplicem. Carlomanno Regi successit Ludovicus filius cognomento Ignavus.

Anno DCCCLXXXVIII. Decedit Carolus Crassus à suis Regno dejectus; & Arnulpho Carlomanni filio successo, Imperium Francicum misere in factiones scinditur & conflictatur. In Italia Berengarius Dux Forojuliensis Rex acclamatur. Guido Lamberti Ducis Spoletani filius Imperium, in Gallijs Odo Comes Parisiensis, & Rudolphus Conradi filius regnum usurpant: solus Regiæ stirpis Carolus simplex legitimus Regni hæres supererat; sed puer, & tot Tyrannis impar. Huc Imperium à morte Caroli M. evaserat ambitione & discordijs scissum.

Anno DCCCXCII. Wido Dux Spoletanus Imperator à Formoso Pontifice, qui Stephano successerat, renuntiatur, Berengario, & Arnulpho indignantibus.

Anno DCCCXCVI. Arnulphus Rex Germaniæ Romam caput, in eos, qui Pontificem afflixerant, animadvertit, & ab eodem coronationem & Imperium extorquet, cum prius Widonem ejusque filium Lambertum Imperatores dixisset.

Anno

(a) V. etiam cap. 26. apud eundem Auctor. Baron. ad Annum DCCCLXX.

Anno DCCCXCVIII. Carolus simplex Ludovici Balbi filius legitimus Francorum Rex fœdus cum Northmannis ethnicis parat, eorum armis contra Odonem usurus Franciæ Tyrannum; sed Fulco Archiepiscopus Rhemensis re intellectâ Carolum ab incœptis revocat, minatus, nisi impio fœdere abstinet: *Se nunquam ei fidelem exiturum, sed & quoscunq; posset, ab ejus fidelitate revocaturum, & cum omnibus cœpiscopis suis ipsum Regem ejusq; sequaces excommunicaturum, atq; aeterno anathemate damnaturum.* Verba sunt Fulconis apud Floardum lib. 4. cap. 5. Paruit Carolus bene monenti, & Deus in præmium auditi sacerdotis, Odonem Regni æmulum è medio sustulit.

Anno DCCCXCIX. Arnulphus & Wido Imperatores morte sublati.

Annus DCCCC. Ob Principum factiones intrusosq;e, ut quisque prævalebat, Pontifices, Ecclesiæ fatalis fuit.

Anno DCCCCVI. Coacta Romæ Synodus, in qua à Joanne IX. Pontifice examinatis duorum Regum Berengarij videlicet & Lamberti Widonis filij juribus, ex omnium Patrum sententia Lambertus Berengario, quòd vi coronationem extorsisset, præfertur. (a)

Anno CMVIII. Romæ corrupti mores peccandiq;e libertas eò devenerant, ut meretrici omnia parerent; Maroziam vocabant: fœminam opibus, familiâ, clientelis, & præsertim vultu formâq;e præpotentem; ex cujus arbitrio nutuq;e Pontifices alij submoti, alij evecti, ut plus gratiæ apud fœminam habebant, Româ, quis crederet? meretrici obsequente.

Anno DCCCCXII. Moritur Ludovicus Germaniæ Rex, & filius Arnulphi Imperatoris: in quo Reges Germani familiæ Carolinæ defecerunt; Ludovicus enim duas tantùm filias reliquit Placidiam & Mathildam: Placidia Carolo I. Franciæ, Mathilda Henrico Aucupi Saxoniz Ducibus junctæ. Jure legitimæ successionis Regnum Germaniæ ad Carolum simplicem Franciæ Regem spectabat, utpote ex familia Carolina natum: sed magnates Germani, Carolo ob ignaviam contempto, Ottonem Saxoniz Ducem ad Regnum, vacuamq;e coronam vocant & hoc Principatum re-



cusante Conrado deferunt. Otto Frising. *lib. 6. c. 16.* *Mortuus in via*  
*Conradi I. Spondanus ad hunc annum.*

Notat Joannes Tilius in *Chronico Regum Francorum*: Tot dissidia, rerumq; fluctus in Gallia extitisse à Carolo Calvo ad mortem Caroli simplicis, ut vix cerio sciri possit, quis potissimum regnârit.

Anno DCCCCXV. Joannes X. Berengarium Forojulensium Ducem, postea Italiæ Regem ob bellum Saracenis illatum Imperatorem ungit. Sigon. *de Regno Ital. lib. 6.*

Anno DCCCCXIX. Moritur Conradus Germaniæ Rex, & Henricum Aucupem Saxoniarum Ducem Ottonis filium Regni successorem habet. Henricus cum velatam viduam duxisset, ab Episcopis citatus, facti pœnitens Romam pedes proficiscitur, & viduam dimittit illustri pœnitentiæ exemplo.

Anno DCCCXCV. Berengarius Imperator, quod Hungaros, & Hungaros in Italiam evocasset, odio Rudolphi Francorum Regis, à suis occiditur.

Anno DCCCCXXVI. Hugo Comes Provinciæ vel Arelatensium eligitur Italiæ Rex.

Anno DCCCCXXIX. Moritur Carolus Simplex relicto filio Ludovico.

Anno DCCCCXXXVI. Moritur Henricus, & Regnum Germaniæ Ottoni filio relinquit. In Gallia mortuo Rudolpho Rege inungitur Ludovicus transmarinus, qui in Anglia metu Tyrannorum educabatur, Caroli simplicis filius.

Anno DCCCCXXXVII. In comitijs generalibus Aquisgranum indictis, Otto Magnus Henrici Aucupis filius Rex Germaniæ pronuntiatur, & ab Archiepiscopo Moguntino ungitur.

Anno DCCCCL. Lotharius ultimus Francorum in Italia Rex veneno perit, eamque Berengarius invadit. Adalais Lotharij conjux, & Agapetus II. Papa Ottonem Germaniæ Regem & victorij florentem contra Berengarij Tyrannidem in Italiam vocant. Leo Ostensis. *lib. 1. cap. 64.* Otto Italiam ingressus Berengarium filiumque vincit, & in fugam vertit; Adalaidem Lotharij Conjugem ducit. Flodardus in Chron. *ad annum DCCCCLI.* Observa, Ottonem omnes ferme provincias, quas olim Carolus possederat, vendicasse, suoque Regno adjecisse.

Anno

Anno DCCCCLX. Cùm Berengarius Italiam miserè vastaret, Joannes XII. Ottonem implorat contra Hunnos bellantem, eique In perium & Urbem offert, si à Berengario ablata restituat Romanæ Sedi, eique juramento se addicat. *Exstat juramentum Ottonis in c. Tibi Domino 33. dist. 63.* Otto Berengarium iterum fundit, Romam invehitur, & Imperator acclamatur: à Joanne XII. inungitur, & omnes Pipini & Caroli M. donationes confirmat: Magnus & ipse ob res pace & bello præclarè gestas appellatus. (a)

Anno DCCCCLXIII. Gravissimæ inter Pontificem & Ottonem Imperatorem nata simultates. Causa dissidij, quodd hostibus Pontificis favere, & ablata Ecclesiæ restituere nolle Otto diceretur. Ergo Pontifex Adalberto Berengarii filio adhærere, contempto jurejurando, quo se Ottoni adstinxerat. Imperator missis Legatis innocentiam suam purgat, sed implacato Pontifice, Romam cum exercitu advolat, Romanos in potestatem recipit, eosque juramento adigit, nunquam alium Pontificem electuros, quam quem Otto filijque vellent: Concilium dein coactum, ubi Joannes XII. in ordinem redactus, & Leo suffectus est. (b) Hic est ille Leo VIII. cujus meminit Gratianus. *in c. Synodo dist. 63.* Cùm Romani Joannem revocassent, illoque extincto Benedictum V. suffecissent, Roma ab Ottone iterum capta, Romani ad satietatem cæsi, Benedictus exilio deportatus, & Leone vivis exempto, ejusdem Ottonis jussu Joannes XIII. electus.

Anno DCCCCLXVII. Firmata inter Pontificem & Ottonem Imperatorem amicitia, ejusque filius Otto II. ab eodem Joanne Pontifice Augustus coronatus. Obijt Otto Magnus Anno DCCCCLXXIII. & Imperium Ottoni filio reliquit.

Sic Imperiū Rom. à Francis Carolinæ stirpis, ad Francos Saxonicæ Domūs & familiæ transijt. Primus Imperator Otto Magnus, non Henricus I. cognomento Auceps, renuntiatus est: nam teste Witichindo *l. 1. gest. Saxonu.* Cùm Henrico offerretur unctio, & Diadema à summo Pontifice, non sprexit, nec tamen suscepit: *Satis,* inquit, *mihi est, ut præ meis Majoribus Rex dicar, & designer divinâ agente gratiâ & vestrâ pietate: penes meliores verò nobis unctio & diadema sit, tanto honore nos indignos arbitramur.*

Abbas

(a) Vide Baron. ad annum DCCCCI XII.

(b) Vide Baron. ad annum DCCCCLXIV.


Abbas Urspergensis in Chronico Anno DCCCCXX. *Henricus*, inquit, *renuit diadema & unctionem*, solo nomine Regis consensus. Albertus Kranz. lib. 3. Saxon. c. 8. *Henrico diadema cum consecratione ad imperialem dignitatem Joannes repromisit: Henricus autem satis sibi videri respondit, quod primus ad Regni culmen pervenisset, diadema Imperij majoribus debitum.* (a) Ubi plurimorum testimonijs clarè ostendit, fuisse hanc translationem Imperij factam auctoritate summi Pontificis.

Ceterùm in toto hujus secundæ translationis contextu, multa iterum exempla occurrunt à summis Pontificibus in Reges exercitæ potestatis. Nam Concilij Compendienfis & procerum Franciæ decretum, quo Ludovico Pio Imperium abrogabatur filijs tradendum, Gregorius IV. rescindit, & Augustum loco restituit. Lotharius Imperator in Conventu Aquisgranensi ab Episcopis Regno & Imperio dejicitur. Nicolaus I. Lothario, nisi abdicata pellice, Theutpergam uxorem recipiat, Regni jacturam minatur. Hadrianus II. jubet Carolum Calvum Regnum, quod invaserat, Ludovico Imperatori legitimo hæredi restituere, nec obtemperanti pœnas indicit. Joannes VIII. Carolo Calvo, excluso fratre natu majore, Imperium confert, & hanc collationem Episcopi Galli in synodo Pontigonensi ratam habent. Plura omitimus, suoque loco reservamus.

XIII. Accedamus jam ad ipsam Decretalem recitandam, cujus scribendæ hæc occasio fuit. Mortuo Henrico V. Imperatore, quem Cælestinus III. excommunicaverat, Philippus Henrici frater & Sueviæ Dux pluribus Principum suffragijs electus fuerat, & Moguntiæ unctus coronatusque, acceptâ tamen priùs, & secretò excommunicationis absolutione per Legatos Apostolicos, quâ tenebatur ob invasum Ecclesiæ patrimonium. Sed alia minorque Principum pars Ottoni Saxonie Duci in conventu Aquisgrani habito Imperium ac coronam defert. Legatus Sedis Apostolicæ, ut factiones componeret Ottonem legitimum Imperatorem dicit, & Henricum abdicat. Re ad Innocentium III. delatâ & ipse pro Ottone præsentem Decretalem dedit. V. Raynaldum *ad annum MCC. n. 22.*

INNO-

(a) Vide Bellarm. de translatione Imperij l. 2. c. 2. & c. 3.




# INNOCENTIVS III.

## DUCI CARINTHIÆ.

**V**enerabilem fratrem nostrum Salisburgensem Archiepiscopum, & dilectum filium Abbatem De Salem, & nobilem virum Marchionem Orientalem, quorundam Principum nuntios ad Sedem Apostolicam destinatos benignè recepimus, & eis benevolam duximus audientiam indulgentiam &c. Nos qui secundum Apostolica servitutis officium sumus singulis in iustitia debitores, sicut iustitiam nostram nolumus ab alijs usurpari, sic jus Principum nolumus nobis vindicare. Unde illis Principibus jus & potestatem eligendi Regem, in Imperatorem postmodum promovendum, recognoscimus, ad quos de jure ac antiqua consuetudine noscitur pertinere, præsertim cum ad eos jus & potestas hujusmodi ab Apostolicâ Sede pervenerit, qua Romanum Imperium in personam magnifici Caroli à Gracis transtulit in Germanos. Sed & Principes recognoscere debent, & utique recognoscunt, sicut ijdem in nostra recognovère præsentia: quòd jus & auctoritas examinandi personam electam in Regem, & promovendam ad Imperium ad nos spectat, qui eum inunzimus, consecramus, & coronamus, &c. Nunquid enim si Principes non solum in discordia, sed etiam in concordia sacrilegum quemcunque, vel excommunicatum in Regem tyrannum vel fatuum, hæreticum eligerent, aut Paganum, nos inungere, consecrare & coronare hominem hujusmodi deberemus? Absit omnino. Objectioni ergo Principum respondentes, asserimus, quòd Legatus noster approbando Regem, & reprobando Ducem nec Electoris gessit personam, nec cognitoris, sed denuntiatoris officium, quia personam Ducis ejusdem indignam, & personam Regis denuntiavit inaneam, quoad Imperium obtinendum.

*non tam propter studia eligentium, quàm propter merita electorum, quamvis plures ex illis, qui eligendi Regem, Imperatorem promovendum de jure & consuetudine obtinent potestatem, consensisse perhibeantur in ipsum Regem, & ex eo quòd fautores Ducis absentibus alijs, & contemptis ipsum eligere præsumpsunt, pateat eos perperam processe, unde privilegium invenerunt amittere, qui permissâ sibi abusi sunt potestate, & c. Nos utique non Ducem, sed reliquum reputamus & nominamus Regem, justitiâ exigente. Quòd autem, cum in electione vota Principum dividuntur, post admonitionem, & expectationem alteri partium favere possimus, maxime postquam à nobis unctio consecratio, & coronatio postulantur: jure patet pariter & exemplo. Nunquid enim si Principes admoniti & expectati vel non potuerunt, vel noluerunt in unum propositum convenire, Sedes Apostolica Advocato & Defensore carebit? eorumq; culpa ipsi redundabit in pœnam & c. & c. Nobilitatem ergo tuam monentes per Apostolica scripta mandamus, quatenus à præfato Duce recedas omnino, non obstante juramento, si quod ei ratione Regni fecisti, cum (eo quantum ad obtinendum Imperium reprobato) juramentum hujusmodi non debeat observari.*

Observe circa præsentem Decretalem, ipsos etiam Principes Electores agnovisse & falsos esse, quòd Jus & auctoritas examinandi personam electam in Regem, eamque ad Imperium promovendi, ad Pontificem spectet, ut patet ex i'lis verbis: *Sed & Principes recognoscere debent & utiq; recognoscunt, sicut iidem in nostra recognovere præsentia & c.* Neque hæc Pontifex unquam diceret, mulcòque mirùs scriberet, nisi compertum, & planè certum, & alioquin facilè, claroque sole falsi convincendus. Deinde in eadem Decretali insinuat Innocentius rationem, ob quam Regna & Imperia indirectè & casualiter subiaceant pontificum auctoritati, ubi dicit: *Nunquid enim si Principes vel non potuerunt, vel noluerunt in unum propositum convenire, Sed: Apostolica Advocato & Defensore carebit, eorumq; culpa ipsi redundabit in pœnam?*



§. VI.

*Quartus textus Canonicus ex Clementina unica, de Jurejurando.*

S U M M A R I A.

1. *Quo tempore Collegium Electorale, & à quo institutum.*
2. *Nezari non potest à Summis Pontificibus id factum.*
3. *Probatur auctoritate Concilij Viennensis.*
4. *Refutatur Ludovicus Maymburgus.*

I.



Uo tempore Jus eligendi Romanum Imperatorem ad Principes Germaniæ pervenerit, incertum est. Aventinus *lib. 5. Annal.* & Onuphrius Panvinus *lib. de Comitibz.* Volunt Collegium Electorale à Friderico II. institutum, & à Gregorio X. confirmatum. Obijt Fridericus II. mccc. Gregorius verò Anno mcccxxvi. Onuphrius credit, Jus eligendi ad Septemviros restrictum in Concilio Lugdunensi, quod Anno mcccxxiv. auctoritate Gregorij X. convocatum est. Alij Gregorio V. attribuunt, natione Germano, Nepoti Ottonis III. qui Anno dcccc. decessit. Hanc opinionem Bellarminus, & iæpe laudatus Morerus in suo dictionario historico, ubi agit de Gregorio V. tuentur. Eamque multæ probant magnæque rationes. *Primò:* Quòd Sigebertus ad Annum mii. scribat, Ottonem III. inter alia cum Papa Gregorio V. de ijs quæ ad Imperij Jura spectant egisse. *Secundò:* Quòd Otto I. alijsque deinceps usque ad Ottonem III. privilegio Leonis VIII. quod habetur *c. in synodo dist. 63.* Successorem elegerint, idque propagatum, ut diximus, usque ad Ottonem III. post quem jus eligendi penès Germaniæ Principes fuit; oportet ergo hoc tempore mutationem aliquam circa Electores factam esse, alioquin Imperatores eo privilegio tam magno, tamq;

utili successores nominandi nunquam abstinuissent. *Terriò*: Quòd Otto III. liberis & spe liberorum carens, ne post ejus mortem causâ electionis discordiâ Germaniam agitarent, vicino maximè & vigilante ad omnia Gallo; cum Pontifice sic convenerit.

Illud saltem vero propius est, numerum septem Electorum non à Gregorio V. fuisse institutum, sed ab Innocentio IV. in primo Concilio Generali Lugdunensi Anno MCCXLV. Ubi observatum in numero Electorum Ecclesiasticorum tertium poni Archiepiscopum Salisburgensem, uti habetur in Actis Concilij Lugdunensis à Severino Binio editis Tomo III. Conciliorum p. 2. fol. 167. edit. Colon. Ubi hoc ordine Electores ponuntur.

### Electores Imperatorum Laici

Dux Austriæ.

Dux Baviaræ.

Dux Saxonum.

Dux Brabantia.

### Prælati

Archiepiscopus Coloniensis.

Archiepiscopus Mogunt.

Salisburgensis.

Isti, ducentur in Insulam quandam Rheni, & dimittentur soli in ea, & amovebuntur omnes navicula, & hi tractabunt de electione Imperatoris: nec adveniet aliquis ad eos, donec sint concordēs. Huic negotio prærit Archiepiscopus Coloniensis, secundus Moguntinus, tertius Salisburgensis. Hæc inter acta Concilij Lugdunensis. Vide etiam Baronium, Ad annum DCCCCXCVI. num 64. Et Matthæum Parisiensem Monachum S. Albani in Anglia, qui historiam suam perduxit usque ad Annum MCCXLIX. adeoque vixit tempore, quo Concilium primum Lugdunense celebratum est. (a)

II. Sed quidquid de tempore & Pontifice in individuo sit, qui jus eligendi ad septem Germaniæ Principes transtulit, certum est, ab aliquo Summorum Pontificum translatum esse; præter enim Scriptores, quorum plurimos videre est apud Bellarminum lib. 3. c. 3. de translat. Imperij. docent ipsi Lutherani Centuriatores; quorum

tamen



tamen primæ, potissimæque & innatæ velut partes sunt, quidquid Ecclesiæ Romanæ decorum & gloriosum est, pertinaciter negare.

Sic ergo Centuriatores loquuntur *Centuria 10. c. 10.* Gregorius suam patriam (Germaniam) insigni aliquâ dignitate ornaturus sanxit, ut penes solos Germanos esset jus eligendi Regem, qui post diadema à Romano Pontifice acceptum Imperator & Augustus appellaretur. Et *Centuria 10. c. 16.* Paulo enim postquam redierat (Gregorius Papa) eam fecit de Imperatoris Electione sanctionem, quam hucusq; super annos quadringentos servatam videmus, solis licere Germanis, qui inde Electores dicti sunt, Principem deligere. Et infra: Annum, in quo hæc sanctio à Pontifice Gregorio facta est, secundum supra millesimum Christiana salutis fuisse invenimus.

Sanctus Thomas, cui & sanctitas & doctrina cœlitus infusa voluntatem errandi, & facultatem ademit, in tract. de regimine Principum, quem Regi Cypri dedicavit lib. 3. c. 9. Ex tunc (hoc est post Ottonem) ut historia tradunt, per Gregorium V. genere similiter Theutonicum provisâ est electio, ut videlicet per septem Principes Alemania fiat: qua usque ad ista tempora perseverat, & tantum durabit, quantum Romana Ecclesia, qua supremum gradum in Principatu tenet, Christi fidelibus expediens judicaverit, in quo casu, ut ex verbis Domini supra inductis est manifestum, videlicet pro bono statu universalis Ecclesiæ videtur Vicarius Christi habere plenitudinem potestatis.

Fatentur ipsi Principes Electores, quorum maximè res agitur, ut videre est in litteris Marchionis Brandenburgici, Ducis Saxonie, & Comitis Palatini apud Baronium Anno DCCCCXCVI. n. 44. Et denique Alberti Imperatoris, qui in litteris ad Bonifacium VIII. An. MCCCIII. Regni sui quinto, decimo sexto calendas Augusti hæc habet. *Prosteor, Beatissime Pater, me bonorum omnium largitori, ac Vobis & sanctæ Ecclesiæ Tuæ fore pro innumeris misericordijs & inmensis beneficijs obligatum, &c.* & infra: *Recognoscens igitur, quod Romanum Imperium per Sedem Apostolicam de Gracis translatum est, in personam Magnifici Caroli in Germanos, & quod jus eligendi Romanorum Regem, in Imperatorem postea à promovendum, certis Principibus Ecclesiasticis & secularibus est ab eadem sede concessum, à qua Reges & Imperatores, qui fuerunt & erunt, pro tempore recipiunt temporalis gladij potestatem ad vindictam malefactorum, &c.*

Et ipse summus Pontifex Innocentius III. in Decretali venerabilem, de electione: Unde, inquit, illis Principibus jus & potestatem eligendi Regem, in Imperatorem postmodum promovendum, recognoscimus, ut debemus, præsertim cum ad eos jus & potestas huiusmodi ab Apostolica Sede pervenerit.

In publico etiam instrumento ad Nicolaum III. Pontificem maximum anno MCCLXXIX. indictione 7. Rudolphi Imperat. Anno VI. iidem Principes sic loquuntur: *Nos Principes Imperij universis presentem paginam inspecturis. Complectens ab olim Romana Mater Ecclesia quoddam quasi germanâ charitate Germaniam, illam eo terreno dignitatis nomine decoravit, quod est super omne nomen temporaliter presidentium super terram: plantans in ea Principes tamquam arbores praelectas, illud eis dedit incrementum miranda potentia, ut ipsius Ecclesia auctoritate suffulti per ipsorum electionem illum, qui frena Romani teneret Imperij, germinarent, &c. Vide integrum hoc instrumentum apud Bellarminum de translatione Imperij l. 3. c. 3. Videndusetiam Serarius lib. 1. Rerum Mogunt. c. 26. & Gregerus in defensione Bellarmini c. 28.*

Ludovicus etiam Morerus in recentissimo Dictionario historico, quod Ludovico XIV. Gallorum Regi dedicavit tomo II. & Spondanus Episcopus Gallus ad annum DCCCCXCVI. idem affirmant.

Ipse Ludovicus Maymburgus loco paullo post citando illa, quæ citavimus, Electorum, Imperatorum, ac Innocentij III. testimonia & monumenta dicit esse fide digna, authentica, revocantque ad veritates omni exceptione majores, quantumvis ipse in alium sensum, ut infra dicemus, interpretetur.

III. Et denique si alia omnia desint, superat omnem exceptionem testimonium Concilij universalis Viennæ in Galliis celebrati anno MCCCXI. presentibus Galliar, Angliæ, & Aragoniæ Regibus, Patriarchis Alexandrino & Antiocheno, Episcopis centum quatuordecim, vel ut alij, trecentis, præter Abbates & Doctores, & præside ipso Clemente V. natione Gallo, ipsisque Gallis addictissimo, ut præter alia patuit ex Sede Pontificali Avenionem translata, Christiano orbe & Italiâ præsertim indignante.

Causa scribendæ hujus Clementinæ hæc fuit. Occiso per insidias Alberto Cæsare Austriaco, Clementis V. Pontificis maximi favore & consilio electus à Principibus Germaniæ fuerat Anno MCCCVII. Henricus VII. Dux Lucemburgensis. Is Ducem Baviariæ & Comitem Namurcensem Legatos ad Clementem mittit, qui nomine electi obedientiam & juramentum præstent, petantque confirmationem. Legati humaniter excepti, & quæ petebant concessa. Rogatus etiam Imperator, ut in Italiam Pontifici rebellem,  
& fa-

& factionibus Gibellinorum vexatam armatus concederet. Venit Romam Henricus, & majorum ritu ac more defendendæ Romanæ Ecclesiæ juramento se obstrinxit. Postea cum simultatibus exortis, & civili bello Italiâ conflagrante, Pontifex pacem imperaret, monere quæ Henricum præstiti sacramenti; hic bellum prosequitur, negatque juramentum, quo Ecclesiæ se obligaverat, fidelitatis esse: adeo verum est illud Senecæ: *Nihil cbarius haberi beneficio, quamdiu petimus; nihil vilius, cum accepimus.* Moritur paulo post Henricus, aut veneno, aut febris extinctus. Hæc ergo caula fuit scribendæ Clementinæ, cujus verba nunc audiamus.

Clemens V. in Concilio Viennensi: *Romani Principes orthodoxa fidei Professores, sacrosanctam Romanam Ecclesiam, cujus caput Christus Redemptor noster, ac Romanum Pontificem ejusdem Redemptoris Vicarium, servore fidei venerantes, eidem Romano Pontifici, a quo approbationem persona ad Imperialis Celsitudinis apicem assumenda, nec non unctionem, consecrationem, & Imperij coronam accipiunt, sua submittere capita non reputabant indignum, sed illi, & eidem Ecclesiæ, quæ à Græcis Imperium transfudit in Germanos, & à qua ad certos eorum Principes jus & potestas eligendi Regem, in Imperatorem postmodum promovendum, pervenit, adstringere vinculo juramenti, prout tam mos observationis antiquæ temporibus novissimis renovata, quam forma juramenti hujusmodi sacris inserta Canonibus manifestavit, &c.*

Nota circa hanc Clementinam, Concilium hoc Viennense iterum testari, Imperium à Græcis in Germanos auctoritate Sedis Apostolicæ translatum esse, ab eadem jus Electorale constitutum: antiquissimo more electos Imperatores Pontifici Romano se juramento adstrinxisse: Reges & Imperatores Romanæ Sedis advocatos & defensores esse: Juramenta Sedi Apostolicæ à Principibus præstari solita, esse vera juramenta fidelitatis; cujus obligatio qualis & quanta sit, quasque partes complectatur, videre est in epist. ad Ducem Aquitanix Fulberti Episcopi Carnotensis doctrinâ & sanctitate celeberrimi; habetur ejus fragmentum *m. c. de forma. causa. 22. q. 5.* Quæ omnia nostram sententiam valde confirmant, cum non à solo Pontifice Romano, sed à Concilio univèrsali fuerint declarata, & ab Episcopis Gallicanis non tantum non impugnata, sed positivè confirmata, & sanctè habita, ut proinde non doctrina tantum Clementis V. aut Concilij censenda sit, sed Ecclesiæ totius Gallicanæ.

IV. Circa Collegij Electoralis & Septemviralis originem non omisit more suo Ludovicus Maymburgus ea dicere, quæ Pontificis auctoritatem hac in re minuatur, obscurentque: *In historia de la decadence de l'empire lib. 2. anno DCCCCXCVI. prope initium.*

Primò: Rem, dicit, esse in tota historia obscurissimam, cognitūq; omnino difficilem, & quam multi de hoc argumento scriptis libris evolvere sin: conati, semper irritò eventū nulloq; opera pretio, nisi quòd multi etiam Catholici animos parium studijs & affectibus prævencos, non veritatem ostenderint; se verò, uti speret, principia aliqua collocaturum, ex quibus facile sit veritatem ipsam intelligere.

Secundò: Certum esse, dominante stirpe & familiâ Carolinâ jure legitima successoris Regnum Germania deferri, vel potius transmitti ad proximos agnatos consuevisse: hancq; fuisse legem Francis fundamentalem: donec eâ familiâ extinctâ Reges eligi cœperint. Sic Conradum I. Henricum Aucupem, ejusq; filium Ottonem magnum à Principibus tum Ecclesiasticis tum secularibus, urbiumq; deputatis electos esse.

Tertio: Insuperio in Ottonem I. & Alemannos translato, durasse adhuc jus electionis, nec Imperatores aliter, quàm per electionem provectos esse usque ad Fridericum II.

Quartò: Quoad ipsos Electores saepe variatum esse admissò aliquamdiu ad suffragia etiam populo ejusq; deputatis; immo principibus urbibusq; Italia, ipsoq; per suos Legatos Pontifice: quia tunc Italia Regnum pars Imperij Germanici censebatur: si Henricum IV. Lotharium II. Fridericum I. promotos esse.

Quintò: Cum penes Principes Officiales, Ministrosq; Imperij major potestas, & auctoritas staret, mutato electionis ordine ad hos suffragandi jus devenisse, alijs Principibus, civitatibus, deputatis Imperatorem aliquem presentibus tantum, qui tamen, si primi dissiderent, ipsi Augustum pronuntiabant, hoc apparere ex c. 34. de electione, quod est Innocentij III.

Sextò: Post electionem Conrads III. Solos Principes vasallos, & Beneficiarios Imperij tam Ecclesiasticos, quàm seculares fuisse ad eligendum admissos: & post electionem Friderici I. Solos Germanos, ut apparet ex celebri illa Decretali ab Innocentio III. ad Ducem Zaringhia: post electionem verò Friderici II. in quam pleriq; Germani Principes convenerant, istorum consensu & voluntate potestatem eligendi Principibus Septemviris delatam esse, alijs or nibus suffragio exclusis, idq; asseri ab Alberto abbate Stadensi, & Martino Polono, Friderico II. coavis; ex quibus apparet, Collegium Electorale intra annum millesimum ducentiesimum decimum, & millesimum ducentiesimum quadragesimum

institutum, primumq; fuisse Wilhelmum Hollandia Comitem, qui à Septemviris electus sit, Fridrico II. in Concilio Lugdunensi censuris & anathemate percussus. Hunc deinde Septemviratum in aurea bulla à Carolo IV. adversus omnem mutationem confirmatum esse.

Ultimò denique: Certissimam & omni exceptione majorem veritatem esse, jus eligendi Imperatorem à Sede Apostolica ad Principes Germania provenisse; idq; Innocentium III. Concilium Viennense, Electores ipsos, & denique Imperatorem Albertum testatum facere, ut appareat ex monumentis authenticis fide dignis, quæq; in dubium revocari haud possint, nisi fundamentis fidei hystoriæq; humana convulsis.

Ex his principiis, quæ loco citato Maymburgus posuit, hoc deducit. In electione, ipsoq; Imperatore duo distingui oportere. Primum, quod sit Caput, supremusq; Princeps, & Monarcha Germanici Imperij, à quo Principes alij dependeant. Secundum, quod electus solus, exclusisque alijs omnibus unice jus habeat coronam à Pontifice postulandi. Illud primum quod spectat, nec Electores, nec Imperatores à Pontifice Romano quidquam accepisse; cum jure naturali divinoq; ut in alijs Regnis electivis, sic & in Germanico Imperio possint Optimates sibi Caput & Principem deligere. Secundum verò, hoc est, coronationem à Pontifice Romano fluxisse quidem, esse tamen ritum haud necessarium, & sine qua Imperatori tota Majestas constet.

Tandem Maymburgus cum Baronio congregitur, Eumq; quod Collegij Electoralis Innocentium IV. auctorem faciat, misere deceptum à suis amanuensibus dicit; cum fabulas quasdam Matthæi Parisiensis Angli pro actis Concilij Lugdunensis amplexus est, suisq; annalibus pro gemma vitrum intexuit: se verò in eam sententiam ire, ut jus eligendi Germanis concessum, à Leone VIII. provenerit, ut colligere est ex ejusdem Leonis Decreto, quod habemus c. in synodo, dist. 63.

Hactenus fideliter Maymburgi sententiam expressimus, quam ille citato libro & Gallico idiomate in publicum exposuit; cui sigillatim refutandæ non immoramur, cum multa dicat, veritati consentanea; alia verò, quæ ad nostrum institutum non faciunt, libenter prætergredimur, temporis parci; & veritatis, non pugnx avidi. Demus ergo omnia, quæ ponit, sed illud præsertim, quod Innocentij III. in c. venerabilem. Concilij Viennensis in Clementina unica de jurejur. Electorum denique & Imperatorum,

quæ suprâ citavimus, testimonia, tamquam verissima, indubitate, & aded fide digna admittit, ut ea non tantum negari non possent dicat, sed ne quidem vocari in dubium. At verò ex his ipsis Pontificum Principumque testimonijs clarissimè habemus, non jus tantum eligendi quoad coronam, ritumque externum Germanis Principibus concessum à Sede Apostolica fuisse, sed *Eligendi advocatum & defensorem Ecclesiæ; Electoribus dissidentibus posse Romanum Pontificem non tantum Imperatorem, sed Regem etiam eligere, alio rejecto omnique auctoritate exuto; posse Pontificem declarare electum à Principibus propter hæresin, censuram, aliudque impedimentum inhabilem regno esse: posse, immo teneri subditos ab eo, quem Pontifex ejusve Legatus excluderint, omnino desicere, & juramento solvi: Imperium auctoritate Pontificis à Græcis in Germanos translatum esse: Imperatorem ab eodem Pontifice per Electores recipere temporalis gloriæ potestatem, &c.*

Hæc omnia sunt verba ipsissima Innocentij, Concilij Vienneſis, Alberti Cæsaris, & Principum Electorum, quæ quod non possint ad solam coronam ritumque externum, & cæremoniam haud necessariam referri, tam est clarum, ut nos pigeat plura disserere, mirumque sit voluisse hominem doctum utriusque, prudentemque distinctione tam miserâ fragilique causam tanti momenti fulcire, quam oportebat, aut non suscipere, aut firmitus protegere.

*Sed, inquit, jure naturali divinoque, qualibet Respublica caput sibi deligit; quid ergo hic opus auctoritate Pontificia? Fatemur & nos, nullasque Pontifici partes concedimus, nisi cum Ecclesiæ bonum & necessitas urgent, alijque casus extraordinarii infrâ nominandi, quod ipse Innocentius III. in Decretali, Venerabilem, & Doctor Angelicus lib. 3. de Regimin. Principis. c. 9. expresserunt, cum enim miserrimè jactaretur Ecclesia ex ambitione, factionibus, & potentiâ candidatorum, omnino Pontificis officium & cura fuit litibus bellisque modum aliquem & clavum figere, certâ eligendi formâ perpetuò constitutâ.*

Quod attinet Albertum Stadenſem, & Martinum Polonum, quos duos tot alijs, sacrisque etiam Concilij Maymburgus opponit, præfertque, jam dudum & solidè respondit Baronius *ad annum DCCCCXCVI. n. 57.* à quo sicut Maymburgus objectionem accepit, oportebat & solutionem accipere, aut, si hæc non placebat, rationem dare, eamque refellere: nunc verò cum Maymburgus Baro-  
nium

nium legerit, Baronium citet, ex Baronio auctores, quos sibi ille objecerat, describat; taceat verò, quæ Baronius ad objecta respondit, equidem vereor, ut laudem à candore bonaque fide hic Auctor mereatur.

Denique ad testimonium Matthæi Parisiensis, quod Maymburgus inter fabulas refert, res sic habet. Matthæus Parisiensis Anglus monachus Albanensis historiam scripsit Anglicanam ab Anno *MLXVI.* usque ad Annum *MCCCLIX.* ut constat ex continuatione & supplemento ejusdem historię ab alio S. Albani Monacho, & habetur in Codice bibliothecæ Salisburgensis; quamvis Baronius scribat pervenisse tantum ad Annum *MCCCL.* Sed vide Moretum in suo Dictionario & vita Matthæi Parisiensis. Editus fuit hic liber Tiguri in Helvetia, civitate Religionis Calvinisticæ Anno *MDLXXXIX.* & Londini Anno *MDLXXI.* Nam ex bibliothecis Anglicanis tempore Elisabethæ Reginae emeruisse ex præfatione ad lectorem certum est, ut mirum non sit, si multa & sæpe in Pontifices declamet; cetera opus est omni ex parte laudatissimum. Hic ergo Auctor, cum in vita Henrici III. prolixè & distinctissimè acta Concilij Lugdunensis primi recitasset, Decretum de ordinanda Imperatoris electione continuo subjungit.

### Electores Imperatorum Laici

Dux Austriæ.

Dux Baviaræ.

Dux Saxonum.

Dux Brabantia.

### Prælati Principales.

Archiepiscopus Colonienfis.

Archiepiscopus Mogunt.

Salisburgensis.

*Isti, ducentur in insulam quandam Rheni, & dimittentur soli in ea, & amovebuntur omnes navicula, & ibi tractabunt de electione Imperatoris. Huic negotio prærit Archiepiscopus Colonienfis, secundus Moguntinus, tertius Salisburgensis. His à Domino Papa directæ est diligentissima admonitio, ut sibi aliquem Imperatorem eligerent, &c.*




Hæc Parisiensis, quæ postea inserta fuerunt actis Concilij Lugdunensis, ut videre est in Collectione Conciliorum per Severinum Binium. Sed Principes illic designati communi aliorum consensu & voluntate, retentoque numero Septemvirali, in alios mutati sunt, ut expresse testatur Albertus Stadenfis in Chronico.

Nec obstat Martinus Polonus, qui claudit sub Innocentio IV. *Cum in Otone III. hæc scribit: Et licet isti tres Ottones per successionem generis regnaverint, tamen postea fuit institutum, ut per officiales Imperij Imperator eligeretur, qui sunt septem, videlicet Moguntinus, Trevirensis, Coloniensis, Brandeburgensis, Palatinus, Dux Saxonia, & Rex Bohemia: Nec enim illa dictio, postea, ut vult Maymburgus, refertur ad tempora Ottonum; sed, quod post istos Septemviri elegerint. Et demus, illud postea ad Ottones pertinere, non negat Polonus auctoritate Pontificis id factum, de quo tamen quæstio præcipue vertitur.*

Jam Lectoris arbitrium & judicium esto, quàm feliciter Maymburgus præstiterit, quæ post apparatus pompamque verborum tantam promiserat, se videlicet alijs Auctoribus in obscuro versantibus, ipsique Baronio sæpe impingenti facem prælaturum, enimverò contra tot alios testes & monumenta, quæ nos produximus, quæque ipse Maymburgus fatetur authentica esse, & impugnari non posse, nihil aliud exhibuit, quàm duos Historicos Stadensem & Polonum: Stadenfis ad rem non facit, ut ostensum; Polonus multo minùs. Quid ergo præstitit Maymburgus, nisi quòd lectorem ad epulas humaniter & magnifice invitatum vento pavit, dimisitque?





§. VII.

*Quintus textus Canonicus ex c. Apostolica.  
De sententia & re judicata in 6.*

S U M M A R I A.

1. *Historia Friderici II. Imperatoris ab Innocentio IV. in Concilio Generali Lugdunensi Imperio exuti.*
2. *Ipsa Decretalis.*



I.

On potest hic textus non esse venerationis summa, parisque auctoritatis, apud Gallos præsertim, utpote in Concilio Lugdunensi conceptus editusque; qui, ut magis illustretur, faciem ex historia præferimus.

Anno MCCIX. Otto IV. ab Innocentio III. coronatus est Imperator: sed vix Româ digressus Flaminiam, Faliscos, Apuliam, aliasque Ecclesiæ ditiones occupat, & jam Neapolitano Regno imminentem Innocentius diris percatit, & Fridericum à Principibus renunciari Cæsarem curat. Fridericus ergo Henrici VI. filius Imperator eligitur, & Innocentius III. electionem ratam habet. Anno MCCX. Otto prælio cum Friderico congressus memorabili pugna caditur, & in fugam avertitur: hinc mundi pertæsus dolensque præteritorum, à Pontifice obtentâ absolutione, exemplum veræ pænitiæ decedit. Post annos aliquot Fridericus contra Richardum & Thomam Anagninæ comites, Principesque Hetruriæ, ac Innocentij fratres cum exercitu movet, quod bellum agitent. Ut- rumque vincit, altero in carceres, altero in fugam acto: nec iræ aut victoriæ moderatus, Episcopos curatæ seditionis conscios exilio proscribit, aliosque subornat: & contumaciam delicto adjungens, jure id factum tuetur, quod etiam in Episcopos Imperatori potestatem esse diceret, nec alium, extra Deum, judicem agnosceret.

Opponere se Honorius Pontifex; *Friderico in Ecclesiasticos jus nullum esse: palatia Imperatoribus non Ecclesias constitui: Sicilia Regnum jure beneficiario à Pontifice Romano Fridericum tenere; hoc se indignum reddere, nisi capus abscissat.* Cùm verbis nihil ageretur, excommunicatio in Cæsarem fulminatur, qui tamen expeditionem in terram sanctam magno cum apparatu ingressus continuè absolvitur. Sed vix tertium diem vela fecerat, cùm subito morbum aut passus, aut fingens, in portum redit. Fama est, quatuor supra quadraginta armatorum millia iter ingressos, audito Cæsaris reditu, arma & crucem exuisse, reliquos expeditioni jam accinctos æquè absterritos: Gregorius IX. Imperatorem violatæ fidei ac juramenti reum, tantique causam mali, anathemate ferit. Anno MCCXXVIII. in Palæstinam Cæsar transmittit, receptaque Civitate sanctâ, alijsque à Sultano Babylonico locis, indignas cum Barbaro condiciones init, pacemque cum Papa instaurat. Anno MCCXXXV. filium ad mortem compellit, ditio- nes Ecclesiæ vastat, Episcopos Galliæ, Hispaniæ, Angliæque Romam ad Concilium profectos, unaque tres Legatos Cardinales, ac triremes duas & viginti per insidias capit. Gregorio ob tam crudeliter à Cæsare facta, dolore oppresso. Cælestinus IV. Pontifex renuntiatus, sed octavâ decimâ ab electione die extinctus. Successit Innocentius IV. qui Fridericum bello totâ Italiâ grassantem veritus in Galliam secedit, Lugdunum anno MCCXLV. Concilium Generale indicit, in Fridericum apparatu Pontificio indutus, facesque cum alijs Prælati, qui aderant, manu quatiens, & mox humum allidens solemniter diras pronuntiat, Imperio abdicat, & Principibus, ut alium eligant, mandat. Sequenti anno evectus in Imperium Henricus Thuringiæ Dux. Verùm ab eo tempore fortuna, quæ Cæsari hæcenus adhæserat, continuè averfa, omnesque Fridericum execrati, donec factorum impœnitens, & ut aliqui scribunt, à Manfredi filio notho in lecto oppressus infelicitè excessit, justâ DEI vindictâ, ut, qui Ecclesiam Matrem indignissimè afflixerat, à filio caderet. (a)

II. Audiamus nunc Decretalem. Innocentius IV. Sacro præ-  
sente Concilio ad memoriam sempiternam. *Cùm dura guerrarum commotio nonnullas professionis Christiana provincias diutius affligeret, nos ad Re-*  
deri-

(a) Vide Abbatem Urspergensensem ad hunc annum. Spondanum ibidem.  
Moretum in Friderico II.

dericum præcipuum Principem secularem hujusmodi diffensionis & tribulationis auctorem, à felicis recordationis Gregorio Papa IX. prædecessore nostro, pro suis excessibus anathematis Vinculo innodatum speciales nuncios & magna Auctoritatis Viros duximus destinandos &c.

Nos itaque super præmissis, & quàm pluribus alijs ejus nefandis excessibus, cum fratribus nostris, & sancto Consilio deliberatione præhabita, diligenti (cum Jesu Christi vires licet immeriti teneamus in terris, nobisq; in Beati Petri persona sit dictum: Quodcunque ligaveris super terram, ligatum erit & in Calis) memoratum Principem, qui se Imperio & Regnis omniq; honore, & dignitate reddidit tam indignum, omni honore ac dignitate privatum à Domino ostendimus, denuntiamus: & nihilominus sententiando privamus omnes, qui ei juramento fidelitatis tenentur adstricti, à juramento hujusmodi perpetuo absolventes: auctoritate Apostolicâ firmiter inhibendo, ne quisquam de cetero sibi tamquam Imperatori vel Regi pareat, & intendat. Decernendo quoslibet, qui ei deinceps velut Imperatori, vel Regi consilium vel auxilium præstiterint, seu favorem, ipso facto excommunicationis sententiæ subiacere. Illi autem, ad quos Imperatoris spectat electio, eligant libere successorem. Hactenus Concilium Lugdunense.

Audis hîc iterum, non Pontificem tantum aut Concilium, sed utrumque, in medio ipsius Galliæ, consensuque Ecclesiæ Gallicanæ sententiam pronuntiantem, quam defendimus, quamque nemo alius impugnare potest, quàm qui apertè se & Concilio universali, & Ecclesiæ Gallicanæ adversarium profiteatur.



§. VIII.

*Sextus Canonicus textus in Extravagante unica: Si Fratrum, ne sede vacante.*

SUMMARIA.

1. *Historia Ludovici IV. Imperatoris.*
2. *Textus Extravagantis recitatus, & expensus.*

## I.



Ro hujus Extravagantismajori explicatione sciendum est, fuisse conditam & promulgatam Avenione in Gallijs à Joanne XXII. Pontifice, natione, studijs, promotione Gallo, quique ex Episcopo Avenionensi & Franciæ Cancellario Pontifex electus est anno mcccxvi. teste Spondano ad eum annum. Multa hic Pontifex supremæ in Reges potestatis exempla reliquit. Nam Henrico VII. Imperatore vitâ functo, plures ex septem Electoribus Ludovicum Bavarum hujus nominis IV. pauciores Fridericum Austriacum Ludovici consobrinum, Imperatores nominant; Austriacus Romæ, Ludovicus Aquisgrani coronatus, Imperio in partes scisso, belloque civili, quo Germania diu flagravît, accenso, Causa discordiæ fuit, aut quodd Electores Ecclesiastici præteriti, nec ad electionem vocati Austriaco adhæserint, aut quodd iste, licet duo tantum & certa suffragia, pro se haberet, Colonienfis videlicet Archiepiscopi & Rudolphi Bavaricæ Ducis ac Comitis Palatini: accedebant tamen alia duo incerta Ducis Carinthiæ, qui se Regem Bohemiæ, & alterius, qui se Marchionem Brandenburgicum ferebant. Ab utroque Bavaro videlicet & Austriaco Legati Avenionem ad Pontificem missi, qui fidelitatem & obedientiam promitterent. Pontifex Legatis benigne auditis, Regium titulum electis, donec lis finiatur, permittit; diem tamen utrique dicit ad jus suum coram Apostolica Sede prosequendum juxta Decretum Innocentij III. *in c. venerabilem, de electione.* Ludovicus verò non tantum Imperatorem agebat, sed Gibellinos etiam in Italia concitabat, eorum armis & potentiâ Joannem in suas partes tracturus: Pontifex Austriacum, magnâ vi pecuniæ & Imperio promissis, in Italiam contra Ludovicum evocat, non armis tantum, sed etiam calamo Romanæ sedis infestum. Inter alios Guilielmus Okamus Franciscanus ad Ludovicum defecebat, multisque libellis auctoritatem Romanam impugnaverat. Magno prælio ab Austriaco Bavaroque Mildorsij pugnatum pro corona est, Victoria Bavaro cessit, Austriacus captus, & post triennij carcerem liber dimissus, nec multò post dolore & arumnis confectus est, Princeps omnino & ipse Imperio dignus, si duos Imperium caperet. Summa rerum penes Ludovicum stetit, extincto æmulo, & arma in Italiam conversa: Ludovicus enim à Gibellinis, qui

qui Italiam vastabant, imploratus, auxiliares copias contra Gue-  
fos Pontificios misit: Pontifex instante præsertim Carolo IV.  
Francorum Rege Ludovicum monet, *Captis absistat: copias in Pontifi-  
cem missas revocet: Imperiali titulo, dignitate & functionibus oblineat, donec  
de legitima electione doceat; nisi faciat, ipso facto excommunicationem incurrat.*

Datum est hoc diploma Avenione, Anno Pontificatus VIII.  
Gallis non tantum hunc actum Pontificiæ potestatis non impu-  
gnantibus, sed etiam urgentibus, sub quorum oculis bulla hæc da-  
ta, & promulgata est. (a) Sed Ludovicus indicto Norimbergam  
Episcoporum & Principum conventu, protestatus se Catholicæ  
Romanæque Ecclesiæ filium esse, omnemque reverentiam Christi  
Vicario debere, ad Concilium universale appellat, jus illic suum  
demonstraturus. (b) Joannes Papa, ubi videt Ludovicum propo-  
siti tenacem haud moveri, excommunicationem & censuras vi-  
brat, eumque Imperio abdicat: hic enimverò Ludovicus in ex-  
trema prorupit: quæ tamen non illius culpa fuit, sed quorundam  
potius, qui aulam sequebantur, Doctorum, quique infamibus  
scriptis à scola Parisiensi postea concrematis, oleum foco adde-  
bant: imposturæ præsertim Udalrici Hagenohr Cancellarij paul-  
lo post vitæ functi, malasque artes confessi, ut videre est in libello  
P. Niggelij Schyrensis Benedictini *de bonis operibus Ludovici IV.* Arma  
igitur à Ludovico in Italiam & Romam translata.

Tertiam illic coronam accepit, nam secundam Mediolani jam  
acceperat: Petrum quemdam de Corbaria, ex Religione Mino-  
rum, quem Nicolaum V. appellârunt, Pseudopontificem creat (qui  
postea Avenione in carcere diem obiit) & Joanni opponit. Quo  
facto omnium animos in Italia præsertim à se abalienavit, ut pa-  
lâm deficerent, eumque in Germaniam reverti compulerint.

Anno MCCCXXXIV. Mortuo Joanne Benedictus XII.  
eligitur Pontifex Maximus, ad quem missis Legatis renunciare  
se dixit Ludovicus titulo Regis & Imperatoris Romanorum, &  
absolvi petijt. (c) Sed absolutione dilatâ Legatio An. mcccxxxvi.  
repetita, missique Procuratores, qui nomine Ludovici contra Jo-  
annem Pontificem, vel Ecclesiam Romanam olim facta, revoca-

F f rent,

(a) Vide Bzovium ad annum MCCCXXXIV.

(b) Vide Hervvarth pag. 248.

(c) Ludovius ad annum MCCCXXXV. n. 7. Ex Chron. Alberti Argent. &  
Mutij de rebus Germanicis lib. 24,

rent, & in integrum restituerent, ablata Ecclesiæ redderent, donationes ab Imperatoribus factas confirmarent &c. Sequē, nisi pactis & pollicitis steterit, excommunicationi alijsque pœnis, etiam amissioni Regnorum & Imperij, si hanc pœnam Pontifex decreverit, submittit: ubi planè agnovit Ludovicus, esse Pontifici jus fasque hanc pœnam infligendi: Verba ipsius Ludovici in suo ad Papam diplomate 8. Martij Anno MCCCXXVI. hæc sunt: *Quod si intra tres menses alios prædictos monitioni prædicta non paruerimus cum effectu, & per alios tres menses prædictos novem menses immediate sequentes de gratia expectati, monitioni non paruerimus, ut præfertur, liberum sit Romano Pontifici, prout sibi expedire videbitur, ad alias pœnas procedere contra nos, privando etiam nos, si sibi videbitur, Imperialis, Regiæ, & quâlibet aliâ dignitate &c.* (a)

Responsum Legatis Ludovici: Si cum Ecclesia & Deo in gratiam redire vellet, Ochamum, Bonam gratiam, Michaëlem Casenatem, folles discordiarum, dederet: Calumnias, suorum instinctu, in Joannem Pontificem passim, & publicè vulgaras, corrigeret: Edicto caveret, neminem deinceps Imperatorem esse, vocariq; posse, cujus electionem sedes Romana improbaret: Ipse Ludovicus se suumq; Imperium nova electioni committeret: pacta denique cum Anglorum Rege, alijsque Regis Christianissimi hostibus rescinderet: hæc, si faceret, ad Ecclesiæ sinum receptum iri. Plerasque harum conditionum Bavarus iniij, nobilissimâ iterum Legatione ad Pontificem misâ: sed bellum Anglicum spem omnem præcidit; dum enim per oratores hæc petebantur, interim arma cum Eduardo contra Philippum Valesium, Galliarum Regem sociaverat, eumque in Belgio Vicarium constituerat, quo titulo Hollandiam, Geldriam, Brabantiam sibi Anglus adjunxit. Ergo ne Ludovicus in gratiam cum Ecclesia rediret, obstabat Gallus, ejusque offendendi metus. Maymburgus de la decadenze &c. lib. 6. Anno MCCCXXXVII. initio.

Anno MCCCXXXVIII. Eò res devenerant, ut Benedictus expugnato mitigatoque Philippi Francorum Regis animo, misâque etiam Roberto Duci Bavariz, & Ludovici ex filio nepoti, rosâ benedictâ, negotium in portu videretur: cum ex insperato omnia iterum turbata, Francofordiam Comitibus Ludovicus indicit: Angliæ Regem Imperij Vicarium pronuntiat, Legatos suos Avenione

revo-

(a) V. Bzov. ad ann. MCCCXXXVI. fol. 746, ubi integrum diploma Legatis commissum recitat,



revocat, & novum Germaniæ Patriarcham constituit, ac diploma vulgat, quo potestatem regiam in nullo casu Pontificiæ subjacere declamat, & qui huic Decreto non subscriberent, sacros, prophanos, Ecclesijs, Monasterijs, bonis omnibus movet. (a)

Mortuo Benedicto Clemens VI. Ludovicum Ecclesiæ civitates invadentem, diris iterum, & cum apparatu percutit, jubetque Imperij Electores, abdicato Ludovico alium Imperatorem eligere; Maymburgus *de la decadence lib. 6. anno MCCCXLVI.* Si negligenter, jus eligendi ad Pontificem devolutum iri: paruerunt Electores, evectoque in Imperatorem communibus votis Carolo Marchione Moraviæ hujus nominis IV. Sequenti anno MCCCXLVII Ludovicus equo, dum ursum insequitur, lapsus, aut, quod alij dicunt, veneno periit. Eodem anno Ochamus fax omnium majorum extinctus est. Ludovicum prius sibi redditum, quam moreretur, & veniam peccatis suis, opemque Deiparæ Virginis implorasse, quàmplures historici tradunt apud Bzovium ad annum MCCCXLVII. Et Maymburgus *lib. 6. de la decadence de l' empire.* Nec negari potest, fuisse Ludovicum Principem Imperio omnino dignum, & in quem omnes artes regnandi, cum magna pietate, munificencia, clementiaque confluerant: & si pugnās cum Romanis Pontificibus aliorum potiùs consilij, dolis, duritiâque promotas excipias, æternâ memoriâ dignum: de cujus virtutibus vide laudatum Patrem Niggelium, qui ex M. SS. codicibus Bibliothecæ Schyrensis §. 8. & 9. cap. 5. hæc recitat. *Benedicto successit Clemens VI. Quid hic iterum noster Ludovicus? Minime disjuncta cause. Nam alios de novo Legatos misit, qui serid cum omni animi demissione absolutionem (si qua opus habuisset) peterent; atque ut toti orbi innotesceret, quàm obtemperantem se Apostolica Sedi stiterit, ejusdem chartam pergamenam sub sigillo suo magno commisit, eamque, apertam, puram, mundam (biancam vocant) nullis tinctam litteris aliòve genere (sic expressè lego in nostro M. S. auctore, quem propter venerandam antiquitatem in his bonis Ludovici nostri operibus passim sequor) eum in finem, ut quidquid summus Pontifex injungere, qualemcunq; penitentiam, aut satisfactionem à Ludovico fieri vellet, id omne inscriberetur, &c. Attamen Legatos sensu perfidos. Nam chartam, ut jam dixi, litteris omnino yacuum insigni & inaudita perfidia onerârunt; siquidem in gratiam Clementis*

(a) Vide Bzovium ad annum MCCCXXXVIII. à n. 8. Trithem. Naucleum Generatione 45. ad annum MCCCXXXVIII. circa finem,

scripsit, Ludovicum liberè se faceri hæreticum, & illegitimè in Regem electum; id quod deinde publicè recitatum ansam dedit ( si ansa fuit ) Clementi ad anathemata, &c. Quidquid sit, ista omnia patientissimè tulit Ludovicus, & vel hæc solâ patientiâ maximos Imperatores superavit, quia seipsum vixit: Maxima autem victoria est sui ipsius. Similis aut majoris perfidia erat ejus Cancellarius M. Ulricus Hagenohr Augustanus. Is cum sigillum Imperatoris cura sua demandatum haberet; accidit foridè, ut à nonnullis Magnatibus ob ad alienum contractum graviter accusaretur. Ubi ex jussu Ludovici per 18. aut 15. Pralatos se Norimbergæ purgavit, mox pristina dignitati restitutus est: asse- rebant enim Pralati, Cancellario contra jus & æquum esse factum. Interim perfidus iste Cancellarius omnem lapidem movit de vindictâ sumenda. Proinde Magnates illos ad Casarem gravissimè detulit, & eidem assiduus infligator fuit, ut ij Imperio pellerentur, omnibusq; bonis suis quantocius exuerentur: sed cum actum ageret; tale quid commentus est. Ludovicus iteratim misit Legatos Avenionem ad Clementem, additis etiam litteris, in quibus promittebat debi- tam obedientiam Sedi Apostolica. Hoc prorsus opportunum sibi duxit M. Ulricus. Nam cum Casar ejus vindicem agere noller, ipse sui vindicem in Casare egit. Etenim litteris alijs perfidè fectis, & Casareo sigillo munitis in- seruit, Pontificem esse bestiam illam de mari ascendentem &c. Atque hoc illius tam grande facinus ed usque latuit, donec id supremo judici revelare placuit tali modo. Non enim multo post Ulricus gravi morbo correptus, in- ter acerrimos corporis animiq; cruciatus publicè fassus est, se unicam ferè ho- rum malorum Pontificem inter & Imperatorem causam extiuisse, ed quod Lu- dovicus hostes suos secundum suam toties repetitam petitionem è medio non su- stulisset. Quod ubi Casar rescivit, & unâ ex Medicis intellexit, eundem ultra tres pluresvè dies in vivis haud futurum; tamen, ait, sceleratus hic homo omni penâ & morte turpissimâ dignissimus foret, ego tamen ejus judicium su- premo judici relinquo. Et cum dicto ubertim in lacrymas prorupit: daß g'osse Weinen (refert. M. S. nosser auctor) vnd Klagen / daß der Kayser hätt / kan niemand beschreiben / potuisset utique miserum hominem miser- timè perdere, nisi misericordiam patientis Christi in animum revocasset &c.

Carolus IV. Romæ coronatus est Anno MCCCLV. & materiam contentionibus, quæ aded frequentes erant & perniciosæ, circa electiones Imperatorum sublaturus, Norimbergæ celebrem illam constitutionem edidit, quam vocant Bullam auream Anno Chri- sti MCCCLVI. Innocentij VI. Anno IV. cum consensu & approba- tione Legati Apostolici, Magnatumque Imperij, Ceterum ipse  
Care-

Carolus, priusquam à Sedis Apostolicæ Legatis, Petro Ostiensi Episcopo, & Ægidio S. Clementis Cardinalibus nomine Innocentij, qui Avenione degebat, coronaretur, solemni juramento donationes Romanæ Ecclesiæ olim ab Imperatoribus factas confirmavit eiq̃ue defendendæ se obstrinxit, ut videre est in ipso Caroli diploma apud Bzovium ad Annum mcccly.

Jam ad nostram Extravagantem à longo, sed necessario diverticulo redeamus. Cùm Gibellinorum factionibus armisque eodem tempore Italia turbaretur, quo à Joanne XXII. electionem suam confirmari Ludovicus petebat: adeo ut Italiæ Proceres pristinæ libertatis & Imperij admonitos, ad defectionem urgerent, ejectis Ferrariâ Romanis Præfectis: Joannes præsentem edidit extravagantem, in qua vacante Imperio interim à summo Pontifice saltem per Italiam, jus Imperiale exerceri solitum dicit, jubetq̃ue Ludovicum electione adhuc dubiâ, & lite inter ipsum & Fridericum Austriacum necdum decisâ, imperatorij sacibus abstinere. Hodierno tamen jure post auream Bullam Vicarius Imperij est Dux & Elector Saxoniz, in partibus vid. Saxonici juris, & omnia illa potest, exceptis specialibus, quæ Imperator: in partibus verò Rheni, Sueviæ, Franconiz, Comes Palatinus, à quo hanc dignitatem Vicariatûs transisse in domum Bavaricam auctoritate Ferdinandi II. scribit sæpe laudatus Hermes in Fasciculo c. 23.

Audiamus jam verba ipsius Extravagantis. *Sifratrum & coepiscoporum nostrorum, & aliorum quorumlibet jura illibata servari, & ab omni fore dispendio diminutionis extranea cupimus, multo fortius pro nostris, & Romana Ecclesia Sponsa nostra juribus & honoribus conservandis, ex injuncto nobis officij debito Apostolica provisionis partes tenemur impendere, ne temporibus nostris usurpationis injuriam subeant. Sanè in nostram & fratrum nostrorum deductum est notitiam, quod licet de jure sit liquidum, & ab olim fuerit inconcussè servatum, quod vacante Imperio, cùm in illo ad sacularem judicem nequeas haberi recursus, ad summum Pontificem, cui in persona Beati Petri terreni simul & celestis Imperij jura DEUS ipse commisit, Imperij pradelli jurisdictio, regimen & dispositio, devolvuntur, &c. Nos igitur volentes nostris & Ecclesia Sponsæ nostræ juribus & honoribus in hac parte prospicere, & malis ac scandalis, quæ ex retentione, assumptione seu resumptione hujusmodi orta sunt hætenus, nec non periculis animarum salubriter occurrere cupientes, præsentium auctoritate movemus omnes sub excommunicationis pœna, & singulos cujuscunque status,*


*præminentiæ, dignitatis aut conditionis existant, etiamsi Regiâ, seu aliâ quâ-  
cumque præfuerant dignitate, qui post vacationem Imperij absque nostra, vel Se-  
dis prædictæ licentia hujusmodi Vicarij nomen assumpserunt, vel retinuerunt, ab  
usu, potestate, & exercitio suprâ dictis prorsus abstineant, & omnino desistant.  
Et ut quibuslibet parendi talibus tollatur occasio, omnes & singulos, qui hujus-  
modi Vicariatus nomen retinentibus juramento fidelitatis tenentur adstricti, à ju-  
ramento hujusmodi, quantum ad hoc de potestatis plenitudine absolventes, Apo-  
stolicâ auctoritate firmiter inhibemus eisdem, ne talibus, ut Vicarijs vel officiali-  
bus Imperij aliquatenus pareant, vel intendant, &c. datum Avinione in domo  
Episcopali pridie Calendas Aprilis, Anno 1.*

Habemus in hac extravagante, Beato Petro Cœlestis simul & terrestres jura Imperij commissa: quando secularis judicis copia non est, recurri ad summum Pontificem posse: si propter eligentium discordias Imperium & consequenter Ecclesia, cujus Advocatum Imperator agit, periclitatur; posse summum Pontificem Electis & Electoribus imperare, quæ componendæ paci necessaria fuerint.

Ubi animadvertit, non esse aut negotij, aut intentionis nostræ examinare, quæ inter Ludovicum Imperatorem, summosque Pontifices contingere, id enim ab alijs præstitum est, multisque ambagibus plenum: id solum contendimus, quæ à Joanne XXII. Benedicto XII. & Clemente VI. contra Imperatorem, ejusque abdicationem decreta sunt, in Gallijs facta, & promulgata esse, & à Gallo ipsisque Electoribus probata, qui vivente adhuc Ludovico Bavaro Carolum IV. elegere, ut Clementis VI. mandatis obedirent: teste Maymb. lib. 6. *de la decadenze*. Et potissima ratio, quæ Pontifices remorata est, ne Ludovicum nunc armatum, nunc supplicem Ecclesiæ & Imperio restituerent, Galliæ Regum auctoritas fuit; qui nunquam Pontifices ad Imperium Ludovico adimendum, aliterque dandum urssissent, nisi hanc in Pontifice potestatem agnoscerent; quis enim de Regibus æqui amantissimis sibi persuadeat, cum audirent, viderentque Imperatores citari, puniri, abdicari, coronas transferri, diplomata contra illos, & sententias dici, scribiq; e; eas in Gallia non tantum ferri, sed etiam promulgari, passuros fuisse; immo, ut fierent omnino adlaborasse, si crederent nullam in Reges esse Pontifici auctoritatem? Planè ipsi Galli scriptores fatentur, Reges Galliæ in primis apud Pontifices id egisse, ne Ludovicum in gratiam Regnumque reciperet, & Imperium Carolo

con-

conferret. Vide Morerum, in *Dictionario Historico in Vita Ludovici IV. & Maymburgum l. 6. de la decadenze de l'empire, ad annum MCCCXL. & MCCCXLI. & MCCCXLIII.*



§. IX.

*Septimus textus Canonicus in Extravagante, unam sanctam: inter communes, de Majoritate & obedientia: & Extravagante, meruit: de privilegijs.*

S I M M A R I A.

1. *Quæ de Bonifacio VIII. apud Gallos opinio.*
2. *Semper Principibus fatales & perniciose sacerdotum, Pontificum præsertim, persecutiones, quod exemplis ostenditur.*
3. *Constitutio Bonifacij.*
4. *Confirmata per aliam Clementis V. Gallorum studiosissimi, quæ expenditur.*

I.

**B**onifacij VIII. Pontificis Maximi memoriam Gallis infaustam ingrathamque esse, nemo est, qui ignorat: nec nobis animus est, quæ inter illum Regesque Galliz contigerunt, aut excusare, aut proscindere: hoc non debemus, illud nolumus; cùm non de virtutibus vitij, quæ nobis concertatio, sed veritate sit.

De Bonifacio VIII. ad annum MCCCIII. sic loquitur Spondanus Episcopus Gallus: Moritur Bonifacius animi marore anno MCCCIII. Pontificatus sui 9. in quem, cùm scriptores Franci stylum acuant, laudatur tamen ab alijs, tanquam Ecclesiasticæ libertatis egregius defensor, observatq; Gebhardus: Philippum IV. cognomine Pulchrum Gallia Regem nunquam dem-  
ceps

ceps prosperè habuisse, ut ab Episcopo Moraniensi viro sanctissimo prædictum fuerat, tribus etiam ejus filijs absque prole mascula brevi extinctis. Ubi observare licet: permissum quidem esse Regibus & Principibus sua jura suasque dignitates contra quoscumque etiam Romanos Pontifices tueri, salvo semper moderamine inculpatæ tutelæ, &, ne plus agant, quàm oportet; id enim exigit reverentia communi Patri Christi que Vicario debita; unde perpetua omnium temporum experientia docuit, malè semper Principibus cessisse, cum terminos justæ defensionis egressi, & vindicandi studio rapti, arma contra sacerdotes, præsertim Pontifices, induerunt: adeò ut scriptores illi, aulici que, qui prætextu quidem Regiæ potestatis augendæ, sed reverà, ut lucrum & auram captarent, Principes contra Pontifices armârunt, unâ etiam perdiderint.

II. En tibi exempla Paralipomenon. 2. cap. 26. Post descriptionem Oziæ Regis felicitatem, quamdiu divinæ legi obedierat, subiungit sacer textus: *Sed cum roboratus esset, elevatum est cor ejus in interitum suum, & neglexit Dominum DEUM suum, ingressusque templum Domini adolere voluit incensum super altare thymiamatis, statimque ingressus post eum Azarias sacerdos, & cum eo Sacerdotes Domini octoginta resistenter Regi, iratisque Oziæ minabatur sacerdotibus, statimque orta est lepra in fronte ejus, & porterritus acceleravit egredi, eò quod sensisset illico plagam Domini.* Et 2. Paralipomenon. 24. versu 1. & 17. *Septem annorum erat Joas cum regnare coepisset, fecitque, quod bonum est coram Domino cunctis diebus Jojada Sacerdotis. Postquam autem obiit Jojada, ingressi sunt Principes Juda & adoraverunt Regem, qui delinitus obsequijs eorum acquievit eis. Et dereliquerunt templum Domini DEI Patrum suorum, & facta est ira contra Judam & Jerusalem propter hoc peccatum. Spiritus itaque DEI induit Zachariam filium Jojada Sacerdotem, & stetit in conspectu populi & dixit eis: Hac dicit Dominus Deus: quare transgredimini præceptum Domini, quod vobis non proderit, & dereliquistis dominum, ut derelinqueret vos? Qui congregati adversus eum miserunt lapides juxta Regis Imperium. Qui cum moreretur, ait: Videat Dominus & requirat. Cumque evolutus esset annus, ascendit contra eum exercitus Syria, & interfecit cunctos Principes populi. Et ceriè cum permodicus venisset numerus Syriorum, tradidit Dominus in manibus eorum infinitam multitudinem, eò quod dereliquissent Dominum DEUM. In Joas quoque Regem ignominiosa exercuere judicia. Et abeuntes dimiserunt eum in linguoribus vaginis: surrexerunt autem contra eum servi sui in ultionem sanguinis filij Jojada sacerdotis, & occiderunt*

derunt eum in lectulo, & mortuus est. Vides hic exemplum memorabile Principis, dum Sacerdotum consilio paruit felicitis, postea adulatione decepti, perditique.

Arcadius Imperator post victorias contra Rufinum, Persas, Gainam, cum Chrylostomo, alijsque Episcopis cepit infestus esse, eosque in exilium cogere, alijsque modis affligere, intempestivâ morte, & vix trigesimum primum ætatis annum egressus vivis eripitur. *Socrat. lib. 6. cap. 17.* Sed multo infelicior Eudoxiæ Imperatricis, eundem Chrylostomum persequentis mors: quæ, cum uterum ferret fortu diu retento & putrescente, tandemque magico carmine effuso, animam unâ emisit; & urna, in qua cadaver ejus conditum, visa perpetuò agitari. *Niceph. lib. 13. c. 36.* Nec est, ut aliquis dicat Chrylostomum fuisse sanctum, & ideo illius persecutores tam acriter punitos; nam & dignitas ipsa Pontificia, quâ Christum repræsentant, & character, quo insigniti sunt summi Pontifices, multo majorem sanctitatem habent, & venerationem merentur.

Justinianus Imperator debellatis Gothis, Wandalis, Persis, Affricâ Italiâque receptis, pacis, & belli artibus gloriosissimus ad summum pervenerat felicitatis & potentix: cum Theodoræ blanditijs captus, Vigilio Pontifice Maximo dirissimè vexato pulsoque, in hæresin labitur, eâque ipsâ horâ, quâ Anastasium Episcopum Antiochenum aliosque sacerdotes in exilium rapi jussèrat, improvisâ morte occumbit. *Nicephorus lib. 17. c. 31.* Ipse Belisarius Justiniani Dux, qui Affricam, Persiam, Siciliam, Italiam, Romam victorijs & triumphis impleverat, dum sævient Theodoræ Imperatrici obsequitur, & Silverium Papam in exilium pellit, ipse tandem in suspicionem affectatæ tyrannidis adductus, amissis dignitatibus, opibus, oculis, inter ærumnas ultimamque paupertatem è vivis abiit. *Zonar. Cedrenus, Glycas, &c.*

Theodorico Gothorum Regi omnia ex voto fluxerant, donec Joannem Pontificem mori inter carceres ærumnasque compulit, tunc aversâ fortunâ, & mente captus delirio extinctus est. *Procop. de bello Goth.*

Fridericus Ænoharbus post toties afflictam vexatamque Romanam Ecclesiam, factorum pœnitens, sulceptâ in terram sanctam expeditione, deletis ad internecionem usque aliquoties Barbaris,



in medio victoriarum cursu, dum æstum meridianum natatu levat, infelicissimè mergitur, DEO videlicet injurias olim Pontificibus illatas vindicante. (a)

Fridericus II. Imperator Romanæ Ecclesiæ summisque Pontificibus toties infestus & excommunicatus tandem à proprio filio strangulatur. Exemplis hujusmodi abundant historiæ. Nos ad extravagamtem Bonifacij revertimur, quàm primò dabimus, deinde aliam Clementis V. ut hujus apud Gallos auctoritas etiam illam muniat, & hæc alterius exceptiones absolvat. Sic ergo habet.

### Bonifacius VIII.

III. *Unam sanctam Ecclesiam Catholicam & Apostolicam* urgente fide credere cogimur, & tenere. Igitur Ecclesia unius unum corpus, unum Caput non duo capita, quasi monstrum; Christus videlicet & Christi Vicarius Petrus, Petriq; Successor, dicente Domino ipsi Petro; *Pasce oves meas*; non singulariter has vel illas, sed generaliter, per quod commississe sibi intelligitur universas, &c. In hac ejusq; potestate duos esse gladios, spirituales videlicet, & temporalem, evangelicis dictis instruimur. Nam dicentibus Apostolis, *Ecce gladij duo hic, in Ecclesia scilicet; cum Apostoli loquerentur, non respondit Dominus, nimis esse, sed satis.* Certe qui in Petri potestate temporalem gladium esse negat, male verbum attendit Domini proferentis: *Converte gladium tuum in vaginam.* Uterq; ergo est in potestate Ecclesiæ, spiritualis scilicet gladius, & materialis. Sed is quidem pro Ecclesia, ille verò ab Ecclesia exerendus. Ille Sacerdotis, is manu Regum & militum, sed ad nutum & patientiam sacerdotis. Oportet autem gladium esse sub gladio, & temporalem auctoritatem spirituali subijci potestati. Nam cum dicat Apostolus: *Non est potestas nisi à DEO, qua autem sunt à DEO, ordinata sunt; non autem ordinata essent, nisi gladius esset sub gladio, & tamquam inferior reduceretur per alium in suprema.* Nam se-

cun-

(a) Ut expressè habet Neubrig. l. 4. c. 13. Vide Blesensem epist. 169. vel 172.

*cundum B. Dionysium, lex divinitatis est, infima per media in  
suprema reduci, &c. Ergo si deviat terrena potestas, judicabitur  
à potestate spirituali: sed si deviat spiritualis minor, à suo supe-  
riori: si verò suprema, à solo Deo, non ab homine poterit judica-  
ri, &c. Porro subesse Romano Pontifici omnem humanam crea-  
turam declaramus, dicimus, definimus, & pronunciamus omni-  
no esse de necessitate salutis.*

Habemus in hac extravagante: Petro ejusque Successoribus  
utrumque gladium datum esse, temporalem, videlicet, & spiritua-  
lem: potestatem temporalem & Regiam spirituali tanquam di-  
gniori subesse; & si contingat temporalem errare, à spirituali  
corrigenam, judicandamque esse. Supremam verò & Pontifi-  
ciam dignitatem, non alium judicem, quam DEUM habere. Vi-  
detur hæc constitutio à Bonifacio edita circa annum MCCCII. Ar-  
dentibus jam inter ipsum Regemque Gallia Philippum simulari-  
bus, quas multò etiam magis hoc Decretum accendit: sic enim  
illud interpretati sunt Gallia procures, ut crederent, voluisse Bo-  
nifacium Regnum Gallia sibi temporaliter tanquam Beneficia-  
rium subesse, illudque à Papa, non verò legitima successione, ac-  
cipi oportere, ut legere est in epistolis à Clero Gallicano ad Bo-  
nifacium datis in libro Gallico libertatum Ecclesia Gallicana n. 14. Clemens  
ergo V. ut omnem dubitandi dissidendi que materiam anoveret,  
Bonifacianam in hunc modum explicavit,

### Clemens V.

*Meruit Charissimi filij nostri Philippi Regis Francorum  
illustris, sincera affectionis ad Nos & Ecclesiam Romanam inte-  
gritas, & progenitorum suorum præclara merita meruerunt.  
Meruit insuper Regnicolarum puritas, ac devotionis sinceritas, ut  
tam Regem, quam Regnum favore benevolo prosequamur. Hinc  
est, quod nos Regi & Regno per definitionem & declarationem  
bonæ memoria Bonifacii Papa VIII. quæ incipit: unam sanctam:  
nullum volumus, & intendimus præjudicium generari, nec quod  
per illam Rex, Regnum, & Regnicola prælibati amplius Ecclesia*


*sint subiecti Romana, quàm antea existerant, sed intelligantur in eodem esse statu, quo erant ante definitionem præfatam.*

IV. Nota Clementem definire, Regnum Galliæ per Bonifacij constitutionem non magis Ecclesiæ Romanæ subiectum esse, quàm antea fuerit: agnoscit ergo aliquam & antiquam subiectionem temporalem (de hac enim tantum, non verò de spiritali dubitabatur) cum novam tantum excludat: ea verò antiqua subiectione, nec juris humani, sed divini & naturalis ac regnis coarva, est illa ipsa, quam defendimus; cum videlicet necessaria est ad veram fidem ac religionem conservandam, finemque spiritualem, quem omnia Regna & Imperia spectant, consequendum. Si enim Clemens Papa ne hanc quidem & indirectam potestatem agnosceret, non diceret: post Bonifacij Constitutionem Regnum Galliæ non amplius esse subiectum Ecclesiæ Romanæ, *Quàm antea: & esse in eodem statu, in quo ante constitutionem fuerat:* sed potius nec ante constitutionem, nec post ullo modo subiectum esse.

Ubi ad tollendam omnem æquivocationem, quæ posset occurrere, sciendum est. Cum quaeritur, an summus Pontifex in Reges, & Regna temporalem habeat potestatem? absolute responderi posse, nullam habere. Cum enim hæc potestas sit indirecta, subsidiaria, per accidens, ac extraordinaria, non denominat subiectum; quod tale dicitur ab ijs, quæ plerumque, non verò quæ raro accidunt, *Per L. 3. & 4. ff. de LL.* Quemadmodum absolute dicimus Principem aliquem Italum, vel Hispanum non posse eligi Imperatorem, quæ propositio non excludit potentiam extraordinariam: & in hoc sensu loquitur Innocentius III. *in c. per venerabilem, qui filij sint legitimi. & c. novu. de judicijs.* Ibi absolute summus Pontifex negat sibi esse potestatem temporalem in Re-

ges Galliæ: eaque si uteretur, indebitam & usurpatam fore.





## §. X.

Octavus textus Canonicus ex cap. grandi. de  
supplen. neglig. Prælat. in 6.

## SUMMARI A.

1. Innocentius IV. Gallis amicissimus.
2. Causa & historia scribende hujus Decretalis.
3. Ipsa Decretalis recitata & expensa.



## I.

Uctorem habet hæc Decretalis Innocentium IV. de quo Spondanus ad annum MCCXLIII. Fuit, inquit, patria Genuens, insignis Juris-Consultus, tantiq; à multis æstimatus, ut Patrem veritatis appellare non dubitarent. Regibus Galliarum planè ad dictissimus, ad quos sibi à Friderico II. metuens confugit, & indulgentiam decem dierum ijs omnibus concessit, qui pro Rege Christianissimo preces ad DEUM funderent, ut testatur S. Thomas in 4. dist. 20. q. 1. a. 3. Spondanus ad annum MCCLI. Verba D. Thomæ loc. cit. sunt: *Quicumque orat pro Rege Francia, decem dies habet indulgentia à Papa Innocentio IV. Celebravit Concilium universale Lugdunense, & in conspectu totius Galliarum, quod infra dicitur, Fridericum II. Imperio exiit.*


II. Dedit Innocentius Decretalem nostram in Galliis Anno MCCXLP. ejusque scribendæ causam Mariana lib. 13. c. 4. in hæc verba recenset: *Per id temporis Sancio Capello Regi Lusitano Mencia Reguli filia connubio juncta fuit, viri usque adeò potens, ut non Principem se, sed ministrum ageret fameæ cupiditatis. Apud eam gratia & auctoritate plurimum poterant, quos minimè omnium oportebat, ij soli omnium consiliorum participes erant, sine illis, neque domi, neque foris quidquam majori rei gerebatur. Proceres rempublicam ignobilium hominum arbitrio agitari moleste ferebant. Res ad Pontificem Romanum delata. Viri sancti ahibiti, qui Regis animo, alioquin mini-*

mè mali religionem incuterent. Nihil eâ diligentia profectum. Erat Sancio frater etate proximus eximia indole, Alphonsus nomine. Episcopi Bracharenfis, & Conimbricensis ad Innocentium Pontificem, qui hoc anno Lugduni Concilium congregarat, à Lusitanis procubus amandati, cum Pontifici causas legationis explicassent, ut Sancio Regno pelleretur, non potuerunt impetrare. Id modò concessum, ut Alphonsus, dum viveret, rempublicam gubernaret.

III. Ipsa Decretalis sic habet: Innocentius IV. Baronibus, & comitibus Regni Portugaliz. Mandamus, quatenus dilectum filium nobilem virum prefati Regis Portugallia fratrem de devotione, probitate, ac circumspèctione multipliciter commendatum, prescriptum cum ad defensionem Ecclesiarum, Monasteriorum, aliorumq; piorum locorum Regni prefati, & personarum Ecclesiasticarum, nec non viduarum, orphanorum, & ceterorum ibidem degentium sit assumptus, cum ad vos accesserit (fidelitate, homagio, juramento, seu pacto, si aliquibus fortè prefato Regi vel cuicumque alij persona tenemini, aut etiam ipsius Regis prohibitione nequaquam obstantibus) in civitatibus & munitiombus Regni predicti, cum omnibus suis recipere absque difficultate qualibet procuretis. Alioquin venerabilibus fratribus nostris Bracharenfi Archiepiscopo & Episcopo Conimbricensi damus in preceptis, ut vos per censuram Ecclesiasticam appellatione remota compellant. Per hoc autem non intendimus memorato Regi, vel ipsius legitimo filio predictum Regnum adimere: sed potius sibi & eidem Regno destructioni exposito, ac vobis ipsis consulere.

Vides hîc iterum tam ex historia, quàm contextu ipsius Decretalis, Regno & consequenter Ecclesiâ periclitante, cujus Advocati Reges sunt, posse summum Pontificem, legitimum alioquin Regem administratione privare, coadjutorem illi aut vicarium dare, subditos juramento fidelitatis absolvere, &c. Et hæc omnia præstare Pontificem suo jure, nec prælatis Galliz, qui ad Concilium confluerant, aliud in mentem venisse, multoque minùs huic in Gallijs exercitz potestati litem intendisse,





S. XI.

*Nonus Textus Canonicus ex c. per venerabilem, qui filij sint legitimi.*

SUMMARIUM UNICUM.

*Causa Decretalis scribenda, & ipse textus.*



I.

UCTOR hujus Decretalis est Innocent. III. de quo Spond.  
Ad annum MCXCVIII. Innocentius praeter ceteris omnibus ob viam  
honestatem, & scientiam litterarum licet stens ejulans ac renitens  
electus est ad Pontificatum: sed & signo visibili electio ejus con-  
firmata est, columba post ejus nominationem candidissima juxta dexteram ejus  
insedit.

Causa hujus scribendae Decretalis Innocentio fuit, ut respon-  
deret supplicationi Guilielmi comitis Pessulani, qui ex Mathilde,  
filia Emmanuelis Imperatoris, legitima uxore, unicam filiam su-  
sciperat, ex Agnete pellice filios aliquot, quos legitimari ab In-  
nocentio III. petebat, allegato Philippi Galliae Regis exemplo, cu-  
jus filios illegitimos natalibus Pontifex restituerat. Sic Decretalis  
sonat.

Innocentius III.

Nobili Viro Guilielmo Montis Pessulani. *Per ve-*  
*nerabilem fratrem nostrum Arelatensem Archiepiscopum, tua*  
*Nobis humilitas supplicavit, ut filios tuos legitimationis digna-*  
*remur titulo decorare, quatenus eis, quod minus tibi succederent,*  
*natalium obiectio non noceret, &c.* Videbatur autem ex eo tra-  
here majorem audaciam postulandi, quod cum Regis Francorum  
filij de benignitate Apostolica Sedis dispensavimus, &c. Ratio-  
nibus

nibus igitur hisce inducti Regi gratiam fecimus, requisiti, causam tam ex veteri, quàm novo testamento trahentes, quòd non solum in Ecclesia patrimonio, verum etiam in alijs Regionibus certis causis inspectis, temporalem jurisdictionem casualiter exercemus, non quòd alieno juri prajudicare velimus, sed quia sicut in Deuteronomio continetur: Si difficile & ambiguum apud te judicium esse perspexeris, inter sanguinem, & sanguinem, causam & causam, lepram & lepram, & judicium intra portas videris verba variari, venies ad sacerdotes Levitici generis, & ad judicem, qui fuerit illo tempore: & facies, quacunque dixerint, qui præsunt loco, quem elegerit Dominus: sequerisq; eorum sententiam: qui autem superbiaverit nolens obedire sacerdotis imperio, qui eo tempore ministrat Domino DEO tuo, decreto judicis morietur. Sanè cum Deuteronomium, lex secunda interpretetur, ex vi vocabuli comprobatur, ut, quod ibi decernitur, in novo testamento debeat servari: locus enim, quem elegit Dominus, Apostolica Sedes esse cognoscitur. Cum enim Petrus urbem fugiens exivisset, volens eum Dominus ad locum, quem elegerat revocare, interrogatus ab eo: Domine quò vadis? respondit, venio Romam iterum crucifigi. Quod intelligens pro se dictum, ad locum ipsum protinus est reversus. Sunt autem Sacerdotes Levitici generis fratres nostri, qui nobis jure Levitico in executione sacerdotalis officii coadjutores existunt. Is verò super eos sacerdos sive Judex existit, cui Dominus inquit in Petro; Quodcunque ligaveris super terram, erit & ligatum in calis. Ejus Vicarius, qui est sacerdos in aeternum secundum ordinem Melchisedech, constitutus à DEO judex vivorum & mortuorum. Tria quippe distinguit iudicia. Primum inter sanguinem & sanguinem, per quod criminale intelligitur & civile. Ulimum inter lepram & lepram, per quod Ecclesiasticum & criminale denotatur. Medium inter causam & causam, quod ad utrumq; refer-



refertur, tam Ecclesiasticum quàm civile: in quibus, cum aliquid fuerit difficile, & ambiguum, ad iudicium est Sedis Apostolica recurrendum, cujus sententiam, qui superbiens contempserit observare, mori precipitur, id est, per excommunicationis sententiam velut mortuus à communione fidelium separari. Paulus etiam, ut plenitudinem potestatis exponeret, ad Corinth. scribens ait: Nescitis, quoniam Angelos iudicabimus, quando magis secularia? Licet igitur cum filiis saepe dicti Regis (de quibus an fuerint legitimi ab initio dubitabatur) duxerimus dispensandum: quia tamen tam lex Mosaiica, quàm Canonica sobolem susceptam ex adulterio detestatur testante Domino, quod maneres & spurij usque ad decimam generationem in Ecclesiam non intrabunt. Canone verò vetante tales ad sacros ordines promoveri: secularibus quoque legibus non solum repellentibus eos à successione paternâ, sed negantibus ipsis etiam alimenta: petitioni tua non du-  
ximus annuendum, &c.

In hac Decretali Summus Pontifex apertè testatur, se in locis dominio suo temporali subjectis plenam exercere jurisdictionem temporalem, in alijs verò locis non plenam, sed limitatam, certisque ex causis: idque jure non tantum voluntarij compromissi (de quo nullum dubium esse potuit, cum hoc non in solam personam Summi Pontificis cadat) sed jure divino expresso Deuteron. 17. & ad Corinth. 1. Videatur Barbosa ad hoc c.



S. XII.

Decimus textus Canonicus ex c. alius item. causa 15. q. 6. alijq. textus allegati.

S U M M A R I A.


1. Recitatur c. alius item. causa 15. q. 6. alijq. textus remissive:

## I.



Huius textus historiam infra & ex professo explicabimus, quò lectorem remittimus, nunc tantum verba recitabimus: habetur autem hic Canon in regeſto Gregorij VII. lib. 2. epist. 21. ad Hermannum Metensem Episcopum ſcripta, ubi; Alius, inquit, Romanus Pontifex, Zacharias ſcilicet, Regem Francorum non tam pro ſuis iniquitatibus, quam pro eo, quòd tanta poteſtati erat inutilis, à Regno depoſuit: & Pipinum Caroli M. Imperatoris Patrem in ejus locum ſubſtituit, omneſq; Franſigenas à juramento fidelitatis, quòd illi ſecerant, abſolvit. Quòd etiam ex auctoritate frequenti agi S. Eccleſia, cum milites abſolvit à vinculo juramenti: quòd factum eſt his Episcopis, quòd Apoſtolica auctoritate à Pontificali gradu deponuntur.

Ceterum ad propoſitum argumentum, noſtramque ſententiam confirmandam deſerviunt multi alij canones, quos brevitatis cauſa tantum allegabimus, ſunt autem c. ad abolendam q. de haret. c. licet 10. de foro comp. c. ult. de panis. c. decernimus. de ſentent. excommunic. in 6. c. Si duobus. de appellat.



## §. XIII.

*Eccleſiaſticam poteſtatem etiam in Reges eorumq; temporalia extendi auctoritate Concilij Conſtantiensis, quà Conventus Gallicanus maxime nititur, clare oſtenditur.*

## SUMMARIA.

1. *Hiſtoria Concilij Conſtantiensis.*
2. *Ejus pro noſtra ſententia quàm plures conſtitutiones.*
3. *Quas cum Galli, & merito venerentur, omnem exceptionem ſuperant.*



I.

Constantiensis Concilij apud omnes Catholicos summa est auctoritas: tum ob ingentia bona, quæ in Ecclesiam universam redundârunt, sublato ingenti obstinatoq; schismate, quo tot annis conflictata est: tum ob viros doctissimos, qui ad illud confluxêre: ut meritò Conventus Parisiensis in secunda propositione fateatur: *Sancta œcumenica Synodi Constantiensis à Sede Apostolica comprobata, ipsq; Romanorum Pontificum, ac totius Ecclesiæ usu confirmata esse Decreta, atque ab Ecclesiâ Gallicana perpetuâ religione custodita.* Videamus ergo, quæ hujus œcumenicæ Synodi in argumento, quod versamus, fuerit sententia; si enim ostendatur, id omnino & sentire, & docere, quod probandum suscepimus, erit irrefragabile, invictumq; illis saltem argumentum, qui tantam, & meritò, huic Concilio reverentiam profitentur.

Prius verò, quàm Decreta hujus Concilij in medium producantur, rem totam à suis principijs repetemus, sic enim clarius evadet, historiâ prælucente: enimverò & hæretici in errores, & Catholici in non paucas difficultates impegêre, ignorantia factorum decepti. Causa ergo, ob quam Constantiense Concilium convenit, sic habet.

Sederant Pontifices jam LXXII. annos Avenione in Gallijs, eorumq; absentiam ingentia bella, seditiones, calamitates exceperant nunquam extinctæ. Eas ut tandem compesceret Gregorius XI. in Italiam cogitabat; & stimulos addente B. Catharinâ Senensi tandem ex Gallia evasit Anno MCCCXXXVI. Biennium post moritur. Electio novi Pontificis in partes scissa, natumq; obstinatum & diuturnum schisma, quo Ecclesiâ Catholica xxx. totos annos miserè conflictata est. Volebant Italum Itali, Gallum Galli: electus tandem Bartholomæus Neapolitanus Barenfis Archiepiscopus, quem Urbanum sextum appellârunt. Hic dum corruptelas, quæ passim libereq; vagabantur, emendare aggreditur, & à ferro curationem incipit, ægros in medentem concitavit, maximè purpuratos. Tertio quippe ab electione mense, Joannæ præsertim Neapolis Regina potentia freti, Robertum Cardinalem Gibbenensem collatis votis Pontificem renuntiant, qui Clementis VII. nomen accepit, & Avenionem in Gallias navigavit. Schismati prætextus,

ut fieri solet, quæsitus: quòd videlicet Urbanum VI. elegissent metu compulsi. Itali, Germani, Angli, Hungari, Urbano adhæsere: Galli, Scoticque Clementi, Hispani utrique. Urbano è vivis sublato successere Bonifacius IX. Innocentius VII. Gregorius XII. Alexander V. & Joannes XXIII. Clementi verò Antipapæ larva potius quàm Papa Petrus de luna, quem Benedictum XIII. appellârunt, quo nemo sanctius pacem Ecclesiæ promisit, nemo pertinacius negavit. Gregorius XII. cùm pacis gratiâ se Pontificatu exuisset, si modò Benedictus idem faceret: hoc reculante, nec Gregorius pollicitis teneri se dicebat: sed in Concilio Pisano uterque depositus est, surrogato, ut dicebamus, Alexandro, & post hunc Joanne. Contigit ergo eodem tempore tres in Ecclesia Pontifices videri Gregorium, Benedictum, & Joannem, ignaro Orbe, cui capiti pareret. Ad Schisma igitur extinguendum tam Ecclesiæ perniciosum, Concilium universale Constantiæ indicitur, auctoritate Joannis XXIII. & Sigismundi Imperatoris operâ, inchoarique est cœptum Anno MCDXIV. 5. Novembris, cui Joannes Pontifex, Sigismundus Imperator, quatuor Patriarchæ, viginti novem Cardinales, quadraginta septem Archiepiscopi, Episcopi 160. (alij 270.) Prælati & Doctores 564. hominum sexaginta millia adfuerunt: productum est in tertium annum. In hoc Concilio Joannes XXIII. cùm prius se pacis gratiâ Pontificatu abiturum promississet, è fuga retractus, multorumque criminum postulatus, à Concilio in ordinem redigitur: eadem in Benedictum dicta sententia, quamvis obstinatè throno hærentem, nec à Sigismundo Imperatore, qui propterea in Hispaniam profectus fuerat, flexi se passum. Gregorius sponte, ut juraverat, cessit: sic ad novam electionem à Concilio proceditur, & Martinus V. Pontifex renuntiatur. (a) Interfuit Concilio Joannes Gerson Cancellarius Universitatis Parisiensis, ex cujus præsertim eloquentia & doctrina, velut oraculo, Patres pendebant.

II. Hic circa Concilium Constantiense præmissis, videamus, quæ in præsentî quæstione illius fuerit sententia, non verbis, sed quod plus est, factis expressâ. Cùm enim Gregorius Episcopus Tridentinus datis ad Concilium litteris graviter contra Fridericum Austriæ Ducem, jura & bona Episcopatus invadentem conquestus esset:

(a) Æmilium in Carolo VI. Platinam, Spondan., ad ann. MCCCCXVII.

esset : Concilium Sess: 20. ad eundem Austriæ Ducem monitorium in hæc verba expedijt: Sacro sancta Generalis Synodus Constantiensis universos & singulos Venerabiles fratres Patriarchas, Archiepiscopos, Episcopos &c. requirimus & monemus primò, secundo, tertio & peremptoriè &c. quatenus præfatum Fridericum Ducem Austria, & alios occupatores prædictos requirant, & moneant, quos nos etiam tenore præsentium sic requirimus & monemus, ipsiq. Friderico Duci in virtute S. obedientia, & sub anathematis, sacrilegij, privationis omnium bonorum feudalium, qua ab Ecclesia seu Imperio obtinet, & inhabilitationis suæ & filiorum suorum masculorum ad obtinendum tam feuda, quàm officia & beneficia usque ad secundam generationem, & honoris & famæ ac communionis in consilijs Principum &c. Et Sess. 28. Contra eundem Fridericum. Eadem Synodus declarat, Fridericum & alios occupatores cujuscunque status, gradus, conditionis aut præminetia, etiamsi Ducalis fuerint, sententias & censuras, in dicto monitorio comprehensas incidisse. Et infra. Committit ergo præfata S. Synodus charissimo filio Ecclesia defensori & advocato Sigismundo Regi Romanorum semper Augusto, cujus specialiter interest ad requisitionem Ecclesia contritas & oppressas Ecclesias restaurare &c. Et eandem sententiam executioni demandare &c. Et Sessione 31. In monitorio contra Comitem Virtutum: Etsi (quod absit) prædictas poenas interdicti & excommunicationis dictus Philippus Comes animis sustinuerit induratis, ad omnes alias poenas spirituales & temporales auctoritate præsentium procedere valeant. Et Sess. 37. in sententia contra Benedictum XIII. Eadem sancta Synodus universalem Ecclesiam representans omnes Christicolæ ab ejus obedientia (Benedicti videlicet XIII.) atque juramentis, & obligationibus, eidem quomodolibet præstitis, absolutis, & absolutos esse declarat, ac omnibus & singulis Christi fidelibus inhibet, sub poena sævioris schismatis, hæresis atque privationis omnium beneficiorum dignitatum, & honorum Ecclesiasticorum & mundanorum, & alijs poenis juris, etiamsi Regalis sit dignitatis, aut Imperialis, quibus, si contra hanc inhibitionem fecerint, sine auctoritate hujus Decreti ac sententia ipso facto privati &c. Et Sess. 39. ubi providetur Schismati futuro: Ut autem metus seu impressionis molestia in electione Papa ed formidolosius evitetur, duximus specialiter statuendum, quod si quis hujusmodi metum vel impressionem aut violentiam electoribus intulerit, seu fecerit, aut fieri procuraverit, vel factum ratum habuerit, cujuscunque status aut præminetia fuerit, etiamsi Imperiali aut Regali præfulgeat dignitate, illas poenas ipso facto incurrat, qua in constitutione Bonifacii Papa VIII. qua incipit: Felices continentur, illisq. effectualiter puniatur. Hæc Synodus Constantiensis repetens infligensque poenas Decretalis,

quæ habetur: cap. 5. de penis in 6. ubi: Reus criminis læsa Majestatis perpetuo sit infamis, diffidatus nihilominus & bannitus, sit intestabilis, ut nec testamenti liberam habeat factionem, nec ad alicujus bona ex testamento vel ab intestato vocetur: fiant habitationes ejus deserta, & ut non sit, qui eas inhabitet; demur cuncta ipsius ædificia in ruinam, & ut perpetua notam infamiae perpetua ruina testetur, nullo tempore reparentur: nullus ei debita reddere, nullus respondere in judicio teneatur, &c. Si qua verò feuda vel beneficium spirituale vel temporale ab aliquibus Ecclesijs obtinet, sit eis ipso jure privatus, &c. Nulli præterea talium filiorum atque nepotum ex virili sexu descendantium ab eisdem alicujus aperiatur janua dignitatis, aut honoris Ecclesiastici vel mundani. In Sess. 42. habemus imperasse Concilium Sigismundo Imperatori, & Ludovico Bavariz Duci, ut Joannem XXIII. custodirent; nec prius hoc custodiendi onere solvi potuere, quam ex licentia Martini V. Summi Pontificis, quo electo cessavit omnis jurisdictio & auctoritas Concilij, ut legenti ipsum Concilium patet. Bulla Martini Sess. 42. inter alia hæc habet. *Martinus Episcopus Servus Servorum Dei Charissimo in Christo filio Sigismundo Regi Romanorum, &c. Cum nuper nos instanter & sæpe requisieris, quatenus personam dicti Balthazaris de tua custodia recipere, teq; & eundem Ducem de prædicta custodia liberare & exonerare vellemus; nos attendentes, quantis laboribus & studiis pacem & unionem Ecclesiæ omnipotentis DEI nostri fueris persecutus, &c. Volentes te ac eundem Ducem ab omni onere liberare, decernimus, & ordinamus, &c.*

In Bullâ Martini V. quæ habetur post Sess. ultimam, idem Summus Pontifex omnib<sup>9</sup> Principibus, & Dominis temporalibus mandat, ut Inquisitoribus hæreticæ pravitatis omne auxilium & favorem præbeant, eosque in vestigandos, capiendos, custodiendosq; curent.


Et in eadem Bulla post enumeratas hæreses Wicleffi & Huslij idem Pontifex sacro approbante Concilio: *Volumus insuper ac statuimus, & decernimus, ut omnes & singulos hereticos, etiamsi Regali, Reginali aut aliâ quâvis Ecclesiasticâ vel mundanâ præfulgeant dignitate, auctoritate nostrâ diligenter inquirere studeatis, & eos, quos per inquisitionem hujusmodi diffamatos, vel aliâ hujusmodi hæresis & erroris labe resperfos reperietis, auctoritate prædictâ etiam per excommunicationis, nec non privationis dignitatum, ac etiam bonorum, & dignitatum secularium puniri faciatis, &c.*

Videatur Constitutio Carolina auctoritate Concilij Constantinienſis expedita, ut patet, Sess. 19. quæ Carolina habetur post Concilium:


*Ecclesiasticam potestatem etiam in Reges, eorumq. &c. 247.*  
cilium: maximè verò §. Item eadem auctoritate, &c. & §. Item dicta Synodus, &c.

Habemus ergo ex Concilio Constantiensi, eos qui invadunt bona & jura Ecclesiastica, posse à summo Pontifice & Concilio universali jurisdictione privari, infamiâ notari, bona ab omnibus occupari, etiamsi Ducalis fuerint dignitatis. *Sess. 28.* Et in confirmatione Carolina paullo post initium. Bonis omnibus dignitatibus & honoribus non tantum Ecclesiasticis, sed etiam temporalibus abdicari, cujusunque dignitatis fuerint etiam Regalis. *Sess. 37.* circa finem. Ducibus immo Imperatoribus præcipere, ut ad Ecclesiæ & Pontificis arbitrium custodiæ aliquem mandent, dimittantque. *Bulla Martini Sess. 42.* Ut hæreticos investigent, capiant, custodiendos curent. *Bulla Martini post Sess. ultimam.* Fautores & receptatores hæreticorum, sub pœna privationis omnium feudorum, bonorum ac dignitatum etiam temporalium coërceant. *Bulla Martini post Sessionem ultimam circa finem.*

III. Patet jam Concilij Constantiensis quænam mens fuerit, quantumque à doctrina Parisiensis Conventûs aliena: hic enim primam propositionem hanc ponit: *Principes in temporalibus nulli Ecclesiæ potestati nec directè, nec indirectè subjectos esse.* Constantiense verò Concilium toties tamque repetitis vicibus Principes Regesque dignitatibus, honoribus, bonisque temporalibus, si jura Ecclesiæ invadant, si hæreticis faveant, multandos esse decernit, ut proinde vel hoc, vel Parisienses Patres falli necesse sit: qui & cum Concilio, & secum ipsis manifestè pugnant: cum Concilio quidem, cujus doctrinæ aliam omnino contrariam opponunt: secum ipsis, quia propositione secundâ Synodum Constantientem sanctam & immotam, & ab Ecclesia Gallicana semper custoditam cultamque dicunt, ejusque Decreta, velut lineam & terminos Pontificiæ Auctoritati statuunt, & tamen ab illa continuò & longè discedunt, & quam maximè laudant, maximè impugnant.







## §. XIV.

*Concilij universalis Lateranensis IV. in eandem sententiam Decretum ex c. 3. de Heret.*

## S U M M A R I A.

1. *Historia & Verba Concilij Lateranensis.*
2. *Conventum Parisiensem, cum SS. Canonibus & Concilijs omnem reverentiam præsunt, non debuisse propositiones edere SS. Concilijs, Canonibus, Decretis Pontificum & antiquitati omnino contrarias.*

I.  
**D**E hoc Concilio ita loquitur Spondanus ad annum MCCXV. Celebratum est Generale Concilium Lateranense Kal. Novemb. omnium, qua unquam in Europa habita fuerunt, celeberrimum, cui videlicet interfuerunt cum Innocentio Papa, Archiepiscopi septuaginta, Episcopi quadringenti, Abbates duodecim, Priores Conventuum octingenti, quos inter extitere Patriarcha Constantinopolitanus, & Hierosolymitanus, atque Alexandrini & Antiocheni Legati, itemq; Oratores Imperatorum Orientis & Occidentis, Regum Gallie, Hispanie, Anglie, Hierosolymorum, & Cypri.

Ludovicus Morerus scribit, fuisse hoc Lateran. IV. per excellentiam appellatum *Magnum Censuum*, ob prodigiosum numerum Episcoporum, qui ad illud confluxere; illique Orientis & Occidentis Imperatorum, Gallie, Anglie, Hungarie, Hierosolymorum, Cypri, & Aragonie, Bzovius addit, Bohemie & Danie Regum Oratores adfuisse, ut proinde, si Concilium aliquod universale, hoc maxime dicendum fuerit. In hoc ergo Concilio c. 3. quod incipit: *Excommunicamus*. Patres sic loquuntur: Si vero dominus temporalis requisitus & monitus ab Ecclesia terram suam purgare neglexerit

glexerit ab hac hæretica seditate, per Metropolitanum excommunicationis vinculo innodetur. Et si satisfacere contempserit infra annum, significetur hoc Summo Pontifici, ut ex tunc ipse Vasallos ab ejus fidelitate denuntiet absolutos, & terram exponat Catholicis occupandam, &c.

Hactenus Concilium, cujus sententia est tam clara, ut planè nullam admittat exceptionem.

Et hæc quidem SS. Canonum testimonia sunt, ex quibus, quæ Patrum fuerit sententia, sole clarius evadit, tantoque urgent efficacius, quòd Conventus ipse Parisiensis propositione tertiâ fateatur: *Apostolica potestatis usum moderandum per Canones Spiritu DEI conditos, & totius mundi reverentiâ consecratos, Patrumque terminos manere inconcussos, atque id pertinere ad amplitudinem Sedis Apostolicæ, ut statuta, & consuetudines tanta Sedis, & Ecclesiarum consensione firmata, stabilitatem obtineant.*

Hæc sunt verba Parisiensis declarationis. Si ergo debita sacris Canonibus Sedi que Apostolicæ reverentia postulat, ut semel ritè statuta, ne quidem ab ipso Pontifice Maximo refignantur, quanto magis Episcopos Pontifice inferiores obstringent, iisque necessitatem imponent nihil, quod illis adversetur, docendi jubendi que? Si ergo, quæ hætenus in medium produximus Decreta, sunt Canonica, à SS. Patribus sacrisque Concilijs facta, publico juri inserta, usu & approbatione non cujuscunque, sed sanctissimorum Patrum, & Doctorum, ut postea dicemus, recepta, exemplis cursuque tot sæculorum munita; oportebit utique doctrinam, quæ ab illis discedit, ablutidique, suspectam omnino reddi, & alienam à veritate. Nec, quid istis Canonibus opponi possit, videmus; nisi forsan dicas, à summis Pontificibus in causa propria editos, nec proinde mereri fidem indubitatam, nec in Gallijs admissos esse. Verùm hæc responsio nimis est imbecilla, ut tantis tantorumque Patrum auctoritatibus opponi queat, & in juris notissimum principium impingit. Utroque enim jure receptissimum est, quemlibet judicem, seu ordinarium seu delegatum cognoscere & judicare posse, an sua sit jurisdictio. (a) Et si cognoverit suam esse eam, valeat mandatis pœnalibus contra non obtemperantes defendere. (b) Quod verissimum saltem est in Principe supremo, nec alteri

I i

sub-

(a) L. si quis ex aliena. 5. ff. de judicijs L. 2. ff. si quis in jus vocatus,

(b) L. 1. in pr. ff. si quis jus dicent, &c.

subjecto, qualem esse Summum Pontificem alibi dicemus, & expressè ac ingenuè confessà est Synodus Sinuessana trecentorum Episcoporum in causa Marcellini Pontificis. *i. Tomo Concil. & habetur. c. nunc autem 7. dist. 21. ubi: Nullus tamen eorum proferre sententiam in eum ausus est, dum ei sapissimè omnes perhiberent; Tuo ore judica causam tuam, non nostro judicio. Et iterum: Noli, ajunt, audire, nostro judicio; sed collige in sinu tuo causam tuam. Et rursum: Quoniam ex te, inquit, iustificaberis aut ex ore tuo condemnaberis.* Et infra: *Prima Sedes non judicabitur à quoquam. Videantur plures textus eadem distincti. & c. si Papa 6. quod est S. Bonifacii Archiepiscopi & Martyris dist. 40.* Et insigne exemplum est in Leone III. cujus permisso, immo jussu cum in Ecclesiam S. Petri Italix Gallixque Prælati, & ipse Carolus M. convenissent de innocentia Pontificis, quam æmuli criminabantur, cognituri; unâ voce ab Episcopis conclamarum est; se Apostolicam Sedem, quæ est caput omnium DEI Ecclesiarum, judicare non audere, cum ex antiquo more illa omnes judicet, & à nemine judicetur. (a)


Si ergo nemo alius est, qui Pontifici maximo jus dicat, de sua jurisdictione ipse cognoscet, & necessitas in propria causa judicandi, immo potius in causa Christi & Ecclesiæ, suspicione illum absolvet; nam, ut diximus primâ conclusione, nulla est Pontifici in Principes, eorumque jura & dominia potestas, nisi cum Ecclesiæ publica causa hoc remedium, & necessarium, & ultimum extorquet. Deinde si auctoritates, quas ex jure Canonico modò produximus, ideò suspectæ, quia ab ipsis Pontificibus in sua, ut dicunt, causa; quis ergo, cum lis Pontifici movetur, decideret? Concilium Oecumenicum & Universale, quod tanto laborum & temporis impendio, tantisque principum impedimentis vix aliquando cogitur, ut in Tridentino vidimus, & coacto tot exceptiones opponuntur? erunt ergo lites indecisæ, immortales; & si ad Concilium differantur, sine exitu discordiæ. Si Concilium Generale aliquod esset, quo Pontifices etiam indirectè, & cum ultima necessitas premit, prohibentur in Principes potestatem exercere, producatur in lucem; Si nullum produci potest, ut planè non potest, non intelligimus, quâ auctoritate Conventus Parisiensis doctrinam à SS. Canonibus, Pontificibus, Concilijs toties & tam clarè assertam res-

spue-

(a) Vide Anastasium in Leone. Et Maymburgus in Historia Iconoclast. ad initium anni DCCC,

spuerit; immo propositionibus ex adversò, & velut in contrariam aciem armatis impugnatum iverit: num ergo Pontifex M. non tantum universali Concilio, sed etiam Parisiensi subest? & si non subest, cur ab isto judicatur, & canones à Romano Pontifice facti non evertuntur tantum, sed tot tantisque cautelis, ne resurgant, curatur, ut credas Episcopos auctoritatem, quam Pontifici negant, sibi in Pontifices usurpasse?

Quod si denique hæc omnia cessent, & Decreta Summorum Pontificum erroris aut dubiæ fidei postulentur, Concilia saltem, quæ allegavimus, superant exceptionem omnem, cum & sint generalia, & partim in Gallijs habita, partim à Gallis magnâ veneratione culta, qualia sunt Lateranense, Lugdunense, Viennense, & Constantiense: ergo non poterant, nec debebant à Conventu Parisiensi, qui particularis est, nec paris cum Concilio Generali auctoritatis, litem & bellum pati, ab illis præsertim, qui tam copiosè tantoque apparatu observantiam Canonum profitentur, Summisque Pontificibus inculcant. Si Concilij Universalis, aut Papæ Decreta refigi possunt abolerique, hoc ab alijs Concilij Universalibus, non privato Conventu præstari debuit.



§. XV.

*Hæc ipsa SS. Pontificum auctoritas & potestas  
exemplis confirmata.*

SUMMARIA.

1. *Exempla Childerici III. & Pipini Francorum Regum expensa.*
2. *Caroli M Francorum Imperatoris.*
3. *Tris alia B. Gregorij M. & Concilij VIII. Toletani.*
4. *Berengarij Imperatoris, & Boleslai Polonia, & Philippi Francorum Regis.*

Idem habet Eginhardus in viâ Caroli M. ab initio, ubi: *Gens*, inquit, *Merouingorum*, de qua *Franci Reges* sibi creare soliti erant, usque in *Hildericum Regem*, qui jussu *Stephani Romani Pontificis* depositus ac detonsus, atque in *Monasterium* trusus est, durasse putatur. Et intra: *Pipinus autem per auctoritatem Romani Pontificis ex Præfecto palatii Rex constitutus est.*

*Rhegino in Chronico*; *Jussit*, inquit, *Papa per auctoritatem Apostolicam Pipinum Regem creare*, ne perturbaretur *Christianitatis ordo.*

*Otto Frisingensis lib. 5. c. 22. Zacharias consultus respondit, & ipsius auctoritate Pipinus à Bonifacio Archiepiscopo Moguntino, & alijs Regni Principibus in Regem eligitur.*

*Fredegarius ad annum DCCL. fol. 161. Quo tempore unâ cum consilio & consensu omnium Francorum missâ relatione à Sede Apostolica, auctoritate percepit, præfatus Pipinus electione totius Francia in Sedem Regni sublimatur.*

*Annales Francici à Pithæo editi: Anno DCCLII. Zacharias Papa ex auctoritate Petri Apostoli mandat Populo Francorum, ut Pipinus, qui potestati Regiâ utebatur, nominis quoque dignitate frueretur.*

*Abbas Urspergensis ad annum DCCXLIII. circa finem: Sic ergo Pipinus ex Præfecto palatii auctoritate, Apostolicâ sublimatus, & unctus in sedem Regni, regnavit annis XV. absolutus per eundem Papam Stephanum à juramento, quod Regi Hildericò cum ceteris Regni primoribus fecerat. Idem testantur expressis verbis Sabellicus Enneade 8. lib. 2. fol. 301. Robertus Gaguinus in historia Francica lib. 3. fol. 45. Platina in Zacharia, Spondanus ad annum DCCL. Et denique habetur in c. alius, causa 15. q. 6.*

Causa deferendi Pipino Regnum fuit, ut diximus, tum ignavia Childerici Regis, tum necessitas eum Principem demerendi contra Longobardorum injurias, Italix Sediq; Apostolicæ ejusq; ditionibus extrema minantium. Et planè summa beneficia sunt, quæ à Pipino Pontifices acceperunt. Nam Zachariâ è vivis sublato Stephanum III. per summos honores in Gallijs, quò velut ad sacram aram confugerat, excepit; Alpes cum exercitu transmisit, cæsis, qui transitum obfederant: Aistulphi Longobardorum Regis copias delevit: Regem, victoriæ certus, Ticini obsedit, & tandem ad conditiones compulit, ut videlicet, quæ ademerat Ecclesiæ, reddere, adjunctâ insuper Exarchiâ Ravennate, quam Pontifici dono dedit. Pipino vix Italiam egresso Aistulphus omnia ferro flammâque vastare, & copijs Romæ admotis Pontificem obsidere.

Implorata iterum & ultimis quidem precibus Pipini arma. (a) Qui Alpes iterum transgressus Romam obsidione liberat, bis victor Aistulphum Ticino includit: Legatos Copronymi Exarchiam Ravennatensem repetentis infectâ re dimittit: Aistulphum ipsum, Gallis jam propè irrupturis, ad petendam pacem compellit, non aliter concessam, quàm, ut quæ proximè lapsò anno convenerant, imple-  
ret: cederet Ravennæ Exarchatu, & una Pentapoli, Arimino, Pisau-  
ro, Anconâ, Auximo, Urbino, totâque Æmiliâ, quæ omnia per  
Fulradum Abbatem Romano Pontifici data, clavesque tumbæ Ap-  
ostolorum impositæ, & ipsa donatio consensu filiorum Pipini  
Regni que procerum solemniter firmata. Sic mutuis beneficijs in-  
ter Regem Papamque cetratum est, Rex Pontifici coronam & Re-  
gnum; Pontifex Pipino libertatem & Principatum debuit.

Anno DCCLIV. Stephanus III. Parisijs Pipinum & filios  
Reges coronat, inungitque: ac Principes Francos juramento adi-  
git, nunquam ex alia quàm Pipini stirpe Regem electuros. Audi  
Æmilium in vita Pipini prope initium: Pipinus, inquit, ad tertium à  
Carsiaco oppido lapidem Stephano obviam progressus, pedes, ut serunt, exoscu-  
latus, coerceri non potuit, quin in equo sedentem ipse pedibus ad frenum profe-  
cutus in Regiam deduceret. Per aliquot dies nullum genus honoris, religio-  
nis, comitatus prætermisum fuit. Antea ad Casares ibant Pontifices Maximi:  
hic primus ex Italia ad externos Reges se contulit. Ad eum visendum adoran-  
dumque, tota ex Gallia & finitimis gentibus concursus omnium mortalium fuit.  
Hâc celebritate Pipinum coronavit, sacrâque unctione imbuuit, &c. Eundem  
filiosque, Carolum & Carlomanum inunctos benedixit, omniaque, fausta in  
omne tempus sacris ceremonijs apprecatus, simul diris detestationeque, infectatus  
est, si quis contra moliri auderet. Ita prius acceptum jus regnandi, tunc quasi  
divinitus confirmatum, & immortale factum in ea familia videbatur: ut in  
Pipino non magis invictas vires formidarent mortales, quàm Religionem re-  
vererentur.

Ludovicus Imperator Caroli M. filius in epistola ad Hilduin.  
quæ habetur in Arcopagiticis: Gesta sunt autem hæc, inquit, à B. Ste-  
phano Papa adjuvantibus SS. Apostolis Petro & Paulo anno ab Incarnatione  
DCCLIV. quo inter celebrationem & oblationem Sacratissimi Sacrificij unxit in  
Rege Francorum florentissimum Regem Pipinum, & duos filios ejus Carolum  
& Carlomanum, atque Francorum proceres auctoritate B. Petri sibi à Do-

(a) Vide Baron. ad annum DCCLV.

mino Jesu Christo traditâ obligavit & obtestatus est, ut nunquam de altera stirpe Regem super se præsument aliquo modo constituere; quos & divina providentia ad sanctissimam & Apostolicam Sedem tuendam eligere dignata est, &c.

Abbas Urspergensis ad annum DCCLIII. Francorum, inquit, Proceres unâ cum populo auctoritate B. Petri Apostoli obligavit, & protestatus est eos, ut nunquam de alia stirpe Regem sibi praeponerent, nisi ex eorum propagine, quos divina Providentia in defensionem Ecclesiae est dignata sublimare, &c.

Gaguinus hist. Franc. lib. 3. fol. 45. Stephanus autem, ut Regi gratificaretur, Pipino benedixit, & posteritati ejus, atque qui temeritate aliquâ adversus Francos bella moverent, communione Christianâ interdixit, &c.

Joannes Nauclerus Volum. 3. Generat. 26. iisdem verbis rem describit. Videatur etiam Spondanus ad annum DCCLIII.

Circa utrumque hoc Zachariae & Stephani factum observant Scriptores, qui hæc referunt, esse omni exceptione majores, præsertim Eginhardum, qui Carolo M. à secretis fuit, nec unquam ab ejus latere discessit, multoque minùs ignorare potuit, quæ sub ejus oculis fiebant. Deinde Pontifices, qui Regnum Franciæ in Pipinum transtulêre, fuisse Sanctissimos, nec posse ullam arrogantiae aut injustitiæ notam, aut suspicionem in illos cadere, multoque minùs ignorantiam divinæ & naturalis legis in re tanti momenti, quam nunquam attentâssent, nisi potestatis suæ certi. Zachariam inter Sanctos relatum esse, & annuâ memoriâ cultum testis est Anastasius in ejus vita, Baron. & Spondanus ad annum DCCLII. Ludovicus Morerus in *Dictionario Gallico de Stephano III.* Æmilius in *vita Pipini* prope initium idem testantur; nec verò hos Pontifices consilio tantùm, sed etiam jussu, & auctoritate Pipinum Regno admovisse, patet ex citatis auctoribus quorum verba tam sunt clara, ut adjungi nihil possit: sufficeret ergo, si omnia deessent, hoc exemplum ad ostendendum ijs, qui libero, nec occupato affectibus animo veritatem quærunt; quid tunc temporis Regnum & Ecclesia Gallicana senserit de Pontificia in Reges potestate, tunc inquam temporis, cum viris, sanctitate, Zelo, & doctrinâ summis florebar.

II. Anno DCCLXXIV. Carolus M. expugnato Ticino, apud Desiderio Rege regnoque Longobardorum penitus delero, ab Hadriano Papa Romanorum Patrius jubetur teste Sigeberto in *Chronico ad hunc annum.* & habetur in c. *Hadrianus dist. 63. & c. seq. Adelmus*



delmus in *annal. Franc. ad annum 801.* Fuit verò dignitas Patricialis amplissima, multoque major Consulatu, & Imperiali proxima, & illâ præditi, Patres vocabantur Imperatorum. (a)

Hadrianum verò, qui hanc dignitatem in Carolum contulit, quâ Occidentis Imperio aptabatur, fuisse notæ sanctitatis, testatur Spondanus *ad annum DCCCLXXII.* ut adeò credi non possit, eum alienam potestatem involâsse, non suâ usum.

Anno DCCXXX. Gregorius II. Synodo Romam indictâ Leonem Isauricum, quòd Sacris imaginibus impiè juxtâ & crudeliter bellum inferret: quòd S. Germanum Sede Patriarchali & vitâ expulisset: quòd Ecclesiam persequeretur, sanguine, cædibus Catholicorum omnia miscens: quòd calcato gentium jure Legatos Pontificis exilio proscripisset: quòd denique animum obstinâset hæresi toto Imperio sparsâ; has ob causas Leonem excommunicatione percellit, & ne illi Romæ, aut in Italia tributa pendantur, prohibet, adornatâque in Gallias Legatione, Carolo Martello periclitantem Ecclesiam commendat, & oblato consulatu ac Protectoris titulo, cum exercitû in Italiam vocat. (b) Et hic Gregorius II. in tabulas Sanctorum relatus annuâ celebritate colitur.

Anno DC. S. Gregorius Mediolanensibus concedit, ut extinctâ Regum Longobardorum stirpe, ejus civitatis Antistes coactò Provincialium Episcoporum Concilio Regem eligat, quem velit. (c)

Anno DXCIII. *Potentibus Francorum Regibus*, inquit Spondanus ad hunc annum, *Beatus Gregorius Magnus Monasterio Sueffionensi S. Medardi in Gallia privilegium concedit, quo illud constituit caput Monasteriorum totius Gallie, & nullius voluit ditioni subijci, præterquam Sedis Apostolicæ. In fine vero privilegij, Regibus, Anustitibus, judicibus, & alijs, quicumque hoc privilegium violare præsumerent, excommunicationis & dignitatis privatio denuntiatur.* Hæc Spondanus *ad annum DXCIII.* Initium hujus privilegij sic habet: *Preliosissimis lapidibus in diademate Christi merido renitentibus omnibus Sanctæ DEI Ecclesiæ membris Gregorius licet sanctæ Romanæ Sedis Pontificio sublimetur, humillimus tamen Servorum DEI servus, &c.* & infra: *Si quis autem Regum,*

(a) Vide L. 3. & ultimam Cod. de Consul.

(b) V. Cedrenum anno 9. Leonis Isaurici. Zonaram in Leone. Maymburg. Hist. Iconoclast. ad annum DCCXXX. circa finem. Spondanum ad eundem annum.

(c) V. Sigon. de Regno Italiz Ann. DCI. Spond. ad annum DC.

*Regum, Antistinum, judicum hujus Apostolica auctoritatis & nostra præceptionis Decreta violaverit, aut contradixerit, vel aliter ordinaverit, cujuscunque dignitatis vel sublimitatis sit, honore suo privetur, &c.* habetur hoc privilegium lib. 2. epist. Indict. 11. epist. 38. nova edit: Meminit ejusdem privilegij Gregorius VII. lib. 8. epist. 2. & lib. 4. epist. 2. & 23. Baronius ad annum DXCIII. n. 85. Illique postea Theodoricus Rex Franc. alijque Episcopi subscripserunt; ut hîc iterum videas, quænam sederit Ecclesiæ Gallicanæ opinio de potestate Pontificia. Tanta verò fuit Beati Gregorij modestia & humilitas, tanta etiam doctrina, ut nihil minus cogitari possit, quàm aut quid Regibus debeatur, illum ignorâsse, aut contra istorum jura & Majestatem potestate suâ abusus.

Anno DCIII. ad Beatum Gregorium Magnum missa legatio à Francorum Regibus, quâ inter alia Legationis capita Ecclesijs S. Martini, Monasterio ancillarum DEI, & Xenodochio à Regina constructis privilegia petebantur, quæ à Beato Gregorio concessa, & adjuncta clausula: *Si quis verò Regum, Sacerdotum, judicum, Personarumq; secularium hanc constitutionis nostra paginam agnoscens contra eam venire tentaverit, potestatis honorisq; sui dignitate careat, reumq; divino judicio exsistere de perpetrata iniquitate cognoscat, &c.* habetur hoc privilegium totum lib. 11. epist. 10. Indictione 6. Circa quod & similia privilegia bene observat Spondan. ad annum DXCIII. n. 3. non fuisse Pontificum mentem, ob quamcunque privilegiorum violationem pœnam aded gravem irrogare, sed tum demum, cùm violatores id in odium seu detestationem, Sedisque Apostolicæ contemptum obfirmato in eorum perniciem animo perpetrarent, ita ut non tam privilegiorum causa, quàm Romanæ Ecclesiæ, fideique Catholicæ ageretur.

Idem Beatus Gregorius, cùm Mauritius Imperator legem edidisset, quâ publicis rationibus & militiâ obligati prohibebantur Religionem ingredi: edictum Imperatorium correxit, ut videlicet rationibus liberi, & militiâ necdum expletâ, si tamen seriò constanterque mundo renuntiarent, admitti possent, sicque correctum Imperatoris diploma Episcopis observandum misit. (a)

Anno DCLIII. Celebratum est in Hispanijs Concilium Toletanum VIII. cui præter Abbates & absentium Vicarios interfuerunt Episcopi, 2. præfuitque Oronius Emeritenfis Metropolitani-

K k nus:

(a) Vide lib. 1. epist. 11. Indict. 1. Baron. ad annum DXCIII. n. 32.

nus: in quo statutum, ut defuncto Regi Pontifices Hispani, & Magnates successorem eligerent, sic habetur in c. 10. *ejusdem Concilij*. Præscribere autem formam & ordinem eligendi Regem est maxime actus politicus, quem tamen ob maxima incommoda, quæ in electionibus contingebant, & quæ illo capitulo recensentur, crediderunt Episcopi ab Ecclesiastica potestate exerceri potuisse.

Anno DCCC. Leo III. Pontifex Maximus ademptum Græcis Imperium in Carolum transfert.

Anno DCCCCIV. Joannes IX. Lambertum & Berengarium coactâ Romæ Synodo de Imperio contententes audit, & causâ examinatâ Lamberto Imperium addicit, Berengario, quod metu egisset, in ordinem redactò. *Vide c. 6. Synodi Ravenat. sub Joanne IX.* Baronium & Spondanum *ad hunc annum*. Sigebertum *ad annum DCCCCIII.* ubi scribit, huic Synodo 73. Episcopos, interfuisse & Francorum Archiepiscopos. Imperavit Lambertus *ad annum DCCCCX.* ei que per insidias ab Hugone Comite Mediolanensi occiso, Berengarius Anno DCCCCXV. suffectus, coronatusque à Joanne X. Pontifice Maximo, quod contra Saracenos auxilio Christianis fuisset; & ipse à suis obtruncatus est ob evocatos in Italiam Hunnos contra Rodolfum electum Francorum Regem, à quo acie superatus fuerat. (a)

Anno MLXXIX. Cùm Boleslaus Poloniae Rex Beatum Stanislaum Cracoviensem Episcopum ad aras cecidisset, à Gregorio VII. Pontifice Maximo, re maturè agitâtâ, diris percussus est, Regno omnique dignitate privatus: quam sententiam Deus ipse probavit Rege insaniâ correpto, & à canibus lacerato. *Vide Longinum in Polonica Historia*, cujus inter alia hæc verba sunt: *Tam lugubri, & crudeli in Sanctum DEI per Boleslaum Polonia Regem occisione ad notitiam summi Pontificis perlata, Ipse Pontifex maturâ deliberatione tempus terrens, tandem generale interdictum in universam Gnesnensem observari præcepit, Regem insuper Boleslaum & Polonia Regnum omni honore dignitate & excellentiâ Regali privavit, & omnes Principes & subditos ab ejus ditione absolvens obedientiam & subjectionem solitam exhibere vetuit.* *Vide Baronium ad annum MLXXIX. n. ultimo.* Idem fatetur in suo Dictionario Morerus *v. Pologne §. le gouvernement de Pologne.* Fuit verò Gregorius VII. Sanctitate

(a) V. Luitprandum lib. 2. c. 14. Sigonium de Regno Italix lib. 6. ad annum DCCCCXV. Spondanum ad eundem Annum,

Ætate & miraculis celeberrimus, inter quæ illud non ultimum, quodd post 500. ferme annos incorruptum ejus corpus duraverit: estque inter Sanctos relatus. Ejus in exilio morientis hæc ultima vox fuit: *Dilexi justitiam & odi iniquitatem, propterea morior in exilio.* Vide Leonem Ostien. lib. 3. c. 64. Auctorem vitæ D. Anselmi Episcopi Lucensis, Ottonem Frising. Baronium & Spondanum ad hunc annum. Ludovicus Morerus in suo dictionario Gallico, quod Regi Christianissimo dedicavit, inter alia de Gregorio VII. sic loquitur: *Mortuus est Salerni non sine odore sanctitatis, habeturque, inter Pontifices, omnium, qui Ecclesiam gubernarunt, clarissimus.* Otto Frisingensis hoc elogio Gregorium ornat lib. 6. c. 36. in fine. Porro Gregorius Salerni manens appropinquante vocationis suæ tempore dixisse fertur: *Dilexi justitiam & odi iniquitatem, propterea morior in exilio.* Quia ergo in Principe suo Regnum ab Ecclesia præcisum graviter percussum fuit, Ecclesia quoque tanto pastore, qui inter omnes Sacerdotes, & Romanos Pontifices præcipui Zeli, & auctoritatis erat, orbata, dolore non modicum habuit.

Anno MLXXIX. Idem Gregorius VII. varijs Episcoporum Gallix querelis contra Philippum Francorum Regem pulsatus, quodd sacerdotia pretio venderet, eandemque ob causam nollet Episcopum Matifconensem admittere, ad Rodericum Cabilonensem Episcopum, Regique præcharum scribit; *Moneas Regem tam turpi mercimonio quassuque, abstat; Episcopo Matifconensi legitime & Regio etiam nutu electo, negotium & moras ne faciat, alioquin censuris feriendum Regnoque, casurum: Verba Pontificis sunt lib. 1. epist. 35. Quod si facere noluerit, indubitanter noverit, nos hanc Ecclesia ruinam nequaquam diutius toleraturos, nam aut Rex ipse repudiato turpi Simoniaca hæresis mercimonio idoneas ad sacrum regimen personas promoveri permittet, aut Franci pro certo, nisi fidem Christianam abicere maluerint, generalis anathematis mucrone percussi illi ulterius obtemperare recusabunt, &c.*

Paruit Philippus monenti Gregorio, missisque Legatis in ejus se potestate futurum respondit. Vide lib. 1. epist. 35.

V. Anno M. Silvester II. Pontifex Maximus S. Stephano Hungariæ Duci jus & dignitatem Regiam concedit, & Hungariæ Ducatum Regni juribus donat. Auctor est Cartuius Episcopus in vita S. Stephani ad Colemanum Regem apud Surium die 20. Augusti, qui inter alia: *Quarto à Patris obitu Stephanus Africum Præsilem ad SS. Apostolorum lumina missi petiit, ut revens convertere Pannonia largam benedictionem*

nem impertiret, & ipsum Ducem Regio diademate cohonestaret, & ut eo fultus honore, qua Divinae gratiae adjutorio cœpisset, ea magis magisq; promovere posset.

Anno MLXXVI. Gregorius VII. per suos Legatos habitâ Synodo Salonæ in Dalmatia Demetrium Croatiæ, Dalmatiæque Ducem Regem coronat, juribus Regni Dalmatiæ concessis; & annuo tributo, quod Rex sponte obtulerat, accepto. Vide hujus rei monumentum ex Vaticana Bibliotheca apud Baronium ad hunc annum n. 66. Ad cuius finem Demetrius sic loquitur: Ego Demetrius, DEI gratiâ, Apostolica Sedis dono Rex, ab hac hora, ut antea sancto Petro, & Domino meo Papæ Gregorio, suisq; successoribus canonice inrantibus ero fidelis, &c. Regnum autem, quod mihi per manum tuam Domine Gebizo (legatus erat Pontificis Gregorij) traditur, fideliter retinebo. (a)

Anno DCCCXXXIII. Synodus Episcoporum Compendij habita, in qua Ludovico Pio Caroli M. filio Imperium ademptum, ejusque filio Lothario datum, quod ubi Gregorius IV. Papa intellexit, damnatis falsis criminationibus Galliæ Procerum, quibus legitimum Principem oneraverant, Decretum abrogationis rescindit. Testis est Æmilius lib. 3. rerum Franciæ. in vita Ludovici Pij fol. 81. ubi: Lugdunum Concilium Episcoporum, quos filij Reges contraxerant, habitum, Imperiumq; Patri abrogatum: quod Decretum mox à Gregorio Pontifice Maximo rescissum est, & audacia Archiepiscopi Lugdunensis multata, ex Sede enim dejectus est. Vide etiam Spondanum ad hunc annum.

VI. Anno MLXXVI. Gregorius VII. Henricum IV. Germaniæ Regem in Synodo Romana, quod Sacerdotia, & Ecclesiasticas dignitates mercatui exponeret, quod subditorum facultates prædaretur: quod appellationes ad sedem Apostolicam impediret; quod habito Wormatiæ Conventu ausus esset in Gregorium sententiam dicere, eumque Papatu exuere: & denique ob alia multa flagitia excommunicat, Regnoque indignum pronuntiat, & subditos juramento liberat: sententia sic habet. Beate Petre Apostolorum Princeps inclina, quasumus, piæ aures tuas nobis, & audi me servum tuum, quem ab infantia nutriti, & usque ad hunc diem de manu iniquorum liberasti, qui me pro tua fidelitate oderunt, & odium, &c. Hæc itaque fiducia fretus pro Ecclesia tua honore & defensione ex parte omnipotentis DEI Patris & Filij & Spiritus Sancti per tuam potestatem & auctoritatem Henrico Regi, qui

CONTRA

(a) Vide etiam Spondanum ad hunc annum.

contra tuam Ecclesiam inaudita superbia insurrexit, totius Regni Teutonicorum & Italia gubernaculo contraduo, & omnes Christianos à vinculo juramenti, quod sibi fecere & faciunt, absolvo, & nullus ei sicut Regi serviat, interdico. Nec omisit Gregorius dictæ in Henricum sententiæ omnes Principes Germaniæ admonere: à quibus Conventu Triburiam indicto, de alio Rege consultatum. Venere ab Henrico Legati, præterita excusantes, & in futurum omnia spondentes: quibus teste Lamberto Schafnaburgensi istorum temporum scriptore, Monacho Hirsfeldensi à Principibus in hæc verba responsum: Cum ab Ecclesia corpore propter flagitia sua Apostolici anathematis mactone præcisus sit Imperator, & ei communicare sine fidei jactura non possimus, cum fidem nostram multis apud DEUM Sacramentis implicitam Romanus Pontifex Apostolicæ auctoritate explicuerit, extrema profecto dementia esset, divinitus oblatam salutis occasionem non obvijs manibus excipere; quapropter immobiliter animo fixum tenemus, ut absque ulla dilatione virum nobis provideamus, qui præcedat nos, & præstetur bellum Domini ad expugnandam & destruendam omnem cujuscunque hominis altitudinem elevantem, & extollentem se adversus justitiam & sancta Romana Ecclesia auctoritatem.

Henricum postea genio suo & flagitijs redditum, Germaniæ Procures in ordinem tandem redigunt, & Rudolphum Sueviæ Ducem Regem appellant. Huic à Gregorio diadema missum cum inscriptione: *Petra dedit Petro: Petrus diadema Rudolfo.* Vide lib. 4. Epist. 3. qua habentur tomo 3. Concilior. ante Concil. Roman. 1. Lambertum Schafnaburgensem ad hunc annum, Abbatem Urspergensensem ad annum MLXXV. qui ultimus recitat epistolam Gregorij VII. ubi inter alia: *Post datam reconciliationem, solam, inquit, ej communionem reddidi, non tamen in Regno, à quo eum in Romana Synodo deposueram, restauravi. Episcopi verò & Principes Ultramontani audientes illum non servare, quod mihi promiserat, quasi desperati de eo, sine consilio meo elegerunt sibi Rudolphum in Regem.* Vide Spondanum ad hunc annum.

Anno DCCCVIII. Rex Nordhanhumborum à suis Regno pulsus, auctoritate Leonis III. & potentiâ Caroli M. solio restituitur: testis Aimoinus, vel potius Adelmus in annalibus Regum Franciæ, ubi: *Inierat, inquit, Rex Nordhanhumborum reductus est in Regnum suum, & Legati Imperatoris atque Pontificis reversi sunt.*

Anno MCLXVI. Cum Fridericus Aenobarbus in Italiam cum exercitu movisset, incendijs & rapinis omnia vastaret, Gui-

VII. Anno MCLXXIX. Alfonsus I. Dux Portugalliæ ab eodem Alexandro III. ob res adversus Arabes præclare gestas jura & titulum Regis accipit, & annuum censum Romanæ Ecclesiæ statuit. Vide Spondanum & Baronium *ad hunc annum*, qui ultimus recitat Innocentij III. epistolam ad Sancium Regem Portugalliæ in hæc verba: *Innocentius, &c.* Nos attendentes tuam personam ornatam prudentiâ, justitiâ pradiatam, atque ad Regni gubernationem idoneam, eam sub B. Petri & nostræ protectione suscipimus, & Regnum Portugallense cum integritate honoris, Regni, & dignitate, quæ ad Reges pertinet, necnon & alia loca, quæ de Sarracenorum manibus eripueris, in quibus jus sibi non possunt Christiani Principes circumpositi vindicare, ad exemplar Alexandri Papæ, qui hac ayo tuo per privilegij paginam concessisse dignoscitur, tua sublimitati concedimus & auctoritate Apostolicâ confirmamus, & hac ipsa hæredibus tuis duximus concedenda, eosq; super ijs, quæ concessa sunt, pro injuncto nobis Apostolatus officio defendemus. V. Innocent. lib. 1. epist. 144. & 151.

Anno MCCX. Otto IV. Imperator, cùm Friderico juniore Regi Neapolitano, totiq; Italiæ bellum inferret, nec à Pontifice admonitus cœptis absteret, ab Innocentio III. anathemate perstringitur, Impetio arcetur, permissuq; Pontificis idem Fridericus Henrici V. Imperatoris filius à Germaniæ Principibus throno imponitur. Urspergensis in Chronico, Nauclerus, Spondanus, & Bzov. *ad hunc annum.* Verba Abbatis Urspergensis sunt: Sane ne tanta turbatio fieret in Ecclesijs & populo Christiano, voluit Dominus Papa sustinere omne damnum, quod sibi Imperator in terris Ecclesiæ Romanæ intulisset, aut inferret, hanc formam compositionis, cùm recusasset Imperator admittere, Dominus Papa tanquam vir animosus & confidens in Domino tria ardua negotia simul explere disposuit. Anno enim Domini MCCXII. laboravit super depositione Ottonis Imperatoris, quod fuit arduum negotium, &c.

Anno MCCXXXIX. Gregorius IX. Fridericum II. Imperio & sacris interdicat. Idem postea solemni ritu in Concilio Generali Lugduni Anno MCCXLV. ab Innocentio IV. repetitum. V. B'ondum, Platinam, Spondanum, *ad hunc annum*, ubi: Inter Gregorium, inquit, Pontificem & Fridericum Imperatorem publicatur toto Orbe dissidium, & diverso utriusq; diplomate excommunicatur Fridericus, & Imperio privatus declaratur. Scriptorum fides in tanto animorum motu vacillat, pluribus tamen & æquioribus Fridericum summa ingratitude, in Ecclesiam Romanam impietatis, multorumq; scelerum damnantibus,

Anno



Anno MCCLXXIII. Gregorius, inquit Spondanus, *mandat Principibus Germanis, ut tandem Imperatorem creent, nisi velint, aliquem à se imponi. Convenientes igitur Francofurti primum Ottocaro Regi Bohemia Imperium deferunt, sed recusante eo, consensum est in Rudolphum Comitem Habsburgensem armis & consilio potentem.*

Morerus in *vita Rudolphi* confirmatam fuisse à Gregorio X. electionem Rudolphi Habsburgensis testatur. Operâ ergo Sanctissimi & miraculis clarissimi Pontificis in domum Austriacam devenit Imperium pietate Rudolphi partum, pietate productum, pietate, quod omnes boni sperant, optantque duraturum. Scribit idem Morerus, Rudolphum magnâ vi auri acceptâ Italiæ, quæ Imperio adhuc serviebat, libertatem dedisse. Auctor paralipomenon ad Chronicum Urspergenſis: Anno, inquit, Domini MCCLXXXIII. Rudolphus comes Habsburgensis Landgravius Alſatii post longam vacationem Imperij & civilia bella, communi voto principum electus in Imperatorem Germania & Romanorum, à Papa confirmatus fuit, &c.

Platina in Gregorio X. Gregorius, inquit, *iter in Italiam faciens abſoluto Lugdunenſi Conſilio obviam habuit Alſonſum Caſtella Regem conquerentem, quòd Imperium Rodulfo mandâſſet, verùm acceptâ Pontificis ſatisfactione jus omne ſuum Rodulfo conceſſit.*

Meminit ejusdem Alſonſi Imperium à Pontifice poſtulantis Mariana lib. 13. c. ult. ubi Alſonſum in conſeſſu procerum ſic loquentem inducit: *Nunc filio in patria relicto, gemina jam prolis patre, Imperium te auſpice atque adjutore Gregori Pontifex maxime capeſſemus, inane quidem & ſine proventu nomen, ſed publicum Hiſpania deus reſpicere, noſtramq; ignominiam depellere cogimur, quod utinam ſine armis præſtare poſſimus, alioquin quodivunque periculum retinendi honoris ſtudio ſubire eſt animus.*

VIII. Anno MCCCVII. Interfecto Alberto Imperatore Philippus IV. Galliarum Rex cognomento pulcher, collatis cum Senatu capitibus, ſolemni ad Clementem V. Legatione tunc in Gallijs agentem, Imperium ſibi, vel Carolo fratri ſuo petit: Sic enim à Francis in Germanos dilapſum Imperium ad Francos rediturum: inter alias rationes hæc etiam producta: *Cui enim, inquiebat Rex, fiat injuria, ſi vacantis Imperij conditio permutetur? Idem fecerunt olim Pontifices alijs. Sed Clemens Philippi potentiam veritus, ſi Imperio augetetur; & iram ſi offenderet; deliberatum ſe dixit: clam interim monet Electores, qui Comitem Lucemburgenſem Henricum*

*Hæc ipsa SS. Pontificum auctoritas & potestas exemplis &c.* 265  
cum VII. Imperatorem dicunt: electio à Senatu confirmata. Rem  
accuratè scribit Conradus Vecerius in *lib. de gestis Henrici VII.* Bzo-  
vius ad hunc annum n. 6. *Æmilius in Philippo pulchro*, qui tantum ele-  
ctionis confirmatæ à Pontifice meminit.

Agnovit ergo Galliæ Rex, regiusque senatus, esse aliquam  
Pontifici in Reges & Imperatores potestatem, quam implorarent.

Anno MCCCX. Clemens Papa V. Venetos, quod occupas-  
sent Ferrariam, sacris interdicit, eorumque bona ubique terrarum  
primò occupanti exponit, excitatis etiam in eos sacri belli milici-  
bus. A quibus viæti Veneti veniam Avenione deprecantur per Fran-  
ciscum Dandalum ad pedes Pontificis ad hoc prostratum. Sponda-  
nus ad hunc annum. *Sabellicus Ennead 9. lib. 8.* Bzovius ad annum MCCCIX.  
Platina in *vita Clementis V.* Quo teste, Galli præsertim hanc senten-  
tiam Clementis non tantum non improbârunt, sed etiam impigrè  
sunt executi: sic enim Platina in *vita Clementis* prope initium scribit:  
*Quamobrem Gens ipsa (Veneti) mercatura admodum dedita, in Anglia & in  
Gallia maxima incommoda perpessa est.*

Anno MCCCCXX. Martinus V. in Joannam Reginam Nea-  
politanae armat Sfortiæ Ducem, transfertque jus Regni in Lu-  
dovicum III. Andium Ducem, Spondanus & Pandulphus ad hunc  
annum

IX. Anno MDXII. Julius II. excommunicat Joannem Ali-  
bretanum, ejusque Regnum primò occupanti donat, quod Alfon-  
so Ferrariæ Duci & Ludovico XII. Regi Galliæ opem tulisset. Hæc  
origo Navarrici Regni ad Ferdinandum V. Aragoniæ Regem & Hi-  
spanos delati. Joanna Alibreta Navarræ Regina odio Pontificis,  
& Hispanorum, Catholicam Religionem ejurat, vocatis qui Hen-  
ricum Borbonium unicum filium Calvinismo erudirent. Ab hoc  
in Reges Galliæ provinciæ aliquot Navarrici Principatus derivatæ.  
Negant quàm plurimi à Julio II. jure id factum. Vide Spondanum  
ad annum MDXII. & libellum Gallicum, cui titulus, *Intereſts des Prin-  
ces* fol. 62.

Anno MDXXXIV. Clemens VII. in Henricum Angliæ Re-  
gem diras pronuntiat, & Regnum abrogat, quod Catharinam le-  
gitimam uxorem repulisset, Bolenâ in thalamum admittâ: quod  
Cardinalem Rossensem, & Morum primæ venerationis capita præ-  
cidisset; quod innocentium sanguine Angliam inundasset, non

alterius culpæ quàm Religionis Catholicæ reos: quòd cœnobîa, Religiosos, Ecclesias omnes igne ferro, spolijsque fœdâsset: quòd postremò D. Thomam Archiepiscopum Cantuariensem tot annos jam vitâ functum, & miraculis clarum in jus citâsset, sacrosque cineres in aquas sparsisset. Sunt, qui Pontificem arguant anathematis præcipitati nuntio post biduum apparente, qui litteras obsequij plenas à Rege deferebat. Sed plus satis expectatum; nec priùs ad extrema devenitum esse, quàm spe omni consumptâ; scribit Palavicinus in *hist. Conc. Trid. lib. 4. cap. 7. & lib. 3. cap. 15.* Vide Mores. in *vita Henrici VIII.*

Anno MDLXIII. Inter alia documenta, quibus Vicecomitem suum in Hispaniam nuntium Pius IV. instruxit, illud etiam à Palavicino *lib. 24. Hist. Concil. Trid. c. 1. n. 3.* Regem doceret de affixo libello, quo Regina Navarra in jus vocabatur, lex mensium spatio ad se purgandum concessa, quo elapso eam regno privatum iri.

Anno MDLXIX. Pius V. Elisabetham Reginam execratus, diris perstringit, Regnumque Angliæ proscribit. Spondanus *ad hunc annum.* Eadem proscriptio à Sixto Pontifice Maximo repetita, de qua vide Thuanum *lib. 89. ad annum MDLXXXVII.*

Anno MDLXX. Idem Pius V. Cosmum Medicum Ducem Florentiæ, Magni Ducis Hetruriæ titulo honorat, non sine aliqua aliorum Principum obreccatione. Spondanus *ad hunc annum.*

Anno MDLXXXV. Sixtus V. Pontifex Maximus Henricum Navarra (postea magnum Galliarum Regem) hæreticum declarat, & Gallia Regno inhabilem. Verba sunt Spondani *ad hunc annum*, qui subdit: Hinc verò gravissimum ortum est bellum, & inaudita rerum confusio, atq; animorum diffissio secuta, quæ nobilissimum ac Christianissimum Regnum haud dubie in extremam perniciem deduxissent, nisi idem ipse, à quo destructio timebatur, potenti tandem manu restitutionem operatus esset.

Anno MDXCI. Gregorius XIV. Eundem, inquit Spondanus, Henricum Regio nomine indignum pronuntiat, & adversus eum in Gallias exercitum mittit.

Anno MDXCIII. Confederati Gallia, inquit Spondanus, occasione potestatis sibi à Clemente Pontifice facta eligendi Regis, qui Catholicus esset, comitia Parisijs celebrant, sed ingenti confusione, cum plurimi exteri promoveri cuperent: quando & felix ille illuxit dies, quo Henricus divinitus illustratus, & rationibus Catholicorum aptè imbutus, abjuratâ hæresi Religionem avitam

*Hac ipsa SS. Pontificum auctoritas & potestas exemplis &c.* 267  
 amplexus est, misitq; Romam Ducem Nivernensem, qui absolutionem à Clemente VIII. impetraret. Vide etiam Thuanum lib. 106.

Hactenus pauca ex plurimis exempla defloravimus, quibus omnium propè à Gregorio Magno sæculorum decursu, usuque probatum est, etiam Regnis, Imperijsque Summos Pontifices, cum Religio id posceret, legem dedisse juxta illud *Jeremia* 1. *Ne formides à facie eorum, ego quippe dedi te in civitatem munitam & in columnam ferream super omnem terram* Regibus Juda, Principibus ejus, & sacerdotibus & Populo terra: & bellabunt adversum te, & non pravelebunt: quia ego tecum sum, ait Dominus, ut liberem te: Ecce constitui te hodie super gentes & super Regna, ut evellas & destruas, & disperdas, & dissipes & adifies, & plantes. Et quamvis aut imprudentiâ, aut abusu peccatum aliquando sit; id tamen omni humanæ potentie commune est, quam si propterea proscriptam velis, quia excessit, quam nobis reperies à culpa immunem? Oportebit ergo omnem tolli potestate, peiori, quam sit malum, remedio. Et si Pontificum, qui hac in Reges usi sunt auctoritate, Sanctitatem consideres & doctrinam (quales sunt Gregorius Magnus, Zacharias I. Stephanus III, Gregorius II. Gregorius X. Leo III. Pius V. omnes inter Sanctos Beatosve relati) negari haud potest, noluisse eos aliena invadere, suis tantum juribus contentos armatosque. Nunc ab exemplis ad testes procedamus.



## S. XVI.

### *Testes pro eadem Sententia.*

#### SUMMARIUM UNICUM.

*Sententia SS. Gregorij Magni, Thomæ Doctoris Angelici, Bonaventura Scraphici, S. Antonini, Joannis Gersonis, Doctoris Christianissimæ Petri Blesensis, S. Petri Venerabilis Abbatis Cluniacensis, S. Bernardi, Cleri Gallicani, aliorumq; Doctorum re-missivè.*

### Primus testis S. Gregorius M.



Eati Gregorij Magni quanta fuerit modestia, Regum-  
que veneratio, orbe toto notissimum est, ut proinde  
nihil minus credi possit, quàm voluisse tantâ mode-  
ratione Pontificem egredi terminos potestatis à DEO  
sibi traditæ. Et hic tamen in privilegijs Monasterio  
Sveffionensi S. Medardi & Ecclesiæ S. Martini concessis, non du-  
bitavit Reges privilegiorum invasores coërcere, & Regnis inter-  
dicere, ut supra ostendimus, nec libet repetere. Videatur interim  
Gregorius VII. *lib. 8. Epist. 21. quæ habetur in tomis Conciliorum*  
*tom. 3. p. 2.*

### Secundus testis S. Thomas Doct. Angelicus.

Multa sunt, quæ D. Thomæ doctrinam, apud Gallos præfer-  
tim, omni exceptione majorem reddant: quod è cœlo po-  
tius quàm litteris, & studio quæ sita: quod summæ humilitati &  
modestæ conjuncta: quod Parisijs ab eodem S. Doctore diu ma-  
gnoque cum plausu audita & excepta: quod in omnibus scholis,  
Universitatibus, omniumque Doctorem assensu præcipuâ venera-  
tione, & ante alias culta: quodque majus est, ipsius Christi Domini  
oraculo sacrata: quod non à doctissimo tantum, sed etiam san-  
ctissimo calamo profecta, aded ut ad maximas dignitates summo-  
que merito vocatus, eadem constantiâ oblatas spreverit, quâ alij  
non oblatas ambiunt: quod denique Gallias aded dilexerit, ut illic  
& cathedram vivus, & tumbam mortuus legerit. Hæc omnia libe-  
rum affectibus animum convincunt, nihil ab illo præmij, aut adu-  
landi causâ, nec partium studio scriptum esse, sed veritatis tantum.  
Et ne fortè quis dicat, Beatum istum scholis, & solitudini addictum  
aularum jura & Principum ignorasse, exstant accuratissimi libri de  
Regimine Principis ab eodem conscripti, in quibus aded Princi-  
pum arcana, artesq; regnandi complexus est, ut possis dicere nihil  
exquisitius, regnisq; moderandis aptius ab alio dici potuisse, qui in  
senatu, aulisque consenuisset. Merito proinde Urbanus V. in Bul-  
la *LAUDABILIS DEUS* ad Tolosanam Academiam scribens, *ut D.*

*Thoma doctrinam tanquam veridicam & Catholicam secletur, totisq; viribus promovere studeat, injungit. Et Joannes Baptista Gonetus in præludijs Tomi 1. testatur, Burdigalensem, & Avenionensem in Gallijs cathedras D Thoma doctrinam ex professo & juramento tueri.*

Audiamus ergo, quid S. Doctor senserit, scripseritque.

Sic ergo 2. 2. q. 12. a. 2. in corpore loquitur : *Ad Ecclesiam non pertinet punire infidelitatem in illis, qui nunquam fidem susceperunt, sed infidelitatem illorum, qui fidem susceperunt, potest sententialiter punire, & convenienter in hoc puniuntur, quod subditis fidelibus dominari non possint. Hoc enim vergere posset in magnam fidei corruptionem, quia homo Apostata pravo corde machinatur malum, & jurgia seminat, intendens homines separare à fide. Et ideo quàm citò aliquis per sententiam denuntiatur excommunicatus propter Apostasiam à fide, ipso facto ejus subditi sunt absoluti à Dominio ejus & juramento fidelitatis, quo ei tenebantur.*

Et eodem articulo ad I. Dicendum quòd illo tempore (Juliano imperante) Ecclesia in sci novitate nondum habebat potestatem terrenos Principes compescendi, & ideo toleravit fideles Juliano Apostata obedire in his, qua nondum erant contra fidem, ut majus periculum fidei vitaretur. Et 2. 2. q. 60. a. 6. ad 3. Dicendum, quòd potestas secularis subditur spirituali, sicut corpus anima. Et ideo non est usurpatum judicium, si spiritualis Prælatus se intromittat de temporalibus, quantum ad ea, in quibus subditur ei secularis potestas, vel qua ei à seculari potestate relinquuntur.

Idem docet in secundum sententiarum distinctione 44. q. 9. a. 2. & in 2. ad Corinth. c. 11. lect. 2. & in epist. ad Philipp. circa finem.

Et opusculo 20. de Regimine Princip. lib. 3. cap. 10. Propter quod oportet dicere, in summo Pontifice esse plenitudinem omnium gratiarum, &c. Quod si dicatur ad solam referri spirituales potestatem, hoc esse non potest, quia corporale & temporale ex spirituali, & perpetuo dependet, sicut corporis operatio ex virtute anima. Sicut ergo corpus per animam habet esse, virtutem & operationem, ita & temporalis jurisdictio Principum per spirituales Petri & Successorum ejus, cujus quidem argumentum assumi potest per ea, qua invenimus in actis, & gestis Summorum Pontificum & Imperatorum, &c. Et c. 17. eodem lib. quòd vide. Et c. 19. Et tunc, inquit, diversificatus est modus Imperij, quia usque ad tempora Caroli in Constantinopoli in eligendo servabatur modus antiquus, aliquando enim assumebantur de eodem genere, aliquando aliunde, aliquando per Principem fiebat electio, aliquando per exercitum : sed instituto Carolo cessavit electio, & per successionem assumebantur de

eodem genere, ut semper primogenitus esset Imperator, & hoc duravit usque ad septimam generationem, quâ etiam deficiente tempore Ludovici, cùm Ecclesia vexaretur ab iniquis Romanis, advocatus est Otto I. Dux Saxonum in Ecclesia subsidium, liberatâque Ecclesiâ à vexatione Longobardorum, & impiorum Romanorum, ac Berengarij Tyranni, in Imperatorem coronatur à Leone VII. genere Alemanno, qui & Imperium tenuit, usque ad tertiam generationem, quorum quilibet vocatus est Otto. Et ex tunc, ut historia tradunt, per Gregorium V. genere similiter Theutonicum provisa est electio, ut videlicet per septem Principes Alemannia fiat, &c. & tantum durabit, quantum Romana Ecclesia, qua supremum gradum in Principatu tenet, Christi fidelibus expediens judicaverit, in quo casu, ut ex Verbis Domini est manifestum, videlicet pro bono statu universalis Ecclesia videtur Vicarius Christi habere plenitudinem potestatis, cui competit dicta provisio ex triplici genere, &c. Pergit S. Doctor ex professo id probare, quem vide.

### Tertius testis S. Bonaventura Doct. Seraphic.

**E**T hunc Doctorem cum admiratione plausuq; Gallia docentem laudavit, quando Parisijs Theologiam publicè legit, dictavitq;. Tanta integritatis illi & innocentie apud omnes æstimatio, ut ejus arbitrio Pontificis Maximi electio permetteretur, elegitque Gregorium X. à quo purpuratis adscriptus, Lugduni mortuus conditusque, ubi illius sacrum caput summâ veneratione colitur, reliquo corpore ab hæreticis in aquas sparso; ut aded hujus sancti Patris sententia & doctrina, Gallis oraculum esse debeat, apud quos, & cathedram, & tumbam, & aras delegit, præsertim ob excellentissimam in rebus theologicis sapientiam, paremque sanctitatem ab omni furo, & adulatione alienissimam. Sic ergo loquitur Libro de Ecclesiastica Hierarchia p. 2. c. 1. Tomo 7. operum. Patet igitur, quod dignitas Clericalis, qua in sua radice considerata est penitus spiritalis, merito est consona Ordini Dominationis, qua sic præcedit alios inferiores ordines, quod illos illuminat, perficit, purgat, & tamen ab illis non illuminatur, nec perficitur, nec purgatur: quia sicut spiritus dignitate & officio præcellit corpus, sic potestas spiritalis dignior est, quàm secularis, & ided bene sortitur nomen Dominationis. Unde Regalis potestas subjacet potestati & auctoritati spiritali, sicut in 1. Canonica Petri dicitur: Vos estis gens sancta, Regale sacerdotium, &c. Nam temporale Regnum velut quoddam adjectum subjacet Sacerdo-



tio in novo testamento, sed in veteri testamento Sacerdotium subsuit Regno, unde dicitur in exodo: *Elegi Vos in populum peculiarem, in sacerdotale Regnum, &c.* ubi Regnum ponitur substantivè, sed Sacerdotium adjectivè, & idè Reges tunc poterant amovere sacerdotes summos ab officio, sicut Salomon amovit Abiathar. 3. Reg. 2. Jam verò possunt sacerdotes & Pontifices ex causa amovere Reges & deponere Imperatores, sicut sapius accidit, & visum est, quando scilicet eorum malitia hoc exigit, & Reipublica necessitas sic requirit. Summus verò Pontifex, pendens quem prima in terris residet auctoritas, non à Rege, non à Principe seculari, non ab homine judicatur, sed solus DEI judicio reservatur; spiritualis enim homo judicat omnia, & à nemine nisi à solo DEO judicatur. 1. Corin. 2. sed ut possint tales persona liberius spiritualibus vacare, ut nunc per verbi vita prædicationem, nunc verò per Sacramentorum ministrationem populum sibi subditum ad DEI formem similitudinem reformare, necesse fuit alios assumere in partem sollicitudinis, qui in diversis negotijs & causis eis assisterent, & onus eorum supportarent. Temporalia enim spiritualibus sunt annexa, & de facili spirituale officium impedirent, nisi causas & lites ex temporalibus orientes, aliqui per justitiam deciderent & desinrent. Idè dixit Jetro ad Moysen: *Ultra vires est negotium, solus sustinere non poteris. Eslo tu populo in his, quæ ad DEUM pertinent, ut referas, quæ dicunt ad DEUM, ostendasq; ceremonias, & ritum colendi Deum, viamque, per quam ingredi debeant, & opus quod facere debeant. Provide ergo viros potentes & timentes DEUM, in quibus sit veritas, & oderint avaritiam, & constitue ex eis, qui judicent populum in omni tempore, leviusq; tibi sit partito in alios onere.* Exodi 18. v. 6. Et tales sunt Decani, Præpositi, Archidiaconi & quicunque judices sive ordinarii sive delegati, qui lites sopiunt & decidentes causas discordes ad concordiam revocant, & reducunt, & tales sua officia providè & viriliter exequentes conformitatem habent cum ordine Virtutum, qui sequitur ordinem Dominationum, nam sine virtute non potest tale expediri officium. Idem Seraphicus in 4. distinct. 37. in expositione textus dub. 4. Dicendum est, inquit, quod uterq; gladius, ut dicit Bernardus, est Ecclesia, sed differenter: quæ est spiritualis, extrahendus est manu Ecclesiæ, sed materialis non manu, sed tantum nutu, &c.

### Quartus testis S. Antoninus.

**H**ic notissimæ Sanctitatis, doctrinæque p. 3. Summa tit. 22. c. 9. §. 13. Imperator, inquit, est minister Papa, eo ipso quod est minister DEI, suius

cujus vices gerit, juxta Apostolum ad Rom. 13. Est autem Principalis agentis eligere ministros & instrumenta ad suum finem, unde puto, quod Papa cum universos fideles in presentis Ecclesia ad pacem habeat ordinare, & ad spiritalem finem consequendum dirigere & destinare, justâ causâ & rationabili existente per se ipsum possit Imperatorem eligere, aut propter eligentium negligentiam, vel discordiam, aut propter populi Christiani, & pacis providentiam, aut propter coercendam hereticorum & paganorum audaciam & potentiam. Posse enim Papa fulcium debet esse veritate, justitiâ & aequitate: non enim potest adversus veritatem &c. & infra: Posuit etiam Papa Electores Imperatoris instituere, & institutos mutare ex causa rationabili: sicut etiam Imperatorem electum potest non confirmare, & confirmatum deponere, &c. &c. Et infra: Item Papa posset providere de Imperatore per hereditariam successionem, quando videret populo Christiano pacem dari magis per hereditariam successionem Imperij. &c.

### Quintus testis Joannes Gerson.

**F**Loruit Joannes Gerson circa annum MCCCCXII. Doctor, & Cancellarius Universitatis Parisiensis, cujus sapientia, & libertas admirationi fuit & venerationi Concilio Constantiensi, inter primos, magisque conspicuos Galliarum Doctores habitus. Hic ergo p. 4. sermone de pace & unitate Græcorum consideratione. 5. Homines, inquit, per hoc, quod unicum principale caput habent ad tenendos ipsos tam in bonitate voluntatis, quam bonitate morali & spiritali, convenientius, & divinius se hoc modo in unitate tenent. Nec est ullo modo in præjudicium cujuscunque dominij temporalis vel spiritalis, sive Regum sive prælatorum. Hic sunt duo extremi errores: dicunt aliqui, homines Ecclesiasticos, Papam, vel alios non posse ullam tenere temporalitatem, vel jurisdictionem: alij dicunt terrenos dominos nullum prorsus jus habere in temporalitate: sed hoc verum non est, nec dicere oportet, omnes Reges vel Principes hereditatem eorum, vel terram tenere à Papa, ut Papa habeat superioritatem civilem, & juridicam super omnes, quemadmodum imponunt aliqui Bonifacio VIII. Omnes tamen homines Principes, & alij subjectionem habent ad Papam, in quantum eorum jurisdictionibus, temporalitate & dominio abuti vellent contra legem divinam, & naturalem, & potest superioritas illa nominari potestas directiva & ordinativa potius, quam civilis vel juridica.

Vides, Gersonem potestatem juridicam & civilem ac ordinariam Pontificibus negare, qualem videlicet habet Rex in suos subditos: Dominus directus in Vasallos &c. concedere tamen subjectionem Principum respectu Papæ, quando *jurisdictionibus, temporalitate, & dominio abutuntur: quam ipse vocat directivam & ordinativam*, nos casualem & extraordinariam. Nec enim voluit Gerson, pro eo casu, quando abutuntur, excludere coercitivam; directivam enim (quæ declaratur, quid fieri debeat, aut non debeat) non tantum habet Papa, sed episcopus quilibet, etiam extra casum abusûs; nec aliam potestatem Pontifici negat Gerson, quam illam ordinariam, quam aliqui summo Pontifici etiam extra casum necessitatis concedebant. Et ided Cardinalis Peronius apud Gramundum *lib. 1. Hist.* Gersonem pro hac sententia, quam defendimus, laudat.

### Sextus testis Petrus Blesensis.

**E**T hic Gallus, Blesis videlicet natus, Bathoniensis in Anglia Archidiaconus, eloquentiâ, & doctrinâ inter primos sui temporis floruit circa annum MCC. Hic *epistolâ 146.* in persona Eleonoræ Angliæ Reginæ Cælestinum Papam III. sic alloquitur: *Duo filij mihi supererant ad solatium, qui hodie mihi misera & damnata supersunt ad supplicium. Rex Richardus tenetur in vinculis, Joannes frater ipsius Regnum captivi depopulatur ferro & vastat incendijs &c.* Et infra: Porro Princeps Apostolorum adhuc in Apostolica sede regnat & imperat, & in medio constitutus est judiciarius rigor, illudq; restat, ut exeratis in maleficos Pater gladium Petri, quem ad hoc constituit super gentes & Regna. Christi crux antecellit Caesaris aquilas, gladius Petri gladio Constantini, & Apostolica Sedes præjudicat Imperatoria potestati.

### Septimus testis S. Petrus Abbas Cluniacensis

lib. 6. Epist. 28.

**C**um Clericus quidam furti injustè damnatus Apostolicam Sedem appellasset, nec admissa fuisset appellatio: unum, quod habuit, unum quod potuit fecit: ad illud unum præcipuum & singulare oppressorum præsidium confugit, Apostolicum dico auxilium elegi, tabernaculum scilicet, quod est in umbraculum dei ab asu, terminum videlicet vel obvium Apostolica appellationis interpretuit,

M m

quam

quam, ut putabat, non liceret eis transgredi, sed frustra hoc speravit; nam post factam appellationem tota illarum ipsius rapina ab eis facta est, qua supra à me conscripta est. Addita est insuper verborum contumelia, qua apud Imperatores saculis reos Majestatis faceret, & penam ad minus capitali puniret. Sed quamvis Ecclesia non habeat Imperatoris gladium, habet tamen super quoslibet minores, sed & super ipsos Imperatores imperium. Unde ei sub figura prophetis nominis dictum est: Constitui te super gentes & Regna, ut evellas, & destruas, & disperdas & dissipas, & aedifices, & plantes. Quare si non potest occidere, potest evellere. Si non potest occidere, potest destruere.

### Octavus Testis S. Bernardus Abbas Clavallensis.

**N**ihil habuit Gallia hoc sancto divinius, nihil eloquentius; melle credas aut rosam, non calamo aut atramento scripsisse. Natus est Fontanis in Burgundia Gallica Anno MXCi. miraculis, facundiâ, an verò Principibus componendis felicior, nescias. Dabimus elogium Baronij Cardinalis ad annum MCLIV. Verè Apostolicus vir, inquit, immo verus Apostolus missus à DEO, potens opere & sermone, illustrans ubiq; & in omnibus suum Apostolatum sequentibus signis, qui apud Imperatores, & Reges aliosq; Principes pro omnium sublevatione atq; ipsorum Principum salute tot, & tanta peregit. Et qui dicendus sit totius Ecclesia Catholica ornamentum simul & fulcimentum, Gallicana verò imprimis Ecclesia pradiandus sit summum decus, summa gloria, felicitas.

Hic ergo sanctus de potestate Pontificia sic loquitur lib. 1. de consideratione. cap. 8. Mihi non videtur bonus estimator rerum, qui indignum putas Apostolis, seu Apostolicis viris non judicare de talibus (causis temporalibus) quibus datum est judicium in majora: quid ni contemnant de terrenis possessionibus hominum judicare, qui & Angelos judicabunt? Habent hæc infirma & terrena iudices suos, & Reges Principes terra; quid fines alios invaditis? quid falcem vestram in alienam messem extenditis? non quia indigni Vos, sed quia indignum Vobis talibus insistere, quippe potioribus occupatis: denique ubi necessitas exigit, audi, quid sentiat non ego, sed Apostolus: Si enim in vobis judicabitur hic mundus, indigni estis, qui de minimis judicetis? Et lib. 4. c. 3. Quid tu denuo (alloquitur Eugenium Papam) usurpare gladium tentas, quem semel jussus es ponere in vaginam? quem tamen, qui tuum negat, non satis mihi videtur attendere verbum Domini dicentis: Convertere gladium tuum in vaginam; tuus ergo & ipse, ino forsitan nutu, etsi non tua manu; evaginandus, aliq-

*alioquin si nullo modo ad te pertineret, dicentibus Apostolis: Ecce gladij duo hic; non respondisset Dominus: Satis est; sed nimis est. Uterque ergo Ecclesie, & spiritualis scilicet gladius, & materialis; sed is quidem pro Ecclesia, ille verd ab Ecclesia exerendus est. Ille sacerdotis, is militis manu, sed sanè ad nutum sacerdotis, & jussu Imperatoris.*

## Testimonium nonum totius Cleri Gallicani.

**E**cclēsia Gallicana non semel tantum, sed aliquoties, & clarissime potestatem hanc Pontificiam agnovit, & professā est: in Synodo videlicet Pontigonensi, de qua Aimoinus rerum Francic. lib. 5. c. 33. & nos suprà. In Concilijs Generalibus Viennensi, Lugdunensi primo, & Constantiensi, in quibus aded clarè mentem suam expressit Ecclesia Gallicana, ut ne à nobis quidem clariùs posset. Sed ut appareat non olim tantum, sed recentissimè hanc ipsam fuisse Gallicani Cleri doctrinam, describemus, quæ habet Bartholomæus Gramondus Sacri Regij Consistorij Senator, & in Parlamento Tolosano Præses lib. 1. Hist. ad annum MDCXV. fol. nobis 60. & sequentibus sub exitum anni MDCXV. Comitā videl. trium Gallie Ordinum generalia Lutetiam fuisse convocata, hoc est, Cleri, Nobilitatis, tertijque Ordinis, qui ultimus Magistratibus subalternis & minore populo constat. In ipso Comitiorum ingressu, ortas statim inter Clerum, tertiumque Ordinem simultates. Clerus, inquit Gramondus, in caput Magistratuum petiit abrogari novam legem, per quam officia ipsorum in heredes transibant, sub cautione tributi in singulos annos prastari soliti (Pauletam dixere per id temporis ab auctore subsidij) Id ubi tertij Ordinis Oratoribus agnitum, rati, ut res erat, peti Ordinem suum, statim proponunt thesim toties Clero obstrepente agitatam. Nullam esse potestatem in temporalibus supra Regiam, unig, immediatè DEO, debitam coronam à Gallis Regibus, nullis obnoxiam interdictis, (Notentur ea verba) obstrepente Clero. Pergit postmodum narrare: de Summi Pontificis in Reges potestate pluribus actum, missosque communibus votis tertij Ordinis ad Clerum articulos tres, quorum hæc summa erat. 1. Sacrilegum esse Reges unctos DEI quolibet pretextu in necem dare. 2. Debitam immediatè uni DEO Regum in subditos potestatem. 3. Nulli Sedu Apostolica interdictionis subjacere Imperia Regum, subditosque nunquam sacramento fidei exsolvī posse. Consensus prima Clerus, immo perorante doctissimè Petronio

*Cardinale thesin in tyrannicidas de fide esse respondit ex Decreto Concilij Constant. Sess. 5. Alieram de fide negavit, quamquam humanitùs, & historice defendi possit. Difficultatem præcipuè movit articulus. 3. Vindicabat vir doctus Summi Pontificis in Regum sceptrâ potestatem certis casibus; Probabat potestati Romana Sedis in Reges bartiâ labe infectos subscripsisse, quotquot Calvinum ante theologica tractâvere. Contrariam opinionem novam esse, Luthero & Calvino fautoribus nuper natam. Sacramento vinciri Reges Gallia, ubi inaugurantur pellendis regno suo hæreticis, si pejeraverint in hæresim ipsi degeneres, si fautores hæresiarcharum, si novi dogmatis assertores: deberi ultionem Vicario Dei, ad quem unum ex lege spectat perjuriæ pana. In eam sententiam exactis sæculis itum: iri & hodie passim toto Orbe Catholico, si Galliam demis. Ex hac tota Cardinalis Peronij, & Gramondi. dissertatione vides Clerum Gallicanum (Ordo Ecclesiasticus, inquit Gramondus, perorante doctissimo Peronio) in ea sententia fuisse, ut crederet opinionem hanc potestatem Pontifici in Reges negantium novam esse, Luthero, & Calvino fautoribus nuper natam, cui veterum subscripsit nemo, recentiorum pauci: tanquam dogma politicum defendi posse ad summum: eo errore primam fuisse Henrico VIII. Angliæ Regi viam in hæresim: ex injusto repudio justè condemnatum rebellasse contra judicem suum: non aliud præcinere thesin, quàm rebellionem in solum Petri. In contrariam sententiam exactis sæculis itum, iri & hodie passim toto Orbe Catholico, si Galliam demis, &c. Pergit verò Gramondus, quæ postea contigerunt, pertexere, cum videlicet Senatores Parlamenti in eandem cum tertio Ordine sententiam conspirassent, placitumque suum vulgassent: pro lege politicâ, Regnoque fundamentali habendum esse, quòd Rex Galliæ neminem in temporalibus agnoscat.*

*Excanduit, inquit, Clerus, addito non eas esse Parlamenti partes, ut altro respondeat: Comitibus Gallia generalibus convocatis Regium omne jus translatum in ipsa; adèò ut velut justitio inditèto, cessare debeat Magistratus. Clerum & Nobilitatem convenire in eandem sententiam, nec ided contrariam opinionem valere, quia ita populus censet, duorum vota & calculos uni prævalere.*

*Hactenus in sua historia Gramondus. Jam prudentum quilibet facillè judicaverit, quàm apud omnem posteritatem Conventui Parisiensi decorum futurum sit, eam propositionem tantò cum apparatu, curâque, immo gravissimis pœnis imperare, quàm sub felicissimæ & gloriosissimæ memoriæ Ludovico XIII. Patres Gallicani*

licani censuerunt : Esse opinionem novam, Luthero & Calvino auctoribus natam, cui veterum nemo subscripsit, recentiorum pauci, qua Henrico VIII. via in haresim fuerit, qua apertam rebellionem praeinat in solium Petri, quam praelo datam, obtento à Rege diplomate, multaq; in Typographum, obliteratam voluere, cui denique in eisdem comitijs omnino contrarium rotundè edixerunt, Sacramento videlicet Reges Gallia, ubi inaugurantur, pellendis Regno suo hareticis obstringi : si pejeraverint in haresim ipsi degeneres, si fautores haresiarcharum, si novi dogmatis assertores, debere ultionem Vicario DEI, ad quem unum ex lege DEI spectat perjurij pena. Quae omnia non sunt nostra, sed Ecclesiae Gallicanae verba apud Gramondum omni exceptione majorem. Subjungit postea laudatus Gramondus de Tridentino Concilio, expediat in Gallia promulgari ; multa in utramq; partem vulgata praefero. Eleganter & doctè Peronius Cardinalis pro Concilio : institere acriter contra Miro, & Savaronus, praevaluitq; Clero populus. Creditum tunc potuisse conciliari opiniones Cleri & populi facta quasi compensatione : Nempe si Clerus articulum tertij Ordinis admitteret negantem summo Pontifici jus esse in Regna, &c. Ergo eo temporis hæc propositio, Pontifex nullum jus nulloq; casu habet in Regna, erat popularis, & à Clero Gallicano pernegata, adeo ut Conciliū Tridentinum deferri maluerint, quàm cum populo componere, & in eam propositionem convenire ; eam tamen problematicè defendi patiebantur, quod auctoritati Ecclesiasticæ & sæculari fieret satis, teste eodem Gramondo loco citato fol. 67.

Jam alios Doctores audiamus. Alexander Aienfis ex Ordine S. Francisci Anglus cognomento irretagabilis p. 3. summa q. 48. membro. 1. a. 3. §. 2. in resolutione. Respondeo, inquit, secundum Hugonem de S. Victore, spiritualis potestas terrenam potestatem instituere habet, ut sit, & judicare habet, si bona non fuerit. Ipsa vero à DEO primū instituta est, & cum de viat, à solo DEO judicari potest, sicut scriptum est : Spiritualis dijudicat omnia, & à nemine judicatur. Inde est, quod summa potestas Sacerdotalis, qualis est in summo Pontifice, non potest ab homine judicari, sed habet de omnibus judicare, & de personis, qua vita spiritali deputate sunt, ut universaliter sunt omnes persona Ecclesiastica, & de personis, qua ad vitam terrenam deputate sunt.

Henricus Gandavensis cognomento solemnus, Doctor Sorbonicus quodlibet. 6. q. 23. Christus secundum quod homo, caput est, & Monarchia, non tantum in spiritalibus, sed etiam in temporalibus, secundum quod



dixit ei Deus Pater in psalmo 2. *Postula à me & dabo tibi gentes hereditatem tuam, & possessionem tuam terminos terra.* Propter quod dixit Apostolis suis: *Data est mihi omnis potestas in cœlo, & in terra;* unde & de ipso dicit Dionysius cap. 5. *Eccles. Hierarch.* In ipso perficitur & completur omnis natura nostre hierarchica dispositio. Ipse autem tanquam homo peregre proficiscens in altum non absque regimine, & ordine in terris relinquere nos voluit, ne tumultuaretur juvenis contra senem, & contra sapientem satius, sed inferiores in donis, & naturalibus & gratuitis per superiores in ordine debito custodiret. Et mox de Pontifice summo loquens: *Talis ergo Hierarcha, sicut vir spiritualis omnia judicat, & ipse à nemine judicatur, ut dicit Apostolus 1. ad Corinth. 2. v. 15.* Judicat autem non solum in spiritualibus, sed etiam temporalibus, quia temporalia non nisi secundum spiritualia judicari debent, & regulari, dicente Apostolo 1. ad Corinth. Si Angelos judicabimus, quantum magis secularia? Glossa prima, de rebus sæculi semper enim, qui judicat de majori, ad ipsam sicut ad primum judicem debet reduci omne judicium de minori, juxta illud c. per Venerabilem, qui filij sint legitimi, ubi dicitur: Cum major in spiritualibus tam providentia, quam auctoritas, & idoneitas requiratur, quod in majori conceditur, licitum esse videtur in minori. Iste Hierarcha primus post Christum super universam Ecclesiam Petrus erat, cui ambas claves tradidit, & duos gladios commisit, sic ut regimen universalis Ecclesie, tam in spiritualibus quam temporalibus ad ipsum perlineret, juxta illud, quod dicitur dist. 22. c. omnes: Romanam Ecclesiam solus ipse fundavit, & supra petram fidei mox nascentis crexit, qui beato Petro æterna vita clavigero, terreni simul & cœlestis Imperij jura commisit, ubi dicit glossa: argumentum, quod Papa habet utrumq; gladium spirituale, & temporale.

Beatus Augustinus Triumphus quest. 1. de potestate Ecclesiastica part. 1. art. 7. Papa gerit vicem Christi saltem quantum ad potestatem & jurisdictionem officij. In Christo autem planum est fuisse potestatem Regalem & Sacerdotalem, quod ostensum est. Primò in ejus Incarnatione: Secundò in ejus consecratione: Tertio in ejus passione & resurrectione: & art. 8. Bona temporalia & spiritualia ad tria possunt comparari. Primò ad eorum productionem: Secundò ad eorum ordinationem: Tertio ad eorum motionem & actionem, & secundum ista tria tribus rationibus ostendi potest in Papa esse potentiam super omnia.

Primò quidem propter eorum productionem, quia non ab alio producta sunt temporalia & ab alio spiritualia, us Manichæi putaverunt: sed ab eodem Deo, à quo producta sunt spiritualia, ab eodem etiam producta sunt corporalia & temporalia: Papa ergo, qui gerit vi. em. DEI in terris, ex quo habet potestatem spiritualem, habebit similiter potestatem temporalem & corporalem.

Secun-

*Secundo hoc patet propter eorum ordinationem: ordinantur enim ipsa bona temporalia & corporalia ad bona spiritalia tanquam organa, & tanquam instrumenta. Unde Philosophi posuerunt, quod sine exterioribus bonis, quorum fortuna putabatur Domina, non contingit esse felicem, & virtuosè operari. Componitur enim homo ex anima & corpore. Unde sicut ipsum corpus ordinatur ad animam, & est instrumentum ejus, mediante quo exercet operationes suas: sic ipsa bona temporalia ad bona spiritalia ordinantur mediante Papâ. Papa ergo qui habet providere suis fidelibus de spiritalibus, habet eodem modo providere de temporalibus & corporalibus, sine quibus spiritalia in vita ista politica exerceri non possunt. Unde Apostolus dicentibus: Dimitte turbas, ut sibi emant escas, dictum est: Non habent necesse, ite, date Vos illis manducare.*

*Tertio, hoc patet propter eorum motionem, & operationem; videmus enim, quod temporalia & corporalia moventur, & regulantur in eorum operationibus per ipsas intelligentias in tantum, ut Philosophi secundum numerum mobilium corporum posuerint numerum motorum, sicut patet. 12. Metaphysica. Istos etiam motores posuerunt omnes regulari & moveri ab uno motore primo, qui est DEUS. Augustinus etiam dicit: Omnem substantiam temporalem, & corporalem administrari per Angelos. Papa ergo, in quo est potestas spiritalis, habebit per ipsam potestatem spiritualem similiter disponere & ordinare de temporalibus.*

*Illud ergo notatu est dignum, omnium scholatum Principes in nostram sententiam convenire: ex schola Franciscana Alexandrum Alensem, & S. Bonaventuram: ex Dominicana SS. Thomam & Antoninum: ex Augustiniana Antesignanum Ægidium, & Beatum Augustinum Triumphum: ex Carmelitana Joannem Bacconium: ex Carthusiana præcipuum Doctorem Dionysium: ex insigni celeberrimaque Sorbonica Henricum Gandavensem: ex Societate Jesu Franciscum Suarez, omnesque ejusdem Societatis Doctores.*

*Omnes etiam, qui ob doctrinam eminentem titulum aliquem, & elogium, maximaque eruditionis characterem sunt consecuti: Hugonem videlicet cognomento Magistrum: Alensem irrefragabilem, Thomam Angelicum, Bonaventuram Seraphicum, Ægidium Fundamentalem, Mayronem Illuminatum, Gandavensem Solemniem, Bacconium Resolutum, Gersonem Christianissimum, &c.*


*Quamplurimos denique Sanctis adscriptos, v. g. S. Thomam, S. Bonaventuram, B. Ægidium Romanum, lib. de potestate Ecclesiastica, B. Augustinum Triumphum, S. Antoninum, S. R. ymundum*

dum *lib. 1. tit. de Hæreticis*. S. Gregorium Magnum, B. Joannem Capistranum *lib. de potestate Papæ. p. 2.*

Infiniti sunt denique, qui sentiunt nobiscum: aliquos tantum citabimus, quos Lector consulat. B. Ægidius Romanus *lib. de potestate Ecclesiæ*, B. Augustinus Triumphus *lib. de potestate Ecclesiastica*. Alexander Alensis *parte 4. q. 10. memb. 5. & 6.* Astenfis *in summa 1. p. lib. 2. tit. 64. art. 4.* Antonius Bonfin. *Decade 3. lib. 1.* Ægidius Bellamera *in c. alius, causa 15. q. 6. n. 2.* Alfonsus de castro *lib. 2. c. 7. de justa hæreticorum punitione*. Alfonsus Alvarez *in speculo c. 16.* Antonius Cordubensis *lib. 1. questionarij q. 57. dubio 3.* Albertus Pighius *lib. 5. de Ecclesiastica Hierarchia c. 2. & 14.* Anton. Diana *p. 1. tract. 2. resolut. 121.* Alexander de Elpidio *lib. de auctoritate S. Pontificis c. 9.* Augustinus Barbosa *in c. per venerabilem. 13. qui filij sint legitimi.* Bartholus *in L. si Imperialis. Cod. de legibus.* Baldus *in proëmio digesti veteris.* Cæsar Cardinalis Baronius *Tomo 9.* Cyprianus Aragonensis *lib. de prima orbis sede.* Durandus Episcopus *lib. de origine jurisdictionum q. 3.* Dominicus Soto *in 4. distinct. 25. q. 2.* Dominicus Bannes *in 2. 2. q. 10. art. 10.* Didacus Covarruvias. *in Regulam peccatum. p. 2.* Dionysius Carthusianus *de Regimine polit. art. 19.* Franciscus Zabarella *tract. de schism.* Franciscus Victoria *de potestate Ecclesiastica, lectione 1. q. 5.* Ferdinand. Vasc. *lib. 1. illustr.* Franciscus Mayron *in 4. sentent. distinct. 19.* Gabriel Biel. *lect. 23. in Canonem Missæ.* Guilielmus Durandus speculator *in speculo lib. 1. tit. de Legato.* Gabriel Bereria *de manu Regia prælect. 1.* Henricus Brito. *lib. de potestate Papæ.* Henricus Ostiensis *in summa tit. de hæret.* Hugo de S. Victore *lib. 2. de Sacramentis.* Henricus de Gandavo *quodlibeto 6.*

Patres Jesuitæ ferè omnes, Robertus Bellarminus *de potestate Papæ in controversiis.* Azor. *Tomo 2. lib. 4. c. 9.* Suarez *de legibus lib. 3. c. 22. & contra Regem Angliæ lib. 3. c. 5. & c. 23.* Molina *de justitia Tomo 1. tract. 1. disp. 29.* Tanner *in 2. p. dist. 4. q. 4.* Valentia *in 2. 2. distinct. 1. q. 12. alijque.* Jacobus Almain *de suprema potestate temporali & Ecclesiastica q. 2.* Joannes Driedo *lib. 1. de libertate Christiana c. 14.* Jacobus Gretseus *adversus Goldastum.* Joannes Rossensis Episcopus Martyr *contra Lutherum.* Ludovicus Bologninus *tract. de potestate Papæ.* Ledesma *in 2. p. q. 20.* Martinus Navarrus *in c. novit. de judicijs.* Nicolaus Abbas Panormitanus *in c. solidè. de majoritate & obedientia.* Nicolaus Sanderus *de visibili Monarchia.* Petrus Ancharanus *in c. Canonum statuta de constitutionibus.* Petrus Cluniacensis *lib. 6. epist. 29.* Pelagius Alvarus *de planctu*

*planctu Ecclesia lib. 1. art. 21. Petrus de Palude tract. de causa immed. Eccles. potestatis. Robertus Holcot, in lib. sapientia lectione 200. Reginaldus Polus lib. de summo Pont. c. 8. Sylvester in Summa, verbo Papa. Stanislaus Hosius Cardinalis in confessione Catholica. Salgado de protectione Regia Tomo 1. p. 1. Thomas Valdensis lib. 2. a. 3. Thomas Morus pro Regis Henrici VIII. libello contra Lutherum. Turrecremata in summa lib. 2. c. 11.*




§. XVII.

*Rationes pro eadem veritate.*

S U M M A R I A.

1. *Prima Ratio ex officio Pastoris.*
2. *Ex jure naturalis defensionis.*
3. *Ex fine rerum temporalium.*
4. *Ex obligatione divina precepta humanis proponendi.*
5. *Ex juramento, quo se Reges Ecclesia obstringunt.*
6. *Ex potestate Pontificia divinas leges interpretandi.*
7. *Ex officio Advocati Ecclesia, quo Reges funguntur.*
8. *Ex Comparatione Ecclesiastica potestatis cum temporali.*
9. *Ex inductione rerum omnium.*



Rationes ultimo loco producimus, tantò validiùs pugnaturas, quòd antiquitate, Patrum testimonijs exemplisque omnium, ut vidimus, ætate subnixæ.

I.



*Prima* ergo ratio desumitur ex officio pastorali Petro ejusque successoribus commisso Joannis ultimo per illa Verba; *Pasce oves meas*: Officium verò pastorale circa oves non tantùm versatur in pascendo, regendo,

Nn

toven-

*L. fin. ff. de off. ejus cui mandat. jurisdict. & L. 2. ff. de jurisdict. omnium judic. & c. praterà de officio judic. delegati.* Si ergo Principes sæculares ad oves Christi pertinent, quarum cura Petro ejusque Successoribus commissa est; si & de illorum præcipue animabus summo Pontifici reddendæ sunt Deo rationes, tanquam præcipuis Ecclesiæ membris, oportebit consequenter omnem potestatem illis concessam esse, quæ ad eorum animas, subditorumque pascendas, regendas, curandasque necessaria; nisi velimus DEI providentiam, quæ rebus etiam vilissimis necessaria providit, Ecclesiæ non providisse. Esse verò potestatem indirectam Ecclesiæ Religionique necessariam, & res ipsa, & exempla, ut diximus, convincunt.

II. *Secunda ratio* desumpta ex Jure & debito naturali, quo S. Pontifex Christi Ecclesiam, veramque Religionem defendere tenetur. Quilibet enim Princeps non tantum jus habet subditos gubernandi, sed etiam ex hoc resultat jus aliud naturalis defensionis, quo potest alium Principem etiam non subditum, qui publica commercia turbat, pacta non servat, aliòve modo sibi, suisque infestus est, ad officium compellere, & nisi absistat, bello invadere, Regnoque privare: multò igitur magis poterit Papa, cui Ecclesia concredita est, Principes sæculares Ecclesiæ filios, & quorum potestas temporalis est spirituali subordinata, si Religioni vel committendo vel omittendo noceant, & juramentum violent, quo Ecclesiæ se obstrinxerunt, Regno deponere, aliisque modis coercere, idque jure defensionis: posse enim Ecclesiam non spiritualibus tantum, sed etiam temporalibus pœnis suos hostes comprimere extra dubium est (modò ipsa non exequatur, & extra sanguinem. *c. inter. 33. q. 2.*) & sunt auctoritates SS. PP. in *c. de Liguribus. 43. & c. 44. & c. non vos hominum. 42. causa 23. q. 5. & c. jam verò. causa 23. q. 8.* Plerumque enim pœnæ spirituales contemptui sunt impijs, & ludibrio, tantum abest, ut sint remedio: & fuisse etiam ab Apostolis usurpatas docet S. Hieronymus in *cap. legi 31. causa 23. q. 8.*

III. *Ratio tertia* desumitur ex fine regiminis temporalis, ejusque subordinatione ad finem regiminis spiritualis. Finis enim Regni & temporalis gubernationis est felicitas temporalis, quæ in pace, divitijs, mutuis commercijs, quieta rerum suarum possessione, aliisque, quæ civem reddere possunt felicem, consistit; ita tamen, ut hæc ipsa felicitas temporalis ad finem altiorem & superna-

turalem reducat, veram videlicet fidem, Religionem, cultum Dei, exercitium omnium virtutum, quæ hominem debeat, & quibus ad æternam felicitatem pervenitur. Cùm enim Regna sint à Deo constituta, idem finis regnantium esse debet, qui fuit Dei, hic autem propter seipsum, suamque gloriam Regna constituit, & ita expressè *S. Thomas 1. 2. q. 21. art. 3.* & præsertim *de Regim. princ. lib. 1. a. 7.* docuit. Et idè Principes sæculi priùs oportet, ut quærant Regnum Dei & justitiam ejus, quàm bona alia temporalia, *Matthæi 6. v. 33.* cùm ista sint media tantum, & illud finis, *Deuter. 17. v. 18.* Si ergo ex omnium consensu potestas regia ordinatur ad Religionem tanquam medium ad suum finem, tanquam minus perfectum ad magis perfectum: ille, qui est caput Religionis, erit etiam regis potestatis, in quantum hæc pertinet ad Religionem: & qui moderatur fini, ejusque executioni, multò magis & medijs ad eum finem ex sua natura & institutione Dei ordinatis: sicut enim sanitas, quia est finis medicinæ, quidquid enim ad sanitatem facit, herbæ, liquores, gemmæ ad eandem medicinæ artem pertinent, ejusque directioni subjacent; & quia finis nauticæ artis est felix ad portum navigatio: idè ad eandem pertinet, magnetem, acum nauticam, ventorum & stellarum examen, & alia ad hunc finem necessaria instruere, dirigere, mutare, &c. Eodem modo potestas regia medium & instrumentum cùm sit æternæ felicitatis, cui ex officio istius cura committitur, etiam illius commissæ est tanquam inferioris & instrumenti ex Dei institutione ad felicitatem æternam directi: si quis imaginem suam pictori exprimendam deferat, quis non dicat hoc ipso factam illi potestatem colores miscendi, telam poliendi, tingendi que, radios & penicillos in omnem partem ex præscripto artis ducendi, & operi inutiles, aut etiam noxios corrigendi, aut si non possit, omnino projiciendi? Cùm ergo Ecclesia militans sit imago triumphantis Ecclesiæ *ad Hebræos 9.* quam fide, spe & charitate, ac præsertim Religione in Deum, velut totidem coloribus imitatur, ejusque pingendæ cura Dei Vicario, velut summo Pictori commendata sit, Principibus verò tanquam instrumentis & penicillis divino huic operi deservientibus; ad eundem Christi Vicarium pertinebit inutiles, noxiosque, & quibus fædatur potiùs imago, quàm perficitur, semovere, aliosque substituere: sic tamen, ut in Principes Ecclesiæ utiles nihil juris exerceat, dicente ipso

ipſo Chriſto Phariſæis, hoc eſt, Legis Doctõribus & expoſitori-  
bus : *Date ergo qua ſunt Caſaris Caſari, & qua ſunt Dei, Deo.* Matthæi 22.  
Quam rationem ubique & conſtanter S. Thomas uſurpat, nam 1. p.  
q. 82. art. 4. in corpore. In omnibus potentijs, inquit, activis ordinatis illa  
potentia, qua reſpicit finem univerſalem, movet potentias, qua reſpiciunt fines  
particulares. Et hoc apparet tam in naturalibus, quàm politicis: cælum enim,  
quod agit ad univerſalem conſervationem generabilium, & corruptibilium;  
mover omnia inferiora corpora, quorum unumquodque agit ad conſervatio-  
nem propria ſpeciei, vel etiam individui: Rex enim quia intendit bonum com-  
mune totius regni, movet per ſuum imperium ſingulos præpoſitos civitatum: qui  
ſingulis civitatibus curam regiminis impendunt. Objeetum autem voluntatis  
eſt bonum, & finis in communi. Qualibet autem potentia comparatur ad ali-  
quod bonum proprium ſibi conveniens, ſicut viſus ad perceptionem coloris, in-  
tellectus ad cognitionem veri. Et ideo voluntas per modum agentis movet omnes  
anima potentias ad ſuos actus, præter vires naturales vegetativæ partiſ, qua no-  
ſtro arbitrio non ſubduntur. Et in 1. 2. q. 9. a. 1. Et inde eſt, inquit, quod ars,  
ad quam pertinet finis, movet ſuo imperio artem, ad quam pertinet id, quod  
eſt ad finem. Sicut gubernatoria ars imperat navifaſtiva, ut in 2. Phyſic. dici-  
tur, bonum autem in communi, quod habet rationem finis, eſt objeetum volun-  
tatis. Et ideo ex hac parte voluntas movet alias potentias anima ad ſuos actus:  
utimur enim alijs potentijs, cum volumus, nam fines & perfectiones omnium  
aliarum potentiarum comprehenduntur ſub obiecto voluntatis, ſicut quadam  
particularia bona; ſemper autem ars vel potentia, ad quam pertinet finis uni-  
verſalis, movet ad agendum artem vel potentiam, ad quam pertinet finis parti-  
cularis ſub illo univerſali comprehenſus; ſicut Dux exercitus, qui intendit bonum  
commune, ſcilicet ordinem totius exercitus, movet ſuo imperio aliquem ex ſuis  
tribunis, qui intendit ordinem unius aciei. Sed objeetum movet determinando  
actum ad modum principij formalis, à quo in rebus naturalibus actio ſpecifica-  
tur, ſicut calefactio à calore. Primum autem principium formale eſt ens  
& verum univerſale, quod eſt objeetum intellectus, & ideo iſto modo motionis  
intellectus movet voluntatem, ſicut præſentans ei objeetum ſuum. Et 2. 2. q. 23.  
a. 4. ad 2. Dicendum, quod virtus vel ars, ad quam pertinet finis ultimus, im-  
perat virtutibus vel artibus, ad quas pertinent alij fines ſecundarij: Sicut milita-  
ris imperat equeſtri, ut dicitur in 1. Ethic. Et ideo quia charitas habet pro ob-  
iecto ultimum finem humana vita ſcilicet Beatitudinem æternam: ideo extendit  
ſe ad actus totius humana vita per modum imperij non quaſi immediatè eliciens  
omnes actus virtutum, Et 1. p. q. 57. a. 2. Hoc enim rerum ordo habet, quod



quantò est aliquid superius, tantò habeat virtutem magis unitam, & ad plura se extendentem, sicut in ipso homine patet, quòd sensus communis, qui est superior, quam sensus proprius, licet sit unica potentia, omnia cognoscit, quæ quinq; sensibus exterioribus cognoscuntur: & quadam alia qua nullus sensus exterior cognoscit, scilicet differentiam albi & dulcis. Et simile etiam est in alijs considerare. Unde cum Angelus natura ordine sit supra hominem, inconueniens est dicere, quòd homo quacunq; suâ potentia cognoscat aliquid, quòd Angelus per unam vim suam cognoscitivam, scilicet intellectum, non cognoscat. Unde Aristoteles pro inconuenienti habet, ut litem, quam nos scimus, DEUS ignoret, ut patet in 1. de anima, & in 3. Metaphys.

Cum ergo finis omnium regnorum & Principatuum sit vera Religio, Deiq; cultus rectus, & tandem æterna felicitas; ordo & à Deo perpetuò observatus postulat, ut cui Religionis, æternæq; felicitatis cura mandata est, sit etiam Regnorum & Principum, in quantum ad illa pertinent.

IV. Ratio 4. Desumitur ex obligatione, quam omnes fideles habent, veram Religionem fidemq; colendi, & qui eam impugnant repellendi. Cum enim omnes teneantur jure divino ad æternam vitam aspirare, eodem jure ad nostram Religionem, & mandatorum observantiam obligantur, sine quibus illa non potest obtineri, & consequenter omnia, quæ hoc impediunt, amoliri: si ergo ponamus Principem aliquem hæreticum fieri, & exemplo aut præcepto subditos suos in errorem & perditionem rapere, non tenebitur, immo nec poterit Respublica membrum hoc putridum, & totum corpus infecturum pati, sed præcidere juxta illud Christi: *Si oculus tuus aut pes tuus scandalizat te, erue eum, & projice abs te.*

Cujus rei multa sunt argumenta. Primò: ex natura præcepti humani, quòd subiacet divino; si ergo obedientia homini delata impediat obedientiam Deo debitam, illa abrumpenda est. Deinde Deuter. 17. prohibetur populus eligere Regem, qui non sit Religione Judæus.

Quæ causa hujus præcepti? ne videlicet Judæos ad Idololatriam pertraheret: quæ ratio cum sit naturalis, tam in novo, quam in veteri testamento procedit: adeò ut teste D. Thomâ ab omnibus recepto 2. 2. q. 10. art. 8. etiam infidelibus nulloque modo subiectis possit Ecclesia bellum indicare, ne fideles in suæ Religionis exercitio impediuntur; quantò magis Regi Christiano poterit titulo jura-

juramenti & subordinationis Ecclesiæ subjecto? Immo sententiâ omnium DD. receptum est, præsertim Gallorum: Pontifici si Ecclesiam persequatur, aut in hæresin notoriam incidat, resisti etiam armis posse, & Pontificatum adimi: quantò magis Regi notoriè hæretico & Ecclesiæ persecutori adimi poterit? cùm potestas Regalis à Populo sit in Reges translata, sitque humani, non divini juris. Denique matrimonium, etsi jure divino & naturali institutum, naturale vinculum pariat, sitque indissolubile, sitamen Conjux infidelis sine Creatoris injuria cohabitare nolit, fidelis liber est, & aliud matrimonium aggredi potest. 1. *ad Corinth. 7. c. gaudemus. de divortijs.* Hæc omnia efficaciter probant, Principem, ubi Religioni detrimento est, exauctorari posse: quod tamen cùm sit prudentiæ & circumspèctionis summæ, & ad illa remedia pertineat, quæ cùm extrema sint, magnis periculis plerumque conjunguntur, ideò hujus rei judicium, tanquam gravissimæ soli Pontifici reservatur per expressa verba Spiritus S. *Deuter. 17.* & exemplum habetur 2. *Paralipom. 23.*

V. *Ratio 5.* Sumitur ex juramento, quosæ Reges Ecclesiæ, & subditis obstringunt: quando enim Regibus haberi committuntur, juramento se obligant, & subditis de eorum privilegijs non infringendis, & Ecclesiæ, de illa contra hostes defendenda. Vide juramentum Caroli apud Spond. *Anno DCCC. & Ottonis Imper. in c. tibi 33. distict. 63.* si ergo fidem & juramentum fallunt, à privatis quidem æquo animo tolerandi sunt, auctoritate tamen publicâ coërceri possunt, ut eleganter docet S. Thomas *de Regim. Princ. lib. 1. to 10 c. 6.* fidem enim frangenti impunè fides non servatur. *Vide c. 3. de jurejur. c. 28. de Simonia c. frustra de R. I. in L. 6. cùm proponas 21. Cod. de pact. & ibi DD. Vide Clement. unic. de jurejurando.*

Cùm ergo causa juramenti & perjurij sit fori Ecclesiastici *c. 13. de judic. & c. 34. de elect.* si hoc à Regibus committatur, cur à summis Pontificibus judicari, & pœnis coërceri non possint? ergo ex hoc saltem capite Summorum Pontificum judicio submittuntur.

VI. *Ratio 6.* Sumitur ex potestate interpretandi declarandique juris divini, & naturalis dubij, quam summis Pontificibus concedunt Catholici omnes, hæc enim potestas apertissimè deducitur ex *Deuter. 17.* Cùm ergo detur aliquis casus, in quo ipsi Galli fassentur Principem abdicari posse: immo Maymburgus *lib. 2. Histor.*

*Iconoclast.* hanc abdicandi Reges potestatem Statibus, & Comitibus Generalibus concedit; poterit ergo summus Pontifex saltem per viam auctoritativæ declarationis pronuntiare, in confluxu certarum circumstantiarum, & ob gravissima mala Religioni, & Ecclesiæ impendunt, juramentum à subditis præstitum non obligare, eoque solutos liberosque esse: si enim concedimus casum aliquem dari, ut juramentum hoc non obliget; quando is contingat, judicium erit summi Pontificis, ad quem causæ juramentorum spectant *c. 13. de judic. c. 34. de elect.* quid ergo quoad effectum ipsum differt, si ve dicamus jus Pontificium in Reges esse veræ potestatis, si ve meræ declarationis & interpretationis auctoritativæ? quemadmodum summus Pontifex si ve dispenser in præcepto residendi, si ve declarer præceptum residendi cessare, utroque modo obligatio residendi sublata est; quod si hanc ipsam declarandi potestatem Pontifici negant; imprimis negant, quod nunquam salvâ Religione negatum est: deinde quærimus, ad quem ergo hæc declarandi facultas pertineat? ad omnes? ad nullum? ad aliquem? Si ad omnes: miserrima omnium juramentorum Regumque conditio est, quorum coronæ & imperia voluntati, arbitrio & declarationi subditorum succumbunt: quibus cum placuerit, & aliter judicaverint, juramenta solvuntur. Si ad nullum: miserrima iterum omnium jurantium conditio est, quibus in tanta casuum varietate, & alternatione, ubi merito dubitari potest, an juramentum liceat possitque observari, nemo tamen est, qui dubitantes absolvat, dubioque liberet. Quis ergo Francos juramento, quod Childerico dixerant, exolvit? Quis Romanos, cum à Græcis ad Carolum M. Francorum Regem defecerunt? Quis eos sem Francos, cum Hugoni Capeto Regnum detulerant, Carolo I. Lotharingæ Duci & Regij sanguinis proximo debitum? Si verò aliquem concedunt esse, cui juramentum interpretari liceat, neminem alium videmus, quàm Magistratum Ecclesiasticum, eumque præcipuè, cui dictum est: *Quodcunque solveris super terram, &c.* Quod Ecclesia Gallicana aperte professæ est, quam per os Peronij Cardinalis sic locutam accepimus in Comitibus Generalibus anno MDCXV: *Sacramento vinciri Reges Gallia, ubi inaugurantur, pellendis Regno suo hæreticis: si pejeraverint in hæresin ipsi degeneres, si fautores hæresiar. harum, si novi dogm. tu assertores, deberi ultionem Vicario DEI, ad quem unum ex lege spectat perjuriæ pœna.* Gramondus lib. 1. *Histor. ad annum MDCXV. f. 65.*

VII. Ratio 7. Sumitur ex officio Advocati, & defensoris Ecclesiæ, quod Imperatoribus Regibusque commissum est: esse enim Principes Ecclesiæ advocatos habemus expresse in c. *Venerabilem de electione. Clement. Romani. de iurejurando. c. 2. in 6. de suppl. neglig. Prelat.* fatentur ipsi etiam Electores imperij, ut videre est apud Bzov. *ad annum MCCCXIV. fol. 256.* Et Albertus Austriacus Imperator ad Bonifacium VIII. apud Baronium Anno DCCCCXCVI. n. 49. Ipse Rex Christianissimus per Archiepiscopum Parisiensem MDXXXIII. Massiliæ Clementem VII. sic est allocutus: *Beatus Pater, cum Serenissimus Dominus Franciscus Rex Christianissimus animadvertens, quantis in periculis Christianitas per hos annos sit versata, iam pridem desideraverit cum S. V. tanquam Christianorum omnium summo Pastore, & parente aliquo in loco utriusque commode colloqui, idque ab eadem S. V. instanter petierit, ut cum ea præsens in commune bonum consulere posset: nunc huius voti compos, benignitate V. S. effectus, agit eidem S. V. maximas gratias, non solum, quod à proximo morbo debilis, & jam annis gravis laborem via, & maris discrimen non desugerit, sed & quod in ejus Regnum venire dignata sit. Deinde verò, quod ipse semper optavit personaliter exequi, eidem S. V. tanquam vero Christi Vicario, & Petri Successori obedientiam personaliter præstat, seque, & sua Regna, & dominia omnia pro S. V. & sacrosancta Romana Ecclesia, cujus ipse Primogenitus filius existit, tuitione & augmento pie offert & pollicetur: rogans, ut filialem hanc obedientiam & oblationem paternam benignitate suscipere dignetur. Sic habet Tomus 2. Preuves des Libertez de l'Eglise Gallicane. c. 3. n. 3. Et eleganter B. Leo epist. 73. ad Leonem Augustum: Debes incunctanter advertere, regiam potestatem tibi non solum ad mundi regimen, sed maxime ad Ecclesia presidium esse collatam, ut ausus nefarios comprimendo, & qua bene sunt flauita, defendas, & veram pacem huic, qua sunt turbata, restituas. Et B. Gregorius Papa ad Mauritium Imperatorem lib. 2. indict. 11. epist. 6. Ad hoc potestas super omnes homines Dominorum meorum pietati calidius data est, ut qui bona appetunt, adjuventur, ut colorum via largius pateat, ut terrestre regnum caelesti Regno famuletur. Et prædixerat jam dudum Isajas. c. 49. Et erunt Reges nutritij tui, & Regina nutrices tue: vultu in terram demisso adorabunt te, & pulverem pedum tuorum lingent. Et c. 60. Et aperientur porta tua iugiter: die ac nocte non cludentur, ut afferatur ad te fortitudo gentium, & Reges earum adducantur. Gens enim & Regnum, quod non servierit tibi, peribit, & gentes solitudine vastabuntur.*

Cum ergo ex allatis textibus certissimum sit, Imperatores, Reges, Principesque omnes Advocatos esse, Defensores, Nutritios, Ministrosque Ecclesiæ, adeo ut ex Dei intentione hic fuerit primus præcipuusque finis Reges Regiamque potestatem instituendi, ut Ecclesiæ videlicet & fidei servirent: hoc ergo respectu si Ecclesiæ noceant, eamque opprimant, cui patrociniū debent, poterit in illos velut in suos Ministros, Advocatosque Ecclesia animadvertere, & in officio continere; nam, ut bene argumentatur Innocentius III. *in c. venerabilem. de electione*: Nunquid enim Ecclesia Advocato & Defensore carebit, eorumque culpa ipsi redundabit in penam? Neque hoc in jure, aut praxi novum, ut, qui uno respectu liber, exemptusque est, alio subiectus fiat: nam Matrimonium v.g. ut contractus quidam in officium naturæ institutus, ad forum ecclesiasticum non spectat, pertinet tamen quā ratione Sacramentum est; sic personæ Ecclesiasticæ omni jure humano, divinoque extra civilem jurisdictionem sunt: sitamen à Principe feudum aliquod habeant, hujus foro & judicio adstringuntur. *c. 6. de foro competenti.*

Idem homo si filius familias, & præses Provinciæ sit, non potest ut filius familias manumittere, potest ut præses *L. si Consul. ff. de adopt.* Rex inservit Ecclesiæ, quatenus homo est, vivendo fideliter; quatenus autem Rex est, justas leges indicendo. *c. si Ecclesia. 23. q. 4.* Vide Abbat. *c. ex litteris. de probat. c. fin. de instit.* Estque communis sententia Juristarum, posse unum pluriū vices sustinere, dummodo exercitium unius actūs non obster exercitio alterius, quod latè probat Abbas *in c. ex litteris de probat. Sanchez. lib. 8. de matrimonio. disp. 3.* Sic ergo dominus temporalis ex eo capite, quod DEI institutione magis principaliter est Ecclesiæ Advocatus, Defensor, & Minister, quàm Rex (quia hoc ad illa ordinatur) poterit ab Ecclesia judicari, coerceri que: enim verò non esse hoc meram & legalem speculationem, sed plūs nimio in praxi observari solitam doctrinam, ut qui uno respectu liber est, alio serviat, exempla satis docent, & quæ sequenti ratione dicemus, adhuc magis declarabunt.

VIII. *Ratio 8.* Sumitur ex comparatione temporalis, & Ecclesiasticæ dignitatis: hanc enim esse multò illā majorem, est in confesso apud omnes, & jam dudum eleganter docuit Innocentius III. *in Decretali ad Constantinopolitanum Imperatorem c. sollicitudine. de majoritate & obedientia*, ubi inter alia: *Præterea nōsse debueras, quod fecit Deus duo magna lumi-*

*luminaria in firmamento Cœli: luminare majus, ut præesset diei; & luminare minus, ut præesset nocti: utrumq; magnum, sed alterum majus. Ad firmamentum igitur Cœli, hoc est, universalis Ecclesia, fecit Deus duo magna luminaria, id est, duas instituit dignitates, quæ sunt Pontificalis auctoritas, & Regalis potestas. Sed illa, quæ præest diebus, id est, spiritualibus, major est: quæ verò carnalibus, minor, ut quanta sit inter solem & lunam, tanta inter Pontifices & Reges differentia cognoscatur. Et S. Gelasius Papa ad Anastasium Imperatorem: Duo sunt, Imperator Auguste, quibus principaliter hic mundus regitur; auctoritas sacra Pontificum, & Regalis potestas: in quibus tanto gravius est pondus Sacerdotum, quanto etiam pro ipsis Regibus in divino reddituri sunt examine rationem. Nosti enim, fili Clementissime, quod licet præfideas humano generi dignitate rerum, tamen præsulibus divinarum devotus colla submittis, atque ab eis causas salutis tuæ expetis, inq; sumendis cœlestibus sacramentis, eisq; ut competit, disponendis, subdi te debere cognoscis Religionis ordine potius, quàm præesse. Nosti itaque inter hæc, ex illorum te pendere iudicio, non illos ad tuam redigi velle voluntatem. Et si cunctis generaliter Sacerdotibus rectè divina tractantibus fidelium convenit corda submitti; quantum potius sedulo illius Prasuli consensus est adhibendus, quemcunq; sacerdotibus & divinitus summa voluit præminere, & subsequens Ecclesia generalis pietas jugiter celebravit?*

Hæc ergo suppositâ Ecclesiasticæ supra sæcularem potestatis prærogativâ & excellentiâ, argumentari sic licet: Ad minus tantum debemus Ecclesiasticæ potestati in sæcularia bona personasq; concedere, quantum conceditur temporali potestati in bona & personas Ecclesiasticas: cur enim majori potestati & nobiliori minus concedamus? Videmus verò passim Principes temporales, in Gallia præsertim, indirectam potestatem in personas, & bona Ecclesiastica exercere, quæ tamen omni jure, divino humanoq; exemptæ esse omnes fatentur.

Leges & poenas matrimonij ponunt, quia contractus sunt, & idèò politicæ gubernationi, ut dicunt, subjecta: Bonorum immobilium Ecclesiasticos incapaces jubent, quia id ad Reipublicæ bonum, nobilitatis augmentum, & ætatis compendium spectat: Tributis Ecclesiasticos onerant, quia membra Reipublicæ sunt, ejusque necessitatibus sublevandis obstricti: In Gallijs, prout videre est in libro Gallico de juribus & libertatibus Ecclesia Gallicana tomo 2. nec Concilia universalis, nec aliæ leges Pontificiæ promulgari possunt absque regia permissione, ne Respublica turbetur fol. 253. Episcopi

Galliæ juramentum fidelitatis Regi præstant, quia pertinent ad statum & Ordines Regni *fol. 312.* Eisdem Episcopos, aliosque curam animarum exercentes varijs edictis, & arrestis pœnalibus Reges coercunt, coguntque residere, & nisi faciant, fructibus privant *f. 315.* Prohibentur Prælati, Abbates, Priores, Magistri in Theologia, & aliæ Ecclesiasticæ & sæculares personæ absque Regia concessione Regno egredi, ob gravia incommoda propterea Regno impendentia: & si regno excedant, omnia illorum temporalia bona alijs conferuntur *fol. 333. n. 6.* Immo proscribuntur *fol. 334. n. 7.* Alijsque omnibus pœnis, quæ à Rege infligi possunt *fol. 335.* Idque etiam si Episcopi, Archiepiscopi, &c. ad Concilium Generale à Pontifice vocentur *fol. 335. n. 8.* Non obtentâ Beneficiorum provisione à curia Romana alijsque Ordinarijs, Rex, & Parlamentum provident, quæ provisio, & collatio tanti est, quanti esset Romana, Bullæque à Pontifice missæ: id enim Regni, publicæque quietis interest. *fol. 422.*

Bullæ Indulgentiarum sine Regia permissione promulgari in Gallia non possunt *fol. 690.*

Parlamentum, Judicesque & Magistratus Regij punire possunt concionatores, qui ad populum seditiosè declamant, eosque incarcerare *fol. 726.*

Nova Monasteria in Gallijs ædificari non possunt sine Regio assensu, ne videlicet populi graventur *fol. 754.*

Potest Parlamentum de electionibus Superiorum, & delictis scandalor conjunctis, quæ in Monasterijs contingunt, cognoscere *fol. 762.*

En exempla aliquot (nam infinita alia præterimus, quæ in citato libro videri possunt) à Principibus sæcularibus in Ecclesiasticos indirectæ potestatis! quam turò salvæque Religione, & conscientia exercere se posse credunt, quia Ecclesiasticos considerant non ut tales, sed ut membra Reipublicæ civilis, ut in Regno natos subditosque, utque hujusmodi leges in Ecclesiasticos scriptæ, ad utilitatem, felicitatem, quietemque publicam pertinent. Si ergo, quantumvis Ecclesiasticæ personæ, eorumque bona omni jure exempta sint, & extra sæcularem jurisdictionem: quantumvis SS. Canones hanc immunitatem, & exemptionem sub gravissimis juris pœnis violare directè vel indirectè prohibeant, *c. quanto. de privile-*  
*gijs.*



*gijs. ubi Abbas & Glossa. Bulla Cæna, excommunicatione 15.* Quantumvis denique conditio, & status Ecclesiasticus sit longè perfectior, altior digniorque sæculari, & huic nullo modo subordinatus: hæc tamen omnia non obstant, quòd minùs Principes sæculares Ecclesiasticum ordinem indirectè judicent, puniant, imperent, bonis privent, incapaces pronuntient, carceribus mandent, &c. Quæ omnia jure à se fieri dicunt, quòd nullam directè in illos exerçant potestatem, sed indirectè tantùm; quantò igitur magis id admittere debent, fieri posse à summo Pontifice omniumque Ecclesiarum Antistite, quando Religionis, & fidei Catholicæ bonum hoc necessariò postulat, ubi & ipsa dignitatis prærogativa, & natura potestatis sæcularis, quæ Ecclesiasticæ subordinatur, & SS. Canones, & omnium sæculorum Exempla, & tot Concilia universalia, & ipsæ sacræ litteræ juxta interpretationem Canonicam, hoc ipsum fieri & permittunt & jubent? ergo quòd SS. Canones vetant, hoc licet? & quod jubent, non licet? quod minori conceditur, majori non permittitur? Temporalis & Regia potestas Ecclesiæ servit, tamen imperat, punit, leges dicit; neque hoc usurpare aliena est, sed potius Reipublicæ providere. Ex adverso Ecclesiastica & Pontificia potestas, quæ superior & Domina est, si ob publicam communemque necessitatem, cùm Religioni, cùm animabus perniciēs imminet, temporalia disponat; hoc est, si medijs & instrumentis utatur fini suo necessarijs, id continuò dicitur in alienam messem involare, quietemque publicam offendere.

Dicendum est ergo, potestatem Ecclesiasticam, & ex comparatione ad potestatem sæcularem in temporalia extendi, quando ista necessaria sunt fini spiritali, hoc est, Religioni, concordia, cultui divino, animabus, fideique conservandis proferendisque: & esse contra omnem naturam, rerumque ordinem hoc sæculari concedere, & negare Ecclesiasticæ potestati, hoc est, Dominæ ancillam præferre.

IX. *Ratio 9.* Sumitur ex continuâ perpetuâque rerum omnium inductione, in quibus palàm est, esse aliquid majus nobiliusque, quod minoribus & imperfectioribus dominetur. Sic Angelis datum est regium in omnes sensibilium rerum species dominium. S. Augustinus *lib. 83. quæst. 76.* Damascenus *lib. 2. c. 4.* Origines *Numerorum 6. 20.*

Videmus ea, quæ magis lucent, magis etiam movere, perficere & agere in hæc inferiora, ut inter planetas solem, inter elementa ignem &c. Idem ergo dicendum erit de potestate Ecclesiastica, illis concessa, quos Christus appellat *lucem mundi*: & Zacharias *stellas lucentes in perpetuas æternitates*.

Videmus gratiam non animam tantum, sed etiam corpus perficere, idque virtutes morales temperantiæ & continentię ad virtutem & æternam felicitatem instruere, & si bonum Religionis exigit, morti & tormentis exponere.

Videmus jure & instinctu naturæ omnia sic esse instituta, ut sibi adversantia, & nocentia expellant, exarmentque; & conservando bono meliori & universaliori, imperfecta & particularia bona cum propria licet perniciæ ac etiam interitu exponant: Sic manus ad tuendum caput accurrit, naturali que instinctu vulnus & dolorem in se recipit: aqua centrum egreditur, & contra impetum naturæ sursum attollitur, ut vacuum impediatur universo inimicum: quia membra vitæ conservandæ deserviunt, si hujus intersit, ex medici arbitrio amputantur: sic denique, cum media & instrumenta omnia obtinendo fini accommodentur, prout huic conducunt, nocentque, ad nutum artificis aut amoventur, aut operi applicantur: Cum ergo regna & bona temporalia omnia sint à Deo instituta, ut Religioni, animabus, æternæque felicitati deserviant: tenentur, qui ijs præsumt, hoc facere, & si faciant, sed potius incommodent, pertinebit ad Caput Præsidentemque Ecclesiæ illos officij sui admonere, & etiam compellere; nisi velimus dicere Deum Ecclesiæ suæ, cujus gratiâ creaturas omnes, seque ipsum impendit, minus quam rebus alijs, etiam minimis providisse, negatâ illi, quæ se tueretur, necessariâ potestate: aut contra providentiæ suæ ordinem tot sæculis obtentum, per miracula tantum conservatam voluisse.



## §. XVIII.

## Solvuntur Objectiones.

## SUMMARI A.

1. Regia potestas, si à DEO immediate sit, non ideo Pontificia subiectam non esse.
2. Dyscolis Principibus obediendum salva Religione.
3. Non turbari hac potestate Rempubicam.
4. Quid ad Extravag. meruit?
5. Potestas Regia Christo asserta.
6. Arma Sacerdotum non solas lacrymas esse.
7. An hac potestas Reip. noxia?
8. Qua Patrum Societatis de hac potestate in Gallijs sententia?

\*\*\*\*\*

Multa sunt, quæ huic nostræ doctrinæ opponi possunt, nec mirum hoc, aut novum videri debet: eadem enim veritatis natura & lucis est, quam sine umbra vix reperies: ac in tanta studiorum & affectuum agitatione, etiam limpidissimum fontem turbare est necesse, singula non tam impugnabimus, quàm producemus, hoc ipso pretium amissura, quodd videantur.

## I.



*Q*pponitur 1. Imperatoriam potestatem immediate à Deo collatam esse Nov. 6. init. & Nov. 73. §. 1. Non ergo à Pontifice, ut supra dictum; & si à DEO collata, non ergo à Pontifice aut restringi potest, aut adimi, cum inferior non possit in lege aut privilegio superioris dispensare.

¶. Quid.

2. Quidquid sit, Regia, & Imperatoria potestas auctoritate divinâ, an humanâ sit instituta; illud certum videtur, à DEO non immediatè conferri: cùm enim ea sit merè temporalis, nec ad actum dirigatur, cujus Respublica non sit capax: immo hæc potestas penès communitatem aliquando fuerit, ab hac in Principem & potuit transferri, & de factò translata est. (a) Cùm ergo dicunt Imperatores se à DEO imperium accepisse: est hoc intelligendum, quòd ex speciali ejus Providentia & gratia, quæ Regibus maximè invigilat, imperio sint potiti: non verò, quòd eorum potestas talis sit, ut ab alio quàm à DEO immediatè conferri non possit; qualem dicimus esse Pontificiam, quæ, sicut penès nullam communitatem esse potest, ita à Deo immediatè confertur, præcedente electione humanâ, non tanquam hujus potestatis causâ, sed tanquam conditione, sine qua Deus illam non conferreret. Sed demus Regiam potestatem immediatè à DEO conferri, non tamen confertur à DEO sine debita, & innata subordinatione ad spiritualem potestatem, cui necessariò & ex sua natura, ut medium fini, & instrumentum operi deservit: Cùm enim opera DEI sint ordinata, oportuit temporalia ad spiritualia referti, & istis subjacere, cùm propter se ipsa appeti non debeant: sicut etiam licet DEUS cælum, æquè ac terram immediatè creaverit; voluit tamen terræ influxum à cœlesti pendere, nec aliter operari, quàm ex cœli præscripto.

II. *Opponitur 2. Reddite, quæ sunt Cesaris, Cesari; & quæ sunt DEI, DEO. Matth. 22. Et omnis anima potestatibus sublimioribus subiecta sit ad Rom. 13. Ex Obedite Regibus etiam dyfcolis 1. Petri. 2. Non potest ergo Pontifex Regibus imperium abrogare, cùm illis subiaceat, ac etiam dyfcoli Principes, qui subditos præter culpam vexant, ferendi sint.*

2. Hæc omnia verissima esse ordinariè & pro casu, de quo scripturæ loquuntur, ut nemo videl: privatus obtentu Reipublicæ malè administratæ possit in suos Principes insurgere: absurdissimum enim videtur, & plenum latrocinij, singulis privatorum aut ignorantia, aut odio, aut cupiditate correptis arbitrium & jus in suum Principem committere; hoc enim, ut diximus, remedium est extremis periculis reservatum, nec aliâ manu, quàm Pontificis Maximi applicandum; & de hoc casu textus citati nihil loquuntur, & ideo

(a) §. 6. Instit. de I. N. G. & C. L. 1. ff. de Constit. Princip. L. 1. §. 7. C. de V. I. E.

& ided nihil probant, cum non possint magis probare, quam dicant; nec unquam diximus, aut dicere potuimus, Regem dyscolum ex qualibet, & privata causa, aut injuria delictive posse imperio spoliari, cum hoc plerumque pejus sit, pluribusque malis obnoxium, quam illud privatum damnum; sed tantum ex causa, damnoque publico, & ad totam Ecclesiam ac Religionem spectante: cujus proinde judicium & cognitio ad solum caput Ecclesiæ, & Religionis, hoc est, Vicarium Christi pertinere debet. (4)

III. *Opponitur* 3. Duas esse potestates, quibus mundus gubernatur, Ecclesiasticam, & temporalem; utramque à DEO institutam & concessam; temporalem Regibus, Ecclesiasticam Pontifici: nec istam posse ad temporalia extendi & commisceri: habet enim quælibet potentia suos terminos, extra quos non vagatur: oculus ad lucem & colores, non ad sonos & concentus: auris ad sonos, non ad colorem pertinet: sic nec potestas Ecclesiastica ad temporalia: alioquin una potestas aliam impediret; quando enim plus curæ temporalibus impendunt Pontifices, tantò magis Ecclesiastica negligunt dicente Apostolo: *Nemo militans DEO, se immiscet negotiis temporalibus, &c.* Et hæc potestatum confusio nequit esse absque discordiis, principumque indignatione, & quòd consequitur, sine damno Reipublicæ: nemo enim, Reges præsertim, alienam falcem in sua messe patiuntur, juxta illud Poëtæ:

*Nulla fides Regni socijs, omnisq; potestas  
Impatiens consortis erit.*

Et Taciti 4. *Annal.* *Arduum semper eodem loco, & concordiam & potentiam esse.* Et 1. *Annalium:* *Suspectum senatus Populiq; imperium ob certamina potentium & avaritiam magistratuum.* Et 1. *hisor.* *Paci interest, omnem potestatem ad unum conferri.* Et propius ad propositum nostrum Nicolaus Papa I. ad Michaelem Imperatorem in 6. quoniam dist. 10.

¶ Multa esse, quæ instar hellebori rarò usurpata medicinae sunt, lethalia futura, si crebrò; talis est potestas, quæ SS. Pontificibus in Reges & Principes conceditur; hæc enim si ordinaria sit, noceret potius, quam Ecclesiæ prodesset: & ided locum non habet, nisi premente necessitate, cumque Religionis bono: tunc enim temporalis potestas ex natura sua Ecclesiasticæ submittitur, cum temporalia sint propter spiritualia; & hoc ad pacem Reipublicæ,

P p

non

non dissidium pertinet, turbatâ liquidem Religione etiam Regna turbantur, & idem quidquid tuendæ Religioni, tuendis etiam imperijs servit: expeditque immensæ Regum potentix terminum aliquem figi, ut non excurrat, arasque fidei transcendat; quod fieret, si extra omnem metum & judicem essent, cupiditate regnandi Religionem vincente. At Principes offenduntur? Equidem optandum esse illos nunquam offendi, at si oporteat, necessitas absolvit; & causa Religionis: nam & medico secanti æger indignatur, sed sanitas vulnus excusat, & dolor beneficio adscribitur, nec aliud convincunt textus citati.

IV. *Opponitur 4. Extravagantem unam sanctam, inter communes Bonifacij VIII. de Majoritate & obedientia. ubi definitur, Pontificem utrumque gladium tenere, per aliam extravagantem meruit: inter communes de privilegijs, revocatam esse, saltem quoad Reges Galliz.*

*Respond.* Extravagantem meruit Regibus Galliz nil adimere, nihil concedere; sed eos in statu relinquere, in quo erant ante constitutionem Bonifacij: cum enim ex rationibus supra adductis constet, potestatem regiam & temporalem Ecclesiasticæ semper subiectam fuisse, neque hoc ex Bonifacij constitutione, sed jure divino & naturali, nec voluit Clemens V. nec potuit illi derogare, qui de Bonifacio tantum VIII. novisque obligationibus loquitur, & non de naturali & divina.

V. *Opponitur 5. Papa est Vicarius Christi, non quidem ut Dei, tûm divina potestas non sit Papæ communicata; sed ut hominis & Ecclesiæ capitis: non ergo majorem habet potestatem, quàm ipse Christus, cujus Vicarius tantum & servus est: sed Christus ut homo nullam habuit in Regna, & Principatus ac temporalia jurisdictionem, quod ipse testatus est, Joannis 18. Regnum meum non est de hoc mundo. & Luca 12. O homo, quis me constituit judicem aut divisorem inter vos? Quis ergo majorem Papæ, quàm Christo jurisdictionem tribuat? majoremque Vicario quàm Domino potestatem? cum tamen sufficiat discipulo, si sit sicut Magister.*

*Resp.* Constantem D. Thomæ Principis Theologorum sententiam esse, Christo Domino quâ hominibus, utramque dignitatem regiam videl. & sacerdotalem communicatam, quod expressè docet lib. 1. de Regim. Princ. c. 12. & sequentibus. & p. 3. q. 59. a. 4. dicit: Manifestum esse, Christo quâ hominibus potestatem judicariam ex Regia consequentem  
quoad

quoad omnes res humanas, additque rationem argumento nostro optime accommodatam: *Cuiusque, inquit, committitur principale, committitur & accessorium, omnes autem res humana ordinantur in finem Beatiudini, quæ est salus æterna, ad quam omnes homines admittuntur, vel etiam repelluntur iudicio Christi, ut patet Matth. 25.*

Et ipsa videtur expressa sacræ scripturæ sententia Matth. ult. *Data est mihi omnis potestas in cælo & in terra.* Paulus ad Hebr. *Quem constituit heredem universorum.* Apocalypf. 1. *Princeps Regum terra.* Apoc. 6. *Rex Regum, & Dominus Dominantium.*

Quod quidem jus Regium fundari credimus in unionem hypostatica: sicut enim ferro communicatâ formâ ignis, communicantur etiam proprietates, adeo ut ferrum ignitum colorem, ardorem, lucemque induat ipsius ignis, verumque sit dicere, non ignem solum, sed etiam ferrum igni unitum ardere, lucere, &c. ita humanitas Christi unita semel formæ Dei, participat omnes divinas proprietates, quarum illa est capax, & consequenter etiam supremum rerum temporalium dominium regiamque auctoritatem, quam non voluit Christus exercere, quia *venerat in forma servi, & penitentis*, humiliatis mundi que contempnus exemplum futurus, nec aliud verba sacræ scripturæ sanctorumque Patrum convincunt. Sed quidquid sit de hac D. Thomæ sententia, quam verissimam credimus, & ipse S. Doctor manifestè veram appellat: Illud saltem negari non debet, Humanitati Christi collatum esse dominium rerum temporalium, quousque illud Ecclesiæ gubernandæ consummandæque Redemptioni necessarium erat, nam, ut inquit D. Thomas p. 3. q. 54. a. 4. *Cuiusque committitur Principale, committitur etiam accessorium.*

Et hoc ipsum dominium aliquoties Christus, cum expedire videbatur, exercuit, nam mulierem adulterij convictam contra legis præscriptum absolvit Joann. 8. Ficulneam, quæ in alterius bonis & patrimonio erat, arefecit. Matihai 21. Demones in gregem porcorum, qui ad alios pertinebant, immisit, & præcipites in aquas egit Matth. 8. Quâ potestate, nisi Regiâ & omnibus dominante? alioquin aliena usurpasset. Sed dicit aliquis, cur ergo Christus non Augustum, non Herodem imperio exuit, aliosque, qui veram Religionem promoverent, throno imposuit?



21. Quia voluit Ecclesiam humilitate, patientiâ, fortitudine; rerum humanarum contemptu crescere, & miraculis tantum diviniâque virtute, non bello aut viribus, quemadmodum Regna solent, propagari, ut videlicet tantò magis divina potentia eluceret, Ecclesiâ in idem artibus, quibus opprimebatur, florente: utque fidei veritas esset omnibus indubitata, quæ per tot miranda, DEUM haberet testem, & sine armis, divitijs sapientiâque humanâ omnes convincerent: sed semel Religione constitutâ, & fide omnibus persuasâ, voluit DEUS naturalibus etiam medijs Ecclesiam conservare, & cum illa defunt, nec prius, miracula queri: quemadmodum videmus, naturam quidem humanam immediate à DEO productam esse, sed semel productam per naturales causas diffundi, quæ si cessent, aut homini producendo pares non sint, miraculis naturam suppleri.

VI. *Opponitur 6.* Arma Sacerdotum lachrymas & orationes, non exercitus & vim esse, ut habetur in c. *convenior 23. q. 8. & dist. 36. c. ult. c. porro 16. q. 3.*

22. Ne lachrymis quidem summos Pontifices, Regnantem inprimis, pepercisse, & causam Ecclesiæ, quam olim sanguine, nunc etiam aquis tueri, in hoc quoque Petrum imitatos, cui lacrymas gallus expressit. Ceterum ubi præter lachrymas precèsque alia quoque remedia ad manus sunt, ea tutò adhiberi satis exempla SS. PP. & Apostolorum convincunt; inter quos Beatus Petrus tepentinâ morte duos confecit, Paulus orbitate multavit, Elias igne succendit, &c. multa que alia: fac enim armis ab aliquo S. Pontificem invadi, an illi suis tantum lachrymis, & non etiam alienis armis hostem reprimere licebit? quantò ergo magis si Ecclesiam aggrediantur, in qua non corporis tantum, vel unius hominis, sed animarum, omniumque, qui in Ecclesia sunt, salus periclitatur? Quidquid ergo virium & potestatis à DEO Pontifex Romanus accepit, id omne tutandæ Religioni impendere potest, inter hæc autem, ut diximus, est etiam potestas in Reges & Regna. Cur ergo Ambrosius alijque hanc potestate non sunt usi? quia vel non poterat, vel non decebat, vel non oportuit; horum aliquid si obstat, ne summus quidem Pontifex hunc ictum, qui ultimus esse debet, vibrabit, Deoque committit semper in extrema parato.

VII. *Opponitur 7.* Ex hac in Principes, eorumque ditiones  
exerc-

exercita à SS. Pontificibus potestate, multa incommoda & mala evenisse. Censuræ & anathemata in Henricum VIII. Angliæ Regem vibrata, quid aliud evicere, quàm ut jugum excuteret, Ecclesiam vastaret, proscriptâ toto Regno Religione? Iisdem Elisabetha Regina Angliæ in furorem acta sæpius, quàm antè in Catholicos grassata, nec priùs desijt, quàm regio Stuartæ sanguine secutes imbuetet, specioso titulo, crudelitate velatâ, quòd diceret Catholicos seditionem in Reginam & Regnum moliti? Et denique nunquam sæpius cades, intestina bella, Procerum discordiæ, patricidia in Gallijs observata, quàm Henrico IV. Navarra Rege à summis Pontificibus diris percussio, Regnoq̃ue alienis exposito; non ergo potestas, quam Papæ concedimus, Ecclesiæ bonum, sed perniciem magis & excidium spectat. V. Trithem. in Chron. Hirsaug.

*Resp.* Exercitium potestatis, quam Pontifices Romani in Reges & Regna acceperunt, ad remedia extrema pertinere alijs consumptis, ultimisq̃ue morbis adhibenda, & instar hellebori esse; de quo Cass. collat. 17. c. 17. *Quod si imminente exitiali morbo sumptum fueris, sit salubre, ceterum absque summi discriminis necessitate perceptum præsentis exitij est;* sicut ergo justum bellum nemo non admittit, quantumvis innumera sint mala, quæ ex bellis proveniunt: sed majora provenirent sublato bello, datâque injurijs licentiâ; sic in casu, de quo agimus; & ipsa quæ in contrarium afferuntur, satis ostendunt: illæ enim calamitates, quæ Henrico diris percussio Galliam affligebant, Regem tandem ad Catholicam Religionem impulerunt, nunquam aliâs Regno potiturum; sic à discordijs & bellis cessatum. Elisabetha Angliæ Regina quantum absuit, ut Regno exciderit armatâ in illam potentissimâ classe? Quòd verò sapienter agitata potentior fortuna discussserit, non hic error potestatis Pontificiæ, sed eventus fuit, ex quo nemo prudens sapientiam & consilium metitur.

Henricum VIII. quod attinet, sunt, qui velint, præcipitarum remedium esse, plagâ necdum ferrum patiente: sunt, qui excusent. Demus peccatum esse, quid tandem sequitur? si potestatem hanc Pontifici abroges, quia aliqui aut incitumspectè, aut ex impetu potiùs, quàm ratione & consilio sunt usi: oportebit eodem modo omnes humanas artes hominumq̃ue conditiones, matrimonia, magistratus, mercataras, immo Regiam ipsam potestatem è medio tolli, in quibus longè pluries peccatum est, quàm in illa,

quam defendimus, auctoritate: stultus sit agricola, qui segetem incendit lolio & zizanijs mixtam. Percurre, quæ suprà ex historijs produximus, videbis summos Pontifices hâc in Reges potestate feliciter usos esse, magnoque Ecclesiæ bono, quoddam verò malè cessarit aliquando, hic est communis rerum morbus & conditio, non semper eodem secundoque vento navigantium. Illud verissimum est, hujusmodi pœnas, interdicta, excommunicationes, depositiones, &c. cum summa circumspectione rarissimo casu, nec citra necessitatem, explicandas esse, & chymicæ tincturæ modo, guttatim, alijsque remedijs frustra consumptis porrigendas, quod à Patribus Tridentinis prudenter omnino observatum, præmonitumque est, *Sess. 25. de Reform. c. 3.* ubi: *Quamvis, inquit, excommunicationis gladius nervus Ecclesiastica disciplina, & ad continendos in officio populos valde sit salutaris; sobriè tamen magnâq; circumspectione exerendus est, cum experientia doceat, si temerè, aut levibus ex causis incutiat, magis contemni, quàm formidari, & perniciem potius parere, quàm salutem.*

VIII. *Obijciunt* 8. Patres Societatis in Gallia contrariam sententiam tenere teste Gramondo l. 15. ad annum MDCXXXVI. Cùm enim Santarelli è S. I. liber quidam in lucem emerisset sub titulo: *Tractatus de hæresi, Schismate, Apostasia, & de potestate Pontificis in his delictis puniendis, &c.* In quo libro multa in Reges Pontifici tribuebantur, & specialiter, quoddam in Reges hæreticos etiam pœnis temporalibus posset animadvertere, eosque, nisi errorem deponerent, regno pellere; P. Coto Provincialis, Rector Collegij Claremontani, præcipuique è Societate Theologi in jus vocati, palàm coram Senatu professi sunt, Santarelli librum à se improbari, & contrariam illi sententiam omnino teneri.

R. Santarelli librum multa complexum esse, ob quæ non Societati tantùm, sed multis alijs, & meritò displicuit: vult enim Reges ob insufficientiam, minorem regendi habilitatem, & ob quodcunque peccatum, seu iniquitatem, si non corrigat, regno moveri posse, immo etiam mortis pœnâ multari. Quæ quàm sint absurda, & populos in Principes suos aut arment, aut obsequia exuant, nemo non videt: & eo præsertim tempore Gallos offenderant, cùm recentem adhuc Henrici M. sanguinem præ oculis habebant à sicario impiè confossi. Meritò igitur Santarelli librum damnârunt: sed cùm in Senatu pressius urgerentur, mentem suam de Pontificia in Reges potestate,

ut edicerent; cautè semper tergiversati sunt, seque in omnem partem versarunt, responsis, aut ambigè datis, aut aliò flexis, aut in Santarellum detortis, aut petitis denique inducijs; ne videlicet, si ad interrogata animis apertè responderent, aut judicem offenderent, aut veritatem. Sed ut rem totam, memorià quippe dignam, ut fuit, intelligas, en illam tibi ex Gramondi commentarijs totidem verbis. Exin dicta dies Provinciali, Collegij Claromontani Rectori, & prapuis è Societate Theologis: sistuntur in judicio, interrogantur, respondent.

Senatus. Probaturne vobis Santarelli perniciosus liber editus in hunc titulum, Tractatus de hæresi, schismate, &c.

P. Coto pro se & socijs præsentibus; Improbatur, supprimitur; impugnabitur contrarià mox doctrinà, quam paramus dare in publicum.

Senatus. Quare improbatis doctrinam, quam Societatis vestra Generalis Roma approbat?

P. Coto. Non negamus Roma à nostris approbatam; sed quare nobis imputabitur error Transalpinus, cui nemo nostrum subscribit in Gallia?

Senatus. Annon in ditione sua Regi Gallia jus omne in subditos est?

P. Coto. Jus omne est quoad temporalia.

Senatus. Creditisne vos, summo Pontifici jus esse in Reges, adeo ut per Excommunicationem sacri ipsos interdicere possit, subditos Sacramento fidelitatis absolvere, Regnum in pradam dare?

P. Coto. Absit verbo invidia! excommunicari Christianissimum Regem? absit omen! quis credat primogenitum Ecclesia futurum aliquando Martis hostem, quam protexi semper & protegit? quis excommunicandum, qui continud pugnat hæresi in Regno suo extirpanda?

Senatus. Ergo diversa vobis à Prapósito Societatis vestra Generali sententia?

P. Coto. Qui Roma degit Prapositus noster Generalis, vix est, ut improbare possit, quod Roma probat.

Senatus. Illi sua opinio esto, vestra quanam est?

P. Coto. Planè illi contraria.

Senatus. Quid si essetis Roma?

P. Coto. Mutaretur nobis cum cælo animus, sentiremus ut Roma.

Senatus. Praciè (amabo) proculq; ambagibus, & subterfugio: quid senset Societas vestra (ut universa est) de Romana Sedis in Reges potestate?

Ad hæc P. Coto. Communicandi cum socijs facultatem petit. Datur facultas. Communicanti paulloq; post redeunt in hæc verba. P. Coto. Nobis cum: bona & Gallia Cleto erit assensus in idem doctrina univocus.

Se-


Senatus. Explicate apertius mentem vestram, quanam est hac Sorbonæ doctrina, quam probatis?

P. Coto. Si tempus exiguum conceditis nobis, dabimus ex scripto sententiam, in quam vix est modò, ut conveniamus per angustiam temporis.

Postquam triduo deliberaverant, præcipui è Societate ad Regem missi, palàm abdicant Santarelli doctrinam publico instrumento in hæc verba concepto.

Nos subsignati declaramus, Santarellum perperam de Regibus, & eorum auctoritate scripsisse, quam diffitemur doctrinam; agnoscimus & profitemur Regum immediatam esse à DEO potestatem, independensq; ipsis jus esse in subditos; cui sententia, ut vera, nostro omnium sanguine subscribitur si opus, non secus ac censuris, si quæ à Clero Gallicano aut Sorbona in ejusmodi libros edentur. Pro-mittimus insuper futuram nobis post hac unam, & eandem super ea questione cum Sorbona, Clero, & Regni Gallici Academijs sententiam. Actum Lutetia, 16. Martij, Anno MDCXXVI.

Non multò post P. Coto in Provincia Parisiensi Provincialis, tædio interrogatoria actionis, quæ præcipui è Societate extra ordinem pulsati fuerunt, morbo corripitur, fatiq; legem implet. Hactenus loco citato Gramondus.



## §. XIX.

### SUMMARIUM UNICUM.

*Quando, quibusq; ex causis in particulari possit S. Pontifex potestatem in Magistratus & Principes seculares exercere?*



Legantem de hac re textum habemus in Decretali ab Innocentio III. data c. per venerabilem 13. qui filij sint legitimi. Ubi summus Pontifex inter alia sic loquitur: Non solum in Ecclesia Patrimonio, verum etiam in alijs regionibus certis causis inspectis temporalem jurisdictionem casualiter exercemus, non quòd alieno juri præjudicare velimus, sed quia, &c.

Si verò quæras, quinam ergo sint casus in particulari, in quibus S. Pontifex casualiter, ut habet textus, hoc est, indirectè, & pote-

potestate extraordinariâ tantum possit jurisdictionem in materia, alioquin sæcularibus Principibus subjecta exercere.

*Resp.* Varios in jure Canonico describi: 1. Deficiente Magistratu & judice sæculari, qui justitiam administret, *c. licet ex suscepto. 10. de foro comp.* 2. Cum judex sæcularis officio suo ritè, & secundum jura non fungitur, tunc enim Pontifici Romano incumbit curare, ne innocentes & justitia succumbant, *citato c. licet ex suscepto.* 3. Si per viam denuntiationis Evangelicæ ad Ecclesiam causa deferatur, tanquam ad commune asylum. *c. novit. de judic.* 4. Si Magistratus sæcularis leges ferat contra jus Divinum aut Naturale, aut Ecclesiæ noxias, pertinet ad potestatem Pontificiam eas corrigere, & contrarijs legibus abrogare, quâ ratione videmus leges civiles quàm plurimas à SS. Pontificibus mutatas, correctasque, v.g. Jure civili permittitur matrimonium inter fratrum, aut Sororum liberos. *Instit. de Nupt.* Sed prohibetur in *c. non debet. de consang.* Lege civili, quæ secundò nubunt, varijs pœnis afficiuntur *L. 1. Cod. de 2. nupt.* Sed jus Canonicum pœnas, quæ in odium reperiuntur matrimonij sunt latæ, tollit *c. cum secundum. de secundis nuptijs.* Jure civili multas ob causas repudia sustinentur. *L. consensu. Cod. de repud.* Sed jure Canonico prohibentur *c. sunt qui 27. q. 2. & c. lege diss. 10.* Jus civile concubinatum admittit *Cod. de concub.* non admittit jus Canonicum *c. nemo blandiatur sibi. c. meretrices. 32. q. 4.* Jure civili natis ex incæstu aliove damnato congressu alimenta non debentur, debentur jure Canonico. *c. cum haberet. de eo qui duxit in matrim.* De jure civili possessor malæ fidei longo tempore præscribit. *L. cum notissimi. C. de præscriptionibus 30. vel 40. annorum.* Non præscribit jure Canonico *c. ultimo de præscriptionibus.* Testamentum de jure civili non valet nisi præsentibus 7. testibus, sed jus Canonicum hanc legem damnat expungitque *c. cum esses c. relatum, de testamentis.* Denique lex civilis maleficos, qui venenis, malisque artibus Reipublicæ nocent, punit quidem, sed qui imbres, ventos, grandines incantationibus abigunt, non tantum non punit, sed præmio donat. *L. eorum 4. Cod. de malef.* Quæ omnia sacris Canonibus damnata sunt, & videri possunt quàm plurimi textus *causa. 26. q. 2. & S. Thomas 2. 2. q. 96. & Novella Leonis 65.* Sunt tamen, qui velint in *L. eorum 4. cit.* Non approbari magicas incantationes, sed sacras agrorum lustrationes, quæ per publicas preces & supplicationes ac sanctorum

rum suffragia fieri solebant juxta Novellam 123. c. 32. §. Princeps sæcularis jure naturali, & spectato genere suæ potestatis potest subditis suis impedimenta matrimonij dirimentia statuere, ex qua enim parte matrimonium est contractus, subjacet potestati & legibus civilibus, & quantumvis elevatum fuerit ad numerum Sacramentorum, non ideò tamen amisit naturam contractus, & subordinationem ad potestatem civilem; sicut enim matrimonium ut contractus admittit nova impedimenta à Magistratu Ecclesiastico, quale est impedimentum Clandestinitatis, non obstante ratione Sacramenti, quod immutabile est; ita etiam à Magistratu civili; & expresse docet S. Thomas 4. contra Gentes c. 78. Sanchez: lib. 7. de matrim. disp. 3. n. 2. Nihilominus tamen Ecclesia hujus potestatis usum Principibus sæcularibus interdixit, sibi quæ reservavit, sicut patet ex c. tuam. de ord. cognat. c. 1. de sponsalib. c. Euphemium. 2. q. 3. c. multorum 35. q. 6. & novissimè Trid. sess. 24. de matrim. cap. 3. 4. & Can. 12. Et potuisse quoad hoc Ecclesiam coërcere potestatem temporalem, eamque moderari propter bonum spirituale, & gravia incommoda, quæ alioquin sequebantur, expresse agnoscunt duo celeberrimi & sanctissimi in Gallia Doctores videlicet D. Thomas & S.

Bonaventura. An verò consuetudine nova possint impedimenta induci, an antiqua abrogari vide Sanchez lib. 7. disp. 4. de matrim.








§. XX.

*Quam censuram mereatur prima Conventus  
Parisiensis propositio.*

S U M M A R I A.

1. *Censura S. Gregorij VII.*
2. *Bonifacij VIII.*
3. *S. Thomæ & S. Antonini.*
4. *Nicolai Sanderi.*
5. *S. Bernardi.*
6. *Cæsaris Cardinalis Baronij.*
7. *Cardinalis Peronij, & totius Cleri Gallicani.*
8. *B. Augustini Triumphi.*
9. *Francisci Suarezij, & Gregorij de Valentia.*
10. *Ex præmissis conficitur, Parisiensem propositionem ne ut probabilem quidem sustineri posse.*
11. *Respondetur ad objecta.*



Nostrum equidem non est, aliorum opiniones in jus & forum vocare, illisque pœnas & exilium dicere, aut censuras notamque dictare: hoc enim ad supremum Ecclesiæ Magistrum pertinere cognoscimus. Nostrarum ergo partium erit, quæ de hac propositione alij censuerint, in medium proferre, & à prima Sede ultimum iudicium expectare.

I.



Anctus Gregorius VII. lib. 4. *Registri epist.* 2. sic loquitur: *Considerent, cur Zacharias Papa Regem Francorum deposuit, & omnes Francigenas à iuramenti vinculo absolvi? sed forte volunt, quod quando Deus Ecclesiam suam beato Petro*

commisit, Reges exceptit: cur non attendunt, vel potius erubescendo consentiunt, quia Deus, ubi B. Petro potestatem ligandi dedit, nullum excepti, nihil ab ejus potestate subtraxit, & qui hoc imprudenter negat, se à Christo omnino sequestrat, &c.

II. Bonifacius VIII. in Extravagante, unam sanctam. de Major. & obed. postquam dixisset, Beato Petro utrumque gladium commissum esse, temporalem videlicet & spirituales; temporalem auctoritatem spirituali subiectam esse, eamq; divino ore à Christo Domino per illa verba Petro ejusq; Successoribus commissam: quodcumq; ligaveris, &c. Subjunctum est: Quicumq; huic potestati à Deo sic ordinata resistit, DEI ordinationi resistit: porro subesse Romano Pontifici omnem humanam creaturam declaramus, docemus, & definimus.

III. S. Thomas opuscul. 20. de Regimine Princ. lib. 3. c. 19. dicit sententiam, quam defendimus, esse Manifeste veram: & cap. 10. ejusdem lib. Si plenitudo potestatis, inquit, & Pontificis dicatur referri ad solam spirituales potestatem, hoc esse non potest, quia corporale & temporale ex spirituali & perpetuo dependet, sicut corporis operatio ex virtute animæ est. S. ANTONIUS 3. p. Summa Tit. 22. §. 17. c. 5. Qui dicunt Papam in toto orbe terrarum Dominium habere super spiritualia tantum, non autem super temporalia, similes sunt consiliariis Regis Syria, & adulatione perfusa seducunt Reges, &c. Et Christiani Principes bellantes contra Ecclesiam vel persequentes Papam exterminati sunt, & ad inferos descendunt, &c.

IV. Nicolaus Sanderus in lib. de visibili Monarchia Ecclesia lib. 2 c. 4. Cum ostendisset toto hoc capite, in certis casibus Reges & Imperatores ab Ecclesia coerceri, deponique posse; Non video, inquit, quin communem sensum in rebus DEI judicandis perdiderit, si quis contendat spirituales Ecclesia potestatem terrena Regum potestati non præesse; nam si neutra præsit alteri, quomodo in una Ecclesia manent unita? aut quomodo unisunt, si adhuc ita distincta manent, ut neutra possit alteri imperare? aut quis unquam in uno corpore animalis duo prorsus distincta membra, in eodem loco & honore disposita vidit?

V. S. Bernardus lib. 1. de considerat. c. 6. Mihi tamen non videtur bonus estimator rerum, qui indignum putat Apostolis, vel Apostolicis viris non judicare de talibus, quibus datum est de majoribus, &c. Denique ubi necessitas postulat, audi quid censeat, non ego, sed Apostolus; si enim in vobis judicabitur hic mundus, indigni estis, qui de minimis judicetis?

VI. Cæsar Cardinalis Baronius tom. 9. Annal. quem Henrico magno Gallia & Navarra Regi dedicavit, vir summæ doctrinæ, pietate,

tate, moderatione ad annum 800. n. 14. loquens de translatione Imperij in Carolum magnum à Leone III. facta. *Quod autem, inquit, ex convenientia, utilitate exigente, & necessitate poscente, factum diximus, id ipsum ex insua Romano Pontifici concessa divinitus auctoritate fuisse impletum pariter affirmamus. Neget si quis ista, planè impius & infidelis, ac rerum Ecclesiasticarum planè rudis esse convincitur.*

VII. Cardinalis Peronius apud Gramondum lib. 1. anno 1615. ore totius Cleri Gallicani, ut idem testatur Gramondus, propositionem, quam impugnamus, dicite esse novam, Luthero, & Calvino fautoribus natam, cui veterum subscripsit nemo, recentiorum pauci, errorem esse, qui Henrico Anglia Regi via in haresin suavit, &c.

VIII. B. Augustinus Triumphus Anconitanus in proemio libri de potestate Ecclesiast. Error est, inquit, pertinaci mente non credere Romanum Pontificem universalis Ecclesie Pastorem, supra spiritualia & temporalia universalem non habere primatum.

IX. Franciscus Suarez de legibus l. 3. c. 6. n. 3. Nihilominus sententia est, summum Pontificem non habere directam potestatem temporalem in universum Orbem: ut etiam hac sententia verè & catholicè intelligatur, advertendum est, aliud esse omnem potestatem etiam supremam in illo ordine (temporali) esse subjectam potestati S. Pontif. aliud verò, quòd summus Pontif. habeat directam potestatem temporalem distinctam à spirituali, per quam per se directè possit civiliter gubernare totam Ecclesiam: nam illud primum verum & certum est, non tamen propter temporalem potestatem Petri, sed propter spirituales, & cui temporalis in ordine ad finem illius subijcitur. Idem Suar. de fide d. 20. sect. 3. n. 21. Dico potestatem puniendi hæreticos etiam temporalibus & corporalibus pœnis jure divino esse in Pastoribus Ecclesie, præsertim Romano P. & contraria sententia est erronea, & defensores ejus ad minimum esse suspectos de heresi. Et ne fortè aliquis putet, Suarezium loqui de potestate in hæreticos, exceptis tamen Regibus & Principibus, n. 26. hos ipsos expressè comprehendit, & lubdit: *Est ergo hac potestas in Ecclesiam omnino universalis quoad omnes personas, & ab ipso Christo immediatè tributa.* Gregorius de Valentia Tom. 3. d. 1. q. 12. p. 2. concl. 2. De hac nostra sententia dubium est nullum apud verè Orthodoxos.

X. Nos à censuris calamum abstinemus, quorum est veritate contentos judicium expectare, non prævenire. Tantùm ergo illud dicimus, propositionem contrariam, Theologicè loquendo, hoc est, veritate, ratione, lacris litteris, SS. Canonibus conciliisque

ſpectatis ne quidem ut probabilem ſuſtineri poſſe. De politica enim probabilitate, quam Clerus Gallicanus apud Gramondum paſſus eſt huic ſententiæ prætexi, non eſt, ut curemus; cum neque nobis Politicos agere, nec Episcopis, qui Pariſienſi Conventui præſederunt, animus fuerit: conſcientiæ nim. & veritati, non aulæ & favoribus ſcribimus.

Ergo nullam illi propoſitioni probabilitatem adeſſe, ex jam dictis apertè conſtat: ſi enim verum eſt, quod ſcribit B. Gregorius VII. à *Chriſto ſequeſtrari, qui Pontifici hanc poteſtatem negant*; ergo nulla eſt probabilitas huic ſententiæ, alioquin à Chriſto æquè non ſequeſtraret, ac aliæ opiniones probabiles. Innoc. III. in c. *novi. de judicii*, dicit hanc noſtram ſententiam eſſe *indubitatam & certam*: ergo huic oppoſita deſinit eſſe probabilis, alioquin hujus probabilitas alteri certitudinem adimeret: quod enim certo opponitur, non eſt probabile.

S. Thomas *opuſc. 20. de Regim. Princip.* dicit: ſententiam, quæ hanc ſummam & indirectam poteſtatem Pontifici aſſerit, *eſſe manifeſtè veram*: oportet ergo eam quæ negat, non eſſe probabilem: quemadmodum v. g. Si hæc propoſitio: *Nix eſt alba*: eſt manifeſtè vera; ejus contradictoria: *Nix non eſt alba*: non eſt probabilis. Idem S. Doctor *loco cit.* ſcribit, *fieri non poſſe*, ut auctoritas, & Poteſtas Pontificia *ad ſola ſpiritualia referatur, & non ad temporalia*: Si ergo ex mente D. Thomæ hæc propoſitio: *Poteſtas Pontificia ad ſola ſpiritualia, non verò ad temporalia refertur*, eſſe vera non poteſt; ergo nec eſt probabilis: quod enim eſt probabile, id verum eſſe poteſt: quemadmodum hæc propoſitio: *Imperator Romanus Turcas debellabit*; quia eſt probabilis, idèd vera eſſe poteſt: hæc verò: *Tiſius digito calum tanget*: eſſe vera non poteſt, & idèd nec eſt probabilis.

Omittimus alia ex allegatis DD. quia per ſe clara.

Et omnino ſi naturam, & effectus probabilitatis examines; apparebit continuè opinionem, quam impugnamus, fruſtra niti, ut probabilis evadat, & hoc ſaltem colore oculis eorum placeat, qui probabilium opinionum amicos ſe proſtitentur.

Opinio enim probabilis eſt, quæ in nullam apertam, & manifeſtam legem impingit: cum enim omnis lex ſit regula & menſura honeſtæ actionis, quidquid legi repugnat, eſt apertè & manifeſtè malum, ac illicitum, & conſequenter nullam habet honeſti  
ratio-

rationem aut probabilitatem: quemadmodum enim, quia linea aut regula est recti mensura, & idēd quod à linea secedit, rectum non est, sed necessariō curvum; ita quidquid à certa, & manifesta lege declinat, necessariō est malum, & nullam probabilitatis speciem obtinet: Propositio autem, quam impugnamus, repugnat sacris litteris juxta legitimam explicationem SS. Patrum, ut ostendimus; sacrisque Canonibus & Concilijs, & praxi etiā sanctissimorum hominum, quæ omnes sunt regulæ veritatis & honestatis. Et præsertim urgent Textus Conciliorum universalium, Lateranensis, Constantiensis, Viennensis, & Lugdunensis, in quibus, & nominatim in Lugdunensi, ut habetur *c. 2. de sentent. & re judic. in 6. re maturē, & conciliariter discussā, auctoritate Apostolicā, sententia depositionis in Imperatorem pronuntiata est, solutiūque omni juramento subditi: & quamvis non verbis, & in actu signato hanc sententiam Concilia definiverint, id tamen ipso facto & in actu exercito deciderunt, quando adhibitā omni consultatione, solemnitate, & auctoritate, quæ definitionibus adhiberi solent, allatisque etiā auctoritatibus sacræ scripturæ sententiam in Reges dixerunt; sunt enim paria, facto, vel verbo aliquid definire. *L. non tantum §. ff. rem ratam haberi. L. de quibus causis. ff. de legib.* immo plus est facto, quàm verbis consensum exprimere, *per Legem. si tamen 48. ff. de Ædilit. Ed. §. 3. & argum. c. 1. de Appellat.**

XI. *Nec obstat* 1. Si quis dicat: & Concilium & Papam in ijs, quæ sunt facti errare posse: in textibus verò Canonis supra allegatis, quæstionem tantum facti agitatam esse, an videl. Principes, de quibus illic agebatur, ea fecissent, ob quæ imperio abdicari possent.

R. Sententias in Concilijs contra Imperatores dictas & jus & factum complexas esse: factum quidem, quia Regibus imperium abrogabant ob delicta ab ijs commissa: jus verò, quia sententia in Principes dicta, ijsque auctoritate exutis, subditisque juramento liberatis, hoc ipso Concilia, implicite quidem, sed tamen necessariō supponebant, auctoritatem & potestatem id faciendi penes Ecclesiam esse: sicut, v. g. qui dicit: *Petrus currit*: hoc ipso & necessariō, sed implicite dicit: *Petrum currere posse*: definita enim unā propositione, definita etiam censentur, quæ cum illa necessariō connexæ sunt; quid enim magis à vera, rectaque ratione alienum

num dici posset, quàm Ecclesiam, cùm definivît Spiritum S. à Filio procedere, non etiam definivisse Spiritum S. posse à Filio procedere: vel quod idem est: in Filio potentiam spirativam esse, per quam possit Spiritus S. ab eo procedere? ergo hoc ipso quod Innoc. IV. in Concilio Lugdunensi declaravit, Henricum Imperatorem auctoritate Apostolicâ imperio privatum, ejusque subditos omni juramento solutos esse, declaravit etiam, esse penes Apostolicam sedem auctoritatem potestatemque, cum imperio privandi, ejusque subditos juramento absolvendi, quo prius tenebantur; quæ Declaratio ad jus, non ad factum pertinet; Immo in Concilio Lateranensi IV. sub Innoc. III. *c. de hæret.* & Concilio Constant. expressè dicitur: *Principes si hæresis convincantur, regno & sacris interdici possent*; quæ definitio, ut patet, est meri juris, & abstrahit à facto exercito, in quo tantum error contingit. Deinde advertunt Theologi, Concilia & Pontifices etiam in facto errare non posse, quando factum est evidens conciliariter, omni que adhibitâ diligentia examinatum, testimonio publico nixum, & cujus error Ecclesiam in perniciem adduceret; tunc enim locum habet illa Christi promissio Joann. 16. *Cùm venerit ille Spiritus veritatis, docebit vos omnem veritatem*: & ita communiter tenent, docentque Theologi, Pontificem & Ecclesiam in Canonizatione Sanctorum, in proponenda hac vel illa scriptura Canonica, & in hac vel illa traditione Apostolica explicanda, errare non posse, quæ omnia, ut patet, dependent ex facto & testimonio hominum ex se fallibili, nisi Providentia divina Ecclesiæ suæ caveat.

*Non obstat* 2. Summos Pontifices & Concilia, cùm Principibus Regnum abrogârunt, secutos fuisse sententiam probabilem, quæ habet, eos hoc posse; non ergo sequitur hanc sententiam esse certam, sed tantum probabilem, & fuisse à Concilijs ut talem suppositam.

✱ *Re.* Nihil posse tam Augusto Reipubl. Christianæ Senatu, & cui ipse Spiritus Sanctus præsidet, indignius dici, quàm voluisse illum in re tanti momenti, in qua non de Imperijs tantum & coronis, sed de tot bellis, schismatibus, animarum Ecclesiæque periculis agebatur (quæ omnia ex illis in Reges sententijs & abdicationibus plerumque nascebantur) ad miserum illud opinandi præsidium confugere, quo in scholis nihil incertius, taptasque in Eccle-

Ecclesiam, mores, legesque omnes corruptelas induxit, ut sæpe interdita, execrationesque Rom. Pontificis provocaverit, nullamque ferè humanam, divinamque legem reliquerit, non aliquo abutù fœdè corruptam; & utinam fallat augurium! huic opinandi licentiæ, nisi remedio aliquo Ecclesia occurrat, vix credimus alio malo elapsis retrò sæculis gravius afflictam esse: cujus jam tot indicia & prognostica experimur, omni in commercijs, fœderibus, juramentis, judicijs præceptisque sublatâ sinceritate. Absit ergo, ut dicamus Ecclesiam totam, & Concilia universalia in re tanta, summiq̃ue momenti, suæ auctoritatis incertam, Regibus & Imperijs litem movisse: nec enim Regna & coronæ opinionibus dari possunt, adimique, sed certo jure, certâque ratione: quis enim coronæ, sceptrique securus, & sine metu viveret, si opinionum ventis paterent, nunquam Papæ, aliisque Principibus probabili, eorumque judicio magis etiam probabili ratione defuturâ, quàm Regnum alterius invadant? & idè docet Vasq. in 1. 2. *Tomo 1. d. 64.* nullum Principem etiam supremum in Controversia tantùm probabili; aut etiam probabiliori posse sententiam ferre, eamque armis, & bello prosequi, nisi jus evidens habeat, & contrarium dicit nihil probabilitatis habere, nec in parvam Reipublicæ Christianæ perniciem & detrimentum cedere: quod maxime verum est, cùm alter Princeps, cui bellum inferitur, & de quo spoliando agitur, in certa securaque possessione Regni sui est: negatque ex eodem capite posse justum bellum utrinque dari, nisi per accidens & causâ ignorantie invincibilis; & idem, in casu, quo alter possidet, docet & supponit Laym. de *Conscientia* §. 3. n. 25. tamquam certum, Et ratio est, quia legitima Possessio operatur præsumptionem juris & de jure pro Possidente. *Instit. de interd. §. retinenda. 4.* contra quam Præsumptionem ex communi omnium Doctorum non admittitur ulla probatio, nisi tantùm ex evidentibus: & cùm jus possessionis pro possidente sit certum, jus verò ex magis probabilibus sit adhuc incertum: (cùm omnis probabilitas sit opinativa & involvens formidinem, & consequenter dubium) & naturali & humano juri consonum est: jus certum incerto prævalere, maxime in materia Justitiæ *L. Divus ff. in integr. Restit. c. transmissa 3. qui filij sim legitimi. V. Molin. Tomo 1. 17. 2. d. 163. Vasq. 1. 2. d. 66. c. 7. Sanchez. l. 1. moral. 4. 10. n. 9. Laym. l. 1. c. 5. n. 42.*



Eodem pacto legibus statutum est, neminem ex solis probabilibus damnari posse, sed plenè & manifestè convictum, idque præsertim in causis gravibus & valde arduis, in quibus probabilia non sufficiunt; sed requiruntur apertissima, indubitata, & luce meridianâ clariora argumenta, ut dicitur *L. ult. C. de probat.* Quæ omnia eò tendunt, ut ostendamus non potuisse Pontifices, & Concilia universalia ad Reges Imperio exturbandos, solvendosque juramento & obedientiâ subditos procedere, nisi potestatis suæ certos, non tantum probabiliter aliquâ opinione ductos; ex quocunque enim capite jus deponendi Reges evadat dubium, & incertum, ex eodem sententia in Reges lata injusta fuerit, (quod nefas est de Conciliis illis universalibus vel cogitare) maximè si defectus ex parte potentiæ & auctoritatis contingat, qui reddit sententiam omnino nullam usurpataque; quamvis enim probabilis Doctorum opinio tribuat jurisdictionem teste *Leisl. l. 2. de J. & J. c. 29 n. 68.* id fallit, cum agitur de gravissimo alterius præjudicio, ut idem *l. 2. c. 31 n. 10. & c. 41. n. 76. circa f. Sanchez* multiq; alij apud ipsum in *Decalog. l. 6. c. 3. n. 23 & 24.* docent. Jus imperandi & debitum obsequendi correlative sunt: si ergo in Ecclesia jus imperandi, & auctoritas exautorandi probabilis tantum est; æquè debitum obsequendi, parrendique probabile & incertum erit: ut ergo poterant Pontifices & Concilia probabiliter Regibus imperare, ut Regno excederent; poterant Principes subditiq; imperata non facere, irritò, vanoq; Ecclesiæ impetu, perinde ac si aliquem carceri includas, dato apertoq; à tergo ostio, ut evadat: quis credat Deum Ecclesiæ suæ non melius providisse? aut illam potuisse excommunicationibus, censurisq; quæ peccatum mortale supponunt, & alijs pœnis Reges ac subditos ad id compellere, quod illi probabiliter, hoc est, sine culpa poterant non agere? aut quis, nisi fortè apud barbaras nationes, audit, puniri aliquem, & tam graviter sine culpa posse; aut culpam esse, si eodem jure, quo alter, utaris, quale est probabiliter imperandi, probabiliter obistere: incerto jure agentem, incerto jure frustrari? Quod si hæc in Reges potestates, & tam sanctè in sacris Canonibus repetita, exemplis exercita, SS. PP. & Doctorum testimoniis asserta, adhuc probabilis tantum, nec certa est, quarimus quid ergo in sacris Canonibus certum sit, & cui tergiversari non liceat? erit ergo probabile tot sanctos Doctores, quibus doctrinâ vix

pares

pares in Ecclesia reperias, aut ignorantia falsum, aut adulatione dixisse, hoc est, aut minus, quæ scriberent; intellexisse, aut minori fide consignasse, quàm hâc tempestate pauci multum infra illorum sanctitatem, doctrinamque positi.

Denique si non probabile tantum, sed certum est, artem medicam, cui sanitas pro fine est, ad omnia sanitati accomoda; artem nauticam, cui navigatio proposita, ad omnia, quæ ad feliciter navigandum sunt necessaria; opificis industriam & artem, ad omnia, quæ operi suo deserviunt, extendi; eodem modo dicendum erit, potestatem Ecclesiasticam, & spiritualement ad omnia illa proferri, quæ Ecclesiæ æternæque salutis, aut obsunt, aut prosunt, & consequenter ad omnia etiam Imperia, Regna, & bona temporalia, quando & quo casu in hunc finem diriguntur. Si verò sententia, quæ hanc S. Pontifici indirectam asserit potestatem, videatur Principibus probabilis tantum, non certa, adhuc nihilominus tenentur illi subiacere, quia juxta omnium sanctorum Patrum & Theologorum sententiam, in dubio an res præcepta sit licita, & superior limites suæ potestatis excedat, tēnemur obedire, quamdiu nō apparet evidenter esse præceptum de re mala & extra limites potestatis: Sanchez in Decalogum quam plurimos citans l. 6. c. 3. n. 3. & 4. Silvester in summa, dicens regulam esse D. Thoma. Et habentur quàm plurimi Textus SS. Patrum c. in memoriam d. 19. c. quid culpatur 23. q. 1. c. contra morem d. 100. Cujus ratio est, quia jussus Superioris semper justus præsumitur. c. 24. de Reg. l. in 6. l. Servo 65. §. cum Prator. 2. ff. ad SC. Treb. & l. 7. sicut is. ff. ne quid in loco publico. Et eleganter S. Gregorius M. homil. 26. in Evangel. Sub magno moderamine pastores Ecclesia vel solvere studeant, vel ligare. Sed utrum justè, an injustè obliget pastor, pastoris tamen sententia gregi timenda est; ne is qui subest, & cum injustè forsitan ligatur, ipsam obligationis suæ sententiam ex alia culpa mereatur. Pastor ergo vel absolvere indiscretè timeat, vel ligare. Is autem, qui sub manu Pastoris est, ligari timeat vel injustè; nec Pastoris sui judicium temere reprehendat, ne etsi injustè ligatus est, ex ipsa tumida reprehensionis superbia, culpa, quæ non erat, fiat.

Si ergo Pontifex aut Concilium Generale, quorum judicio Principes subsunt, servatis servandis Principes per sententiam abdicent, & subditos juramento solvant, declarentque juramentum hîc & nunc cessare: nec ad culpam obstringere, immo culpam fore illud observari: Cùm in his omnibus vertatur causa spiritualis &

Ecclesiastica, quousque videlicet Potestas Pontificia & sacra se extendat? an etiam ad media fini spirituali deservientia, res nimirum, & bona temporalia? agaturque de peccato & obligatione juramenti; tenebuntur utique Principes, quamquam ipsi dubitant de hac potestate, superiori Ecclesiastico, intra suam sphaeram agenti obtemperare: nam si egrediatur, certum est non teneri per elegantem discursum S. Th: 2. 2. q. 104. a. 5.

Si an jus Regaliæ, custodiæque Ecclesiarum ad Reges pertineat, sæcularis est fori cognoscere, ac sententiam proferre, & regio senatui unice reservatur, & Episcopi Prælatique, qui hoc negant, veluti perduelles, ac Regni turbatores à Parlamento pœnas luunt, neque hoc fines temporalis potestatis excedere in Gallijs creditur; quanto minùs si potestas Ecclesiastica in plenis liberisque concilijs, de suis terminis statuatur, & quod ipsi in Episcopos, illa in Reges, cùm merentur, pronuntiet?

Lessius quidem & Sanchez, alijque proximè citati scribunt; non teneri subditum superiori suo imperanti obedire, cùm id sine magno corporis, honoris aut fortunarum damno haud potest: Verùm hæc doctrina nihil obstat sententiæ nostræ, cùm hæc omnia incommoda & damna à Principibus caveri possint, si videlicet Ecclesiam audiant, ad officium redeant, & causas oblitterent, emendentque: tunc enim purgatâ contumaciâ, Ecclesia pœnas, quæ medicinales sunt, velut extincto morbo, revocabit, & ipsi Regnis restituentur: nec aliter Pontifices possunt, cessante causâ necessitatis bonique publici, ob quæ solùm in Reges armare licet. *V. c. 11. de Constit.* & habemus in Henrico M. Galliz Rege præclarum exemplum, qui ob relapsum in hæresin, societate fidelium & Regno prohibitus, ubi de Religione cavit, eamque amplexus est, continuò censuris pœnisque caruit, Regnum sine lite accepit, ingentibusque bellis turbisque finem imposuit, & Regibus exemplo fuit, non esse culpam Ecclesiæ, si hac potestate suâ fungente Respublica turbetur. Ergo ut omnia simul dicamus, aut oportet dicere non unius tantùm, sed tot Pontificum Conciliorumque sententias in Reges, iniquas injustasque fuisse, quod nemo nisi imprudentissimus dicit, Galli præsertim, qui Concilia tam effusè commendant: aut si justæ fuerunt, oportuit illis obtemperare Reges, cùm jus imperandi & obsequendi, tam sint correlativa, quàm jus exigendi 100; & debitum solvendi;

di: implicetque jus exigendi, absque debito solvendi, & docuit expressissimè D. Th. 2. 2. q. 69. a. 1. ab omnibus Theologis admissus, tunc saltem, cum ex una parte plurimum interest judicis imperium & sententiam observari, ex altera nullum observanti damnum, nisi voluntarium impendat; Nec ullius magis, quàm Episcoporum Regumque interest hanc sententiam teneri; cum enim Principum Leges, præcepta, impositiones tributorum, &c. ratè evidenter, & luce clariùs sint iusta, quis subditorum illis ligabitur, si non tenentur in dubio Superioribus obtemperare? nemini quippe dubitandi, & hoc ipso repugnandi ratio, & prætextus deerunt.

*Nec obstat 3.* Propositionem contrariam saltem ab auctoritate eorum, qui illam tenent, probabilitatem mereri.

*R.* Mensuram & regulam honesti, & veri esse legem, non nomina Doctorum, quorum opiniones si ab hac regula flectant, tam nequeunt esse veræ, honestæque: quàm paries, aliudve corpus nequit esse rectum, si à linea & amissi excedat. Auctoritas docentium ex eo capite pretium aliquod & pondus habet, quia non præsumuntur aliud, quàm leges dicere: Si ergo hæc præsumptio cessat, & evidenter appareat Doctores cum legibus pugnare, præsumptio veritati cedit, & auctoritas illa præsumptione nixa penitus vanescit, habetque locum illud D. Pauli ad Galat. 1. v. 8. *Sed licet nos aut Angelus de celo evangelizet vobis, præterquam quod evangelizavimus vobis, anathema sit.* Et illud D. Augustini d. 9. c. 4. *Negare non possum nec debeo, ficut in ipsis majoribus, ita multa esse in tam multo opusculo meo, quæ possint iusto iudicio, & nulla temeritate damnari.* Similia habentur c. 5. & c. 8. eadem d. & L. unica C. de interlocut. Si enim sola auctoritas nomenque Doctorum probabilitatem opinionibus donet, quos tu errores, aut futuros aut præteritos invenias, qui non probabiles dici debeant, cum Magistris & Scriptoribus non caruerint doctrinâ & auctoritate claris? ergo ut nummis, non numerus aut inscriptio, sed pondus, & metallum pretium addunt; ita sententijs non numerus aut nomen Doctorum, sed rationes, & Canones, & cum Patrum doctrinis harmonia, probabilitatem, & auctoritatem afferunt, dicentæ

*Scripturâ Proverb. 22. 28. Ne transgrediaris terminos antiquos, quos*

*posuerunt Patres tui. Et Ecclesiastici 10. 8. Qui dissipat*

*sepem, mordebit eum coluber.*

FINIS LIBRI PRIMÆ

R. 3.


LIBER

## LIBER II.

## PROPOSITIO II.



Concilijs Oecumenicis magnam inesse auctoritatem, magnamque venerationem deberi, & Ecclesia ipsa agnovit, suoque exemplo professa est, & nemo fidelium, nisi temerarius negavit, sic tamen, ut Pontifici Romano & Vicario Christi sua prerogativa salva sit, & potestas omni Concilio superior; Illi enim, non Concilio dictum est: *Super te edificabo Ecclesiam meam.* Illi: *Tibi dabo claves Regni Cælorum.* Illi soli: *Pasce oves meas:* non has aut illas, sed meas, hoc est, omnes. Hanc majorem Concilijs potestatem sacræ Paginæ, hanc omnium Conciliorum exempla, & continua Ecclesiæ praxis, hanc SS. Patrum una conspiransque sententia, & ipsa Ecclesia Gallicana aliquoties & palàm testata est, ut adeò negari à nemine possit, nisi qui prius omnia illa negare, quæ in Ecclesia venerationi sunt, sibi que ipsi & sacræ antiquitati vim inferre paratus sit.



§. I.

*Quid Concilium Generale seu Oecumenicum, &  
quæ ad tale Concilium requisita.*

S U M M A R I A.

1. *Quid Concilium Generale?*
2. *Quæ illius conditiones?*



I.

Concilium Generale nihil aliud est, quàm Conventus Præsulum Ecclesiæque Pastorum, legitimâ auctoritate indictus, factus, confirmatusque, ad majora fidei & religionis finienda negotia; sicut enim ob publicas communesque omnium civium & Reipublicæ necessitates convocantur à Principe comitia generalia, sic cùm fidei, quæ omnium Christianorum commune est bonum, periculum & bellum impendet, omnium Ecclesiarum Pastores evocantur, communem causam communi voto acturi. Cùm enim in corpore humano ex conflictu qualitaturn humorumque corruptione oporteat aliquando, immo sæpe morbos existere, ita, & multò magis, in corpore Ecclesiæ politico, ubi non corpora, sed animæ laborant, & quod pejus est, amantur morbi, ac remedia fastidio & horrore sunt. Cùm ergo oportuerit in Ecclesia hæreses esse, pastoribus & Vicario Christi præsertim data est cura, nequid in fide turbaretur; cui enim potius quàm medico morbos, gubernatori navem, pastoribus oves committeret Deus? his enim ignorantia aut affectu in errorem abductis, quis alius Ecclesiam & fideles duceret? *Quod si sal, inquit Christus, evanuerit, in quo salietur?* In quem locum D. Augustinus l. 1. de serm. Dom. in monte. Si vos, per quos condiendi quodammodo

modo sunt populi, metu persecutionum temporalium amiseritis regnum celorum, qui erunt homines, per quos à nobis error auferatur, cum vos elegit Deus, per quos errorem auferret ceterorum? Sicut ergo tota Ecclesia in ijs, quæ ad fidem spectant, errare non potest, ita, & multò minùs, totius Ecclesiæ Doctores, qui Ecclesiam in Concilio universali repræsentant; alioquin oporteret Magistros à discipulis, Pastores ab ovibus, aurigam ab equis regi, corrigi, quo nihil absurdius dici potest, & tamen dicendum esset datâ Ecclesiæ infallibilitate (quam Græci ἀναμαρτυρίαν vocant) & negatâ Pastoribus. Hi tamen cum non omnes in Concilium convenire possint (quis enim fideles interea pasceret Pastoribus procul advocatis?) hoc ipsum privilegium non errandi præsentibus Concilio à Christo concessum est dicente: *Ubiunque fuerint duo vel tres in nomine meo congregati, ibi sum in medio eorum. Matth. 18.*

II. Conditiones verò ad Concilium universale necessarias communiter DD. has statuunt.

*Prima;* Ut summi Pontificis mandato vel approbatione fiat, & Patres ad Concilium convocentur. *c. 1. 2. & seqq. d. 17.* quod videmus in primis quatuor Concilijs observatum etiam esse, quæ B. Gregorius eadem veneratione quâ Evangelia prosequabatur, ut habetur *in c. sicut. d. 15.* De Concilio Nicæno primo patet ex præfatione ad Canones Concilij Nicæni, & præfatione ad ipsum Concilium ex S. Isidoro, & epistola synodali ad Sylvestrum Papam *l. 4. Concilij Nicæni*, quæ videri possunt *T. 1. Concilior. Veneta editionis.*


*Secunda Conditiō est,* ut Concilio Pontifex per se vel suos Legatos interfuit. *c. 2. & 6. d. 17.* Primo Nicæno nomine Sylvestri Papæ interfuerunt Osius Episcopus Cordubensis, Macarius Episcopus Hierosolymitanus, Victor & Vincentius Presbyteri Romani, ut habetur in epistola Synodali ipsius Concilij. *Nobis f. 569. Tomi 1. Concilior.* Concilio Constantinopolitano primo non interfuit quidem, multoque minùs per se suosque Legatos præfedit Damasus Papa, quoddam Patres Romam ad aliud Concilium evocasset, ut patet ex epistola ab iisdem ad Damasum scripta, & actis Concilij Constantinopolitani inserta: confirmatum tamen à Damaso fuisse, immo ejus jussu & Theodosij indictum colligitur ex sexta Synodo Constantinopolitana. *Act. 18. post subscriptiones PP. nobis f. 362. col. 2.* Et videri potest Baronius ad annum ccclxxx1. Concilio Ephesino præfedit  
per




per suum Legatum S. Cyrillum, Cælestinus Papa, ut constat ex hujus ad Cyrillum epistola *Tomo 1. Concilij Ephesini cap. 16.* & tres alios Legatos ad Concilium missos, Arcadium videl. Projectum & Philippum, qui tempestatibus jactati sub finem Concilij Ephesum appulerunt, ut habetur *Tom. 2. Concilij Ephes. c. 13.* Concilio Chalcedonensi per Legatos Paschasium, Lucentium, Bonifacium & Basilium præfuit Leo Papa, ut videre est in omnibus Concilij actibus, præsertim *Actione 3.*

*Tertia conditio est, ut evocatio Episcoporum sit generalis, nec ullus Episcopus, ex quacunque orbis parte adveniat, excludatur; alioqui Concilium non erit generale, sed tantum provinciale, vel nationale, &c. colligitur etiam ex c. 9. d. 19. & ratio est præter allegatam, quia ad Concilium Provinciale ab Archiepiscopo omnes Episcopi totius Provinciæ vocandi sunt. d. 18. per totum; ergo ad Concilium universale Episcopi totius orbis, cum Papa dicatur Archiepiscopus orbis. d. 25. in fin. ejusque Provincia sit totus mundus: accedit, quod omnes tangit, ab omnibus approbandum esse. de reg. j. in 6. causa verò fidei & Religionis omnes tangit, ergo omnibus vocatis, sed non comparentibus auctoritas definiendi penès præsentes est, juxta promissum Christi *Matth. 18. Ubi sunt duo vel tres in nomine meo congregati, ibi sum in medio eorum.* Non ergo numerus Episcoporum Concilium generale facit, sed jus omnibus factum, & saltem, ut ex majori parte Christianarum Provinciarum aliqui adveniant, omnes enim convenire res est impossibilis; nec credi debet, voluisse Christum auctoritatem Ecclesiæ necessariam ad casum eventumque impossibilem adstringere; & ideò licet Concilium Carthaginense nationale tempore D. Augustini Episcopos 217. numeraverit, Concilium verò Constantinopolitanum primum 150. hoc generale fuit, non illud: & ad Concilia in Oriente habitata pauci Occidentalium, sicut ex adverso ad Concilia Occidentis pauci Orientalium convenêre, nec minùs tamen consensu omnium universalia habita sunt. Vide S. Antonin. 3. p. l. 23. §. 7.*

*& Bellarm. de Concil. c. 17.*





## §. II.

*Origo, Neceſſitas, Commoda & Incommoda  
Concilij Oecumenici & univerſalis.*

## SUMMARI A.

1. *Neceſſitas Conciliorum multis modis probata.*
2. *Eorumq; Commoda.*
3. *Incommoda.*



I.

Ocuit Albertus Pighius de Hierarchia Ecclesiastica l. 6. Concilia universalis juris humani tantum esse, Belarminus verò juris Divini. Nos Divino & Naturali jure Concilia aliqua instituta & præcepta esse credimus: sicut enim oportet esse scandala & hæreses in Ecclesia Christi *Matth. 18. ad Cor. 1.* Ita oportuit judicium aliquod & cathedram constitui, ubi hæreses finirentur, & scandalis remedium esset; id verò in Concilijs præstatur: quamvis enim summa decidendi auctoritas stet penès Pontificem, hic tamen nec debet, nec potest in causis fidei sententiam præcipitare, suoque judicio fidere, tot morbis obnoxio, sed maximâ quâ potest industriâ multorumque consilio rem examinare, & tunc expletis omnibus diligentia humanæ numeris sententiam ferre; præsertim si Pontificis auctoritas ipsa impugnetur, ut in ultimis Lutheri & Calvinii hæresibus, nunquam solus hæreticis fidem faciet; & idè omnium sæculorum praxis habuit, ut in rebus arduis magnique momenti Concilia vocarentur, sanctique Patres eorum necessitatem sæpe testati sunt. S. Aug. *lib. 4. contra duas epistolas Pelagianor. c. 12.* S. Isidor. *in præfat. Concil.* Idem S. Aug. *l. 1. de Bapt. contra Donatist. c. 18.* S. Cypr. *l. 2. epist. 1. ad Stephanum,* & denique Concilium Tolet. XI. *in ipsa præfatione,* & habetur *Tom. 3. Concilior.* cujus necessitatis luculentum exemplum dedit Concilium Constantinense, quo 30. annorum schisma & summa rerum confusio tandem extin-

extincta est, nunquam extra Concilium extinguenda. Quodsi Concilia sunt necessaria, hoc ipso erunt jure Divino & Naturali instituta, quæ in necessarijs non deficiunt. Ipse naturalis instinctus, cum in dubijs arduisque versamur, ad plurium opem & consilia nos vertit, & imprudentiæ notaretur, qui sui fiduciâ solus nulloque comite viam multis periculis opsessam ingrederetur. Hoc ipsum docuit Innocentius in c. 3. d. 20. *Si omnibus inspectu, inquit, hujus questionis qualitas non lucidè investigatur, seniores Provincia congrega, & eos interroga; facilius namque invenitur, quod à pluribus senioribus queritur; verum enim repromissor Dominus ait: Si duo vel tres ex vobis convenerint super terram in nomine meo, de omni re, quamcunque petierint, fiet illis à Patre meo. Et Cælestinus III. in c. 21. de Off. & Potest. Jud. del. Illa fuit antiqua Apostolica sedis provisio, ut hujusmodi causarum recognitiones duobus quàm uni, tribus quàm duobus libentius delegaret, cum sicut canones attestantur, integrum sit judicium, quod plurimorum sententijs confirmatur. In ipso homine natura tenatum aliquem & synodum expressit, in qua sensus referunt, intellectus judicat, voluntas imperat causamque decedit. Ipse Deus cælo terraque conditis, ubi ad hominis creationem pervenit, rem videl. tanti pretij tantique impendij, & Deo aliquando tot curas & negotia facturam, suffragijs velut in Concilio initis, *Faciamus, inquit, hominem ad imaginem & similitudinem nostram. Gen. 1. Vide Rupert. in hunc locum.**

In lege Mosaica decidendis gravissimis causis senatum quendam seu Concilium constitutum fuerat, quod Synedrim vel Sane-drim vocabant, constabatque septuaginta viris partim sacerdotibus, partim etiam ex quavis tribu primarijs viris, summo Pontifice omnibus præsidente. De quo vide Sigonius l. 6. de Rep. Heb. c. 7. In hoc Concilio jus & sententia illis causis dicebatur, quæ apud inferiores judices finire non poterant, propositâ capitis pœnâ non parentibus. Dissidentibus judicio & sacerdote, hujus ultimum & præcipuum suffragium, immo judicium erat, à quo appellari non poterat, ut habetur Deut. c. 21. v. 5. ubi: *Accedentque sacerdotes filij Levi, quos elegerit Dominus Deus tuus, ut ministrent ei, & ad verbum eorum omne negotium, & quidquid mundum vel immundum est, finiatur. Et Deut. 17. v. 8. Si difficile & ambiguum apud te judicium esse perpexeris, inter sanguinem & sanguinem, causam & causam, lepram & lepram, & Judicium intra portas tuas videris verba variari, surge & ascende ad locum, quem elegerit Dominus Deus tuus, veniesq, ad sacerdotes Levitici generis, & ad Judicem, qui fuerit illo tempore, quaresq,*

ab eis, qui indicabunt tibi iudicij veritatem, & facies quodcunque dixerint, qui præsunt loco, quem elegerit Dominus, & docuerint te, sequerisq; sententiam eorum, nec declinabis ad dextramneque ad sinistram: qui autem superbierit nolens obedire sacerdotis imperio, qui eo tempore ministrat Deo tuo, & Decreto iudicis, morietur homo ille. Ubi nota, Abulensem ad hunc locum scribere, summum Pontificem vocari hîc Judicem, quod ipse solus in Concilio, audito aliorum iudicio proferret sententiam: sic Caiphas in Christum Joan. 11. v. 50. Ananus Pontifex in Jacobum fratrem Domini sententiam dixit teste Josepho lib. 20. c. 8. fuisse enim sacerdotes non in causis tantum sacris, sed etiam civilibus iudices testantur Josephus l. 2. cont. Apionem. & disertè Ezech. c. 44. v. 24. ubi, Populum meum docebunt, quid sit inter sanctum & pollutum, & inter mundum & immundum ostendens eis; & cum fuerit controversia, stabunt in iudicijs meis, & iudicabunt.

Apud Romanos tanta fuit Augurum dignitas, (nam & ipsi sacra procurabant) ut de illis Cicero l. 2. de Legib. Quaque Augur injusta, nefasta, vitiosa, dira dixerit, irrita insectaq; sunt, quiq; non paruerit, capitale esto. Et idem Cicero pro domo sua ad Pontifices: Istos & religionibus Deorum & summa Reipublica à Majoribus prefectos esse.

De Pontifice Maximo Romanorum Zosimus apud Thomam Dempsterum l. 3. Antiquit. c. 21. Unus Pontificum omnium supremus erat, qui & Maximus dicebatur, quod maximatum rerum, quæ ad sacra & Religionem pertinent, iudex esset & vindex contumacia privatorum & Magistratum. Festus etiam ait, Pontificem maximum iudicem, & arbitrum esse rerum divinarum atq; humanarum. Hæc Dempsterus.

De Gallorum Sacerdotibus, quos Druidas vocat, hæc scribit Cæsar l. 6. belli Gallici. Illi rebus divinis intersunt, sacrificia publica & privata procurant, Religiones interpretantur, de omnibus serè controversijs publicis privatisq; consueunt: & si quod est admissum facinus, si cades facta, si de hereditate, si de finibus controversia est, iidem decernunt; præmia penasq; consueunt: si quis aut privatus aut publicus eorum decreto non stetit, sacrificijs interdiciunt: hæc pena apud eos est gravissima: quibus ita interdictum, ij numero impiorum & sceleratorum habentur; ijs omnes decedunt: aditum illorum sermonemq; defugiunt: neque ijs petentibus jus redditur, neque honos ullus communicatur: His autem omnibus Druidibus præest unus, qui summam inter eos habet auctoritatem. Ij certo anni tempore in finibus Carnutum, qua regio totius Gallia media habetur, confidunt in loco consecrato: huc omnes undique, qui controversias habent, conveniunt,

niunt, eorumq; judicijs decretisq; parent, neque tributa unà cum reliquis pendunt, omniumq; rerum habent immunitatem, &c.

De Sacerdotibus Ægyptijs Strabo l. 17. de Meroitarum moribus: In Meroë olim primum ordinem sacerdotes obtinebant, qui tantam auctoritatem habebant, ut nonnunquam misso nuntio mortem Regis imperarent, & pro eo alium faciebant.

Eadem ferè de Ægyptijs l. 14. Variar. 34. de Persis Eusebius in Chronico. De Athenientibus & Arcopagitis Josephus lib. 14. Antiquit. c. 19. narrant.

Omnium ergo gentium consensus hanc de rebus maximis judicandi auctoritatem præsertim divinis sacerdotibus concessam, naturalis, non humani juris esse convincit; humanum enim jus variat, nec apud omnes est idem.

II. Et verò multa esse & magna, quæ à Concilijs proveniunt bona, nemo inficias verit: à pluribus oculis plura videntur; & quantum multitudo consilij & opinionib<sup>9</sup> secum pugnans Reipublicæ nocuit, tantum profuit unita, & in eundem finem conjuncta: hinc ab exordijs Ecclesiæ usq; in hanc diem Concilia sæpe repetita hæreses & schismata profligârunt felici semper eventu; esto enim non semper devictis hæreticis, at semper confirmatis Catholicis, munitâ veritate, paratisque contra serpentem luem remedijs, nam & medicinæ pars & officium est secari, quod sanari non potest. Deinde vocatis ex toto orbe Pastoribus facile & in promptu est, quæ singulis Provincijs conducant primum scire, deinde etiam decernere, obfuturis utique remedijs, si eadem singulis applicentur; nec enim quod Italiæ, hoc Germaniæ, hoc Galliæ proderit, cum non minus varia sit morum quàm corporum complexio. Denique ab omnibus statuta obstinatum etiam animum frangunt, facilius minori que verecundiâ omnibus cedentem quàm paucis, aut saltem publico risui & indignationi exponunt, cum stultissimus sit, qui contra tam multos, tam magnos, tam sanctos sapientesque, & explicandæ veritati à Deo electos sapere velit, idque contra expressam Evangelij doctrinam: *In cathedra Moysi sederunt Primores & Pharisei, quæ ergo dicunt facite, quæ verò faciunt, facere nolite, &c. Matth. 23. Et: Qui vos audit, me audit. Qui vos spernit, me spernit. Luc. 10.*

III. Sunt tamen Concilijs sua etiam incommoda, præsertim cum nimis frequentia: nec expediat semel decisa, & tot miraculo-

rum, Martyrum Confessorumque testimonijs confirmata in dubium iterum & examen vocare, quo nomine non à SS. Patribus tantum, sed etiam ethnicis malè audiit Constantius, inter quos Ammianus Marcellinus lib. 26. hæc scribit: *Christianam Religionem absolutam & simplicem aula superstitione confundens: in qua scrutanda perplexus, quamquam componendi gratiâ excitavit dissidia plurima, qua progressa fusiùs aluit concertatio verborum, ut catervis Antistitum jumentis publicis ultro citroq, discurrentibus per Synodos, quas appellant, dum ritum omnem ad suum conatur trahere arbitrium, rei vehicularia succideret nervos.* V. Gregor. Nazianzen. epist. 55. ad Procopium, ubi scribit: *Numquam sine periculo & offensione sacerdotum haberi Conventus.* Et in eadem epistola: *Ego, inquit, si vera dicere oportet, ita omnia Episcoporum Concilia fugio, quoniam nullum Concilij finem latum, saustumq, nec quòd depulsionem malorum potiùs, quàm accessionem & incrementum habuerit, vidi.* Axioma est Astronomicum, sed nec minùs Politicum: *Adunationem Planetarum nunquam fuisse bonam.*

Rarò est multitudo sine opinionum varietate, & hæc sine discordia, quæ in rebus fidei perniciosissima, cum fides nec opinionēs, nec dubium admittat. Quas turbas Basileense Concilium & Pisenum in Ecclesiam concitârunt? quot à Principibus, ab Episcopis, à bello, à peste difficultates excitatæ? quot cum Regibus & Imperatore susceptæ, de loco, de modo, de translatione concertationes, exituræ in offensas animorum, nisi prudentia & Deus præsertim obstitissent? & Concilij tandem absolutis, quot iterum promulgationi objectæ remoræ, calumniæ, exceptiones? nec propterea tamen expugnata hæreses, sed potiùs materia & occasio mendacijs data, ut non immeritò Clemens VII. Carolo Imperatori Concilium urgenti rescripserit: *Multos Purpuratorum credidisse Concilium haud profuturum.* Profuit enim verò Concilium, sed tot tantæque difficultates sunt illud comitatæ, ut planè apparuerit, hoc remedium in extrema, & cum alia non superant, conferendum esse.

Auro digna sunt, quæ in hanc rem Martianus Imperator edicto suo inseruit, *Ad finem actionis tertia Chalcedonensis Concilij: Verè impius atq, sacrilegus est, qui post tot sacerdotum sententiam opinioni suæ aliquid tractandum relinquit.* Extrema quippe dementia est in medio & perspicuo die commentitium lumen inquirere; quisquis enim post veritatem repertam aliquid ulterius discutit, mendacium quarit; nam injuriam facit judicio religiosissima Synodi, si quis semel judicata ac rectè disposita revolvere, & publicè disputare contendit, &c. Videatur etiam Lex 4. C. de Summa Trinitate.



S. III.

*Quando hac quaestio de superioritate Concilij supra Pontificem agitari cœpta, & quas ob causas?*

S U M M A R I A.

- 1. Origo hujus Quaestionis ex schismate nata, & partim à Catholicis in Concilijis Parisiensi, Pisano, Constantinopolitano, Basileensi producta, partim à Lutheranis.*
- 2. Sed varias ob causas, alijs publicum, alijs privatum lucrum spectantibus.*

I.



Ibenter in rerum causas inquirimus, ea enim agendi ratio jam passim inolevit, ut aliud homines ostendant, aliud agant, pulcherrimâ rerum facie fœdissimoque recessu, & cortice plerumque oculos fallente. Qui Concilium Pontifici Max. præferunt, Religionem, correctionem abusu, fidei causam, & alia multa dictu audituque pulcherrima prætexunt; sed an ex vero, à principiis ipsis intellige.

Videtur huic quaestioni initium occasionemque inprimis dedisse obstinatum illud schisma, quod post mortem Gregorij XI. Anno MCCCCLXXVIIII. tenuit usque in MCCCCXVII. tribus subinde Pontificibus Romanam sedem occupantibus; tunc enim sæpe multumque agitarum de figendis Pontificiz auctoritati limitibus, cujus ambitione Ecclesia fidelesque discordijs peribant; anno enim MCCCXCIV. agente Carolo VI. Francorum Rege Concilium Parisijs habitum, quo Petrus de Luna, Benedictus XIII. appellatus, natione Aragonius, Papatu ejectus, nullo tamen exitu. Spondanus ad  
hunc



*hunc annum.* Non multò pòst, Anno videl. MCCCCIX. Benedicto abire Pontificatu recusante, schismati exstinguendo Concilium Pisis à Cardinalibus indictum, qui datis ad varias provincias litteris Patres ad Concilium evocârunt: litteris adjunctæ conclusiones quædam, ab Universitatibus Parisiensi & Bononiensi conceptæ, quarum hæc summa: Teneri Gregorium & Benedictum ex debito charuati pastoralisq; officij jure, quod habebant ad Pontificatum, cedere; ne in tanto Ecclesiæ squallore & fidelium clade plus dignitati suæ, quàm publico bono studere viderentur: idq; multo magis, quodà voto & juramento se obligassent; si recusarent, hoc ipso tamquam schismatis auctores hæresisq; suspectos, & tot malorum scandalorumq; ac contentionum duces sub Concilij & Ecclesiæ judicium & potestatem cadere, ab eaq; destitui posse: teneri verò fideles omnes ab eorum obedientia cultuq; cessare, ne si obedire alterutri pergant, in schisma consentire videantur. Videri possunt hæ conclusiones sigillatim apud Theodoricum de Niem. l. 3. schismatis c. 38. & habentur apud Severinum Binium Tomo 3. Concilior. p. 2. in notis ad Concilium Pisan. Patres verò ubi Pisas convenerunt, Gregorio & Benedicto in Concilium citatis, nec comparentibus sententiam dicunt adimuntq; Pontificatum tanquam hæresi tinctis & notoriè schismaticis: à Cardinalibus deinde electus est Petrus de Candia, & Alexandri V. nomen impositum. Nec tamen hæc electione diremptum certamen, sed potiùs auctum, novo Duce novoq; manipulo in aciemeductis. (a) Secutum est Concilium Constantiense Anno MCCCCXIV. quo schismati finis impositus, & sess. 4. & 5. definitum, Concilium universale in casu schismati dubio Pontifici imperare & leges ac pœnas statuere posse, quod Anno MCCCCXXI. in Concilio Basileensi postea repetitum sess. 13. Anno MDX. bello inter Julium II. & Ludovicum XII. accenso, Turonis in Gallia conventus Episcoporum habitus, & Pontifex Julius ad Concilium vocatus, quod Pisis primùm, deinde Mediolanicoauctum execrationi omnibus fuit, teste Guicciardino l. 9. in fin. & postea dissolutum, opposito Concilio Lateranensi à Julio inchoato, finitoq; per Leonem X. in quo etiam auctoritas Papæ supra Concilium definita est. sess. 11.

Anno MDXVII. Emerfit Lutherus, varijsque erroribus Ecclesiam turbavit, dictaq; illi die, & causâ Cajetano Cardinali commissâ, priund ab hoc tanquam judice suspecto, tum à Papa

malè

(a) V. S. Antoninum 3. p. summæ hist. T. 22. c. 5. §. 2.

malè conscio ad Papam meliùs edoctum, deinde à Papa ad Concilium provocavit: postea ubi hoc coactum vidit, de Concilio ad Scripturam, & ab hac ad criteria spiritumque & instinctum privatum, hoc est, ad seipsum appellavit, librumque edidit, cujus summa: *Nihil opus esse Concilijs*: quo libro canones Concilij Nicæni fœnum, stramen, lignum, stipulas vocat, ut omnino apparuerit, Concilium ab eo moræ, non veritatis causâ fuisse appellatum. *Anno MDLII.* Apparuerunt in Tridentino Concilio Oratores Ducis Saxonie, qui inter alia quarto loco postulârunt, ut Tridentini Patres ante omnia ad normam Constantiensis & Basileensis Conciliorum declararent, Pontificem in ijs, quæ ad fidem moresque pertinent, Concilio subesse. (a) Ludovicus Imperator à sententia Joannis XXII. ad futurum Concilium provocavit, *Anno MCCCXXIV.* verba provocationis sunt: *Ad productum Generale Concilium appellamus, quod instantè cum instantia repetita loco tuto nobis & nostris convocari petimus, & congregari, &c.* (b)

II. Ex dictis facilè constabit, pro diversis animorum affectibus diversas quoque fuisse causas Pontificem Concilio submittendi; qui enim bonum publicum & Religionem spectabant, contenti erant intra necessitatem Concilium præferre, hoc est, in causa schismatis dubijque Pontificis; sic in Concilijs Pisano & Constantinopolitano factum. Quibus verò non tam publicum quàm proprium privatumque lucrum cordi erat, quique non tam Ecclesie periculo quàm suo cavebant, simpliciter & extra publicam schismatis causam Concilium præponebant, noto politiciis arcano, quibus in præsentibus extremisque malis dilatio remedium est, periculum aut avertente morâ, aut differente. Ergo quemadmodum & aram innocens & reus tenent, sed hic pœnarum metu, ille Religionis studio; sic etiam non eadem omnibus causa fuit Concilium ante Pontificem habendi, multis videl. futurum potiùs judicem & difficilè proditurum eligentibus, quàm præsentem paratumque; si enim sibi suæque causæ fiderent, & publicum bonum privato præhaberent, nunquam Concilium cum Papa, hoc est, regnum cum Principe, caput cum corpore, ovesque cum Pastore colliderent, & schismati causam darent, quod certissimè timeandum

T t

est,

(a) V. Pallavic. in hist. Concilij l. 12. c. 15. n. 124

(b) V. Azor. ad hunc Annum, & Spondan.

est, si Concilium Papæ indubitato certoque opponas, eodem postea artificio cum Concilio pugnaturus, quo cum Papa; quod in Protestantibus manifestum fuit: appellârunt ij, ut dicebant, ab injustissimo violentissimoque judicio Pontificis ad liberum, Christianum, legitimum, & in Spiritu Sancto congregatum Concilium; sed negârunt Tridentinum Concilium liberum fuisse, legitimum, & in Spiritu Sancto congregatum, negabuntque deinceps omnia; quæ illis non faverint, exemplo videl. illius laqueo damnati, qui gratiam à judice petijt arborem eligendi quæ placeret, sed nulla placuit. Quisquis ergo Concilium optat, ut Pontificis sententiam evadat, eodem pacto Concilio illudet, aut mille modis, ne conveniat impedito, aut mille exceptionibus, ne legitimum videatur, impugnato; aut denique non recepto. Exempla præter Tridentinum sunt in Concilijs Lateranensi ultimo & Florentino. Quis Principum, immo quis Episcoporum patiatur à suis sententijs ad Comitatus aut Synodos appellari? & si appellaretur, non continud dicat, moram & dilationem quæri malæ causæ, turbarique Rempublicam? Idem, multoque magis de Pontifice Max. dicas, cui Ecclesia commissâ est, non ipse commissus Ecclesiæ; neque enim à Christo dictum est Petro: *Ædificabo petram supra Ecclesiam: sed Ecclesiam super Petram.*

## §. IV.

*Summum Pontificem supra Concilium esse ex  
SS. Litteris probatur.*

## SUMMARIA.

1. *Expenditur celebris locus Deus. 17.*
2. *Et Matth. 16.*
3. *Lucæ 22.*
4. *Joann. ult.*
5. *Actor. 15.*
6. *Scripturam semper Pontifici, nunquam Concilio Primatum deferre.*

I.

**R**imus locus est *Deut. 17.* jam à nobis expensus §. 2. ubi licet expressa mentio magni Concilij Sanedrim fiat, ad quod causæ dubiæ & inextricabiles referri debeant, ut tamen intelligas ultimum iudicium, & quo causa finiretur, non Concilij totius, sed summi sacerdotis fuisse, adjungitur: *Qui autem superbiert nolens obedire sacerdotis imperio, qui eo tempore ministrat Domino Deo tuo, & decreto judicis, morietur homo ille.* Ubi vides non dici: *Qui autem superbiert nolens obedire Concilij vel sacerdotum imperio,* sed *Sacerdotis imperio,* penès quem summa erat auctoritas decidendi. Ad hunc celebrem locum *Deuteronomij* intelligendum notentur sequentia.

*Primò* fuisse Septuaginta Judices in loco Sanctuarij, qui erant de Consistorio, quod vocabatur Domus Judicij: hi verò assistebant summo Sacerdoti judicanti non solum ut Consiliarij, sed etiam ut habentes potestatem judicandi, quemadmodum & Episcopi in Concilijs, qui non tantum consulunt, sed verè decidunt, ut patet ex eorum forma subscribendi, & idè in littera, ubi noster habet: *Indicabunt tibi judicij veritatem:* Septuaginta vertunt: *Annuntiabunt tibi iudicium.* Vide Abul. in hunc locum q. 4.

*Notandum 2.* Summum sacerdotem solum nomine & consensu omnium tulisse sententiam tanquam Præsidem Concilij: quemadmodum in Concilijs videmus Legatos summi Pontificis nomine etiam ex suffragijs Patrum decreta statuere & pronuntiare. Abul. cit. q. 4.

*Notandum 3.* Præcipuas tamen in Concilio judicandi partes ad summum Pontificem pertinuisse, non tantum quod ipse sententiam proferret, sed etiam quod scissis in diversas sententias partibus ea prævaleret, cui Pontifex accederet, nec posset Concilium contra illum prævalere, quod ex multis patet, nam, ut diximus, Pontifex nomine omnium sententiam dicebat: nunquam verò sententiam diceret, quam improbareret: eratque hoc Concilium ultimum tribunal, à quo, ut ex verbis patet, non dabatur appellatio: lis autem finiri non potuisset, nisi ex Pontificis sententia; quis enim aliàs discordantes, aut pares numero componeret, maxime cum Pontificis suffragium multis alijs æquivaleret? Et idè in littera summi Pontificis semper est mentio: *Facies quodcumque dixerint qui præsum loco, qui in*

elegerit Dominus (hi erant summi Sacerdotes) & docuerim te juxta legem eius, sequensq; sententiam eorum, nec declinabis ad dextram neque ad sinistram. Qui autem superbiis nolens obedire sacerdotis imperio, qui eo tempore ministrat Domino DEO tuo, morietur homo ille. Ubi vides, summam judicandi potestatem summis sacerdotibus adscribi, qui in officium Pontificale sibi succedebant. Quod expressè dicitur Num. 27. Pro hoc siquid agendum, Eleazar Sacerdos consulit Dominum: ad verbum ejus ingreditur & egreditur ipse (Josue) & omnes filij Israël cum eo, & cetera multitudo.

Notandum 4. Solius summi Sacerdotis fuisse, siquid in lege expressum non esset, Deum & Oraculum consulere, quod fiebat vel per Prophetam, sine quo Sacerdos Magnus teste Josepho apud Abulensem hic q. 4. nunquam pronuntiabat: vel per Oraculum Deo ex Sanctuario (quò soli Pontifici aditus patebat Levit. 16.) responsum ad quæsitâ reddente: vel denique per rationale *Urim & Tummim*, quæ vestis erat summi Sacerdotis gemmata, quâ pectus velabatur, habebatque magnis litteris hæc duo verba inscripta: *Doctrina & veritas*. Et quia ex hac veste Oracula fundebantur, græcè vocatur λόγιον, quasi dicas, vestem sermocinantem; sciendum enim est, summum Pontificem per hanc vestem pectoralem solitum fuisse Deum in duobus consulere, ab eoque responsa accipere, ex quorum præscripto populo jus & sententiam dicebat, ut patet, Exod. 28. n. 30. Et gestabis judicium filiorum Israël in pectore suo in conspectu Domini semper. Quamvis Interpretes de modo Oraculi dubitent. Alij enim volunt fuisse adamantem limpidissimum, qui populo scelere aliquo impiato, colore fusco tingeretur: si à Deo irato pœna aliqua impenderet, sanguineo ruberet: innocente populo instar nivis candesceret. Alij dicunt, in gemmis, quæ rationale intgebant, velut in speculis Deum per imagines & symbola, quæ fieri veller, adunbrasse. Alij, duo parva simulacra Dei vel artificum manu affabrè facta, quæ inter sinus plicisque rationalis Sacerdoti responderent. Alij denique, ipsas gemmas rationali intextas, per quas Sacerdotem Deus irradiabat, ut aptè ad quæsitâ responderet, quæ propterea *Urim & Tummim*, hoc est, *doctrina & veritas* dicebantur, quodd *doctrina & sententia* sacerdotis verissima esset. Quâ ratione apud Ægyptios summus Sacerdos imaginem veritatis in sapphyro sculptam ad pectus è collo gestabat teste Æliano l. 14. l. 34.

Notandum 5. Judicem, cujus in hoc textu Deut. 17. aliquoties fit mentio, fuisse aut ipsum summum sacerdotem, aut ejus Vicarium, à quo ad ipsum Pontificem appellatio non dabatur: *Interdum enim*, inquit Abulensis in hunc locum q. 5. *Summo Sacerdoti occupato, aut aliis absente, Vicarius suus loco ejus proferebat sententiam ex consensu aliorum Judicum, id est, Seniorum de domo Concilij, sive judicij, & tunc si aliquis non obedi- ret Decreto ejus, mori debebat, cum non esset alius judex superior.*

Notandum 6. Illa verba quæ in nostra vulgata habentur: *Et docuerint te juxta legem ejus*, intelligenda esse assertivè, hoc est, sententiæ & judicio sacerdotis acquiescere debent subditi, & præsupponere sacerdotum & Pontificum judicium esse juxta legem Dei, ut habetur Malachia 2. v. 7. *Labis sacerdotis custodiens scientiam, & legem requirentis ex ore ejus, quia Angelus Domini exercituum est;* nisi videl. manifestissimè constet sententiam Pontificis cum lege Dei pugnare, alioqui frustraneum & evanidum erit judicium sacerdotis, si, quoties tibi aut alteri videtur, recusare liceat; cui enim hæc exceptio præstò non erit? eccur ad sacerdotes & Pontificem mitto, si melius mihi quàm sacerdoti de sensu & sententia Scripturæ legisque divinæ constar? immo alium judicem constitui oportebit, qui de sententia Pontificis ferat decernatque, an ea juxta vel contra legem Dei sit dicta; & de hoc judice non minùs quàm Pontifice dubitari poterit, sicque lites erunt immortales & inextinctæ. Quòd si velis tunc solùm obediendum esse sacerdoti, cum ejus sententiâ manifestissimè in lege Dei est expressa, repugnas planè verbo Dei apertoque textui & rationi; nam quæ sunt evidentia, non egent judicio & sententiâ supremi Magistratûs: & Scriptura apertè dicit: *Si difficile & ambiguum apud te judicium esse perpexeris inter sanguinem & sanguinem, causam & causam, &c. & judicium intra portas tuas videris variare sententias, &c.* Quæ omnia ostendunt voluntatem Dei esse non tantùm in rebus apertis & clarè à Deo præceptis, sed etiam in dubijs ståndum esse Pontificis jussu & sententiâ: & idèd in versione Græca septuaginta sic habetur: *Et custodies valde facere juxta omnia quæ fuerint indicata tibi; juxta legem & juxta judicium quod dicent tibi, facies, &c.* Eodem modo habent Hebræica & Chaldaica, in quibus non apponitur illa clausula, *juxta legem DEI* sed supponitur & præsumitur in dubio, nihil contra Dei verbum & legem Pontifices & Concilium judicaturos.

Vides ex hæctenus disputatis, quæ fuerit auctoritas, & quàm

multæ prærogativæ in lege Mosaica summi Pontificis supra Concilium; solus nimirum Pontifex Sanctuarium ingreditur responsum in dubijs à Deo accepturus, solus Oraculum consulit, & à Deo edocetur, solus iudicium & veritatem ad pectus gestat, solus sententiam in Concilio pronuntiat, soli denique summo sacerdoti, non Concilio dicitur: *Qui autem superbierit nolens obedire sacerdotis imperio, morte morietur.* Hæ prærogativæ in lege Mosaica summo Pontifici concessæ, cum non pertinuerint ad leges ceremoniales, sed potius ad morales, videl. ob unitatem Ecclesiæ, pacem fidelium, discordias, & schismata vitanda litesque finiendas, multò magis concedendæ sunt Pontifici Romano in statu legis Evangelicæ, ne dicamus, melius Deum antiquæ quàm novæ legi providisse, plus Synagogam quàm Ecclesiam, hoc est, plus ancillam quàm sponsam dilexisse.

II. Secundus locus Scripturæ habetur *Matth. 16.* ubi cum Christo Apostolos roganti: *Vos autem quem me esse dicitis?* Respondisset Petrus: *Tu es Christus Filius Dei vivi:* subiecit Christus: *Beatus es Simon Barjona, quia caro & sanguis non revelavit tibi, sed Pater meus qui in cælis est: & ego dico tibi, quia tu es Petrus, & super hanc Petram edificabo Ecclesiam meam, & Porta inferi non prævalebunt adversus eam. Et tibi dabo claves regni cælorum, & quodcunque ligaveris super terram, erit ligatum & in cælis: & quodcunque solveris super terram, erit solutum & in cælis.*

Circa hæc verba Christi ad Petrum, ut ex illis efficax argumentum ducatur, noranda sunt aliqua.

Notandum igitur primò; Christo interrogante: *Vos autem quem me esse dicitis?* reliquos Apostolos tacuisse, & velut quid responderent hæsitasse; quamvis etiam ante hanc Petri confessionem Christum Deum esse credidissent *Matth. 14. 33.* tot videl. miraculis & Christi assertionem toties edocti, valde tenuem tamen rudemque, & velut consulum de hac re conceptum formabant, nesciebantque quâ ratione Christus Filius DEI esset, an videl. per æternam generationem, consubstantialitatem, aut alio modo; quemadmodum qui Astrologiæ imperitus procul in cælo stellam aliquam intueretur, scit quidem stellam esse, sed mobilem an fixam, quâ magnitudine, altitudine, situ, motu, influxu, non audet dicere; sic neque Apostoli de Christo. Sed Petrus clariùs, distinctiùs, subtiliùs à Deo illustratus alijs tacentibus responsum occupat, & animosè constanter-

que



que Christum DEI esse Filium unigenitum, consubstantialem, æternum pronuntiat, & à Christo prolixè laudatur: *Beatus es Simon Bar-jona, quia caro & sanguis non revelavi tibi, sed Pater meus qui in cælis est.* Ex quibus Christi verbis volunt aliqui morem præstulisse, summum Pontificem specialiter *Beatissimum Patrem* compellendi.

Not. 2. Hæc verba: *Tu es Petrus, & super hanc Petram edificabo Ecclesiam meam*: omnino ad Petrū spectare, qui propterea Petra Ecclesiæ nominatur, quia ejus Pastor & Rector universalis est constitutus; hoc enim conceptus ipse litteralis evidenter ostendit, Christo semper ad Petrū & de Petro loquente, illiq; respondente, ut patet litteram examinanti, habentque omnes versiones; nam Syriaca habet: *Tu es Cepha (petra) & super hanc Cepham edificabo Ecclesiam meam.* Hebraica, quam velut authenticum & autographum Matthæi Evangelium edidit Munsterus, eodem modo: *Tu es Cepha, & super hanc Cepham &c.* Armenica: *Tu es rupes, & super hanc rupem &c.* Arabica: *Tu es saxum, & super illud saxum &c.* Æthiopica: *Tu es rupes, & super hanc rupem fabricabo domum Christianam.* Ægyptiaca: *Tu es hic Petrus, fundabo Ecclesiam meam super hanc Petram.* Persica: *Tu es sanac (petra) & super hanc Sanac edificabo, &c.* Paraphrasis Persica: *Tu es Sanac, id est, fundamentum & Judex, &c.* (a) Cur ergo Latina versio non scripsit: *Tu es Petra, & super hanc Petram edificabo Ecclesiam meam?* Quia secuta est Græcam, in qua *πετρός* & *Petra* æquè saxum significant, allusitque ad nomen proprium & appellativum Petri & Petræ. (b) Et ideò omnes SS. PP. Græci Latiniq; Petrum vocant Petram, crepidinem & fundamentum Ecclesiæ. V. Concilium Chalcedon. *Act. 13.* Athanasium in *epist. ad Felicem Papam.* Chrysostomum *homil. 55. in Matth.* Leonem Papam in *Anniversar. sua Assumpt.* Anacletum *epist. 3. c. 3.* Cyprianum. *de unit. Ecclesia, & in epist. ad Quintum. & lib. 4. epist. 9.* Originem *homil. 5. in Exod. & homil. 6. ad Rom.* Hilarium *lib. 6. de Trinit.* Basil. *l. 2. de Spiritu S.* Ambros. *Luc. 5. & serm. 47.* Hieron. in hunc locum *Matth. & l. 1. contra Jovinian. & Hierem. 16. & Ezech. 4.* Gregorium *l. 4. epist. 32. & 33. l. 3. epist. 37.* August. *serm. 11. 24. 20. 29. de Sanct. & serm. 124. de Temp. & Videatur etiam c. loquitur Dominus 24. q. 1. c. non turbatur 42. q. 1. c. Fidel. d. 50.*

*Nes*

(a) Vide Cornelium ex Petro Victore in Annotat. ad Novum Testamentum.

(b) Vide Dictionarium Scapulae Græco-latinum.

*Nec obstat, Quòd D. August. l. 1. Retrahat. c. 21. alijque Patres dicant, Petram de qua loquitur Christus, esse fidem & confessionem Petri ipsumque Christum, cui velut petrae lapidique angulari Ecclesia innititur, id enim verissimum est, nec pugnat cum peiori & litterali explicatione; nam & fides & confessio Petri est fundamentum Ecclesiae in abstracto, & tanquam ratio, ob quam Petrus ejusque successores sunt facti Primates & Pastores universales Ecclesiae, à quibus Ecclesiae firmitas, & in vera doctrina constantia tanquam ex certa & infallibili regula pendent, quem sensum habet Epiphanius l. 2. contra haeres. in 59. Christus verò longè magis longeque principalius Petra dicitur 1. ad Corinth. 3. & 10. Quia quidquid soliditatis & firmitudinis habet Petrus ejusque successores, totum est ex meritis, gratia & providentia Christi, cujus Vicarius tantum est Petrus; adeoque quidquid potestatis, auctoritatis & soliditatis in vicario est, multò plenius & excellentius erit in Principali, & propterea S. Thomae & Theologorum communis est sententia, potestatem excellentiae, quae fuit in Christo, nec Petro, nec Papae communicatam fuisse. Eodem pacto licet omnes Apostoli dicantur fundamenta Ecclesiae Apost. 21. & ad Ephes. 2. quia toto orbe terrarum Ecclesias fundarunt & instituerunt, istas isti, alias alij, illisque aequè ac Petro revelata sunt immediatè à Deo fidei & Religionis nostrae mysteria, quae voce & scriptis ubique terrarum docendo Ecclesiam fundarunt, Petrus tamen specialissimè, magnaque cum praerogativa fundamentum Ecclesiae à Christo constitutus est, quia & caput erat Apostolici Collegij, & ut Pastor non tantum delegatus ad plenitudinem causarum ut ceteri Apostoli, sed Ordinarius, & potestatem suam ad successores transmissurus, sicque non tantum semel, aut initio Ecclesiae nascentis, sed semper, & quamdiu illa duraret, fundamentum in successoribus suis facturus, quod omnes Catholici docent, creduntque. Audi S. Hieronymum l. 1. contra Jovinian. Licet super omnes Apostolos ex aquo Ecclesia fortitudo solidetur, tamen propterea inter duodecim unus eligitur, ut schismatis tollatur occasio. Et planè æquum fuit Petro ante alios Apostolos Christi divinitatem tam promptè constanterque testanti majorem etiam quàm illis potestatem concedi, ut ipsa Christi verba ostendunt Petrum tantum alloquentis, & omnia in illius laudem, fidem & remunerationem flectentis.*

*Notandum 3.* Hanc Petri dignitatem, summiq[ue] Pontificis munus non fuisse cum ipso Petro extinctum, sed ad ejus successores Romanos Pontifices dimanasse, quod est de fide, & in Concilio Constantiensi *sess. 8. 15. & 27.* definitum, traduntq[ue] omnes SS. Patres, ut videre est apud Bellarm. *l. 2. de S. Pontif. Suar. de fide d. 10.* & ex perpetua summorum Pontificum successione constat, de qua S. Leo *ser. 2. de Annivers. Assumpt. sue. Manet dispositio veritatis, & B. Petrus in accepta fortitudine Petra perseverans, suscepta Ecclesia gubernacula non relinquit, perseverat videl. Petrus, & vivit in successoribus suis.* Et ipsa ratio idem evincit; non enim semel tantum & initio constructionis Ecclesia fundamento, capite, Pastore indiguit, sed semper multoque magis Christo & Apostolis abeuntibus, gratia miraculorum restricta, & tanto agmine hæreticis Ecclesiam, & maxime Romanos Pontifices incurrentibus, ut videl. quod eleganter dixit B. Cyprianus *l. 1. ep. 3. Gubernatore sublato atrocius atq[ue] violentius circa naufragia Ecclesia hostis grassetur.*

Hæc prænotatis, quæ negati salvâ fide non possunt, facile jam fuerit ex allegato textu *Matth. 16.* superioritatem Pontificis Romani supra Concilium ostendere. Romanus Pontifex successor Petri fundamentum est non unius vel alterius Ecclesiæ, nec omnium Ecclesiarum sigillatim tantum & sparsim sumptarum, sed absolute Ecclesiæ Christi, ergo multò magis Concilij universalis, quod non est propriè, sed repræsentativè tantum Ecclesia Christi; quod verò repræsentat, semper minus est repræsentato quàm tali; si ergo est fundamentum Ecclesiæ & Concilij Romanus Pontifex, ab hoc Concilium, non ipse à Concilio pendeat, soliditatem & firmitatem in rebus fidei Concilio dabit, non accipiet: & Concilio nutante, ut olim Ariminense, & Ephesinum secundum, ipse stabit durabitq[ue], ut Petram decet, nisi fortè fundamentum aliquodingas, quod non sustentet, sed sustentetur; quod non portet, sed porretur, hoc est, fundamentum non fundamentum, petram non petram, &c.

Si Petrus ipse Concilio assideret, aut aliàs in Ecclesia versaretur, nemo utique negaret, in rebus fidei decidendis illum omni Concilio potiorē fore, nec ullius auctoritatis aut momenti Conventum futurum, qui Petro contradiceret; idem ergo de summo Pontifice dicendum est; licet enim non eadem sit persona Inno-

centij & Petri, eadem tamen est potestas, auctoritas, sacerque principatus, & uterque fundamentum Ecclesiæ.

Quando Christus Petro, ejusque successoribus dixit: *Super hanc Petram ædificabo Ecclesiam meam.* Vel hoc dixit Petro summoque Pontifici ut ab Ecclesia distincto, ejusque capiti; vel Petro ut Ecclesiam representanti, ita ut promissio tota in Ecclesiam dirigetur? si primum; ergo Petrus ejusque successores independentes ab Ecclesia & Concilio sunt fundamentum & firmamentum Ecclesiæ, & Concilium à Papa separatum tantum valebit, quantum domus à fundamento divisa. Si secundum dicas, verba scripturæ apertè torquentur, cum Christi verba & promissio in solum Petrum dirigantur; immo & ridiculus evadit sensus, & perinde est, ac si dicat Christus: *Fundabo Ecclesiam super Ecclesiam*: quid enim est aliud Petrus representans Ecclesiam, quàm ipsa Ecclesia in Petro representata? & quid possit dici à vera ratione & communi loquendi modo alienius, quàm legatum, qui representat Regem, esse fundamentum Regis; aut imaginem Palatii esse fundamentum, cui Palatium imponitur? cum contrarium potius dicendum sit. Verum quidem est, eam promissionem fuisse non soli Petro factam, sed toti Ecclesiæ, quia sicut fundamentum non est propter se, sed propter domum; nec Rex propter se, sed propter Regnum; quàmvis nec fundamentum à domo pendeat, nec Rex à Regno; ita potestas & sacra Petri Monarchia non est propter Papam, nec in ejus gratiam & utilitatem principaliter instituta, sed Ecclesiæ: sic tamen, ut ab hac non dependeat, & hæc ipsa independentia cedit in Ecclesiæ bonum, sicut independentia Regis à Regno, & Gubernatoris à nautis, & navigantibus istorum salus & emolumentum est: perirent si imperarent: & in hoc sensu verum est Petrum representasse Ecclesiam, ut optimè animadvertit D. Aug. *Tr. ult. in Joann. & in Psal. 108. & serm. 13. de verb. Domini.* Nec aliud voluit ubi scripsit: *Petrum Ecclesia figuram gessisse, eamq; representasse. Tr. 50. in Joann. l. de doctr. Christi. c. 17. & de agone Christi c. 30.* Denique animadvertendum est, non dixisse Christum: *Tu es Petrus, & te super Ecclesiam ædificabo, sed Ecclesiam super te*: jam verò si Concilium prævalet Petro, & istum docet, corrigit, judicat, punitque, Concilium esset Petra, non Petrus; dicendumque esset: Concilium est Petra, & super hanc Petram

Petram ædificabo Vicarium meum. Volve revolve sacram Paginam, sanctosque Patres quantum voles, nunquam invenies Petrum ædificari super Ecclesiam: claves Ecclesiæ committi super Petrum: Petrum pascendum aut docendum commendari: sed semper contrarium, ut proinde mirari subeat, ubi hanc dicendi phrasin modumque didicerint; *Concilium est supra Papam*, hoc est, oves sunt supra Pastorem, discipuli supra Magistrum, & fundamentum gestatur à domo.

Eandem probandi energiam habent alia verba, quæ sequuntur *Math. 16.* Et tibi dabo claves Regni Cælorum, & quodcumque ligaveris super terram, erit ligatum & in cælis, & quodcumque solveris super terram, erit solutum & in cælis. Per claves significatur summa potestas tum ordinis tum jurisdictionis in totam Ecclesiam, quam notâ & familiari in Evangelio phrasi *Regnum Cælorum* Christus vocat, teste B. Gregorio homil. 12. in Evangel. Clavibus potestatem significari & dari, habemus *Isaia 6. 22. Apoc. 3. & 1.* & passim in jure notum est ex *l. Clavibus 74. de contrah. empt. & §. 45. Instit. de R. D.* habetque communis usus modusque agendi; cui enim claves horrei vel thesauri tradendo, liberam utique committo potestatem claudendi, aperiendi, excludendi, admittendi, &c. cur enim aliàs traderem? & hæc clavium promissio (nam actualiter traditæ sunt claves Joannis ult. Christo à mortuis regresso) specialiter aded in Petrum directæ est, ut videatur Christus expressis Petri nomine, cognomine, Patre, pronomine demonstrativo, dictione copulativâ, alijsque characteribus, anxie laborasse, ne alteri videretur claves supremamque potestatem promississe: *Beatus es, inquit, Simon filius Jona, & ego dico tibi, quia tu es Petrus: & tibi dabo claves Regni Cælorum, &c.* Quid plus agere aut scribere posset notarius, ut nomen proprium certæ aliqujus personæ in instrumento publico exprimeret? & quamvis *Math. 18. & Joann. 20.* etiam reliquis Apostolis collata fuerit potestas ligandi, solvendi, remittendi que peccata, nunquam tamen commissæ claves regni Cælorum: ut intelligas potestatem ligandi & solvendi ad Episcopos aliosque Sacerdotes, limitatè tamen, & pro determinatis Ecclesijs pertinere; sed claves totius Regni Cælorum soli Petro ejusque Successoribus commissas fuisse. Sicut enim aliud est claves ærarij, aliud pecuniam ex ærario habere: illud plenitudinem, hoc portionem tantum potestatis ostendit:

Ita aliud est claves habere Regni Cœlorum, aliud potestatem ligandi, solvendi; hoc, partem; illud totum significat. Audi beatum Hilarium & expende in *Math. 16.* *O beatus Cœli Janitor, cujus arbitrio claves æterni aditus traduntur: cujus terrestri judicium præjudicata auctoritas sit in cœlo, ut quæ in terris aut ligata sint, aut soluta, statuti ejusdem conditionem obtineant & in Cœlo.*

Si ergo Pontifici non Concilio traditæ sunt claves regni cœlorum, major utique potestas aperiendi claudendique penes Pontificem, quàm Concilium est, nec poterit Concilium aperire, quod Pontifex clausit; claudere quod aperuit: quomodo enim aperiat claudatque sine clavibus; aut si claves etiam in Pontificem habet, ostendat, unde acceperit, & ubi Christus dederit Concilio, aut Ecclesiæ claves & auctoritatem in Papam, dixeritque: *Dabo tibi claves in Petrum*; Sicut Petro dixit: *Dabo tibi claves in Ecclesiam, & Regnum Cœlorum*, & consequenter etiam in Concilium; nec enim Concilium majus est Ecclesiâ, quam repræsentat, sicut nec Principis Legatus, aut Procurator, major ipso Principe. Si ergo Papa claves habet Regni Cœlorum & Ecclesiæ, quod nemo Catholicorum negat, sicut de Petro negare non potest, ergo etiam, & multò magis habet claves Concilij, poteritque quod hoc clausit ligavitque, aperire & solvere. Patrum testimonia, quæ huc faciunt, suo & proprio loco dabimus.

III. Tertius locus est *Lucæ 22.* Ubi sic Petrum Christus alloquitur: *Simon, Simon, ecce Sathanas expetivit, ut cribraret vos, sicut triticum; ego autem rogavi pro te, ut non deficiat fides tua, & tu aliquando conversus confirma fratres tuos.*

Hic duæ prærogativæ Petri, ejusque successorum Pontificum notantur. Prima, quod pro illo specialiter Christus curat, orat, provideretque, ne illius fides deficiat, cum enim jam destinatus esset fundamentum, Pastor, caputque Ecclesiæ, major illi cura impenditur, quia illius error & casus in doctrina fidei omnium error & casus esset, nec primâ cathedrâ errante, alia major cathedra esset, quæ primam corrigeret: nec ulla in rectum linea tenderet, obliquâ & inclinante regulâ. Cur verò major esset cura & sollicitudo Christi pro Petro, ut reliquis Apostolis à Sathana expetitis, pro hoc solo specialiter & enixius oretur, nisi ab isto magis, quàm ab alijs Apostolis Ecclesiâ & Religio penderet? si Petrus ab Apostolis, Pon-



*Summum Pontif. supra Concil. esse ex SS. litteris probatur.* 341

Pontifex ab Episcopis & Concilio pendet, & istorum iudicium ultima veritatis & fidei regula est; cur non pro istis potius, ne deficiant oratur, quàm pro Petro? recta enim ratio & prudentia volunt ea plùs curari, quàm majoris pretij sunt & momenti, ac ne perdan-  
tur, plùs custodiri.

Secunda prærogativa illis verbis expressa est, ut Petrus suos fratres, hoc est, fideles omnes conservet, confirmetque, & consequenter etiam Concilia, ea suâ auctoritate congregando, & congregata, si non legitimè præcedant, corrigendo, & etiam dissolvendo, ut factum est in Concilio Ephesino II. Ariminensi, Basileensi &c. Confirmare autem ad eum pertinet, qui majoris auctoritatis, & potestatis est, ut patet in confirmationibus omnium electionum, alienationum, testamentorum, &c. Ceterum ne quis putet nostram hanc esse tantum textûs Evangelici explicationem, audiendus est S. Leo *serm. 3. sua Assumpti*. Quoniam Diabolus, inquit, omnes exagitare, omnes cupiebat elidere, & tamen specialis à Domino Petri cura eligitur, & pro fide Petri propriè supplicatur, tamquam aliorum status certior sit futurus, si mens Principis violata non fuerit. In Petro ergo omnium fortitudo munitur, &c. Et B. Theodorus Studites *epist. ad Paschalem PP.* Audi Apostolicum caput, pastor omnium Christi à Deo electe: claviger Regni Cælorum, Petra fidei, super quam adificata est Ecclesia Catholica. Huc ades ab Occidente, tibi namq; dixit Christus Deus noster: Tu aliquando conversus confirma fratres tuos.

Cum verò hoc duplex privilegium Petro concessum fuerit ob bonum Ecclesiæ, atque ut fratres suos confirmaret, à Sathana impugnatos, & hæc utilitas, immo necessitas Ecclesiæ, & impugnatio Sathanæ semper duret, oportuit & illud privilegium in successoribus perpetuari, perpetuo Duce contra perpetuum hostem instructo; Concilium enim Generale nec semper haberi potest, multisque modis impeditur, ut in primitiva Ecclesia, primis trecentis annis: & etiam celebrato quàm plurimæ exceptiones opponi possunt, nec quod legitimum fuerit, aliter quàm ex testimonio S. Pontificis constat: adeò ut in quamcunque partem te vertas, necessitatem summæ Potestatis in Romano Pontifice negare haud possis. V. circa hunc textum Lucæ Alphonsum Salmeronem *T. 12. Tr. 79.* Et Agathonis dogmaticam epist., in VI. Universali synodo recitatam,



& instar oraculi acceptam. *Act. 4.* ubi hunc textum Lucæ eodem modo, quo nos, Agatho explicavit.

IV. Quartus locus Scripturæ Joan. ult. *Cum prandissent*, inquit Joannes, dicit Simoni Petro **JESUS**: *Simon Joannis, diligis me plus his? dicit ei: etiam Domine, tu scis, quia amo te. Dicit ei: pascere Agnos meos. Dicit ei iterum: Simon Joannis diligis me? ait illi: etiam Domine, tu scis, quia amo te. Dicit ei: pascere Agnos meos. Dicit ei tertio: Simon Joannis amas me? Contristatus est Petrus, quia dixit ei tertio, amas me? & dixit ei: Domine tu omnia noster, tu scis quia amo te. Dicit ei: pascere Oves meas.*

Circa hunc locum ut bene intelligatur, notandum est primo: Hæc verba Christi: *Pascere Oves meas*, ad solum Petrum spectare dirigique, quibus quæ Matthæi 18. promiserat, actualiter præstat. Cum solo enim Petro loquitur, solum examinat, responsum à solo accipit, aliosque Apostolos à summa & Monarchicâ potestate excludit, & inter oves Petro commissas ponit, erant enim præsentibus Jacobus, Joannes, Thomas, quos cum Petrus amore vinceret, vicit etiam potestate pascendi que curâ, & ita Catholici omnes & Patres sentiunt.

Notandum est 2. Per illam vocem: *Pascere*: summam potestatem omnemque pascendi curam fuisse commendatam. Actus enim Pastoralis non tantum est præbere cibum; sed etiam ducere, reducere, compellere, abigere, tueri, mederi, secare, &c. & quidquid denique ad procurandas Oves spectat, &c. Immo utilitissimâ phrasi Scripturæ pascere, & præsertim verbum græcum, quo Joannes utitur ποιμαίνω significat jurisdictione uti regendo, præsidendo, gubernando, &c. ut patet Isaïæ 44. v. 28. *Qui dico Cyro, Pastor meus es tu.* Et Ezechielis 34. ubi eleganter functiones mystici Pastoris describuntur. Et Psalmo 2. ubi legimus: *Reges eos in virga ferrea*: Græcus & Hebraicus habet: *Pasces eos*. Eodem modo Matthæi 2. ubi noster habet: *Exiet mihi Dux, qui regat Populum meum Israël*: Græcus habet: *qui pascat*.

Notandum 3. Cum Christus dicat: *Pascere oves meas*. nec exprimat quas, commississe omnes pascendas: cur enim potius istas, quàm illas, cum nullas in specie notet, aut excipiat? quæ ergo sunt oves Christi, sunt etiam oves Petri, nec illum Pastorem habere possunt, qui Petrum non habent. Audi B. Leonem *serm. 3. de assumpti. sua.* De toto, inquit, mundo unus Petrus eligitur, qui & universarum gentium vocationi,

ni, & omnibus Apostolis, cunctisq; Ecclesia Patribus praponatur: ut quamvis in populo Dei multi sint Sacerdotes, multiq; Pastores, omnes tamen proprie regat Petrus, quos principaliter regit & Christus. Magnum & mirabile, dilectissimi, huic viro consortium potentie sua tribuit divina dignatio, & si quid commune cum eo ceteris voluit esse Principibus, nunquam nisi per ipsum dedit, quidquid alijs non negavit. S. Bernardus l. 3. de considerat. c. 7. Tu, inquit, es cui claves tradita, cui oves credita sunt. Sunt quidem & alij cæli janitores, & gregum Pastores, sed tu tantò gloriosius, quantò & differentius utrumq; pra ceteris nomen hereditasti. Habent illi sibi assignatos greges singuli singulos, tibi universi crediti, uni unus. Nec modo ovium, sed & Pastorum tu unus omnium Pastor. Unde id probem queris? Ex verbo Domini. Cui enim non dico Episcoporum, sed etiam Apostolorum sic absolute & indiscrete totæ commissa sunt oves? si me amas Petre, Pasce oves meas. Quas? illius vel illius, populos civitatis aut regionis, aut certi Regni? Oves meas, inquit, Cui non planum, non designasse aliquas, sed assignasse omnes? Nihil excipitur ubi distinguitur nihil. Et forte praesentes ceteri condiscipuli erant, cum committens uni, unitatem omnibus commendaret in uno grege & uno pastore, secundum illud: Una est columba mea, formosa mea, perfecta mea. Ubi unitas, ibi perfectio. Reliqui numeri perfectionem non habent, sed divisionem, recedentes ab unitate, inde est quòd alij singuli singulas sortiti sunt plebes, scientes Sacramentum. Denique Jacobus qui videbatur columna Ecclesia, una contentus est Hierosolimâ, Petro universitatem cedens. Pulchrè verò ibi posuit est suscitare semen defuncti fratris, ubi occisus est ille: nam dictus est frater Domini. Porro cedente Domini fratre, quis se alter ingerat Petri prerogative? Ergo juxta cationes tuos alij in partem sollicitudinis, tu in plenitudinem potestatis vocatus es. Aliorum potestas certis arctatur limitibus, tua extenditur, & in ipsos, qui potestatem super alios acceperunt. Nonne si causa extiterit, tu Episcopo Cælum claudere, tu ipsum ab Episcopatu deponere, etiam & tradere Sathana potes? stat ergo incassum privilegium tuum tibi tam in datis clavibus, quàm in ovibus commendatis. Accipe aliud, quod nihilominus prerogativam confirmat tibi. Discipuli navigabant, & Dominus apparebat in littore: quodq; jucundius erat, in corpore rediivo. Sciens Petrus, quia Dominus est, in mare e misit, & sic venit ad ipsum, alijs navigio pervenientibus. Quid istud? Nempe signum singularis Pontificij Petri, per quod non navem unam, ut ceteri quicq; suam, sed saculum ipsum suscepit gubernandum. Mare enim saculum est: naves, Ecclesia. Inde est, quòd alter à vice instat Domini gradiens super aquas, unicum se Christi Vicarium designavi, qui non uni populo, sed cunctis praesse deberet. Siquidem aqua multa, populi multi. It'a cum quisque ceterorum habeat suam, tibi una commissa est grandissima navis facta ex omnibus ipsa universalis Ecclesia toto orbe diffusa.

Et Innocentius III. in c. sollicita, de Majorit. & obed. Nobis autem in B. Petro sunt oves Christi commissæ dicente Domino: *Pasce oves meas*: Non distinguens inter has oves & alias, ut alienum à suo demonstraret ovile, qui Petrum & successores ipsius magistros non recognosceret.

Hoc ipsum videtur Ezechiel prædixisse c. 34. Ubi: *Et suscitabo super eas pastorem unum, qui pascat eas, servum meum David, ipse pascet eas, & ipse erit eis in Pastorem.* Et Joannis 10. *Ego sum Pastor bonus: & alias oves habeo, & fiet unum ovile, & unus Pastor.* Quæ omnia licet de Christo primariò dicta sint, pertinent tamen etiam ad Petrum, ejusque successores, qui sunt Pastores Vicarij, non Principales. Sicut enim ovile est perpetuum, ita & Pastor; nec minùs jam oves Pastore indigent quàm olim, lupis æquè grassantibus. Et quamvis absolute loquendo potuisset Christus sine visibili Pastore Ecclesiam suam ovesque regere, cum nullius creaturæ auxilio ad producendos effectus cum gratiæ tum naturæ indigeat; sicut potuit sine sole mundum illustrare, sine igne calefacere, sine sacramentis sensibilibus gratiam suam & fidem largiri, sine gubernatore navim ad portum ducere, sine militibus victorias dare, hoc tamen Deus nunquam fecit, nec mundum immediatè, sed per alias creaturas rexit, homines præsertim, ut planè in providentiam divinam alium novumque ordinem inducat, qui dicit visibilem ejus Ecclesiam à nullo visibili Pastore regi; Et visibili huic corpori, invisibile tantum caput esse. Nec ad Concilium confugas; quia non huic, sed Petro dictum est: *Pasce oves meas.* Nec possunt tot Episcopi unus Pastor appellari: maleque suis ovibus providisset Christus, Pastore dato tam difficilis conventionis, & cui, ne accurrat, tot impedimenta moræque opponi possunt, vagis interim ovibus; & lupo, dum Concilium paratur, expositis.

Ex hoc Joannis loco facilè multisque modis apparet, quantum Romanus Pontifex Concilio præstet. Aut enim Episcopi in Concilio universali oves Christi, aut ovile, aut Pastores universæ Ecclesiæ sunt: nam particulares esse haud negamus. Si oves aut ovile sunt, ergo unum & visibilem Pastorem habent, cui subsunt, cui obediunt, quem sequuntur: quem alium, præter Petri successorem? nisi dicant, se oves esse sine Pastore, & consequenter nec Christi; hic enim ovibus suis Pastorem dedit: *Petre amas me? Pasce oves meas*: nam quas non pascis, non sunt meæ. Si vero Concilium Pastor est: impri-

imprimis quomodo unus Pastor si tot Pastores? quomodo omnes Christi oves Petro datæ, si tot exceptæ? nec exceptæ tantum, sed Petro antepositæ? aut hanc pascendi ipsum Pastorem, hoc est, Petrum, à Christo acceperunt, aut non acceperunt potestatem? si non acceperunt, non ergo habent: si acceperunt, ostendant, quando, & quo loco, & quo in Evangelio dicatur Concilio: *Pasce Petrum, ejusq; successores*: si enim apud Jurisconsultos pudor est, cum sine lege loquantur, multò magis apud Theologos, cum sine Evangelio. Si dicas Petro fuisse omnes oves Christi commissas sigillatim sumptas, non verò collectas, & Pontificem esse super omnes Episcopos separatim, non verò super omnes collectim, & in Concilio congregatos.

Respondemus hanc distinctionem nullo Evangelij, aut sacræ scripturæ testimonio niti: est verò absurdum in re tanti momenti, perinde ac in controversia aliqua philosophica, & ingenij exercendi causâ, tam clavis scripturæ locis distinctionem opponere planè voluntariam, nec in Scripturis, nec in Patribus repertam; quasi verò hæc semel admisâ philosophandi ratione tam clarè aliquid à scriptura dicatur, quod non facilè in tuam sententiâ torqueas. Immo scripturæ hæc explicatio repugnat: Pastoris enim est ovibus non tantum palantibus vagisque, sed etiam collectis imperare, ipsumque gregem in custodiam accipere; alioquin eodem modo, majorique ratione dicendum erit: Episcopos singulis quidem suæ Diocesis Sacerdotibus majores esse, sed non omnibus congregatis, & ita Synodo subesse, ab eaque judicari posse, legesque accipere; sicut enim se habet Episcopus ad Sacerdotes, ita Pontifex ad Episcopos.

Deinde cum Christus Petro oves suas committit, id utrique præstitit, quod Matth. 18. promiserat: ibi verò promiserat supra Petrum ædificare non Ecclesias tantum particulares, sed totam, & universam, hoc enim significant illæ voces: *Ecclesiam meam: tibi dabo claves Regni celorum.* Rex cum in Provinciam Vicarium mittit, aut proregem, ejusque fidei Regnum subditosque commendat, & singulos, & omnes conjunctim commendasse intelligitur, adeò ut nulla statibus & comitijs generalibus in Vicarium sit potestas. Ridelicet planè dixeris Imperatorem, cui singuli tantum milites, non exercitus paret. Qui contrariam sententiâ tuentur, vel

hoc ipso imbecillitatem causæ suæ produnt, quodd nec ipsi scripturæ locum aliquem producant, ex quo appareat datam Ecclesiæ in Petrum potestatem: & contra se productos non possunt declinare, nisi miserè & in alienos sensus torqueant.

V. Quintus locus scripturæ habetur in actis Apostolorum c. 15. Ubi ortâ quæstione, an fideles recens ad Christum conversos oporteret circumcidi, missi sunt Paulus & Barnabas, qui Collegium Apostolicum consulerent: *Statuerunt*, inquit sacer textus, *ut ascenderent Paulus & Barnabas, & quidam alij ex alijs ad Apostolos & presbyteros in Jerusalem super hæc quæstione, conveneruntq; Apostoli & seniores videre de verbo hoc.* Cùm autem magna conquisitio fieret de verbo hoc, surgens Petrus dixit ad eos: *Quid tentatis Deum, imponere jugum super cervices discipulorum, quod neque Patres nostri, neque nos portare potuimus? sed per gratiam Domini nostri Jesu Christi credimus salvari, quemadmodum & illi.* Tacuit autem omnis multitudo.

Vides in hoc primo & præcipuo Concilio, hoc est Apostolico, Petrum non expectatis aliorum suffragijs sententiam proferre, & Concilio, quid credere & facere oporteat, præscribere: illa enim verba: *Quid tentatis Deum &c.* nontantum sunt consulentis, sed omnino præscribentis, & definientis: quam sententiam totum Concilium communis omnium silentio veneratum est, comprobavitque, quasi lite jam finitâ, nec dubium aliud admittente: est enim dignum animadversione, quod notat scriptura, antequam Petrus decerneret, acriter in Concilio disputatum esse: cùm autem magna conquisitio fieret &c. Sed Petro sententiam elocuto, silentium omnibus impositum, causamque absolutam: *Tacuit autem omnis multitudo.* Jacobus postea Petri sententiam laudans adjecit: fidelibus imponendum esse, ut à suffocatis & sanguine, cibisque Idolo immolatis abstinerent, ut tantò facilius cum Judæis convenirent, eosque ad fidem provocarent. Nec te moveat Concilium hoc Apostolicum in hæc verba decretum concepisse: *Visum est spiritui sancto & nobis.* Ubi nulla mentio Petri: nam hæc est omnium Conciliorum phrasis, modusque decernendi, etiam eorum, in quibus constat summos Pontifices præsedisse, supremamque potestatem exercuisse, ut pater omnia Concilia legentibus, & ipsum Tridentinum. Cùm enim Pontifex sit caput Concilij, per se notum est, quidquid à Concilio decernitur, multò magis à capite decerni, nec

nec opus est aliâ expressione. V. D. Hieronymum in *epist. ad Augustinum*, quæ inter epistolas Augustini est undecima, ubi dicit: *B. Petrum fuisse Principem Decreti in hoc Concilio Apostolico editi, in ejusq; sententiam Jacobum Apostolum, omnesq; Presbyteros transivisse.* Idem habet *Tertull. l. de Pudic.*

Si ergo Petrus in Concilio Apostolico, ubi omnes spiritu sancto pleni erant, & erroris incapaces, causam solus definit, aliisque silentium imponit, quis neget hanc illi potestatem in Concilio, ubi nec Apostoli sedent, nec ab erroribus liberi?

VI. *Sextum argumentum* sumitur ex varijs scripturæ locis, in quibus status Ecclesiæ Monarchicus, unicus capiti & sacerdoti subiectus aperte ostenditur: nam *Olee 2. & in Cant. ac Apocalypsi Ecclesia frequentissimè comparatur sponsæ: Cant. 6. exercitui ordinato. Matth. 3. 4. 5. & passim in Evangelij regno. Joan. 10. Ovili. ad Corinth. 1. cap. 12. & ad Roman. 12. Corpori humano &c.*

At verò negari non potest, sponsam marito subesse, exercitum duci, regnum regi, Ovile pastori, & corpus capiti. Nec invenies in sacris litteris Ecclesiam aliquando rempublicam vocari, sed tantum regnum, familiam, domum &c. ut intelligas supremam in Ecclesiâ potestatem penès unam non plures esse.

*Septimum argumentum* ex sacris litteris sumitur à sensu negativo. Est enim in utroque jure receptissimum axioma: *Regula inhaerendum esse, donec contrarium vel exceptio probetur: Nec recedimus à regula, donec contrarium probetur l. ab ea parte. ff. de probat. l. apud antiquos C. de furt. c. 2. de conjug. Leprosor. c. ad decimas de restit. spoliat. in 6. ubi gloss.* quod maximè verum habet in sacris Scripturis, illisque quæ dependent ex solâ Dei voluntate & institutione, quod eleganter more suo tradit S. Thom. in 3. p. q. 1. a. 3. Sed nullibi reperiemus in sacris libris fuisse Ecclesiæ aut Concilio in Petrum datam potestatem: quo ergo fundamento hoc asseritur? nam locus ille *Matth. 18. v. 15. Si peccaverit in te frater tuus, dic Ecclesia: nihil planè probat, cum ibi nec de Papa, nec de Concilio generali sermo sit, oporteret enim quotidie cogi Concilia ad fratrum peccata deferenda & corrigenda: Cum ergo Christus toties Petrum Ecclesiæ præficiat, Ecclesiam verò nunquam; non videmus, quâ tandem ratione fieri possit, ut quod Christus & scriptura toties & tam clarè dicit, negetur; quod nunquam dicit, affirmetur: summus Pontifex solus per-*

mittitur sanctuarium ingredi, & in dubijs Deum consulere: solus Oraculum in pectore gestat, & sententiam dicit. Et: Gestabit iudicium filiorum Israël in pectore suo in conspectu Domini semper. Exodi 28. Et qui eius præcepto non obedierit, mori iubetur: soli Pontifici dicitur, fundabo super te Ecclesiam meam: Soli: Confirma fratres tuos: Et: si amas me: Pascue oves meas, non has vel illas, sed meas, hoc est omnes. De Concilio ne apex quidem: nulla ergo ratio permittit, ut, quod scriptura nunquam dicit, nos dicamus; & quod toties, tantaque cum cura dicit, nos negemus.



### §. V.

*Conciliorum testimonia, quibus se Pontifici submittunt.*

#### S U M M A R I A.

1. Papam Concilio superiorem esse, an in Concilijs, antiquisq; Patribus aliquando definitum?
2. Synodi Romana testimonium.
3. Et Nicana.
4. Et Constantinopolitana.
5. Et Ephesina.
6. Et Chalcedonensis.
7. Et secunda Constantinopolitana.
8. Et tertia Constantinopolitana.
9. Et secunda Nicana.
10. Et octava Oecumenica.
11. Et Concilij Lateranensis sub Alex. III.
12. Et Lugdunensis sub Gregorio X.
13. Et Constantiensis.
14. Et Florentini.
15. Et Lateranensis sub Leone X. à Rege Galliarum recepti.



I.

**P** Rænotandum est, litem hanc ultimis sæculis Pontifici motam esse, ab eo videl. tempore, cum schismata Ecclesiam infestârunt, nataque hæreses in Pontificem armata. Tunc enim verò signa collata, & Concilium cum Papa commissum: dispari quidem Hæreticorum & Catholicorum intentione, istis schismati finem, illis principium quarentibus. Nemo proinde mirabitur, si nec in antiquis Concilijs, nec in Patribus hæc propositio in terminis formalibus reperitur: *Papa major est Concilio.* Invenitur tamen in terminis æquivalentibus, cum videl. dicunt: *Papam esse judicem Concilij: Esse Pastorem Concilij, & universa Ecclesia: præscribere Concilio leges, & posse illius acta rescindere: à Concilio posse ad Papam appellari, non verò à Papa ad Concilium: Papam à nemine, rater Deum judicari posse, &c.* hæc enim omnia superioritatem dicunt, & à nobis sigillatim expendentur.

II. Anno igitur CCCXXIV. Constantini M. XIX. in thermis Trajani celebrata est Romæ à Sylvestro Papa Synodus præsentè Constantino Imperatore recens baptisimi aquis abluto, Helenique Matre, & Episcopis Græcis Latinisque 284. aut secundum alios ducentis triginta: quo in Concilio c. ultimo definitum est: *Romanum Pontificem omnium mortalium judicem à nemine judicari posse; immo ne quidem ab omni Clero, hoc est, Concilio: nec enim omnis Clerus alibi quàm in Concilio universali ad judicium colligitur.* Quo decreto manifestè Primatus Papæ supra Concilium ostenditur: nam si infra Concilium esset, ab hoc judicari utique posset. Et quamvis hoc Concilium universale non fuerit, nobis sufficit ostendere, jam initio Ecclesiæ florentis, ubi sanguis adhuc martyrum calebat, submotâ procul adulatione, vastique dominatûs libidine, sanctissimum Pontificem, & florem Græci latinique Sacerdotij nobiscum tenuisse. Verba synodi sunt cap. ult. *Nemo disjudet primam sedem, quoniam omnes sedes à prima sede justitiam desiderant temperari: neq; ab Augusto, neq; ab omni Clero, neq; à Regibus, neq; à Populo iudex judicabitur.* Et subscripserunt ducenti octoginta quatuor Episcopi & 45. Presbyteri & 5. Diacones & Augustus Constantinus, & Mater ejus Helena, & sex Canonem hunc Sylvester Episcopus in urbe Roma & omnibus Episcopis aspersit. Actum 3. Calendas Junij Domino Constantino Augusto tertium, & Prijsco Consule.

Habetur *Tom. 1. Concil. in collectione Veneta fol. 600.* Meminit hujus Canonis Nicolaus Papa ad Michaëlem Imperatorem.

III. *Anno CCCXXV.* juxta calculum Baronianum celebrari est cœpta Nicæna synodus omnium celeberrima, duravitque in annum tertium. Præsentes Episcopi 318. magnam partem sanctitate & doctrinâ clarissimi. Præfederunt Romani Pontificis nomine Osius Episcopus Cordubensis, Victor seu Vitus atque Vincentius Romani Presbyteri, adfuitque Constantinus. Causa Concilij vocandi, hæresis præsertim Ariana palàm & cum insignibus prodire ausa: & error Quattadecimanorum, qui Judaico more non Dominico die Pascha, sed Lunâ decimâ quartâ, in quamcumque diem incidisset, agitabant. Inter multa miracula, quæ Philosophis expugnandis (nam & hos magno numero Arius conduxerat) patrata sunt, illud celebre, quod Nicephorus recitat *lib. 3. cap. 23.* Mortuis ante subscriptionem duobus Episcopis Chrysantho & Musonio, ad illorum tumbam volumen Canonum delatum esse, petitumque, ut si à Patribus sancita Deo cordi essent, ipsi quoque subscriberent: sigilla, ne fraus aliqua fieret, libro apposita, & nox inter preces traducta. Albente sole sigillisque intactis reperta in hæc verba defunctorum subscriptio: *Chrysanthus & Musonius quamvis corpore translati, manu tamen propria nos quoque libello subscribimus.* Refert hanc historiam præter Nicephorum Gregorius presbyter Cæsariensis in *Oratione de magna synodo Nicæna apud Lipomanum Tom. 6. Videantur acta Concilij Nic. Tom. 1. Concil. lib. 4. fol. 596. & seqq. Veneta edit.*

Hoc ergo Concilium non contentum ea, quæ Patres decreverant, tot miraculis à Deo fuisse confirmata, datâ synodali epistolâ ad Sylvestrum acta Concilij transmittunt rogantque, ut in dicto Romæ Concilio ea confirmet, roboretque, nec enim satis firma esse, nisi ille accedat. Epistola sic habet: *Beatissimo Papa urbis Romæ Osius Episcopus Cordubensis & Macarius Episcopus, &c. Quoniam omnia corroborata de divinis Mysterijs Ecclesiastica utilitatis, quæ ad robur pertinent sanctæ Ecclesiæ Catholica explanata, & de Græco redacta scribere confitemur: nunc itaque ad vestra sedis argumentum accurrimus roborari. Itaque censeat vestra Apostolica doctrina, Episcopos totius vestra Apostolica urbis in unum convenire, vestrumque habere Concilium, ut firmetur nostra sanctimonia, graduque fixos vel textus ordinationis tuæ sanctimonia nostra possit habere regula. Quid*

quid autem constituimus in Concilio Nicæno, precamur Vestri oris consortio confirmetur. Sylvester coactâ Synodo Nicænum Concilium confirmat, anathemate in eos, qui aliter crederent pronuntiato, ut patet ex Concilio Romano, quod habetur post Synodum Nicænam Tom. 1. Conciliorum & epist. Synodali 4. Felicis Papæ III. ubi: Domino ad beatum Petrum Apostolum dicente: Tu es Petrus, & super hanc petram adificabo Ecclesiam meam: eam vocem sequentes trecenti decem & octo SS. PP. apud Nicænam congregati, confirmationem rerum atq; auctoritatem sacra Romana Ecclesia detulerunt. Inter Canones Concilij Nicæni 19. & 29. ita sonant: Non debent præter sententiam Romani Pontificis Concilia celebrari. Omnes Episcopi, qui in quibusdam gravioribus pulsantur, quoties necesse fuerit, libere Apostolicam appellant sedem, atq; ad eam quasi ad Matrem confugiant, ut ab ea (sicut semper fuit) fulciantur, defendantur, & liberentur, cujus dispositioni omnes Majores Ecclesiasticas causas antiqua Apostolorum, eorumq; successorum, atq; Canonum auctoritas reservabit. Et in Canonibus ex Arabico translatis Canon. 39. Qui tenet sedem Roma, caput est & Princeps omnium Patriarcharum; quandoquidem ipse est primus sicut Petrus, cui data est Potestas in omnes Principes Christianos & omnes populos eorum, ut qui sit Vicarius Christi super cunctos populos & cunctam Ecclesiam Christianam. Et quicumq; contradixerit, à Synodo excommunicatur.

Si ergo ex sententia, exemploq; S. Nicæne synodi, sine consensu & confirmatione Romani Pontificis Concilia non valent: si majores causa ad Pontificem deferri debent: si Papa est super universos populos, & universam Ecclesiam Christianam; sequitur omnino esse supra Concilium universale. Concilium enim, maxime Pontifici oppositum, ejusque auctoritate destitutum, minoris est auctoritatis, quam omnes populi & tota Ecclesia Christiana; nec enim Concilium est Ecclesia universalis, sed tantum repræsentans, & hoc ipso infra Ecclesiam; sicut legatus Principis infra Principem, omnisque imago hominem repræsentans infra hominem; si ergo Papa est super Ecclesiam Christianam universalem, multo magis supra Concilium. Si, ut dicunt adversarii, tota potestas & auctoritas Papalis Concilio universali inest, etiam ut à Papa distincto; quid ergo opus confirmatione Papali tam longè, tam anxie petita, tantoque cum apparatu data? minor enim recipit quidem, sed non confirmat voluntatem & præcepta majoris: confirmatio enim arguit superioritatem, ut patet in omnibus, electionum, alie-

natio-

nationum, & testamentorum confirmationibus, quæ à superioribus fiunt. Et verò has summorum Pontificum confirmationes non fuisse tantum particulares, & ad melius esse, sed planè necessarias, & auctoritativas, patet vel ex ipso historiarum contextu, estque expressum in *c. regula d. 17.* ubi Julius papa in *epist. pro Athanasio ad Orientales 129.* *Episcopos: Regula vestra*, inquit, *nullas habet vires, nec habere potest, quoniam nec ab Orthodoxis Episcopis hoc Concilium actum est, nec Romane Ecclesie legatus interfuit, Canonibus præcipientibus sine ejus auctoritate Concilia fieri non debere. Nec ullum ratum est, aut erit unquam Concilium, quod non fultum fuerit ejus auctoritate.* Similia habentur in *c. bene d. 96. c. confidimus, causa 25. q. 1. Epist. Leonis II. ad Constantinum*, quæ habetur ad finem sextæ Generalis Synodi. Ex quibus omnibus & infra dicendis patet fuisse rejecta, nec pro validis habita, quæ Romani Pontifices aut non admisissent, aut non confirmassent. Ipse Osius Romani Pontificis Legatus ex Sylvestri Papæ sententia omnia hæresis Arianæ capita prætruncavit teste Athanasio in *epistola ad solitariam vitam agentes*, & classicum Patribus cecinit, recitato symbolo, quod postea Nicænum dictum est; ad cujus normas canones, & decreta sancita. Vide epistolam S. Athanasij *ad solitariam vitam agentes*: ubi expressè hoc testatur.

Hæc omnia superioritatem notant; præfinire enim Concilio, & velut præjudicium figere Superioris utique est; ad quod alludens beatus Hilarius in Matthæum Canone 16. *O beatus*, inquit, *cæli Janitor, cujus arbitrio claves æterni aditus traduntur, cujus terrestre judicium præjudicata auctoritas sit in Cælo.* Si ex sententia Hilarij judicium Petri præjudicata auctoritas in cælis est, multò magis præjudicata auctoritas fuerit in Concilio.

IV. Anno CCCLXXXI. Agi cœpta secunda synodus Oecumenica, quæ fuit prima Constantinopolitana, Damaso Papa & Theodosio Magno Imperatore. Adfuere Episcopi Orthodoxi 150. Arianæ & Macedoniani 36. teste Nicephoro in *hystor. Ecclesiast.* Causa vocandi Concilij præcipua fuit, ut Synodus Nicæna confirmaretur, & Macedoniani auctoritate Concilij in viam redirent, spe aliquâ exitum spondente. Convenisse Synodum auctoritate Damasi Pontificis certum est ex gestis ejusdem Damasi apud Baronium *ad hunc annum*, ejusdemque Damasi epistola apud Theodoretum *lib. 2. c. 22. & lib. 5. c. 9.* eademque Damasi auctoritate fuisse confirmatum in ijs, quæ ad fidem pertinent, tradit Photius in *libello de 7. Synodis*. Quæ in hoc

hoc Concilio, quoad fidem moresque statuta fuerint, videri potest in actis Concilij Constantinopolitani *tom. 1. Conciliorum.*

In hac Synodo auctoritas Pontificis Romani supra Concilium ex multis apparuit. 1. Quod Canonem quintum ( quo post Romanum Episcopum Constantinopolitano primæ deferuntur, contra privilegium Episcopi Alexandrini ) Ecclesia Romana non admiserit, immo expresse rejecit Leo I. Pont. Max. ut videre est *Epistola 53. ad Pulcheriam Augustam, & ad Martianum Imperatorem*, quæ habentur in actis Concilij Chalcedonensis *tom. 2. Concil.* Videri etiam potest D. Gregorius M. *lib. 6. Epist. 31.* alijsque pluribus. Tandem post plura sæcula Innocentius III. publici boni & pacis causâ hoc privilegium Constantinopolitano Patriarchæ concessit, ut habetur *6. antiqua, de privilegijs.* En apertum Pontificiæ potestatis argumentum! si Concilium præstaret Papæ, & hujus minor, quàm illius auctoritas esset, cur ergo correxit Papa, quod Concilium constituit? oportuit planè & Concilium errasse, & minoris fuisse auctoritatis, aliòquin à summis Pontificibus, nec judicatum foret, nec improbatum: maximè cum ipsi Pontifices fuerint sanctissimi, Leo videlicet & Gregorius M. eorumque hac in re judicium à nullo, ne quidem Imperatoribus & Episcopis Constantinopolitanis notatum fuit. Videantur acta Concilij Chalcedon. 2. In fine hujus Concilij hæc habentur: *Damasus ad examinanda Synodi Constantinopolitane acta pro Ecclesia Romana more & auctoritate Roma Concilium indixerat, ad quod & Orientales evocati Legatos cum purgatione miserunt. Id sequenti anno frequentissimum celebratum est, Concilium Constantinopolitanum confirmatum, & omnes hæreses condemnata.* Hæc ibi, Neque hoc novum in Concilio Constantinopolitano, cum idem observatum fuerit circa Concilium Nicænum I. ut ex Epistola synodali supra ostensum. Si ergo Pontifex examinat acta Concilij, utique major Concilio est; nec enim subditorum est Superioris legem & præcepta examinare, ut admittat repellatve, sed observare: & hoc ipsum examen supponit Concilium errare & falli posse, nemo enim certa examinat. Quod si examen Pontificis non sit decretorium, & ultimum, nullique obnoxium errori, oportebit hoc ipsum à Concilio examinari, & Concilium iterum à Papa, nullo examinum fine. Præsertim cum actorum Synodaliū examinatio, & approbatio adeò sit necessaria, ut sine illis ipsa Concilij acta pro nullis habeantur teste Damaso & Concilio Romano in libello syno-

dico apud Theodoretum *lib. 2. c. 22.* ubi : *Siquidem numerus Episcoporum, qui erant Arimini, prajudicij vim habere non debet, praesertim cum formula illa, neque Episcopo Romano, cujus sententia praeteris omnibus expectanda erat, neque Vincentio, neque alijs eidem consentientibus. Ea quoque vestra integritas manifestò videt hanc fidem solam, quae auctoritate Apostolicà Nunc stabilita est, perpetuò tenendam esse.* 3. Damasus Papa praeveniens judicium Concilij Constantinopolitani haereses Sabellij, Macedonij, & Eunomij praedamnavit, datoque ad Paulinum Episcopum libello, diras & anathematismos in eorum haereses dixit, ut habetur *tom. 1. Concil. ante Concil. Constantinopol.* iussitque insuper suas in illos sententiam & censuram per Orientis Ecclesias publicari. Non ergo Papa subest Concilio, nec in rebus fidei tribunal aliud expectat, alioquin nec Concilij sententiam praeveneret, nec ab eo decisa vim dogmatis obtinerent: dogma enim fidei omne dubium excludit; at verò si Papa in iudicando falli potest, & judicium altius certiusque expectat; ejus sententiae nec dubium excludunt, nec diris & anathematismis prius armari debent, quàm Concilio causam finiente.

V. Anno CCCCXXX. Agi coepta est tertia Oecumenica Synodus Ephesina contra haeresin Nestorij Episcopi Constantinopol. negantis Beatiss. Virginem Mariam Theotocon, hoc est, Deiparam appellandam esse, eo quòd duas in Christo Hypostas & Personas assereret, negaretque Deum humanitati secundum substantiam unitum esse, sed tantum secundum dignitatem & auctoritatem, sicque Beatiss. Virginem peperisse filium naturam purum hominem, sed dignitate & auctoritate divinum. Frequens haec Synodus fuit Episcopis supra 200. immo teste Cyrillo *epist. 34.* propè trecentis. Collecta est auctoritate Caelstini I. summi Pontificis, iussuque Theodosij Junioris Augusti, ut ex actis patet. Aduerunt Concilio Caesaris Legati Irenaeus & Candidianus Comites, non quidem ut Controversijs fidei Caesaris nomen, suumque miscerent, sed ut vim fraudesque amolirentur, quod eleganter ipse Theodosius ad Patres scripsit, & habetur in actis *tom. 1. c. 32.* Praesedit Concilio nomine Pontificis Max. Cyrillus Episcopus Alexandriae, qui & mitram Pontificiam, & titulum Judicis Universi Orbis à Caelstino accepit, cujus videlicet personam sustinebat, testis est Niceph. *L. 14. c. 34.* Adjunxit Pontifex alios Legatos Arcadium videl. & Projectum Episcopos, & Philip-pum S. R. E. Presbyterum, qui ultimus ante Legatos Episcopos Synodo

nodo subscripsit, quòd esset Legatus à latere Pontificis Romani, (a) eumque repræsenteret, alij verò totum Patriarchatum Romanum, Ecclesiamque occidentalem. Videatur Spon. *ad annum CCCCXXI. n. 13.* Damnatæ sunt hoc Concilio hæreses Nestoriana & Pelagiana, Nestoriana præsertim tanto omnium Ordinum gaudio plausuque, ut Patres Concilio egressos cum triumpho deducerent. Additæ tunc salutationi Angelicæ illæ voces: *Sancta Maria Mater Dei ora pro nobis, &c.* & à Pulcheria virgine Augusta excitatum in Blachernis, quæ mare Urbem alluit, amplissimum templum, ac Nestorius in exilium actus.

Multa in hoc Concilio facta, quæ supremam Pontificis auctoritatem, & Concilio majorem ostenderunt. *Primò.* Quòd Cælestinus non expectatâ Concilij sententiâ Nestorium ejusque opiniones hæresis prædamnavit, idque ut credimus ad imitationem B. Petri, qui in confessione Divinitatis Verbi divini in electione B. Matthiæ, & abrogatione legis Mosaicæ aliorum Apostolorum sententias suo voto occupavit, prævenitque *Matth. 16. Act. 1. Act. 15. V. Epist. Cyrilli ad Nestor. inter acta Concilij Ephesini tom. 1. c. 2. & 15. & ipsius Cælestini Epist. 5.* *Secundò.* Quòd eidem Concilio formam & Regulam præscripsit, juxta quam nec aliter judicarent, eamque finirent: Nestorium enim ejusque doctrinam jam hæresis à se notatam esse, nec posse à Concilio ampliùs absolvi. *V. Acta Concil. Ephes. Tom. 2. c. 15.* *Tertiò.* In hac eadem Synodo Romanus Pontifex caput Concilij, & Patres in Concilio congregati membra acclamantur: Legatus enim Apostolicus Patribus in hæc verba gratias egit: *Quòd sancti sui vocibus, pijsque præconijs sancta Ecclesia membra sancto suo capiti se exhibuerint. Ubi vides Romanum Pontificem non solum, quod dicunt adversarij, caput esse omnium Ecclesiarum particularium, sed etiam Concilij, & Ecclesiæ universalis.*

Eodem modo *sess. 9.* Damnatur hæresis Pelagiana ex præscripto commentariorum, quæ Romæ à Cælestino Papa fuerant scripta. *Vide Tom. 4. Concil. Ephes. c. 13. & Epist. Synodalem apud Cyrillum 12.* ipsumque Concilium apud Evag. *l. 1. histor. c. 4.* fatetur se Nestorium ex mandato Cælestini deponere: verba Evagrii sunt: *Tum Ecclesia Canonibus, tum epistolâ SS. Patris Nostri & collega Cælestini Episcopi Ecclesia Romana necessario compulsi, idque non sine crebris lachrymis ad hanc seve-*

(a) Vide Concilium Sardic. c. 7.



ram sententiam contra eum promittendum venimus, &c. Et Gennadius de Script. Ecclesiast. c. 54. testatur: Cælestinum Papam decreta synodi adversus Nestorium dictasse, voluminèq; descriptum ad Orientis & Occidentis Ecclesias dedisse.

Quarò. Voluit Cælestinus Cyrillum legatum summum Orbis universi judicem appellari, & consequenter etiam Concilij, teste Niceph. l. 14. c. 34. Quantò magis poterat ipse Cælestinus sibi hunc titulum legato suo concessum aptare? si enim Cyrillus propter Papam, quem referebat, iudex orbis universi, multò magis ipse Papa.

VI. Anno CCCCLI. quarta Oecumenica Synodus primò Niceam indicta, postea Chalcedone habita est, auctoritate Leonis Papæ, jussuq; Martiani Imperatoris; sic enim habet ejusdem Martiani epistola ad Leonem I. Pontificem actis Concilij præfixa *Tom. 2. Concil. in præambulis*. Interfuerunt Synodo sedis Apostolicæ Legati s. Paschasinus, Lucentius, Bonifacius, Basilus, & Julianus: Episcopi alij 630. & subinde Martinus & Pulcheria Augusti. Causam tam celebri Concilio hæresis Eutychiana & Dioscorus Alexandriæ Episcopus dederunt. Eutyches, dum in Nestorium non ratione, sed impetu agitur, medium & lineam veritatis egressus, in aliam hæresin impegit, videl. non fuisse Christo duas naturas, sed unam, humanitate consumptâ, & Deum ex virgine instar radij ex pellucida crystallo elapsus potius, quàm natum. Dioscorus verò non tantum Eutychianam hæresin in Synodo Ephesina II. confirmaverat, (quæ postea latrocinialis & prædatoria est appellata) sed etiam ausu novo & insolente Romanum Pontificem excommunicare veritus non erat. Concilium Chalcedonense utriq; maloppositum est, hæresi & Dioscoro proscriptis. Fuisse hoc Concilium à Leone confirmatum patet ex subscriptionibus legatorum, ejusdemq; epistolis 57. 58. 59. 60. & 61. quæ habentur *Tom. 2. Concil.* ante Concilium Chalcedonense.

Emicuit etiam in hac synodo Majestas & prærogativa Pont. Romani Concilio superioris; nam Primò formam Concilio præscripsit, & velut lineam duxit, intra quam Patres consisterent; monuitq; Eutychetem & Dioscorum jam Romæ prædamnatos, quàmque à fide illorum opiniones abludant, in epistola ad Flavianum Episcopum se jam dudum ostendisse: hanc epistolam sibi Patres proponerent, & ex illa sententiam ferrent, Audi ipsum Leo-

nera ad Concilium Chalcedonenſe *epiſt. 45.* *Fraternitas veſtra me ſynodo exiſtinet preſidere, qui nunc in Vicarij meis adſum, & jam dudum in fidei Catholica predicatione non deſum, ut qui non poteſtis ignorare, quid ex antiqua traditione credamus, non poſſitis dubitare, quid cupiamus. Unde fratres chariſſimi rejecta penitus audacia diſputandi contra fidem divinitus inſpiratam, non liceas defendi, quod non licet credi, cum ſecundum Evangelicas auctoritates, ſecundum propheticas voces, Apoſtolicamq; doctrinam pleniffimè & lucidiſſimè per litteras, quas ad beata memoria Flavianum Episcopum miſimus, fueris declaratum, qua ſu de Sacramento Incarnationis D. Noſtri pia & ſincera conſeſſio. Et epiſtola 33. ad Pulcheriam Auguſtam: Simplex enim eſt, inquit, atq; abſolutum, quod poſcunt, ut remoto longarum diſputationum labore, Cyrilli Alexandrini Episcopii epiſtola, quam ad Neſtorium miſerat, acquieſcat, & epiſtola mea, qua ad Flavianum Episcopum eſt directa, conſentiat; quia & mea & SS. Patrum de Incarnatione Domini concors per omnia, & una conſeſſio eſt; quam ſi quis exiſtimaverit non ſequendam, ipſe ſe à compage Catholica unitatis abſcindet, cum tamen nos ut in integrum omnia revocentur, optemus. Similia ſunt, quæ Leo ſcribit *Epiſt. 40. & 41. ad Martianum Imperatorem & 49. ad eandem Auguſtam*: habentur omnes epiſtolæ in actis Concilij Chalcedonenſis *Tom. 2. Concil.**

Quam verò ſynodus Chalcedonenſis epiſtolam Leonis ad Flavianum ſibi præſcriptam venerationi habuerit, & velut oraculum cælo lapſum amplexa ſit, ipſa ſatis oſtendit, cum *actione 2. in fine* in has voces prorupit: *Hac Patrum fides, hac Apoſolorum fides. Omnes ita credimus, orthodoxi ita credimus. Anathema, qui ita non credit. Petrus per Leonem ita locutus eſt. Et actione primâ* ejusdem Concilij Paſchaſinus Pontificis legatus ita locutus fertur: *Beatiffimi atq; Apoſtolici viri Papa urbis Roma, qua eſt caput omnium Eccleſiarum, præcepta habemus præ manibus, quibus præcipere dignatus eſt ejus Apoſolatus, ut Dioſcorus Alexandrinorum Archiepiſcopus non ſedeat in Concilio, ſed audiendus intromittatur. Hoc nos obſervare neceſſe eſt. Et Lucentius Vicarius ſedis Apoſolicæ dixit: Non patimur tantam injuriam, nec vobis fieri nec nobis, ut iſte ſedeat, qui judicandus advenit, quia ſynodum auſus eſt ſacere ſine auctoritate Sedis Apoſolicæ, quod nunquam licuit, nunquam factum eſt. Mandato Pontificis paruit ſynodus, & Dioſcorus in medio conſedit cauſam dicturus: ſic enim in illa actione habetur, & expreſſè Evagr. ſcribit. *l. 2. c. 4.* cujus hæc verba ſunt: Concilio aderant Paſchaſinus & Lucentius Episc, Leonis Vicarij, Dioſcorus item Alexandria Episcop. quorum nu-*

*mero adjuncti erant senatores Primarij, quibus dixerunt Vicarij Leonis, Dioscorum non debere cum illis in Concilio considerare, istud enim suum Episcopum Leonem mandasse, quod si minimè observarent, se ab Ecclesia discessuros. Quæ cum dixissent, & Dioscorus de sententia senatus in medio confessu statueretur, &c.*

Si ergo Pont. Max. Concilio universali formam, modumque præscribit, jubetque alia fieri, alia omitti; oportet utique majorem & superiorem esse, idque in Concilio agere, quod gubernator in navi, & Imperator in exercitu.

*Secundò.* Synodus tota Patresque confessi sunt, se filios esse, Leonem verò Concilij caput, ut habetur *actio. 16.* in relatione Concilij ad B. Leonem, ubi: *Rogamus igitur, & tuis decretis nostrorum honora judicium, & sicut nos capiti in bonis adjecimus consonantiam, sic & summam tuam filiis quod decet adimpleat.* Idem Concilium *actione primâ, secundâ & tertiâ* passim vocat Leonem, Ecclesiam universalem Pontificem, caput universalis Ecclesie, universa Vineam custodem, &c. Quæ omnia superioritatem in ipsum Concilium significant, qualem videlicet habet caput in reliqua membra, & custos in vineam.

*Tertiò.* Hoc ipsum apparet ex sententia in Dioscorum dicta, quæ habetur *actione 3.* Concil. Chalcedon. nam Paschasino Legato Patres interrogante, quâ pœnâ dignum censerent Dioscorum torques contumacem, responderunt: *Petimus vestram Sanctitatem, qui habetis locum Sanctissimi Papa Leonis, promulgare in eum, & regulis insitam contra eum proferre sententiam, omnis enim & tota universalis Synodus concors efficitur vestre Sanctitatis sententia.* Quo à Patribus accepto responso Legatus Apostolicus sic pronuntiavit: *Sanctissimus & Beatissimus Archiepiscopus magnæ & senioris Romæ Leo per nos & per præsentem sanctam synodum unâ cum ter beatissimo Petro Apostolo, qui est Petra, & crepido Catholica Ecclesie, nudavit Dioscorum tam Episcopatus dignitate, quàm omni Sacerdotali ministerio.*

*Quartò.* *Actione tertiâ* hujus Concilij aliquot recitantur epistolæ ex varijs locis ad synodum datæ, quarum omnium hoc est initium: *Sanctissimo & Beatissimo universali Patriarchæ, magnæ Romæ Leoni, & sancto universali Concilio.* Nec ullus Patrum conquestus est Leonis nomen tanquam majoris Concilio præponi.

*Quinò. Sess. 6.* Recitata est fidei Catholicæ definitio, quæ, quod minus perfecta videretur, nec Eutycheris hæresi dammandæ sufficiens,

ciens, rejecta est à sedis Apostolicæ legatis, nec actis permixta inseri: & quamvis tota synodus, exceptis Romanis paucisque ex Orientis Episcopis, non tantum eam fidei formulam probaret, sed etiam ardentem & vix non importune insisteret, ut ea reciperetur, legati Pontificis Leonis contestati sunt, nisi alia & plenior forma redderetur, quæque Leonis epistolæ ad unguem responderet, se exemplum discessuros. Patres collatis capitibus novam fidei professionem & omnibus numeris absolutam ediderunt, quæ habetur *act. 6.* Verba ipsa audiamus ex actis Concilij *act. 5.* Omnes reverendissimi Episcopi præter Romanos & aliquos Orientales clamaverunt: *Definitio omnibus placet. Hac fides Patrum, qui aliter sapit, anathema sit. Paschasius & Lucentius Episcopi Vicarii Sedis Apostolicæ dixerunt, si non consentiunt epistola Apostolica & Beatissimi viri Papa Leonis, jubete nobis rescriptam dari ut reveriamur.* Episcopi clamaverunt, altera definitio non sit, qui contradicunt Romam ambulens. Magnificentissimi & gloriosissimi iudices dixerunt: *Quem sequimini Leonem, an Dioscorum?* Reverendissimi Episcopi clamaverunt: *Ut Leo sic credimus: Leo rectè exposuit.* Magnificentissimi & gloriosissimi iudices dixerunt: *Ergo addite definitioni secundum iudicium sanctissimi Patris Nostri Leonis duas esse naturas unitas in Christo inconvertibiliter, inseparabiliter & inconsuse, &c.* Hic planè enituit indubitata & invicta Pontificis Romani supra Concilium auctoritas. Si enim Papa non est Concilio major, sed potius illi subiectus, cur Concilium cogit in aliam sententiam flectere, suæque epistolæ in omnibus subscribere? cur Patrum commune votum solus impugnat, rejicit, & mutare compellit? compellit verò non vi, aut armis, sed doctrinâ & auctoritate iudicis; hoc planè non est subiectum agere, sed magistrum & superiorem.

*Sextò: In eodem Chalcedonensi Concilio act. 15. circa finem. Canon. 28.* Archiepiscopo Constantinopolitano decernitur secundus locus post Romanum Pontificem, Alexandrino aliàs debitus, idque, ut Patres Concilij dicunt, exemplo Oecumenicæ synodi Constantinopolitanæ, ubi idem sancitum fuerat. Extorserat hunc Canonem ambitio Anatolij Archiepiscopi Constantinop. favente præsertim Augusto, omniumque Episcoporum suffragio. Sed legati Apostolici continuo protestati sunt, & Canonem ex mandato Leonis expungi iusserunt, ut habetur *act. 16. Venet. editionis*, ubi: *Lucentius Vicarius Sedis Apostolicæ dixit: sedes Apostolica, quæ nobis præcipit præ-*

presentibus, humiliari non debet, idè quacung; in præjudicium Canonum hesternâ die gesta sunt nobis absentibus, sublimitatem vestram petimus, ut circumduci jubeatis; sin aliâs, contradictio nostrâ his gestis inhæreat, ut noverimus, quid Apostolico viro universalis Ecclesiæ Papa referre debeamus, ut ipse aut de sua Sedis injuria, aut de Canonum everfione possit ferre sententiam, &c. Idem apertè constat ex epistola B. Leonis Papa 59. ad synodum Chalcedonensem, quæ habetur præfixa actis Concilij & epistola ad Anatolium. Vides hîc iterum Pontificem Romanum non adstringi Concilio universali, sed illi potiùs imperare & jus dicere: quamvis enim privilegium hoc Patriarchæ Constantinopolitano concedi potuerit, ut postmodum concessum est in Concilio Lateranensi *c. antiqua de privilegijs*; quia tamen necdum apparebat tanta boni publicitatio, ob quam juri Alexandrinæ Ecclesiæ præjudicare oporteret, Leo Papa Concilij sententiam communiq; voto sanctum Canonem refixit, voluitq; antiquos terminos à duobus Concilijs Oecumenicis motos restitui.

Et hæc quidem sufficiant ex quatuor illis Oecumenicis Concilijs decerpta, quæ B. Gregorius M. eodem loco cum 4. Evangelij habuit *c. 2. d. 15*. Nunc ad reliqua pergamus.

VII. Anno DLIII. Secunda Constantinopolitana Vigilijs Papæ & Imperatoris Justiniani auctoritate habita 165. Episcopis frequens; cujus historiam & ignorantia & dolis multorum variè turbatam, nos discussâ nebulâ apertâque veritate, altius repetemus. Anno 538. Constantinopoli in Conventu multorum Orientis, Occidentisq; Episcoporum agente præsertim Pelagio Romanæ Ecclesiæ Legato, Origenes, ejusq; libri tot erroribus sædati, omnium voto, etiam Justiniani Cæsaris damnati fuerant. Ea res Theodoro Cæsare Episcopo & Origenis intra velum amico, acerbè dolere, multoq; magis, quod non tam in Origenem conclamatum esse, quàm à Pelagio antiquo & multo insultatum sibi crederet. Ergo cum in palatio gratiâ floreret, Augusto prædilectus, condito in sinum dolore, quò tutius falleret, eidem persuadet, juberet Theodorum Mopsvestenum, Ibam Edessenum, Cyrumq; Episcopos publico edicto damnari, quos Nestorianæ compertos, sed postea factorum juxtâ, scriptorumq; pœnitentes Chalcedonense Concilium absol-  
verat; sic enim & ipsum Chalcedonense receptum iri, & Acephalos in gratiam fidemq; reversuros. Justinianus non minùs à Re-  
ligio-

ligione, quàm bello gloriam captans sibi fatalem, & maximè conjugis Theodoræ, quam deperibat, blanditijs victus, edictum contra tria capitula proponit. Hic ingens inter ipsos Catholicos accensum bellum, cum enim non de fide, sed personis certamen esset, lis inter Catholicos sterit teste B. Gregorio *l. 3. epist. 37.* Vigilius Pontifex Romanus, multiq̃ue in Occidente Patres continuo se opponere, quòd dicerent non posse ab Imperat. jam vitâ functos damnari, quos Concilium Chalcedon. absolvisset. Justinianus omnium oculos in Vigilium Papam spectare advertens, ejusq̃ue exemplo pendere, non priùs destitit, quàm Pontificem Constantinopoli haberet, qui sub veris initium eò pervenit, Augusto obviàm progresso. Catholici in discordias variè fædeq̃ue scindebantur, quòd alij tria capitula defendenda dicerent, alij damnanda. Pontifex libertatem sentiendi, quod vellent, singulis in proximum Concilium fecit, & tandem in Justiniani sententiam, quam primò impugnauerat, flexit, editoq̃ue libello etiam defendit, alienaris propterea Occidentalium animis, quòd Vigilium inconstantem animi dicerent, & Concilio Chalcedonenſi omnium veneratione excepto adversantem. Vigilius silentium partibus imperat, Concilio propediem conventuro. Et interim Theodoram Augustam hæresi tinctam sacris interdicit, purgatâ hoc facinore, siquæ fuerat, priori inconstantia.

Justinianus moræ impatiens & stimulante præsertim Theodoro, edictum, contrà quàm pactus fuerat, proponit, jubetq̃ue Episcopos, qui tria capitula non damnarent, aut Ecclesijs pelli, aut in exilium agi. Ipse Vigilius edictum frustra deprecatus, cum in super arma & satellites parari cerneret in Ecclesiam D. Petri, & hinc Thesaloniam fugit, vix arâ, quam complectebatur, adversus vim vitus, acceptisq̃ue in faciem verberibus. Scribit Procopius *l. 3. de bello Gotico*, aded ipsam naturam tantùm facinus esse averſatam, ut terræmotibus, hiatu, æstu, rabieq̃ue maris in terram excurrentis, quàm plurimæ civitates haustæ oppressæq̃ue fuerint: Sardinia, Corsica Insulæ à Barbaris occupatæ. Augustus, Menas Patriarcha Constantinopolitanus, & ipse Theodorus malis & conscientia victi, à Pontifice veniam commissorum petere, & edicta auferri jussa. Tandem *Anno DLIII.* Concilium Constantinopoli habitum est, non solum ob tria capitula, sed præsertim contra hæreses Origenis, Nestorij & Eutychetis suos errores variè tegentium. Missa ad Pontificem 20.

Episcoporum splendida legatio, qui illum ad Synodum invitarent: sed eo valetudinem cauſante repetita legatio, miſſique cum Belliſario 6. alij Exconſules, ac Patricij, quibus inducias te petere Vigilius dixit, ut ſcripto ſententiam exprimeret. Ergo ſine Pontifice ejusque legatis Seſſiones peractæ, in quibus contra tria capitula, Theodorum videl. Ibæ & Theodoreti Epistoſas conclamatum eſt, præſertim contra Neſtorianos. Vigilius, qui libro prolixè edito, quem Conſtitutum appellavit, contra edictum Juſtiniani tria capitula defenderat, cæſus, & fune in collum injecto in carcerem, deinde exilium raptus eſt, ubi & vitam abſolvit, miſerrimum affectati papatûs, & à ſæmina obtenti exemplum.

Hæc hiſtoria eſt, ſeu magis tragædia Synodi Occumenicæ V. circa quam aliqua obſervanda veniunt. *Primò.* Hanc Synodum Pontifice, ejusque legatis deſtitutam, vel hoc ipſo capite pro legitima habitam aliquamdiu non fuiſſe, donec approbatio Romanorum Pontificum & Eccleſiæ cenſenſus accederet; adeò ut huic Concilio à Venetis continuè Aquilejenſe fuerit oppoſitum, omneſque Hiſpani & Occidentales reclamârint, teſte B. Gregorio *l. 2. epiſt. 36.* quòd videl: Concilio Conſtantinopolitano Conſtitutum Vigilij præponerent, quale autem hæc fuerit, videri poteſt Baronius *tom. 7. ad annum DLIII.* Quæ cauſa fuit, ut multi, qui de Synodis ſcripſere, hanc quintam præterierint, quales ſunt Caſſiodorus *primo Inſtit. 11. & 17.* Patres Concilij Braccar. *2. in præſatione.* Vide Baron. *cit.* & ita hæc quinta Synodus non tam ex ſeiſa naſta eſt auctoritatem, quàm ex ſecuta ipſius Vigilij, aliorumque Summorum Pontif. approbatione: de qua vide B. Gregorium *l. 1. epiſt. 24. & 2. epiſt. 36. & 3. epiſtolâ 4. & 7. epiſt. 54.* Videnda eſt etiam epiſtola Leonis II. quæ habetur in actis ſextæ Synodi: & ſpecialiter *cap. ſicut, d. 15.* Fuiſſe enim hoc Concilium etiam à Vigilio tandem approbatum, teſtantur Evag. *l. 4. c. 37.* Niceph. *l. 17. c. 27. & 28.* Euth. *in vita Eutych.* Cedrenus, Zonar. Photius *de 7. Syn.* apud Euthymium *in Panopl. parte 2. tit. 24.* Notandum ſecundò multa in hac Synodo deſiderari, quæ non extant, cùm tamen conſtet decreta fuiſſe multa, etiam ab hæreticis corrupta. Deſunt ergo quæ præcipuè primoque loco contra Origenem ſancita ſunt, de quibus fit mentio in ſeptima ſynodo *actione 1.* & videri poteſt Nicephorus *l. 17. c. 17.* & quæ notantur initio quintæ ſynodi. Deſideratur etiam Vigilij Papæ libellus ſynodo oblatuſ, quem ipſe Conſtitu-



Ritutum appellat, in quo errores quidem Theodori, Theodoreti, & Ibae Episcop. condemnandos dicit; personis tamen, quas Concilium Chalcedonense recepit, omnino parcendum. Corrupta sunt, & ab hæreticis conficta epist. Mennæ Archiep. Constantinop. ad Vigilium Papam: & hujus dux ad Justinianum & Theodorum de una in Christo operatione, quarum impostura detecta damnataque fuerunt in synodo 6. act. 14. & anathema illis dictum, qui quintam synodum corruperant; unde falsi convincas, quæ in breviario Liberati c. 22. habentur de Vigilio Tom. 2. Concil. circa finem.

*Notandum tertio.* Totam illam quaestionem trium capitulorum non de ipsa fide, sed personis fuisse, ut habet B. Gregorius l. 3. Epist. 37. constabat enim illos hæresin docuisse, quam omnes Catholici æquè averfabantur, sed facti pœnitentes, hæresisque abdicatâ, Concilium Chalcedonense veniâ donaverat, ut patet ex sessione 8. act. 2. & 3. & sess. 9. & idè pro temporum & opinionum varietate Vigilii sententiam aliquoties mutaverat: cum enim defendit tria capitula, non doctrinam illis contentam, sed auctores defendit, abjectâ hæresi in Concilio Chalcedonensi receptos, laudatosque; maxime cum viderit non posse eos damnari, nisi Africanis, alijsque in Occidente Episcopis apertè offensis: sed cum adverteret postea, nisi tria capitula damnet, & totum Orientem apertò schismate conflictatum iri, & hæreticos Nestorio & Eutycheti addictos hac ipsa tergiversatione velandis suis erroribus abuti, quod à tam magni nominis Episcopis, & Chalcedone receptis essent traditi; necessarium fuit cum doctrinam ipsam, tum auctores hæresis notari damnarique: modò, ut aliquoties monuimus, memoriâ teneas, multa, quæ in hac synodo reperiuntur, supposita & falsa esse, ut restatur vi. synodus act. 14. Quod etiam apertum est ex quadam Epistola Theodoreti in hac synodo recitata collat. 4. Quam tamen constat omnino falsam fictamque esse, ut probat Baronius ad annum 444. n. 4. & 553. n. 10. Sunt qui toties à Vigilio mutatam sententiam exemplo B. Pauli excusent, qui act. 15. abolitam suo etiam suffragio Circumcisionem Timotheo adhibuit vitandi scandali gratiâ, act. 16. eandemque iterum damnavit Petro graviter reprehenso ad Galat. 2.

*Notandum quarto,* multa in hac synodo facta, quæ Romanæ sedis auctoritatem ostendunt: quod videlicet splendidissimas ad Vigilium

gillum Legationes Concilium adornavit, primò 20. Episcoporum, dein 13. cum sex alijs Exconsulibus & Patricijs, inter quos Belisarius armorum præfectus: quòd *collat. 7.* & aliàs sæpe conata sit synodus ostendere, se omnia juxta Vigilij sententiam decernere, ut maximè apparuit in sententia definitiva à Concilio pronuntiata: quòd Concilium Constantinop. *actiõ. 1.* contra Anthimum & Severum, Petrum, & Zoaram (nam ad quintam synodum pertinere docent graves auctores, qui dicunt quintam synodum cæpisse sub Agapeto, & usque ad Vigilium durasse, supponitque Picchius *lib. 6. Hierarch. Ecclesiast.*) ipsis vitio vertat, quòd, ut Concilium loquitur; *contempserint Ecclesiam Romanam & successorem Apostolorum, qui sententiam contra illos protulit, &c.* Et in sententia contra prædictos Severum, Petrum, &c. hæc formâ subscripserunt Patres: *Ego Sabinus Episcopus, sequens definitionem sanctæ recordationis Papa Hormisdæ. Et actiõ. 4.* Menas Patriarcha Concilij Præses ita loquitur: Nos, inquit, *Apostolicam Sedem sequimur, & obedimus, & ipsius communicatores habemus, & condemnatos ab ipsa & nos condemnamus:* quòd Vigilij jam tum suæ potestatis conscius, quidquid contra suum Constitutum factum, dictumque fuisset, irritum declaraverit: quòd Menas Constantinop. Archiep. alijsque numquam Justiniani edicto contra tria capitula subscribere voluerint, nisi juramento accepto, nullam fore subscriptionem, sibi que chirographum restitutum iri, si occlamasset Pontifex Romanus teste Facundo Africæ Episcopo pro defensione *cap. l. 2. & 4.* quòd denique Concilium professum fuit, se Romanorum Pontificum de fide epistolas æquè ac quatuor Concilia observare; amplectique, nec ausum fuerit ad examinanda capitula priùs venire, quàm obtento per Eutychium Constantinop. Episcopum Romani Pontif. consensu.

Audi ipsa acta quintæ Synodi *collatione 1.* post epistolam Justiniani, ubi Patriarcha Vigilio sic scribit: *Scientes quantum bonorum causa est pax Dei, idèò festinantes unitatem conservare, ad Apostolicam Sedem Vestra Beatitudini manifestum facimus, quòd servamus fidem à Christo Apostolis traditam, & à sanctis Patribus maximè in Sanctis quatuor synodis explanatam. Suscipimus & epistolas Præfulum Romane Sedis Apostolica. Et idèò petimus presidente nobis Vestra Beatitudine, de tribus capitulis quarti & conferri.* Respondit Vigilij: *Annuimus, ut de tribus capitulis facto regulari conveniù, medijs sacrosanctis Evangelijs collatio habeatur, & finis detur placit.*

*placidus Deo.* Cut ergo, *dices*, Concilium invito Vigilio Pontifice, & contra ejus sententiam scripto testatam definivit, & definitionem Ecclesia recepit? *Respondetur* hoc ipso sententiam Concilij à tot orthodoxis in Africa, Illyrico, Hibernia & reliquo Occidente pro nulla habitam esse, totâ Ecclesiâ discordijs, bellis, exilijs misère concussâ: dum tandem concordix causâ & Pontificum assensu recepta est. Et cum toties declarâsset Vigilius, se tria capitula condemnare, ut videre est in epistola Justiniani ad synodum & *collatione 7.* meritò potuit synodus primæ sententiæ adhærere, quam deinde Vigilius etiam approbavit, ut supra monuimus, & habet *Evang. l. 4. c. 37.*

Et planè cum quæstio non fidei verteretur, sed personarum, & illa odio instinctuque Theodori Archiep. excitata, ut in Romanos vindicaret Origeni infestos; exitus ostendit malè Justinianum egisse, quòd Palatio & Castris natus se in Ecclesiastica miscuerit, manu in alienam artem infelicitè misâ: quæ res tandem & ipsum Imperatorem & Imperium perdidit; dum enim teste Procopio *l. 3. de bello Gotti.* in multam noctem coronâ Episcoporum septus examinandis Christianorum sacris incumbit, omisâ interim armorum curâ; Gotti Italiam vastant, Justinianum imperato tributo vectigalem faciunt: & ipse religionis & fidei arbiter, hæresin incorruptibilem amplectitur, edictoque firmat, pœnis, exilijs, & morte in Episcopos decretâ, qui sibi repugnarent; quod dum facit, nec opinatò sub mediam noctem extinguitur. Voluit tantum vitæ illi concessum, ut pœnitentiæ signa ediderit: Princeps bello litterisque immortalis, si modò sacris abstinuisset, memor illius sententiæ: *Qui scrutator est Majestatis, opprimetur à gloria.* Et Regum *2. c. 6.* Iratusq; est indignatione Dominus contra Ozam & percussit eum super temeritate, eo quòd extendisset manum ad Arcam Dei, & tenuisset eam.

VIII. Anno DCLXXX. Tertia Constantinopolitana, & sexta Oecumenica Synodus celebrari cœpta. Numerus Patrum incertus, alijs ducentos octoginta, alijs centum septuaginta numerantibus. Auctoritate Agathonis summi Pontificis ad preces Constantini Pogonati coactam patet ex epistolis ejusdem Papæ ad Concilium datis, quæ *tertio Tom. Concilior. in 4. action. 6. Synodi* extant. Legati à summo Pontif. Theodorus, Georgius, Joannes, & Constantinus missi. Ab Ecclesia occidentali quatuor alij. Damnata in hac Synodo

nodo hæresis Monothelitarum, qui duas in Christo naturas, sed voluntatem unam, unamque operationem statuebant; nominatim in Sergium, Pyrrhum, Petrum & Paulum Archiepiscopos Constantinopolitanos anathema dictum, imino & contra Honorium primum summum Pontificem ejusdem erroris postulatum ex epistola ad Sergium, ut habetur *actione 13.* Sed hunc quod attinet, multa & gravissima sunt, quæ persuadeant, Concilium hoc sextum Græcâ fide corruptum mendacio fuisse, quod apud Græcos jam in morem transierat, ut patet ex hac ipsâ sexta Synodo *action. 12. & 14.* ubi Pates observant, quintam Synodum sæpius corruptam esse. Et *sess. 8.* Macarius Archiep. Antiochenus non imprudenter solum, sed etiam glorianter fatetur, Patrum scripta à se corrupta fuisse, quod opinioni suæ stabiliendæ id opportunum crederet. Et in Concilio Florentino Julianus Cardinalis conquestus est in epistola dogmatica Agathonis, ubi dicitur: *Spiritus sanctum ex Patre Filioq, procedere*, fuisse à Græcis illam vocem, *Filioq,* subductam. Et B. Gregorius *l. 5. epist. 14.* ad Narssem scribit: *Concilia Chalcedonense & Ephesinum corrupta fuisse.* Idemque ait B. Leo *Epist. 81. ad Palestinos Tom. 2. Concl. editionis Veneta.* Vide etiam Anastasium *præfatione in octavam Synodum*: ut proinde mirum haud sit, toties falsi compertos aliquid simile in Honorium aulos esse, maxime cum ipsius Honorij epistolæ extant: una *act. 12.* altera *act. 13.* in quibus duas voluntates aperte confitetur: nomina tamen unius aut duarum operationum silentio tegi vult; ne, quod evenit, novo incendio esca daretur. Ipse Agatho in Epistola Synodali, quam Concilium *Act. 12. & 14.* tantopere celebravit, intrepidus dicit: *Nullum Antecessorum suorum hæresi junctum fuisse.* Et planè vix credi potest, Synodum Oecumenicam, quæ ne ultimum quidem Episcopum nisi accusatum, auditum, convictum, omniq, solemnitatum apparatu, & tunc quidem sine gemitu damnaverat, ut in Nestorio patuit alijsque, voluisse in Pontificem Max. sine accusatione, sine testibus & examine, & jam prædefunctum, sententiam præcipitare, ex duabus epistolis, in quibus tamen non tantum hæresin, cujus accusabatur, non docebat, sed expressè contrarium, adhibitis novo schismati declinando prudentissimè cautelis. Sed quidquid de hoc sit, quæ apud Bellarminum *l. 4. de summ. Pontif. c. 11.* & Baronium ad *Annum DCLXXXI.* videri possunt; etiamsi demus Honorium in privata illa ad Sergium

Episto.

Epistola hæresin docuisse, nihil contra nos sequitur, qui infallibilitatem summo Pontifici asserimus, non ut privato Doctore, sed ut publicè, & ex cathedra docente, de quo inferiùs.

Multa in hoc Concilio relicta summæ in Romanis Pontific. potestatis argumenta: nam primò Constantinus epistolis ad Donum Pontificem Maximum titulum præfigit: *Sanctissimo & Beatissimo Archiepiscopo antiquæ nostræ Romæ & universali Papæ, &c.* Et in Epistola synodali ad Agathonem, quæ habetur ad finem *actionis* 18. vocant illum: *Universalem Principem Pastorum*: & in epistola synodali à Concilio ad eundem Agathonem scripta, quæ habetur inter epistolas Leonis II. post sextam synodum vocant: *Prima sedis Antistitem universalis Ecclesiæ stantem supra firmam fidei petram*. Secundò, tantum abest, ut summus Pontifex Concilij sententiam velut superioris expectaverit, seque illi submiserit, quin potius exemplo Leonis in Ephesino & Chalcedonensi Concilijs, regulam illis præscribit, secundum quam credere & definire debeant, vetatque à sententia Romani Pontificis vel latum unguem deflectere; cujus mandato & Concilium paruit, tantumque abfuit, ut reclamaret, diceretque: *Concilium dare leges, & credendi normam, non accipere debere*; ut potius summis laudibus efferret, sic enim in epist. ad Augustos loquitur: *Apud homines in medio gentium positos quomodo ad plenum poterit inveniri scripturarum scientia, nisi quæ regulariter à Sanctis, atq; Apostolicis prædecessoribus, & venerabilibus quinque Concilijs definita sunt, tum simplicitate cordis & sine ambiguitate conservemus &c.* Et paullo post: *Testimonia aliquorum SS. Patrum, quos hæc Apostolica Christi Ecclesiæ suscipit, cum eorum libris tradidimus, ut ex his duntaxat satisfacere studeant, quid hæc spiritualis Mater eorum, ac à Deo propagati Imperij Apostolica Christi Ecclesiæ credat & prædicet. Licentiam proinde eis dedimus, ut apud tranquillissimum vestrum Imperium, dum jusserit ejus clementia satisfaciendi, in quantum eis duntaxat injunctum est, ut nihil profectò præsumant augere, minuire, vel mutare; sed traditionem hujus Apostolicæ Sedis, ut à prædecessoribus Apostolicis Pontificibus instituta, sinceriter enarrare, &c.* Et infra: *Ut autem Vestra divinius instructa pietati, quid Apostolica nostra fides contineat, breviter intuemus, quam percepimus per Apostolicam, Apostolicorumq; Pontificum traditionem & sanctarum quinque generalium synodorum, per quas fundamenta Catholica Ecclesiæ firmata sunt, &c.* Et infra: *Hæc Apostolica ejus Ecclesiæ nunquam à via veritatis in qualibet erroris parte deflecta est, cujus auctoritatem utpote Apostolorum omnium Principis*

pis semper omnis Catholica Christi Ecclesia (NB.) & universales synodi fide-  
 liter amplectentes in cunctis secuta sunt; omnesq; venerabiles Patres Apostoli-  
 cam ejus doctrinam amplexi, per quam & probatissima Ecclesia Christi lumi-  
 naria claruerunt, & Sancti quidem Doctores Orthodoxi venerati atq; secuti  
 sunt, heretici autem falsis criminationibus, ac derogationum odijs insecuti. Et  
 infra: Hac est enim vera fidei regula, quam defendis hac spiritalis Mater  
 Vestri tranquillissimi Imperij, & Apostolica Christi Ecclesia tenuit, qua per Dei om-  
 nipotentis gratiam à tramine Apostolica traditionis numquam errasse probabitur,  
 nec hereticis novitatibus depravata succubuit, sed ut ab exordio fidei Christia-  
 na percepit ab auctoribus suis Apostolorum Christi Principibus illibata finetenus  
 permanet, secundum ipsius Domini Salvatoris pollicitationem, quam suorum  
 Discipulorum Principi fatus est: ego autem pro te rogavi, ut non deficiat fides  
 tua, & aliquando conversus confirma fratres tuos. Consideret itaque Vestra  
 tranquilla Clementia, quod Apostolici Pontifices mea exiguitatis predecessores  
 confidenter fecisse semper cunctis est cognitum. Et infra post expositam  
 Romanæ Ecclesiæ de fide sententiam ad finem epistolæ: Propterea,  
 inquit, piissimi, & à Deo instructi Domini filij, si hanc sanctarum scriptura-  
 rum, venerabilium synodorum dogmatis regulam Constantinop. Præsul Ecclesia  
 tenere nobiscum ac predicare delegerit, pax multa erit diligentibus nomen Dei,  
 sin autem novitatem amplecti maluerit, & alienis sese irretire doctrinis, ipse  
 noverit, quod de tali contempni in divino Christi examine satisfaciet apud ju-  
 dicem omnium, qui in cælis est. Et in epistola ad synodum, Credimus,  
 inquit, quia, quod paucis raroq; concessum est à Deo, vestro imperio concede-  
 tur, & per ipsum Catholica nostra fidei splendidissimum in omnium mentibus  
 emicet lumen, quod ex veri luminis fonte per ministros B. Petrum & Paulum,  
 eorumq; discipulos & Apostolicos successores gradatim usq; ad nostram parvi-  
 tatem Dei opitulatione servatum est, &c. Et infra: Personas autem de nostra  
 humilitatis ordine prævidimus dirigere ad vestra fortitudinis vestigia, qua om-  
 nium nostrum suggestionem, in qua, & Apostolica nostra fidei Confessionem  
 prælibavimus, offerre debeant, non tamen (NB.) tanquam de incertis contem-  
 dere, sed ut certa atq; immutabilia compendiosa definitione proferre, simpliciter  
 obsecrantes, ut hac eadem omnibus predicari, atq; apud omnes obtinere jubea-  
 tis, &c. Huic epistolæ sic à Patribus acclamatum est actione 18. Sum-  
 mus autem nobiscum concertabat Apostolorum Princeps; illius enim imitorem  
 & Sedis successorem habuimus fautorem: charta & atramentum videbatur, &  
 per Agathonem Petrus loquebatur. Et Constantinus in Epist. ad Synodum  
 Apostolica Sedis antiqua Roma: Idcirco & omnes consonantes mente & lingua,



concedimus & similiter confessi sumus, & tanquam ipsius divini Petri vocem, Agathonis relationem superstitati sumus.

*Tertio. Act. 18.* In epistola Constantini ad synodum Romanam de Macario Antiocheno alijsque hæreticis, qui videntur Sedem Apostolicam appellasse, hæc habentur: *Universalis Conventionis communi sententiâ de sacerdotali dignitate repulsi sunt, & probationi sanctissimi Papa traditi sunt.* Et in epistola Constantini ad Leonem: *Ipsi autem scriptis precibus Serenitatem nostram communiter omnes deprecati sunt, ut se ad Vestram Beatitudinem mitterimus. Sic igitur fecimus, eosque ad vos misimus, vestro paterno iudicio omnem ipsorum causam permittentes.*

*Quarto. Leo II.* Pontifex Concilium sextum confirmat auctoritate Apostolicâ (quod utique superioritatem significat, nemo enim inferior auctoritatem in Superiorem exercet) jubetque paria auctoritatis esse cum alijs quinque Oecumenicis, & qui in eo convenerunt Episcopi, alijs SS. Patribus annumerati. Verba Leonis sunt in Epistola ad Constantinum, quæ habetur post acta Concilij: *Idcirco & nos, & per nostrum officium hac veneranda sedes Apostolica concorditer ac unanimiter, his qua definita sunt ab ea, consentit, & beati Petri auctoritate confirmat, sicut supra solidatam Petram, qui Christus est, ab ipso Domino adeptus firmitatem, propterea sicut suscepimus atque firmiter predicamus sancta quinque universalis Concilia, Nicanum, Constantinopolit. Ephesinum 1. Chalcedon. & Constantinop. qua & omnis Christi Ecclesia approbat & sequitur: ita & quod nuper in regia Urbe pro vestra serenitatis adnifu celebratum est sanctum sextum Concilium, ut eorum pedissequi interpretes, pari veneratione atque censura suscipimus, & hoc cum eis digne connumerari, tanquam unâ & aquali Dei gratiâ congregatum, decernimus: & qui in eo fideliter convenerunt Christi Ecclesia Sacerdotes, inter sanctos Ecclesia Patres atque Doctores adscribendos, aequè censemus. Nam & istis, sicut & illis, idem Dei Spiritus salutem animarum operatus est.*

*IX. Anno Christi DCCLXXXVI.* Septima Oecumenica Synodus Constantinopoli aperta: sed Prætorianis militibus omnia turbantibus, & Patres & Concilium Nicæam translatum; unde & Nicæni secundi nomen adeptum. Convenit auctoritate Hadriani I. Pontif. Max. ad preces Constantini, & Irenes Imperatorum, ut patet ex litteris Imp. ad Hadrianum datis apud Anastasium in præambulo ad hoc Concilium. Numerus Episcoporum 350. Legati ab Hadriano missi quatuor. Causa vocandi Concilij hæresis Iconoclastarum,



starum, qui jam dudum bellum SS. imaginibus intulerant. Ejus origo hæc fuit. Duo Hebræi Impostores futurorum præscientiam mentiti, eamque aliquoties aut casu, aut malis artibus adepti, Izeto Arabum Regi promiserant, diu & feliciter regnaturum, si edicto pœn sçue propositis imaginum cultu Christianos arceret. Rex vitæ regniqûe avidus edictum proponit, & pœnis armat. Vix edictum pependerit, & Regem vanè delusum mors abstulit. Impostores ad necem quæsi in Isauriam abeunt. Illic dum ardente sole ad fontem procumbunt, æstum levaturi, non procul se juvenis ostentat, qui jumento, quod agebat, onere levato, Hebræis se adjungit, auram & prandium unâ capturus. Illi adolescentem, diu & stupentibus similes intuiti, observatoqûe, præter florem juventæ formamqûe, radio quodam majestatis ex vultu micantis, & tenui fortuna majoris, imperium illi prædicunt: eâ tamen conditione, ut juramento promitteret, se voti aliquando potitum, quæ peterent, facturum esse: fides à juvene tanti vaticinij pleno, & gaudio vix pari abundè obstricta, & in proxima B. Theodori ædè juramento aucta: Paulo pòst militiæ adscribitur, & per omnes gradus virtute & fortunâ provectus, imperium assequitur electione Theodosij Augusti, qui mundi & regni pertæsus in Monasterium se abdiderat. Cononis nomen in Leonis mutavit, & à Patria Isaurius est appellatus. Adsunt Hebræi Augures, & præmium vaticinij poscunt, nec aliud, quàm ut imagines aboleret: illis enim cultum à populis adhiberi Deo debitum: hoc si faceret, perpetuas illi victorias fore, vitamqûe diuturnam, & supra votum felicem: Leo ex priori vaticinio posterius æstimans, & fide insuper juramento adstrictâ, rem diu meditatus, & metu barbarum regens, tandem in apertum educit, & bellum imaginibus toto imperio denuntiat, pœnisqûe & tormentis urget, gravissimâ in Catholicos concitatâ persecutione. Tenuit tempestas, sævitiqûe multos annos sub Leonis & Copronymi dominatu, donec Constantino & Irene rerum potitis, pax reddita, & Concilium septimum Niceæ indictum. Advertendum est, inter alios Iconoclastarum errores etiam illum fuisse, quòd dicerent, sacram Eucharistiam non esse vetum Corpus & sanguinem Christi, sed ejus tantùm imaginem. De quo V. Aët. 5. & P. Maymb. *Historia Konoul.* l. 3. circa finem. Hæc origo Iconoclastarum fuit, qui hoc Concilio damnati,

Multra.

Multa in hoc Concilio pro S. Pontifice. Quod neget post definitiones Summorum Pontificum ullum amplius de SS. imaginibus dubitandi locum esse: quod Concilio modum legesque agendi Pontifex præscribat: quod veret limites à Summis Pontificibus fixos moveri: quod primarij Concilij Patres velut de re necessaria interrogentur, an epistolam dogmaticam Hadriani recipiant? & alia multa, quæ ex ipsis actis audire præstat. Sic ergo in Ep. Hadriani ad Augustos habetur: *Vos autem maxime in traditione orthodoxa fidei Ecclesia B. Petri & Pauli principum Apostolorum acquiescitis, eamque amplectimini, quemadmodum à superioribus Imperatoribus factum est, qui Vicarium ejus ex toto corde dilexerunt. Quapropter vestra quoque à Deo data majestas, Sanctissimam Romanam Ecclesiam principum Apostolorum, quibus à Deo ipso data est potestas solvendi & ligandi peccata, cum in cælo, tum in terra, honorabit. Ipsi scilicet Regni vestri propugnatores erunt, cunctasque barbaras nationes pedibus vestris subjicient, ut quocumque ire perrexeritis, victores vos declarent. Hi siquidem Principes Apostolorum sunt, qui Catholicam Orthodoxam fidem auspicati, per scripta quidem veluti legibus latu fidem suam servandam praeceperunt: omnibus scilicet, qui in sedes illorum successuri erant, & in fide eorum usque, ad consummationem sæculi permansuri, atque ita nostra servat Ecclesia, & sanctas eorum figuras veneratur, unde in hunc usque diem venerandi horum imaginibus Ecclesia nostra ornata, ac conspicua sunt. Et infra: Si verò impossibile est hereticorum vesania, pro incredulitate ipsorum, ipsas sacras ac venerandas imagines sine Synodi actione in pristino erigere ac confirmare statu, & nostros sacerdotes pro ejusmodi pia operatione vestra cupit serenissima Imperialis potentia accersire, sicut in vestris feriunt imperialibus jussionibus, imprimis pseudosyllogus ille, qui sine Apostolica sede enormiter, nequiter, irrationabiliter contra Sanctorum Patrum traditionem de sacris imaginibus actus est, anathematizetur, presentibus missis nostris: & tunc sicut antiquitus mos extitit, jurejurando vestra piissima ac tranquillissima potestas unà cum Domina Augusta Imperij vestri genitrice, seu ejusdem Regie urbis Patriarcha, necnon & cuncto senatu corporale tribuentes sacramentum, verbum commonitorium sicut antiquitus, pia sacra nobis dirigere vestra dignetur imperialis potestas, quod non est apud vos parvis cuiuslibet favor aut defensio, sed aequalitatem utriusque partibus conservabit, nullatenus necessitatem facientes, in quocumque capitulo eius, qui à nobis diriguntur, quoquo modo, sed omni honore, cum competenti munificentia & susceptione dignos eos habebitis. Et si quidem utriusque convenierint, ecce bene: si autem minimè convenierint, iterum cum omni humanitate ad nos dirigere satagitis.*

geti. Et epistola Hadriani ad Tharasium Patriarcham: Cuius etiam sedes per totum terrarum orbem primatum obimens lucet, omniumq; Ecclesiarum Dei caput existit. Unde & ipse B. Petrus Apostolus, Dei iussu Ecclesiam pasciens, nihil omnino pratermisit, sed ubiq; principatum obtinuit, & obtinet: cui etiam & nostra Beata, & Apostolica Sedi, qua est omnium Ecclesiarum Dei caput, velim Beata Vestra Sanctitas ex sincera mente & toto corde agglutinetur, utpote qua revera sis recte sentiens, & pietati incorrupta conservatrix. Hoc sacrificium primum Omnipotenti Deo exhibeatur. Vestraq; Beatitudo magnos & piissimos nostros Imperatores supplicibus verbis admonebit, ut Ecclesia nostra vestigia sequentes coram Deo, & horribili ejus judicio, venerandas imagines in regia civitate, & omni loco in antiquum statum restituendas curent, jubentiq;: nimirum servantes traditionem hujus Sanctissima Nostra Romana Ecclesie. Et A. 2. Legati Apostolici post lectam dogmaticam summi Pontif, sic Patriarcham alloquuntur: Petrus & Petrus piissimi presbyteri, & locum tenentes sanctissimi Papa Veteris Roma Hadriani dixerunt: Dicat nobis Beatissimus Patriarcha regia urbis Tharasius, consentitne litteris sanctissimi Papa Veteris Roma, an minus?

Tharasius sanctissimus Patriarcha respondit: Cui Christi lumen circumfulsit, quiq; nos per Evangelium generavit Paulus, verè divinus Apostolus Romanis scribens, & studium sincera fidei eorum erga Deum verum nostrum exosculatus, sic inquit: Fides vestra predicatur in universo orbe hoc. Hoc testimonium & nos insequi par est, temerariumq; repugnare arbitramur. Quam ob rem Hadrianus Veteris Roma primas, & testatorum Principum successor, clarè, & verè, cum ad Imperatores nostros, tum ad nostram mediocritatem, mihi scripsisse videtur, constabilisq; & rectam esse declaravit Catholica Ecclesie antiquam traditionem.

Ob id noi per scripturam inquirendo, argumentando & demonstrando exquirentes, & Patrum quoq; preceptis imbuti, sic confessi sumus, confitemur & confitebimur, concordamus, & vim litterarum h. a. r. u. m. confirmamus, & imaginum picturas secundum priscam Patrum nostrorum traditionem recipimus, & has desiderii nostro adoramus, ut in nomine Christi Dei nostri, & intemerata Domina nostra Deipara Virginis, sanctorumq; Angelorum & omnium Sanctorum factus. Sed apertis verbis testamur nos duntaxat in unum Deum verum, patriam ( hoc est, cultum ) & fidem nostram r. ferre & reponere.

Sancta Synodus dixit: Universa sancta Synodus sic credit, & sic docet. Et paullo post: Iidem Legati sacram synodum eodem modo interrogant: Petrus & Petrus Deum amantissimi Presbyteri, legati Apostolica Cathedra,

*dra, dixerunt: Dicat nobis sacra synodus, num recipiat sanctissimi Papa veteris Roma litteras, an minus?*

Sancta Synodus respondit: *Sequimur, recipimus, & probamus.* Et in epistolis à monachis Palæstinæ ad Tharasilum datis, quas ex Anastasio Baronius recitat ad annum DCCLXXXV. n. 47. circa finem. *Hoc autem subtilius est considerandum, etiam ab ipsa sacra ac venerabili sexta synodo, in qua nullus eorum, qui per idem tempus, in his partibus Episcopi erant, convenisse repertus propter nefariorum hominum dominatum: sed nullum ex hoc sancta adhefit synodo præjudicium, neque secuta est prohibitio aliqua statuendi, & manifesta faciendi recta dogmata pietatis, præcipuè cum sanctissimus Apostolicus Papa Romanus concordaverit, & in ea inventus sit per Apocryfarios suos.*

Hæc, nisi fallimur, satis ostendunt, quanta sit Romanorum Pontificum supra Concilium auctoritas, quantumque septima hæc Oecumenica synodus illis detulerit.

X. Anno DCCCLXIX. Initium factum octavæ Oecumenicæ synodo auctoritate Hadriani II. Papæ, imperante Constantinopoli Basilio Maced. ubi & synodus habita. Legati à Pontifice tres, Donatus Ostiens. Stephanus Nepefinus Episcopi, & Marinus Diaconus. Episcopi, qui Concilio assederunt 102. Causa convocati Concilij schisma cruentum & pertinax Photij contra S. Ignatium Patriarcham Constantinopol. cui extinguendo Patres convenerunt. Origo & progressus hic fuit. Michaël tertius Imperator cum ephēbis excessisset, in omnem licentiam & voluptatem mergi cœpit, tutoribus aut amotis, aut sublati, contemptaque Theodorâ Matre Regni Curatrice. Successit in gratiam Imperatoris Bardas avunculus, qui, ut officio jam aulicis noto, habenas Imperij solus occuparet, juvenis aliàs præcipitis animum in omne flagitium, genusque voluptatum impulit, ipse interim Imperij potens, effeminato jam Augusto, & in otium ac delicias effuso. Et ut solus regnaret, amoti procul extinctique, qui crescentem auctoritatem inumbrare possent. Inter illos etiam Augusta truncatâ comâ in monasterium acta, quod filium Bardamque flagitij infames patienter haud ferret. Supererat Ignatius Patriarcha, sanctitate & doctrinâ illustris, & ided Bardæ & Michaëli gravis, quod illius virtute ex opposito micante perstringi se crederent, nec patienter agris oculis solem admitterent. Hunc perdendi hæc occasio se obtulit. Rogaverat aliquoties

& suo & Augusti nomine Bardas Ignatium, velaret Imperatricem; jam Aulâ exclusam, & monasterio addictam: negavit Ignatius, nec enim invitam aliquam velari posse, multoque minùs Imperatricem Orbis aliquando, nunc sui arbitram. Hinc primi ignes, mox incendium secutum. Deamabat Bardas nurum, defuncto marito viduam, eoq̃ue consuetudo procefferat, ut maritum porius, quàm amantem referret, nam & Conjugem ejecerat, Amicam in thalamum recepturus, nisi obstaret Ignatius; hic ubi monendo precandoq̃ue nihil profecisset, videretq̃ue insuper, Constantinopolim scandalo plenam ex incestis nuptijs, ad ferrum confugit, quo si ægro non posset, saltem publico mederetur, ne lues & exemplum vagari permissum etiam alios tangeret. Die tribus Regibus sacrâ, quæ apud Græcos celeberrima est, processerat in templum Imperator, & Bardas in comitatu primus. Patriarcha, jam ingredi parantem Bardam indignantis gestu, vultuq̃ue ad severitatem composito, ingressu arcet, sacrisq̃; interdicat, nec enim se permissurum, die tam sacrâ, hominis tam impij profaniquè sacrilegio, Ecclesiam fædari. Perculit hominem sacerdotis Imperium, multoque magis palàm, apertoq̃ue sole, & in Græciæ torius conspectu illata contumelia. Hinc totus in vindictam accingi. Persuadet Imperatori, Ignatium nova moliri, & præsentis Imperij pertæsum aliud meditari: illum regij sanguinis superesse, fortunæ, quæ exciderat, necdum oblitum: ideò Theodoram Imperij Curatricem, velum respuisse, ut Ignatio præludente, in Thronum rediret: hoc incolumi & vicino, semper Michaëlem in lubrico fore. Facile hæc credita, Patriarchâ jam exoso, cui exilium dicitur in Terebinthum Insulam. Et sedes Constantinopolitana Photio delata, homini nobilitate, officijs, & favore Principis facile primo, & in quo dubites, plùs vitia an virtutes valuerint: Affinitate Imperatorem attingebat, hujus sorore Irena, in illius fratrem, matrimonio collocata: studiis militaribus, belloque insignis: sed imprimis regendi imperandiquè artes studio, natura, primisque Regni officijs in miraculum usq̃ue edoctus: omni etiam litterarum genere excultus Poësin, Rhetoricam, Philosophiam, Medicinam, Astrologiam, & quidquid humano ingenio pervium est, callere, ijsq̃; totas noctes insomnes dare, Oraculo quàm homini similior; hinc omnium veneratione cultus amatusq̃ue: sed tot animi & naturæ dotes ambitio corruerat, cui usq̃ue adeò indulsit, ut tandem hu-

manâ

manâ industriâ, qua tantùm valebat, consumptâ, etiam magos adhiberet. Hoc Auctore conflatum illud Orientis schisma, quo tandem Græcorum & Ecclesia & Imperium concidit. Photius ergo, ut dicebamus, Monachus, Anagnostes, Subdiaconus, Diaconus, Sacerdos, & Patriarcha factus, ex milite & aulico, intra sex dies, in Patriarcham evasit.

Gregorius Syracusis Episcopus, sed sacris jam dudum interdictus, novum Patriarcham inauguravit, Ignatij amicis partim pulsis, partim, ut solet, in emergentem solem intentis.

Nicolaus I. re intellecta, Legatos Constantinopolim mittit, qui aut pœnis, & 100. dierum carcere, aut ingentibus promissis capri, corruptique in synodo 318. Patrum Photio dignitatem confirmant, abrogantque Ignatio Sedem Apostolicam appellanti, ut haberetur in libello Ignatij.

Hæc ubi Nicolaus I. explorata habuit, Photium damnat, privaque dignitate, & Ignatium restituit: hinc omnes à Photio discedere: quod ille impatientissimè ferens, Michaëlis & Bardæ Cæsaris potentia ferox, omnia pœnis, exiliisque mitcet, coactaque Synodo mentitisque suffragijs mille, cum ferè omnes repugnarent, in Pontificem anathema dicit: omnesque qui ad se aut literarum, quibus unice florebat, aut negotiorum causâ fluebant, juramento in partes suas trahit, & causam, quam ratione non poterat, numero firmat. Paulo post Bardas, in castris jussu Imperatoris obruncatur: causa mortis partim æmulum invidia, Basilij præsertim postea Imperatoris: partim ambitio, quâ creditus est Imperium meditari, ad eò contempto Imperatore, ut hujus castra in planum collocaret, hostibus exposita: sua in collem situ, & natura præmunitum, quæ illi causa cædem maturavit, quamvis ad genua Imperatoris provoluto. Ferunt Bardam insidias præsensisse, illique expeditionem recusanti, fidem juramento factam, calamis Christi sanguine intinēt s: Paulo post secuta Imperatoris Michaëlis mors, à Basilio, cum vino epulisque indormisset, oppressi: Photius in Monasterium trusus, Ignatius post novem exilij & certaminis annos, Patriæ & Sedi redditus, & secundo post hæc anno, octava Synodus, & quarta Constantinopolitana agicœpta, in qua damnatus Photius ejusque scripta flammis tradita: nec ideo tamen finitum schisma: nam Photius cum Basilio, quem supposito vaticinio mirè deceperat, in gratiam rediit,

extin-

extinctæque Ignatio in Patriarchatum successit, impetratâ à Joanne VIII. Pontifice Max. prætextu componendi schismatis, confirmatione: & tandem à Leone Imperatore, quod crederetur cum Sanctabareno Episcopo, magicis artibus infami, nova moliri, in monasterium traditur. Hic est ergo ille Photius, cujus à Romano Pontifice defectioni Græcia amissum Imperium & fidem deber, nec enim cum suo auctore sepultæ sunt discordiæ, sed sæpius compressæ gliscentesque, tandem Imperio exitium attulere.

In hac octava Synodo multoties, multisque modis Romani Pontificis in Concilium auctoritas micuit. Negant enim Legati sedis Apostolicæ, se unquam universalis Concilij judicio subiectos fuisse; quanto minùs illorum Principalis Romanus Pontifex? Deinde Hadrianus more & exemplo aliorum Pontificum, ut vidimus, Concilio modum legesque imponit, imperatque conditiones, cum quibus Photius judicari debeat, ejusque fautores admitti rejicere: præscribitur regula fidei, in quam jurare debeant: jubentur Statuta & Decreta summorum Pontificum, tamquam regulas fidei certissimas admittere: idque univèrsali Concilio non tantum audiente & consentiente, sed etiam positivè probante. Pontifex iterum Concilio non expectato, ejusque sententiâ, Photium prædamnat, idemque à Concilio fieri mandat. Qui libello à summo Pontifice misso non subscribunt, à Synodo non admittuntur. Solus Pontificis Legatus Photio scipionem, quo Episcopi more nirebatur, adimi jubet: & denique expressè & conceptis terminis *Act. 10.* definitur, summum Pontif. ne quidem à Concilio univèrsali judicari posse, & habetur *c. definimus d. 22.* Ubi adverte, hoc primò fuisse in octava Synodo expressè definitum, quia tunc maximè auctoritas Romani Pontificis fuerat à Photio impugnata; Hæc omnia nostro quidem judicio tam apertè ostendunt, Papam Concilio superiorem esse, ut si quis neget, ab eo quærendum sit, quid ergo sit esse Superiorem, & qui sint actus, & characteres Superioris, quos Romani Pontifices in Concilijs non exhibuerint? Et ne aliquid eorum, quæ diximus, in dubium vocetur, audiamus ipsa Concilij acta.

Cum rogarentur Legati Sedis Apostolicæ mandatum Pontif. Hadriani, Synodo exhibere, responderunt: *Hoc nos non invenimus in univèrsali Synodo factum, ut Vicarij Senioris Romæ à quolibet perpendantur, utrum talem excommunicationem habeant.* Et Hadrianus in Epist. ad Basilienza

Augu-



Augustum, quæ habetur *Act. 1.* & in Synodo recitata est, sic loquitur: Volumus per nostra pietatis industriam, Constantinopoli numerosum celebrare Concilium, cui nostri quoq; missi praesidentes, & culparum personarumq; differentias liquido cognoscentes (juxta quod in mandatis acceperunt) singulorum liberè discretionem exercent: in quo sacro cœtu execrandi vanitatis Concilij, quod adversus hanc sedem actum est, cuncta decernimus exemplaria, à possessoribus suis ablata, contemplantibus cunctis igne cremari, ne superesse apud quemlibet ex his omnibus saltem unum jota, vel unum apicem, nisi quis totius Clericatus, immo totius nominis Christiani, anathemate percussus, carere voluerit. Et paullo pòst recitatus libellus Romæ missus à Pontifice, cui omnes subscribere tenerentur, qui sic habet...

Anathematizamus omnes hæreses simul cum Iconomachis. Anathematizamus etiam Photium, qui contra sacras regulas, & sanctorum Pontificum veneranda decreta repenti de curiali administratione, seculari, militiæ sublatus, superstiti Ignatio Patriarcha, in Constantinopolitana est pervasorie, immo tyrannicè à quibusdam schismaticis, vel anathematizatis, atq; depositis, institutus Ecclesia, donec Sedis Apostolica sanctionibus inobediens perseverans, ejus sententiam tam de se, quam de Patriarcha nostro Ignatio spreverit, & conciliabuli acta, quod se auctore contra Sedis Apostolicæ voluntatem congregatum est, anathematizare disjulerit. Sequimur autem sanctam synodum, & amplectimur, quam beata recordationis Papa Nicolaus, cui & ipse Domine coangelice summe Pontifex Hadriane subscripsisti, ante sacratissimum Petri, Apostolorum eximij corpus celebravit: simul & quam tu ipse nuper ibi egisti, & omnia, quæ in eis statuta sunt, secundum decreti vestri moderationem venerabiliter conservabimus, recipientes, quos recipiunt, & damnantes omnes, qui in illis damnati sunt, & præcipuè jam dictum Photium, & Gregorium Syracusanum, parricidas videlicet, qui contra spiritalem Patrem suum linguas eximere minimè formidârunt, atq; perseverantes in schismate sequaces eorum, nec non & qui in illorum communionis societate permanserint.

Sancta Synodus dixit: Omnibus placet libellus, à Sancta Romanorum Ecclesia expositus.

Et *actiōne 7.* Ingressus est Photius ad synodum baculo innixus, quem ab eo Marinus Vicarius Romanus jussit auferri, dicens: Baculus signum est dignitatis Pastoralis, quod hic habere nullatenus potest, quis lupus est, non pastor.

Et paullo pòst: Max recitata sunt gesta synodi, quæ facta est ab Hadriano Romanorum Papa super promotione Photij. In tertia autem

epistola Hadriani ad Synodum hæc habentur: Romanorum Pontificem de omnium Ecclesiarum Prasulibus iudicasse legimus, de eo verò quemquam iudicasse non legimus. Licet enim Honorio ab Orientalibus post mortem anathema sit dictum, sciendum tamen, quia fuerat super hæresi accusatus, propter quam solum licitum est minoribus majorum suorum motibus resistere, vel pravorum suorum sensus liberè respicere: quamvis & ibi nec Patriarcharum, nec ceterorum Antistitum cuiuspiam de eo quamlibet fas fuerit proferre sententiam, nisi ejusdem primæ sedis Pontificis consensu.

Et Nicolaus in Epistola ad Michaëlem Imperatorem, quæ habetur Tom. 3. Conciliorum circa finem: Non ergo dicatis, non eguisse vos in causa pietatis, Romana Ecclesia, quæ collecta Concilia suâ auctoritate firmat, suâ moderatione custodit. Unde quadam eorum, quia consensum Romani Pontificis non habuerunt, validitatem perdidit. Quomodo non egeat qualibet Synodus Romana sedis, quando in Ephesino latrocínio cunctis Prasulibus & ipsis quoque Patriarchis prolabantibus, nisi magnus Leo, imitator scilicet illius Leonis, de quo scriptum est: Viciu Leo de tribu Juda, divinitus excitatus, os aperiens, totum orbem, & ipsos quoque Augustos concuteret, & ad pietatem commoneret, Religio Catholica penitus corruisset; nam in causa sacrarum imaginum, ante sanctissimum Methodium, quin immo, & ante Synodum in Nicea sub Irene congregatam, cum adhuc hoc schisma noviter esset exortum, & Constantinopolitanos penè cunctos more pestilentie invasisset, Romani Prasules, Gregorius inter ceteros & Stephanus, convocatis Episcopis Occidentalium regionum, inveniuntur fortiter dimicasse, & hoc funditus condemnasse.

Et in eadem Epist. §. Sed his tandem: Quoniam cum secundum Canones, ubi est major auctoritas, iudicium inferiorum sit deferendum, ad dissolvendum scilicet, vel ad roborandum: patet profecto, Sedis Apostolica, cujus auctoritate major non est, iudicium à nemine fore retractandum, neq; cuiquam de ejus liceat judicare iudicio. Siquidem ad illam de qualibet mundi parte canones appellari voluerunt. Ab illa autem nemo sit appellare permissus. Juxta quod & Bonifacius atq; Gelasius sanctissimi Prasules, non suis adinventionibus, sed Ecclesia Romana consuetudinem non ignorantes, dicunt: Bonifacius quidem Ruso & ceteris Episcopis per Thessaliam & alias provincias constitutis, scribens: Nemo, ait, unquam Apostolico culmini, de cujus iudicio non licet retractare, manus obvias audacter intulit. Nemo in hoc rebellis extitit, nisi qui de se voluit judicari. Gelasius autem in commonitorio, Fausto Magistro fungenti legatione Constantinopolim d. ito: Nobis inquit, opponunt Canones, dum nesciunt, quid loquantur. Contra quos hoc ipso venire se produnt, quod prima Sedis sana

retracta.

*Deſtaq;* ſuadenti parere fugiunt. Ipſi ſunt Canones, qui appellationes totius Eccleſia ad hujus Sedis examen voluere d. ferri. Ab ipſa verò nuſquam prorsus appellari debere ſanxerunt, ac per hoc illam de tota Eccleſia judicare, ipſam ad nullius commere. Nec de ejus unquam praeceperunt judicio judicare, ſententiaq; illius conſtituerunt non oportere diſſolvi, cujus potiùs ſequenda decreta mandarunt.

Ubi adverte, fuiſſe has Nicolai epiſtolas in Synodo lectas. *Act. 4. & Act. 10. & u'timâ. canone 21.* Definimus neminem prorsus mundi poſſentium quenkum eorum, qui Patriarchalibus ſedibus praſunt, inhonorare, aut movere à proprio throno tentare, ſed omni reverentiâ & honore dignoſ judicare, praecipuè quidem ſanctiſſimum Papam Senioris Roma: deinceps autem Conſtantinopoleos Patriar. ham, deinde verò Alexandria, ac Antiochia, atq; Hieroſolymorum. Sed nec a'ium quenkum conſcriptiones contra ſanctiſſimum Papam Senioris Roma, ac verba complicare, vel componere liceat, ſub occaſione quaſi diffamatorum quorundam criminum: quod & nuper Photius fecit, & multo antè Dioſorus. Quicquid autem tale ſciamus contra Sedem Petri Principis Apoſtolorum auſus fuerit intentare, aequalem & eandem, quam illi condemnationem recipiat. Porro ſi ſynodus univerſalis fuerit congregata, & facta fuerit etiam de ſancta Romanorum Eccleſia quavis ambiguitas & controverſia, oportet venerabiliter & cum convenienti reverentia de propoſita quaſtione ſuſcitari, & ſolutionem accipere, aut proſicere, & proſectum facere, non tamen audacter ſententiam dicere contra ſummos Senioris Roma Pontifices. Denique quemadmodum nemo magis, ut Photius cum Romana Sede bellum gerit, ita nullibi magis ejusdem auctoritas emineat, quam in hac Octava Synodo, ut legenti patebit.

Ceterùm fuiſſe hanc ſynodum Oecumenicam & univerſalem dubitari non poſteſt, cum Anaſtaſius expreſſè id aſſerat in *praſat. hiſtor.* ad hanc ſynodum, & ipſi Patres Concilij id paſſim teſtentur, ut videre eſt in ipſis actis, h. betque forma juramenti, quo SS. Pontifices Papatum adituri ſe obſtringunt, recitatque Baronius ad *Annum DCCCLXIX. n. 59.*

De hac ſynodo Aimoinus de *Gest. Francor. l. 5. c. 28.* ſcribit multa aliter in ea fuiſſe definita, quàm orthodoxi Doctores antè ſtatuerrint, videlicet de adorandis imaginibus & Privilegijs SS. Pontificum. Quæ ubi in Aimoino legit Raderus *praſat. in 8. ſynodum*, continud hile accenſa di it: *Aimoinum S. A'ienari Bened. linum fuiſſe l'opomabum, impudentiſſimum, mendacem, ſur-le-gem:* hæc pro ſua modeltia

in Aimoinum Raderus, Scriptorem antiquissimum, & à veritate laudatum, infirmo nimis argumento, hoc est, convitio impugnans, quod plebeji solent, suæque causæ diffusi, rerumque ignari, laccatu magis quam viribus fortes. Veritas sic habet. Ab Anno dcccxliv. Bulgari operâ cujusdam captivi fidem Catholicam receperant, petitis, acceptisque à Summo Pontifice sacris ministris. De ijs paullo post absolutam 8. Synodum quæstio mota, utri Ecclesiæ subjici deberent, Romanæ, an Græcæ & Constantinopolitanæ: pro se Græci pronuntiaverant, legatis Apostolicæ sedis reclamantibus. Hinc offensi Græcorum animi, Basilij præsertim Imperatoris, qui conatus acta Concilij jam signata & legatis tradita surripere, detectâ fraude, irritâque, Legatos minori, quam acceperat, veneratione dimittit. Illi mare ingressi Piratas incidunt, amittuntque inter alia omnia etiam acta Concilij, Basilio ut creditum est, tabulam ducente. Sed Legati Ludovici II. Imperatoris, & Anastasius Bibliothecarius aliâ Romam incolumes pervenerant, & Pontifici Hadriano Acta Concilij integerrimè & fideliter conscripta tradiderant. Hâc occasione fuisse Concilium Græcâ fraude & Photij præsertim corruptum, non conjectura tantum est, sed res certissima: nec apud Græcos hoc novum insolensque, qui, ut suprà vidimus, omnia æquè Concilia Oecumenica mendacijs sparserant.

Vide ipsum Anastasium in præfat. *Ad Oclavam Synodum*, qui inter alia post descriptas varias Græcorum fraudes, hæc scribit.

*Sic igitur, sic Græci acceptâ occasione celebratorum universalium Conciliorum, frequenter egisse clarescunt, & nunc minuendo, nunc addendo, vel mutando, nunc in absentia sociorum, nunc in abscondito angularum, nunc extra synodum, nunc post synodum, astutiâ suâ, immo fraude communibus sanctionibus abutuntur, & ad suos libitus cuncta, quæ sibi visa fuerant, etiam violenter inflectunt.*

*Itaque quidquid in Latino Actionum Oclava Synodi Codice reperitur, ab omni est furo falsitatis extraneum. Quidquid verò amplius sive de Diœcesi Bulgarica, sive aliunde in Græco ejusdem synodi Codice forsitan invenietur: totum est mendacii venenis infectum. Denique disceptatio, quam coram Imperatore, vicariis & Bulgaris tantum super Bulgarum terra suprà fuisse significavimus actum: post synodum consummatam. Canonesq; 20. prolatos, atq; 7. tantum Capitulis terminum fidei depromptum. & omnia hæc in quinque Codicibus scripta, sive compacta, & omnium subscriptionibus roborata, sed & ipsos*  
Codi-

Codices plumbeâ bullâ munitos, atq; sigillatim Loci servatoribus traditos Patriarchalibus sedibus deferendos, effecta est. Ne ergo Græcorum sucta astutia, quin potius dolositas etiam circa præsentem synodum agat, hac me admonendi causâ dixisse sufficiat. Cæterum bene novi, quod juxta Proverbialem: Frustra jactetur rete ante oculos pennatorum. Unde quisque sapientia ac prudentia pennis ad alta sustollitur, omnes insidiarum muscipulas, quæ à Græcis in infimis tendi poterint, alto contemplationis saltu transcendet.

Hæc causa errandi Aimoino fuit, nec illi solùm, sed multis alijs Catholicorum, immo ipsi Juliano Cardinali in Concilio Florentino *Act. 6.* His omnibus, inquit Raderus, *Præfat. in Concilium, merito est ignoscendum, cum hætenus exemplaribus & Codicibus Octava synodi caverint, cum tot præsertim Concilia, quæ Octavum sibi locum usurpabant, in una causa fuissent habita.*

Hæc Raderus in omnes humanus, soli monacho implacabilis; quasi verò non eadem ratio aut omnes, aut nullum absolvat. Eadem de Aimoino, quæ Raderus, scribit Baronius, sed quod peritratum decuit, majori multò, quàm ille, verborum temperantiâ, minori quæ tumultu. Legat qui volet Aimoini historias, videbit quæ non illum sacrilegum, impudentissimum, mendacem esse: sed eum, cujus candorem, modestiam quæ Raderus merito imitetur. Nec enim omnis, qui errat, talis continuò est, quem ille depingit. Vide de corrupta à Græcis octava synodo etiam Maymburgum *lib. 2.* de schismate Græcorum.

XI. Anno MCLXXIX. Concilium Lateranense convenit auctoritate Alexandri Tertij summi Pontificis, cui 300. Episcopi interfuerunt. Causæ convocati Concilij varix: extirpatio schismatum, Ordinatio Electionis summorum Pontificum, & præsertim proscriptio Catharorum, Publicanorum, aliorum quæ, qui partim hæresi, partim grassationibus Ecclesiam vastabant.

In hoc Concilio pro summi Pontificis auctoritate facit *c. 1. de modo eligendi summi Pontif.* quod habetur *rom. 4. Concil. & in c. licet extra de El.* ubi: Ex hoc tamen nullum Canonici Constitutionibus præjudicium generatur, in quibus majoris & sanioris partis debet sententia prevalere; quia quod in eis dubium venerit, superioris poterit judicio definiri. In Romana verò Ecclesiâ aliquid speciale constituitur, quia non potest recursus ad superiorem haberi. Non ergo Concilium est supra Papam, cum hic ex sententia Patrum superiorem non habeat.

XII. Anno MCCLXXIV. Sub Gregorio X. & Rudolpho Imperatore celebratum est Concilium Lugdunenſe ſecundum contra Græcorum errores, & pro recuperatione Terræ Sanctæ. Episcopis ſupra 700. frequens, in quo inter alia capita fidei, quæ legati Michaëlis Palæologi publicè profeſſi ſunt, hoc etiam fuit: *Ipsa quoque ſancta Romana Eccleſia ſummum & plenum Primatum & Principatum ſuper univerſam Eccleſiam Catholicam obtinet: quam ſe ab ipſo Domino in B. Petro Apoſtolorum Principe ſive vertutis ſuius Romanus Pont. eſt Succellor, cum poteſtatis plenitudine recepiſſe veraciter & humiliter recognoviſit. Et ſicut præ ceteris tenetur fidei veritatem defendere, ſic & ſiqua de fide ſuborta fuerint quaſtiones, ſuo debens iudicio definire. Ad quam poteſt gravatus quilibet ſuper negotiis ad Eccleſiaſticum forum pertinentibus appellare: & in omnibus cauſis ad examen Eccleſiaſticum ſpectantibus ad ipſius poteſt iudicium recurri, & eidem omnes Eccleſia ſunt ſubjecta, ipſarumq; prælati obedientiam & reverentiam ſibi dant.*

Apud hanc autem fidei poteſtatis plenitudo conſiſtit, quòd Eccleſias ceteras ad ſollicitudinis partem admittit, quatum multas, & Patriarchales præcipuè, diverſis privilegiis eadem Romana Eccleſia honoravit: ſua tamen obſervat prærogativà, & tum in Generalibus Conciliis, tum in aliquibus alijs ſemper ſalvâ.

Supraſcriptâ fidei veritate (prout plenè lecta eſt, & fideliter expoſita) veram, ſanctam, Catholicam, & Orthodoxam fidem cognoviſimus, & acceptamus, & ore ac corde conſitemur, quòd verè tenet & fideliter docet, & præducas ſancta Romana Eccleſia.

Si ergo Pontifex Romanus ſummum & plenum Primatum obtinet in tota Eccleſia Catholica, idque cum plenitudine poteſtatis, multò magis in Concilio univerſali, quod infra Eccleſiam Catholicam eſt, eamque repræſentat. Ex Concilio Conſtanti. ult. poſt articulo Joannis Huſi; ſemper enim repræſentans eſt imperfectius repræſentato. Rurſus ſi ad Pontificem Romanum pertinet de fidei quaſtionibus definire, non poteſt aliud tribunal eſſe, altius certiusque: nec definitum eſt, quòd adhuc judicari ab alio poteſt, & conſequenter in litem & dubium vocari; aut enim in rebus præſertim fidei, Pontificis iudicium eſt certum, aut incertum? ſi incertum, non ergo quaſtiones fidei per illud definiri poſſunt, definita enim in materia fidei ſunt certa, & extra dubium. Si verò iudicium Papæ eſt certum, ergo nec in litem, nec in iudicium vocari poteſt: quò ergo Concilium, niſi ut actum agat, & nodum in ſcirpo quarat, aut umbram in ſole? & ſinem fini addat? quæ enim ſunt fidei, ſemel defini-

ta sunt semper definita, nec possunt appellatione mutari. Rursus si omnes, & in omnibus causis Ecclesiasticis ad eum appellare possunt, ergo etiam à Concilio ad eum, non e contra provocatio admittitur.

Ubi nota, hæc à Græcis Legatis non in angulo, sed pleno Concilio dicta, & à nullo improbata, sed omnium plausu, & aggratulatione accepta.

XIII. Anno MCDXIV. Concilio Constantiensi principium datum sub Sigismundo Imperatore; convenerant Episcopi 214. Ejus celebrandi causa, schisma pertinacissimum & inveteratum fuit, hæresesque Joannis Hufs, & Wicleffi, de quo jam suprà aliquid diximus. Huic Concilio evenit, quod jam dudum multis Sanctorum Patrum, quidum in unum errorem toti incumbunt, visi sunt extra medium veritatis in extrema rapi: sic B. Augustinus, dum totus est in commendanda gratia, ejusque necessitate & energia, visus est non paucis, etiam doctrinæ & pietate conspicuis, in libertatem offendere, ejusque jura minuere. Ex adverso S. Joannes Chrysostomus dum contra ignavos desidesque, liberum arbitrium humanamque industriam excitar, visus est gratiæ oblivisci, & Semipelagianis accedere. Idem in Constantiensi hoc Concilio evenit, ut videlicet, dum profligando schismati, quod Summi Pontificatus ambitio excitaverat, totum studet, submittendique Concilij judicio tres Papas eosque incertos; visum aliquibus sit simbrias extendere, & tantum Pontificum auctoritati demere, quantum sibi & Concilijs tribuerat. Nos contrarium, & nihil contra Pontificis jura factum, decisumque, multa verò pro illis ostendemus.

*Primo* Concilium Constantiense, quoties de potestate Concilij supra Papam loquitur, semper restringit ad præsens Concilium, & ad schismatis tunc grassantis extirpationem, ut videre est *sess. 4.*

*Hac sancta synodus Constantiensis, & generale Concilium faciens pro extirpatione præsentis schismatis, & unione, ac reformatione Ecclesie Dei in capite & in membris fienda.*

Et paullo pòst. *Et primò, quòd ipsa Synodus in Spiritu sancto congregata, legitime generale Concilium faciens, Ecclesiam Catholicam militantiem representans, potestatem à Christo immediate habet, cui quilibet cujusvisq. status vel dignitatis, etiam si Papalis existat, obedire tenetur in his quæ pertinent ad fidem, & extirpationem dicti schismatis, reformationem generalem Ecclesie Dei in capite & in membris.*



Et *sess. 5.* Et primò declarat, quòd ipsa in Spiritu sancto legitime congregata, Concilium generale faciens, & Ecclesiam Catholicam representans, potestatem à Christo immediate habet, cui quislibet cujuscunque status vel dignitatis, etiam si Papalis existat, obedire tenetur in his, quæ pertinent ad fidem & extirpationem dicti schismatis, & reformationem dictæ Ecclesiæ in capite & in membris.

Item declarat, quod quicumque cujuscunque conditionis, status, dignitatis, etiam Papalis, qui mandatis, statutis, seu ordinationibus, aut præceptis hujus sacre Synodi, cujuscunque alterius Concilij generalis legitime congregati, super præmissis, seu ad ea pertinentibus factis, vel faciendis, &c.

Vult ergo Concilium aperte innuere, se in casu tantùm Schismatis & Papæ incerti potestatem habere: cur enim aliàs toties & tam constanter adjecit illam restrictionem: *In his, quæ pertinent ad fidem, & extirpationem dicti schismatis.* Si extra casum schismatis, dubijque Pontificis, eam potestatem sibi vindicabat? nec enim ignorabant Patres inclusionem unius esse exclusionem alterius ex vulgatissima juris regula. Videtur planè laborasse Concilium, ut sæpius repetitâ eadem restrictione, intelligeretur de superioritate in Papam non absolutam, sed tantùm in casu excepto.

*Secundò.* Postquam Martinus V. Pontifex renunciatus est, cessavit omnino tota Concilij Constantiensis Jurisdictio, nec ullum amplius morum aut fidei decretum Concilij nomine factum est, cùm tamen ante electionem omnia statueret, decerneret, definiret, juberet, vetaretque; quæ hujus causa; si tota, ut adversarij dicunt, & Papalis potestas in Concilio est, & pendens hoc magis, quàm ipsum Pontificem? Videatur *sess. 42.* (quæ post electionem Martini est prima) & sequentes.

*Tertio.* In bulla Martini V. sacro approbante Concilio facta, quæ habetur *sess. ult.* inter alias propositiones, quæ suspectum aliquem hæresis Hussiticæ faciunt, etiam hæc ponitur: *Papa Canonice electus non est successor Petri, nec habet in Ecclesia Dei supremam auctoritatem.* Agnoscit ergo Concilium supremam in Pontifice auctoritatem, non autem supremam esset, si aliam haberet, cui subesset: tunc enim suprema Potestas, non Papæ, sed Concilij foret: sicut enim cælum Empyreum supremum dicitur, & Ignis supremum elementum, & rectum suprema pars domûs; quia supra se aliud in suo genere superius non habent: idèd & suprema potestas in  
Papa,

Papa, quia nulli subest: sicut etiam in Republica, qualis erat olim Romana, & statu Democratico, nemo dixerit, supremam potestatem esse penès Consules, aut Senatum, sed penès Populum: In Aristocratia verò penès Senatum & Magnates. Sed infrà, ubi solvemus objectiones, plura de Concilio Constantiensi dicentur.\*

XIV. *ANNO MCCCCXXXIX.* Concilium Ferrariense inchoatum: sed grassante lue Florentiam translatum est, duravitque menses 15. Præfuit Eugenius IV. Pontifex Max. Adfuerunt Joannes VIII. Palæologus Græcorum Imperator cum Demetrio fratre, Principe Peloponesi. Josephus Patriarcha Constantinopolitanus, Bessarion Episcopus Nicænus, Isidorus Thessalonicensis Archiepiscopus, Ruthenus, alijque ex Oriente & Occidente celeberrimi. Disputatum inter Latinos Græcosque acriter, & tandem pax & unio secuta, receptis etiam in fidem Indis, Armenisque. Processio Spiritûs sancti, & Primatus Pontificis admissus. Sed paullo post reversi in Patriam Græci, Marco Ephesino omnia turbante ad vomitum redeunt, & Constantinopolis non multos post annos capta est, Imperio Orientis ad Turcas translato.

In hac ergo Florentina Oecumenica synodo *Act. ult.* Josephus Patriarcha Constantinopolit. morti proximus hoc ultimum post se chirographum reliquit: *Quoniam ad extremum vita mea perveni, idcirco pro meo munere dilectis filijs, beniginitate Dei meam sententiam his litteris palàm facio. Nam quæ Domini Nostri Jesu Christi Catholica & Apostolica Ecclesia Roma Veteris credit, omnia me quoque sentire, credereque profiteor, ac ipsis plurimum acquiesco.*

Et in litteris unionis circa finem: *Definimus Sanctam Apostolicam Sedem & Romanum Pontificem in univèrsam Orbem tenere primatum, & ipsum Pontificem Romanum successorem esse Beati Petri Principis Apostolorum, & verum Christi Vicarium, totiusque Ecclesie Caput, & omnium Christianorum Patrem, & Magistrum existere, & ipsi in B. Petro pascendi, regendi, & gubernandi universalem Ecclesiam à Domino Nostro JESU Christo plenam potestatem traditam esse.*

Vides ex allegatis Concilij verbis: Doctrinam & sententiam ac definitionem Pontificis e cathedra docentis esse fidei regulam, cui meritò acquiesci in rebus fidei possit, & pro tali fuisse à Josepho Patriarcha habitam commendatamque suis Græcis, idque eo temporis momento, cum morientem & æternitati vicinum, omnis

adulatio deterit. Quodd si Papæ definitio est fidei regula, & certa applicatio rerum credendarum, oportet eam esse infallibilem, nec à Concilio emendabilem, nam ut dicebamus, in rebus fidei semel decisa, semper decisa.

Deinde in eodem Concilio summo Pontifici plena potestas regendi universalem Ecclesiam attribuitur: ubi adverte, non dici, omnes Ecclesias particulares; sed *Ecclesiam Universalem*: hoc est, etiam in unum collectam, hæc enim propriè vocatur Ecclesia universalis. Nec in Florentino, nec in alia synodo Oecumenica dictum est aliquando: Concilium succedit Petro, Concilium habet potestatem Vicariam pascendi universam Ecclesiam; penes Concilium est Primatus Ecclesiæ Christi: unde mirum est, velle nos Concilijs dare, quæ nullum Concilium ausum est sibi sumere.

XV. Anno MDXI. Ludovicus Galliarum Rex & Maximilianus Imperator Julio II. Pontif. Maximo varias ob causas infensi Concilium in Gallijs primò, deinde Pisis in Italia & Mediolani cogendum curaverant, ex hac velut arce Pontificis auctoritatem pulsaturi: sed Julius Pisanum Concilio Lateranense opposuit, in quo sess. 2. & 3. Pisanum improbavit: Julio è vivis sublato Leo X. successit, & Lateranense Concilium prosecutus est, ei que præfedit, quod anno 1517. finem accepit. Dum sessio 8. celebraretur, adfuerunt à Ludovico Rege Legati, ejusque nomine Pisanum Concilium detestati, Lateranensi tanquam verò, unico, legitimo & sacro: sancto adhæserunt.

Verba mandati Regij habentur initio sess. 8. in hæc verba: *Intellexi præfatus Rex Sanctitatem suam insequendo in hac parte gesta præfati Julij, dictum præfensum Concilium Pisanum, tanquam minus legitimum, & à non habentibus potestatem indictum, nec non omnia in eo gesta damnasse & improbasse, & dictum Concilium Lateranense tanquam ritè & legitime indictum, ejusque omnia gesta & decreta approbasse, fueritque postmodum per suam sanctitatem, tam per litteras in forma brevi, quàm alias diversimodè paternè admonitus, ut à dicto præfensum Concilio tanquam minus ritè, & à non habentibus potestatem indicto, recederet, & dicto Lateranensi tanquam vero, indubitato, unico, & Oecumenico Concilio adhereret, ipseque Rex solo religionis zelo atque instinctu adductus, sperans desideratam universalem Christi fidelium pacem auspicijs præfati Sanctissimi D. N. Leonis Papæ X. præsto assuturam, ac propediem (favente Domino) unanimi Christianorum Principum & populorum consensu,*

arma in Orthodoxa fidei, communesq; hostes convertenda esse: considerans insuper, quanti sit in his & ceteris rebus omnibus summi Pontificis auctoritas, quam praesertim vita munditia, atq; innocentia comitatur, qua sunt in praefato Sanctissimo D. N. perspicua, paternus sua Sanctitatis monitus & suasionibus abunde permotus, quippe qui illius auctoritati & sententiae potius, quam alicuius cuiusq; mortalium, sanctius & severius semper stare iudicavit, praesertim ubi scandalum Ecclesiae imminet & scissura, pro singulari, quam erga praefatum Sanctissimum D. N. & sanctam Sedem Apostolicam gerit, devotione, vestigia Christianissimorum Franciae Regum praedecessorum suorum non solum imitari, verum etiam (si fieri potest) anteire cupiens, animadvertens praesertim, quia per mortem praefati Julij, omnis odij & suspicionis materia est extincta, & quod nonnulli ex prae nominatis Cardinalibus, nec non Imperator electus, qui dictum praetensum Concilium Pisanum indixerant, jam illi renuntiaverunt, & dicto Lateranensi adhaeserunt: Hinc est, quod in praesentia praefati Sanctissimi D. N. Leonis Papa X. coram nobis notarij & testibus infra scriptis, personaliter constituti Reverendissimus in Christo D. Fridericus S. Theodori Diaconus Cardinalis de sancto Severino vulgariter nuncupatus, necnon Reverendus in Christo Pater D. Claudius de Seyssel electus Massiliens. ac magnificus & generosus D. Ludovicus Forbini Dominus de Solerij, praefati Christianissimi Ludovici Francorum Regis procuratores, ad omnia & singula infra scripta peragenda specialiter deputati, constantibus litteris patentibus dicti Christianissimi Regis sua manu subscriptis, & sigillo suo sigillatis ejusdem Regis nomine & mandato, cum ea, quae decuit Reverentia atq; humilitate à dicto praetenso Pisano Concilio penitus discesserunt, illiq; plenarie renuntiaverunt, ac pure, libere & simpliciter sacrosancto Lateranensi Concilio praedicto, tanquam vero, unico, & legitimo, adhaeserunt. Et insuper procuratorio nomine, quo supra, promiserunt, quod praefatus Rex Christianissimus, nullum deinceps favorem, nullamq; assistentiam dicto praetenso Concilio Pisano quoquo pacto praestabit, quinimmo quoscumq; in Civitate Lugduni, aut ubi in regno, terris & Dominij suis, sub nomine dicti praetensi Concilij Pisani persistentes, infra unum mensem proxime futurum abire faciet, & pertinaciter resistentes, cujuscumq; status, gradus, dignitatis aut conditionis fuerint, Ecclesiastici vel Secularis, defuncto ejiciet & expellet, ac pro schismaticis habebit, & contra eos velut tales, ad omne mandatum praefati sanctissimi D. N. etiam manu armata (si opus fuerit) procedet. Et ulterius promiserunt praefati procuratores nomine quo supra, prae nominatum Christianissimum Regem facturum & curaturum cum effectu, quod sex Praelati & quatuor Doctores seu graduali ex honoratioribus, ex numero eorum, qui praedicto praetenso Concilio Pisano in-

tervenerunt, destinabuntur ad eundem Sanctissimum D. N. Papam, nomine dicti pratenſis Concilij Piſani, & cum legitimo mandato per illud pro tempore reſpreſentantes, tam eorum, quàm aliorum omnium, qui dicto Concilio adhaſerunt nomine factò. Qui Pralati & Doctores, ſeu graduati infra Kalend. Januarij proximè futuri coram ſua ſanctitate perſonaliter comparebunt, dictòq; Concilio Piſano, purè & ſimpliciter renuntiabunt, illudq; abjurabunt, & veniam atq; abſolutionem à ſua ſanctitate humiliter in forma convenienti, & ſua ſanctitati accepta, poſtulabunt: & ulterius dicto Concilio Lateranenſi tanquam vero, unico, indubitatoq; tam ſuo quàm aliorum adherentium prædictorum nomine, adhærebunt, & ſe incorporabunt. Quodq; ſi præmiſſa facta non fuerint, præſatus Rex nulli eorum, qui dicto pratenſo Concilio Piſano interfuerunt, aut ſaverunt, opem, auxilium, aut favorem dabit adverſus ſancta Sedis Apoſtolica auctoritatem, quinimmo præſati Sanctiſſimi D. N. ſententias, decreta & cenſuras contra eos exequi faciet ſuo poſſe, etiam manu forti & armatâ ( ſi opus ſit ) abſque ulla ſimulatione vel fraude. Et ulterius promiſerunt præſati procuratores, quo ſuprà nomine, quòd quamprimum commodè fieri poterit, venient aliqui Pralati & inſignes viri nomine totius Eccleſiæ Gallicanæ cum ſufficienti mandato, qui dicto Concilio Lateranenſi adhærebunt & aſſiſtent, quemadmodum cetera nationes.

In hoc ergo Concilio, confeſſione ipſius Regis Chriſtianiſſimi, ſacroſancto, legitimo, unico, & cui inhæſurum ſe promiſit, Seſſ. 10. hæc habentur: Nec illud nos movere debet, quòd ſanctio ipſa & in ea contenta, in Baſileenſi Concilio edita, & ipſo Concilio inſtante, à Bituricenſi congregatione recepta & acceptata fuerunt; cum ea omnia poſt translationem ejusdem Baſileenſis Concilij, per Eugenium Papam quartum, etiam prædeceſſorem noſtrum factam, à Baſileenſi Conciliabulo, ſeu potiùs conventiculo, præſertim poſt hujusmodi translationem Concilium ampliùs appellari non merebatur, facta exiſterint, ac propterea nullum robur habere potuerint: cum etiam ſolum Romanum Pontificem pro tempore exiſtente, tanquam auctoritatem ſuper omnia Concilia habentem, Conciliorum indicendorum, transferendorum, ac diſſolvendorum, plenum jus & poteſtatem habere, necdum ex ſacra ſcriptura teſtimonio, dicti ſanctorum Patrum, ac aliorum Romanorum Pontificum etiam prædeceſſorum noſtrorum, ſacrorumq; Canonum decretis, ſed propria etiam eorundem Conciliorum confeſſione manifeſtè conſtet: quorum aliqua reſerre placuit, reliqua verò, utpote notoria, ſilentio prætereire. In Alexandrina enim Synodo Athanaſio ibidem exiſtente, Felici Rom. Pont. ab eadem Synodo ſcriptum fuiſſe legimus, Nicanam ſynodum ſtauiſſe, non debere abſq; Rom. Pontific. aucto-

auctoritate Concilia celebrari. Neq; nos latet, etiam eundem Leonem Pontif. Ephesinam secundam synodum ad Chalcedonem transfuisse. Martinum etiam Papam quintum presidentibus suis in Concilio Senensi potestatem transferendi Concilium, nullâ consensûs ipsius Concilij mentione habitâ, dedisse.

Ephesinam quoque primam Synodum Cælestino, ac Chalcedonensî eidem Leoni, sextam Agathonî, septimam Hadriano, octavam Nicolao, octavam etiam Constantinopolitanam Synodum Hadriano Romano Pont. predecessoribus nostris maximam reverentiam exhibuisse, eorundemq; Pontificum institutionibus, & mandatis in sacris Codicillis per eos editis & factis, reverenter & humiliter obtemperasse. Unde Damasus Papa & ceteri Episcopi Roma congregati, scribentes de Concilio Ariminensi Episcopis in Illyrico constitutis, præjudicium aliquod per numerum Episcoporum Arimini congregatorum fieri non potuisse testantur: quandoquidem constet, Romanum Pont. cujus ante omnia decebat spectari Decretum, talibus non præbuisse consensum: eundemq; Leonem Pontificem, universis Sicilia Episcopis scribentem, idem voluisse apparet. Consueveruntq; antiquorum Conciliorum Patres, pro eorum, quæ in suis Concilijs gesta fuerunt, corroboratione, à Romano Pont. subscriptionem, approbationemq; humiliter petere & obtinere, prout ex Nicæna & Ephesina ac Chalcedonensi hujusmodi & sexta Constantinopolitana, & septima eadem Nicæna, & Rom. sub Symmacho habitis Synodis, earumq; gestis, nec non in Aimari libro de Synodis manifestè colligitur, quod etiam novissimè Constantinenses Patres fecisse constat: quam laudabilem consuetudinem, si Bituricenses & Basileenses secuti fuissent, hujusmodi molestiâ procul dubio careremus.

Ubi observandum est, Conciliura Lateranense fuisse utique Oecumenicum, uti habetur *sess. 8.* & in mandato Regis Christianissimi; quamvis enim vix centum adfuerint Episcopi; omnibus tamen patuit, omnibusque indictum fuit: & in quintum annum duravit, omnibus, qui accedere vellent, apertum. Quamvis verò superioritas Papæ non fuerit per modum dogmatis definita, negari tamen haud potest, maximæ auctoritatis eam doctrinam esse, utpote in Concilio universali assertam, probatam, & quam nullus Episcoporum negare est ausus.


Et hætenus quidem quid ipsa Concilia universalia, primæque notæ, omniumque Catholicorum assensu & veneratione receptæ auctoritatis summi Pontificis, exemplo & scriptis testata sint,

abundè ostendimus : quæ si aliquis adhuc satis clara esse neget, quid enim hac nostra tempestate tam clara est, quod dicendo non obscureretur? hæc ab illo petimus.

*Primò*, ut ostendat Concilium, quod sibi aliquando tantum tribuerit, quantum summo Pontifici; quod si ostendere non potest, cur velit Concilium præferre, quod non tantum majora, sed ne paria quidem Pontifici usurpavit? *Secundò*, quid ergo sit aliquem esse majorem? Papa Concilium vocat, Papa confirmat, Papa improbat, & corrigit: Papa præscribit, imperatque Concilio: quærimus ergo, quid sit esse Superiorem, si hoc non est, & cur nunquam hanc potestatem in Pontifices Concilium exercuerit, quam toties immo semper in Concilium Pontifices? *Ultimò*, ut ingenuè fateatur, quicumque hanc veritatem impugnat: si ipse in Concilio tale aliquid in Sacris paginis, sanctisque Patribus legeret, qui videlicet dicerent, pertinere ad Concilium Decreta Pontificis confirmare: Papæ leges & regulam credendi præscribere: Concilium esse caput, Ecclesiæ, Pastorem universalem, Vicarium Christi, &c. an non crederet Concilij superioritatem satis probatam esse? & tamen hæc omnia de Pontifice Romano & dicuntur & scribuntur, & omnium sæculorum exemplis praxique ostendi possunt; cur ergo Pontifici neget, quæ Concilio negari haud possint, si de isto, quæ de Pontifice legerentur?







§. VI.

*Summum Pontificem, à nemine, præter solum  
Deum judicari posse: non ergo Concilio sub-  
jici.*

S U M M A R I A.

1. *Quid sit Papam Concilio superiorem esse.*
2. *Pontificem Romanum judicari à nullo mortalium posse, testi-  
monio Synodi Sinvesanae ostenditur in causa Marcellini  
Papæ.*
3. *Et Synodi Romanæ sub Sylvestro PP.*
4. *Et alterius Synodi Rom. in causa Sixti tertij PP.*
5. *Et Synodi Palmarie in causa Symmachi Pontificis.*
6. *Et secundæ Ephesinæ Synodi in causa Dioscori Patriarchæ Alex.*
7. *Et Synodi Romanæ in causa Leonis III. Pontif. Max.*
8. *Iterum Synodi Rom. in causa Photij.*
9. *Solvuntur objectiones.*

I.



Erum formæ & essentia cognosci à nobis, nisi per o-  
perationes non possunt: totæ enim in sensum cadunt,  
& ab ipso in intellectum, qui ab operationibus & ef-  
fectibus, velut totidem characteribus & indicijs, na-  
turas ex vultu agnoscit, occultas alioquin abditasque. Sic Ari-  
stoteles Animam per Corpus, motumque definivit, sine quibus  
Anima, & sensui & intellectui impervia lateret. Nec Deum me-  
lius, quàm per effectus cognosci posse testis est B. Apostolus *ad Ro-  
man. 1.* & Sapiens *1. 17.* Eodem pacto, qui dicunt Concilium esse  
supra Pontificem, hanc ipsam superioritatem velut formam, de-  
amque

amque abstractam per effectus ostendant; adduntque, posse Papam à Concilio judicari, damnari, corrigi, puniri, & alia quæ Superioris sunt; & idèd Papam esse tantum Ecclesiæ ministrum, & primum agendi instrumentum, in ipso verò Concilio primariò & principaliter virtutem & potestatem capitalem & Vicariam, supremamque influendi, regendi, docendi, legesque statuendi, quæ etiam Papam obstringant, repetiri. Quæ si vera sunt, verum omnino est, Concilium esse supra Papam. Sed nos contrarium, nec has notas Superioritatis in Concilio, sed Pontifice reperiri ostendimus.

Age jam ergo, & hoc parographo expendamus, cujus sit Pontificem judicare. Ubi tamen observandum est, nobis sermonem non esse de casibus exceptis & irregularibus, v.g. hæresis, schismatis &c. in quibus quid Concilio liceat, postea dicitur; sicut enim in naturalibus potentia absoluta & obediencialis non determinat causam potentem; ita in moralibus nemo superior, aut major dicitur à casibus exceptis & exorbitantibus. Sed ad rem ipsam veniamus,

II. Anno CCCIII. Cùm Romæ Vulcanalia agerentur, Marcellinus Pontifex ab Imperatoribus Diocletiano & Maximiano, minis primùm, deinde blanditijs evictus est, ut thus Vestæ adoleret; cujus delicti à viris Christianis 72. in Synodo 300. Patrum, quæ propterea convenerat Sinuessæ in crypta Cleopatrensi, convictus est: & cùm nemo auderet in Pontificem sententiam proferre, sed omnes, ut sibi jus diceret, seque ipsum absolveret, condemnarète clamarent; ipse in terram fusus, velatoque capite & cinere consperso, prius sententiam in seipsum dixit: *Peccavi coram vobis, & non possum esse in ordine sacerdotum, quoniam avarus corrupti me auro.* In hac synodo nihil frequentius dictum, quàm Pontificem judicari à Concilio non posse. Audi acta.

*Synodus autem universa hoc dixit: Cunctorum judicio tu eris judex: ex te damnaberis & justificaberis: tu enim judex, tu reus!*

Et infra: *Presbyteros & diaconos damnabant, ipsos etiam judicabant, non tamen judicabant Pontificem, quia sic ex uno ore erant concordati, ut ipse judex, ipse reus: ipse semetipsum in presentia eorum se innocentem servaret, aut infidelem se damnaret,*

Et infra: Petrus Episcopus dixit: loquere Pontifex, & judica causam tuam. Et paullo post: Collige in sinum tuum causam tuam: te enim non condemnamus Præsul, quoniam ex ore tuo justificaberis, & ore tuo condemnetur.

Et post pauca: Melchisedes Episcopus subscripsit primus in ejus damnationem, quoniam & ipse clarâ voce dicebat: Justè ore suo condemnatus est: & ore suo suscepit anathema, quoniam ore suo condemnatus est: nemo enim unquam judicavit Pontificem: quoniam prima sedes non judicabitur à quoquam.

Habentur acta hujus synodi Tom. 1. Conciliorum: & ea citat, utiturque Marcellini à nemine judicati exemplo Nicolaus I. in celebri illa ad Michaëlem Imperatorem epistola, quæ lecta est in synodo Oecumenica 8. Act. 6. Cæterum non desunt viri doctissimi, qui hanc Marcellini historiam, inter apocrypha referunt.

III. Anno CCCXXIV. Post baptizatum Constantinum Romæ in Thermis Trajani à B. Sylvestro Synodus 284. Episcoporum collecta est, præsentè Constantino, Helenâque matre, in qua Valentiniana & Sabelliana hæresis damnata. Habetur hæc Synodus Tom. 1. Conciliorum, cujus 20. cap. sic habet: Nemo enim dijudicet primam Sedem, quoniam omnes Sedes à prima Sede justitiam desiderant temperari, neq, ab Augusto, neq, (NB.) ab omni Clero, neq, à Regibus, neq, à Populo iudex judicabitur.

IV. Anno CCCCXXXIII. Celebratum est Romæ in Basilica Heleniana, in Atrio Sessoriano Concilium in causâ Sixti III. Pont. qui constat illi ab Anicio Basso Exconsule calumniâ & Mariano Patricio, stupri cum sacra virgine accusabatur: aderat Valentinianus Augustus, cui cùm dictum à Patribus esset: Non licere adversus Pontificem dare sententiam: surrexit idem protinus Imperator, & in arbitrio præfati Pontificis tribuit judicare judicium suum. Verba sunt Nicolai Papæ in epist. ad Michaëlem Imperat. quæ habetur Tom. 3. Concil.

V. Anno DII. Romæ sub Symmacho Papa celebrata Synodus fuit in Porticu Basilicæ S. Petri, quæ Palmaria dicebatur. Ejus vocandæ causâ hæc fuit. Profecto ad Pontificatum Symmacho, Senatorum studijs & pecuniâ oppositus fuerat Laurentius Antipapa: à quo cùm calumnijs Symmachus infamaretur, destinatus à Theodorico Italiæ Rege Visitator, qui in vitam moresque Symmachi inquireret. Hic tempori cedens, quid enim aliud cum Tyranno age-

ret? passus est in Synodo Palmaria 115. Episcoporum, dilutis, quæ opponebantur, criminibus, innocentiam suam probari: idque sequenti anno in alia Synodo Romana repetitum: in qua Ennodio mandatum est, ut scriptâ apologiâ Schismaticorum criminationes refelleret, quod tantâ ab illo eloquentiâ, nervoque factum, ut communi omnium plausu & encomijs à Patribus exciperetur: hic ergo inter alia, quæ videri possunt Tom. 2. Concil. ubi Ennodij libellus extat, hæc scribit.

*Visitatores, inquit, & alijs Episcopi dedit ipse, & iustum est, ut facti sui lege teneatur. Non vos in hoc titulo falsitatis incesso, diu mendacis adhaerentia verba non arguo. Dico tamen latorem Juris diffinitionis sue, nisi velis, terminis non includi: & nisi Princeps fastigij summa moderetur, frustra ad illud, quod dederit, jus vocatur. Lex probitatis & mentis est, qua hominem viventem sine lege castigat: propriè moribus impendit, qui necessitati non debet disciplinam. Aliorum sortè hominum causas Deus voluit homines terminare: sed sedis istius Prasulis, suo sine questione reservavi arbitrio. Voluit B. Petri Apostoli successores solo tantum debere innocentiam, subtilissimi discussoris indagini inviolatam exhibere conscientiam. Nolite estimare eas animas de inquisitoribus non habere formidinem, quas Deus præ ceteris suo reservavit examini. Non habet apud illum Reus de allegationis nitore subsidium, quando ipsorum factorum utitur eo teste, quo iudice. Dicis forsitan omnium animarum talis eris in illa disceptatione conditio. Replicabo uni dictum: Tu es Petrus, & super hanc Petram adificabo Ecclesiam meam: & quacunq; solveris super terram, erunt soluta & in celis. Et rursus Sanctorum voce patet, Pontificum dignitatem Sedis ejus, saltam toto orbe venerabilem, dum illi quidquid fidelium est, ubique submittitur, dum totius corporis caput esse designatur, de qua mihi videtur dictum per Prophetam: Si hac humiliatur, ad cuius confugietis auxilium, & ubi relinquetis gloriam vestram? Quid si immunda mihi labia habenti, & nullis succensa carbonibus, ut Esaja concessum est, ut his ablutis, ipsum ad passionis sue tuenda privilegia Petrum Apostolum liceat evocare, & quod ait, precibus humana voce loqueretur? Quem si audiretis, hæc diceret: Filij hominum, usquequò graves corde? ut quid diligitis vanitatem, & queritis mendacium? sciote quoniam mirificavit Dominus Sanctum suum. Quid stabilita Christi manibus cupitis fundamenta subruere? Quid auribus imperitis illuditis, & graviolem vindicta speciem facitis esse, quam culpa? si odium debetis excessibus, vos mundate.*

Cur liberius condemnatis scelera quàm videtis? sui impugnator est, qui fornicationis officij urget adulteria & per animarum supra, carnis accusat. Scriptum nemp̃ retinetis: Maledicti omnes qui fornicantur abs te. Ecce ergo à virore Domini sui obligatione dissolvitur, qui statutus cælestibus minis mera fidei dependit officia. Possessionis nostra vobis (ut video) claritas movit invidiam, quam simulatà ut mali possessoris indignatione transfertis, dum defudatis impendijs. Arcem, quã suisvis conspicui, crebris labefactatam ictibus, nisi obfisterem, proposuisistis subruere: & cælo stabilitam machinam, quanti sit, ostenders per ruinam.

VI. Anno CCCCXLIX. Secunda Ephesina Synodus sub Theodosio II. Imperatore & Leone Pontifice Maximo habita est. Adfuerunt Episcopi 128. præeditque Dioscorus Patriarcha Alexandrinus. A Leone missi Legati quatuor, Renatus & Hilarius Cardinales: Julianus Episcopus Puteolanus, & Dulcitius. In hoc Concilio molitionibus Chrysaphij Evnuchi in aula præpotentis, & præsertim Dioscoro, minis armisque omnia miscente, Eutyches absolutus, Flavianus Patriarcha Constantinopolis damnatus, & paullo pòst in exilio consumptus. Legati Pontificis injurijs affecti, fugatique, de quibus videri possunt acta Concilij Chal. Act. 1. & 2. Sed omnem audaciam superavit, cum Alexandriæ in paucorum conventu Episcoporum, & quos metu fregerat, ausus est in Leonem Pontificem sententiam dicere, eumque sacris excludere.

Et hoc est illud infame, ut Patres vocant, Latrocinium Ephesinum, sive Concilium prædatorium in Concilio Chalcedonensi tanta execratione acceptum, Act. 1.

De hoc Dioscori facinore sic loquitur Nicolaus primus in celebri epist. ad Michaëlem Imperatorem: In tantum hanc presumptionem SS. Patres ad Chalcedonem detestati sunt, ut Dioscorum Alexandrinum Antistitem, inter cetera idcirco potissimum sine ulla restitutione damnaverint, quia in contumacia permanens erga prima Sedis Romana Privilegium, resistere à suis superstitionibus, ut servaretur à prima Sede Apostolica, noluit: & ponens in cælum os suum, & linguà ejus transeunte super terram, excommunicationem in sanctum Leonem Papam dixit, ita ut in sententia contra ipsum prolata, hoc videantur memorare præcipue, dicentes: Quoniam secundis excessibus priorem iniquitatem valde transcendit. Prasumpsi enim & excommunicationem dicere adversus sanctissimum & beatissimum Archiepiscopum magna Roma Leonem. Numquid ibi legitur, inquisitionem fuisse factam,

utrum iuste an iniuste ipsum jam fatum Dioscorum excommunicationem di-  
classe? Non planè, sed absq; omni controversia hoc in eo ultis sunt: quia cum  
esset inferior, potiorum quibuslibet conatus est lacessere contumelijs, teste Anato-  
lio Constantinopolitano Prasule, qui dicit: Propter fidem non est damnatus  
Dioscorus, sed quia excommunicationem fecit Domino Archiepiscopo Leoni.

Totam verò Synodum Ephesinam II. omniaque illius acta  
damnavit, improbavitque Leo, ut patet ex illius Epistolis 22. 23. 24.  
& 25. quæ habentur Tom. 2. Conciliorum.

Dices, hoc II. Ephesinum Concilium fuisse illegitimè celebra-  
tum, Patribus ad subscribendum, pœnis & metu compulsis: & ided  
nihil probare; cum nemo dicat Concilium, in quo legitimus pro-  
cedendi modus non observatur, esse supra Papam.

Respondemus, quod huic Concilio nec auctoritas, nec legati  
Pontificis defuerint, ac ut tam fœdè in Latrocinium evaserit, non  
aliam causam fuisse, quàm quod imperio & voluntati Leonis ejus-  
que Legatorum non paruit, ad hanc enim regulam, si Dioscorus &  
Patres spectassent, numquam à recto flexissent: idemque fuit  
postea Basileensis Concilij infortunium. Ergo vel hoc ipso, alijs-  
que exemplis multis palàm est, Concilium Papæ, ejusque voluntati  
& sententiæ oppositum, non tantum majoris auctoritatis non esse,  
sed planè nullius, extinctoque velut vitali calore, corruptioni ob-  
noxium.

Audi Leonem ipsum epist. 23. ad Theodos. August. Litteris Clementia  
Vestra, quas dudum ad B. Petri Apostoli Sedem, pro Catholica fidei amore mi-  
sistis, tantam fiduciam sumpsimus defendenda per vos veritatis & pacis, ut in  
causa tam simplici, tamq; munita nihil putaremus posse existerè, quod noce-  
ret, præsertim cum ad Episcopale Concilium, quod haberi apud Ephesum præ-  
cepistis, tam instructi sint missi, ut si scripta, qua vel ad sanctam Synodum, vel  
ad Flavianum Episcopum detulerunt, Episcoporum publicari auribus Alexan-  
drinus permissetis Antistes, ita manifestatione purissima fidei, quam divinitus  
inspiratam & accepimus & tenemus, omnium concertationum strepitus quie-  
visses, ut nec imperitia ulrà deciperet, nec occasionem nocendi amulatio re-  
perires.

VII. Anno DCCC. Sub Leone III. & Carolo Magno Ro-  
mæ omnium Italiæ & Franciæ Episcoporum Synodus fuit, ingenti  
utriusque nationis Optimatum frequentia, ut testatur Anastasius  
in vita Leonis, Causa hujus Synodi hæc fuit, Hadriano Pontifici  
omni-

omnium voto Leo successerat, cujus electionis invidiâ Paschalis & Campulus Hadriani nepotes tacti (nam ipsi ad tiaram aspirabant) ausi sunt Leonem solemnî ritu supplicantem, cum armatorum globo invadere, cedere, & indignissimè habitum in carceres agere: ut verò tam impio facinori velum prætexerent, sanctum Pontificem variè criminati sunt. Cùm ergo jussu Caroli, qui decreverat in sacræ Majestatis reos vindicare, Episcopi in Leonem eique objecta inquirerent, omnium Antistitum oborta est exclamatio: *Nos Sedem Apostolicam, qua est caput omnium Dei Ecclesiarum, judicare non audemus: Nam ab ipsa nos omnes & Vicario suo judicamur, ipsa autem à nemine judicatur, quemadmodum antiquitus mos fuit: sed sicut ipse Summus Pontifex consuevit, jubeat, canonicè obediemus.* At venerabilis Leo Prasul, inquit, *Prædecessorum Pontificum vestigia sequor, & de talibus falsis criminationibus, qua super me nequiter exarserunt, me purificare paratus sum.* Sic habet Anastasius in vita Leonis, & Æmilius de gestis Francorum in Carolo M.

Forma purgationis à Leone facta recitatur à Baronio ad Annum DCCC, ex ritibus Romanæ Ecclesiæ in hæc verba,

*Nota res est, fratres Charissimi, malos adversum me homines insurrexisse, meq, ac vitam meam gravissimè criminibus insamasse. Cujus rei cognoscenda gratiâ clementissimus hic ac serenissimus Rex Carolus unâ cum sacerdotibus ac Principibus suis in hanc urbem se contulit. Quamobrem ego Leo Pontifex S. R. E. à nemine judicatus, neq, coactus, sed meâ voluntate impulsus purgo me, presentibus vobis coram Deo & Angelis ejus, qui conscientiam novit, & Beato Petro Principe Apostolorum, in cujus conspectu consistimus, neq, sceleratas res, quas mihi obijciunt, perpetrâsse, neq, perpetrari jussisse, Deum testans, in cujus judicium venturi sumus, & in cujus conspectu consistimus. Et hoc facio, non legibus ullis obstrictus, neque hanc consuetudinem aut decretum in sancta Ecclesia successoribus meis & fratribus Coepiscopis imponere cupiens, sed ut certius iniquis vos suspicionibus liberem.*

VIII. Anno DCCCLXVIII. In Synodo Romana sub Hadriano II. in causa Photij sic Pontifex prælocutus est: *Romanum Pontificem de omnium Ecclesiarum Prasulibus judicasse legimus, de eo verò quemquam judicasse non legimus. Licet enim Honorio ab Orientalibus post mortem anathema sit dictum, sciendum tamen est, quia fuerat super hæresi accusatus, propter quam solum licitum est minoribus majorum suorum motibus resistere, vel prapos suos sensus libere respuere: quamvis & ibi nec Patriarchatum, nec*



alterorum Antistitum cuiuspiam de eo, quamlibet fas fuerit, proferre sententiam, nisi ejusdem prima Sedis Pontificis consensus præcessisset.

Quæ verba lecta & approbata sunt in VIII. Synodo Oecumenica, Act. 7.

Ubi nota, quamvis hæc Concilia generalia non fuerint, summam tamen probandi auctoritatem habere, plenamque fidem facere: quis enim credat tot, tantosque Episcopos, tamque ab omni adulatione alienos, doctrinâ & pietate insignes, quique toties Pontificem Maximum & sine ulla omnino exceptione à nullo judicari posse dixerunt, ignorantiam deceptos esse, & quid Concilijs in Papam liceret, ignorasse? Maxime cum sacrorum Canonum hac in re tam clara sit sententia, ut clarior desiderari haud possit.

Videantur S. Bonifacius Mart. in c. si Papa d. 40. S. Anaclet. d. 79. c. electionem. S. Innocentius Pontifex Max. in c. nemo 9. q. 3. S. Anacletus Martyr. in c. falsa 9. q. 3. S. Gelasius Papa omnibus Episcopis per Dardaniam constitutis scribens in c. cuncta 9. q. 3. S. Nicolaus I. Papa in epist. ad Michaëlem Imperat. c. patet 9. q. 3. Paschalis Papa in c. significasti de elect. Innocentius III. in c. innotuit de elect.

IX. Non obstat I. allegatis auctoritatibus Pontifices in propria causa testari. Respondimus jam supra, Pontifices non pro sua, sed Dei & Ecclesiæ Christi causa locutos esse: nec aliud quam ipsa Concilia scripsisse. Si Papæ in propria causa loquenti, ut dicunt, credi non debet, cui ergo credemus? & quis huic controversiæ finem imponet? nam & Concilia eadem exceptio premet, judicasse videlicet Patres in propria causa: quamquam & Concilia pro nobis stare, jam plus satis monstratum sit, ut quod Christus olim Judæis Joann. 5. hoc Vicarij Christi suam auctoritatem impugnantibus dicere possint: *Scrutamini Concilia, in quibus putatis vos veritatem habere, & illa sunt qua testimonium perhibent de me.*

Non obstat II. Beatum Petrum fuisse graviter à B. Paulo objurgatum, idque patienti animo tulisse; cur ergo non possit Papa à Concilio? Respondemus, aliud esse objurgare aliquem, aliud judicare: hoc jurisditionis est; non illud: quicumque enim malè agit, redargui potest, ut olim Nathan Davidem, & Regem, & Prophetam adulterij redarguit; & hodie concionatores: quicumque ergo vas electionis es, & raptus usque in tertium cælum audisti arcana verba, peccantem Pontificem, ut voles, objurga, quod etiam B.

Ber-

Bernardus, alijsque eodem spiritu acti fecerunt: sed memento in Exodo 6. 25. scriptum esse: *Facies quoque, candelabrum de auro mundissimo: emundioria quoque, fiant de auro purissimo.* Ergo non emungat, qui aurum non est. (a)

*Non obstat III.* Honorium Papam à sexta Synodo damnatum esse.

*Respondemus*, Jam supra de Honorio dictum esse. Sed quidquid de illius damnatione sit: aut Honorius hæreticus fuit, aut non fuit: si non fuit, ergo nec damnatus est, cum ejus damnandi non alia, quam hæresis causa in Concilio notetur. Si hæreticus fuit, hic est casus exceptus, de quo infra dicitur: hæreticus enim Papa cum amplius Ecclesiæ membrum non sit, nec caput esse potest. Et diligenter advertendum est, Agathonem Papam in Epist. ad Synodum VI. nunquam dixisse, Pontifices, ut personas privatas in fide nunquam errasse; sed *Sedem Apostolicam*: aliud est enim error Sedis, aliud error Personæ; nec enim quidquid agit, aut dicit Papa, agit, dicitque ut Pontifex & Persona publica. (b)

*Non obstat IV.* Sexta Synodus Oecumenica, quæ *can. 13. & 55.* Pontifici Romano præcipit, permittat matrimonijulum Sacerdotibus, abrogetque Sabbathi jejunium.

*Respondemus*. Duodecim à sexta Synodo annis, sedente Sergio Pontifice Anno Christi 692. fuisse eam Synodum celebratam Constantinopoli ab Episcopis Orientalibus, eamque penthectin vocatam, hoc est, quini-sextam, quod videlicet eo prætextu convenisset, ut quæ Quintæ & Sextæ Synodo deessent, suppleret. Vocata est etiam Trullana, à loco videlicet in modum trullæ camerato. Aduerunt Patres 227. sed à sede Apostolica nullus, qui ejus nomine præsideret. Tantumque absuit Oecumenicam esse, ut etiam à Sergio damnata fuerit teste Beda *de sexta ætate in Justiniano minor. & Anastasio in Sergio.*

Ceterum, quam illicanones egregiè & ex præscripto Apostolicæ doctrinæ constituti sint, vide S. Gregorium M. l. 7. ep. 39. Carthaginense Concilium II. *can. 13.* Epiphanium *hæresi 19.* & Cabassutium *ad Concilij Nicani Can. 3. & Ancyran 6. 10. & ad Concilium Laodicenum*

*cap.*

(a) V. S. August. epist. 19. ad Hieronym. & Gregor. homil. 18. in Ezech.

(b) Videatur de Honorio Cabassutius in sua historica notitia, ubi agit de sexta Synodo.

*cap. 50.* enim verò cum Catholicis agimus, quibus opera pretium non fuerit jam probata probare, clarioque sole facem præferre. Qui vollet historiam improbatæ hujus Synodi non tantum à Sergio, Joanne VII. & Constantino summis Pontificibus, sed etiam tribus Patriarchis Alexandrino, Hierosolymitano, & Antiocheno, videre potest Bedam *de sex Ætatibus, in Justiniano minore*, Anastasium Bibliothecarium *in Sergio*. & Baronium *ad annum 692.* ubi etiam inveniet subinde hujusmodi Canones Trullanos à summis Pontificibus contra ipsos Græcos citatos esse, partim etiam vitandi schismatis causâ toleratos, qualis est Canon de matrimonijs Clericorum.

*Non obstat* Quindò *c. si quis 42. c. 2. q. 7.* ubi: *Si quis super his nos arguere voluerit, veniat ad sedem Apostolicam, ut ibi ante Confessionem beati Petri mecum justè decertet, quatenus inibi unus ex nobis sententiam suscipias suam.* Hisce verbis Gregorius Judicem aliquem agnoscit, & se judicio submittit. Neque hoc novum & rarum, cum Constantius Liberium, Justinianus Sylverium & Vigilium in exilium egerint. Otto I. Joannem XII. deposuit, Leone VIII. substituto. Henricus III. Gregorium VI. in ordinem redegit, jussitque Clementem II. Pontificem renunciari. Quòd si Principes sæculares potuerunt Jus Pontificibus dicere, in eosque sententias ferre, quanto magis id potuerunt Concilia ex Sacerdotibus conflata? quod ipsi summi Pontifices apertè confitentur *in c. Petrus. & c. nos si incompetenter 2. q. 7.*

*Respondemus.* Exempla, quæ producuntur nihil probare contra expressos Canones à nobis citatos; nota enim est regula Juris: *Non exemplis, sed legibus judicandum esse.* (a) Cùm enim exempla & facta hominum alia sint bona, alia mala, & à legibus prohibita; prius oportet ostendi bona & juxta leges fuisse, quàm pro argumentis ad aliquid probandum sumantur. Quid enim tam malum est, absurdumque, quod exemplo careat? Constantium & Justinianum Augustos nullo jure, sed summâ injuriâ usos esse, palàm ex historijs est. Otto I. Joannem XII. hominem perditissimum, & flagitijs magis, quàm dignitate maximum, throno movit, majori zelo, quàm æquitate; belli nimirum, quàm juris legumque peritior. (b) Quid verò Imperatoribus Ecclesiæ Advo-

catis


(a) Per textus in L. sed licet ff. de off. Præf. L. nemo C. de sentent. & interlocut. & c. sana d. 9.

(b) De quo V. Ottonem Frising. l. 6. c. 13. & Baron. ad annum, CMLXIII.

catis jure defensionis liceat Pontifice Ecclesiam vastante, infrà dicetur.

Ad citatos Canones dicimus, posse Summos Pontifices innocentiae suae certos, non Concilij tantum, sed aliorum etiam Principum examen & judicium admittere, non quidem ut illis se, suamque dignitatem, sed factum ipsum submittant, idque exemplo Christi Domini, qui cum in forma Dei esset, exinanivit semetipsum, factus obediens usque ad mortem. Audi Gratian. post c. testes. 2. q. 7. Aliud est, quod de rigore cogimur servare disciplina, aliud quod admittitur ex perfectionis consideratione. Christus ad se arguendum Judaeos admisit perfectionis humilitatis, non severitate juris. Si enim legis rigore essent admissi, hac auctoritate criminosi, & infames in accusatione religiosorum essent recipiendi, cum essent sceleratissimi, qui de Christi nec tractantes, innocentem condemnare volebant. Hoc ergo exemplo Pralati non coguntur recipere subditos in accusatione sui, sed permittuntur. Item Paulus Petrum reprehendit, qui Princeps Apostolorum erat. Unde datur intelligi, quod subditi possunt reprehendere Pralatos suos, si reprehensibiles fuerint. Sed hoc facile refellitur, si unde sit reprehensus, advertitur. Petrus cogebat gentes judaizare, & à veritate Evangelij recedere, cum Judaeis gregem faciens, & à cibis gentilium latenter se subtrahens. Par autem in se est, à fide exorbitare, & alios exemplo, vel verbo à fide dejicere. Ergo hoc exemplo non probantur Pralati accusandi à subditis, nisi forte à fide exorbuerint, vel alios exorbitare coegerint.

Et B. Gregorium c. Petrus eodem: Petrus potestatem regni accepit, & tamen idem Apostolorum primus querimonia contra eum à fidelibus facta, cur ad gentes intrasset, non ex potestate officij, (quà posset ducere, oves pastorem suum non accusent, nec reprehendant) sed ex ratione divina virtutum, quã gentiles acceptant Spiritum & respondit.





## §. VII.

*Non dari Appellationem à Summo Pontifice  
ad Concilium, non ergo huic Pontificem  
subesse.*

## S U M M A R I A.

1. *A Pontificis Rom. sententia appellari non posse, auctoritate SS. Canonum probatur.*
2. *Aliorumq; Doctorum doctrinâ & sanctitate insignium.*
3. *Constitutio Pij II.*
4. *Rationes.*

## I.

**A** Minori Judice ad majorem provocari certi juris est; si ergo ostenderimus, judicium Papæ ultimum esse, nec ab alio rescindi, eo ipso sequetur supremam, nullique alteri subiectam potestatem Pontificis Romani esse.

Canones primo loco audiamus. S. Gelasius ad Episcopos per Dardaniam constitutos in c. cuncta 9. q. 3. Cuncta per mundum novit Ecclesia, quod sacrosancta Romana Ecclesia fas de omnibus habeat judicandi: neq; cuiquam de ejus liceat judicare judicio, siquidem ad illam de qualibet mundi parte appellandum est, ab illa autem nemo est appellare permissus. Sed nec illa praterimus, quod Apostolica sedes sine Synodo procedente, & solvendi, quos Synodus iniquè damnaverat, & damnandi, nullâ existente Synodo, quos oportuit, habuit facultatem: & hoc nimirum pro suo Principatu, quem B. Petrus Apostolus Domini & voce tenuit semper, & tenebit.

Idem in c. ipsi 9. q. 3. Ipsi sunt Canones, qui Appellationes totius Ecclesia ad hujus Sedis examen voluere deferri. Ab ipsa vero nusquam prorsus appellari debere sanxerunt: ac per hoc illam de tota Ecclesia judicare, ipsam ad nullius committere judi-

*Non dari Appellationem à Summo Pontifice ad Concil. &c. 409*

judicium: nec de ejus unquam praeceperunt judicio judicari, sententiamq; illius constituerunt non oportere dissolvi, cujus potius decreta sequenda mandaverunt.

S. Bonifacius Martyr in c. si Papa d. 40. Si Papa sua & fraterna salutis negligens, deinceps deprehenditur inutilis, & remissus in operibus suis, & insuper à bono taciturnus, quod magis officit sibi, & omnibus, nihilominus innumerabiles populos catervatim secum ducit, primo mancipio gehenne, cum ipso plagis multis in aeternum vapulaturus. Hujus culpas istic redarguere praesumit mortalium nullus: quia cunctos ipse judicaturus, à nemine est judicandus, nisi deprehendatur à fide devius: pro cujus perpetuo statu universitas fidelum tandem instantius orat, quantum suam salutem post Deum ex illius incolumitate animadvertit propensius pendere.

Patres Concilij Sinuesani ad Marcellinum Pontificem: Absit, ut à nobis summus Pontifex judicetur. Negasti tu? negavit & Petrus Magister tuus: & quis Apostolus ausus fuit inde eum judicare? sed egressus foras flevit amare. Tu ergo in sinum tuum causam collige, tuo ore te judica, non nostro judicio.

S. Thomas de Pot. q. 10. a. 4. ad 13. Ex gestis Chalcedonensis Concilij habetur primò, quod sententia Synodi à Papa confirmatur: Secundo, quod à Synodo appellatur ad Papam: Tertiò, quod à Papa ad Synodum non appellatur, ut habetur ex gestis Concilij Ephesini.

B. Augustinus Triumphus lib. de Potestate Ecclesiast. q. 6. a. 1. Solus Papa dicitur esse vicarius Dei, quia solum, quod ligatur vel solvitur per eum, habetur solum & ligatum per ipsum Deum; sententia igitur Papa, & sententia Dei una sententia est: sicut una sententia est Papa, & auditoris ejus. Cum igitur appellatio semper fiat à minore Judice ad superiorem, sicut nullus est major seipso, ita nulla appellatio tenet facta à Papa ad Deum, &c. Nullus potest appellare à Papa ad Deum: sicut nullus potest intrare ad consistorium Dei, nisi mediante Papà, qui est aeterna vita consistorij claviger, & ostiarius. Et sicut nullus potest appellare ad seipsum: ita nullus potest appellare à Papa ad Deum: quia una sententia est, & una curia Dei & Papae.

B. Antoninus in summa T. 23. c. 3. §. 3. Quicumq; sentit, quod à Romano Pontifice ad quemcumq; alium liceat appellare, conatur quantum in se est, auferre privilegia Romana Ecclesiae: quod probatur ex omnibus praemissis. Primò sic: Quicumq; sentit Romanum Pontificem non esse summum, supremum & unicum caput totius Ecclesiae, auferre conatur privilegium Romanae Ecclesiae à Christo concessum: sed quicumque à Papa appellandum esse sentit, sentit Papam non esse summum & unicum caput Ecclesiae: ergo, &c. Major patet ex pri-

mo praeambulo. Minor ex tertio patet: ex quo sequitur, quod quicumq; hoc sentit, sentit contra articulum Nicena Synodi: Ubi dicitur unam sanctam Ecclesiam: qua Ecclesia habet unitatem ex unitate capitis. Unde & Joann. 10. dicit Christus: Fiet unum ovile & unus Pastor: sed si licitum esset appellare à Papa: & ille, ad quem appellaretur, esset caput: sic Papa non esset caput: vel essent duo capita, quod esset monstruosum & dirumpens Ecclesia unitatem. Et hinc est, quod felix recordationis Bonifacius Octavus in extravagante, qua incipit: Unam sanctam: probat per unitatem Ecclesia esse de necessitate salutis, omnem humanam creaturam Romano Pontifici esse subiectam. Secundò arguitur idem ex secundo Privilegio sic: Quicumq; asserit, quod Romanus Pontifex non habeat plenitudinem Potestatis super omnes: auferre conatur Privilegium Ecclesia Romana à Christo traditum: quod patet per secundum privilegium supra positum: sed sentiens appellandum esse à Papa, sentit ipsum non habere potestatis plenitudinem super omnes: ergo &c. Minor patet: quia ille ad quem appellatur habet potestatem super illum, à quo appellatur, qui potest ejus judicium mutare & sententiam retractare: sed si quis haberet potestatem super Papam, Papa caretet illà potestate: ed quòd in hoc ei esset subiectus: & per consequens non haberet plenitudinem potestatis. Ex tertio privilegio arguitur idem sic: Quicumq; sentit Romanam Ecclesiam non habere firmitatem immobilem & perpetuam, auferre conatur Privilegia Romana Ecclesia ei à Christo tradita: sed sentiens quòd à Romano Pontifice possit appellari, sentit Romanam Ecclesiam non habere perpetuam & immobilem firmitatem: ergo predictum privilegium ei auferre conatur. Major patet: quòd Ecclesia sicut est una, sic est firma: idèd dicitur in utroq; symbolo: unam sanctam Ecclesiam. Sanctam autem idem est quod firmum: unde & immutabilia statuta vocantur sanctiones. Minor patet: quòd iudex, ad quem appellatur, potest judicia & sententias ejus, à quo appellatur, mutare & renuntiare & retractare: ergo si à Papa licitum sit appellari, judicia & sententia Papa immutabiles & firma non erunt. Et idèd quicumq; statuta Papa crediderit violanda, pravaricator fidei reputatur. Ita Hadrianus c. generali. 25. q. 1. Ex quarto privilegio probatur idem sic: Quòd si appellari posset ad alium: aut appellatur ad alium Papam, aut ad Concilium Generale: Non ad Papam successorem: tum quia non habet par in parem jurisdictionem. Extra de elect. cap. innotuit. §. quamvis. Tum quia Romanus Pontifex parem potestatem habet cum precedente. Is autem ad quem appellatur, debet esse superior: tum etiam quia absens: sicut ille, qui mortuus est, ex hoc mundo migravit: tum etiam, quia potestas Papa se exiundit ad illos, qui sunt super terram: ita patet ex forma



ma collata potestatis : Quodcumq; ligaveris super terram, erit ligatum & in cœlis. Super terram autem non est Papa defunctus. Sed nec ad Concilium generale à Papa appellari potest : quia Papa omni Concilio superior est : nec robur habet, quidquid agitur : nisi auctoritate Romani Pontificis & roboretur & confirmetur : sentire ergo, quod ad Concilium à Papa appellari possit, est hæreticum, & contra illum articulum : sanctam Ecclesiam Catholicam. Ex quinto privilegio patet idem sic : Quicumq; sentit, quod à Papa possit ad alium appellari, sentit quod Romanus Pontifex possit ab alio judicari : sed hoc est contra privilegium Romana Ecclesia : ergo talis sic sentiens, privilegium Romana Ecclesia auferre conatur. Item hoc sentire, est sentire, quod Papa habeat superiorem : & quod sit aliquis eo major : quod est dicere Romanum Pontificem non esse unum caput, & universale : & per consequens sentit contra Ecclesia unitatem.

Duvalius Doctor & Theologus Sorbonicus lib. 4. q. post. In causa appellationis appellans à potestate & jurisdictione ejus, à quo appellat, eximitur. At in nullo casu potest quis à jurisdictione & potestate Rom. Pontificis eximi : alioquin non esset amplius illius ovis, ac per consequens nec Christianus ; cum Christus in quoscunq; Christianos Petro dederit potestatem his verbis : Pascite oves meas, non hæc aut illas, non hujus aut illius regionis, sed in universum, oves meas, id est, omnes, qui Christiana Religioni nomen dederunt, ut eleganter 3. de consideratione ad Eugenium docet Bernardus. Secundò. Per appellationem recedit appellans ab obedientia & communione ejus, à quo appellat. Atqui nulli Christiano, in quacunq; dignitate sit constitutus, ab obedientia summi Pontificis & communione cum ejus sede licet recedere. Quisquis enim extra domum agnum comederit, profanus est. Si quis in arca Noë non fuerit ; peribit regnante diluvio, uti Hieron. Damasus Sedis Apostolica Restorem alloquitur. Tertiò. A Monarcha Monarchico, id est, extremo judicio judicante, nefas est appellare. At Pontifex Rom. est supremus Ecclesia Monarcha : extremo igitur judicio quaslibet causas ita terminabit, ut fas amplius non sit, ad ullum aliud tribunal provocare. Quarò. Judex à cujus judicio provocatur, judicem ad quem sit provocatio, parti condemnata dare, aut designare non debet : Sic enim ageret in seipsum, abiretq; in rem judicatam, contra communem juris Regulam : atqui solius Pontificis Romani est Concilium Oecumenicum indicare, congregare, & confirmare, atq; eorum decretis robur tribuere ; itaq; si ab ejus judicio ad Concilij tribunal sit provocatio, debet Pontifex ipse contra seipsum, in rem à se absque fraude sibi facta, judicatam agere : arma, quibus emendetur & corrigatur suppeditare : & quod amplius

est, ista omnia contra se suumq; judicium definita novo suo calculo confirmare, qui certe universum iustitia ordinem, praeclarissimamq; hierarchiam omnino pervertit, & destruit.

S. Bernardus epist. 213. Quis mihi faciet iustitiam de vobis? si haberem iudicem, ad quem vos trahere possem, jam nunc ostenderem vobis (ut parturiens loquor) quid meremini. Existat quidem tribunal Christi, sed absit, ut ad illud appellem vos, qui illic, si vobis necessarium & mihi possibile esset, vellem magis totis viribus stare, & respondere pro vobis. Itaq; recurro ad eum, cui in praesenti datum est judicare de universis, hoc est, ad vos. Vos appello ad vos: vos iudicate inter me & vos.

III. Pius II. Pontifex Max. Execrabilis & pristinis temporibus inauditus, tempestate nostrâ inalevit abusus, ut à Romano Pontifice, Jesu Christi Vicario, cui dictum est in persona B. Petri: *Pasce oves meas*, &c. Quodcumque ligaveris super terram, erit ligatum & in caelis; nonnulli spiritu rebellionis imbuti, non sanioris cupiditate iudicij, sed commissi evasione peccati, ad futurum Concilium provocare praesumunt. Quod quantum sacris Canonibus adverteretur, quantumque Reipublica Christiana noxium sit, quisquis non ignarus iurium, intelligere potest. Namque ut alia praecreamus, qua huic corruptela manifestissimè refragantur, qui non illud ridiculum, quòd ad id appellatur, quod nusquam est, neq; scitur, quando futurum sit? Pauperes à potentioribus multipliciter opprimuntur, remanent impunita scelera, nutritur adversus primam Sedem rebellio, libertas delinquendi conceditur, & omnis Ecclesiastica disciplina, & hierarchicus ordo confunditur.

Volentes igitur hoc pestiferum virus à Christi Ecclesia procul pellere, & ovium nobis commissarum saluti consulere, omnemq; materiam scandali ab ovili nostri Salvatoris arcere, de venerabilium Fratrum nostrorum S. R. E. Cardinalium, cunctorumq; Praelatorum, ac divini & humani Juris interpretum curiam sequentium, consilio & assensu, ac certâ nostrâ scientiâ, huiusmodi provocaciones damnamus, & tanquam erroneas, ac detestabiles reprobamur. Cassantes & penitus annullantes, siquæ hactenus totaliter interposita inveniuntur, easq; tanquam inanet, ac pestiferas, nullius momenti esse decernimus, ac declaramus. Praecipientes demceps, ut nemo audeat quovis quasito colore, ab ordinationibus, sententijs, sive mandatis quibuscunq; nostris, ac successorum nostrorum, talem appellationem interponere, aut interposita per alium adharere, seu eis quomodolibet uti.

Si quis autem contrâ fecerit, à die publicationis praesentium in Cancellaria Apostolica post duos menses, cuiuscunque status, gradus, ordinis, vel conditionis

ditionis fuerit, etiamsi Imperiali, Regali, vel Pontificali resurgat dignitate, ipso facto sententiam execrationis incurrat, à qua nisi per Romanum Pontificem, & in mortis articulo, absolvi non possit. Universitas verò sive collegium, Ecclesiastico subiaceat interdicto, & nihilominus jam Collegia & universitates, quam prædicta, & alia quæcunque persona, eas penas ac censuras incurrant, quas rei Majestatis & hæretica pravitatis fautores incurrere dignoscuntur.

IV. Rationes verò ob quas negamus à Papa ad Concilium appellari posse, sunt præter toties dictas: quòd à Vicario appellari non possit, cum habeat idem tribunal cum suo Episcopo & Principali c. 2. de consuetudine in 6. sed Papa est Vicarius Christi, ergo sicut à Christo appellari ad alium non potest, ita nec ab ejus Vicario: quodsi Concilium hæc ipsam vicariam potestatem sibi vindicat, quærimus à quo, & quando datam? eruntque duo in Ecclesia Christi Vicarij, duo capita, hoc est, monstrum non corpus, nullibi in Scripturis, aut Concilijs lectum auditumque. Deinde cum nullum valeat Concilium, à Papa non vocatum, confirmatumque per expressos textus in d. 17. appellatio aut erit inutilis, aut impossibilis: erit enim appellatio à Papa ad Papam, & labyrintho similis in seipsum redeunti. Et tandem cum à Concilio ad Papam provocatio detur; erit circulus appellandi perpetuus, & nunquam finiendus: A Papa provocabis ad Concilium, à Concilio ad Papam, & ab hoc ad Concilium redibis, lusum potiùs, quàm litem & causam acturus.

Non obstat *epistola* 162. Augustini, ubi scribit: *Causam Cæciliani primò judicatum à Pontifice, & deinde ab Episcopis.*

*Respondemus.* Illud non necessitatis fuisse, sed conniventia, ut hæreticis omnis tolleretur tergiversandi causa, de quo vide Gratianum eleganter ad can. testes 2. q. 7. & B. Gregorium in can. Petrus. eadèm.





## §. VIII.

*A Concilio universali ad Papam appellari,  
hunc ergo illo majorem esse.*

## S U M M A R I A.

1. *A Concilio ad Papam appellari SS. Canonibus probatur.*
2. *Modum tamen in admittendis appellationibus servandum esse ex S. Bernardi sententia.*
3. *Querela Concilij Carthaginensis & B. Cypriani de Appellat.*
4. *Respondetur ad objecta & præsertim ad appellationes ad futurum Concilium factas.*

## I.



Xplorati Juris est, majorem esse illum ad quem appellatur, eo, à quo appellatur. Judex enim ad quem sententiam corrigit, rescindit, jurisdictionem suspendit, imperat executionem sententiæ, quæ omnia fieri nisi à majore & superiore non possunt.

Jam verò à Concilio Universali ad Papam appellari, patet ex Canonibus superiore §. recitatis, videlicet *c. ipsi sunt* 9. q. 3. *c. patet eadem.*

Gelasius I. *Epist. 13. ad Episcopos Dardania:* Sedes B. Petri Apostoli jus habet resolvendi, utpote quæ de omni Ecclesia fas habeat judicandi, neque, cuiquam de ejus liceat judicare judicio, si quid ad illam de qualibet mundi parte canones appellari voluerint; ab illa autem nemo sit appellare permissus.

Synodus Sardicensis & Oecumenica sub Julio Pontifice & Imperatoribus Constante & Constantio Anno cccxlviii. in causa Athanasij celebrata *Can. 3. & 4. aliis. 7.* hæc habet. Quodsi aliquis Episcopus adjudicatus fuerit in aliqua causa, & putat se bonam causam habere,

ut iterum iudicium renovetur; si vobis placet, S. Petri Apostoli memoriam honoremus, ut scribatur vel ab his, qui examinaverunt, vel etiam ab alijs Episcopis, qui in propinquo morantur, Julio Romano Episcopo. Etsi iudicaverit, renovandum esse iudicium, renovetur, & det iudices. Si autem probaverit talem causam, ut ea non refricentur, qua acta sunt; qua decreverit Romanus Pontifex, confirmata erunt. Si ergo omnibus placet, statuatur. Synodus respondit: placet.

Synodus Nicæna can. 13. Placuit, ut omnes Episcopi, qui in quibusdam gravioribus pulsantur, vel criminantur causis, quoties necesse fuerit, liberè Apostolicam sedem appellent, atq; ad eam, quasi ad matrem confugiant, ut ab ea, sicut semper fuit, pie fulciantur, defendantur ac liberentur. Cujus dispositioni omnes majores Ecclesiasticas causas, & Episcoporum iudicia, antiqua Apostolorum, eorumq; Successorum, atq; Canonum auctoritas reservavit.

Hunc verò appellandi morem antiquissimum esse testatur B. Leo epist. 87. ad Episcopos Galliarum, quæ habetur T. 2. Conciliorum. ante Concilium Chalced. ubi inter alia: Nobiscum itaq; vestra fraternitas recognoscat Apostolicam sedem, pro sui reverentia, à vestra etiam provincia sacerdotibus, innumeris relationibus esse consultam, & pro diversarum (quemadmodum vetus consuetudo poscebat) appellatione causarum, aut retractata, aut confirmata fuisse iudicia, aded ut servatâ unitate spiritûs in vinculo pacis, commeantibus hinc inde litteris, quod sanctè agebatur, perpetua proficeret charitati. Quam sollicitudo nostra non sua querens, sed qua sunt Christi, dignitatem diviniûs datam nec Ecclesijs, nec Ecclesiarum sacerdotibus abrogabat. Sed hunc tramitem semper inter majores nostros & bene tentum, & salubriter constitutum, Hilarius Ecclesiarum statum & concordiam sacerdotum novis presumptionibus turbaturus, excessit. Videatur Bellarminus de Rom. Pont. l. 2. c. 21.

B. Leo Papa epist. 23. ad Theodosium Augustum; Flavianum Patriarcham Constantinopolitanum à Concilio Ephesino II. quod generale fuit, ad sedem Apostolicam appellantem recipit, rogatq; Imperatorem, ut appellationi deferat. Ubi nota, Leonem duas Imperatori causas exponere, ob quas acta Concilij Ephesini II. rescindenda veniant. Primam, quòd in Concilio omnia per vim, & tumultum peracta sint. Secundam, quòd Flavianus Apostolicam sedem appellaverit: & Flavianus, quod poterat, non excepit de nullitate sententiæ, sed supposito etiam sententiæ valore, maluit appellare, usurus videlicet certo & indubitato jure, & exceptionem omnem superante.

Eodem modo Theodoretus in eodem Concilio Ephesino damnatus Leonem appellavit, ut habetur in *epist. 113.* quam ad Leonem dedit.

S. Antoninus 3. p. Tit. 22. c. 6. §. 20. *Queritur vigesimo primò: Utrum ad Papam pertineat & confirmare sententias Synodorum. Item utrum ad Papam à Synodo appelletur. Item utrum solus Papa auctoritate habeat universalem Synodus congregari. Item utrum necesse habeat Papa congregare Concilium universale, quotiescunq; habeat aliquid de fide terminare. Ad omnes istas quaestiones simul respondet S. Thomas. Ad primas tres affirmativè: ad quartam negativè, in quaestionibus de potentia Dei q. 10. art. 4. ubi quaeritur: Utrum Spiritus sanctus procedat à Filio: qui respondens argumento falso in contrarium, dicit sic: Sicut posterior Synodus habet potestatem interpretandi Symbolum à priori conditum; aut ponendi aliquid ad ejus explanationem: ita etiam Romanus Pontifex hac sua auctoritate potest: cujus solâ auctoritate Synodus & congregari potest, & à quo sententia Synodi confirmatur, & ad ipsum à Synodo appellatur: qua omnia patent in gestu Chalcedonensis Concilij vel Synodi. Non est necessarium, quòd ad hujusmodi expositionem faciendam universale Concilium congreget: cum plerumq; id fieri prohibeant bellicorum dissidia; sicut in sexta Synodo legitur, quòd Constantinus Augustus dixit, quòd propter imminencia bella universaliter Episcopos congregare non potuit: sed tamen illi, qui convenerunt, quadam dubia in fide orta sequentes sententiam Agathonis Papa determinaverunt, scilicet quòd in Christo sint duae voluntates & duae actiones: & Patres in Chalcedonensi Synodo congregati secuti sunt sententiam Leonis Papa: qui determinavit Christum esse in duabus naturis.*

Vigilius Papa *epist. ad Eleuther. c. ult.* quæ habetur c. qui se scit. 2. q. 6. *Unde omnium appellantium Apostolicam Sedem Episcoporum judicia, & cunctarum majorum negotia causarum eidem sanctæ Sedi reservata esse liquet; præsertim cum in his omnibus ejus semper sit expectandum consultum: cujus tramiti siquis obviare tentârit sacerdotum, causus se non sine honoris sui periculo apud eandem sanctam Sedem noverit redditurum.*

Nicolaus Papa in c. arguta 2. q. 6. *Arguta sapientia tua, utinam in bono accepta, fomite judicij, & materiam depositionis adversus Rhotandum assumpsit, & abstinere Apostolica Sedes removuit, & continuatim Apostolicam Sedem appellantem damnavit, & carcerali custodia mancipavit. Privilegia tamen Apostolica Sedis vos oblivioni tradere nullatenus debuisse, quibus venerandi Canones judicij totius Ecclesiæ ad hanc deferri jubent. Hac quippe vos in Rhotandò idcirco noveritis operatos, ut privilegia Sedis Apostolicæ, quæ*

*A Concilio universali ad Papam appellari. hunc ergo illo &c.* 411  
malè à vobis violata videbantur, & à nobis tot impensis laboribus, vestrà re-  
sistente contumaciâ, recuperari non poterant, auctoritate Apostolicâ, & canâ  
Patrum deliberatione pristino tandem genio, & proprio decorarentur honore.

S. Bernardus l. 3. de Considerat. c. 2. Appellatur de toto mundo ad te,  
id quidem in testimonium singularis Primatus tui.

Nec obstat, quòd allegati canones Concilij universalis mentio-  
nem expressam & specificam non faciant: cur enim facerent, hac  
quæstione tunc temporis nunquam auditâ? immo cùm Concilia  
universalia, quæ legitima sunt, Pontificis consensum & confirma-  
tionem desiderent, quid est aliud appellare à Concilio legitimo,  
quàm appellare à Papa ad Papam? Sicut ergo Concilia robur & va-  
lorem accipiunt, cùm à Papa confirmantur, & legitima esse desi-  
nunt, roburque amittunt, cùm reprobantur. c. multi d. 17. c. ad Aposto-  
lica. de re judicata in 6. eodem modo per appellationem suspendi eo-  
rum sententia poterit: tendit enim appellatio ad confirmationem,  
vel correctionem primæ sententiæ: quid enim interest Concilium  
à Papa vel admittâ appellatione, vel negatâ confirmatione damnari?

Accedit, quòd appellationis finis & effectus est, ut sententia  
judicis inferioris mutetur; sed Papa sæpe sæpius mutat, quæ à Con-  
cilio generali statuta sunt. c. non debet. de Affin. & Consang. c. statutum. de  
rescripti. in 6.

II. Illud verum est, in admittendis appellationibus magnâ o-  
pus esse circumspectione, ne privilegia Ecclesiarum turbentur, ne  
tribunalia confundantur, & ne obtentu innocentiae justitia calce-  
tur, aperto calumnijs sinu. Unde jam olim, ut postea dicitur,  
multæ ab Episcopis etiam sanctis querelæ. Videatur c. 32. de Appellat.  
ubi prohibetur appellatio ad S. Pontificem in certo casu. Et S. Ber-  
nardus l. 3. de Considerat. c. 2. de appellatione ad S. Pontificem elegan-  
ter hæc scribit:

Fateor grande & generale mundo bonum esse appellationes: idq, tam  
necessarium, quàm solem ipsum mortalibus. Revera quidam sol justitia est,  
prudens ac redarguens opera tenebrarum. Prorsus fovenda & manutenenda  
sunt, sed quas extorsit necessitas, non calliditas adinvenit. Usurpatorie sunt  
hujusmodi omnes, subvenientes in necessitate, seu opitulantes iniquitati. Quid-  
ni veniant in contemptum? quanti, ut talibus quoq, deferrent, etiam de pro-  
prio cessere jure, ne longo & casso itinere fatigarentur? Plures tamen sua  
amittere non ferentes, appellationes minus opportunas, & celsa nomina impor-  
tuniùs



tunius contempserunt. Dico aliquid quod ad rem pertinet, exempli causa. Quidam sibi publicè desponsaverat uxorem, adest dies celebris nuptiarum. Parata omnia, invitati multi. Et ecce homo concupiscens uxorem proximi sui, in vocem appellationis inopinata prorumpit: affirmans sibi traditam prius, suam potius esse debere. Stupet sponsus, herent omnes, sacerdos non audet progredi, frustra omnis apparatus ille, descendit quisq; in domum suam cœnam manducaturus, sponsa à mensa, & ibi thalamo sponsi suspenditur, quousq; Româ reditum est. Parisijs contigit hoc, nobili Galliarum civitate, sede Regia. Rursum in civitate eadem quidam sibi desponsatâ uxore diem constituit nuptiarum. Interim emergit calumnia, dicentibus quibusdam non debere conjungi. Ad iudicium Ecclesia causa delata est, sed non expectatâ sententiâ, appellatum est sine causa, sine gravamine, solo frustratoria dilationis intuitu. At ille sive perdere, quæ parârat, sive dilecta tam diu frustrari consortio nolens, nihilominus, quod proposuerat, contemptâ sive dissimulatâ appellatione peregit. Quid illud, quod in Alissiodorensi Ecclesia nuper à quodam adolescentulo præsumptum est? nempe defuncto S. Episcopo, volentibus Clerici alium (ut mori est) eligere sibi, intervenit ille appellans, & vetans ne fieret, quousq; esset & redisset ab urbe. Cui tamen appellationi nec ipse detulit. Nam cum videret se contemni, tanquam qui irrationabiliter appellasset, accitis, quos potuit sibi, tertiâ die post factam ab alijs electionem, fecit suam. Cum itaq; ex his & innumeris talibus liqueat, non ex contemptu gigni usurpationem, sed ex usurpatione contemptum: videris tu quid sibi velit, quod zelus vester assidue penè vindicat illum, istam dissimulat. Vis perfectius coercere contemptum? Cura in ipso utero pessima matris præfocari germen nequam: quod ita fiet, si usurpatio dignâ animadversione mulctetur. Tolle usurpationem, & contemptus excusationem non habet. Porro inexcusabilitas ausam explodet. Non sit proinde usurpator, & contemptor nullius erit, aut admodum rarus. Bene factu tu, quod appellationum negato suffragio, immo suffragio, multa remittis negotia ad cognoscentes, vel qui noscere citius possunt; ubi enim celerior & faciliior notio, ibi decisio tutior expeditiorq; esse potest. Quàm plenum gratia, quàm multorum quoq; per hoc & laboribus parcis, & sumptibus? At quibus sic credas, id tibi omnimodis attendendum.

III. Non obstat I. Patres Concilij VI. Carthaginensis sub Bonifacio I. Anno CCCXCIX. celebrati graviter conquestos esse de appellationibus ad Romanum Pontificem interpositis: nec in illas urgente quamvis Legato Apostolico, consentire voluisse, immo Canonem Concilij Nicœni, quem pro se Zosimus allegaverat, nunquam pro legitimo agnovisse.

Re-

*Respondimus*, Asperitatem, quâ Delegati Apostolici in prosequendis appellatōibus utebantur, causam querelis dedisse, cū non tam Judices agerent auditis benignè partibus, quā executores, meliori causā damnatā, ut constat ex Epistola D. Augustini 261. Nec enim voluisse Patres jus Pontificem appellandi aut negare, aut tollere, quod scirent in Primatu fundatum usuque totius Orbis confirmatum esse; temperari tantū, clarissimum fit ex epistola ipsius Concilij Affricani ad Bonifacium c. 101. & Cœlestinum Pontifices c. 102. quæ habentur *T. 1. Concil. & Concilio Carthagenensi III. can. 10.* & epistola Stephani Archiepiscopi, & trium Conciliorum Affricæ ad Damasum Papam, & hujus responsoria, quæ habentur *T. 1. Conciliorum.* & denique ex Epistola B. Augustini 261. Videatur de hac controversia Concilij VI. Carthagenensis Sander. l. 7. de *Monarchia*. Peronius responso ad Regem M. Britaniæ. *Tom. 1. Conciliorum in Prefat. ad Concil. 6. Carthag.* Baronius ad annum 419. qui etiam notat Canonem à Zosimo citatum fuisse Concilij Oecumenici Sardicensis, quod cum Nicæno unum à veteribus computabatur, quod fuisset ad Nicæni confirmationem indictum: & præterea mirum non est, Patres canonem à Zosimo citatum non reperisse inter Nicænos, cū ipsi collectione Rufini uterentur, quā constat vel ex ipso S. Athanasio, qui Nicæno interfuit, depravatam esse, & quā plurimos canones omisisse; ipsa verò exemplaria Nicænæ Synodi partim ab hæreticis corrupta, partim incensa fuisse, ut jam suprà monuimus.

Eisdem de abusu appellationum querelas moverat B. Cyprianus l. 1. *Epist. 3.* & postea Anno DCCCLXV. Episcopi Galliæ, ut videre est in elegantissima epist. Nicolai Pontif. quæ est 42. & denique B. Bernardus l. de *Confid. c. 2.* circa finem.

Sapienter ergo Patres Concilij Milevitani minoribus infra Episcopos Clericis prohibuerunt, contra Affricanos judices appellare, c. *placuit 2. q. 6.* quod hujusmodi appellationes, à teo sapius condemnato factæ, frivola præsumerentur, morandæque justitiæ causâ, quibus deferendum non est, c. *5. 13. & 14. extra de Appellat.* Quod si tamen simplex etiam Presbyter evidenter ostendisset se injustè damnatum esse, ejus appellationes Romam admittebantur, ut haberetur in epistolis Affricani Concilij ad Bonifacium & Cœlestinum Pontifices *Tom. 1. Concil.*

IV. *Non obstat secundò c. sanè profertur 24. q. 2. ex quinta Synodo*

excerptus, ubi dicitur Dioscorum Papam fuisse ab Ecclesia Romana damnatum, etsi jam prædefunctum.

*Respondemus.* S. Felici Papæ successisse B. Bonifacium II. & huic à schismaticis oppositum fuisse Dioscorum Antipapam, qui paullo post vitam absolvit, damnatusque est simoniæ à Bonifacio. Nullum ergo est argumentum à mortuo & Antipapa ad Papam, vivumque caput Ecclesiæ ductum.

*Non obstat tertio.* A sententia Summorum Pontificum ad futurum Concilium sæpe appellatum esse, prout hujusmodi appellationum fascem collegit Auctor libri *de Ecclesia Gallicana Immunitatibus totoc. 13.* Ubi; ad futurum Concilium contra Bonifacium VIII. appellat Philippus Pulcher Anno MCCCIII. Cui appellationi consensus Gallicæ Prælatorum & Parisiensis Universitatis accessit. *ibidem n. 2. & 3.*

Et Regius procurator Caroli VII. Francorum Regis contra Pium II. Anno MCCCCLX. *ibidem n. 10.*

Et Ludovicus XI. contra Sixtum IV. Anno MCCCCLXXVIII. *ibidem n. 12.*

Et Universitas Parisiensis contra Innocentium VIII. Anno MCCCXCII. *ibidem n. 15.*

Et eadem Universitas contra Leonem X. Anno MDXVII. *ibidem n. 18.*

Et Legatus Friderici II. contra Innocentium IV. Anno MCCXLV. *Parisiens. Hist. Angl. f. 901.*

Et Ecclesia Anglicana contra eundem Innocentium III. Anno MCCXLVI. *Idem Paris. f. 952.*

Et Clerus ac nobilitas ejusdem Regni Anglicani ab Urbano IV. Anno MCCLXIV. Math. Westmon. *Hist. Angl. p. 2.*

Et Ludovicus imperat. ex Domo Bavarica Anno MCCCXXIII. contra Joannem XII. Hervartin *Ludovico defensor. 248.*

Michaël Cæsenas Generalis Ordinis Minorum contra eundem Joannem XII. Anno MCCCXXI.

Respublica Veneta contra Julium II. Anno MDIX. Guicciardinus *lib. 8.*

Respublica Florentina contra eundem Julium II. An. MDXI. Guicciardinus *lib. 10.*

Carolus V. Imperator contra Clementem VII. Anno MDXXVI.

Cardinalis Columnnensis, alijsque ex eadem familia contra Clementem VII. Anno MDXXVII. Guicciardinus *lib. 17.*

Hunc syllabum appellationum collegit Auctor citati libri, Ad quæ

*Resp. 1.* Hujusmodi appellationes fuisse ad Concilium factas non ut ad majus tribunal, & judicem Papæ, à quo videlicet sententiæ Papales rescindi possent; sed ad melius pleniusque informandum ipsum Papam: possunt enim quæstiones in materia fidei aut morum adeo graves, tantæque deliberationis nasci, ut Concilium Universale omnium nationum necessarium sit, & sine quo non censeatur sufficienter informatus, instructusque, ut possit ad definitivam procedere, maximè cum definitio in facto aliquo fundatur, pro quo casu intelligendi sunt SS. Patres, cum dicunt Concilium Universale necessarium esse. S. Augustinus *lib. 4. contra duas Epist. Pelagianorum c. 12. & lib. 1. de Bapt. contra Donatistas c. 7. & c. 18. & lib. 2. c. 4.*

Illæ ergo appellationes, ut diximus, factæ sunt ad futurum Concilium, tanquam Pontifici Romano informando necessarium, ut appellantibus videbatur, patetque ex ipsa appellandi forma Philippi Regis, Parisiensis Universitatis, & aliorum: *A Sanctissimo D. N. Papa Innocentio minus debite consulto ad se ipsum melius consulendum, & ad S. Sedem Apostolicam etiam melius consulendam, nec non ad sacrosanctam Synodum celebrandam, illumque, vel illos, ad quem sive ad quos de jure provocare & appellare nobis licet. &c.*

Ex quibus & alijs ibi adjunctis patet, nunquam ad Concilium fuisse provocatum ut Papæ oppositum, & hujus auctoritate destitutum; sic enim appellaretur ad Concilium illegitimum; sed ad Concilium auctoritate Papali fultum, & confirmatum, hoc est, ut sæpe diximus, ad Papam melius informandum.

*Respondemus 2.* Appellationes ad futurum Concilium, & futurum legitimum Papam, planè novas esse, sacrisque Canonibus ignotas & deploratis tantum perditisque causis asylum. Quale enim est hoc, ut appelletur ad judicem, qui non est, nec erit? aut si erit, incertum quando, & ubi? appellatio est à minori ad majorem, quomodo autem major est, qui necdum est? Quis Episcopus patiarur ad futurum Episcopum, Archiepiscopum, aut Concilium Provinciale appellari? quasi verò non omnes hoc modo sententiæ eludi possint, & non eadem facilitate, aut impediri Concilia, aut defectu aliquo

aliquo objecto, non recipi? ut exemplum memoriâ dignum est in actis Concilij Lugdunensis I. ubi Thaddæus Friderici II. Imperatoris, qui ad Concilium provocaverat, ab ipso Concilio diris devotus damnatusque, ad aliud Concilium plenius Lugdunensi provocavit. Ipsi Galli, qui à Summo Pontifice Anno MDXXX, Concilium ardentè postulârunt teste Pallavicino in *Hist. Trid. Concil. c. 5. n. 16.* paullo pòst ipsum Concilium rejecèrè, nec unquam ut reciperent (præterquàm in dogmatibus fidei) persuaderi se passi sunt, ut videre est in Pallavicino *cit. lib. 3. c. 7. n. 1. & præsertim l. 24. c. 10. & c. 11.*

Quidenim facilius est magno præsertim Principi, quàm Concilio clavum figere, & ne fiat impedire, aut moras longissimas obijcere, dum causa faciem mutet, & in aliam evadat? immo jam factò Universali Concilio aliquid opponere, ut vel illegitimum appareat, vel non Universale, quod facillimum est, cum multa ad Concilium legitimum & Universale requirantur. Adde, appellationes ad futurum Concilium videri cum natura ipsius appellationis pugnare; nam appellatio est à minori ad majorem judicem *can. anteriorem 2. q. 6. c. cum inferior. de majoritate l. 4. ff. de recepti.* Sed Concilium, quod nondum est, non est majus Papâ, cum necdum sit, estque incertum, an & quando futurum sit, incertitudo autem omnem actum vitiât, ut nullum effectum producere possit *L. cum 17. ff. de in diem addict. l. cum post 69. §. 1. gener. ff. de Jure dot. l. in stipulatus us. ff. de V. O.* estque inauditum, fuisse aliquando appellatum ad judicem necdum exstantem, & nasciturum, eique appellationi delatum, & non potiùs tanquam frivolum & illusorium explosam esse.

Appellatio, cum sit species defensionis, & consequenter juris naturalis, omnibus æquè concedenda est, nec magis Principibus, quàm privatis personis *c. super 17. de Appellat. c. cum appellationibus eodem in 6. l. 4. §. item ff. eod.* Quilibet ergo cum effectu à sententia Episcopi, Summiq; Pontificis ad futurum Concilium appellabit, oportebitque rhedas, equosque & naves velo instructas in promptu esse, quæ in singulas horas cum appellanti placuerit, Patres in concilium exponant; quasi verò tam facile sit Concilium Oecumenicum cogi, quàm facile est ad Concilium appellare.

Appellatio non admittitur saltem quoad effectum suspensivum, quando res dilationem non patitur, *L. si res 7. ff. de appellat. recipiendis.* at plerumque, & præsertim in causis fidei, non potest sine gravissimo damno Concilium expectari.

Ap-

Appellatio inducta est iustitiæ & innocentie tuendis, & ideò appellationes frivolar morandarque litis causâ, non admittuntur *c. cum sit* 5. *c. pervenit* 13. *c. consuluit* 14. *c. pervenit* 28. *de appellat. c. qualiter* 17. *de judic. l. 6. & ult. C. quando provocare: & toto T. C. quorum appellat.* At verò appellationes ad futurum Concilium lites causasque non tantum morantur, sed etiam æternant, idque propter difficultates celebrandar Oecumenicæ Synodi, propter infinita, quæ interim occurrere possunt, & rerum faciem mutare, datâ interim opportunitate evadendi sententiam, quamvis justam: & denique propter quàm plurimas exceptiones, quæ possunt Concilio opponi, maximè à præpotentibus, ut exemplum Concilij Tridentini aliarumque retrò Synodorum satis docuit. Hujusmodi ergo appellationes, ut dicebamus, lites perennant, redduntque Pontificis auctoritatem penitus inutilem, maximè in privatis causis adhibitæ, qualis fuit illa propter decimas impositas, adornandar in Turcas expeditioni necessarias, ad futurum Concilium appellatio; quasi verò operæ pretium sit, totum orbem, Ecclesiamque moveri, & Episcopos turmatim accurrere privilegij alicujus privatique emolumenti causâ.

Appellatio litis aliquando finiendar causâ inducta est, cum jura lites immortales excrentur, velintque quàm primùm finiri. *Instit. de pan. temerè litigantium*, & ibi Interpretes. Et ideò oportet ad judicem certum appellari, non verò cujus jurisdictio sit dubia & incerta, in quo casu judex à quo non tenetur apostolos dare, nec appellationi deferre: at verò jurisdictio Concilij supra Papam est nimis incerta: & prius oportebit definiri Concilium supra Papam esse, quod nunquam factum est (si loquamur de Pontifice certo, & extra casus exceptos) nunquam fiet, immo nec fieri potest, cum Sacri Canonēs expressissimè dicant, Concilia Pontificis assensu non confirmata, ejusque auctoritate destituta nulla esse, ut passim habetur totâ d. 17. præsertim *c. regula c. nec sicut &c.* Nunquam autem Summus Pontifex auctoritatem suam præstabit aut præstare poterit Concilio ut definiai, quod definire non potest, hoc est, Pontificem Vicarium Christi Concilio subesse, & à Pontifice ad Concilium appellari posse, cujus contrarium vidimus in omnibus Concilijs apparuisse, & præsertim in Synodo Oecumenica 8. & Concilijs Florentino & Lateranensi, & toties in Bullis Julij, Pij, Calixti, & Cœnæ Domini hujusmodi appellationes prohibitas, ut jam dicemus.

Denique nulla est appellatio expresso jure prohibita *c. pastorali* c. *consuluit* 29. de Appellat. l. si res. 7. §. 1. ff. de Appellat. recipiendis: sed appellatio ad futurum Concilium gravissimè à SS. Pontificibus prohibita est, primò quidem à Callisto III. qui Anno MCDLVII. Alano Cardinali Gallijs excedenti præcepit, rediret Parisios, & appellationem, quam aliqui in causa decimarum pro Turcica expeditione ediderant, revocari curaret, & in auctores animadverteret.

In eadem causa ad futurum Concilium provocantes Pius II. Anno MCDLX. in Conventu Mantuano editâ gravissimâ Bullâ diris percussit.

Sixtus IV. Anno MCDLXXXIII. Pij vestigijs inharens anathema ijs, qui sic appellarent, indixit. Verba Diplomatis: Nos, qui disponente Domino, qui nos unxit oleo lætitiæ præ consortibus nostris, in eo sumus officio constituti, ut singularum animarum salutem consulere, justitiam colere, & iniquitatem odisse debeamus, attendentes quòd de minoribus ad majores iudices dumtaxat appellare legalis permittit auctoritas, & propterea inhibet ab imperiali, & præfato prætorio iudicio appellari, & quòd non homo, sed is dumtaxat, qui solo verbo fecit cælum & terram, Apostolicam Sedem, & in ea sedentem prætulit universis etiam Concilijs, quæ ab ea robur accepisse sanctorum Patrum decreta testantur, & etiam Gelasius Papa contra Acacium Fausto legato scribens, dum ait: Ipsi sunt canonici, qui appellationes totius Ecclesiæ ad hujus Sedis examen voluere deferri, ab ipsa autem nunquam appellari debere, & ipsam de tota Ecclesiâ judicare; de ipsius autem iudicio nunquam iudicari senserunt. Et dum scribit ad Orientales Episcopos dicens: Sedem prædictam nullâ Synodo præcedente solvendi, quos Synodus iniquè damnaverat, & damnandi, quos oportuit, nullâ existente Synodo habuisse facultatem.

Testantur etiam quàm plurimorum antiquorum Conciliorum epistola, in quibus verba illa apponuntur: Salvâ in omnibus Apostolicæ Sedis auctoritate; & quod de ijs, & quæ plurimis alijs juribus, & canonibus, & auctoritatibus pia memoria Pius Papa II. prædecessor noster dudum de fratrum suorum sanctæ Romanæ Ecclesiæ Cardinalium, & Prelatorum, ac iurisperitorum tunc Romanam curiam sequentium Consilio, in Conventu Mantuano auctoritate Apostolica in perpetuum valiturâ constitutione; omnes qualitercumq; appellantes à Romano Pontifice Canonum transgressores, & illos ex eis, qui ad non dictum, nec congregatum Concilium appellare præsumerent, aliud caput in Ecclesiâ Dei, ac imaginarium majus, & sublimius tribunal confingentes contra Apostolum dicentem: fundamentum aliud nemo potest ponere præter id, quod Christi-



Christus instituit; hujus sancta Sedis Primatum negare, Ecclesia unitatem dividere, non unum solum privilegium eidem Ecclesia adimere, sed precipuam & principalem dictæ Sedis auctoritatem, quam & vox Christi & Majorum traditio, & canonum fulcit auctoritas, penitus subvertere non verentur, præ cæteris detestabiliores esse, & eorum appellationes hujusmodi quacumq; occasione interponerentur, non solum irritas, & inanes, sed fraudulentas & sacrilegas, & hæreticas esse declaravit, &c. Dat. Roma apud S. Petrum anno Incarnationis Dominicæ 1483. Id. Julij. Pontificatus nostri Anno 12.

Veneratus est Ludovicus Galliarum Rex diploma Pontificis, jussitque in solemnium hominum frequentia promulgari, quo nomine plurimas illi Pontifex per Apostolicas litteras gratias egit teste Odórico Rainaldo in suis Annalibus Ecclesiasticis Anno 1483. n. 22.

Anno MCCCCLXI. Rudolphus Pontificis Internuntius Archiepiscopum Moguntinum ad futurum Concilium appellan-tem sic est allocutus: *Ab eo appellasti, Diethere, qui tamen agere serres, si quis Provincialium tuorum à te ipso appellasset. Sed quem appellasti judicem? quem provocasti tua causa cognitorem? futurum Concilium, dico, appella- vi. Et ubi est futurum Concilium? Ubi sedet? ubi tribunal ejus requiri- mus? pulchra inventio, ut impunita sint scelera, ut liceat sine metu judicij aliena invadere. Is judex appellatur, qui nunquam reperitur. In conven- tu Mansuano adversus hanc nequitiam lex edita est, qua appellanti ad futu- rum Concilium eam irrogat poenam, quæ rei Majestati, & fautores Hæreti- corum plectuntur. Pudore confusus Dietherus vocatis tabellionibus clam editam provocationem damnavit; id quod antea etiam Fridericus Palatinus Rhæni, qui ejusmodi appellationi adhæse- rat, à Rudolpho edoctus egerat, quamvis uterque postea ad inge- nium redierit.*

Et denique quotannis in Bulla Cœnæ solemnes, & cum ap- paratu, in illos diræ pronuntiantur, qui ad futurum Concilium ap- pellant. Si dicas Pontifici in propria causa judicanti credendum non esse. Quærimus, quis ergo lite inter Pontificem & Concilium vertente, judex futurus sit? nam & Concilio idem obijci poterit, in causa propria ad sententiam dicendam non admitti; sicque litem aliquam & summi quidem momenti in Ecclesia dari defectu judicis nunquam dirimendam: & quidquid hætenus de infallibilitate Con- cilij, de Primatu Papæ, de judice controversiarum (qui fidei nostræ cardines sunt) in Concilijs à Pontifice confirmatis, definitum est,

eâdem exceptione impugnari poterit, cùm omnes illæ controver-  
sæ auctoritatem Concilij & Papæ respiciant.

Nisi ergo fundamenta Religionis nostræ subversa velimus, fa-  
teamur oportet, cum Patribus Concilij Sinuesani, Papam sibi & ju-  
dicem & reum esse; immo non tam sibi, quàm Ecclesiæ & Christo,  
cujus Vicarium agit, cùm etiam jure humano cautum sit, judicem  
cognoscere, an sua sit jurisdictio *L. si quis ex aliena ff. de judic. l. 2. ff. si quis  
in jus vocatus. c. super litteris.* quod maximè verum habet in Principe  
Supremo, qualis est ille, cui dictum est: *Super hanc Petram adificabo Ec-  
clesiam meam.*



### §. IX.

*Solum Pontificem Romanum esse Vicarium  
Christi, universalis Ecclesiæ Caput, & Epi-  
scopum; ex quibus manifestè deducitur,  
esse supra Concilium, eoq; majorem.*

#### S U M M A R I A.

1. Papa Vicarius Christi; ergo major Concilio.
2. Papa caput Ecclesiæ universalis; ergo major, & altioris au-  
toritatis, quàm Concilium.
3. Papa Pastor & Episcopus Ecclesiæ universalis; ergo major  
Concilio.
4. Respondetur ad objecta.

#### I.



On hîc telam retexemus toties à Catholicis scriptori-  
bus contra hæreticos textam; sed instituti memores  
ex principijs, quæ Catholici omnes admittunt, Pon-  
tificem Romanum Concilio eminere ostendemus.

Impri-

Imprimis ergo certum est, nec integrâ fide negari potest, Summum Pontificem esse proximum & immediatum Christi Vicarium, eumque in Christi Ecclesia supremam habere potestatem, adeo ut propositio huic contraria, sit hæresis in Constantiensis damnata. *sess. 8. art. 37.* ubi inter alios Wicleffi errores hic etiam ponitur: *Papa non est immediatus & proximus Vicarius Christi & Apostolorum.*

Et *Sess. 45.* in Bulla Martini V. quâ Concilium confirmatur, inter alios articulos, de quibus hæresis suspecti examinandi sunt, etiam hic ponitur; *Utrum credat, quod Papa canonicè electus, qui pro tempore fuit, ejus nomine proprio expresso, sit successor B. Petri habens supremam auctoritatem in Ecclesia Dei?*

Et in Concilio Nicæno *Can. 39.* (inter 80. Arabicos, qui habentur *Tom. I. Concil.* post Acta Concilij Nicæni) *Ille, qui tenet sedem Roma, caput est, & Princeps omnium Patriarcharum. Quandoquidem ipse est primus, sicut Petrus, cui data est potestas in omnes Principes Christianos, & omnes populos eorum, ut qui sit Vicarius Christi super cunctos populos, & cunctam Ecclesiam (NB.) Christianam. Et quicumq, contradixerit, à Synodo excommunicatur.*

Idem in Concilio Florent. *Sess. ult. in litteris Unionis, & Lateranensi Sess. II.* definitum est, & Lugdun. in c. ubi periculum. de elect. in 6.

Ex hoc Vicarij titulo apertè deducitur, majorem esse Pontificis, quàm Concilij auctoritatem, & nullo modo Papam Concilio subesse. Vicarius enim Principis & Episcopi, cùm idem tribunal cum Episcopo habeat, à nullo Principe & Episcopo inferiori judicari potest, ne quidem à comitijs Regni aut Provinciæ, cui titulo Vicarij aut Protegis præest c. 27. §. *potrò de off. Delegat. c. 1. de off. Vicar. in 6.* & olim à Præfecto Prætorij non dabatur provocatio. *L. un. C. de sent. Præf. Præf.* Nec aliquando auditum est, eum qui aliquò in Regno vel Provincia vices sui Principis aut Regis agit, à Regni Optimatibus vel comitijs universalibus judicatum fuisse, nec posse, nisi læsâ Majestate, hoc attentari. Cùm ergo Papa sit Vicarius Christi in Ecclesia militante, superiorem non habet, nec eorum judicio, qui militantem Ecclesiam repræsentant, subjacebit.

Rursus: si Papa superiorem aliquem in Ecclesia habet, ergo Concilium Constantiense erravit, cùm dixit, supremam in Christi Ecclesia potestatem penès Pontificem esse; non enim supremam habet, si alteri subest, ab alio doceri, judicarique potest: suprema

ergo erit penès Concilium, & Patres Constantienſes etraverint. Idem Concilium definit Papam eſſe proximum & immediatum Vicarium Chriſti: aut ergo hæc poteſtas Vicaria, proximè & immediatè à Chriſto accepta ſoli Papæ communicatur, aut etiam Concilio; ſi huic, ergo duos habebimus in Eccleſia immediatos, proximos, ſupremosque Chriſti Vicarios, quod inauditum in Eccleſia eſt, immo in quavis bene ordinata Republica: aut dicendum erit, coactò Generali Concilio ſupremam hanc & Vicariam poteſtatem à Papa in Concilium transferri eo ferme modo, quo Pythagoras dicebat, de uno in aliud corpus animas migrare: quod iterum novum eſt, gratisque & ſine ullo ex ſacris paginis fundamento aſſertum. Aut denique veritati cedendum eſt, fatendumque ſolum Pontificem Romanum proximum & immediatum eſſe Chriſti Vicarium, & ut verbis B. Pauli loquamur: *Tantò altiore Concilijs factum, quantò differentiùs ab illiù nomen hæreditavit, cui enim aliquando Conciliorum dictum eſt, Vicarius meus eſ tu, ſuper te adificabo Eccleſiam meam, tibiq; dabo claves Regni Cælorum?*

II. Eodem modo, Pontificem Romanum caput eſſe Catholica & Universalis Eccleſiæ, veritas eſt definita in Concilijs Conſtantienſi *ſeſſ. 15. & ult.* in Bulla Martini Quinti, Florentino *ſeſſ. ult.* Lateranenſi *ult. ſeſſ. II.* Lugdunenſi *c. ubi periculum. de Elect. in 6.* Et docet eleganter S. Leo in Epift. ad Episcopos Viennenſes 78. quæ habetur in *c. ita Dominus d. 19.* Nicolaus Papa in *c. fundamenta 17. de Elect. in 6.* Patres Concilij Epheſini ſe membra agnoſcunt, Pontificem verò Romanum Caput Eccleſiæ in Actis Concilij *ſeſſ. 4.* S. Thomas eleganter *l. 4. contra Gentes c. 76. & contra errores Græcorum c. 65. & 3. p. q. 8. a. 6.* Nec verò Pontifici Romano jure tantum humano, ſed divino convenit eſſe Caput Eccleſiæ, & conſequenter immutabiliter, ut pulchrè docuit Nicolaus I. in epift. ad Michaelem Imperatorem, quæ habetur *Tom. 3. Concil. fuitque lecta, & laudata in 8. Generali Synodo:* ſic ergo inter alia ibi ſcribit Nicolaus: *Privilegia iſtus Sedis vel Eccleſiæ perpetua ſunt, divinitùs radicata atq; plantata ſunt: impingi poſſunt, transferri non poſſunt: trahi poſſunt, evelli non poſſunt. Quæ ante Imperium veſtrum fuerunt, & permanent (Dei gratiâ) hæcenus illibata, manebuntq; poſt vos, & quouiùq; Chriſtianum nomen prædicatum fuerit, illa ſubſiſtere non ceſſabunt immutata. Iſta igitur Privilegia, huic ſanctæ Eccleſiæ à Chriſto donata, à Synodu non donata, ſed iam ſolummodo*

modò celebrata, & venerata, per qua non tam honor, quàm onus, nobis incumbit, licet ipsum honorem non meritis nostris, sed ordinatione Gratia Dei, per B. Petrum, & in Beato Petro sumus adepti, nos cogunt, nosq; compellunt omnium habere sollicitudinem Ecclesiarum Dei.

Et post aliquot folia, circa finem : Et si cunctis generaliter sacerdotibus divina tractantibus, fidelium convenit corda submitti, quando potius, Sedis illius Pontifici consensus est adhibendus, quem cuncta Ecclesia generalis jugiter pietas celebravit ? Ubi clementia vestra evidenter advertit, nunquam quovis penitus humano consilio elevare se quemquam posse contra illius privilegium vel confessionem, quæ Christi vox prætulit universis, quem Ecclesia Veneranda confessa semper est, & habet devota Præmatem. Impelli non valent humani præsumptionibus, quæ divino sunt judicio constituta. Desinant ergo (rogamus) temporibus vestris quidam per occasionem perturbationem Ecclesiasticam præcipitantes appetere, & quæ non liceat, ambire. Alioquin & quod male appetiverunt, non perfruentur : & ipsam quoq; Christianitatem, nisi resipuerint, prorsus amittent.

Ex hac Capitis universalis Ecclesiæ prærogativa multa deducuntur argumenta, quibus Summum Pontificem Concilio superiorem esse ostenditur. Caput enim non situ tantum, & pulchritudine, ac naturæ artificio ceteris membris præstat, sed etiam influxu, causalitate, imperio, gubernatione, & directione : essetque monstrum illud caput, quod ab alijs membris etiam conjunctis motum & imperium acciperet. Si ergo Pontifex à Concilio docetur, movetur, judicatur, corrigitur ; aut Pontifex non est caput, nisi honorarium, & titolare : aut non est caput Ecclesiæ universalis, sed tantum Ecclesiarum particularium, quamdiu in Concilio non uniuntur ; quod perinde est, ac si dicas, caput unitis membris non dari, illisque præfici, sed separatis tantum divisisque : aut denique duo capita in Ecclesiâ Christi reperiri : quæ omnia tam sunt absurda, paradoxa, recteque rationi & sensui Patrum contraria, ut vix aliquid absurdius cogitari, dicique possit.

Rursus, quemadmodum implicat esse totum Corpus sine capite : aut corpus aliò, & aliter moveri, quàm ex præscripto capitis ; ita implicat Concilium universale sine Papa, aut huic contrarium, aliterque sentiens, quàm Papa. Cum ergo dicunt Concilium universale esse supra Papam, huic imperari posse, huic leges ponere, & jus dicere ; quid amabò per Concilium universale intelli-

telligunt? si enim intelligunt Concilium cum Papa, ejusdemque cum hoc sententiæ; tam non est Concilium supra Papam, quàm corpus cum capite, non est supra caput: domus cum turri, non est supra turrim. Si verò per Concilium universale intelligunt Concilium sine Papa, immo huic oppositum, & contrariæ ab hoc sententiæ; tam esse non potest Concilium universale sine Papa, quàm integrum corpus sine capite, integra domus sine fundamento: Erit ergo Concilium sine Papa corpus capite truncum, & ideo nec universale.

Quod si velint Concilium Papæ oppositum, adhuc pollere auctoritate Papali, immediatè sibi à Christo collatâ; sicque non esse Corpus truncum, cum habeat plenam integramque potestatem: quemadmodum Capitulum absente Decano, aut Senatus absente Præside non est corpus truncum, cum gaudeant plenâ integrâque potestate capitulari & Senatoriâ. Respondemus hæc utrique dici, repetique, sed nunquam probari, nunquam probanda: ostendant enim vel unum sacræ Scripturæ apicem, quo hanc plenitudinem potestatis Concilium acceperit, non Papa? legant Sanctum Doctorem locis citatis, legant D. Bernardum, legant ipsa Concilia, & ipsum Constantiense *sess. 8.* & videbunt apicem potestatis à Christo in Papam collatum esse, non in Concilium; Petro enim, ejusque successoribus dictum est: *Tibi dabo claves Regni Cælorum.* Petro: *Super te ædificabo Ecclesiam meam.* Petro: *Confirma fratres tuos.* Petro: *Si amas me, pascere oves meas.* Ubi hîc Concilium? Nolunt jura Principis Delegato fidem haberi, nisi suæ Delegationis tabulas ostendat, cum Delegatio sit facti. *c. cum in jure 31. de off. Deleg.* Ergo nec nobis credendum est, fuisse Concilio plenam in Ecclesiam potestatem à Christo delegatam, nisi tabulas & chirographum Principis exhibeat: & ideo nullum Concilium sibi hanc potestatem, sedente legitimo Papa usurpavit: illi solùm hoc agunt, qui judicem præsentem veriti, malunt futurum & incertum, cujus nec sententiam audiunt, nec manus vident; nec tam Concilij quàm suam agunt causam, etiam hoc rejecturi, cum libuerit.

Denique Pontifex Romanus sic est Caput Universæ Catholicæ Ecclesiæ, sicut quilibet Episcopus aut Archiepiscopus caput est suæ Diocesis aut Provinciæ, prout expressè habetur in Concilio Nic, *6. 39.* & docet *S. Thom. 1. 4. contra gentes c. 76.* Cum Petro, ejusque successoribus

foribus sine ulla limitatione & restrictione sint traditæ oves Christi: Sicut enim, inquit S. Doctor citatus, in uno spirituali populo unius Ecclesiæ requiritur unus Episcopus, qui sit totius populi caput; ita in toto populo Christiano requiritur, quod unus sit totius Ecclesiæ caput. Atqui nullus Episcopus aut Archiepiscopus subicitur Concilio & Synodo Diocesanae aut Provinciali; ergo nec Papa Concilio & Synodo Oecumenicæ: quantum enim confusionis & turbarum nasceretur Synodo Episcopis dominante, tantum, multoquæ ampliùs dominante Pontifici; perfecta enim pax, perfectam unitatem desiderat, quæ non est, ubi multi gubernant, nec uni obtemperant.

III. Titulus etiam Episcopi Universalis, qui à nascente Ecclesiæ semper Pontifici Romano datus est, ejus supra Concilium prærogativam satis ostendit: extant duæ Epistolæ Sixti I. qui Anno Christi CXLI, martyrio coronatus est, in quarum altera hic titulus visitur: *Universalis Apostolica Ecclesiæ Episcopus*: & Tertullianus ejusdem sæculi scriptor l. de pudic. c. 1. vocat: Pontificem *Maximum*, *Episcopum Episcoporum*. Synodus Chalcedonenfis Leonem Papam frequenter appellat, *Sanctissimum & Beatissimum Universalem Patriarcham*; eundemquæ titulum suæ ad Martianum Augustum epistolæ præfigit B. Leo epist. 54. & epist. 69. ad Eudoxiam Augustam epist. 79. ad Leonem August. epist. 14. 15. 66. & Constantinus Pogonatus epist. ad Agathonem inter Acta 6. Synodi Anno DCLXXVIII. & ipsa 6. Synodus Act. 17. *Universalem Principem Pastorum, primæ, Sedis Antistitem Universalis Ecclesiæ*.

Archimandritæ Orientis in epist. ad Hormisdam: *Universi Orbis terra Patriarcham, & caput omnium* Anno DXVII.

Theodorus Studita sanctitate celebris epist. ad Leonem III. *Sanctissimum, Summum, Patrem Patrum, Æqualem Angelis, Beatissimum, & Apostolicum Papam, Archipastorem Ecclesiæ, quæ sub cælis est* Anno DCCCIX.

Si ergo Papa Episcopus & Pastor est Ecclesiæ universalis; sequitur non illum tantum omnibus particularibus Ecclesijs majorem esse, sed ipsâ etiam Ecclesiâ universali, quam Concilium præsentat: Tituli enim Pastoris, Episcopi, Capitis &c. superioritatem significant, si ergo Papa est Episcopus Universalis & Catholicæ Ecclesiæ, negari non potest esse supra Ecclesiam, nisi ab illis forrè, qui negent Episcopum suis ovibus suoquæ Clero, etiam collecto, majorem esse.



IV. *Non obstant* 1. Concilium Carthaginense 3. c. 26. in primo Tomo Conciliorum, & habetur in c. prima d. 99. Pelagius II. in epist. ad Episcopos Orientales in c. nullus d. eadem. S. Gregorius I. 7. epist. 30. in c. ecce. d. ead. & l. 4. epist. 38. 39. 30. 32. 34. 36. & l. 6. epist. 30. ad Mauritiū, quibus locis titulus Universalis Episcopi negatur posse à sumrais PP. usurpari, tanquam fastuosus, arrogans, & in aliorum Episcoporum contemptum cedens.

2. Concilium Carthaginense quod spectat, certum est non loqui de Pontifice Romano, sed de Patriarcha, aut prima illius Provinciæ Sede; nunquam enim Episcopi Carthaginenses in Romanum Pontificem imperium sibi arrogarunt.

S. Gregorij M. mens & sententia, quæ fuerit, jamjam dicemus. Nunquam ille negavit Primatum supremamque totius Ecclesiæ curam, & gubernationem penès Romanum Pontificem esse, quin potius contrarium & calamo, & ipso facto expressit, ut patet ex ijs, quæ contra Joannem Patriarcham Constantinop. statuit, alijsque quàm plurimis, & præsertim lib. 7. ep. 63. & 64. l. II. epist. 42. & 54. lib. 2. ep. 37. l. 5. epist. 15. 24. 64. & c.

Quod verò titulum Episcopi Universalis adeò fuerit infectatus, causam dedit arrogantia fastusque Patriarchæ Constantinopolitani: hic enim, quod in urbe regia alteraque Roma, sedem fixisset, non contentus tribus Patriarchis Alexandrino, Antiocheno, Hierosolymitano se quartum adjungere, primatum etiam inter Patriarchas Orientis occupaverat, submoto Alexandrino, editoque de hoc canone in secunda Synodo Oecumenica, qui numero est tertius: sed quod hic canon aut suspectæ fidei esset, aut à Damaso Pontifice non admissus, nec effectui datus; repetitus postea est in Concilio Chalcedonensi, Anatolio Episcopo urgente, & præsertim Augustorum potentiâ, & gratiâ subnixo, qui suum crederent, quidquid Patriarchæ honoris accessisset. Sed Leo M. quantumvis à Senatu, Augustis, Concilioque impendio rogatus, adduci nunquam potuit, ut canonem probaret, secundasque Patriarchæ Constantinopolitano deferret, quodd hoc Concilio Nicæno, juri-  
busque Patriarchæ Alexandrini diceret adversari, nec decere unius spolijs alterum ornari; tantumque dicendo scribendoque fecit, ut Anatolius, ipsique Augusti cæpto desisterent, & Leoni parerent. Sed cum Imperio Occidentis, ipsaque Româ barbari potiti essent,  
& Pon-

& Pontifices Romani tot ipsi cladibus, malisque domesticis premerentur, ut aliò spectare non possent, Episcopi Constantinopolitani à Zenone & Justiniano Imperatoribus diploma extorquent, quo à Romano Pontifice primas acceperunt, immo & titulum Patriarchæ Oecumenici, quo ipse Justinianus Epiphaniùm honoravit. *in C. de summa Trin. l. 7.* idque eo prætextu factum, quoddam Patriarchæ Constantinopolitano in Concilio Chalcedonensi, omnia privilegia concessa dicerent, quæ Pontifici Romano, adeoque etiam titulum Universalis & Oecumenici. V. Gloss. *ad c. 1. d. 21.* quo titulo etiam Menas in Concilio Constantinopolit. alijsque Patriarchæ usi sunt, sed omnium arrogantissimè Joannes Neosteta, qui larvâ sanctitatis, & jejunijs præsertim, gloriam captans, eò vanitatis devenerat, ut se unum, neminem alium verum Episcopum, sed Vicarios tantùm Legatosque suos diceret. In quam impietatem juxta fastumque acriter invectus primò Pelagius II. Roman. Pontif. deinde Gregorius M. Joannem, ejusque titulum insolentem planè execrati sunt, immo & hæresis postulârunt; nec multò post Joannes è vivis excessit, superstite tamen titulo, & in successores propagato. Donec Phocas Imperator Anno DCVI, Cyriaco Patriarchæ indignatus Ecclesiasticam immunitatem tuenti, hunc titulum ademit, decrevitque ad solum Romanum Pontificem spectare, Anastasio Bibliothecario teste *in Bonifacio III. & Paulo Diac. l. 4. de gest. Longobardor.* quæ causa hæreticis nostris fingendi fuit (quid enim aliud agant, veritate destituti?) Primatum Romani Pontificis à Phoca esse. Phocæ Heraclius in Imperium successit, qui Monothelismum amplexus, eoque in Pontifices Romanos parùm æquus, novam ad titulum Oecumenicum januam Patriarchis aperuit, donec tandem Photius privatis odijs in Pontificem Romanum incensus, ut supra diximus, præter titulum Oecumenici, etiam Primatum Ecclesiæ Christi invasit, abjectâ omni erga Romanam Ecclesiam obedientiâ, dictoque anathemate Pontifici Nicolao. Hæc origo, hic progressus fuit ambitiosi hujus tituli, à quo Pontifices Pelagius & Gregorius, cum funestos eventus præfigirent, merito abhorruerunt, illumque in herba præfocare conati sunt. V. eleganter Maymburgum. *l. 1. de schism. Græcor.*



## §. X.

*Concilium universale à Pontifice non approbatum errori esse obnoxium, non ergo supra, sed infra Pontificem esse, & hujus judicio & correctioni subjectum.*

## S U M M A R I A.

1. *Concilia universalia à Pontifice Romano non directa errare posse.*
2. *Errores Concilij Ariminensis.*
3. *Et Constantinopolitani.*
4. *Et Chalcedonensis.*
5. *Et Trullensis.*
6. *Et secundi Ephesini.*
7. *Et Basileensis.*
8. *Et ideo Concilij, ne errent, necessaria confirmatio Pontificis Romani.*

## I.



Uti primas Concilio tribuunt, hoc ipso & necessitudo quidem inferre debent, ultimam ac peremptoriam sententiam penes Concilium esse, quæ nec censuram, nec correctionem admittat, & consequenter ab omni errore sit libera: si enim errori & correctioni subjaceat, jam non erit ultima, sed superiorem aliquam tutamque regulam, & erroris immunem habebit, ad quam exigatur: quemadmodum linea  
recta

recta est regula, & judex omnis obliqui, quia sola & necessariò non exorbitat, & proximo tramite in centrum pergit.

Si ergo probatum fuerit, Concilium errasse, eadem operâ probatum erit, alteri subjectum esse, qui errores emender, omni ipse errandi periculo liber, nisi velimus in Ecclesia esse omnia incerta, & ludibris opinionum exposita. Age jam ergo & ostendamus, nihil fixum ratumque in Concilij esse, quando Romanam Cynoturam præ oculis non habent.

II. Anno CCCLIX. Sub Liberio Pontifice erravit Synodus Ariminensis, cui & Legati Apostolici ( quorum unus Vincentius fuit Capuanus Episcopus ) & Episcopi supra 400. interfuerunt; quando specioso componendæ pacis obtentu, sic enim blandiebantur Ariani, expunctâ voce *consubstantiali*, filium Patri similem dixerunt; tunc enim teste D. Hieronymo deditâ velut arce fidei & Religionis Catholicæ, Nicænæ Synodi damnatio est conclamata, totusque ingemiscens Orbis se Arianum esse miratus est. Negavit Liberius Papa Ariminensi formulæ & symbolo suffragium, & ided in exilium deportatus est. Audiepiistolam Damasi & Synodi Romanæ apud Theodoretum l. 2. c. 22.

*Numerum Episcoporum, qui erant Arimini congregati, præjudicii vim habere non debere, præsertim cum formula illa composita sit, neque Episcopo Romano; cujus sententia præ ceteris omnibus erat expectanda, neq. Vincentio, neq. alijs, ei consentientibus, cumq. illi ipsi, qui in fraudem illecti à veritate deflexisse visi essent, post ad meliorem mentem denuo traducti, planè testarentur, hanc formulam sibi magnoperè displicere.* Idem narrat Sozom l. 4. c. 18. Si dicas non esse in hoc Concilio legitime processum, nec liberas Episcoporum voces fuisse, partim videlicet Arianorum fraudibus, partim metu, tadio-que expressas. Id equidem haud negamus, sed vel ex hoc ipso apparet Concilium aut metu aut ignorantia, aut odio, aut quâlibet aliâ ratione, nec enim interest quali, corrumpi posse, à vero flectere, & de legitimo illegitimum fieri: nec constare legitimum fuerit, an illegitimum, nisi approbatione, & testimonio Romani Pontif. sine quo affectibus & perturbationibus agi potest, nec à Spiritu S. certò tutoque ducitur; & quod Ariminense metu, doloque fecit; aliud ambitione, aliud cupiditate, aliud amore, aliud ignorantia faciet; verbo errare potest, nec interest, quo diverticulo, si viâ excedat. Quæ pro alijs etiam Concilijs advertenda sunt.

III. Anno CCCLXXXI. Erravit secunda Synodus Oecumenica Constantinopolitana 150. Patrum, quando contra præscriptum Nicæni Concilij, & jura Ecclesiæ Alexandrinæ, Patriarchæ Constantinopolitano primas à Romano Pontifice detulit, absente nec audito Timotheo Alexandrino, quem canonem Romana Sedes nunquam ratum habuit, utpote & cum Nicæno Concilio pugnantem, (cujus decreta à Pontifice probata, sine hujus assensu solvi non poterant) & cum alterius injuria conjunctum, cui nolenti auferri sua non poterant. V. S. Leonem *epist. 51. ad Anatol.* Gregorium M. *l. 6. ind. 15. ep. 51.* & Maymb. *lib. 1. de schism. Græcorum.* Et quamvis hic error non fuerit in materia & puncto fidei, fuit tamen in materia justitiæ, graviq̃ue reprehensione dignus, & à summis Pontificibus emendatus, quod satis eorum ostendit supremam judicandi potestatem, cum in nulla seu fidei seu justitiæ causa inferior Superiori jus dicat.

IV. Anno CCCCLI. Erravit Synodus quarta Oecumenica Chalcedone habita sub Leone I. Pontif. M. & Marciano Imperat. quando *Act. 15. can. 28.* Archiepiscopo Constantinopolitano Primatum in Oriente detulit, qui canon à Sedis Apostolicæ Legatis continuo expungi jussus est, ut habetur *actione 16. & in epist. B. Leonis 59. & epist. ad Anatol. 51.* & B. Gregorij M. *l. 6. ind. 15. ep. 51.* Vide Maymb. *l. 1. de schism. Græcor.* In eadem Synodo Chalc. *sess. 6.* cum à Patribus formula & symbolum fidei conceptum esset, quod propter omillas quasdam voces hæreticorum instinctu, non satis contra Eurychetem sententiam Catholicam exprimere videbatur, simili ferè cum Ariminensi Concilio errore; legati Pontificij nunquam passi sunt eam formulam actis Concilij inscribi, & quamvis importunè Patres occlamarent, aliam conscribi fecerunt, ut habetur. *Act. 5. Tom. 2. Conciliorum.*

V. Anno DCXCII. Constantinopoli celebrata est Synodus Quinisexta sub Sergio Pontifice & Justiniano Juniore Augusto, cui testis est Balsamon in *Nomocanone* Legatos Apostolicos interfuisse, seque ipsam, in Actis Concilij, universalem appellat; ejusque Canones præsertim 82. Adrianus Papa in Epist. ad Tharsium valde commendat. Erravit tamen hæc Synodus, & graviter quidem quoad cœlibatum Sacerdotum, & Sabbathi Jejunium, ut patet ex *can. 13. & 55.* & propterea à Patribus *erratica* nomen tulit, nec unquam

unquam Sergius alijsque Pontifices, ut eam reciperent, adduci poterunt, teste Anastasio in *Sergio*, & Beda Venerab. de 6. *Ætibus in Justiniano Minore*.

VI. Anno CDXLIX. Sub Leone Pontifice Maximo, & Theodosio Juniore erravit Synodus 2. Ephesina Episcoporum 128. cui & Legati Apostolici interfuerunt. In ea Eutyches absolutus, damnati vero sanctissimus Flavianus, alijque Catholici Episcopi; ut proinde optimo jure fuerit à majoribus latrocinialis & prædatoria appellata, ejusque memoriam Leo Papa abolitam damnatamque voluerit.

VII. Anno MCDXXXI. Erravit Concilium Basileense à Martino V. & Eugenio IV. indictum, & postea ab eodem Eugenio, & Leone X. in Concilio Lateran. damnatum assensu Ludovici Regis Christianissimi, qui Basileensi Concilio renuntiavit, promissitque regio diplomate per suos Oratores in publico Conventu recitato, se Lateranensi Concilio adhaerurum.

VIII. En tibi in quos errores Concilia incurrerint, ubi à Romani Pontificis directione flexerunt: quæ causa ut sacris Canonibus sancitum sæpe fuerit, nullam esse Conciliorum auctoritatem, quæ à Romano Pontifice non fuerint confirmata; hæc enim confirmatio necessaria non esset, si Concilia falli non possent, cur enim ab alio tam necessariò ducantur, reganturque ipsa erroris tuta & falli nescia? quod necessariò calidum est, alio non eget, à quo calorem accipiat; ita quod necessariò certum & verum est, alià confirmatione, per quam certum fiat, opus non habet. Sed Canones ipsi audiantur.

S. Julius Pontif. Max. *epist. 1.* quæ habetur *Tom. 1. Concil.* & cuius meminit Sozom. *l. 3. c. 7.* Ipsi vero, inquit, *prima sedis Ecclesie convocandarum Generalium Synodorum jura, & judicia Episcoporum, singulari privilegio, Evangelicis & Apostolicis, atque Canonibus concessa sunt instituta, quia semper majores causa ad sedem Apostolicam multis auctoritatibus referri præcepta sunt. Nec ullo modo potest major à minori judicari. Ipsa namque omnibus major & prelatæ est Ecclesijs, quæ non solum modo canonum, & sanctorum Patrum decretis, sed Domini Salvatoris nostri voce singularem obtinuit principatum: Tu es, inquit, Petrus, &c.* Porro dudum à sanctis Apostolis successoribusque eorum, in privatis antiquis decretum fuerat statutis, quæ hæcenus sancta & universalis tenet Ecclesia, non oportere præter sententiam Romani Pontificis

Concilia celebrari, nec Episcopum damnari, quoniam sanctam Romanam Ecclesiam primatem omnium Ecclesiarum esse voluerunt: & sicut Beatus Petrus primus fuit omnium Apostolorum, ita & haec Ecclesia ipsius nomine consecrata, Domino influente, prima & caput sit ceterarum, & ad eam quasi ad matrem, atq<sup>ue</sup> apicem, omnes majores Ecclesia causa, & iudicia Episcoporum recurrant, ejusq<sup>ue</sup> justâ sententiâ terminum sumant, nec extra Romanum quodquam ex his dibere decerni Pontificem.

S. Nicolaus Papa I. in epist. ad Mediolanenses, quæ habetur in c. omnes d. 22. Qui autem Romana Ecclesia Privilegium ab ipso summo omnium Ecclesiarum capite traditum auferre conatur, hic proculdubio in haresin labitur; & cum ille vocetur injustus, hic est procul dubio dicendus hereticus. Fidem quippe violat, qui adversus illam agit, quæ mater est fidei: & illi contumax invenitur, qui eam cunctis Ecclesijs pratulisse cognoscitur. Unde & ipse sanctus Ambrosius se in omnibus sequi magistrâ sanctam Romanam proficietur Ecclesiam.

S. Gelasius Papa in epistola ad Episcopos Dardania, quam allegat Gratianus s. confidimus 25. q. 1.

Idem Julius Papa in c. Regula d. 17. multisq<sup>ue</sup> sequentibus Canonibus: Regula Vestra nullas habet vires, nec habere poterit: quoniam nec ab orthodoxis hoc Concilium actum est, nec Romana Ecclesia Legatus interfuit, canonibus precipientibus, sine ejus auctoritate Concilia fieri non debere. Nec ullum ratum est, aut erit unquam Concilium, quod non sultum fuerit ejus auctoritate.

Videantur Concilium Chalcedon. Act. 6. & Synodus Nicæna II. Act. 1.







§. XI.

*Patrum aliorumq; Doctorum pro summo Pontifice testimonia.*

S U M M A R I A.

1. *Testimonia Patrum Concilij Rom. sub Sylvestro Pontif. Patrum Concilij Rom. sub Symmacho. Patrum Concilij Lateranensis.*
2. *Testimonia S. Bonifacij, S. Symmachi, S. Nicolai, S. Cyrilli, S. Cypriani, S. Damasi, S. Athanasij, Patrum totius Africa, Patrum Concilij Sardicensis, & Chalcedon. Patrum secundi Concilij Nicani, S. Isidori, B. Augustini Triumphi, B. Joannis Capistrani, S. Bernardi, S. Antonini, S. Bonavent. S. Bernardini Senensis, & deniq; Ecclesia Gallicana.*



I.  
Evocandum in memoriam est, quod jam supra notavimus, quæstionem, de qua agimus, non reperiri quidem apud antiquos Patres in terminis formalibus definitam, sed apertissima ex illorum doctrina deduci pro S. Pontifice argumenta. Si enim Papa judicari à nullo mortalium potest: si ejus causæ divino tantum judicio reservantur: si ad illum ab omnibus, ab illo ad neminem appellari potest: si majores causæ, fidei præsertim, illius tantum sententiâ finiendæ sunt: si deponi à nullo potest, exceptâ fidei causâ: si quæstiones fidei ipse solus definire potest, non potest solum Concilium, immo nihil ratum in Concilijs est, cui Pontifex non accesserit, suoque assensu confirmaverit.

Hæc inquam, si Patres scribant, perinde est, ac si scribant, Pontificem non tantum Concilijs non subesse, sed illis potius dominari; sunt enim illæ Superioris certissimæ notæ, quas sigillatim expendemus.

Patres Concilij Romani sub Sylvestro Pontifice, & Constantino Imperatore numero 244. *Romanam sedem, à nemine, ne quidem toto Clero judicari posse; ab ipsa verò judicari omnes. Tomo 1. Concil. post Concilium Nicanum. Et ipsum Concilium Romanum can. ult.*

Patres Concilij Rom. sub Symmacho Papa, & Theodorico Italiæ Rege numero 115. *Papam esse summum Pastorem, nullius, extra casum hæresis, judicio subiectum. Tom. 2. Concilior. & Anastasius in Symmacho.*

Patres Synodi Romanæ sub Leone III. & Carolo M. ex Alemannia, Gallia, Italiaque quàm plurimi: *Rem inauditam esse, Romanum Pontificem Concilio reum sisti, qui nunquam alium, quàm se judicem habuerit. Anastas. in Leone III. Æmilii de rebus Francor. in Carolo M. Baronius ad Annum DCCC.*

Patres VIII. Oecumenicæ Synodi sub Hadriano II. Pontif. numero 202. *Ne quidem à Concilio Generali posse in Romanum Episcopum sententiam dici. can. 21. & habetur T. 4. Conciliorum.*

Patres Concilij Lateranensis sub Leone X. numero 114. *Papa auctoritatem Concilio præcellere. Sess. 11. Et Rex Christianissimus per suos Oratores Lateranensi Concilio se adhærere professus est. Sess. 8.*

S. Bonifacius Mart. *Papa judicio omnes subjacere, ipsum nullius, exceptâ hæresi. c. si Papa d. 40.*

S. Gelasius Papa: *Ex præscripto Canonum ab omnibus posse Romanam sedem appellare: sed ab ista nullam esse provocationem, ejusq; sententias nullius examini aut judicio submitti. T. 1. Concilior. & c. nemo c. cuncta 9. q. 3.*

S. Symmachus apud Ennodium: *Successores B. Petri Carlo tantum suam debere innocentiam, & præter Deum sine judice esse. Tom. 1. Concil. in Symmacho.*

S. Nicolaus Papa ad Michælem Imperat. *Papa judicium ultimum & peremptorium esse; nec majorem Pontificiâ auctoritate in mundo dari. Tom. 3. Concilior. & c. patet 9. q. 3.*

Paschalis II. *Romanum Pontificem nulli Conciliorum legibus adstringi posse. In epist. ad Arch. epi. c. Panorm. & c. signifi. a. 4. de elect.*

S. Cy-

S. Cyrillus: Sicut Christo à Patre omnis potestas & nulli alteri data est: sic Petro ejusq. successoribus supremam Ecclesiæ curam, nulliq. alteri commissam l. thesaurorum Tom. 2.

S. Cyprianus: Hæreses & schismata ex eo nasci, quod non uni Sacerdoti, qui vice Christi judicem agit, Universa fraternitas obtemperet. l. 1. epist. 3. sub init.

Stephanus Archiepiscopus omnesque Africæ Episcopi: Ad Romanam Sedem omnia, è longinquis etiam remotiq. locis negotia majoris momenti deferenda esse, ejusq. arbitrio finire oportere. In epist. ad Damasum Papam. & habetur Tom. 1. Concil.

S. Damasus Papa: Nullo Episcoporum numero decreta firmari, quibus Romanus Pontifex assensum non præbuit, & hujus ante omnia expectandam sententiam esse: nec ulla unquam rata Concilia legi, quæ non sunt sulta Apostolicâ auctoritate. Epist. ad Episcop. Illyria apud Theodoret. l. 2. c. 22. & epist. 2. ad Stephanum, & Concilia Africana.

S. Athanasius: Majores suos dogmata & ordinationes à Sede Romana accepisse, ad eamq. quasi ad Matrem recurrisse, ejus uberibus nutriendos: canonicis quippe sancitum esse, ut absq. Romano Pontifice in majoribus causis decerni nihil debeat. Epist. ad Felicem II. Papam.

Patres Concilij Oecumenici Sardicensis sub Julio PP. numero 300. A Synodo condemnatos posse Romanam Sedem appellare, huiusq. arbitrio sedere, velit ipsa causam cognoscere, an judices in partibus delegare. Ex actû Concilij c. 4. & 7.

Patres Concilij Chalcedonensis Oecumenici sub Leone PP. numero 630. Imperari sibi à Pontifice Romano, legesq. dari, & fidei formam præscribi patiuntur, & parent. Ex actû Concilij. Act. 1. 3. 16.

Anastasius Patriarcha Hierosolymit. Antiquis regulis sancitum esse, ut quidquid quamvis in remotis Provincijs ageretur, non prius tractandum esse, quam ad noticiam Almæ Sedis esset deductum, ut juxta ejus auctoritatem aut firmaretur, aut infirmaretur. Epist. ad Felicem PP.

Patres Concilij Nicæni II. numero 350. sub Adriano I. PP. Execrabilem, profanam & adulterinam esse septimam Synodum Constantino-polit. quia non habuit cooperarium Romanum Pontificem, neq. illius sacerdotes, neq. per Vicarium, neq. per Provinciales litteras, quemadmodum fieri in Synodis debet. Ex actû Concilij Act. 6.

S. Isidorus Hispalensis: Epistolas Romanorum Pontificum, eorumq. decreta pro culmine sedis Apostolica, nec imparis esse cum Concilij auctoritatibus,

nec ullam Synodum legi ratam fuisse, qua non fuerit auctoritate Apostolica sed congregata vel sulca. *Præfat. in opus Conciliorum.*

Ivo Carnotensis: *Judicia Romana Ecclesia à nemine retractari posse: & si quis aliquando hujus Ecclesie auctoritate pręgravatum se sentiat, non debere in Ægyptum descendere propter auxilium, sed ab ipsa ad ipsam confugere, & inde expetere levamen, unde se conqueritur accepisse gravamen. Epist. 133.*

Joannes Sarisberienſis: *Quis præsumat summum judicare Pontificem, cujus causa Dei solius reservatur examini? utique quiquis hoc attentaverit, laborare quidem, sed proficere nequaquam potest. In Polycr. l. 8. c. 23.*

B. Augustinus Triumphus: *Sententia Papa, & sententia Dei est una sententia; sicut una sententia est, sententia Papa & sententia Auditoris ejus. Cum igitur appellatio semper fiat à minori ad majorem; sicut nullus est major seipso, ita nulla Appellatio tenet facta à Papa ad Deum. De potest. eod. q. 8. a. 1.*

B. Joannes Capistranus: *Auctoritas Papa protenditur ad omne bonum, & nullum malum, est enim quasi Deus in terra major homine, & minor Deo, plenitudinem obtinens potestatis. Lib. de auctoritate Papa & Concilior.*

S. Bernardus: *Quis mihi faciet justitiam de vobis? extat quidem tribunal Christi; sed absit, ut ad illud appellem: itaq; recurro ad eum, cui datum est judicare de universis, hoc est, ad vos: vos appello ad vos, judicate inter me & vos. Epist. 113. & l. 3. de Considerat. c. 2.*

S. Thomas Aquinas jam suprà cit. *quæst. de Pot. 10. a. 4. in solut. ad 13. & in 4. d. 19. & 2. 2. q. 2. a. 3. & Tr. contra impugnantes Religionem.*

S. Antoninus T. 22. p. 3. c. 6. §. 19. S. Bonaventura in 4. d. 19. & expressè de Cælest. hierarib. p. 2. c. 1. Alexander Alensis, p. 3. q. 40. membro 2.

S. Bernardinus Senensis in Mariali p. 3. serm. 3. Cum Papa, inquit, sit Christi Vicarius, & gerat vicem Dei in terris, ex quo sequitur, quod habeat plenitudinem potestatis, & illud quod facit, præsumitur facere auctoritate Dei: idè ipso approbante aliquid, & nos approbare debemus. Immo ipsius sententia est magis standum, quam sententia totius mundi.

Denique Ecclesia & natio Gallicana hanc ipsam veritatem de Pontificis auctoritate Concilij superiore, aliquoties, totoque audiente orbe Christiano amplexa palàm & professæ est, ut infrà dicemus in §. 16. Videatur interim Raynaldus ad An. 1441. n. 10. & acta Concilij Lateranens. ult. Sess. 8.



§. XI<sup>i</sup>.

*Quâ censurâ Patres & Doctores eos notaverint, qui à Romano Pontifice dissentiunt, & hunc Concilio submitunt.*

S U M M A R I A.

1. *Censura S. Hieronymi.*
2. *S. Antonini.*
3. *Cajetani, Bellarmini, Boverij.*
4. *Et Joannis de Turrecremata.*



Anctus Hieronymus in Epist. ad Damasum, quæ à Gratiano allegatur c. quoniam 24. q. 1. Quoniam vetusto oriens inter se populorum furore collisus indiscussam Domini tunicam, & desuper textam per frustra discerpit; & Christi vineam vulpes exterminant, ut inter lacus contritos, qui non habent aquam, difficile, ubi fons signatus, & hortus ille conclusus sit, possit intelligi; idè mihi cathedram Petri, & fidem Apostolico ore laudatam censui consulendam, inde nunc mea anima postulans cibum, unde olim Christi vestimenta suscepit.

Et infra: Cum successore Piscatoru & discipulo Crucis loquor. Ego nullum pramium, nisi Christum sequens, beatitudini tue, id est, cathedra Petri communionem confessor. Super illam Petram edificatam Ecclesiam fido. Quicumque extra hanc domum agnum comederit, profanus est. Siquis in Arca Noë non fuerit, peribit regnante diluvio. Et quia pro meis facinoribus ad eam solitudinem commigravi, qua Syriam juncto Barbaria sine determinat, nec possum sanctum Domini, tot interjacentibus spatiis, à sanctorum sua semper expetere: idè hic colligas tuos Ægyptios confessores se-

quor, & sub onera ijs navibus parva navicula deliteſco. Non novi Vitalem; Meletium reſpuo, ignoro Paulinum. Quicumq; tecum non colligit, ſpargit: hoc eſt, qui Chriſti non eſt, Antichriſti eſt.

II. S. Antoninus, in ſumma 3. p. T. 23. cap. 3. Quoniam quidam hoſtes virtutis & unitatis adverſarij dicere præſumpſerunt, quòd licet à Romano Pontifice ad ſucceſſorem ipſius, vel ad generale Concilium appellare: idèò cum correptione Sedis Apoſtolice intendo probare, quòd ſentire, quòd à Romano Pontifice poſſit ad quemcunque appellari, eſt hæreticum manifeſtè. Et hoc probo unicâ ratione, qua eſt talis: Quicumq; privilegium Romana Eccleſia à Chriſto traditum auſſerre conatur, eſt hæreticus: ſed dicens & tenens, quòd licet appellare à Pontifice Romano ad ſucceſſorem ejus, auſſert privilegium Romana Eccleſia à Chriſto traditum: ergo talis manifeſtè hæreticus eſt. Major ponitur in decretis d. 22. c. omnes. Ubi dicit ſic: Non dubium eſt, quia quisquis cuilibet Eccleſie jus ſuum detrahit, injuſtitiam facit: qui autem Romana Eccleſia privilegium ab ipſo ſummo omnium Eccleſiarum capite traditum auſſerre conatur: hic procul dubio in hæreſim labitur: & cum ille vocetur injuſtus, hic eſt dicendus hæreticus. Fidem quippe violat, qui adverſus illam agit, qua eſt Mater fidei: & ipſi contumax invenitur, qui eam cunctis Eccleſijs prætuliffe cognoſcitur.

III. Cajetanus in Tr. de Auctor. Papa & Concilij cap. 5. Si de Eccleſia Univerſali ſic ſumpta ( hoc eſt ſine capite & Papa omnino, multoque magis Papæ poſitive contraria ) intelligatur, quòd habet à Chriſto immediate poteſtatem, & quòd ipſa repræſentatur per univerſale Concilium, erratur errore intolerabili.

Bellarmini s de Concilijs lib. 2. cap. 17. Hac propoſitio: Summus Pontifex ſimpliciter abſolutè eſt ſupra Eccleſiam Univerſam, & ſupra Concilium generale, ita ut nullum in terris ſupra ſe judicem agnoſcat, eſt ſerè de fide. Et infrà: Qui contrarium ſentiunt, à temeritate magna excuſari non poſſunt.

Boverius Demonſtrat. 3. generali a. 11. Quapropter cum in hac propoſitione aſſerimus, Concilium generale non eſſe ſupra Pontificem, ſed à Pontificis auctoritate pendere, his omnibus bellum inducimus, qui quaquomodo Concilij generalis auctoritatem ſupra Pontificis poteſtatem extollunt. Porro licet hac propoſitio olim ingruente aliquo ſchiſmate, à pluribus fuerit impugnata, hodie tamen adeò omnium conſenſu recepta eſt, ut nemini ſecus ſentire liceat; quòd ſit, ut ſatis tutus illius probationi nobis locus relictus ſit, nec niſi adverſus Schiſmaticos, vel Hæreticos in ea tuenda nobis hodie agendum

dum sit : tamen si Gersonem , ac alios antiquiores hujus erroris Patronos , qui propriam sententiam Ecclesia judicio subjecerunt , à schismatis culpa excusamus.

IV. Joannes de Turrecremata qui Concilio Basileensi interfuit , ejusque maxima pars fuit , loquens de Concilij Basileensis Decreto , quo Pontifici Concilium præferre conari sunt , hæc habet l. 2. de Ecclef. c. 100. Licet Basileenses , cum maximo studio , repetitis vicibus supplicaverunt , oraverunt & requisiverunt per Oratores suos , ut Dominus Eugenius eorum decreta approbaret , & confirmaret , nunquam tamen talem approbationem aut confirmationem habere ab eo potuerunt. Es merito , quia sedes Apostolica , in qua Religio Christiana semper immaculata permansit , & permanebit , talia decreta , qua ab Evangelica veritate , & SS. Patrum doctrina aliena videbantur , nullo modo ab eo passa fuisset confirmari.

Et infrà : Non parùm admirandum est , adversarios Basileenses , tantâ caligine mentis involutos , & excacatos malitiâ , ut in materijs fidei definiendis , & declarandis , maluerint sequi homines , ab Ecclesia Dei in doctrina sua damnatos ; sicut fuit Marsilius de Padua , Guillelmus Ockam , & aliquorum Fratricellorum opiniones erroneas renovantes ; quàm Doctores sanctos ab Ecclesia approbatos , & alios præstantissimos Doctores antiquos , & reputatissimos in schola Theologica , quorum doctrina fulget in Ecclesia , ut sol & luna. Contra quos ait Augustinus , & habetur in Canone , non Asseramus 24. q. 1. Non asseramus stateras dolosus , nec appendamus , quod volumus , pro arbitrio nostro dicentes : hoc grave , hoc leve est : sed asseramus divinam stateram ex scripturis sacris tanquam thesauris Dominicis , & in illa , quid sit gravius , appendamus.







## §. XIII.

*Supremam in Christi Ecclesia potestatem penès  
Romanum Pontificem, non Concilium esse,  
rationibus evincitur.*

## S U M M A R I A.

1. *Prima Ratio ex perfectione status Monarchici, ubi insignia testimonia expendantur SS. Hieronymi, Athanasij, Thomæ Aquinatis, & Nicolai Sanderi.*
2. *A causa efficiente potestatis Ecclesiastica; ubi ostenditur, supremam in Ecclesia potestatem Concilij datam à Christo Domino nunquam fuisse.*
3. *A causa exemplari; cum enim Concilium representet Ecclesiam Universalem, sicut hæc Pontifici Romano subjacet, ita & Concilium.*
4. *A causa finali, propter quam supremam potestatem Concilij conferunt.*
5. *Ad infelici eventum.*
6. *Ex defectu Judicis controversiarum.*

## I.



*Prima Ratio desumitur ex forma regiminis monarchici. Christus enim, ut maximè Ecclesiam dilexit, sic illi optimè consultum voluit, nec enim amor Dei est sterilis, & intra corticem hærens, sed in florem, fructumque*

que erumpit, quantumque diligit, tantum agit. Jam verò optima gubernandi forma est monarchica, uno Principe ad clavum sedente. Unus Princeps semper in promptu est, accinctusque operi: multi ex locis situ, moribusque remotis difficile, & serò conveniunt; interim, dum medici, & tam multi, & tam sparsi, longeque positi cum remedijs accurrunt, malum aut invaluit, aut ægrum consumpsit. Unus secum facile convenit, sibi que obstrictos facile imperio & potestate ad exequenda semel destinata impellit cogitque. Multi ut ingenio, moribus, doctrinâ, affectu dissentiant; ita in unam sententiam, per tot impedimenta, remorasque difficiliter conspirant, & in factiones scinduntur, sibi, Ecclesiæque fatales, ut in Concilijs Pisano & Basileensi patuit. Sub uno capite omnia magis ex ordine proveniunt, sicut ex adverso plerumque multitudini confusio miscetur. Tolle gubernatorem navi, Ducem exercitui, ovibus Pastorem, quem ordinem tenebunt, imperio in multos translato? Legat, cui vacat, omnia, quæ hætenus sunt celebrata Concilia, videbit quot de loco, de modo, de rebus ipsis ætus animorum fuerint, agitationesque sententiarum, nullum exitum habituræ, nisi cum summa potestate præfedisset unus, latæque sententiæ finem litibus dixisset. Unus Deo facilius unitur, ab eoque in ijs, quæ fidei sunt, ducitur, quàm multi; non quidem ex parte Dei, cujus æquè ad multos ac unum Potentia extenditur sufficitque, soli similis, qui non majori operâ multos, quàm unum irradiat; sed ex parte hominum, earumque dispositionum, quæ ad supremum regendi munus sunt necessaria; semper enim unum facilius reperies, quàm multos, summæ potestati parem; maximè cum huic uni consilia hominum doctrinâ, experienciâ insignium non desunt, qualis Romanus Pontifex est. Sub uno Principe diuturnum est regnum, firmum florensque, ac in diversa, & hostilia magis paratum, munitumque: facilius enim inter multos & pares invidia, & ex hac æmulationes ac bella civilia gliscunt, & ubi multi imperant, cura paucorum est; ut aliena spectamus, quæ communia sunt, & idèò negligimus: nec faciliè reperias, cui non plus doleat furtum domi suæ factum, quantumvis mediocre; quàm hostilis in Patriam incurfus, quia hoc commune bonum, illud proprium: quo fit multitudinem facilius corrumpi, & ad patriam prodendam flecti, quàm Principem, cui commune bonum est etiam proprium. Et sicut Princeps, qui solus

rerum potitur, potentior est, diriorque, quàm optimates; ita etiam cupiditati & metui minùs pater, qui duo sunt affectus maximè præpotentes, rerumque humanarum Domini, & quibus multitudo ple-  
rumque vincitur.

Percurre omnia Regnorum, Rerumque publicarum monu-  
menta, Monarchias fuisse Rebuspublicis longè diuturniores, po-  
tentiores, bello & pace florentiores, invenies. DEUS ergo Eccle-  
sia suæ, quam tantopere dilexit, cui unitatem maximè pacemque  
commendavit, non debuit aliud, quàm monarchicum Regimen  
dare; non esset verò monarchicum, summâ Potestate penès Conci-  
lium, hoc est, multos existente. Quamvis enim & Monarchia suas  
habeat maculas, & quæ rerum humanarum conditio est, sua detri-  
menta, ea tamen longè in uno minora sunt & pauciora, quàm in  
multis.

Nec verò hæc ludendi temporis gratiâ, & philosophorum ri-  
tu disputamus, qui aut in porticu, cùm vacabat; aut in scholis de  
optimo regendi genere diserebant; sed rem ipsam loquimur, tot-  
que exemplis testatam. Revoca in animum, si placet, illa tot Epi-  
scopis numerosa Concilia, Antiochenum, Ariminense, Ephesi-  
num II. Constantinopolitanum sub Leone Isaurico, & aliud sub  
Coprônimo, Pisenum, & Basileense, quæ licet Patribus doctrinâ &  
pietate insignibus abundarent; quia tamen à Romanis Pontificibus  
non ducebantur, & contra istius voluntatem, præscriptasque leges  
statuebant, quid aliud quàm latrocinia, pestesque evaserunt? sicut  
econtrâ Concilia per Romanos Pontifices confirmata, omnium fi-  
delium veneratione cultuque accepta sunt; tantùm videlicet inter-  
est, etiam sacram multitudinem uni Principi subesse.

Sed quia in hoc argumento multa sunt à doctissimis viris in-  
lucem edita, Bellarmino præsertim de *S. Pontifice l. i. c. i.* Nos ne  
actum agamus, pauca delibabimus, quæ ad rem nostram faciunt ex  
SS. Patribus:

S. Hieronymus ep. 4. *Multa animalia & ferarum greges duces se-  
quuntur suos: in apibus Principes sunt: grues unam sequuntur: ordine littera-  
to Imperator unus: iudex unus Provincia. Roma, ut condita est, & duos  
simul fratres reges habere non potuit, & parricidio dedicatur. In Rebecca  
utero Esau & Jacob bella gesserunt. Singuli Ecclesiarum Episcopi, singuli  
Archiepiscopi, singuli Archidiaconi, & omnis ordo Ecclesiasticus suis rectoribus  
nisiunt.*

nitiur. In navi unus Gubernator: in domo unus Dominus: in quovis grandi exercitu unus signum expectatur. Et ne plura replicando fastidium legenti faciam, per hac omnia ad illud tendit oratio, ut doceam te non tuo arbitrio dimittendum, sed vivere sub unius disciplina Patris, consortioq; multorum.

S. Thomas 1. p. q. 103. a. 3. Optima est gubernatio, qua fit per unum. Cujus ratio est: quia gubernatio nihil aliud est, quàm directio gubernatorum ad finem, qui est aliquod bonum. Unitas autem pertinet ad rationem bonitatis. Probatur per hoc, quòd sicut omnia desiderant bonum, ita desiderant unitatem, sine qua esse non possunt. Nam unumquodq; in tantum est, in quantum unum est. Unde videmus, quòd res repugnant sua divisioni quantum possunt, & quòd dissolutio uniuscujusq; rei provenit ex defectu illius rei. Et idèd id, ad quod tendit intentio multitudinem gubernantis, est unitas, sive pax. Unitatis autem causa est per unum. Manifestum est enim, quòd plures multa unire & concordare non possunt, nisi ipsi aliquo modo uniantur. Illud autem, quod est per se unum, potest esse unitatis convenientius, quàm multi uniti. Unde multitudo melius gubernatur per unum, quàm per plures. Relinquitur ergo, quòd gubernatio mundi, qua est optima, sit ab uno gubernante. Et hoc est, quod Philosophus dicit in 12. Metaph. Entia nolunt disponi male, nec bonum pluralitas principatum: unus ergo Princeps.

Idem S. Doct. l. 4. contra Gent. c. 76. Sic igitur in uno spiritali populo unius Ecclesia requiritur unus Episcopus, qui sit totius populi caput: ita in toto populo Christiano requiritur, quòd unus sit totius Ecclesia caput. Item ad unitatem Ecclesia requiritur, quòd omnes fideles in fide convenient. Circa verò ea, qua fidei sunt, contingit quæstiones moveri: per diversitatem autem sententiarum divideretur Ecclesia, nisi in unitate per unius sententiam conservaretur. Exigitur ergo ad unitatem Ecclesia conservandam, quòd sit unius, qui toti Ecclesia præsit. Manifestum est autem, quòd Christus Ecclesia in necessarijs non defuit quam dilexit, & pro ea sanguinem suum sudavit, cum & de Synagoga dicitur per Dominum: Quid ultra debui facere vinea mea, & non feci? Esaias 5.

Non est igitur dubitandum, quin ex ordinatione Christi unus toti Ecclesia præsit. Adhuc. Nulli dubium esse debet, quin Ecclesia Regimen optumè sit ordinatum, utpote per eum dispositum, per quem Reges regnant, & legum condutores iusta decernunt, optimum autem regimen multitudinis est, ut regatur per unum: quod patet ex fine regiminis, qui est pax. Pax enim & unitas subditorum est finis regenis. Unitatis autem congruentior causa est unus, quàm multi. Manifestum est igitur regimen Ecclesia sic esse dispositum, ut

unus toti Ecclesia præsiti. Amplius, Ecclesia militans ex triumphanti Ecclesia per similitudinem derivatur: unde & Joannes in Apocalyp. vidit Jerusalem descendentem de cœlo: & Moysi dictum est, quod faceret omnia secundum exemplar ei in monte monstratum. In triumphanti autem Ecclesia unus præsides, qui etiam præsides in toto universo, scilicet Deus. Dicitur enim Apocal. 21. Ipsi populus ejus erunt, & ipse cum eis erit eorum Deus. Ergo in Ecclesia militante unus est, qui præsides universis. Hinc est, quod Osæ 1. dicitur: Congregabuntur filij Juda & filij Israël pariter, & ponent sibi caput unum. Et Dominus dicit Joan. 10. Fiet unum ovile, & unus pastor. Si quis autem dicat, quod unum caput, & unus pastor est Christus, qui est unus unus Ecclesia sponsus, non sufficienter respondit. Manifestum est enim, quod Ecclesiastica Sacramenta ipse Christus perficit. Ipse enim est, qui baptizat. Ipse est, qui peccata remittit. Ipse est verus sacerdos, qui se obtulit in ara Crucis, & cujus virtute corpus ejus quotidie in altari consecratur: & tamen quia corporaliter non cum omnibus fidelibus præsentialiter erat futurus, elegit ministros, per quos prædicta fidelibus dispensaret, ut supra dictum est. Eadem igitur ratione, quia præsentialiter corporalem erat Ecclesia subtrahitur, oportuit, ut alicui committeret, qui loco sui universalis Ecclesia gereret curam. Hinc est, quod Petro dixit ante Ascensionem: Pasci oves meas. Joan. ult. & ante passionem: Tu iterum conversus confirma fratres tuos. Lucæ 22. Et ei soli promisit: Tibi dabo claves Regni Cœlorum. Ut ostenderetur potestas clavium per eum ad alios derivanda ad conservandam Ecclesia unitatem. Non potest autem dici, quod etsi Petro hanc dignitatem dederit, per eum tamen ad alios non derivatur. Manifestum est enim, quod Christus Ecclesiam sic constituit, ut esset usque ad finem sæculi duratura: secundum illud Esaja 9. Super solum David & super regnum ejus sedebit, ut confirmet illud, & corroboret in iudicio & iustitia, amodo & usque in sempiternum: manifestum est igitur, quod non illos, qui tunc erant, in ministerio constituunt, ut eorum potestas derivaretur ad posteros pro utilitate Ecclesia usque ad finem sæculi; præsertim cum ipse dicat Matth. ult. Ecce ego vobiscum sum usque ad consummationem sæculi. Per hoc autem excluditur quorundam presumptuosus error, qui se subducere nituntur ab obedientia, & subiectione Petri, successorem ejus Romanum Pontificem universalem Ecclesia Pastorem non recognoscentes.

S. Athanasius Orat. contra gentes: Pugnantia & contraria ex ipsa natura in unum non coalescerent, nisi præstantior aliquis esset, & Dominus, qui ea conjungeret, cui & ipsa elementa (tanquam ancilla Domino suo obsequentes) cedant & obtemperent. Non enim singula ad suam ipsorum naturam respectantia cum alijs depugnant, sed eum, qui ea non coagmentavit, Domi-

Dominum agnoscantia, concordiam inter se fovent, & naturaliter quidem inter se contraria, gubernatoris tamen voluntate in amicitiam conciliantur. Et paullo post: Si videas civitatem ex multis varijsq; hominibus constantem, parvis, magnis, opulentiis, pauperibus, senibus, junioribus, maribus, feminis, bono ordine rectaq; disciplina coli, eiq; qui ibi degunt, tametsi diversos inter se, animo tamen consentire, neq; opulentiore contra pauperes, neq; magnos contra paucos, neq; juvenes contra senes insurgere, sed omnes æqualitate juris pacem tueri: si hac inspiciamus, fieri nequit, quin in mentem veniat, Principis inibi præsentia hanc concordiam foveri, tametsi ille in conspectum non prodeat, quum immodestia pro signo habeatur, sine capite Rempublicam esse: ordo autem contra Principis curam moderationemq; demonstret. Ut enim cum corpore membrorum inter se congruentiam videmus, neq; oculos cum auribus pugnare, neq; manus contra pedes seditionem movere, sed unumquodq; proprium persuit negotium absq; seditione, prorsus ex illo ipso intelligimus, esse animam in corpore, qua ista ad istum modum temperet ac regat, etiamsi illa oculis non pateat: ita quoque in universitatis istius ordine & harmonia, necesse est, ut animadvertamus, omnium istorum Principem esse Deum, eumq; unum & non plures. Nam ille dispositionis ordo, & rerum omnium consentiens harmonia non multos, sed unum sibi ducem Principemque esse declarat, nimirum verbum Dei. Non enim, si plures essent rerum natura Principes, servaretur ejusmodi universitatis ordo, sed omnia confusa, & inordinata forent, propter multos istos: cum unusquisq; omnia ad suum arbitrium traheret, & cum alieno depigneret. Ut enim diximus, multitudinem Numinum nullitatem esse Numinum: ita quoq; necesse est, multitudinem Principum id efficere, ut nullus esse Princeps videatur (cum enim quisq; alterius regnum tollebat, nullus reliquus conspiciebatur Princeps) sed interregnum potius sine capite erat. Ubi autem Princeps non est, ibi prorsus disturbatio nascitur. E diverso in multis usq; diversis, ordinis & concordie observantia, unumquodq; moderatorem ostendit, ut si quis à longinquo citharam audiat ex multis & diversis nervis compositam, & ex ijs concentus harmoniam admiretur, quod non solum gravis suum sonum absolvit, neq; solus acutus, neq; solus medius, sed omnes pariter, pari modo inter se consonant, planè ex eo intellexerit, non à se ipsa citharam moveri, aut à pluribus pulsari, sed unum esse musicum, qui uniuscujusq; nervi vocem ex arte ad concentum harmonia miscet, etiamsi illam non contineatur: ita quoq; ex consona uliq; & concinna mundi dispositione, nec superioribus contra inferiora, neq; inferioribus

contra superiora insurgentibus, sed omnibus in commune unum ordinem confidentibus, consequens est, ut non plures natura Principes & Reges, sed unum intelligamus, suâ luce omnia illustrantem & moventem.

Sanderus l. 5. de visibil. Monar. h. c. 5. *Quæ nunc spes restare posset, ut ulla duæ Episcopales Cathedra, aut etiam ut duæ quapiam Paracia in terris vel ad unum annum consentirent, nisi vinculo quopiam visibili, & eo maxime conspicuo, in unitate & pace retinerentur? aut unde factum est, ut Romana Ecclesia in hodiernum stet ac floreat, nisi quia Pastore uno fidei vel nunquam, vel non diu caruit, qui omnes oves intra Dominicum ovile diligentia & industria suâ contineret? Quæ autem gentes cum Romana Ecclesia communicant, illæ tantò magis in Ecclesiastica pace starent, quò magis communicant cum illa. Si penitus cum illa communicant, penitus à schismate ac hæresi libera sunt: ut Sicilia, ut Neapolitanum Regnum, ut reliqua Italia, ut Hispania, ut Lusitania, ut inferior Germania. Ex altera verò parte gentes illæ, quæ aut penitus, aut ex parte recesserunt à Romana fide, aut Saracenis subiectæ sunt, ut Africæ, & Numidæ, in penam hæresis Manichæorum, Donatistarum, Ariano-rum, & Pelagianorum: aut Turcæ parent, ut Ægyptus, Asia, Græciæ, in penam schismatis, quo ab Ecclesia Romana unitate discesserunt: aut ceriè nec secum quidem ipsa consentiunt, ut Gallia, Germania, Polonia, Suecia, Gotthia, Angliæ, & Scotia, quæ domesticis inimiciis ob fidem & Religionem susceptis, ita debilitantur, ut planè hosti externo viam straverint, quâ facilius eos in servitutem redigat. Gens enim & Regnum, quod Ecclesiæ Dei non servierit, secundum Isaia Prophetiam peribit. Non perierit unquam illud Regnum, quod uni Pastori in Petri Cathedra sedenti obedi-vit. Perierunt autem omnia illa, & in futurum peribunt, quæ Petri fidem & sedem abdicantia, Cathedram alteram contra unam illam Petri Cathedram erigunt, quæq; inconsutilem Domini tunicam, cui milites pepercerunt, dividere ac partiti conantur. Quid? tot ista sectarum, quæ hodie regnant, monstra nonne ob id orta sunt, quia uni potissimum Pastori non obeditur? nemo jam ferè est, qui ignoret, D. Cyprianum scripsisse: Neque enim aliunde hæreses oborta sunt, aut nata sunt schismata, quam inde, quod Sacerdoti Dei non obtemperatur, nec unus in Ecclesia ad tempus Sacerdos, & ad tempus Iudex vult Christi cogitatur; cui se secundum Magistrata divina obtemperaret fraternitas universa: nemo adversum Sacerdotum Collegium quidquam moveret. nemo post divinum iudicium, post populi suffragium, post Cœpiscoporum consensum iudicem se jam non Episcopi, sed Dei faceret, nemo dissidio unitatis Christi Ecclesiam scinderet, nemo placens ac tunciens seorsum, foris hæresim novam conderet.*



*Supremam in Christi Ecclesia potestatem penes Roman. &c. 447*

Et infrà: Cur autem unus Pastor ceteris fidelibus à Christo propositus putari debeat, nos tot ac tantas rationes asserimus.

Primum ne longè praeclarissimum gubernationis genus (qualis est Monarchia) à Christi Ecclesia abesse censeatur, in qua secundum ordinem omnia fieri debere Apostolus docet.

Deinde, ut status Ecclesia cohereat cum eo gubernationis modo, qui observatur in ceteris omnibus creaturis, qua ad unum suae naturae conditionisq; principium referri solent, ut constat de caelis, sideribus, animantiumq;, & corporibus, & gregibus.

Tum autem, ut Ecclesia militans in suo genere sit similis Triumphanti Ecclesia, quam nemo negat ab uno Christo ita gubernari, ut Christus ab eadem Ecclesia facie ad faciem videatur. Unde & huic militanti Ecclesia unus militans Pastor praesse debet, qui ab eadem Ecclesia videri queat.

Praterèa, ut regimen Ecclesia Christi respondeat statui, quem eadem Ecclesia, sub Patriarchis habuit, quorum non nisi unus eadem aetate, eodemq; tempore primas tenuit, & cui ceteri omnes velut Primati cedebant, sicuti constat de Melchisedech, qui benedixit Abrahae, tanquam inferiori Patriarcha.

Atque etiam, ut status Ecclesia Christi respondeat status legis Moisaicae, sub qua unus tantum Pontifex omnibus, qua in mundo erant, Synagogis praesuit.

Ut status Ecclesia Christi non dissentiat à Prophetarum doctrina, qui praedixerunt, eam fore similem aciei castrorum ordinata, in qua unus est primus Dux seu Imperator.

Ut respondeat Christi Doctrina, qui Ecclesiam Regnum, ovile, hospitium, seu diversorium, in quo unus Rex, Dominus, aut Pastor, isq; visibilis, & ejusdem conditionis cum subditis suis praest.

Ut respondeat doctrina Apostolorum, qui Ecclesiam dixerunt similem esse corpori, cujus unum est praeipuum membrum, & similem Domui, in qua unus Paterfamilias dominatur.

Ut Ecclesia gubernatio consensiat ipsa secum, sitq; non minus in tota militante Ecclesia unus militans Pastor, quam in singulis militantibus Provinciis, & Paracijs singuli sunt militantes Pastores.

Ut aeterna Monarchia Dei per unum ad tempus Pastorem demonstretur. Nam Ignatius tradit, Episcopum figuram Dei in Ecclesia gerere, in epistola ad Smyrneneses. Sit ergo unus in Ecclesia summus Pontifex, qui figures unitatem Dei.

Ut visibilis Monarchia, quam Christus in terris agens per seipsum inchoavit, & quae in hodiernum diem Ecclesiam gubernat, in terris per vicarium ipsius  
com-

continuetur, & perseveret: nec alia nunc Ecclesia esse putetur, quàm sub Christo fuit. Effet quippe alia, & non una eademq; Ecclesia, si forma regiminis, qua sub Christo in terris agente non nisi Regia fuit, nunc in Aristocratiam vel Democratiam mutaretur.

Ut Christi unius in æternum Pastoris unitas hoc modo figuretur. Nam cum Ecclesia sit imago rerum ipsarum, qua in cæli elucet: ut ibi constat, unum Christum esse totius Ecclesie suæ æternum Pastorem, sic oportuit illam Christi præsentiam per unius Pastoris Primatum in terris figurari.

Ut etiam invisibilis unitas Ecclesie, hoc visibilis unius Pastoris Primatu designetur, quæ Cypriani est ratio in libro de unitate Ecclesie. Ex illa visibili connectione, quâ coherant inter se Presbyteri, Episcopi, primates, & summus Pontifex, faciliè intelligitur, quanta sit illa spiritalis unitas, qua intercedit Ecclesie tam cum Christo Capite, quàm cum reliquis ipsius membris.

Ut militantis Ecclesie externa unitas & pax per unum Pastorem conservetur, schismataq; tollantur, quæ est Optati ratio in lib. 2. de schismate Donatistarum: & D. Hieronymi adversus Jovinianum.

Ut non desit in Ecclesia, qui jure divino peccata inferiorum Pastorum Ecclesia puniat, & negligentiam Prælatorum suppleat, quæ est Gregorij M. ratio, lib. 7. Epist. 8.

Ut quando Synodus propter externam persecutionem congregari non potest, sit tamen qui pro auctoritate suæ causas singulorum cognoscat, & decidat, quæ est Basili M. ratio in Ep. 78.

Ut cum singulis Pastoribus portio gregis aliqua sit assignata, nec illi teneantur curam suscipere eorum, qui non sunt ipsis commendati: non desit tamen, qui & propagandi Evangelium curam gerat, & Episcopos novos illis constituat, qui de novo ad fidem convertuntur. Hac enim cura nisi ad unum aliquem ante alios omnes spectaret, non tot Nationes, post Apostolorum ex hac vita migrationem, Christi fidem suscepissent.

Ut sit, qui Episcopatus antea constitutos, vel dividat, vel uniat, prout res ipsa videbitur postulare. Quod nisi ab uno præcipue fieret: vel non fieret id omnino, vel cum gravi scandalo sæpe fieret.

Ut certum sit, quæ Concilia fini legitima: & quis vel congreget, quemadmodum oportet, vel quis econtra dissipet: quæ est ratio Damasi contra Concilium Ariminense.

Ut quæ de uno inter Apostolos majori & prædecessore, in Evangelio scribuntur, veræ & in Ecclesia gubernatione, perpetua esse credantur, ut quæ de Primatu Petri tam perspicue in Evangelio narrantur, & à sanctis Patribus ita exponuntur, vana esse non existimentur.

Ut

Ut Ecclesia Christi Damonum societate inferior non judicetur, si ea visibili unius Primatu careat, quem Princeps Demoniorum sortitus est.

Uti qua de Romani Pontificis Primatu sancti Patres & Oecumenica Concilia tanto consensu docent, vera esse non dubietur.

II. *Secunda Ratio* desumitur ab Auctore & causa efficiente Potestatis Ecclesiasticæ: hæc enim, cum versetur circa decisiones dogmatum, & quæstiones fidei, verum intellectum scripturarum, leges universales, quæ totum Populum Christianum obligent &c. non potuit hominum voluntate, occupatione, aut præscriptione institui, sed solâ Dei voluntate, suam auctoritatem, potestatemque, in alium tanquam vicarium deponentis. Cum ergo Concilium sibi rerum summam, apicemque Ecclesiasticæ Potestatis vindicat; quærimus à quo acceptam, à quo, quando & ubi datam? scriptura enim de Concilijs tacet, Patres nihil dicunt, Traditio, ususque rerum contrarius est; à quo ergo in totam Ecclesiam, ipsumque Papam hic Concilio dictum: *Tibi dabo claves Regni Cælorum?* num Concilio: *Super hanc petram ædificabo Ecclesiam meam?* num Concilio: *Si amas me, pascere oves meas.* Et pro te rogavi, ut non deficiat fides tua? Aut Concilium ad oves Christi pertinet, aut ad Ovile, aut pastorem Ecclesiæ agit. Si Pastorem; ostendar, quando illi oves & Ecclesia commissa, quando mandatum pascendi Ecclesiam universam illi datum: immo stante Christi promisso, nec dari potuit: cum ipse apud Joannem dixerit: *Unum Pastorem, & ovile futurum:* unum, inquit, non trecentos, aut sexcentos, quot in Concilijs sunt. Si verò Concilium ad oves & ovile spectat, ergo non supra, sed infra Pastorem est, nec pascit, regiturque; sed ab illo pascitur, regiturque. Absit enim, ut dicamus, Concilium sibi potestatem usurpare, quam non accepit; aut accepisse, quæ data non est: aut datam esse, quæ ostendi non potest, quando, & ubi data sit. Alioquin si Patres Concilij supremam sibi in Ecclesia potestatem adscriberent, quam non accepissent; ad eos spectarent Dei apud Oseam querelæ c. 8. *Ipsi regnaverunt, & non ex me: Principes extiterunt, & non cognovi.*

III. *Tertia ratio* desumitur à causa exemplari, nam Concilium universale non est ipsa Ecclesia universalis, sed eam tantum repræsentat: quemadmodum Legatus repræsentat Principem, à quo missus est, & Vicarius suum Principalem: & in hoc sensu Concilium Constantiense sess. 4. 5. & 6. dicitur repræsentare Ecclesiam Catholicam

cam in terris militantem: si ergo Concilium non est Ecclesia, sed hanc tantum repræsentat, ergo non est majoris auctoritatis, quam ipsa Ecclesia; sicut imago & Legatus Principis tantum abest, ut Principem auctoritate superent, ut potius multum infra illum sint: sed Papa est supra Ecclesiam universalem, nec ab ista judicari potest, cum illius sit Magister, Pastor, fundamentum, & claviger: est verò absurdissimum, Magistrum à discipulis, Pastorem ab ovibus regi. Demus enim Pontificem suâ potestate abuti, salvâ tamen Religione, fideque; demus corruptis moribus esse; hæ causæ non sufficiunt, ut desinat Magister & Pastor esse, ejusque potestas in Ecclesiam & Concilium migret; immo audiendus est, & quæ dicit facienda, non tamen quæ facit imitanda. *Matth. 23.* Et Magistratibus non tantum modestis, sed etiam dyscolis parendum esse Apostoli est doctrina *i. Patri.* Aliud est in Principe alicujus liberæ Reipublicæ, in qua sicut Princeps à Magnatibus aut Populo potestatem & imperium habet; ita potest ab ijs adstringi, & pro certis casibus illius potestas ad populum & magnates reverti; non sic in Papa, qui à Deo primatum, curamque universæ Ecclesiæ accepit, quæ à solo Deo limitari potest restringique. Si ergo Pontifex, tanquam Pastor, Caput, & Magister non singularum tantum Ecclesiarum, sed Ecclesiæ ipsius universalis (quod sæpe in Concilijs definitum est) majori, quam tota Ecclesia, auctoritate præditus est, multò magis, quam Concilium universale, quod Ecclesiam tantum repræsentat, nisi velis plus in imagine, quam prototypo esse, plus in Legato, quam Principe. Immo cum Concilium Ecclesiam repræsentet, non potuit Concilio jus pascendi Ecclesiam dari: sicut nec imagini, aut Legato & Vicario Principis jus & potestas in Principem: & quando Christus Petro promissit: *Pasce oves meas: super te fundabo Ecclesiam meam:* hæc promissio, si directa non in Petrum principaliter, sed in Ecclesiam & Concilium fuit: sensus verborum esset: Tibi Ecclesia dabo claves Ecclesiæ: Super te, ò Ecclesia, fundabo Ecclesiam meam: Tu Ecclesia pasce Ecclesiam meam: qui sensus planè absurdus est.

IV. *Quarta ratio*, à fine desumitur, ob quem hanc supremam potestatem conferre in Concilium moliuntur. Si enim hanc potestatem eum in finem necessariam dicunt, ut Pontifex dubius & in schismate creatus, aut in hæresim lapsus in ordinem redigatur; hi duo casus sunt excepti, ut infra dicemus, nec ullam superioritatem

Con-

Concilij arguunt; cùm Pontifex hæreticus caput Ecclesiæ desinat esse: & dubius ac in schismate creatus, habeatur pro nullo; si verò Pontifex indubitatus sit, perditis tamen moribus, & Christi Vicario indignis, qui tamen in apertam Ecclesiæ perniciem non spectent; nullâ hîc opus Concilij superioritate, cùm mali mores Pontificem non continuò dignitate suâ spolient, essetque res pessimi & fatalis exempli, ob privata & domestica vitia, Principem gradu deijcere, & Majestatem regnantis subditorum criminationibus & libidini exponere, semper aliquid in Principum vita damnantium, & qui, ut altissimo loco positi sunt, nec omnium & discordantia vota explere possunt; ita calumnijs maximè & invidiæ ac odijs subditorum patent. His si grassari in Principem liceat obtentu criminum, quæ in illo notantur, quem tu reperies throni securum, semper inter vera, quæ hominem non deserunt, aut imaginaria delicta, quæ multò veris plura sunt, majestate dubiâ, & casui vicinâ? & ideo sacræ paginæ, Principibus etiam malis dyscolisque obtemperari volunt *Matth. 23. & Petri 1.* Fuitque in Pontificibus sub finem noni & initium decimi sæculi exemplum memoratu dignum, ubi cùm corruptissimi essent Pontificum mores, seque ipsos mutuis cædibus dele- rent, illique Pontificatu donarentur, qui plus gratiæ & amoris à nobili meretrice obtinerent; nunquam propterea vel schisma constatum est, vel Synodus Pontifici exauctorando indicta. V. Glabr. *l. 2. c. 6.* Luitprand. *l. 2. c. 13.* Baron. *ad Annum CMVIII. & MI.*

Si verò Pontificum mores adeò fædi perditique essent, ut in publicam perniciem exirent, velut si aliena invaderent, injustissimas leges conderent, Principum jura & regna turbarent, &c. tunc nec Concilio, nec ejus supra Pontificem majoritate opus est, cùm jus naturale omnia illa permittat, quæ ad justam defensionem pertinent. Si ergo invadat res meas, repellam: Si aggrediatur, resistam: Si censuris & interdictis fulminer, ostendam, illo ferro & igni, sano corpori opus non esse: Si regno minetur, minis innocentiam & armatam opponam: quid hîc opus provocatione ad futurum Concilium? quod illi fecerunt, à quibus cùm Pontifex decimas in sacram expeditionem peteret, futurum Concilium appellârunt; si enim Pontificis postulatio injusta erat, & legitimis causis destituta, adeò ut eas decimas injustè peti, palam omnino esset, nihil attinebat futura & incerta remedia exposcere, cùm liceret præ-

sentibus uti, hoc est legitimâ rerum juriumque suorum defensione, maximè in urbe Regia, & quæ suas vires aliorum aquirati lociâsset, & hæc forsan Ottoni M. causa fuit, Joannem XII. Pontificem Romanum solio exturbandi, qui contra fidem Augusto datam, adstrictamque juramento Adalbertum Tyrannum fovebat, in certam Ecclesiæ & Imperij perniciem; & potuit Ottonis hoc factum, quamvis à quamplurimis damnatum, eâ ratione purgari, quòd Joannes fuerit notoriè & contra fas solio impositus, intrususque magis quàm electus, factionibus metuque oppressâ eligentium libertate: quamvis ad majora evitanda mala, Ecclesia illum aliquamdiu toleraverit, dum oblatâ occasione hoc monstro, quo nihil turpius Vaticanum vidit, se liberavit. Sed de hoc plura, cùm ad objectiones respondimus.

Tandem, si Concilium Pontifici anteponas in decisionibus fidei, neque hoc necessarium est; cùm multis retrò sæculis definita dogmata fuerint, multæque hæreses damnatæ solâ Pontificum operâ, nulloque adhibito Concilio, ut infra. Et si hæresis aliqua Concilio indigeret, non propterea Concilij auctoritas Pontificiâ præstaret; sed ejus, Patrumque suffragia, confirmationi, & directioni SS. Pontificum subjacerent, prout hætenus demonstratum à nobis est. Cùm ergo in nullo casu hæc Concilij in Pontificem Romanum potestas Ecclesiæ necessaria sit; qui illam tuentur, patet non tam Ecclesiæ causam, quàm suam agere, ut videlicet, dum Concilium cum Pontifice committunt, ipsi interim in tuto sint, objectâque insequenti morâ se ipsi honestè subducant.

V. *Quinta Ratio est* ab eventu: nulla quippe de rebus futuris judicandi certior est regula, quàm præteritorum memoria, quæ enim plerumque aut semper contigerunt, iterum contingent, & temeritas esset illic malaciam & serenum expectare, ubi semper naufragio & tempestatè jactatus es. Jam verò nullum umquam Concilium hanc in Pontifices expeditionem aggressum est, cui non infelicitè ea cessèrit.

*Numerorum 16.* Ecce, inquit sacer textus, Core filius Isaar, & Dathan atq. Abiron surrexerunt contra Moysen, & Aaron, aliique filiorum Israël ducenti & quinquaginta viri proceres synagoga, & qui tempore Concilij per nomina vocabantur: cumq. stensent contra Moysen & Aaron dixerunt: Sufficiat vobis, quia omnis multitudo sanctorum est, & in ipsis est Dominus, cur ele-  
gaminis

*vamini super populum Domini? Quod cum audisset Moyses, cecidit in faciem pronus, locutusque est ad Core, & omnem multitudinem: Multum erigimini filij Levi: num parum vobis est, quod separavit vos Deus Israël ab omni populo, ut vobis etiam sacerdotium vindicaret? & omnis globus tuus stet contra Dominum; quid enim est Aaron, ut murmuretis contra eum? Consectum igitur, ut cessavit loqui, dirupta est terra sub pedibus eorum, & aperiens os suum devoravit illos: sed & ignis egressus à Domino interfecit ducentos & quinquaginta viros, qui offerebant incensum.*

Anno CDXLIX. In synodo Ephesina II. quam Liberatus universalis appellat *c. 12.* & habetur *I. 2. Concilior.* ausi sunt Patres contra sententiam, & voluntatem Legatorum sedis Apostolicæ Theodoretum, Ibam & Cyrillum Episcopos damnare, eosque & præsertim S. Iulianum ad Romanum Pontificem provocantem, Episcopatu exuere: immo Dioscorus in Synodo Alexandrina in ipsum Pontificem sententiam dicere; sed eo eventu, ut teste Liberato *c. 12.* Ecclesia Orientalis diuturno & pertinacissimo schismate scinderetur, alijs Dioscoro, alijs Flaviano studentibus: duravitque schisma etiam mortuo Dioscoro in Annum DXCIV.

Anno DCCCLXIII. Photius Patriarcha in Constantinopolitana Synodo anathema Pontifici Nicolao dixit: ejusque Synodi is eventus fuit, ut prima illic discordiarum inter Latinam & Græcam Ecclesiam, fila ducerentur, quibus magis semper, magisque impliciti, tandem & imperium amiserunt & fidem.

Eodem anno Patres Concilij Metensis, contra Nicolai Papæ præceptum, corruptisque pecuniâ sedis Apostolicæ Legatis, Lotharii Regis Matrimonium cum pellice Waltrada confirmant, Teutbergâ legitimâ conjuge abdicatâ: unde perpetua illi synodo infamia adhæsit, quæ per contemptum à Majoribus nostris prostibulum est appellata.

Eâdem ratione in Concilio Pisano, quod operâ Maximiliani Imperatoris, & Ludovici Galliarum Regis convenerat, agi ceptum est de Ecclesia in capite & membris reformanda, & multa contra Julij Pontificis auctoritatem illic tentata, sed tantâ omnium execratione, ut quocunque Patres devenirent, faces bellorum invilium, infaustique cometæ haberentur. Et tandem pace compositâ illius Concilij acta in Lateranensi Conventu generali etiam ex Gallorum sententia damnata sunt.



Sed infauftiffimum fuit Bafileenfe Concilium, quod contra legitimum & indubitatum Pontificem aufum insurgere, tandem in apertum & diuturnum ſchiſma erupit, aram contra aram erexit, Antipapam produxit: Unionem Græcæ cum Latina Eccleſia moratum eſt, & tantum non diſjecit, & denique non prius à turbanda Eccleſia ceſſavit, quàm Deo bellum dirimente, & Patribus lue abſumptis, ipſâque tandem Baſileâ hæreſin profeſſâ: hic videlicet uſurpatæ à Concilijs auctoritatis exitus plerumque fuit, ut primò in ſchiſma, tum in hæreſin abiretur; ut quemadmodum certiffimum cladis initium eſt Ducem perdidiffe; ſic certiffimum hæreſis præludium, Vicario Chriſti Duciq; Religionis non obtemperâſſe. Qui ergo Concilium ſupra Pontificem extollunt, hoc agunt, ut bellum Civile in Eccleſia accendant, & bellum in quo non corporum ſed animarum ſit ſtrages: ſi enim Concilium aliquid ſtatuat Papali auctoritati adverſum, eiſque leges & jus dicere velit; nunquam Papa huiusmodi Concilium confirmabit, immo reſcindet; idque jure optimo, & tantis rationibus exempliſque, quæ hæcenus prolata ſunt, nixus: carebit ergo huiusmodi Concilium omni auctoritate, cadentque ab eo ſtatuta, velut enervia & viribus caſſa: aut ergo inutile erit Concilium, Papâ illud improbante, aut ſi animum obſtinet pergatque Pontifici obſiſtere, & contra iſtius voluntatem, quæ decrevit, proſequi; oportebit, ut dicebamus, civile bellum conſtari, membris cum capite, ovibus cum Paſtore pugnantibus, Eccleſiâ in factiones, & conſequenter in tot mala, quæ ex factionibus ſequentur, diſtracta.

VI. *Sexta Ratio*, ſumitur ex Anarchia, hoc eſt, defectu ſupremi judicis Controverſiarum, qui cauſas videlicet fidei morumque decidere per ſententiam poſſit, & cui partes litigantes acquieſcere teneantur. Tu enim, qui ſupremam decidendi auctoritatem Pontifici abrogas: qui in ſententijs fidei dicendis falli eum poſſe & errare dicis: qui ultimam hanc decidendi auctoritatem in Concilium transfers: ſi quæſtionem aliquam fidei naſci contingat, qualis ea eſt, *An Chriſtus realiter, vel tantum figurativer ſpeciebus conſecratis inexiſtat.* Cujus amabo ſententiæ, velut ultimæ, certæque acquieſces? Pontificis Romani? at falli & errare poſteſt. Concilij Universalis? at unde conſtat univerſale eſſe, unde legitimum? quid ſi enim vota non fuerint libera?

ra? quid si metu, præmio, dolis, aut adulatione partium extorta, ut in Concilio Ariminensi? quid si Canones & acta Concilij corrupta, ut in Synodo Oëtava? quid si Patres absque necessaria discussione definiverint, ut aliqui Concilio Constanriensi obijciunt? Quis denique, ubi torques erratum est, & errari potuit, te securum certumq; reddet, erratum non fuisse, si Papæ auctoritas absit? Deinde quàm multa evenire possunt, ut Concilium universale nunquam conveniat, aut etiam ex industria impediatur? quis tunc Judicem ager, si potestas suprema, & infallibilis penès Concilium solum est? Ergo qui Papam impugnant, ejusque auctoritati eo prætextu se subducunt, quòd falli possit; multò magis Concilium impugnabunt, multoque plura illi opponent, ut vel illegitimum appareat, vel non universale; & in tanta opinandi licentia, nunquam ingenia, nunquam calami linguæque deerunt, quæ rationes inveniant, easque pulcherrimis coloribus pingant, ut Concilia obumbrent, eleventque auctoritatem; ijsque obsequendi necessitatem tollant. Eò igitur, qui nimium Concilij tribuunt, omnino spectant, ut nec Papæ, nec Concilij obediant, vivantque exleges. Narrat Dorotheus *Serm. 2. de humilitate. Vidisse se Monachum quemdam, qui in hanc miserrimam conditionem incidisset, ut initio quidem, si quis à fratribus locutus quidquam esset in alterius commendationem & laudem, statim illum spernebat, & quasi conspuebat, dicens: Quis est iste? non est alius, qui aliquid valeat, præter Zozimam, & qui cum eo sunt. Post cepit & istos contemnere, ac dicere: Nemo alicujus pretij est, præter Macarium. Et paullo post iterum: Quis est Macarius? nullus est qui aliquid valeat, præter Basilium & Gregorium. Atq; etiam non multò post cepit etiam hos pariter spernere, & nullum ullius pretij aestimare, nisi Petrum & Paulum. Cui ego pradixi, quod & evenit, fore ut hos quoq; cum tempore contemneret. Quod sanè factum est: nam eos sprexit, & nihil esse pretio habendum, præter Trinitatem, asserere cepit: statim quoq; in Deum etiam ipsum factus insolentior, intumuit.*

Sic omnino, qui rationes nunc texunt, ut Pontificis auctoritatem carpant, eamque opposito Concilio evadant; non minùs postea, cum opus fuerit, Concilio imponent, ijsdemq; artibus eludent, quibus Papam; cujus rei exempla in Tadtzo Imperatoris Friderici Legato, & Luthero Apostata, suprà ostendimus.

Alias rationes in superioribus §§. passim expendimus, quas non lubet repetere.



## §. XIV.

*Qui sint casus excepti, in quibus Papa Concilium prævalet.*

## S U M M A R I A.

1. *Papa hæreticus deponi potest.*
2. *Et dubius.*
3. *Potest Papa renunciare Papatui.*
4. *Ius defensionis etiam contra Pontificem exerceri potest.*
5. *An teneatur aliquando Pontifex Concilium univrsale co-  
gere?*
6. *Quid si Papa contra omnes Patres Concilij sentiat?*
7. *Quid de Pontifice intruso, aut invalidè electo?*
8. *Nullum esse casum, in quo Papa manens Papa judicari à  
Concilio possit.*

## I.



*Primus casus est:* Si Papa ut privata persona hæreticus fiat, ut de Honorio I. in 8. synodo *Añ.* 7. habetur; tunc enim judicari à Concilio, deponique potest. Ita docent S. Antoninus in *summa* 3 p. T. 23. c. 3. §. 4. Suarez de fide p. 10. f. 6. Bell. de Rom. Pont. l. 2. c. 30. Estque definitum in 8. Synodo Generali *Añ.* 7. c. *audivimus* 24. q. 1. c. si Papa d. 40. c. *Novatianus* 7. q. 1. c. *didimus* c. *Achatius* 24. q. 1. c. *oves* 2. q. 7. Et ratio est, quia fides est anima & terra veræ & Catholicæ Ecclesiæ; per quam ab omni alia infidelium Ecclesiis distinguitur; aded, ut sicut homo amissâ animâ, quæ est illius forma, non ampliùs est homo; ita nec Christianus amissâ fide, est verus Christianus, & consequenter nec membrum Eccle-

Ecclesiae Christianae; Papa igitur per haeresin amissa fide, cum non sit membrum Ecclesiae Christianae, nec caput esse poterit: cum ergo destinat esse caput Ecclesiae, mirum non est, si à Concilio judicari potest. Et ideo Christus Dominus non prius claves Primatumque Regni Caelorum Petro commisit, quam ab illo professionem verae fidei exegerit. *Math. 16. V. Suarez cit. & Cajetan. Tr. de auctorit. Concilij & Papae. 20.*

II. *Secundus casus est*: Cum Papa est dubius, quia videlicet in schismate creatus est, nec constat ex pluribus electis, quis eorum legitimus sit. Hic casus expressè definitus est in Concilio Constantiensi *Sess. 4. & 5.* Et ratio est: quia ubi plures Pontifices electi sunt, aut oportebit omnes cum summa potestate Ecclesiae praesse, quod absurdissimum est, aut aliquos deponi: sed non est ratio, cur unus potius, quam alter deponatur, cum de omnibus dubitetur, ergo deponendi sunt omnes: nec tunc Concilium exercet in Papam auctoritatem, sed in eum, quem credit non esse Papam: nam dubius Papa, & de quo non constat, pro nullo habetur, cum in iure sint paria, non esse, & non apparere *L. duo sunt Titij 30 ff. de Testam. Tut. L. in lege. 77. ff. de contrah. empt. L. omnia 32. §. Species ff. de Legat. 2.*

III. *Tertius casus est*: Si Papa renuntiet, & sponte Pontificatu abeat: renuntiare enim posse, etiam Ecclesiae consensu non expectato definitum est in *cap. 1. de Renunt. in 6. ubi Gl. & supponitur in Constant. Sess. 2. & 6.* suntque exempla in Gregorio VI. & Celestino V. quorum alter pacis, alter pietatis causam Papatu excessit, eorumque successores Ecclesia semper pro legitimis habuit. Et ratio est, quia Pontifex nullo nec naturali nec positivo iure renuntiare prohibetur, & quod supponimus, ex tali renuntiatione nullum in Ecclesia damnum redundat.

IV. *Quartus casus est*: Si Pontifex aut vi, aut legibus iniuste latis, aut alio quovis modo Ecclesiam destruere niteretur; aut etiam si aliorum bona & jura iniuste invaderet; tunc enim mone-ri, rogarique poterit; & si preces non proficiant, etiam bello & armis coerceri, omni-que ratione compesci, quae ad jus naturalis defensionis pertinet. *V. Turrecrem. l. 2. c. 106. Bellarm. de Concilio. au-  
dior. l. 2. c. ult. ad 2. argum.* Et ratio est, quia in hoc casu non Papa resistitur, sed invasioni: nec Papae obediendum est, nisi cum agit ut Papa, & caput Ecclesiae; nec in illum exercetur jurisdictio, sed

tantum jure defensionis agitur, quod non in jurisdictione & auctoritate fundatur, sed in præcepto aut facultate naturali, quæ à Pontifice solvi tollique non possunt, cum & ipse sit juri naturali ac divino subiectus, tota causa 25. q. 1.

V. *Quintus casus est* : Cum causa aliqua, præsertim fidei tam gravis esset, ut ea sine Concilio universali expediri non posset, tunc enim teneretur Pontifex Concilium adhibere, nec posset absque illo decernere. Et de hoc casu SS. Patres loquuntur, cum dicunt Concilia esse necessaria, præsertim Gelasius Papa in Tomo de vinculo anathematis. Ubi : *Si præcessit consensus Pontificis, doceatur à quibus, & ubi ille sit gestus : si secundum Ecclesie regulam celebratus, si paternâ traditione profectus, si majorum more prolatus, si competenti examinatione depromptus, ubi procul dubio requirendum est, si synodali Congregatione celebratus, quod in receptione damnati & abjectione Catholici, quia nova est causa, fieri certissimum est.*

Eadem habent B. Cyprianus l. 2. ep. 1. ad Stephanum. S. August. l. 1. de Bapt. contra Donatist. c. 7. & 18. Et ratio est, quia licet S. Pontifici promissa sit assistentia Spiritûs Sancti in rebus fidei decidendis, ea tamen promissio supponit omnem diligentiam, & quantum causæ dignitas desiderat, discussionem, ut habetur Act. 15. Neq; enim quidquid dicit & docet Papa, continuò est dogma fidei: sic etiam Sacramentis novæ legis promissa est gratia sanctificans, sed tamen multis adhibitis & necessarijs conditionibus. Pertinet tamen ad Dei providentiam, qui voluit Ecclesiam Petro, tanquam Pastori subiectam, dictoq; obtemperantem esse; & à Romana Sede finem omnibus controversijs imponi, nunquam permittere, ut temerè Pontifex definiat; alioquin nunquam Ecclesia secura esset, possetq; dubitare; pertinet ergo ad eum, qui finem voluit, etiam necessaria media disponere, & sine quibus nunquam ad finem perveniretur.

VI. *Sextus casus est*, ex sententia Abbatis Panormit. 2. p. Confessor. q. 1. & Cardinalis Moniliani de Concilij Occum. c. 33. Si in materia præsertim fidei solus Pontifex contra omnes Concilij Patres sentiret, teneretur enim illorum votis accedere, & si contra omnes definiret, hæc definitio, tanquam temeraria, nec debito examine & inquisitione veritatis nixa, doctrinæ Concilij cederet. Pontifex enim extra Concilium, & ut privatus Doctor aliquid docens errori obnoxius est, multoq; magis si temerariè: sed quando contra omnium


Patrum

Patrum sententiam aliquid pronuntiaret, & privatum *Ducum* ageret, quia non publicam, sed privatam opinionem sectaretur, & temerariè decideret, plus sibi quàm omnibus credens. Et hoc est, quod aliqui dicunt, majorem esse Concilij auctoritatem directivam, quàm Pontificis solius: qui tamen non tenetur illi parti accedere, quæ pluribus suffragijs juvatur, cùm sententia paucorum melior esse possit *l. nemo iudex C. de sentent. & interlocutor. c. sana d. 9. & passim d. 9.* Sunt enim opiniones instar monetæ, cujus valor non ex numero, sed pondere & metallo æstimatur: sic opiniones non Doctorum numerus, sed major ratio, veritas, & prudentia commendat: alioquin semper vincerent fatui, quorum numerus quàm prudentum major est: & veram fidem ac Religionem paucorum, falsam & erraticam multorum esse videmus, nec ideo tamen meliorem, quia plurium.


VII. *Septimus casus est,* Si Pontifex invalidè sit electus & intrusus potius in eam dignitatem, quàm erectus; quâ ratione Joannes XII. monstrum magis ex omni vitiorum cœno compositum, quàm homo, ab Ottone M. ejectus est, de quo infra. Ceterum electionem Pontificis invalidam, & electum intrusum esse, multis modis contingit: si videlicet facta fuerit electio præter formam Canonica in Concilio Lateranensi præscriptam *can. 1.* & jure novissimo, contra Bullam Gregorij XV. quæ incipit: *Æterni Patris.* Anno MDCCXI. Videatur *c. licet 6. de elect.* Si defectus aliquis juris divini aut naturalis electioni misceatur, quales sunt, si electus infans aut hæreticus sit, aut electioni non consentiat. Si electio fuerit simoniaca, datâ videlicet vel acceptâ aut promissâ pecuniâ, aliâ vere pretio æstimabilis. *si quis pecuniâ d. 79.* quod saltem verum est de jure novissimo post Bullam Julij II. Anno MDV. quæ incipit: *Cum tam divino &c.* dubium enim non est, electionem Papæ juri Canonico subjacere, quamvis jam electus Papa omni humano jure major sit: præsertim cum crimen Simonie jure Canonico hæresi comparetur. *c. eos qui 1. q. 1. cap. ult. 1. q. 7.* Si electio fuerit per metum gravem & injustum facta. *Concil. Constant. Sess. 39.* quod intelligendum est de metu ad certam & determinatam Personam eligendam injustè incusso; talis enim electio in Concilio Constant. ut diximus, irritata est. Et denique si electio ab ijs facta fuerit, qui jus eligendi non habent, & Cardinales non sunt. *c. licet. De elect. & Bulla Gregorij XV. cit.*

Uti ergo modis electio Pontificis invalida evadit, & taliter electus, sicut Papa non est, ita privilegijs Papalibus non gaudet, subjacerque Concilio. Videatur Concilium Constant. *citata Sess. 39.*

VIII. Ex hæcenus toto hoc §. disputatis faciliè colligitur, nullum casum dari, in quo Papa manens Papa Concilio subdatur: & ideò verissimam & universalissimam esse propositionem nostram, Papam, quamdiu talis est, Concilio non subdi, nec ullum esse tam grande, & atrox Pontificis crimen, cujus judicem in terris habeat; constat enim Pontificem caput, Pastorem & fundamentum Ecclesiæ à Deo constitutum esse, sicque Ecclesiæ superiorem & Principem. Superior autem nec à subditis judicari potest, nec quia criminofus est, superior esse desinit; aut ergo ostendi aliquam exceptionem oportet, in qua voluerit Christus Vicarium suum, & Ecclesiæ Principem judicari puniri que à subditis posse, quæ nunquam ostenderetur, aut simpliciter fatendum, solum Deum Pontificis Romani judicem, & Vindicem esse. Quos tu reperies Pontifices, pluribus & majoribus flagitijs notatos, quàm fuerint scribæ & Pharisei, Deicidæ, & quorum ingentibus vitijs Christus ipse longum catalogum implevit *Matthæi 23.* adjunctâ singulis comminatione sempiterni supplicij, & tamen tantum abest, ut eos à subditis judicari voluerit, redigique in ordinem, ut potius in ijs, quæ doctrinam spectant, omnem observantiam præceperit: *Super cathedram*, inquit, *Moyfis federunt Principes & Pharisei, quæ ergo dicunt facite, quæ autem faciunt, facere nolite.* Quanto magis id Christus diceret de Vicario suo, de capite & fundamento Ecclesiæ, quantumvis inquinato, perditoque? ut enim Synodus Ephesina ad Cælestinum Pontificem Romanum scribit: *Si data fuerit volentibus licentia majores sedes injurijs afficere, & in eos, in quos non habent potestatem, ut contra leges, sic & contra Canones, proferre sententias, ibunt ad ultimam confusionem res Ecclesiæ.* Maneat ergo rata illa Bonifacij VIII. sententia in *extravaganam sanctam.* *Inter communes de major. & obed. Si deviat terrena potestas, judicabitur à potestate spirituali: sed si deviat spiritualis minor, à suo superiori: si vero suprema, à solo Deo, non ab homine poterit judicari.*







## §. XV.

*Respondetur ad argumenta ex SS. litteris petita.*

## S U M M A R I A.

1. R<sup>e</sup>. *Ad cap. 18. Matth.*
2. R<sup>e</sup>. *Ad cap. 13. secunda ad Corinth.*
3. R<sup>e</sup>. *Ad cap. 15. Act. Apost.*
4. R<sup>e</sup>. *Ad cap. 8. Act. Apost.*
5. R<sup>e</sup>. *Ad cap. 20. Act. Apost.*
6. R<sup>e</sup>. *Ad cap. 2. ad Galat.*



I.

Bjicitur primò : Locus Matth. 18. Si peccaverit in te frater tuus, vade, & corripe eum inter te, & ipsum solum ; si autem te non audierit, adhibe adhuc tecum unum vel duos : quod si non audierit eos, dic Ecclesia : si autem Ecclesiam non audierit, sit tibi sicut Ethnicus & Publicanus : amen dico vobis : quacumq; alligaveritis super terram, &c. Ecce ! hîc Christus Apostolos, eorumq; successores alloquitur, à quibus vult Christianos incorrigibiles Ecclesiæ denuntiari, ab eâque damnatos ad nullum alium judicem remittit ; vult ergo Christus ultimum esse tribunal Ecclesiæ, & à Petro ad Ecclesiam, tanquam majoris potestatis judicem provocari. Et ita hunc locum videtur intellexisse S. Gregorius l. 4. epist. 38. & Nicolaus I. in c. præcipuè ii. q. 3. qui duo PP. sibi non obtemperantes, Ecclesiæ se delaturos minantur ; majus ergo Ecclesiæ judicium esse, quàm suum agnoscunt.

R<sup>e</sup>. Hoc loco Matthæi velut præcipuo fundamento Adversarios niti ; sed tam infirmum est, ut vel hoc maximè prodant causâ,

quam defendunt, imbecillitatem, dum tantæ molis quæstionem a-  
renæ imponunt. Inprimis nullus hîc termo de Petro, ejusque suc-  
cessoribus, & tamen de his quærimus: quamvis enim Christus ad  
Apostolos in communi loquatur; quis nescit generali locutione,  
casus speciali notâ dignos, & privilegiatos non includi? Deinde  
nomine Ecclesiæ, cui jubet obstinatos denunciari, intelligit Christus  
eos omnes, quibus potestas ligandi, solvendi, puniendiq; conce-  
ssa est, ut patet, tum ex fine denuntiationis, qui est correctio: tum  
ex adjuncta illa causali: *Quacunq; enim alligaveritis super terram, &c.*  
certum est autem, potestatem ligandi solvendiq; non tantum ad  
Concilium universale, sed etiam episcopos, aliosq; Ecclesiæ Præ-  
latos pertinere. Si nomine Ecclesiæ Concilium universale intelli-  
gas, oportebit quoties Christianus furto, adulterio, homicidio pec-  
cat, Concilium Generale cogi, ut illic delinquentis causa ventiletur,  
quo nihil potest dici absurdius, impossibilius, magisque ab om-  
nium Ecclesiarum more alienum; & tamen dicendum est, si Chri-  
stus eo loco Concilium intelligit; enimverò optimè suæ Ecclesiæ,  
morumque emendationi & justitiæ cautum fuerit, si ad punienda  
delicta Concilium expectari oporteat. Sed demus Concilium u-  
niversale intelligi, non tamen sine suo capite, nec à Pontifice sepa-  
ratum, de quo solum disputamus, an supra Pontificem tolli possit.  
Deinde observandum est, Christum dixisse: *Si peccaverit in te frater  
tuus, &c.* ut ostenderet sermonem non esse de summo Ecclesiæ Patre  
& Pastore, qualis est Romanus Pontifex. Legimus ergo hujus lo-  
ci sensus est: *Si peccaverit in te frater tuus;* isque secretæ, & fraternæ  
rux admonitioni non acquiescat, dic Ecclesiæ, hoc est, Pastori pro-  
prio, qui Ecclesiæ præest, ut explicat S. Chrysostomus *homil. 61. in  
Matt. S. Th. in 4. d. 19. & 22. q. 24.* Albertus M. in *Matth. 18.* Innoc. III.  
in *c. novit. de Judic.* Theophylactus, Euthymius & alij passim. Ipse enim  
Prælatas, cum agit non ut privata, sed publica persona, utiturque  
potestate Ecclesiasticâ, vulgari jam & notâ phrasi Ecclesia vocatur,  
quia hanc repræsentat: & patuit etiam exemplo Gregorij M. qui  
minatus Joanni Constantinopolitano, nisi titulo universalis Pa-  
triarhæ abstineret, se illum Ecclesiæ denunciaturum; sine tamen  
Concilio universali, auctoritate Papali eum compefcuit, & censu-  
ris obstrinxit *lib. epist. 20. & 31.* Malè ergo, & contra regulas artis  
Concilium Papæ anteponi demonstrant eo scripturæ textu, qui nec  
de

de Concilio loquitur, nec de Papa, sed de casu omnino alio & disparato.

Demus tamen in hoc Evangelij loco sermonem de Papa esse, & Concilio universali, etiam ut Papæ opposito; nihil aliud sequitur, quam Papam publicè criminofum, posse ad Concilium & Ecclesiam deferri, de remedijs illum emendandi, cohibendique agitari: eumque admoneri, rogari, & si Ecclesiæ infestus sit, etiam jure defensionis coerceri: quæ si omnia facta sint, & incassum cedant; Deo tandem res committenda, cui Ecclesia curæ est, & quam inter tot persequentium procellas, & priora persecutionibus malorum Pontificum exempla agitari quidem permisit, nunquam tamen mergi, opprimi que: neque enim nobis timendum est id eveniturum, quod nunquam evenit, & quod Christus promisit, nunquam se, ut eveniat, passurum: essetque impium cogitare, Ecclesiam propterea, eoque casu sine auxilio esse, cum à solo Deo auxilium expectat; ibi enim maximè parata est, & velut in procinctu divina custodia, ubi deficit humana: & hoc maximè verum est in supremis Reipublicæ capitibus, quorum delicta suæ tantum virgæ subjecit, nec voluit subditorum arbitrio & pœnis committi, ne pejus esset malo remedium; obrentu justitiæ, malevolorum calumnijs, invidiæ, & affectuum impotentia expositâ Principis Majestate. Et ita praxis Ecclesiæ semper obtinuit: quamvis enim Marcellini, Sixti III. Symmachi, Leonis III. Damasi, Leonis IV. aliorumque Pontificum delicta fuerint ad Synodos delata, numquam tamen in eos sententiæ dictæ sunt, immo in Synodo Oecumenica 8. lato de hoc canone definitum est: *Posse quidem Synodum universalem cum convenienti reverentia quamlibet quætionem de Romana Sede exortam audire, & in ea proficere, non tamen audacter sententiam in Romanum Pontificem ducere.* V. Tom. 3. Concilior. in Actu 8. Synodi. Platinam in Marcello, in Sixto III. Symmacho, Leone III. & IV. & Damaso. Et c. nunc autem d. 21. & c. nos si incompenter 2. q. 7. c. auditum 2. q. 5. & c. mandastis eodem. Ubi animadvertente Pontifices aliquot, innocentia suæ purgandæ causâ, & ut calumnias sibi affictas palam detegerent, Synodorum etiam particularium judicio discretivo & velut arbitrario, non tamen coactivo, quod non poterant, se submisisse.

II. *Objicitur secundò Locus 2. ad Corinth. cap. 13. v. 10. Ubi S. Paulus scribit: Potestatem sibi à Deo datam esse in adificationem non destructionem*

*nem Ecclesiæ; ergo Potestas Papalis est data propter Ecclesiā, ergo Ecclesiā est perfectior, & major Papā, cum ipsa sit finis, dignitas verò Papalis medium: finis autem est perfectior medijs: & quando medium tenderet ad destructionem finis, omnino submovendum, tollendumque esset: sic si Papa aliquis suā auctoritate in detrimentum Ecclesiæ abutatur, tollendus erit, tanquam medium Ecclesiæ noxium, aliisque subrogandus, qui Ecclesiæ sit utilis.*

*R. Papam esse propter Ecclesiā, sicut Rex propter Regnum, fundamentum propter Domum, & caput propter corpus: nemo tamen propterea dixerit Regem subditis, aut Comitibus Regni subiacere: nec fundamentum à domo, quam sustinet, pendere. Potestas Papalis est quidem medium conservandæ Ecclesiæ datum; & ideo quidquid ex abusu hujus potestatis, & contra bonum Ecclesiæ Pontifices moliantur, aut non licitè, aut etiam invalidè faciunt: non ideo tamen sequitur Papam à subditis judicari propterea posse, multoque minùs deponi, quia hoc multo magis in detrimentum Ecclesiæ cederet, ejusque unitatem & pacem turbaret, nunquam aut veris, aut fictis criminibus defuturis, ob quæ Pontifices throno moveri oporteret, aliosque supponi, datâ inquietis animis, rerumque novarum cupidis occasione, obtentu criminum & reformationis inducendæ, Pontifices impugnandi, conflandi schismata, & altare contra altare erigendi: quod ne fiat, consultius utique fuit malos Pontifices tolerari, quàm dum illis bellum movetur, ipsique vicissim illatum repellunt, & dignitatem quavis ratione tuentur, omnia discordijs, turbisque misceri, ipsamque fidem & Religionem Catholicam odio & contemptu Pontificis, quod plerumque contingit, periclitari: in bonum ergo Ecclesiæ, non perniciem cedit, Papam etiam malum, nunquam à subditis suis in jus vocari: hoc enim superioritatem necessariò supponit, quam Christus nunquam Ecclesiæ in Pontificem dedit, ut suprâ est: vidimus. Cum verò dicunt Ecclesiā esse Papā perfectiorem, vel intelligunt Ecclesiā unā cum Papa, & tunc Ecclesiā non est perfectior Papā, cum istum includat: si verò accipiatur Ecclesiā, ut distincta à S. Pontifice, hic tanquam Vicarius Christi, Pastor & Magister Ecclesiæ, ipsi Ecclesiā perfectior est, & tenetur Pontificem audire, ei que obtemperare.*

III. *Obijciat tertio, c. 15. in Actis Apostolorum.* Ubi, cum Apostoli Concilium indixissent, in epistola synodali, quam ad fideles dederunt, sic scribunt: *Visum est Spiritui sancto & nobis, nihil ultra imponere vobis oneris, &c.* Ubi nulla est mentio Petri, sed Collegij tantum Apostolici, & hujus non Petri nomine Concilium definit & imperat.

R. Hunc esse omnium Conciliorum morem & styllum, etiam quibus Summus Pontifex cum summa potestate præstet, ut nomine Concilij decreta expediantur, quod patet, omnia Concilia, etiam ultimum Tridentinum legenti, nec propterea excluditur auctoritas Pontificia, quæ primas in Concilio partes agit: sicut cum dicimus: *Petrus currit, Petrus scribit;* quamvis de capite nihil dicatur, non tamen hujus influxus excluditur, sed semper velut necessarius & principalis subintelligitur. Immo in illo ipso conventu Apostolico, ubi omnes à Spiritu S. immediatè gubernabantur, nec errori patebant, multa Primatus sui argumenta Petrus reliquit, dum primus sententiam dicit: dum quid definiri debeat, præscribit: dum calentem prius disputationem, & vota discordantia componit, & velut pronuntiatio oraculo, silentium omnibus imponit: quæ omnia cum locum legenti patent.

IV. *Obijciat quarto, cap. 8. in Act. Apostolor.* Ubi Petrus & Joannes à Collegio Apostolico Samariam mittuntur, ut eorum Orationibus Christiani recens ad fidem conversi Spiritum S. acciperent; si ergo Petrus mittitur, Petrum subjectum esse Collegio Apostolico, à quo mittitur, necesse est: cum missio subjectionem significet.

R. Non omnem missionem signum subjectionis esse & inferioritatis: nam in Collegio SS. Trinitatis, ubi omnes personæ æquales sunt, parisque Majestatis, filius à Patre mittitur Joann. 3. 17. & 4. 34. & Spiritus S. à Filio. Johan. 14. 26. Et Herodes mittit tres Reges Orientis in Bethlehem Math. 2. Mittere ergo significat impulsu aliquem, quo alius movetur, quod non tantum præcepto, & imperio, sed etiam rogatu, consilio, allegatione rationum & argumentorum, quibus ad aliquid agendum alius movetur, fieri potest.

V. *Obijciat Quinto. Act. cap. 20. Attendite vobis & universo gregi, in quo vus Spiritus S. posuit regere Ecclesiam Dei.* Ergo non soli Papæ, sed etiam Concilio Episcoporum commissa est Ecclesiæ cura & gubernatio.


¶ Si omnis, cui Ecclesiæ Dei cura & gubernatio concedita est, Pontificem Maximum potestate, & auctoritate superat; non tantum hæc prærogativa Concilio Universali, sed etiam particulari, immo & cuilibet Episcopo & Parocho concedenda erit, quod absurdissimum est. Quilibet ergo Episcopus, dum propriam & particularem Ecclesiam regit, hoc ipso & mediata Ecclesiam Universalem regit, bono & regimine partium in bonum & regimen totius cedente: sicut bonum & malum unius membri, est etiam bonum & malum totius corporis, & tamen omnium membrorum, ipsiusque corporis motus & directio à capite pendent, unde & influxum & spiritus, morumque accipiunt. Ergo & Papa & Episcopi Ecclesiam regunt, sed isti ut membra, ille ut caput: isti particulares Ecclesias, ille Universalem & totam.

VI. Obijciunt *sexid. c. 2. ad Galatas*, ubi: *Paulus, cum Cephas (Petrus) venisset Antiochiam, in faciem ei resistit, quia reprehensibilis erat, prius enim cum Gentibus edebat, postea subtrahabat & segregabat se, timens eos, qui ex Circumcisione erant: & simulationi ejus consenserunt ceteri Judæi, ita ut & Barnabas duceretur ab eis in eandem simulationem.* Ecce hic Petrus errat, aliosque exemplo seducit, & propterea à Paulo corrigitur, palamque reprehenditur: quanto magis igitur poterit Pontifex errare, alios seducere, & ideo à Concilio judicari, corrigique? non ergo Pontificis sententia est regula credendorum, cui Concilium subjaceat; sed potius doctrina Concilij est regula, cui Pontifex subjacet, ab eaque, cum à veritate deflectit, corrigendus est.

¶ Hunc locum ad Galatas, quo sibi & Hæretici & Catholici aliqui tantum blandiuntur, nihil planè ad rem facere. Nos quaerimus, an Concilium sit supra Papam, & ipsi ostendunt Petrum à Paulo reprehensum esse, quasi verò negemus, non posse Pontificem argui, reprehendi, corrigi, ei que, si oporteat, resisti: enimverò nos ipsi hæc omnia concedimus, eodemque exemplo utimur, ut ostendamus Pontificem & posse & debere, cum meretur, reprehendi; quod B. Bernardus, quod Petrus Damiani, quod Hieronymus, alijque fecerunt, multoque magis Concilium facere potest: ceterum alterius vitia reprehendere, in illa declamare, & si vergant in communem perniciem, illis etiam resistere, nullam superioritatem arguit, ut patet & docent expressè SS. Patres. S. Gregorius in *c. Petrus 2. q. 7.* & ibi Gratianus. Idem Gregor, *Homil. 18. in Exa. b.* Cyprianus

*in epist. ad Quirinum. Augustinus epist. 19. ad Hieron. & in epist. ad Galat. 6. 2. S. Thom. in 4. d. 19. An verò & quomodo Petrus in hac re peccaverit, dicemus in sequenti Proposit. 3. ubi de infallibilitate Pontificis sermo erit.*

Hæc sunt loca scripturæ, ex quibus an probetur majorem esse Concilij, quàm Papæ auctoritatem, Lectoris judicium esto; nobis sanè tam infirma, longèquæ ducta videntur, ut non tantùm animum non convincant, sed ne tenuem quidem veritatis umbram janciant, mirariquæ lubeat, viros alioquin doctos rationibus adèd leviter malequæ armatis & ipsos cessisse, & alios oppugnare conatos esse; nisi fortè animo jam semel occupato verba scripturæ ex voto sensuquæ proprio æstimaverint, nec tam curæ habuerint, ut sententiam suam scripturæ, quàm scripura sententiæ suæ accommodarent.



## §. XVI.

*Respondetur ad auctoritatem Concilij Pisani.*

## S U M M A R I A.

1. *Auctoritas Concilij Pisani à Maimburgo adducta.*
2. *Hujus Concilij auctoritatem multis ex capitibus dubiam esse & incertam, evidentibus argumentis ostenditur. & auctoritate ipsius Concilij Constantiensis, ac etiam Maimburgi testimonio.*
3. *Nec tamen aliquid in Concilio Pisano aut decisum, aut factum, quod Pontificum in Concilia auctoritati derogare possit; & questionem in Concilio agitatam toto cælo ab ea distinctam esse, quæ modo inter nos vertitur.*
4. *Mala fides Maimburgi sententiam Parisiensis Universitatis pervertentis.*





## I.



*Bjicitur* 7. (a) In Concilio Pisano, quod Anno mccccix. congregatum & peractum est, multis cum scriptis tum exemplis ostensum est, Pontifices Concilio subdi, & ab isto judicari, puniri, damnarique posse. Nam primò cùm quidam in sacro illo Senatu sustinuisent, nullam Concilij esse in Pontifices Romanos potestatem; Patres eam protestationem derisui habuere, utpote nullo antiquitatis exemplo fultam. Deinde quidam Petrus Plaust doctrinâ celebris, & unus ex Universitatis Parisiensis deputatis, quæ tunc temporis ad supremum gloriæ pervenerat, egregiè multisque rationibus ostendit, multum Ecclesiam supra Pontifices esse, & consequenter etiam Concilium, quo Ecclesia repræsentatur, addiditque hanc esse Parisiensis, omniumque Galliarum Universitatum sententiam. Ut primùm peroravit, exscenditque cathedrâ, secutus est Novariensis Episcopus, seque ex suggestu ostentans, & voce, quâ omnibus intelligi posset, protestatus est, centum & tres Doctores ac Theologiæ Licentiatos, qui ex varijs Universitatibus confluerant, jussuque Cardinalium hanc causam diligenter examinaverant, cum Parisiensi schola in eandem sententiam convenire; imò & Bononiensem ac Florentinam famâ doctrinæque celebres; & Florentinam quidem scripto libello, quem viginti Doctores subsignaverant, mentem suam expressisse. Tandem re in Concilio maturè, lenteque discussâ, Benedictum XIII. & Gregorium XII. quamquam eorum alter verus Pontifex esset, Papali dignitate abdicârunt, initisque suffragijs novum Ecclesiæ Pontificem dedere, Alexandrum videlicet V. quem pro vero Legitimoque Pontifice, & tota ferè Ecclesia, si paucos excipias, Benedicto, Gregorioque addictos, agnovit; & ipse Alexander, quamvis notæ sanctitatis, mortique vicinus, ubi finiri ambitio solet, se verum Pontificem professus est. Patet ergo Auctoritatem Concilij supra Pontificem in Concilio Pisano multis modis ostensam esse. Et verò fuisse hoc Concilium Oecumenicum, & unum ex majoribus conventibus, qui unquam in Ecclesia peracti sint, patet ex numero & dignitate Prælatorum, qui illi

(a) Maimb. Traité d'Hist. ch. 21. f. 184. & du Grand Schisme d'Occident lib. 4. à fol. 63.

illi adfuerunt: quippe Cardinales quinque supra viginti, Patriarchæ quatuor, Episcopi 182. Abbates 290. inter quos Capita & Generales omnium Ordinum, Magni Ordinum S. Sepulchri, Theutonicæ, Rhodiorumque Magistri, Universitatum Parisiensis, Tholosanæ, Aurelianensis, Andegavensis, Cracoviensis, Viennensis, Pragensis, Colonienfis, Oxfordiensis, Cantabrigienfis, Bononienfis, Florentinæ aliarumque Deputati: Legati quoque Metropolitanae & Cathedralium Ecclesiarum supra centum: Theologiz, sacrorumque Canonum supra trecentos Doctores, Oratores denique Galliar, Poloniar, Bohemiar, Cypri, Siciliæque Regum: Ducum quoque Bavariar, Burgundiar, Lotharingar, Brabantiar, Brandenburgiar, omniumque ferè Germaniar Principum; præter alios Hispaniar, Arragoniar, Hungariar, Sueciar, Norwegiar, Daniarque Reges, qui tandem Concilio Pisano adhæsere. Ergo quo primùm tempore conferri inter se Conciliorum potestas & Pontificum cæpit, tot Regnorum, Provinciarum, Universitatum, Ordinum, Doctorum, Episcoporum, hoc est, totius ferè Christiani Orbis vox una & sententia fuit, Pontifices Concilio subesse, ab eoque judicari, puniri, deponique posse. Hactenus ferè verba Maimburgi ex Gallico translata.

II. *Resp.* Hæc Maimburgi narratio partim & argumentatio, eodem filo, quo reliquæ hujus Auctoris, contexta est: videlicet ex principiis aut dubiis, aut falsis, semper tamen specie veri coloratis, ut eodem tempore placeant, fallantque incautos; Nam *Primo* certum quidem est in Concilio Pisano fuisse Gregorium XII. & Benedictum XIII. Pontificatu ejectos, electumque Alexandrum, sed non æquè certum jure id factum, & ex legitima potestate; nec propterea novi Pontificis electione cessavit dubitatio, quis pro vero Pontifice habendus esset: nec sublatum Schisma, in quod plerique eorum temporum Auctores notant, auctum potius, diffusumque novi Pontificis accessione, adeo, ut cum prius Ecclesia in duas, postea in tres factiones scinderetur, augente incertitudine Pontificum numero, eâ ferè ratione, quâ in Labyrintho, non idè certiùs eas, quia pluribus vijs: & qui Gregorio ac Benedicto adhærebant, nec pro hæreticis aut Schismaticis habiti sunt, quod videlicet multis nec inanibus rationibus niterentur, ut Concilio Pisano non subscriberent, nec satis de vero Pasto-

re constaret ; imò etiam sanctos reperias, qui Concilio Pisano ob-  
oblectati sunt, inter quos S. Antoninus: (a) *Pisanum Concilium, in-  
quit, vel Conciliabulum, cum non esset alicujus eorum, qui se pro Pontifice ge-  
rebant, auctoritate congregatum, non erat ablatum ipsum Schisma, sed augmen-  
tatum ex duobus, tribusve se pro Papa gerentibus.* Et alibi testatur: Gre-  
gorium à multis DELIM timentibus & peritis creditum fuisse verum Pontifi-  
cem tempore ejusdem Concilij. Si ergo à Pisano conventu electo Ale-  
xandro, depositisque Benedicto & Gregorio, multi nihilominus  
sanctitate & doctrinâ conspicui, nec Alexandrum agnovêre, nec à  
Gregorio separati, nec tamen pro Schismaticis, sed pro veris pijsque  
catholicis habiti sunt, sequitur omnino, Concilium Pisanum non  
fuisse pro certo & Oecumenico, nec novam electionem Alexan-  
dri, & Gregorij abdicationem pro legitima habitam; alioquin  
Schismatici impijque, qui aut legitimo Concilio, aut vero Ponti-  
fici obsisterent, & abdicato, falsoque adhærerent. Planè post  
Concilium Pisanum, Neapolitanum & Siciliæ Regna, Romandio-  
la, Ducesque Bavarix, ac plurimi Germaniæ Episcopi Gregorio  
adhæsere, neque is alligari se voto credebatur, quod de Pontificatu  
abdicando emiserat; quippe cum id votum conditionatum esset,  
si videlicet Petrus de Luna idipsum præstaret; hoc quippe digni-  
tatem retinente, nec pax Ecclesiæ obtineri poterat, nec Schisma  
extingui, cum Regna, Provinciæque non paucæ Benedicto pare-  
rent, Arragonia videlicet, Navarra, Castellæ, Scotia, Baleares, Cor-  
fica, Sardinia, aliæque, & Eugenius IV. in apologia (b) fateretur,  
Obedientias Gregorij & Benedicti fuisse non modicam Christianitatis  
partem. Idque apertè Petrus de Alliaco Episcopus Cameracensis  
professus est, qui sedente Constantiensi Concilio librum scripsit  
de Ecclesiæ & Cardinalium potestate; is enim primam conclu-  
sionem his verbis expressit: (c) *Licet Concilium Pisanum fuerit legiti-  
mè ac canonicè celebratum, & duo olim contententes de Papatu justè & cano-  
nicè condemnati, & electio Alexandri V. fuerit ritè ac canonicè facta, prout hac  
omnia*

(a) S. Antonin. 3. p. Tit. 22. c. 5. §. 2. & c. 6. §. 2.

(b) V. epist. Archiepisc. Narb. in M. S. Regesto Concil. Schelstratte in  
Actis Concil. Const. fol. 51. Eugen. IV. in Apolog. contra Basilicen-  
ses. Turrecr. lib. de Eccles.

(c) Petrus Alliac. in Conclusionib. à Philippo Labbeo editis, & in Ap-  
pendicem Concil. Constant. rejectis.

omnia tenet Obedientia Domini nostri Papa Johannis XXIII. tamen duæ Obedientia duorum contendentium probabiliter tenent contrarium, in qua opinio-  
num diversa & adversa varietate non sunt minores difficultates Juris & facti,  
quàm ante Concilium Pisani erat de Justitia duorum contendentium. Hæc  
Alliaci confessio doctrinâ clarissimi, quique eodem tempore scri-  
bebat, rerum, quæ in Concilio fiebant scientissimus, tantò pluris  
esse debet, quòd ipse à Joanne XXIII. purpuram accepisset, ejus-  
que partes teneret; sicque non tam odio aut partium studijs, quàm  
rei veritate ad hæc scribenda permotus credi debeat. Et re ipsâ  
Concilium Constantiense hanc Alliaci sententiam amplexum est,  
approbavitque. Cùm enim Anno 1415. die 4. Januarij Joannes  
Dominicus Cardinalis & Nuntius Gregorij XII. in Concilio com-  
paruissent, cæptum est à Patribus disceptari, an cum purpura & in-  
signibus Cardinalis admittendus esset? multis abnuentibus, cense-  
bant alij admitti eum debere, inter quos Alliacensis Cardinalis  
præcipuus, cujus etiam sententia prævaluit, & Gregorij Legatus ga-  
lero purpureo insignis magnoque apparatu in Constantiam inve-  
ctus est. Audi Acta Concilij ex duobus MM. SS. Codicibus Bi-  
bliothecæ (a) Viëtorinæ, Maimbùrgo sæpe & vehementer lauda-  
tis. Alij asseruerunt, Licentiam fratri Joanni Dominici concedendam cum  
capello rubeo ingrediendi: & hujus sententia fuit R. D. Petrus Cardinalis  
Cameracensis, & quidam alij, die namque 22. Januarij, D. Frater Jo-  
annes Dominici Tituli S. Marci Presbyter Cardinalis Ragusinus, ut Cardi-  
nalis & cum Capello rubeo medius inter Dominos Ducem Bavaria & Du-  
cem Briega sequentibus Dominis Wormatiensi, Spirensi, & Wërdensi Epi-  
scopis in Obedientia dicti Gregorij persistentibus, qui omnes prædicti Legatus  
Gregorij extra Constantiam obviavere, & Civitatem Constantia sunt in-  
gressi &c. Nota Episcopum Ragusinum à Concilio Pisano, &  
ab Alexandro V. & Joanne XXIII. nunquam pro Cardinali  
agnitum esse, sed Patres Constantienses rationibus Petri Allia-  
censis permoti eum pro tali recepere, sicque ipso facto professi  
sunt, jura Gregorij non adeò projecta esse & conclamata, ut su-  
stineri pro vero Pontifice non posset; si enim certum erat Grego-  
rium Pontificem non esse: ergo æquè certum, non esse veros Car-  
dinales, quos ipse purpurâ induisset, cur ergo pro talibus habiti, ad-  
missi-

(a) Regest. Concil. Constant. ex duobus MM. SS. Bibliothecæ S. Viëtoris,

missique? Idem Episcopus Ragusinus, cum Gregorij XII. insignia Pontificia adibus suis appendisset, & propterea ingens inter Patres certamen accensum esset, eorum præsertim, qui Joannis partes sequebantur; die 20. Novembris collectis in Concilio Patribus certatum diu est, pugnantis Antistitem votis, tandem prævaluit sententia negantium tolerari insignia Pontificia deberi, nisi ipse Gregorius coram præsensque adesset; in hoc ergo omnium vota convenire, ipsi Gregorio permitti posse, si adesset, ut insignibus uteretur Pontificæ dignitatis: non ergo certum erat, Pontificem non esse; quomodo enim in tam sacro senatu permetterent Gregorium Mimum agere, & in ludibrium supremæ potestatis, ipsoque Joanne Pontifice coram tiaram ostentare alteri raptam? Audi ipsius Concilij tabulas: (a) *Alij verò asserébant supradicta arma in locis prædictis in Obedientia Domini Nostri Joannis XXIII. constitutis assignari non potuisse, & per consequens, ex quo deleta fuerant, reponi non debere, & hujus sententia fuit D. Patriarcha Gradenfis, & alij, cui plures, quàm alteri sententia adheserunt dicentes, nisi Angelus Corvario personaliter veniret, ipsius arma ibidem non debere depingi.* Sed nihil æquè ostendit, Patres Concilij Constantensis Decreta Pisani Concilij, & Gregorij abdicationem, ac electionem Alexandri, & Joannis, pro dubijs, incertisque habuisse, quàm quæ sessione 14. peracta sunt, in qua cum Gregorius non prius Papatu cedere vellet, quàm ut Joannis XXIII. tanquam Pontificis mentio nulla fieret, ut Sigismundus Imperator auctoritate & delegatione Gregorij Concilio præsideret, ut ipsum Concilium tanquam prius non ritè congregatum, iterum suâ auctoritate convocaretur, & confirmaretur, quod etiam à Cardinali Ragusino nomine Gregorij factum est, & sic tandem ipse Gregorius Pontificatu cessit. Tantum verò abest, Gregorium à Concilio pro pseudo-Pontifice habitum esse, aut pro Schismaticis, qui eum venerabantur; ut semper, quoties Gregorij mentio incidebat, tanquam de dubio Pontifice loqueretur, & hanc formulam adhiberet, causam quidem, sed tamen venerationi mixtam, videlicet: *Ille Dominus, qui in sua Obedientia dicitur Gregorius XII.* Et cum Resignationem, & alia Gregorij postulata admisit, his verbis usum est: (b) *Dictam Convocat-*

(a) Regest. Actorum Constant. ex MM. SS. codd. Biblioth. S. Victoris apud. doctiss. Schelltraut. in Tract. de sensu & auctoritate Decretorum Concilij Constant. fol. 153.

(b) Session. 14.

cationem, Auctorizationem, & Confirmationem, in quantum ad Gregorium pertinet, & attinet, eis admiserunt. Quibus verbis omnino Patres significant, Gregorium pro dubio saltem Pontifice sustineri potuisse; alioquin si illum pro certo & notorio Pseudopontifice, & temerario Invasore sacrae Sedis haberent, quâ ratione, immò quâ conscientia permitterent, ut Concilium indiceret, confirmaret, novum Praesidem deligeret, & denique abdicaret se potestate, quam non habebat? Planè fuisset hæc indulgentia & simulatio, tam sacro, amploque senatu plus quàm indigna. Maimburgus quidem in libro (a) de Magno Schismate Occidentis hæc omnia pro lusu & scena habet, Patribus id Gregorio indulgentibus: *Ut Synagogam suam cum apparatu pompâq, funeraret, inani quidem solatio, sed tamen innoxio.* Ceterùm alias oportet esse curas, & cogitationes hominis privati imbutique politicorum principiis, ac utilia tantùm, non honesta, aut decora spectantis: alias Concilij Oecumenici tot Purpuratorum, Antistitum, Principumque affluxu insignis, & nihil indignum quovis obtentu admissuri. Ac deinde prudentum judicio reliquerim, majorem Maimburgo fidem habere velint, post duo sæcula, & ex suo scribenti, quàm Petro Alliacensi Cardinali & Archiepiscopo Cameracensi, qui quæ Concilio aderat, & omnia coram spectabat, Joanni XXIII. à quo Purpuram induerat, alioquin addictissimus; is verò in Conclusionibus Anno 1415. post primam Sessionem mense Februarii Patribus Concilij oblati, honores Gregorio oblatos non vanæ ostentationi, inani quæ fabulæ tribuit, sed quòd *dua Obedientia Gregorij & Benedicti istos probabilitè pro Pontificibus tenerent, in qua opinionum diversa & adversa varietate non essent minores difficultates juris & facti, quàm ante Concilium Pisani erant.* (b) Honores ergo à Patribus Gregorio exhibiti non vanæ fabulæ dati, ut Maimburgo visum, sed Gregorij rationibus suum Pontificatum multis facti & juris fundamentis, ac auctoritatum auctoritate fulcientis. Nec dubium est, eadem ratione, iisdem honoribus Benedictum XIII. à Concilio afficiendum fuisse, si modò æquè animum paci adjecisset; nam & ejus Pontificatum probabilem reddebant, cum tot Regnorum, Principumque auctoritas, qui ejus partes sequebantur: tum etiam quamplures juris factique rationes, quas ipse septem horarum spatio, quibus

O o o

per-

(a) Maimb. histor. du grand Schif d'Occid. l. 5. f. 309.

(b) Ex Gestis Constant. Concil. in 4. MM. SS. &amp; Append. ejusdem Synodi Edit. Parisi apud Labb. Tom. XI. Concil.

petoravit in Conventu Perpiniani habito, tantâ eloquentiâ persecutus est, ut attonitos, defixosque redderet Auditores: nec minimum pondus ejus causæ addebat duorum fratrum sanctitas, Vincentij videlicet, & Bonifacij Ferrerij, Benedicto etiam post Pisanum Concilium additi. Et denique Johannes Gerson, (a) cujus auctoritatem tantopere & ubique contra Pontifices Maimburgus deprædicat, in tractatu de modo se habendi tempore Schismatis hæc habet: *In Schismate præsentis tam dubio, temerarium, injuriosum & scandalosum est asserere, omnes tenentes istam partem vel alteram esse extra statum salutis, vel excommunicatos, vel rationabiliter de schismate suspectos. Et infra: Tota ratio fundatur in hoc, quod nunquam fuit tam rationabilis & vehemens causa dubitationis in aliquo Schismate, sicut in isto, cujus signum evidens est varietas opinionum Doctorum, & inter doctissimos & probatissimos ex utraque parte &c. Potest ergo illud dici rationabiliter dubitabile, quod plurimi & maxime sapientes dubitabile reputant & prædicant &c.*

Quæ doctrina & ratiocinatio Gersonis etiam post Concilium Pisanum locum habuit; nam etiam post illud fuit varietas opinionum Doctorum inter doctissimos & probatissimos, ut enim de solo Benedicto XIII. loquar, cujus Obedientia multò alijs inferior minorq; , etiam post Pisanum Concilium, à quo depositus est, ei Regna Scotiæ, Navaræ, Castellæ, Aragoniæ, Sardiniaq; adhæserunt, inter quos S. Vincentius Ferrerius, qui novem post Pisanum Concilium annis constanter Benedicto adhæsit, nullo Sanctitatis suæ damno, quod etiam fatetur Maimburgus. (b) Non ergo constabat Concilium Pisanum Oecumenicum esse, & Alexandrum in Concilio electum, ejusque successores veros Pontifices; alioquin non sanctus, sed Ethnicus & Publicanus, qui nollet Ecclesiam audire, veroque ac legitimo Pontifici parere. Utque irrefragabili testimonio omnia concludam, id ipsum tres nationes, Gallica, Hispanica & Italica cum Collegio Cardinalium professæ sunt, hoc est, major saniorq; Concilij pars, quando in protestatione contra Germanicam Nationem edita, & in qua petebatur, ut omisso interim Reformationis articulo ad electionem procederetur indubitati Pontificis, ita loquuntur: (c) *Ecclesia in periculo remaneret, quia vix aut nunquam Summus Pontifex*

(a) Joann. Gerson. 1. part. operum.

(b) Maimb. du Grand. Schism. d' Occident lib. 5. fol. 453.

(c) Protestatio trium Nationum in Concilio Constantiensi post Session. 38.  
ex Gestis Concilij in 4. MM. SS. codd. apud Schellstratt. fol. 6.



*papae* indubiatum posset haberi, quia vix congregaretur indubitatum Concilium deficiente Capite, ad quod pertinet convocare. En, fatentur Patres Constantienses, nec Pisanum, nec aliud Concilium certum esse posse sub incerto Pontifice. Hæc omnia eò pertinent, ut ostendam auctoritatem Concilij Pisani tot Principum, Regum, Antistitum, Sanctorum, ipsiusque Concilij Constantiensis opinione nullo modo certam, & indubiam fuisse, ideoque à quamplurimis mortalium sine Scismatis nota Benedictum & Gregorium pro veris Pontificibus agnitos, quod etiam Maimburgus nunquam sibi constans profiteri compulsus est, quando in libro de magno Schismate Occidentis scribit: (a) *Eorum sententiam, qui Benedictum pro vero Pontifice agnoscebant, probabilem fuisse (quamvis contraria magis probabilis esset) & ideo viros sanctitate, doctrinâ, & dignitate præcipuos potuisse illam securâ conscientia amplecti.* Si ergo teste Maimburgo hæc propositio: *Benedictus est verus Papa*; erat probabilis, ergo ejus opposita, videlicet, *Benedictus non est verus Papa*, non erat certa, quod enim est certum, excludit contrariæ sententiæ omnem probabilitatem; quemadmodum quia hæc propositio, *nix est alba*, est certa; ejus opposita videlicet, *nix non est alba*, omnino non est probabilis: sequitur ergo Benedictum & Gregorium fuisse probabiliter veros Pontifices, & consequenter auctoritatem Concilij Pisani, quod utrumque deposuerat, ex Principijs Maimburgi, nullo modo certam, sed dubiam fuisse, quod probare susceperam. Erravit ergo Maimburgus, quando indubias & evidentes veritates Lectori pollicitus, dubias, incertasque supposuit.

III. *Secundo.* Demus tamen Concilio Pisano omnem auctoritatem, quam Maimburgus optat, etiam quam non habuit, adhuc tamen certum est, nihil pro Maimburgo, ejusque sententia facere. Duo enim quæri possunt, *Primo*, an Concilij Oecumenici auctoritas sit major auctoritate Pontificis Schismatici, Hæretici, dubijque; aded ut talis Pontifex à Concilio judicari possit, deponique? *Secundo*, an Concilij Oecumenici auctoritas sit major auctoritate Pontificis Catholici legitimi & certi? De hoc secundo tota quæstio & controversia inter nos est, de hoc propositiones Parisienses loquuntur, hoc Maimburgus probandum susceperat, hoc probandum ergo erat. At Concilium Pisanum nihil penitus loquitur de hoc secundo,

O o o 2

sed

(a) Maimb. hist. du Grand. Schism. d' Occident lib. 6. fol. 379. ad Annum 1415.

sed de primo tantum, de quo nulla dubitatio, nulla controversia est; quæ ergo nova hæc disputandi, demonstrandi que methodus, probare jam alias certa & concessa, non probare negata? quærimus de Pontifice certo, Maimburgus probat de Pontifice dubio: quærimus de Pontifice Catholico, probat de hæretico: perinde, ac si iter Romam quærenti, alter Constantinopolim monstraret. Nihil ergo ad rem faciunt, quæ disputat, & ut dici solet, toto ostio aberrat. Id autem quàm verum sit, hoc est, Concilium Pisanum loqui solum de Pontifice dubio, Schismatico & hæretico, ex jam dicendis intellige.

Certum igitur est, quo tempore Concilium Pisanum celebratum est, in eo que Gregorius & Benedictus depositi, nullum certum Pontificem extitisse, sed ob infinitas & contrarias juris & facti rationes vehementer dubitatum esse, utri Pontificum parendum esset, toto Christiano Orbe in duas factiones diviso; nam Italia cum suis Insulis, Germania, Bohemia, Hungaria, Polonia, Anglia que Gregorio parebant, Gallia verò, Hispania, Scotia cum subjectis Insulis Benedicto. Hæc verò incertitudo, uter ex duobus Pontifex esset, tanta fuit, ut Universitates Parisiensis & Bononiensis eam inextricabilem vocaverint, sic enim in Conclusionibus Concilio porrectis loquuntur: *(a) Quinta conclusio, stante dubio inextricabili Papatus propter dubium facti & juris, ne in subversionem fidei Ecclesia sic maneat perpetuo divisa cum tanto scandalo & animarum perditione; provisio spectat ad Concilium, ut utrumque, cu non cedentibus possit à Papatu eijcere.* In quibus verbis duo observa: unum, fateri Parisiensem Universitatem, inextricabile dubium fuisse, quis ex duobus verus esset & legitimus Pontifex, sicque casum & quæstionem, quæ tunc temporis in Universitate Concilio que vertebatur, non eam fuisse, de qua modò disputamus, videlicet de vero & indubitato, sed de dubio Pontifice; ut proinde, quæ de uno casu decisa in Concilio & Universitate sunt, malè ad alium casum adeò diversum applicentur. Alterum verò, quod in ijs verbis observari oportet, est, utramque Universitatem, Bononiensem videlicet & Parisiensem, potestatem Concilij de Pontifice exauctorando

(a) Conclusiones Universit. Paris. & Bonon. ex Gobel. Paderb. Off. & habentur inter acta Conc. Pisan. apud Bin. T. 3. Conc. p. 2. & Lucam d' Acher. Tom. 6. spicil.

rando expressè ad solum casum dubij Pontificis restringere; sic enim loquitur: *Stante dubio Papatus inextricabili, provisio spectat ad Concilium.* Si ergo nullum sit dubium, provisio non pertinebit ad Concilium; si enim absolutè, ac etiam omni dubio remoto posset de Pontifice Concilium providere, cur restringeret ad solum casum Pontificis dubij? Certum igitur & indubitatum est, Concilium Pisanum agere, & decidere de alio omnino casu, quàm ille sit, de quo nos disputamus; illud enim de dubio Pontifice, nos de indubitato, certoque loquimur. Imò quod majus est, Patres Concilij Pisani velut trepidarent etiam in dubios, incertosque Pontifices sententiam dicere, illud omni studio conati sunt, ut aliam causam, magisque certam inquirerent Pontificem deponendi, hæresin videlicet, quæ unica causa est, ob quam Pontificis dignitate suâ excidunt; & ideò in omnibus sessionibus, citationibus & sententijs in duos Pontifices latis, hanc causam eos deponendi obtinent: *Quòd videlicet essent notorij Schismatici, necnon notorij hæretici, & à fide devij;* credebant enim remotâ hæresi, ne quidem judicari illos à Concilio, multò minùs deponi posse. Id ita esse, ex singulis sessionibus hujus Concilij patet, quas breviter percurram. Nam sess. 3. hæc habentur: *Declaratio ad Decretum latum contra duos contendentes de Papatu ob contumaciam ipsorum in causa fidei, & schismatis contumacia.* Et infrà. *Sancta Synodus Dominos Petrum de Luna, & Angelum Corario de Papatu contendentes, & quantum in eis est, Ecclesiam DEI in notorio schismate tenentes, & proclamatos in causa Schismatis & fidei ad hoc præsens & sacrum Concilium.* Et sess. 9. *Insuper sacra Synodus ex causis, quibus suprâ pronuntiavit, statuit, & decrevit, præfatos contendentes de Papatu in præsentì causa Schismatis & fidei contumaces fore &c.* Et infrà. *Item eadem sacrosancta Synodus in favorem fidei, & Schismatis extirpandi &c.* Et sess. 13. in oratione Magistri Petri Plaust: *Et postmodum posuit opinionem Universitatis Parisiensis, videlicet, quòd Petrus de Luna est Schismaticus, pertinax, & hæreticus, etiam accipiendo hæresim propriè strictè, & præcisè ab Ecclesia DEI &c.* Idem habetur sess. 14. & sess. 15. ubi recitatur sententia in Benedictum & Gregorium à Concilio dicta: *Christi nomine invocato sancta & Universalis Synodus declarat &c. Utroque fuisse, & esse notorios Schismaticos, & antiqui Schismatis nutritores, necnon notorios hæreticos, & à fide devios.* Et in prima conclusione Parisiensis & Bononiensis Universitatum: *Uterq; de Papatu contendentes ex debito Pastoralis officij veri vel præfensi stante Schismate tam inveterato tenentur &*

debet credere, ex quo propter dubia juris & facti super Papatu aliter dari non potest unio & pax in Ecclesia DEI &c. Et in 3. conclusione. Papa stante tali Schismate vertimaciter resistendo incurrit crimen notorium, propter quod subijciatur provisioni Concilij, & ultra hoc concluditur Schismatis nutritor & fautor, cujus obstinatione & vetustate descenditur in hæresim, & fides leditur, cujus provisio pertinet ad Concilium. Hactenus Acta Concilij, ex quibus aperte intelligas Concilium semper loqui de dubio Pontifice, hæresisque comperto, & Schismatis tempore, & ideo semper hæc à Patribus repeti; sollicitis quippe, ne de alio quàm Schismatis casu, aut alio Pontifice, quàm dubio incertoque intelligerentur. Eandemque Universitatis Parisiensis doctrinam & cautelam fuisse, suas Conclusiones ad casum Schismatis restringentis. Nec enim epistolam ignorabant Adriani II. in octava Synodo lectam approbatamque; act. 7. ubi inter alia hæc habet: *Romanum Pontificem de omnium Ecclesiarum Prasulibus judicasse legimus, de eo verò quemquam judicasse non legimus. Licet enim Honorio ab Orientalibus anathema dictum sit, sciendum tamen est, quia fuerat super hæresi accusatus, propter quam solum licitum est minoribus Maiorum suorum moribus resistere.* Vides Adrianum ne Concilio quidem Oecumenico permittere (hoc enim Honorio anathema dixerat) ut extra casum hæresis Pontificem judicet, neque Concilium Oecumenicum octavum contradixit; sed potius summis laudibus eam epistolam extulit. Paret ergo, Concilij Pisani mentem, doctrinam & decreta, ad solum Schismatis & hæresis casum pertinere, de quo alibi actum.


IV. Sed excusari Maimburgus utcumque posset, quippe aut statum quaestionis, de qua nunc agimus, aut Concilij mentem & verba non satis observavit: illud verò quale est, quodd in suo Traactu historico de Prærogativis Eccles. Romanæ cap. 21. fol. 148. prope initium hæc habet: *Petrus Plaustunus ex Universitatis Parisiensis deputatus longâ, doctâque oratione, quamin pleno Patrum confesso peroravit, multum rationibus Ecclesia Universalis, & consequenter Concilij, quod eam repræsentat, auctoritatem Pontificia auctoritati præstare ostendit, addiditque, hanc esse Parisiensis, & omnium Gallia Universitatum sententiam.* Sed quàm à veritate hoc sit alienum, facile ex verbis actisque Concilij intelliges, quæ aliud omnino exhibent, quæque non potuit ignorare Maimburgus: sic ergo habent: (a) *Decima tertia sessio sui die Mercurij, die 29 Maij, in qua*  
*post*

(a) Acta Pisana ex editione Lucæ d' Acher sess. 13. & Philippi Labb. edit. Paris.

post Missam & Litanias Magister Petrus Plaust pro Universitate Parisiensi dixit, opinionem Universitatis esse, istos duos contendentes debere reputari Schismaticos, & hereticos pertinaces, firmans auctoritatem Concilij ad decidendam hanc causam, & declarandum, eos esse ab Ecclesia praeisos & abjectos &c. Postea in medio: Unus Episcopus Italicus dictus Novariensis legi quendam schedulam facientem mentionem; qualiter secundum ordinationem Dominorum Cardinalium per D. Cardinalem Mediolanensem fuerunt simul congregati omnes Magistri in Theologia & Licentiat, qui ad dictum Concilium de multis partibus & Universitatibus convenerunt, & inter eos fuerit habita plena deliberatio super ista materia, & postea in eandem opinionem convenerant, & concordēs fuerunt, videlicet, quod dictos contendentes tenent Schismaticos &c. Vides quàm alia sit Parisiensis aliarumque Universitatum sententia, ab ea, quàm illis attribuit Maimburgus; non enim dicunt: Concilia esse supra Pontificem, ut ille mirâ fiduciâ scribit: Sed Benedictum & Gregorium pro schismaticis & hereticis habendos, & Concilium esse in hac causa cognoscenda iudicem.

Quod toto Cælo divertum est, ut patet; nunc reliqua  
videamus;





## §. XVII.

*Respondetur ad auctoritatem Concilij Constantiensis.*

## SUMMARI A.

1. *Exhibentur Concilij Constantiensis Acta suis temporibus distincta.*
2. *Patres Constantienses circa auctoritatem Concilij in quinque sententias divisi, quarum ultima & pejor, ac votis infrequentiore Johannis Gersonis.*
3. *Octo argumentis invictisq; ostenditur, Decreta 4. & 5. Sessionum necessario examine ac deliberatione caruisse, nec posse dici conciliariter facta.*
4. *Eadem Decreta ne in ipso quidem Constantiensi Concilio, nec à Patribus pro Decretis Oecumenici Concilij habita esse, testimonijs gravissimorum auctorum, qui Concilio intererant, ac etiam Gallorum alijs novem argumentis demonstratur.*
5. *Sed nec præfata 4. & 5. Sessionum Decreta à Martino V. Pontifice Max. esse confirmata.*
6. *Imò Concilium Constantiense pro nobis esse, quatuor argumentis incitur.*



## I.

Auctoritate Concilij Constantiensis nimium quantum sibi Maimburgus blanditur, in eoque spem victoriæ reponit, ac doctissimam Canonici Schelstrate de hoc argumento dissertationem aliquot capitulis incescit, triumphantius potiùs, quàm pugnantius similis; nam & hanc quoque inter alias habet scribendi formulas, ut victoriam canat, etiam dum cadit.

cadit. Ut ergo Constantiensis Concilij mentem, ac sententiam plenè intelligas, tria hoc paragrapho exequar. Primùm seriem & acta Constantiensis Concilij per sua tempora distinguam. Secundò Constantiense Concilium à nobis stare demonstrabo. Tertiò ad ea, quæ Maimburgus objectat, respondebo.

Acta ergo Constantiensis Concilij quod attinet, ea ex suis principijs deducta sic habent. Anno MCCCV. post longum Purpuratorum certamen Clemens V. Archiepiscopus Burdigalensis Gallus in Pontificem eligitur, operâ præsertim Cardinalis Pratenfis, & Philippi Pulchri Galliz Regis, cum quo secretæ pactioes. Is Apostolicam Sedem Avenionem in Gallias transtulit, hæsitque septuaginta & supra annos sub varijs Pontificibus, videlicet, Clemente V. Joanne XXI. Benedicto X. alijs XII. Clemente VI. Innocentio VI. Urbano V. Gregorio XI. Creditur Clemens Sedem in Gallijs ex arcanis pactis fixisse. Sexta enim Philippi postulatio, cum de Pontificatu transigerent, his verbis concepta fuit: (a) *Sextam gratiam mihi reservo, exprimendam loco & tempore suo, arduam & magnam.*

Anno MCCCLXXVII. Gregorius XI. Galliam relinquit, reditq; in Urbem. Persuaserunt Gregorium, ut rediret, sanctarum Brigitar & Catharinæ preces & Oracula, Italiæ Legationes, præsertim verò calamitates ac bella, quæ illam ferè consumpserant; sed vix annus effluxit, cum Gallias iterum cogitantem mors occupavit. Successit Cardinalium electione Archiepiscopus Barenfis, qui Urbanus VI. appellatus est: hic cum inconsulto impetu Ecclesiasticorum morbos aggreditur, & initia medendi à ferro, flammaque incipit, omnium à se animos avertit, Gallorum præsertim, qui Fundos secedunt, & Cardinalem Gebennensem Pontificem adversus Urbanum renuntiant Clementis VII. nomine. Honestus titulus Schismati quæsitus, quòd videlicet prior Urbani electio metu, minisque Populi Romani extorta fuisset, Cardinales, nisi Italum aut Romanum eligerent, ad mortem exposcentis. Sed, ut monui, prætextus hic erat; præterquam enim, quòd etiam ante popularem tumultum in Archiepiscopum Barensem convenissent, quippe ex sexdecim purpuratis (inter quos undecim Galli, Itali quatuor, unusque Hispanus) cum Itali, Galli que nollent Papam Lemovicensem, & Lemovicenses peren-

P p p

nare



nare sibi tiam vellent, jam quatuor suæ gentis Pontificibus superbi; tandem in Barensem plerique convenère, idque Gebennensis Cardinalis, postea Clemens appellatus, Marino Episcopo Cassanensi omnium arcanorum conscio aperuit, & hic palam deposuit: verba Gebennensis inter alia hæc fuere: (a) *Nunquam isti traditores Lemovicenses tam potentes erunt, quin pro ista vice nos habebimus Italicum Papam. Per hæc sancta DEI Evangelia nunquam habebimus alium Papam, quam Archiepiscopum Barensem, aut alium, quem ad præsens nolo tibi indicare. Ipse Cardinalis S. Petri vir integerrimus, & neutri factioni addictus, & cui reluctanti, placendoq; Populo Papatûs insignia injecta sunt; cum mors immineret, publicis tabulis professus est: (b) *Se à Gallis prius quam Conclave ingrederentur, rogatum esse, ut suffragia pro Barensi sociarent. Patet ergo jam ante Populi tumultum, metumque incertum, in Urbanum VI. conspiratum esse, non ergo metus extorsit, quod merum præcessit. Nec metus injectus à Populo fuerat, ut Italum, sed Romanum eligerent, quamvis Italum aut Romanum prius postulassent. Audi verba unius ex Populi signiferis sic ad Conclavis fenestram Cardinales alloquentis: (c) *Scitis Domini mei, quid in introitu Conclavis multi clamaverunt rogantes vos, quid eis daretis Italicum, vel Romanum; nunc autem pro parte totius Populi sum missus, & vobis eorum pro parte notifico, quod solum volunt eis dari Romanum, nec essent contenti de Italico; viment enim, ne sub aliqua conventionione secreta, inter vos & aliquam Italicum non Romanum, ipse reduceret Curiam Avenionem. Et post aliqua: Placeat Deo, quod nobis detis Romanum, alioquin procul dubio sentietis. Idque non intra minas stetit, sed in facta prorupit: cum enim audissent Barensem, qui Romanus non erat, electum esse; eum occultissimis latebris abditum, & electores Cardinales ad necem quæsierunt; qui tamen inter tumultus elapsi protestati sunt, se millies potius mortem subituros, quam ut Romanum, aliumque præter Barensem eligerent. Audi ex actishujus Schismatis Abbatis Sistrensis depositionem: (d) *Propter quod (Cardinalem vid. S. Petri, qui Romanus erat, electum non esse) tota Civitas concurret ad arma, & circumeuntes Palatium minabantur interficere Cardinales; quorum auditis minis aliqui de****

(a) Depositi Episcopi Cassanensis in actis Schism. Tom. 2. p. 38. & 67. & 4. p. 63. 64. & 78. v. Rayn. ad Ann. 1378. n. 2.

(b) Extat Tom. 2. de Schism. p. 38.

(c) Ex actis Schism. Tom. 2. p. 82. Depositi Abbatis Sistrensis.

(d) Depositi Abbatis Sistrensis Tom. 7. de Schism. p. 82.

ipsis Domini fregerunt solarium Conclavis, & per posticum credentes aufugere finaliter capti sunt à populo, & cum magnis pressuris & opprobrijs reducti sunt in Conclave, territi per populum, quòd nisi eligerent Romanum, erant mortem nullatenus evasuri. Et infrà: Et istis quatuor manifestàrunt Domini Cardinales electionem Archiepiscopi Barenfis, dicentes ei, quòd Populus bene posset eos interficere omnes, sed non habere Romanum pro ista vice. Et Episcopus Tuderinus in sua depositione: (a) Ipsi verò recedentibus, ego dixi Domino Nostro: (Urbano videlicet) Audistis quid dixerunt illi? & ille dixit, quid dixerunt? & ego recitavi sibi verba dicta per eos: & ipse dixit: non cognoscunt me bene, si tenerent mille spathas ad collum meum, non renuntiarem. Constat ergo, sponte Cardinales Neapolitanum elegisse, populo Romanum flagitante. Sed quod omnia superat, cessante jam metu, pacatisque omnibus, & summâ pace compositis, Cardinales tres ferè menses Romæ hæserunt, ab ijs Urbanus throno impositus, tiarâ redimitus, cultusque omni veneratione est; illi sacris operanti, senatumque agenti, & de gravissimis negotijs consultanti adstiterè, quodque omnia superat, datis tum privatis, tum publicis ac nomine totius Collegij ad Principes litteris Urbanum verum esse Pontificem professi sunt, quod etiam ipse Maimburgus fatetur, (b) alijque gravissimi Auctores. Imò Cardinales absentes, qui utique metu tangi non poterant, aut per litteras (c) (sex videlicet, qui Avenione morabantur) aut coram, ut Cardinalis Ambianensis, præcipuus postea discordiarum follis, Urbanum venerati sunt. Imò in Conventu Episcoporum Parisijs habito, cui Archi-Episcopi sex, Episcopi triginta, & quàmplurimi alij Doctores, Prælatique assederunt, decretum fuit, testimonijs Cardinalium, qui Urbanum reiciebant, sequè ipsos mendacij damnabant, standum non esse; à qua postea sententia, ut notat Æmilius (d) in alio minùsque frequenti Conventu recessum est. Et verò qui crederes Cardinalibus illis, qui odio Urbani flagrabant, qui se hostes illius profitebantur, qui Clementem novâ electione promoverant, eique se juramento addixerant, qui que se ipsos mendacij & perjurij arguebant, ob electum, coronatum promulgatumque Principibus, & trimestri obsequio adora-

P p p 2 tum

(a) Tom. 2. Schism. p. 43.

(b) Maimb. Grand. Schism. d' Occid. lib. 1. fol. 57. ex Cod. S. Victor. Paris. Frossard. in Chron. Walsing. in Rich. Æmil. in Carolo V.

(c) Extant litteræ Tom. 2. Schism. p. 32.

(d) Paulus Æmilius in Carolo V.

tum Urbanum? quis vel in profano Tribunali, minimique pretij causâ testem admitteret tot labibus inquinatum? & metus, qui obiectabatur, aut idoneis testibus probari poterat, aut non poterat? si non poterat, vicit Urbanus: si poterat, certè Cardinales, ut ostendi, idonei testes non erant. Planè electio Urbani, si non certa, at saltem dubia erat; ergo donec probaretur contrarium, possessioni suæ relinquendus; alioquin semper, & cùm libuerit, promptum erit Schismate Ecclesiam turbare, & novum Pontificem jam aliàs electo opponere, quæsito videlicet aliquo crimine, obiectoque electioni, & non probato, & tunc demum ad alia vota procedendum; præsertim cùm Urbanus Concilium Oecumenicum offerret, in quo & sua, & æmuli jura promerentur, relictâ Patribus sententiâ, uter præferendus; nam quamvis longum esset Concilij remedium, at aliud non supererat, & multò longius pejusque Schismatis malum, quod Ecclesiam quinquaginta ferè annorum morâ, & innumeris calamitatibus afflixit; at Clemens ei que addicti Cardinales oblatum Concilium respuerunt (a) manifesto indicio malæ causæ semper Judicem formidantis. Cæterùm neque illud negari potest, Urbani peracerbum & immite ingenium, ac præmaturum Zelum non quidem causam Schismatis, sed occasionem dedisse: nam cùm sopire ante vulnus ægros oporteret, ne ferrum sentirent aut recusarent, excitabat potius admonebatque doloris inclementibus modis: perinde ac si cruciati magis, quàm curâ gauderet; hinc omnium aversi animi, ac vindictâ flagrantés, intentique privatis odijs satiandis. Hæc occasione Schismatis duxi memoranda, & præsertim quia Maimburgus in libro (b) de magno Schismate pro Clemente multa disseruit. Cæterùm utcunque res habuerit, certum est ex Clementis electione diuturnum obstinatumque Schisma natum esse, quo nullum magis diutiusque Ecclesiam concussi; nec ante mortem Benedicti XIII. hoc est annos novem & quadraginta extinctum est, incerto Orbe Christiano, cui capiti obsequeretur. Successerunt Urbano Bonifacius IX. Innocentius VII. Gregorius XII. Alexander V. & Johannes XXIII. Clementi verò Benedictus XIII.

Anno

(a) V. Tom. 2. de Schism. p. 36. & Tom. 16. p. 12. & Raynald. ad Annum 1378. n. 42. & seqq.

(b) Lib. 1. à fol. 105.

Anno MCCCXCIII. Benedictus, qui Clementi successerat, primò in Conclavi, deinde post electionem solemnì sejuramento obstringit de abijcienda tiara, si & quoties id publicæ pacis intersit; Idem à Gregorio XII. qui Innocentium excepit, juratum est. Eâ tamen conditione, si Benedictus cederet.

Anno MCCCCIX. Cùm uterque Pontificum cessionem æmulè exspectaret, & ita obstinatè throno hærent, neutro primam aleam jaciente; Cardinales Pisam conveniunt, collectâque ibi Synodo Benedictum & Gregorium deponunt, substituuntq; Alexandrum. Causam utrumque deponendi, eligendiq; Alexandrum Parisiensis & Bononiensis Universitates his verbis expressere: *Quia stante dubio inextricabili Papatus propter dubia facti & juris, provisio spectat ad Concilium.* Et Patres Concilij Pisani: (a) *Visis & diligenter inspectis omnibus & singulis productis, probatis & agitis, habitâq; prius inter se ipsos, & demùm cum copiosa multitudine Magistrorum in sacra Theologia, atq; utriusq; Juris Doctorum pluries diligentè collatione, tandem deliberatione maturâ in prædictos tanquam de Papatu colludentes, Schismaticos & veros hæreticos sententiam Depositionis pronuntiat.* Ubi vides sententiam in hæreticos & dubios Pontifices ferri, sicque penitè nihil obstare sententiæ nostræ, qui de Catholico tantùm, certoque Pontifice loquimur. Cæterùm electione Alexandri invaluit potiùs Schisma, non extinctum est; Benedicto & Gregorio firmiter throno hærentibus, & multorum Regum, Principumque, imò sanctorum ope ac obedientiâ subnixis, unde patet modicam apud Catholicos hujus Concilij reverentiam fuisse.

Anno MCCCCX. Moritur Alexander, eiq; Balthasar Cossa Legatus Bononiensis, postea Johannes XXIII. appellatus sufficitur, is auctoritate Sigismundi Romanorum Imperatoris (cujus potentiâ indigebat) aut victus, aut deceptus Concilium Constantiam indicit, eamque Anno MCCCCXIV solemnì pompâ investus est. Die sextâ decimâ Novembris prima sessio habita est, in qua nihil de unione actum. Decimâ nonâ Novembris ad valvas Aedium Augustinianorum insignia Gregorij Pontificis pependere, quæ sequenti nocte, jussu ut creditur Joannis, sublata sunt: ingens super ea re inter Patres natum certamen, (b) cùm alij auferri insignia, alij su-

Ppp 3

stineri

(a) Concil. Pisan. Sess. 15. mense Jun. die 5.

(b) Ita habent duo MM. SS. Regesti Constant. V. Schelstrate in Traët. de Decret. Conc. Const. fol. 30. & fol. 153.

fineri vellent; omnium tandem sententia fuit, si Gregorius coram adesset, Insignibus Pontificijs uti posse. Non ergo Patribus constabat, Gregorium Pontificem non esse; cur enim insignia Pontificia illi permitterent, quem pro Antipapa haberent? Die vigesimâ quartâ Decembris Sigismundus Imperator Constantiam ingreditur, & Pontifice sacris operante, Evangelium cantat Diaconi amictu. Secuta Imperatorem ingens Principum ac Antistitum turba, adedò ut unâ die triginta equorum millia numerata sint: solum Archiepiscopum Moguntinum thorace ex rubro holoferico insignem, ferroque ad latus pendente sexcenti equites comitati, ut videas, quæ illorum temporum conditio fuerit. Patriarchæ 4. Cardinales 29. Archiepiscopi 47. Episcopi 160. qui postea ad 300. crevère.

II. Anno MCCCCXV. Mense Januario Joanni Dominico Gregorij Legato à Patribus permissum, (a) ut pileo, vestituque Cardinalitio ingredi Constantiam posset, oblucente quamvis Johanne Pontifice. Mense Februario, cùm Cardinalis S. Marci libellum sparsisset, quo multa contra Johannis auctoritatem dicebantur; alij continuò in ejusdem defensionem producti, & inter alia hæresis postulabatur, qui indubitatum Pontificem, & nullâ hæresi contaminatum cogi posse ad cedendum dixisset. Sed Cardinalis Cameracensis pugnam dirempturus conclusiones aliquot Patribus obtulit, in quarum prima continebatur: (b) *Duas Obedientias Johanni contrarias probabiliter sustinere electionem Alexandri, ejusq; successorem non esse legitime ac canonicè factam, & in hac opinionum diversitate non esse minores difficultates Juris & facti, quàm ante Concilium Pisanum erat de justitia duorum contendentium; & idedò attentâ perplexitate casus presentis pro pace Ecclesia acceleranda posse de Papatu contendentes ad cessionem compelli, & nolentes deponi.* Vides hic iterum agitantùm de Pontifice dubio, & ex hoc ipso dubio procedere Patres; qui consilio Alliacensis obsecuti sunt ad Joannem deponendum; & ipse Cardinalis omnium, quæ Pisis ac Constantiæ agebantur, conscius, fatetur Pontificatum Johannis dubium esse: malè ergo, quæ Constantiæ decreta & peracta sunt de Pontifice dubio,

(a) Ita habet Regestum Constant. in duobus MM. SS. & Codices Bibliothecæ S. Victoris Paris.

(b) Cardinalis Cameracensis Concl. 3. & 6. ex 4. MM. SS. Codic. apud Labbeum in Append. Conc. Constant. Tomo XL. edit. Paris. Schelstratte fol. 152.

dubio, extenduntur ad casum Pontificis certi. Hoc etiam anno Gregorius XII. Legatis suis concedit, ut acta Concilij confirmet, eisque auctoritatem Occumenicæ Synodi tribuant, eâ tamen conditione, ut Joannes Concilio non præsit, neque idà Johanne convocatum dicatur: nec Joannes postea Concilio præfuit, imò nec carcanis eorum congressibus adesse permixtus est, ne videlicet consilia pacis turbaret solitis artibus; quomodo ergo pro vero, certoque Pontifice habebant, quem nec ut Præsidentem, imò nec collegam ferebant? Vide sessionem 14.

*Die 2. Martij* Joannes promittit, se Papatu cessurum, modò Gregorius & Benedictus idem præstent. *Diebus 13. 15. & 19. Martij* laboratum est, ut Johannes Procuratorem deligeret, qui ejusdem nomine, quando & ubi Concilio videretur, Pontificatum abdicaret. Videbat Johannes se hoc telo peti, cogique ante alios duos tiaram deponere; id ne fieret, multis artibus certatum, sed cum declinare ictum haud posset, Schafhausam profundâ nocte elapsus est, inde Friburgum & Brisacum; secuti à Concilio Legati, qui reditum persuaderent.

*Die Martij 23.* peroravit Johannes Gerson, & multa contra Pontificis auctoritatem disseruit; hinc nata quæstio de superioritate Concilij supra Pontificem: & Johannes Galliz Oratoribus amarè conquestus est Gersonis audaciam, Vaticanum oppugnantis: quæ causa fuit, ut ijdem Galli cum Cardinalibus collatis capitibus se decretis opposuerint contra Sedis Apostolicæ auctoritatem eundem, & ipse Rex, ut videbimus, ægerrimo animo rulerit, Johannem à Concilio depositum esse, quod etiam Maimburgus (\*) aliisque fatentur. *Dis Martij 26.* celebrata est ante meridiem tertia sessio: huic duotantum Cardinales adfuere Cameracensis videlicet, & Florentinus; statutum fuit in ea sessione: *Concilium Constantiense per recessum Johannis dissolutum non esse, sed nec dissolvi debere, ante Schismatis extirpationem, nec ad alium locum transferri posse sine consensu Concilij.* Hæc omnia non aliâ ratione Alliacensis & Zabarella Cardinales publicari permiserunt, quàm ut illa Joannes Papa rata haberet, confirmaretque. Videre est hanc Cardinalium protestationem apud Philippum Labbeum in appendice Synodi Constantiensis Tomo XI. Conciliorum, & Manuscripto Capranicensi, ex quo Labbeus descripsit.

*Die*

(\*) Maimb. du Grand, Schism. lib. 5. à fol. 282. Monach. Dionys. lib. 35. cap. 18. M. Laboureur ibid.

Die 29. Martij Joannes Schaffhausâ profugit, quippe vicinam Constantiam metuens. Turbati Patres, offensiq̃ue, & à pluribus Germanicæ, Anglicæ, Gallicæ nationum deliberatum, fixumq̃ue est, ut in crastinum sessio quarta perageretur, in eaq̃ue hæc capita decernerentur, videlicet: *Primo* quòd Concilium Constantiense potestatem habeat immediatè à Deo, cui etiam Papa obedire teneatur, in his quæ pertinent ad fidem, extirpationem Schismatis, & reformationem Ecclesiæ in capite & in membris. *Secundò* quòd cogi possit, si obedire contumaciter contempserit. *Tertio* alia complura, quæ omnia cùm non solùm nationi Italicæ displicerent, sed nec sacro Collegio ad deliberandum oblata essent; noluerunt Cardinales, Galliciq̃; Oratores sessionem adire, nisi secundum Capitulum, quo dicebatur, *Pontificem cogi posse*, omitteretur: & in primo decreto illa verba, *de reformanda Ecclesia in capite & in membris*, deleterentur; quod etiam communi voto à Patribus sequenti die acceptum est, cùm videlicet Episcopali vestitu insignes jam quartæ sessioni accingerentur; idque annitente præsertim Imperatore Sigismundo. Cùm verò Cardinalis Florentinus, cujus officium erat Decreta in publicis sessionibus legere, ad verba de reformatione Ecclesiæ in Capite & membris pervenisset, nec ea, ut conditum fuerat, deleta à Nationibus observâisset, continuò Decretum abruptit; eamq̃ue partem *falsam esse, additamq̃, præter communem deliberationem*, professus; ergo clausula de reformatione eâ sessione quartâ omissa est; sed & Cardinales monuerunt Nationes, *ut suspenderent ad tempus materias illas, quæ magnas habent difficultates, & maturam exigunt deliberationem*; ea videlicet, quæ auctoritatem Pontificiam spectabant. Ita notant Abbas Pannormitanus in sententia finali, & Regestum Concilij Constantiensis in tribus Manuscriptis Codicibus, quorum verba recitata reperies apud doctissimum (a) Schelstrate. Et verò ea verba, quæ dicunt: *Papam in ijs, quæ ad reformandam Ecclesiam in Capite & membris pertinent. Concilio subiectum esse*, in sessione 4. omissa fuisse, illud certissimo argumento est; quòd in omnibus ferè Codicibus manuscriptis, qui in Romana, Viennensi, Parisiensi & Salernitana Bibliothecis reperiuntur, ea verba absint, imò ne quidem in tribus Codicibus Manuscri-

(a) Schelstrate in actis Conc. Constant. fol. 2. & 3. & seqq. & in Tract. de sensu, & auctor. Decretor. &c. f. 41. & fol. 84.



auscriptis, qui acta (a) Concilij Constantiensis complectuntur, & ex quibus Basileenses sua decreta compilârunt; sed neque in celebri illo Manuscripto Capranicensi, qui ad usum Cardinalis de Capranica, Basileensis Concilij temporibus scriptus videtur, & ex quo Philippus Labbeus Constantiensis Concilij ultimæ editioni multa adjunxit, confirmâtque sæpè laudatus Schelstrate (b) testimonijs Gobelini Personæ, qui tempore Concilij scribebat, ipsorumq; Basileensium, ac aliorum in Gallia codicum; qui etiam alibi notat in Decreto sessionis quartæ, ubi dicitur: *Papam teneri obedire Concilio in his, quæ pertinent ad fidem, extirpationem Schismatis*; eas voces, *ad fidem*, primò appositas esse à Petro Crabbè in sua editione Anni 1538. ex qua in alias postea editiones derivatæ sunt; nam in antiquioribus editionibus videlicet Haggenoviensi Anno 1500. Mediolanensi Anno 1511. Parisiensi Anno 1524. Colonienfi Anno 1530. illæ voces desiderantur; id verò Tabellionum negligentia, qui eas voces omiserunt, Maimburgus tribuit. Sed utcunq; res habeat, excusari vix potest Maimburgus, (c) quando in suo Tractatu historico, magnis, ut solet, verborum ampullis, triumpho Lectori de Schelstrato pollicitus, ex diversis Gersonis (d) operibus, ac etiam Orationibus in Concilio dictis, probare conatur, ea verba, quæ reformationem spectant, Decreto sessionis quartæ adjuncta fuisse, adeoque victoriæ securus est, sibi que blanditur, ut Schelstrate ad ponenda arma, pacemque ac veniam erroris petendam invitet; nescias victori, an insultanti similior: additque plures alios manuscriptos Codices, quos omnes convenire cum Gersono dicit. Sed Maimburgum egregiè confutavit convicitque eruditissimus Schelstrate, ubi evidenter allatisque verbis ostendit Gersonem & consequenter Codices ei conformes loqui de Decretis die 6. Aprilis, hoc est, sessione quintâ editis, non verò de Decretis sessionis quartæ, quæ trigesimâ Martij celebrata est. Utramque ergo sessionem Maimburgus confudit, suumque errorem alienum credidit. *Dicit*, unde ergo provenit, ut omnes Concilij Constantiensis editiones in Decreto sessionis quartæ hæc verba constanter exhibeant: *Et ad Reformationem*

Qq q

Gene-

(a) Schelstr. in Tract. de sensu &c. fol. 24. & 26.

(b) Schelstr. in Tract. de sensu & auctor. fol. 42.

(c) Maimb. Tract. histor. à fol. 238.

(d) Gerson serm. pro viaggio Reg. Roman. & Tract. de potest. Eccles. & serm. in Dom. 2. post Epiphaniam.

*Generalem Ecclesia DEI in Capite & in membris?* Respondeo, errorem ex eo fluxisse, quòd cùm Basileenses viderent auctoritatem suam & Concilium paulatim còtemptui ac ludibrio esse, ut fulcirent cadentem auctoritatem, cogitasse de edendis Concilij Constantiensis actis, quorum subsidio Vaticanum impugnant. Duebus ergo Cardinalibus, toridemque Episcopis, ac Theologiae Doctõribus, & Archidiacono Zagabriensi Provinciam imponunt, Decreta Constantiensia exhibendi. Id Anno 1441. ab eis peractum: ex hoc codice Joannes Hober ex Inderdorff sacrae Theologiae Baccalaureus, Anno 1490. alium suâ manu exaravit, transmisitque Hieronymo de Croaria juris utriusque Doctõri, & hic postea anno 1499. Hagenvij in oppido Imperiali typis vulgatus est. Post hanc alia tres editiones prodierunt, quibus acta Constantiensis Concilij juxta Basileensem Collectionem continebantur. Error ergo præsentium editionum circa sessionem quartam à Basileensibus manavit, nec ipse Maimburgus negare potest, Basileensem Collectionem, & editiones ex illa profectas defectu laborare; tam enim editio Hagenviensis, quàm tres alia postea secuta illam particulam, *ad fidem*, omisere, quam Maimburgus necessariam agnoscit. Et hæc quidem circa sessionem quartam ex laudatissimo Schelstrate notanda duxi, jam ad quintam veniamus.

Post quartam cõpta est præparari materia pro sessione quinta; Decretum videlicet, quo dicebatur: *Pontificem Concilio in rebus fidei, morumque, Reformatione Concilio subjectum esse, & ab isto cogi posse.* Et quamvis summi momenti res hæc esset, & aliquando novo & pejori Schismati fomitem datura; sicque longissimo & accurato examine prius cognoscenda, quàm decerneretur: nihil tamen aliud à Patribus factum, quàm ut aliquos deputarent, qui cum Cardinale Zabarella Florentino conferrent; is erat, qui illis articulis in sessione quarta graviter obstiterat. At Deputati perindè ac in re levi, parvique pretij rem paucis absolverunt, (a) ac inter alia multa die 24 Aprilis statuente: *Ut proxima sessione omnes articuli & clausula concordata per Nationes in ultima sessione prætermissa expedirentur.* Ita habet Regestum Concilij: & notant ejusdem Concilij gesta, quàm leve ac perfunctorium examen fuerit, quo tanti ponderis argumentum expendebatur his ver-

bis:

(a) Regest. Concil. Constant. in tribus MM. SS. apud Schelstr. fol. 42. Tract. de censu & auctor. &c.

bis: (a) *Post sessionem quartam fuit per Cardinalem Florentinum cum Deputatis aliquoties disputatum: finaliter Concilium voluit ex integro dictas definitiones in alia sessione pronuntiari, &c.* Vides inter paucos, privatosque ac extra sessionem, nec initis suffragijs, hoc est, non Conciliariter, nec tam decernentium, quam altercantium more, eo ferè modo, quo in circulis Philosophorum solet, inter Cardinalem & Deputatos disputatum esse, idque ut acta commemorant, *aliquoties*, hoc est, leviter, cursimque, nec quantum oportebat. Cum ergo sentirent Cardinales, in sessione quinta ea à Nationibus decretum iri, quæ nec examinata erant, nec approbare ipsi poterant, statuerunt sessione abstinere: sed postea cum viderent, id sine publica offensa, periculoque ne Concilium solveretur, fieri non posse; adire quidem sessionem parant: protestati tamen in ædibus Palatii Constantiensis, ubi insulas sumebant, se vitandi scandali causâ, non verò animo illis consentiendi, quæ audiebant proximâ sessione decretum iri, Conventui adfuturos; idemque Gallici Oratores, qui Cardinalibus se adjunxerant, professi sunt. Audi Regestum Concilij: (b) *Die Sabbathi sextâ mensis Aprilis, cum per prius inter Nationes & Dominos Cardinales altercatum esset super correctione & emendatione Capitulorum in precedenti sessione ( quarta ) statutorum; tandem ordinatum & conclusum est, quòd supradicta Capitula modo infra scripto corrigerentur. Convenientibus ergo dictâ die Gloriosissimo Principe Sigismundo Romanorum & Hungaria Rege semper Augusto, Reverendissimis Dominis Cardinalibus cæterisque Principibus & alijs in sacro Concilio existentibus, præmissa per Dominos Cardinales & Oratores Regis Francia protestatione facta, quòd propter scandalum evitandum ad sessionem ibant, non animo consentiendi, is, quæ audierunt statui debere, &c.*

Cum ergo quinta sessio ageretur, & Decreta legi publicè à Cardinali Florentino de more oporteret, recusavit id munus, quippe qui unâ cum sacro Collegio ijs decretis nunquam maturè, & conciliariter discussis oblectatus semper esset; electus igitur Poznaniensis vices Florentini obiit, legitque à Nationibus statuta. Et hæc est illa sessio quinta, cujus Decretis tantopere Maimburgus præfidit; cæterum quam vanis & caducis fundamentis, nemo ex tot alijs, qui hoc ipsum conati sunt, elegantius, fortiusque doctissimo Schelstrato demonstravit. Sciendum igitur est, Decreta Sessionis quin-

(a) *Gesta Concil. ex 4. MM. SS.*

(b) *Regestum Concilij in tribus MM. SS. Codd. apud Schelstr. Tract. de leniu & auctor. &c. fol. 42.*

tz, nec Conciliariter, nec cum examine tantæ rei debito, maturæ deliberatione, qualem res tanta exigebat, vulgata esse, hoc ita se habere evidentissimis testimonijs & argumentis ostendam. *Primò.* In antiquis Concilijs, quoties fidei aliquis articulus, aut aliàs majoris momenti agitabatur; toties scripturarum testimonia, Antiquitatis monumenta, Conciliorum, Patrumq; Decreta producebantur, quibus veritas fulciretur, sic in Niceno primo & secundo, Chalcedon, alijsq; Concilijs factum, ubi longam seriem argumentorum reperies. Imò ipsum Concil. Constant. in alijs articulis decidendis mone- re solet, legitimum longumq; examen ac discussionem præcessisse. Exempla sunt Sessione 15. ubi cùm errores Johannis Hufs dam- nandi essent: *Habitu*, inquit, *per prius plenariâ informatione & diligenti deliberatione Reverendissimorum in Christo Patrum S. R. Ecclesia Cardinalium, Patriarcharum, Episcoporum, & ceterorum Prælatorum & Doctorum sacra pagina, & juris utriusq; in multitudine copiosa &c.* *Habitu* collatione per plures Magistros in sacra pagina &c. Et sess. 24. in citatione contra Benedic- tum XIII. *Mandavimus per nonnullos venerabiles viros fratres, & dilectos Ecclesia filios Cardinales S. R. Ecclesia & alios tam sacra pagina, quàm juris utriusq; Professores Commissarios nostros ad hoc specialiter deputatos inquiri, in- formationemq; recipi, quam legitimè receptam referri jussimus in publica sessione nostra sacrosancta Constantiensis Synodi; quâ plenè audita & discussa maturo de- creverimus atque digesto consilio &c.* Et sess. 30 ubi approbatur subtrahitio Obedientiæ factæ per Regem Arragonum: Eadem sacrosancta Synodus causis & motivis plane inspectis, & diligenter examinatis, de quorum veritate facta existit eidem Synodo plena fides &c. idè eam S. Synodus ex certa scientia & causa debite cognita &c. Vides Concilium etiam in quæstionibus mul- tò minoris momenti, quàm sit illa, de qua modò agimus, nihil de- cernere; nisi *habitu* plenariâ informatione, & diligenti deliberatione, *habitu* collatione per plures Magistros sacra pagina, & juris utriusq; maturo, atque di- gesto consilio &c. At verò ubi de potestate Pontificia agitur, de quo su- premo jure Majestatis, hoc est, de quæstione omnium, si fidem ex- cipias, maxima; non rogata scripturæ, non auditi Patres, non exa- minata Concilia, non collata in sessionibus capita, sed ex abrupto, cursimq; & in ipso sessionis limine: *Declaramus*, inquit, *Concilio immediatam à DEO potestatem esse, cui Pontifex subdi, cui obedire teneatur.* Quid quæso est rem inconsultò & sine examine definire, si hoc non est? & quid minùs fieri posset, si de minimo Sacerdote, imò ædituo

in ordinem redigendo ageretur? Videantur acta Synodi Ephesinæ, illic apparebit, quantâ curâ, lentisq̃ue gradibus, quantâ testium & scripturarum, Patrumq̃ue mole laboratum sit, an Nestorius deijceretur; nunc verò non de uno Pontifice, sed de omnibus, imò de ipsa Pontificia dignitate quæstio vertitur, quandò igitur pluribus testib⁹, majoriq̃ue curâ agi res debuit? & tamen nulla magis, minori q̃ue studio festinata; quæ omnia mihi æstimanti semper magis, magisq̃; persuasum, fixumq̃ue est, non fuisse Concilij mentem quidquam definire de Pontifice certo, sed tantùm dubio & tempore Schismatis, hoc enim minoris operæ & indaginis erat. Sciendum enim est, tempore Synodi Constantiensis circa Concilij supremam auctoritatem varias Doctorum opiniones fuisse. Prima, ne Schismatis quidem tempore posse dubios Pontifices à Concilio judicari, cui sententiæ Benedictus XIII. adhærebat teste S. Antonino, (a). imò & Gregorius XII. quique istorum partes amplexabantur, hoc est, ingentia Regna, virique doctrinâ & sanctitate conspicui; cum enim in Concilio Pisano utriq̃ue Pontificia dignitas adempta esset; & ipsi exauctorati Pontifices, & ipsorum sequaces negabant id jure factum esse, nec ullam Concilio in Vicarios Christi potestatem fuisse; ergo credebant, ne Schismatis quidem tempore, nec in dubios Pontifices quidquam Concilio licere; & videri potest Raynaldus ad annum 1409. Altera sententia fuit, nullum Pontificem ne Schismatis quidem tempore deponi posse, nisi ob solum hæresis crimen; fuit hujus sententiæ Concilium Pisanum, quod non prius Benedictum & Gregorium damnare voluit, quàm ut accusatos, convictosq̃ue, ut Patres credebant, hæreticæ pravitatis, quod suprà demonstravimus, & habent acta Pisani Concilij à Notarijs ipsius Synodi conscripta, ubi inter alia: (b) *Omnes Magistri in Theologia, tam Episcopi, quàm Abbates; & Generales ordinum Mendicantium anno 1429. die 28. Majj ad requisitionem sacri Collegij Cardinalium congregati sunt in sacristia Fratrum Minorum, ut deliberarent de his duobus articulis: an duo de Papatu comendentes essent Schismatici & hæretici reputandi; & dato sic, utrum sub titulo hæresis sint ab universali Ecclesia & Papatu regimine ejiciendi. Ad has quæstiones habitâ ad invicem pluries maturâ deliberatione concorditer & unanimiter responsum fuit, prædictos hæreticos censeri; & ut tales per sententiam declarati ac deponi posse.*

Q 99 3

Parer

(a) S. Antonin: T. 3. Chron. Tit. 22. §. 3.

(b) Acta Concilij Pisani à Notarijs ipsius conscripta in duobus M.M. SS. Codicibus.

Patet ergo, ne Patres quidem Pisanos ausos esse in Pontificem pronuntiare, nisi hæresis manifestum, quod pluribus suprà ostensum. Tertia sententia fuit Petri de Alliaco Cardinalis Cameracensis, qui Pontificem tempore Schismatis subjacere Concilio credidit, ab eoque judicari deponique posse credebat; & hanc suam sententiam scriptis commendavit, porrexitque Patribus, quorum plerisque probata est; & hæc causa fuit, ut Concilium huic sententiæ examinandæ minùs laboraret, utporè jam passim notæ, acceptæque. Quarta sententia fuit Cardinalis Zabarellæ, admittentis quidem posse tempore Schismatis novum eligi Pontificem; sed negantis ante factam electionem de Reformatione in Capite & membris agendum esse: ut enim nulla pejor Deformatio, quàm Schisma, ita nihil priùs emendari oportere; & idèd articulus de Reformatione in primo Decreto sessionis quartæ omissus fuit; id quoque eleganter expresse-  
runt quatuor Nationes in protestatione post trigessimam octavam Sessionem, ubi inter alia: *Si Reformatio, inquit, facienda est de Deformatis, qua Major est, aut esse potest in Corpore deformitas, quàm carere capite, & esse acephalum? illa igitur prior, tanquam magis necessaria debet esse Reformatio, qua corpus ipsum ad Caput reformet.* Et infra: *Duplex secundum sacros Doctores est Unio Ecclesie, una membrorum ad invicem, qua jam creditur esse facta: altera membrorum ad Caput, ut constituatur corpus integrum & perfectum, & ista non est facta; igitur primo loco fienda.* Patet ergo sententiam eorum, qui docebant tempore Schismatis de Pontificis electione, non de morum Reformatione agi oportere, celebrem fuisse, & in Synodo frequentem, imò potiorem. Quinta denique sententiâ fuit Joannis Gersonis, (a) qui Pontifices non solum durante Schismate, sed semper & absolute, omni que tempore Concilio subesse voluit, ab eoque posse judicari; in hunc sensum decreta Sessionis quintæ Gerson intellexit, eoq; progressus est, ut scriberet, à vero & indubitato Pontifice ad Concilium appellari posse, & Martino id neganti Tractatum illum opposuerit, cui titulus: *An & quomodo appellare liceat.* Huic sententiæ Gersonis nunquam Concilium acquievit, & idèd Decretis quartæ & quintæ Sessionis semper illa verba apposuit: *in his, qua pertinent ad extirpationem dicti Schismatis, & pro extirpatione dicti Schismatis.* Quibus verbis ostendit Concilium, se cum Gersone non

(a) Johannes Gerson in serm. Domin. 2. post Epiphan. & serm. pro Viaggio Regis Romanor.



sentire, qui absolutam subjectionem volebat; cum Patres de limitata solum, & in casu excepto intelligi vellent, hoc est, tempore Schismatis.

III. Sed jam perge, & alia testimonia percurramus, quæ defectum examinis & necessariæ deliberationis circa quartæ, & quintæ Sessionum Decreta ostendant. *Secundo.* Martinus V. ut habetur *sess. 45.* in Confirmatione Concilij profitetur: *Se omnia & singula determinata, conclusa & decreta in Materijs fidei per Concilium Constantiense conciliariter tenere velle; ipsaq; sic conciliariter facta approbare & ratificare, & non aliter, nec alio modo.* Supponit ergo Martinus, fuisse in Synodo Constantiensi aliqua conciliariter facta, & hæc confirmat: alia verò non conciliariter, hoc est, sine examine & deliberatione, nec votis & sententijs in Conventu dictis, & hæc confirmare renuit: non verò apparet, quæ Decreta sint minus conciliariter facta, quàm quartæ, quintæq; sessionum; nec putes hanc esse opinionem aut conjecturam domi meæ natam, audi testimonium Jacobi Spondani Galli, & Apamiensis Episcopi, qui Manuscriptos codices Regiæ, sanctique Victoris Bibliothecarum egregie pervolvit, ejusq; de Synodo Constantiensi historiam, pulcherrimam Spondani operum Maimburgus pronuntiat; is verò ad annum 1418, ita scribit: *Putamus Nuntiorum Polonia petitionem de industria Martini nutu ad ultimam sessionem reservatam, ut eâ occasione significaret, quæ Concilij decreta ipse auctoritate Apostolicâ ac supremâ probaret, quæ verò non; ne si antea quidquam de ijs agere voluisset, murmur aliquod, tumultumq; in Patribus excitaret ob ea, quæ ambigüe decreta fuissent de auctoritate Concilij supra Pontificem, quas absolute, ut sonare videntur, sumptis, nullo modo Martinus agnoscere, aut probare voluit, utpotè contrarias existimatas, & praxi antiquioris Ecclesiæ, & collata Petro, ejusq; successoribus potestati, ipsiq; denum natura rei, quæ caput debet membra regere, non regi à membris.* Hæc Spondanus. *Tertiò.* Gesta Concilij Constantiensis ad *sess. 7.* (a) *Penè in omnibus Concilij decretis factum est, ut Cardinalibus ita articulo & brevi tempore ostenso sint decreta à Nationibus conclusa, ut non fuere in eorum potestate sufficienter deliberare, imò in magnum contempnum habiti sunt, & finaliter petiverunt, quod cum essent in Concilio quatuor Nationes, una Angliæ, in qua non erant 20. capita, de quibus tres solum Prælati: & Cardinales essent 16. & alij futuri, de quibus plures Magni & insignes Doctores propter dignitatem Collegij haberent dignitatem tantam & auctoritatem, sicut natio Anglicana.*

*Quod*

(a) Gesta Conc. Constant. in 4. MM. Codd. apud Schelstrat. fol. 104.



*Quod fuit recusatum & dictum, ut venirent ad Nationes. Quartò. Eadem Manuscripta testantur, noluisse Cardinales ad sessionem quartam venire: Eò quòd super illis non fuerint habita, nec sufficienter petita deliberationes eorum. Quintò. Abbas Panormitanus in sententia finali, & Regestum Constantiensis Concilij in tribus Manuscriptis Codicibus memorant, Nationes in quarta sessione fuisse à Cardinalibus monitas: Ut suspenderent ad tempus materias illas, quæ habent magnas difficultates, & maturam exigunt deliberationem. Sextò. Petrus Alliacenſis apud Gallos celeberrimus in Tractatu de Ecclesiæ & Cardinalium auctoritate, quem ante adventum scripsit Legatorum Regis Castellæ, parte 1. capite 4. aliqua dubia proponit, ut super illis Concilium deliberaret, ne illius acta in futurum in dubium vocarentur: Nam apud nonnullos, inquit, magnam perplexitatem inducunt. Primum dubium: an quatuor nationes in hoc sacro Concilio sic distincta excluso Cardinalium Collegio faciant Concilium generale, cum sint plura Concilia particularia valde inæqualia, & improporcionabiliter divisa. (Nam Anglicana Natio complectebatur vota solum 20. Gallicana supra 300. & tamen Gallicanæ voces non vincebant, nec habebantur pro pluribus, cum quælibet Natio pro uno tantum voto computaretur) & ad partem deliberantia, qua deliberatio, exclusa deliberatione, dicti Collegij Cardinalium, & non facta in communi sessione collatione votorum, videtur multo non esse censenda deliberatio Concilij conciliariter facta. Secundum dubium, an dictæ Nationes, quæ sunt multa Collegia particularia, quæ multis videntur contra vel præter consuetudinem antiquam sacrorum Conciliorum instituta, licet ex rationabili causa & sub debitis circumstantiis ita restitui potuerint, & habuerint à Jure Divino vel humano auctoritatem privandi Romanam Ecclesiam & sacrum Collegium (quod est antiquum Collegium, & in antiquo jure. & in sacris generalibus Conciliis, & in sanctorum Patrum Decretis fundatum) privandi inquam jure suo, habendi scilicet votum in sacro Concilio, & Summum Pontificem eligendi. Vides jam tunc temporis de validitate Decretorum Constantiensium ob defectum deliberationis Conciliaris dubitatum esse; sicque antiquam hanc querelam non novam esse, nec à nobis repertam. Septimò. Quatuor Manuscripti Codices, quibus acta Concilij continentur: Die 2. Maij Anno 1415. Cardinales licet præsentem in sessione fuerunt, nunquam illam formam viderant; eodem enim die circa horam septimam de mane fuit data eis copia ad deliberandum super illa, cum jam plures prælati sederent, & immineret relatio novorum scienda Regi & Deputatis Nationum in sacrificia, in qua relatione præ-*

*sentos*

sentes fuere, nec poterant illam formam videre, cum statim factâ relatione perventum est ad sessionem, qua jam peracta erat, & ita pend in omnibus Decretis Concilij factum est, Cardinalibus ita arcto & brevi tempore ostensa sunt Decreta jam conclusa à Nationibus, ut non fuerit in eorum potestate super illis sufficienter deliberare, imò fuerunt in magnum contemptum habui, &c. Octavo. Die Septembris 11. Anno 1417. in protestatione, quam tres Nationes, & Collegium Cardinalium contra Germanicam Nationem ediderunt, hæc inter alia leguntur: Clerus & populus nonnullorum Regnorum & Provinciarum nondum clarè & solide huic sacro Concilio adhaeserunt, necnon etiam quorundam, qui eidem Concilio adhaeserunt propter rumores discordiarum, & quasi impressionum, quas in eodem Concilio fieri audiunt, fides jam de eodem Concilio dicitur vacillare. Et infra: His diebus magnus terror & turbatio dicebatur esse in Concilio, fama enim erat communis, & multi scientes de Consilij Regis dixerunt amicis, quod Rex proponebat & deliberaverat aliquandò capere omnes Cardinales, & postea restrinxit ad sex, sed Cardinales & alij, de quorum proscriptione dicebatur, constantes steterunt, nec omiserunt loqui, & prosequi, quæ eis iusta videbantur. Causa autem odij Regis in eos dicebatur, quod Rex volebat habere Patrem ad voluntatem suam, & illis stantibus non poterat. Ex his omnibus evidenter colligitur, multa in Concilio contigisse, ob quæ merito dubitari poterat, imò dubitatum est, an illius Decreta, præsertim, quæ Pontificiam dignitatem spectabant, consultò, deliberatè, & Conciliariter concepta essent, quippe cum Patrum vota aut metu Regiorum, aut exclusione Cardinalium, aut nimia festinatione, quæ examen prævertebat, redderentur suspecta; idque in particulari de Decretis quartæ & quintæ sessionum intelligendum esse ex allatis testimonijs constat, illa enim apertè ostendunt, Capitula illa post tumultum de celebranda sessione quarta in unica Congregatione Nationum conclusa fuisse, & totam deliberationem unius diei tempore absolutam, neque deliberationem illam fuisse communem & Conciliarem, ut oportuit; cum nec in sessione habita fuerit, nec audita Cardinalium vota.

IV. Age jam verò, & Decreta illarum sessionum ne quidem à Concilio Oecumenico & Generali facta esse, nec pro talibus à viris gravissimis & doctissimis habita, demonstramus.

*Primò.* Certum est Johannem XXIII. nunquam ijs Decretis assensum esse. Is enim in litteris ad Ducem Biturigæ (a) datis

R r r

cau-

(a) Joannis XXIII. in epist. ad Duc. Bitur. in Sorbona publicè lecta, & in duobus M.M. SS. Codd. Biblioth. S. Victor. asservata.

causas exponit, cur Decretis Constantiensibus deferre non possent: Quod, videlicet, licet in Concilijs generalibus non debeat fieri Nationum differentia, sed omnes & singulos sententiam suam dicere publice oporteat, ut unus instructione informetur alij; hoc tamen Constantia non fuerit permixtum, quinimò statutum, quamlibet Nationem unam tantummodo vocem, sive suffragium habituram, etiam si in Natione Gallica essent ducentæ voces notabiles, & in Italica totidem: & de Anglicana essent tantum tres Prælatis ibi personaliter comparentes, ac ceteri Clerici novem numero. Deinde quod cum in Concilijs Generalibus secundum statuta Canonum vis suffragij non competat nisi Cardinalibus, Patriarchis, Archiepiscopis & Episcopis, quorum suffragia requirenda sunt in sessionibus publicis, & non privatis consilijs; nihilominus quicumque ad hujusmodi consilia fuissent admissi, nullo discrimine personarum habito, omnium suffragia, etiam Laicorum, subtrahitis Prælatorum suffragijs recepta sint, & licet in Concilijs suffragia debeant esse libera, nihilominus multa extiterunt cavillationes, & subordinationes per minas, & terrores ab Imperatore procedentes. Hæc Johannes querela nullam fidem, aut parvam mereretur, nisi omnino ijs consentanea esset, quæ ipsdẽ penè verbis à Spondano, à Cardinali Alliacenſi, ab Actis Concilij in 4. manuscriptis Codicibus, & denique à tribus Nationibus, & Cardinalium Collegio in Protestatione recensentur, quorum testimonia suprà produximus, ut ad eò dubitari non possit, vera esse, quæ Johannes commemorat, quæque Eugenij IV. testimonio indubitata redduntur, is enim in sua Apologia: (a) *Contra Decreta de auctoritate Conciliorum nonnulli reclamaverunt graviter, qui strepente multitudine superati (sicut his novissimis temporibus, quibus carnales exuberant passiones, factum esse manifestum est) audiri nequiverunt.* Non ergo pro Decretis Concilij Oecumenici habita sunt, aut haberi potuere, quæ contra Conciliorum Oecumenicorum normam facta sunt, hoc est, quæ metu extorta, quæ non conciliariter, nec auditis, sed exclusis, quorum intererat, admissis verò, qui admitti non debebant, nec servatâ votorum pluralitate, decreta sunt. Idque egregio confirmatur exemplo, verbisque Caroli VII. Regis Galliarum; qui cum à Deputatis Concilij Constantiensis aud. visset sententiam à Patribus in Johannem XXIII. latam; non tantum eam improbavit, negavitque id Synodo licuisse, sed etiam ipse Deputatos amare objurgans: *Ecquis, inquit, eam vobis licentiam dedit; ut auderetis in Pontificem Romanum manus injicere, eiꝝ digni-*

*saitem*

(a) Eugenius IV. in Apolog. contra Basil.

*tatem ac insulas adimere, quod nuper Constantia fecisset? Postquam ergo dè audacia pervenisset, quid aliud superest vobis, quàm ut pari facinore Regi Regijsq; Principibus coronam & imperium inuolvetis? sed enim ne id vobis procedat, maturè praveniam.* Hæc Maimburgus totidem ferè verbis, quæ ex Gallico reddidi, adiungitq;: (a) *Jam ab annis nongentis Ecclesia Gallicana hanc sententiam fuisse, ut videlicet excepto heresis casu, à nullo hominum, nulloq; Concilio, sed à solo Deo judicari Pontifex Romanus, deponiq; possit.* Hæc Maimburgus sui, suarumq; opinionum, quas alibi docuit, in gratiam Regis Galliæ oblitus; adeò videlicet illum Reges demerendi impetus cepit, ut jam amicus Pontifici, jam hostis appareat, utcunq; Regi placuerit; sed de hoc aliàs. Palàm igitur hoc exemplo fit, Regi Galliæ Regioq; senatui Decreta quartæ & quintæ sessionum nunquam probata fuisse, adeoq; aut non habuisse Concilium pro Oecumenico, legitimoq; aut arbitratos esse, nullam Concilio in Papam esse potestatem.

*Secundò.* In Regesto Concilij Constantiensis, quod duobus Manuscriptis continetur, hæc leguntur: *Die 6. Aprilis Anno 1415. Cùm per Dominos Cardinales & Nationes altercatum esset super correctione & emendatione Capitulorum in præcedenti sessione ( quarta ) statutorum, tandem ordinatum & conclusum est, quòd supradicta Capitula modo infra scripto corrigerentur, &c. præmissa per Dominos Cardinales & Oratores Regis Francia protestatione secretâ in Camera Paramentorum Palatii Constantiensis secretè factâ, quòd propter scandalum evitandum ad sessionem ibant, non animo consentiendi his, quæ audierant in ea statui debere, &c.* Censuerunt ergo Cardinales, Gallicique Oratores, quo tempore sessiones quartæ & quintæ agebantur, aut Concilium non fuisse Oecumenicum, aut nullâ potestate in Pontifices prædictum; alioquin quî poterant Decretis Concilij haud annuere, quod Oecumenicum & legitimum crederent? imò nisi annuissent, pro Schismaticis habendi erant, nec tamen habiti sunt.

*Tertiò.* Cardinalis Turrecremata in lib. de Ecclesia: *Nullus, inquit, dubitat, quòd asserere, quòd sola obedientia Joannem faceret Concilium Universale, Universalem Ecclesiam representans, esset temerarium ac scandalosum alijs duabus Obedientijs.* Omnes ergo Episcopi, Cardinales, Doctores, omnesq; Universitates, Scotiæ, Lusitanix, Castellæ, Na-

R R r 2

varræ

(a) Maimb. Grand Schism. d' Occid. lib. 5. fol. 307. V. Spond. ad Annum 1415. n. 12. & ibi Bzou.

varræ, Arragoniæ, totiusq; Hispaniæ, Bearnæ quoque, Sardinie, Corsicæ, Majoricæ, Bavaricæ, Flaminicæ, celebresque Wormatiensis, Spirensis, & Werdensis Episcopatus, qui Gregorio & Benedicto adhærebant, Concilium Constantiente, quo tempore duæ sessiones quarta & quinta agebantur, pro Oecumenico & Universali non habuerunt; nec propterea ab ullo mortalium pro Schismaticis aut hæreticis habiti sunt, non ergo certa & indubitata ea Decreta dici poterant, quæ à tam multis & celeberrimis Ecclesijs, pro irritis, nullisque habebantur, illæsa & iniquatâ conscientia.

*Quarid.* Eugenius IV. Pontifex Maximus in Apologia contra Basileenses: *Non dixit Obedientia Gregorij, non Benedicti, quæ Christianitatis pars non modica fuit, ante tempus Conventionis plenarij fuisse Concilium, nec prius actitata, quasi Synodi Generalis plenarij auctoritate suscepit; itaque oportuit ipsi convenientibus primò ab Obedientia Gregorij, deinde ab Obedientia Benedicti novum Concilium convocari, hincq; Universâ Ecclesiâ concurrente plenaria Synodi rem & nomen accepit.* Quod ergo ante illum articulum ipsis à Patribus ibi confidentibus actum est, *Universa Ecclesia non debet adscribi, sed eis tantum qui ibidem confidebant, & unius tantum Obedientie Synodum faciebant.* Fuit ergo Eugenij, omniumque, qui Eugenio adhærebant, hoc est, totius Orbis Christiani sententia (paucis exceptis, qui Basileæ tumultuabantur) Constantiense Concilium, cum illæ duæ sessiones peragebantur, non fuisse Oecumenicum, sed particulare tantum, unius videlicet Obedientiæ Johannis XXIII.

*Quintid.* Idem Cardinalis Turrecremata lib. 2. de Ecclesia cap. 99. *Neque ipsa integra Joannis XXIII. Obedientia consensus; quoniam plures Patres doctissimi illius Obedientiæ illis non præstiterunt consensum, aut assensum suum.* Pures ergo & doctissimi viri, etiam ex Johannis Obedientia credebant, se Decretis illis haud illigari, sed posse obniti, & consequenter non fuisse eo tempore Concilium Oecumenicum, aut saltem suâ potestate abusum; aut quid dici potuit Concilium Universale, cui deerant tot suffragia, aut contempta videlicet, aut contraria, aut non audita? Idem Turrecremata, qui Concilio Constantiensi interfuit: *Congregatio, inquit, Constantia celebrata tria tempora habuit: primum fuit, in quo sola Obedientia Joannis præfati Constantia convenerat. Secundum tempus fuit, in quo Angelus Corrarius, vocatus in Obedientia sua Gregorius XII. juri suo cedens præfata Congregationi, sub certis modo & forma se conjunxit. Tertium tempus est, in quo Reges & Prin-*

*cipēs ac Pralati Obedientes Petro de Luna, Benedicto XIII. vocato in Obedientia sua, per suos Oratores novā factā convocatione Concilij se unierunt prafata Congregationi ad pacem dandam Ecclesia, & fuimus nos prafentes, tunc in Minoribus constituti; pro quo felo tempore convenientibus omnibus finul tribus Obedientijs fuit certum dicere, quōd Universalis Ecclesia fuit reprafentativē congregata Conftantia. Hæc Turrecremata, cui utpote prafenti, rerumq; omnium conficio, quæ Conftantiæ agebantur, & doctrinā ac pietate prafanti, nec partibus addicto, meritō fidem adhibeas.*

*Sextio. Seflione decimā quartā Concilij Conftantiensfis leguntur Bullæ Gregorij certis conditionibus Papatui renuntiantis, in quarum prima Arimini data tertio Idus Maij Anno 1414. Concedit fuis Legatis Congregationem Conftantiensfem, in quantum per ferenitatem Regiam, & non per Balihafarem fe nuncupari facientem Joannem Papam XXIII. vocatam vice fuā ad pradictorum effectum convocandi & auctorizandi in Generale Concilium, remotā tamen omnimodo Balihafaris prafidentia, & prafentiā ab ijsdem. Hanc Gregorij Bullam, quā Concilium ante Seflionem decimam-quartam apertē Oecumenicum negabatur, non folum a&is fuis Synodus Conftantiensfis inferuit; fed etiā ex confenfū quatuor Nationum, omniumq; Patrum Archiepifcopus Mediolanenfis tabulas legit, quibus dicebatur: Quōd Concilium memoratum dictam convocationem, auctorifationem, & confirmationem, in quantum ad eundem Gregorium pertinet & attinet, eis admitti, Collegium ipfius D. Gregorij nuncupati, alteri Collegio videlicet olim Johannis Papa, & e converfo, unita omnino decrevit, & notarij rogati de premiffis non faciant mentionem in inftrumentis fuis de Papa vel Sede Apostolica, fed de Sigismundo Romanorum Rege ufque ad ceffionem nomine dicti Gregorij faciendam. Et felf. 20. non prius Obedientia Benedicti fe Patribus Conftantiensibus adjunxit, quā ut iterum Concilium convocaretur, perindē ac fi hætenus legitiimē convocatum non effet, neque Oecumenicum fuiſſet: ut Congregatio titulo abſtineret Concilij Oecumenici. Et ſexaginta litteræ ad Regem Arragoniæ Ferdinandum miſſæ ſunt, nullā Concilij Generalis infcriptione; quæ omnia à Patribus Concilij acceptata, confirmata & jurata ſunt, ut videre eſt in A&is vigefimæ ſefſionis, & in duobus Codicibus Manuſcriptis Regeſtum Concilij continentibus. Agnoſcebant ergo Patres Conſtantiensſes, antequam Obedientiæ Gregorij & Benedicti ſe ſe adjungerent reliquis, nondum ſatis conſtare de auctoritate Concilij, & an eſſet Oecumenicum; ſi enim conſtabat Oecumeni-*

cum esse, cur novam Concilij convocationem, cur Decreta priora in dubium revocari permittebant, abstinebantque titulo Oecumenicæ Synodi, toties in prioribus sessionibus usurpato? Nec dici potest id Patres tolerasse studio pacis: nec enim hanc tantum causam fuisse; sed eam præcipuè, quod reverà à magna Christiani Orbis parte, imò etiam à quàm plurimis in ipsa Synodo, negaretur Oecumenica & legitima esse (aliquin nunquam pacem tam cardò indignisq̃ue conditionibus emerent, & Decreta prioribus sancita sessionibus permitterent aut everti, aut in dubium revocari) id quod ex Turrecremata, Petro Alliacenfi, Eugenio IV. alijsq̃ue supra ostendimus. Et ideo Arragonensis Regis Legati protestati sunt: (a) *Quòd quidem vellent se unire Concilio, non tamen reputare esse Generale Concilium, neque agi de rebus Generalis Concilij, donec venirent Legati Regis Castellæ.*

Septimò. Sessione 14. sub gravissimis pœnis decretum de non eligendo sine assensu Concilij Romano Pontifice hisce verbis editum fuerat: *Sacro sancta Generalis Constantiensis Synodus pronuntiat, statuit, & ordinat, ut ad electionem futuri Pontificis nullatenus procedatur, sine deliberatione & consensu huius sacri Concilij Generalis, & si quid fieret, sit ipso facto auctoritate huius Concilij irritum & inane; nullusq̃, electum contra hoc Decretum in Papam recipiat sub pœna maledictionis aeternæ, & fautoria schismatis. &c.* Quid poterat à Concilio enixius decerni, & gravioribus pœnis armari? & tamen, quia Benedicti XIII. Obedientia necdum accesserat, ideoq̃ue ea Synodus pro Oecumenica non habebatur, adèd huic Decreto delatum non est, ut & Collegium Cardinalium, & Natio Hispanica, imò & tres reliquæ Nationes protestatæ sint illud Decretum, aut nullum esse, aut saltem dubie auctoritatis; & ex eo sequi, Ecclesiam DEI sine capite & lege futuram esse, sed nec illo Hispanicam Nationem ligari potuisse, quamvis validum foret: nec haberi posse indubitatum Concilium deficiente capite, ad quod pertinet Concilium convocare. Hæc omnia palàm faciunt, non fuisse eo tempore Concilium Constantiense pro certo ac Oecumenico habitum; quì enim certum & Oecumenicum, quod negant esse indubitatum, quod Acephalum dicunt, cujus Decreta invalida, nec illis Nationem Hispanicam ligari volunt, imò turbare Ecclesiam, reddiq̃ue ex legem? hæc planè non sunt notæ legitimæ & Oecumenicæ Synodi: & hæc si  
objici

(a) Ex 4. Codd. MM. SS. apud Schelstr. in dissert. Antverp. fol. 52.



objici poterant sessioni decimæ quartæ, quantum magis sessioni quartæ & quintæ, tot aliàs, ut supra ostendi, defectibus laborantibus, & in quibus Obedientia Gregorij nondum se reliquo agmin sociaverat? In quatuor Codicibus Manuscriptis (quos Schelstrate edidit in Tractatu Romæ edito) ad Annum 1417. hæc habentur: His diebus post ejectionem Petri de Luna infra decem dies Cardinales attendentes constitutionem: ubi majus. de elect. in 6. alia jura; & etiam Decreta Concilij super electione Papa hæc vice, pro qua Concilium decrevit electionem fieri modo & formâ, loco, tempore & materiâ per Concilium ordinandis, & penas terribiles imponit contrariis facientibus, suspenditq; omnia jura positiva in illa materia; licet dicti Cardinales non reputarent dicta Decreta valere propter opiniones Doctorum ita dicentium; noluerunt tamen illa publicè impugnare &c. Propter quod fecerunt Protestationes in omnibus Nationibus, mitiores, quam potuerunt, per quas posset jus eorum conservari, & nullus de Concilio deberet exasperari &c. Et infra: Dictam protestationem fecerunt in qualibet Natione per duos Cardinales & Procuratorem, cum duobus Notariis Nationis Italica &c. Et in alia Protestatione ejusdem sacri Collègij, ac trium Nationum, videlicet, Italica, Hispanica, Gallica que. Audite hæc omnes, auribus percipite, qui habitatis Orbem &c. Vos præfatam Venerabilem Nationem p'uries & instanter exhortati sunt & requisierunt, quatenus attentis periculis Ecclesia sancta DEI velletis per vos vel Deputatos vestros cum dictis tribus Nationibus Italia, Gallia, Hispania & Cardinales super modo futura electionis maxime de electoribus tractare, agere & convenire, quod facere, & super hoc respondere jam multis diebus distulistis, & non fecistis, licet asseratis sine vestro consensu & ordinatione Concilij, super modo, forma, loco, tempore & materia non posse ad dictam electionem procedi, obstantibus quibusdam hujus Concilij decretis, quibus nos, Hispanica Natio, etiam si aliàs valida existerent, non ligamur. Et infra: Cum si ante dictam provisionem Ecclesia de Pastore, aut saltem modi electionis illius, suppositis hujus Concilij Decretis, quibus omnia jura circa electionem Pontificis edita, dicuntur esse suspensa; ex quo sequetur Ecclesiam DEI esse sine capite, & sine lege & ordinatione electionis Pontificis, hoc Concilium casu aliquo dissolveretur, prout jam multa causa imminere; Ecclesia in periculo remaneret, quia vix aut nunquam summus Pontifex indubitatè posset haberi, quia vix congregaretur indubitatum Concilium deficiente capite, ad quod pertinet convocare &c.

Ord. vñ. Sessione 39. præscribitur forma Professionis fidei, quam Romani Pontifices legitimè electi facere tenentur in hæc verba:

verba: In nomine sanctæ & Individuæ Trinitatis, &c. Anno à Nativitate Domini, &c. ego electus in Papam Omnipotenti Deo corde & ore profiteor, me firmiter credere & tenere sanctam fidem Catholicam, secundum traditionem Apostolorum, Generalium Conciliorum & aliorum Sanctorum Patrum; maxime autem Sanctorum octo Conciliorum, videlicet primi Nizani, secundi Constantinopolitani, tertij Ephesini, quarti Chalcedonensis, quinti & sexti Constantinopolitanorum, septimi Nizani, octavi quoq; Constantinopolitani; nec non Lateranensis, Lugdunensis, & Viennensis Generalium etiam Conciliorum, & illam fidem usque ad unum apicem immutatam servare: ritum quoq; pariter Sacramentorum Ecclesiæ. Ecce! enumerat Constantiensis Synodus omnia Generalia Concilia, in quorum fidem jurare oporteat Romanum Pontificem; cur rogo ex omnibus Generalibus Concilijs solum Constantiense omittitur, quod tamen aded expressè ac nominatim sessionibus quartâ & quintâ decretis fidei à se statuendis Romanum Pontificem illigaverat; id quod à nullo hætenus Conciliorum legimus factum; cur ergo solum Constantiense omittitur, quo nulum magis exprimi debebat? nimirum agnoscebant Patres Constantiense Concilium, utpote à Romano Pontifice necdum approbatum, dici non posse Oecumenicum, & idèò nec inter Oecumenica reponi debere.

Nondè. Petrus Alliacensis, qui tractatum de Ecclesiæ, & Cardinalium auctoritate anno 1417. scripsit, hoc est, quando sessio vigesima sexta jam Constantiæ habita, & Obedientia Benedicti se Concilio adjunxerat; parte illius libri primâ cap. 4. dubia aliqua proponit: Quæ, dicebat, apud nonnullos magnam inducere perplexitatem. Primum an quatuor Nationes in hoc sacro Concilio, excluso Cardinalium Collegio faciant Concilium generale, cum sint plura Concilia particularia vâdè inæqualia & impropotionaliter divisa, & ad partem deliberantia, quæ deliberatio, exclusâ deliberatione Collegij, & non factâ in communi sessione collatione votorum, videtur multis non esse censenda deliberatio Concilij conciliariter facta. Secundò an dictæ Nationes, quæ sunt nova Collegia particularia, habuerint à jure Divino vel humano auctoritatem privandi Romanam Ecclesiam, & sacrum Collegium jure suo, habendi scilicet vocens in sacro Concilio, & Summum Pontificem eligendi. Hæc Cameracensis Cardinalis, qui postea adjungit: Hæc à se proponi eo consilio, ut super his Concilium deliberet, ne in futurum ejus acta improbenentur. Ergo jam tunc temporis apud multos Concilij auctoritas vacillabat, eratque incertum, an pro Oecumenico, legitimoque

in quoque habendum esset, idque præter alias rationes, etiam ex his capitibus: *tum*, quod non tam unum Corpus unumque Concilium, quam quatuor & diversæ Congregationes viderentur, ex quatuor Nationibus constare, idque contra instituta moremque omnium retrò Conciliorum: *tum*, quia numerus votorum non rectè iniri poterat, adeò ut minor pars æquivaleret multò & decuplo majori, quod apertè libertati, exemplo omnium Conciliorum, sacris Canonibus, rectèque rationi adversabatur; Natio enim Anglicana viginti tantum votis constabat, Gallicana & Italica singulæ trecentis, & tamen Anglicanæ vota æquivalabant votis Gallicanæ, cum quælibet Natio pro uno tantum voto computaretur: *tum*, quia deliberatio, & examen rerum, quæ definiri oportebat, non instituebatur *Conciliariter*, hoc est, in communi omnium Nationum, sed in privatis singulorum Conventionibus, quæ dici Conciliaris deliberatio non poterat: quemadmodum in causis, quæ capitulariter decerni deberent, non haberetur pro resolutione Capitulari, quæ in particularibus Capitularium congressibus caperetur, ut si in electione Episcopi v. g. Constantiensis, Suevi, Helveti, Franconesq; Canonici in privatis, distinctisq; Coetibus, non in communi conventu sua vota conferrent, præsertim si Helvetorum vota, quæ tantum sunt tria, æquivalere Suevorum deberent, quæ sunt supra viginti: *tum* denique quia Cardinales ad deliberandum non admittebantur; quamvis enim non oporteat ad Concilium Oecumenicum omnes Episcopos convenire, oportet tamen nullum excludi, accedere & interesse volentem. Si ergo ex his capitibus, teste Aliacensi Cardinali auctoritas Concilij dubia reddebatur; quanto id magis de sessionibus quarta & quinta dicendum, cui una tantum Obedientia intererat, & in quam, præter istos, tot alij defectus incurrerant suprà notati?

V. Si ergo auctoritas Concilij Constantiensis, priusquam à Martino V. confirmaretur, Regi, Senatui & Oratoribus Gallicis, imò Cardinalibus, ipsisque Concilij Patribus aut dubia, aut nulla habebatur, idque invictis testimonijs à nobis probatum est; quid tandem præsidij ab hujus Concilij decretis sperare Maimburgus potest? at celavit hæc omnia, ut cum vincere non posset, saltem abderet veritatem. Sed præter jam dicta aliud adhuc superest, quod illis Decretis validè obijciamus. Nego enim illa in senatu, quem

Adversarij volunt, & præsertim Maimburgus, à Martino V. confirmata esse. Nam *Primò* Martinus V. *sessione 45.* his verbis Concilij Decreta confirmat, *Omnia & singula determinata, & conclusa, decreta in materia fidei per præsens sacrum Generale Concilium Constantiense conciliariter tenere ac inviolabiliter observare volebat, & nunquam contravenire quoquo modo; ipsaq; sic conciliariter facta approbat & ratificat, & non aliter, nec alio modo.* Hic Martinus ea solùm Concilij acta confirmat, quæ ad materiam fidei pertinent, & Conciliariter facta, non verò approbit, quæ ad fidem non spectant, nec sunt conciliariter facta: at talia sunt Decreta quartæ & quintæ sessionum: hæc enim propositio: *Concilium est supra Papam certum & indubitatum*, non est de fide, alioquin totus ferè Catholicus Orbis, si paucos in Gallia excipias, omnesque Doctores, & Universitates, ipsique Romani Pontifices, qui contrarium scriptis & exemplis docuere, hæretici vocandi essent; quod utique ne Maimburgus quidem dixerit, quamvis alioquin lati thoracis homo. Ea intuper Decreta non fuisse Conciliariter edita, jam suprà magnis testimonijs & præsertim Spondani Episcopi Galli & Maimburgo commendatissimi ostendimus; si ergo nec ad fidem spectant, nec Conciliariter sunt facta; sequitur à Martino V. confirmata non esse. Ubi sciendum est, triplicis generis causas in Concilio agitatas esse, videlicet, Fidei, Unionis, & Reformationis. Per materias fidei ea in Concilio intelligebantur, quæ contra hæreticos decernebant: & ubi de materijs fidei mentio aliqua in Concilio incidit, semper agitur de ijs, quæ contra Johannem Wideffum, Johannem Huls, & Hieronymum Pragensem decreta sunt, nec aliam fidei materiam in hoc Concilio reperies; id quod specialiter in sessione quinta observare licet, cùm enim legerentur primum & secundum Decretum (in quibus de auctoritate Concilij statuitur) præmittitur: *Fueruntq; pronuntiati articuli & constitutiones sequentes per Reverendum D. Andream electum Poznaniensem.* Ubi vides, eos articulos, qui de Pontificis & Concilij auctoritate agunt, *Constitutiones*, non Dogmata vocari: hisce verò Constitutionibus perlectis, ubi ad Dogmata perventum, hæc præmittuntur: *Quibus peractis supradictus Reverendus Pater D. Andreas electus Poznanienfis in materia fidei, & super materia Johannis Huss quadam avisamenta perlegebat.* Ubi vides Concilium expressè distinguere inter Constitutiones & materias fidei: & prima illa Decreta, quibus auctori-

tas Concilij fancitur, ad Constitutiones, non ad Dogmata referri.

*Secundo.* Tantum abest, Martinum Decreta quartæ & quintæ sessionum in sensu Adversariorum confirmare voluisse, ut ea potius vidente, audiente, nec repugnante Concilio obliterata & deleta voluerit. Cum enim Polonia Legatus Archi-Episcopus Gnesnensis cum eoque Polonica Natio libellum quemdam famosum contra Uladislaum Regem, totamq; Polonicam Nationem à Joanne Falckenberg editum, damnari hæresis cuperent, imò & à toto Concilio ac Cardinalium Collegio damnatus esset; solus obstitit Martinus, negavitque hanc fidei causam esse; cum ergo Poloni ad futurum Concilium à Martino appellassent, Martinus Constitutionem edidit anno primo sui Pontificatus 6. Idus Martij, in qua: *Nulli, inquit, fas est, à supremo Judice, videlicet, Apostolica Sede seu Romano Pontifice JESU Christi Vicario in terris appellare, aut illius judicium in causis fidei (qua tanquam majores ad ipsius & Sedem Apostolicam deferenda sunt) declinare.* Meminit hujus Constitutionis Joannes Gerson in Dialogo Apologetico pro Concilio Constantiensi, & occasione illius Tractatum scribit, *quomodo & an liceat à Summo Pontifice appellare?* Quid poterat Martinus expressius dicere contra Concilij auctoritatem, duobus illis Decretis ex sensu Adversariorum fancitam? Volunt enim illis definitum esse, Pontificem subjacere Concilio; at Martinus superiorem se proficitur. Volunt in causis fidei Pontificem Concilij Decretis alligatum esse; at Pontifex in causis fidei dijudicandis supremam auctoritatem non Concilio, sed sibi competere pronuntiat; nec altius esse tribunal, ad quod liceat appellare. Quis jam credat Martinum ea Concilij Decreta confirmasse, quæ tam seriò, tamque enixè confutat? idque vidente, audiente, nec repugnante Concilio? Unde facilè intelligas, quàm inanis sit Maimburgi cavillatio, asserentis id tantum Martinum prohibere: *Ne ad Episcopos particulariter sumptos appellari à Pontifice possit, non verò prohibere appellationes ad Episcopos in Concilio congregatos.* Vana responsio, nec causæ, nec veritati idonea. Martinus enim hanc suam de non appellando Constitutionem Appellationi opposuit à Polonis factæ; Poloni verò non ad Episcopos particulariter sumptos, sed ad futurum Concilium appellaverant; hoc ergo, non illud Martinus prohibuit; & ideo Joannes Gerson Tractatu, quo-

*modo & anticeat à Pontifice appellare, omnem lapidem movet, ut ostendat, eam Martini Constitutionem Decretis Synodalibus repugnare: at non repugnasset Decretis Synodalibus, si tantum prohiberet Appellationem ad particulares Episcopos, & Romanum Pontificem singulis tantum Episcopis præponeret; id enim Decreta Concilij nunquam statuerant, quæ, cum Pontificis auctoritatem circumscribunt, non eam singulis aut particularibus Episcopis, sed toti Concilio submittunt.*

*Tertiò. Id quoque Henricus Spondanus Episcopus Apamienfis ingenuè professus est, cui utpote Gallo, noræque pietatis, ac Regibus charo, nec partibus addicto, fidem merito adhibeas. Is verò ita loquitur: (a) Ea qua ambigunt decreta fuissent de auctoritate Concilij supra Pontificem, & de potestate reformandi Ecclesiam tam in capite, quam in membris, absolute ut sonare videntur, sumpta, nullo modo Martinus agnoscere, aut approbare voluit, utpote contraria existimata, & praxi antiquioris Ecclesie, & collata à Christo Domino potestati, ipsiq; demum natura rei, quæ caput debet membra regere, non regi à membris.*

VI. Superest jam; ut ad plenam dictorum Synodi Decretorum intelligentiam ostendamus, Patrum Constantiensium mentem sensumque non fuisse, ut Concilij auctoritatem in omni casu, omni que tempore Pontificiæ prælatam vellent, sed solum in casu Schismatis, dubijque Pontificis. Id verum, certumque esse ex sequentibus discet.

Nam primò quoties Concilium de hac re loquitur, semper verba & Decreta sua ad casum Schismatis restringit. Sessione 4. *Hæc sancta Synodus Constantiensis faciens pro extirpatione præsentis Schismatis & nomine ac Reformatione Ecclesie DEI in capite & in membris fienda. Et infra: Et primò quod ipsa Synodus in Spiritu sancto congregata generale Concilium faciens, Ecclesiam Catholicam militantem representans potestatem à Christo immediate habet, cui quilibet, cujuscunque status vel dignitatu, etiamsi Papalis existat, obedire tenetur, in his, qua pertinent ad fidem & extirpationem dicti Schismatis &c. Et sessione 5. Et primò declarat, quod ipsa immediate à Christo potestatem habet, cui quilibet, etiamsi Papalis dignitatis existat, obedire tenetur in his, qua pertinent ad fidem, & extirpationem dicti Schismatis, Reformationem Ecclesie in capite & in membris. Et infra: Item declarat, quod quicunque cujuscunque dignitatis, etiam Papalis, qui mandatis, statutis,*

*seu*

(a) Spondan. ad Annum 1414.

seu ordinationibus hujus sacrosancta Synodi, aut cujuscunque alterius Concilij Generalis legitime congregati super præmissis, aut ad ea pertinentibus, factis, vel faciendis &c. Observa sermonem semper esse de solo Concilio Constantiensi, quando nullus certus Pontifex, & obstinatum Schisma Ecclesiam dividebat; cum verò de alijs Concilij Generalibus mentio fit; adjicitur continuò clausula restrictiva, videlicet: *Super præmissis seu ad ea pertinentibus.* Quæ verò sint illa præmissa, constat ex antecedentibus verbis: *Hac sancta Synodus Constantiensis Generale Concilium faciens pro extirpatione ipsius Schismatis, & Unione, & Reformatione Ecclesia DEI in capite & in membris &c.* Nulla ergo Concilij in Pontifices potestas, nisi cum agitur de extirpando Schismate, & Unione Ecclesiæ, & consequenter in casu dubij Pontificis. Si enim absolute, omniq; casu Concilium sit supra Pontificem, cur rogo Patres Constantienses toties, tamq; repetitis verbis hanc potestatem restringunt, aut ad Concilium Constantiense, aut ad casum præsentis Schismatis? quis nescit clausulas præsertim sæpius repetitas operari aliquid debere? & inclusionem unius esse exclusionem alterius? Planè & Concilij, & veritati injuriam fecere, si quod semper Concilij licet, ipsi ad unum casum restrinxerint; quemadmodum si petenti facultatem comedendi carnes in Quadragesima, Pontifex aut Episcopus rescribat: *Concedo, ut possis ter in hebdomade carnis vesci;* nemo dubitabit pluries non licere; cur enim si semper licere voluissent, ad ternas vices licentiam restringerent?

*Secundò.* Cum Synodus Constantiensis deponere Joannem vellet, nec tamen id satis auderet defectu potestatis; primò illum Schismatis & hæresis accusarunt, quòd scirent hoc uno delicto moveri Pontifices posse, idque sacris Canonibus sancitum: sed cum id non procederet, nec probari posset monente in publico congressu Cardinale S. Marci: (a) *Ut attenderet Concilium, quod Procurator Concilij proposuerat crimen hæresis, & fautoriam Schismatis, & alia quedam non constare.* Patres omisâ hæresis accusatione, collatisque cum Sigismundo Imperatore sacroq; Collegio consilij, censuerunt illud superesse, ut Pontifex in sententiam à Concilio ferendam consentiret, ac spontè renunciaret: delectiq; quatuor Cardinales, inter quos Florentinus & Cameracensis, qui hâc le-



gatione fungerentur, moverentque Joannem: & latâ jam in eura sententiâ, repetita Legatio est, annuitque Joannes utrique Legationi. Audi acta ipsius Concilij. *Statim Rex, Cardinales & Deputati, pluresq; tractaverunt materiam, quod Papa consentiret sententia sua depositionis, & ex abundanti renuntiaret. Et infrâ: Ordinatum fuit, quod Cardinales de Urfinis, Cameracensis, de Thalanco, Salutarum, & Florentinus irent ad ad Papam. Et infrâ post latam sententiam. (a) Concilium misit ad Papam, & Papa sententia acquievit, & ex abundanti renuntiavit in forma prædicta scheda. Forma autem à Concilio missa inter alia hæc habet: Porro si omnino dictum sacrum Concilium vult procedere ad sententiam, scilicet amovendo eundem Dominum Joannem à Papatu, affirmat, quod non vult reclamare, nec reclamabit contra dictam sententiam proferendam, quin imò ipsam ratificabit & approbabit, & eandem acceptabit, & in quantum in se fuerit, confirmabit &c. Et in instrumento Concordatarum Narbonæ inter Regem Romanorum & Legatos Concilij ex una, & Obedientiam Benedicti ex altera partibus. Dominus, qui Gregorius XII. in sua Obedientia dicebatur, sua sponte cessit. Sic & Dominus, qui Joannes XXIII. dicebatur, facere voluit atque fecit. Ubi vides, Joannis exauctorationem non sententiæ Concilij tribui, sed spontaneæ cessionis. Si ergo Concilium Constantiense ne dubium quidem Pontificem, & tempore schismatis est aulum, nisi prius hæresis notatum, & hæc non probatâ, nisi consentientem, approbantem, suoque jure ac sponte cedentem, quantum minùs id auderent in Pontificem verum & legitimum, & planè indubium? quantoq; minùs decreta quartæ & quintæ sessionum extendi ad hunc vellent?*

*Tertiò.* Post trium Obedientiarum Unionem, novum inter Patres certamen est ortum, quo diù multumque collisi sunt. Volebant tres Nationes, Hispanica videlicet, Italica & Gallica, & cum istis Cardinalium Collegium, non priùs de Reformatione sermonem fieri, quàm certus & indubius Pontifex eligeretur; quippe præcipuam, maximeque necessariam Reformationis partem esse, si schisma tolleretur: tolli autem non posse, nisi certo Pontifice, hunc ergo ante omnia eligendum. At Natio Germanica præmitti volebat morum reformationem in capite & in membris, quâ etiam Pontifex teneretur. Post longum certamen vicit trium Nationum sententia, cessitque Germanica, eâ tamen conditione:

(a) Ex iisdem MM. SS. 14. Maji 1415.

*Ut à Concilio expediretur asscuratio, & cautio per Decretum irritans, quòd post electionem Papa fieret Reformatio ante Coronationem Papa, & administrationem aliquam. Quà postulatione Germanorum audià, perpen-*  
*saque subjungunt acta: (a) Postea fuerunt facta diverse forma, ac tandem*  
*fuit dictum, quòd Papa electus ligari non potest. Hic aperte suam men-*  
*tem Concilium explicavit: nam sessione quartà & quintà ageba-*  
*tur de Pontifice dubio; quippe tres Pontifices Ecclesiam in diver-*  
*sas partes scindebant, & idèò definitum est, subiacere Pontifices*  
*Conciliorum Decretis. Ubi autem de vero & indubitato Ponti-*  
*fice actum, ingenuè Patres profitentur: Electum Pontificem ligari non*  
*posse. Quid clariùs dici poterat? si enim crederent, Concilij pote-*  
*statem etiam in verum & indubitatum Pontificem extendi, idque*  
*Decretis quartæ & quintæ sessionum sancitum esse, quid morantur;*  
*renuuntque electo Pontifici leges statuere, & nisi observet, pœ-*  
*nas, Depositionem, ac alia minari, quæ in tres dubios Pontifices*  
*experti sunt? Non potest, inquit, electus Pontifex ligari. At Johañem,*  
*Benedictum, Gregorium ligastis, cur non etiam Martinum? Quia*  
*videlicet de hoc constabat legitimum esse, non verò de illis. Patet*  
*ergo ex hoc Nationum responso, quæ fuerit Concilij mens de*  
*potestate in verum, certumque Pontificem, cum videlicet Con-*  
*cilio ligari non posse. Et idèò in Decreto sessionis 45. à quinque*  
*Nationibus Conciliariter edito statuitur: Ut Romanus Pontifex pro-*  
*ximè assumendus Ecclesiam in Capite & membris reformet. Nulla tamen,*  
*ut sessionibus quartà & quintà, addita pœna; quia videlicet sentie-*  
*bant, verum certumque Pontificem nullius Concilij potestati coa-*  
*ctivæ subiacere, & idèò contrà quàm Germanica Natio postula-*  
*verat, nullam pœnam nolenti præfigunt. Quod etiam discrimen*  
*inter certum, dubiumque Pontificem egregiè observatum est ses-*  
*sione 39. ubi enim sermo est de verò & indubitato Pontifice, sta-*  
*tuatur quidem, ut singulis quinquennijs Concilium ind. cat, nul-*  
*lâ tamen omittentis pœnâ: sequenti verò paragrapho, ubi agitur*  
*de tempore & casu Schismatis, dubioque Pontifice, gravissimæ*  
*pœnæ, ac etiam privatio Papatûs negligenti statuuntur; certum*  
*igitur est, nec negari potest, aliam fuisse Concilij mentem circa*  
*dubium, aliam circa certum indubitatumque Pontificem.*

*Quar-*

(a) Ex 4. MM. SS. Codd. apud Schelstr. fol. 268. & habetur in protestatione trium Nationum contra Nationem Germanicam ante sessionem 40. die 11. Septemb. Anno 1417.

*Quartò.* Sessione ultimâ in Bulla Martini sacro approbante Concilio, edita contra hæreses Wicleffi & Hussij, expressè dicitur: *Papam Canonicè electum supremam in Ecclesia DEI habere potestatem.* Atqui non haberet supremam, si potestati Concilij subjaceret; nemo enim dixerit, in Republica Romana, aut alia Democratica supremam potestatem esse penès Consulem aut Ducem, sed penès Comitiam Populariam.

*Quintò.* Eandem Pontificis auctoritatem manifestè ostendit Constitutio Martini V. prohibentis libellum Johannis à Falckenberg hæresis damnari (quem tamen totum Concilium damnaverat) & pronuntiantis, non posse à Pontifice ad Concilium appellari, supremumque in causis fidei tribunal esse penès Pontificem, non Concilium, idque audiente, nec contradicente Concilio, de quo supra.

Et hæc sunt, quæ circa quartam & quintam sessiones monenda censui, quæque apud doctissimum Schelstratum fusiùs deducta reperies; ego enim, ut candidè veritatem profitear, neminem credo magis de veritate in hac causa meritum esse; quippe nullâ re magis quàm auctoritate Concilij Constantiensis gloriabantur Gallici Antistites, & tamen hoc illis Palladium Schelstratus eripuit, quod nemo ante illum, ut acta Concilij Constantiensis magna ex parte, Basileensium artibus sepulta, in lucem erumperent, & veritati testimonium ferrent. Superest nunc, ut ad Concilium Basileense transeamus.





S. XVIII.

*Respondetur ad auctoritatem Basileensis Concilij, & Universitatis Parisiensis.*

S U M M A R I A.

1. Respondetur ad auctoritatem Basileensis Concilij.
2. Frustra Ecclesia Gallicana Auctoritatem in auxilium vocari, smò eam pro Pontifice stetisse multis exemplis ostenditur, ac etiam confessione ipsius Maimburgi.
3. Refutatur sententia P. Alexandri Natalis, auctoritatem Concilij Basileensis extollere conantis.
4. Solvuntur objectiones.



I.

ponit Maimburgus 9. Auctoritatem Concilij Basileensis: (a) hoc enim sessione 2. definit, Concilium esse supra Pontificem; nec posse, nisi Patres consentiant, Concilium à Summo Pontifice aliò transferri aut dissolvi. Et sess. 3. monitorium contra Eugenium IV. expedit, pœnasque non obtemperanti decernit. Et sess. 4. prohibet, ne durante Concilio Pontifex ad promotionem novorum Cardinalium procedat. Et sess. 7. non posse Papam de Beneficijs Cardinalium à Concilio punitorum disponere. Et sess. 8. Eugenium auctoritative, & sub pœnis contumaciae ad Concilium citat. Et sess. 9. rescindit omnia acta & processus ab Eugenio Summo Pontifice contra Wilhelmum Concilij protectorem factos. Et sess. 12. actum in Eugenium Summum Pontificem de limine, definitque & olim in Romanos Pontifices à Concilij animadversum esse, & d.inceps animadversum posse. Et sess. 14. Conditiones Eugenio Papae tribus formulis

T c c

com-

(a) Maimb. cap. 21. à fol. 191.

comprehensæ à Concilio præscribuntur, in quas nisi consentiat, Papatu exiit. Et *sess. 16.* Eugenius Papa, ut ibi habetur: *citationi, monitioni, & requisitioni factæ Concilij plenarie satisfaci*: Bullas & diplomata contra Concilium à se edita, nulla & inania fuisse declarat: ipsum vero Concilium fuisse legitime inchoatum, legitimeque continuatum; quo videtur Eugenius omnia in superioribus sessionibus facta, & consequenter citationes, & sententias contra se dictas confirmasse, & Concilij auctoritatem supra legitimum Papam agnovisse. Et *sess. 17.* admittit, ut præsideant, Legatos Papæ, sed cum certis conditionibus, quarum præcipua, ne ullam in Concilium exerçant jurisdictionem coactivam. Et *sess. 18.* expressè definit, majorem esse Concilij, quàm Papæ auctoritatem, & hunc nisi obediat, posse à Concilio puniri. Et *sess. 21.* tollit Concilium omnes Annatas, & qui eas exegerit, pœnâ Simoniacis decretâ punit: ipsum verò Summum Pontificem, si aliquid contra hoc Decretum moliat, jubet Concilio deferri. Et *sess. 26.* iterum definit Papam notorie criminolam jurisdictioni Concilij subjacere, ipsumque Eugenium Papam in jus vocat. Et *sess. 29.* circa medium, clarissimè iterum auctoritas Concilij supra Papam assertitur. Et *sess. 31.* Eugenium suspendit. Et *sess. 33.* etiam deponit. Et *sess. 38.* Concilium Generale supra Papam esse definit, idque ad veritatem fidei Catholicæ pertinere, & qui hoc pertinaciter negat, hæreticum esse. Et *sess. 39.* Amadæum Sabaudix Ducem, sub nomine Felici V. Papam renuntiat.

In appendice ad *sess. 17.* quæ habetur post Acta Concilij, Legati Eugenij IV. Romani Pontificis, *jurant fideliter laborare pro statu & honore Concilij Basileensis, ejusque decreta defendere & manuerere, & specialiter decretum Concilij Constantiensis de subjectione Pontificis. Et aliud Synodi Basileensis decretum, quod Papa Concilio Universali obedire teneatur. Idem habet Platina in vita Eugenij IV.*

Ex his Concilij Basileensis actis sic argumentari licet: Quidquid à legitimo Concilio definitum est, & a legitimo Pontifice confirmatum, id pro vero ratioque haberi debet: sed Concilio Pontificem subjacere, & à Concilio citari, judicari, puniri que posse; & ipsa Synodus Basileensis definivit, & Eugenius Papa confirmavit tanquam ritè legitimeque facta.

*Resp.* Multa tunc, quæ ad Basileensis Concilij Auctoritatem dici

dicipossunt. Primò ergo aliqua in genere, tum ad singula respondimus. Concilium Basileense ab Eugenio IV. convocatum, misso Juliano Cardinali, sicque legitimè inchoatum esse, dubitari non potest; ita enim habetur in Actis Concilij Sessione primâ. Sed cum adverteret Eugenius, Basileam Civitatem opportunam non esse, solvi Concilium jubet, aliò transferendum. Hinc primæ faces discordiarum. Sed Eugenium hæ causæ moverant. *Quòd* paucissimi Antistites Basileam accedere possent, ardente inter Austriæ, ac Burgundiæ Duces bello, Bohemis hæreticis omnes circa Regiones incursantibus, & idè itineribus omnibus infestis, occupatisque. *Quòd* Græcorum Imperator, alijsque ejus Imperij Principes, societatem cum Latina Ecclesia inituri, Urbem in Italia peterent, tam longo itineri commodam, marique vicinam, & idè Basileam averfarentur. *Quòd* ingentis momenti negotia in Concilio agitando Pontificis præsentiam poscerent; Is verò & decori, & necessitatis causâ, exire Italiâ non poterat, bellis & tumultibus absentiam secururis. Hæ Pontifici causæ solvendi Basileensis Concilij, aliòque movendi. Hinc Patrum indignatio, tum seditio, & aperta defectio, ac perpetuum bellum, non cum Pontifice tantum, sed cum ipsa Pontificia Dignitate. Varia Patres concitabant. Quàm plurium ambitio tiaram captantium: Columnenses Eugenio implacati, quòd eorum avaritiæ obstitisset, cum thesauris inhiâssent à Martino relictis: Dominicus Capranica, alijsque, quòd Purpurâ carerent à Martino paratâ: Philippus Dux Mediolanensis, perpetuus Eugenio hostis, quòd hujus curâ Italix Imperio arceretur: Cardinalis S. Eustachij à Patribus Avenionensi & Venusino Comitatibus contra jus fasque præfectus, idèdque turbarum belli que gaudens, ac turbido securus: Alphonfus Arragoniæ Rex, à Neapolitanis ad solium evocatus, quod extinctâ Andegavensi Stirpe Ecclesiæ accesserat: Carolus VII. Galliarum Rex impulsu Alphonfi Arragonij, ac opportunitate Regiam potestatem augendi, Ecclesiasticâ oppressâ Basileensium favore; quod etiam consecutus est celebri illâ Pragmaticâ sanctione, toties impugnatâ, toties victrice, ac tandem deletâ. Hæc erant, quæ Basileensium animos adversus Pontificem armabant, implebantque Concilium discordijs, seditionib<sup>9</sup>, tumultu, ambitione; adeò ut non tam Synodum, quàm Eurippum crederes, ventis ac tempestatib<sup>9</sup> tur-

bidum: & in quo vota & suffragia non veritati, sed singulorum affectui & cupiditatibus quærebantur. Quælo te, quam fidem ad-bibeas tam suspectæ Auctoritati, quæque ex Principum, & ambientium motu nutuque pendebat, aut vindictâ, aut cupiditate sententiam ferente? Nego ergo hanc Synodum, sed Synagogam fuisse pro tiara jurgantium: & in qua non Patres, sed Principes decernebant, nec fidei causa, sed ambitionis agebatur. Et quamvis hæc manifesta sint, nec ab alio negari possint, quàm historix ignaro; addam tamen confirmandæ veritati eorum testimonia, qui Concilio intererant, scribebantque, integritate ac doctrinâ celebres, omniq; majores exceptione.

S. Antoninus (a) Concilium Basileense, postquam ab Eugenio Pontifice jussu dissolvi, vocat: *Conciliabulum viribus cassum, Synagogam Sathana, temerarium, & presumptuosum conventum &c.* B. Joannes Capistranus: (b) *Synodum profanam, excommunicatam, interdictam, basiliscorum speluncam, Daemonum cavernam &c.* Joannes de Turrecremata: *Nullus sana mentis vir, qui novit, cum quanta gravitate, integritate, & modestia, fidei judicia tractanda sint, judicabit esse universali consensu totius Ecclesie conclusa, Spirituq; sancto dictata, in quibus hujusmodi factiones, & practica intervenerunt.* Pius II. in Bulla Retractionis: *Multi doctissimi viri, & sanctitate celebres scire se dicebant, Basileenses Spiritum Sanctum non habere Auctorem.* Beatus Albergatus teste Sigonio: (c) *Cum audisset, qua in contemptum Apostolica Sedis Basileenses decrevisset, Vir antiquæ probitatis exarsit, atque graviter eorum facta increpuit, & ut in auctoritate Summi Pontificis permanerent, admonuit.* Idem suprâ laudatus Turrecremata: (d) *Talia Decreta Concilij Basileensis (videlicet contra Pontificiam auctoritatem) ad furorem quorundam hostium Apostolica Sedis cum multitudine Populi parvi pretij, & nullius auctoritatis publicata sunt; & ideo plures attendentes, prædicta Decreta adversa esse Sanctorum Patrum doctrinis, non modò in Deputationibus suis contradixerunt, & reclamaverunt, verum etiam in Sessionibus ipsius Concilij interesse noluerunt.* Episcopus Meldensis Caroli septimi ad Eugenium Legatus, Regis sui Gallorumque nomine Basileensem Synodum (e) *vesanam* appel-

(a) S. Anton. 3. p. Tr. 22. cap. 10. §. 4.

(b) B. Joan. Capistran. de Papæ & Conc. auctor. p. 3.

(c) Carol. Sigon. in Vita c. 13.

(d) Turrecrem. summa de Eccl. lib. 2. cap. 100.

(e) V. Rainald. ad Ann. 1441, n. 19.



appellat, oratione in Cardinalium Collegio habitâ. Synodus quoque Florentina (a) Declarationes Basileenses tanquam impias scandalosas, in manifestam Ecclesia scissuram, ac omnis Ecclesiastici Ordinis confusionem tendentes damnat reprobâtq;. Denique Concilium Lateranense (cui Ludovicus Gallia Rex tanquam legitimo & Oecumenico per suos Legatos se adhærere professus est) Sessione undecimâ appellat Basileensem Synodum: *Conciliabulum Schismaticum, seditiosum & nullius prorsus auctoritatis*. Si ergo, ut ex adductis hætenus testimonijs liquet, Concilium Basileense *Schismaticum, Satanicum, temerarium, presumptuosum, Diemoniacum, serpentinum, factiosum, vesanum, viribus cassum, Spiritu sancto destitutum, furiosum, sanctorum Patrum doctrina, & exemplis adversum, scandalosum, reprobatum, damnatumq;* fuit; amabò te, ex tali Concilio quale subsidium speres? annon pudeat tam sordidi fædiq; patrocinijs? Ego fidem adhibeam, ego moveri tam indignis testimonijs? Imò si alia omnia cessent, hoc unum suffecerit sperendæ Adversariorum sententiæ, quòd tam miseris pudendisq; auxilijs sustentetur; impiam prodit tam profanus comitatus.

*Dices.* Synodum Basileensem tunc solùm damnatam esse, cùm Eugenium deposuit, Amadæo suscepto; tunc enim Schismaticæ ovalit.

*Resp.* Constat ex allatis testimonijs, Basileensem Synodum non solùm ob evectum Antipapam, sed etiam quòd Eugenio obtemperare nollit, illumq; Concilio submittere conaretur, graviter à Viris doctrinâ & pietate præcipuis vapulâsse, & execrationi habitam. Si enim Concilium est supra Papam, si hunc citare, punire, ac obsequium detrectantem in ordinem redigere potest; quid tandem Synodus deliquit, si Eugenio, cùm Concilio non pareret, alium Pontificem suffecit? Ula est potestate ac jure suo; non ergo *Schismatica, non Satbanica, non vesana* dici debuit: aut si debuit, non tunc solùm, cùm Eugenium dejecit; sed multò maxime cùm citavit, cùm decrevit, cùm Concilio subjecit; ex his enim necessariò sequebatur, deponi etiam posse, nam ad superiorem id spectat. Nec causa deponendi deerat; si enim Pontifex Concilio subiectus, ergo non solvere Concilium, non transferre, non Patres anathemate punire, non aliud Concilium indicare po-

terat; quæ tamen cum omnia faceret, nec Decretis Basileensium toties repetitis acquiesceret, meritò pœnas dabat. Si ergo Eugenius Concilio subiectus, si nocens, si obstinatus, quid mali Concilium fecit? si subiectum, & nocentem damnavit, aliudque Pontificem delegit? Ergo Basileense Concilium aut semper, aut nunquam deliquit.

*Secundo.* Tantum abest, Concilij Basileensis auctoritate causam nostram pejorem reddi, ut potius maximum pro nobis ex illa argumentum sumatur. *Tum*, quia illius Decretis, quâ parte auctoritatem Pontificiam impugnabant, omnes Viri sancti, doctrinæque præcipui adversati sunt, videlicet, S. Antoninus, S. Bernardinus, S. Laurentius Justinianus, B. Albergattus, B. Capistranus, alijq; adeò, ut ne quidem Sessionibus interesse voluerint, in quibus ea Decreta concepta & vulgata sunt, ut testatur Turcremata paulo antè laudatus. Concilium quoque Florentinum centum quadraginta Episcoporum (inter quos Patriarcha Constantinopolitanus, ac cæterorum trium Patriarcharum Legati) & Concilium Lateranense centum quatuordecim Episcoporum, eadem Decreta execrati sunt. Ipsos Patres Basileenses adeò hujus Concilij puduit, ut conferret se Eugenio adjunxerint, abscederentque Basileâ, vix viginti, unoque Cardinali relictis; & hi ut numerum supplerent, cadavera Episcoporum, qui jam vitâ decesserant, inferri Synodo jussêre, ut à mortuis saltem suffragia impetrarent, cum à vivis non possent. Denique tota Ecclesia Orbisque Christianus, & Decreta, & audaciam Basileensium damnavit, quando illis invitis Eugenium pro Pontifice habuit; quamvis enim Basileense Concilium Eugenium accusasset, citasset, damnasset, abdicassetque, Ecclesia tamen ac omnes Catholici damnatum à Concilio abdicatumque pro vero legitimoque coluit. Agnovit ergo Ecclesia tota, & errasse Basileense Concilium, & nullam in Pontifices exercere auctoritatem posse; si enim Concilium Basileense non erravit, habuitque in Pontificem potestatem, cur ergo Ecclesia, quem Concilium damnavit, quem Concilium abdicavit, pro damnato abdicatoque non habuit? Adde Concilium Basileense, postquam adversari cepit Romano Pontifici, adeò discordijs, factionibus, rapinis, alijsque facinoribus exardari cepit, sacro Conventu indignis, ut omnium confessione in Schi-

Schismaticum evaserit, illique exscindendo, velut communi mortali malo, Principes ferro, calum peste armari oportuerit, quâ tandem illa rebellium acies dissipata est. Quo exemplo manifestè patuit, eandem esse Politici ac naturalis Corporis rationem; utrumque enim quamvis floridum aliàs, vegetumque amisso Capite in cadaver evadit.

*Dicitur.* Basileense Concilium, quo tempore Eugenium damnavit, non fuisse legitimum.

*Resp.* Quæro, quam ob causam legitimum non fuerit, nisi quia ab Eugenio solutum, & Patribus majori ex parte ad Pontificem reversis? Ergo Concilium Pontifici subjacet; alioquin invictum repugnansque dimitti à Pontifice non posset: ergo censuerunt Patres, majorem esse Pontifici, quàm Concilio potestatem; alioquin Concilio potius obtemperare, quàm Pontifici debebant: & illi potius, quàm huic adherere; nunc verò, postquam Concilium deserunt, ut Pontifici se adjungant, idque totâ Ecclesiâ probant, manifestè profitentur, majorem esse Pontificis, quàm Concilij potestatem. Quacunque ergo ex parte Basileense Concilium aspicias, constat insigne ex illo causæ nostræ patrocinium, invitumque accedere; nunquam enim illud Sanctissimi viri (quotquot videlicet eâ ætate florebant scribebantque) nunquam Florentinum & Lateranense Concilium, imò totius Ecclesiæ consensus damnâset, quando contra tot, ac singulis ferè sessionibus pronuntiata Decreta, Eugenium pro legitimo Pontifice habuit, & hujus imperium Basileensium Decretis semper præhabuit. Nobis ergo militat, non Adversarijs Basileense Concilium.

*Tertiò.* Sessionem secundam Basileentem quod attinet, in qua decernitur: *Certum legitimumque, Pontificem Concilio subjacere.* Dico multis modis impugnari eam posse; constat enim, quo tempore habita est, Synodum Basileensem jam ab Eugenio solutam, revocatamque fuisse. Si ergo Synodus à Pontifice non confirmata nullius roboris est, quanto magis nullius roboris erit, non tantum non confirmata, sed positivè rejecta, rescissa, & improbata? Deinde ex supradictis, Sanctorumque Patrum testimonijs, quæ alibi produximus, certum est, non posse a Concilio definiri, nisi illa, ad quæ definienda convocatum est; & idèò Leo Primus, (4)

Gre-

Gregorius Magnus, (a) Paschalis II. (b) quæ in Concilijs Oecumenicis, Constantinopolitano primo, & Chalcedonenſi contra auctoritatem Patriarchæ Alexandrini decreta fuerant, irrita & inania eſſe voluerunt, ut alibi demonſtratum eſt. Si ergo Sancti Patres ne quidem tantorum Conciliorum auctoritate, qualia Constantinopolitanum, & Chalcedonenſe, moveri potuerunt, ut admitterent, quæ contra auctoritatem Patriarchæ Alexandrini decreta fuerant; quanto minùs admisſent, quæ Concilium Baſileenſe contra Romani Pontificis? An pejor cauſa, minorque reverentia Pontifici maximo, quàm Alexandrino Patriarchæ? aut major Baſileenſi Concilio, quàm Constantinopolitano & Chalcedonenſi auctoritas, ut quod iſta in Patriarcham non poterant, iſtud poſſet in Romanum Pontificem? Nihil ergo ex Decretis ſecondæ Synodi Baſileenſis contra ſuperioritatem Pontificis Romani deduci poteſt: idemque dicat ad alias ſeſſiones, in quibus multa Pontificiæ poteſtati contraria ſtatuta ſunt.

*Quarid.* Ad ſeſſionem 16. in qua Eugenius Bullas & diplomata à ſe contra Concilium edita, nulla & mania fuiſſe declaras: ipſum verò Concilium fuiſſe legitime inchoatum, legitimeque continuatum; multa reſponderi poſſunt. Cardinalis enim Turrecremata omnium conſcius, teſtisque oculatus negat eas Bullas Eugenij, ſed à Cardinalibus quibusdam expeditas, Pontifice decumbente, ærumnis morboque confeſto: (c) Andreas, inquit, Venetus, Dominij Venetorum tunc Orator, & aliqui Domini Cardinales, timentes futurum magnum ſcandalum in Eccleſia, mina i ſunt Domino Eugenio, niſi Bullas illas adhaſionis concederet, ipſum ſolum re cedentes reſtiterunt; unde præſato Domino in lecto decumbente præſati Domini reſeruntur Bullas illas taliter qualiter expeditiſſe, & miſiſſe Baſileam. Neque hoc novum in Eugenio, cujus teſtimonio (d) conſtat, prolixiores illas litteras, quæ in ipſius deſenſionem ad Univerſos Chriſti fideles inſcriptæ ſunt, quæque Seſſione 16. recitantur, ubornatas eſſe. Deinde certum eſt, quæ Eugenius in ſuo vozem Baſileenſium ſcripſit, omnium graviſſimo metu, qui in hominem cadere poſſit, etiam conſtantiſſimum, expreſſa fuiſſe. Ar-  
mis

(a) Gregor. M. l. 6. epiſt. 21.

(b) Paſchal. II. epiſt. 3 ad Eliam, quæ habetur Tomo 1. Conc. p. 2. in fragm. Synodi V.

(c) Turrecrem. lib. 2. cap. 100.

(d) Vide Seſſ. 16. & Spond. ad ann. 1433. n. 23. & 24.

mis domi forisq̃ue obsidebatur : Principes omnes ab eo defece-  
rant : Sigismundus tantùm animi pendebat : Roma capta : Car-  
dinales offensi : Schisma jam ferè conflatum, minæque omnium,  
qui supererant, defectionem inclamantium, nisi Basileensibus an-  
nueret. Quis rogo major metus injici poterat? aut quis pro  
validis agnoscat, toties negata, ac tandem tanto metu concessa?  
An jure merito non hic cum magno Athanasio (a) dicas? *Non est  
censenda ejus sententia, quam mina & terrores extorserunt; sed ea, quam  
protulit, cum liberos haberet affectus.* Denique licet Eugenius omnes  
Bullas revocaverit, quibus Concilium Basileense solvi jubebat,  
vitandique Schismatis causâ Concilium ratum legitimumque esse  
vulnerit; nunquam tamen Decreta confirmavit, quæ contra Pon-  
tificiam Dignitatem edita in Concilio fuerant; aliud enim est,  
Concilium esse verum legitimumque, aliud omnia, quæ in Con-  
cilio facta sunt, legitimè facta esse; nam & Concilium Constan-  
tinopolitanum, & Chalcedonense, & Constantiense legitima erant,  
& tamen non omnia, quæ in illis decreta sunt, Leo, Pelagius,  
Gregorius, Martinus approbârunt, ut suprâ notatum est. Et quàm  
multa illegitimè invalideque fiunt à legitimo veroque Principe?  
non ergo sequitur, approbato concordia causâ Basileensi Con-  
cilio, omnia quoque, quæ in illo facta sunt, ab Eugenio appro-  
bata esse. Testatur id Cardinalis Turrecremata, qui Eugenij ver-  
ba in Concilio Florentino differentis recitat. (b) *Eugenius, inquit,  
Florentia in Disputatione publica respondit ita dicens: Nos quidem progres-  
sum Concilij approbavimus, volentes ut procederet, ut inceperat; non tamen  
approbavimus ejus Decreta. Et in hoc sapientissimè fecit; quis enim nisi im-  
prudensissimus Princeps approbaret Decreta, quæ nunquam vidisset, aut quæ  
prius non examinasset, si in eis minùs rectum, aut minùs verum, aut minùs  
expediens reperiretur?* Lege totam Eugenij Bullam, quæ Sessione 16.  
recitatur, & ne verbum quidem invenies, quo dicatur Basileen-  
sium Decreta confirmari; imò, quod efficacissimè convincit, Le-  
gati ab Eugenio missi, rogatique, ut Decreto Constantiensi de  
subjectione Pontificis subscriberent, subscripserunt (uti expressè  
habetur Sessione 17.) nomine proprio privatoque; non verò ut Le-  
gati Pontificis; quod evidentissimo argumento est, aliam fuisse

U u u

Euge-

(a) S. Athanas. epist. ad solit. Vitam agentes.

(b) Turrecrem. Sum. de Eccl. lib. 2. cap. 100.

Eugenij mentem; alioquin quid opus erat protestari, se id *nomine proprio*, non verò nomine Eugenij præstare velle? Idipsum testantur (a) Turrecremata, & (b) Spondanus. Et hæc sunt, quæ de Basileensi Concilio dicenda habui, studio curaque veritatis.

II. *Opponit 10.* (c) Universitatem Parisiensem, totamque Gallicanam Ecclesiam, ac præcipuos hujus Ecclesiæ ac Universitatis Doctores præferre Concilij auctoritatem auctoritati Pontificiæ.

*Resp. Primò.* Equidem asserere non possum, quid modò Universitas Parisiensis, & Ecclesia Gallicana de hac re sentiant; video enim omnes in Regis obsequium spectare, nullâ Canonum, nullâ Ecclesiasticæ libertatis curâ, nec tam ex ratione, quàm metu præmijsque pendere: & quid mirum, etiam scholas gratiæ & favori cessisse, si templa cesserunt? scribunt ergo calamo Doctores, quod Episcopi docent exemplo. Cæterùm paucos ante annos non hanc Ecclesiæ Gallicanæ, & Universitatis sententiam fuisse, graves testantur & oculati scriptores; nam Anno 1662. die 12. Decembris Parisijs in Collegio Claremontano Patres Societatis contra hæreses & Schisma sæculi X. hanc thesin publicè exposuerunt, defenduntque, videlicet: *Datur in Ecclesia Romana Controversiarum fidei Judex infallibilis, etiam extra Concilium Generale, tum in questionibus juris, tum facti; unde post Innocentij X. & Alexandri VII. Constitutiones, fide divinâ credi potest, librum, cui titulus Augustinus Jansenij, esse hæreticum, & quinque propositiones ex illo excerptas Jansenij esse, & in sensu Jansenij damnatas.* In hac thesi agitur quidem de sola Pontificis infallibilitate, sed ex illa apertè sequitur, Concilium non esse supra Pontificem; si enim Papa etiam extra Concilium in rebus fidei errare & falli non potest, ergo nec corrigi, nec judicari à Concilio potest, & consequenter nec Concilio subjicitur. Patres ergo Societatis, quamvis Parisijs essent, & Parisijs docerent, non crediderunt, mentem esse Universitatis Parisiensis, aut Ecclesiæ Gallicanæ, ut Concilium Pontifici præferatur; quis enim credat aut ignorâsse illos Ecclesiæ Gallicanæ sententiam, aut contempsisse? nisi fortè dicas, aliam illorum temporum, aliam istorum conditionem esse; tunc enim fortiter contra Jansenium scribebatur, quia quid Jansenio aut

pla-

(a) Turrecrem. lib. 2. cap. 100.

(b) Spond. ad ann. 1434. n. 2.

(c) Maimb. cap. 23. fol. 253.

placeret, aut displiceret, parum intererat: nunc verò aptari calamus debet Regio favori, oportetque Pontificis auctoritatem ex Principis gratia metiri. Alia quamplurima omitto, quæ in quarta Dissertatione Gallix Vindictæ prolixè diximus.

*Resp. Secundò.* Sed ut dixi, parum mihi curæ est, quid modò Ecclesia Gallicana sentiat; quærimus quid olim senserit, quando videlicet illibata innocensq; florebat, veritatis, non gratiæ anxia, nec ad Regis arbitrium suspensa. Eam pro nobis stetit, sequentia clarè ostendunt.

Nam *Primò* Anno CCCXCVIII. mortuo Anastasio Pontifice Maximo delectus est Symmachus Romanæ Ecclesiæ Diaconus. At Festus è primis senatoribus corrupto pecunijs Clero, magnam ejus partem sibi adjunxerat, & suffragia pro Laurentio S. Prædix Archipresbytero paraverat, eodemque die Symmacho opposuerat, empta auro electione. Creditum est, id datum à Festo Anastasij Imperatoris Eutychiani gratiæ, cui, cum Constantinopoli Anastasij Pontificis Legatum ageret, pollicitus erat, se acturum, ut Roma Henotico subscriberet. Cum ergo Schisma in Urbe flagraret, nec partium studia componi possent, itum ad Theodoricum Regem, qui pro (a) Symmacho, quippè pluribus votis electo, sententiam dixit: nec id jure factum, sed necessitate ac meliorum desperatione, deque partium consensu. Festus judicio victus ad fraudes & calumnias vertitur. Multa Symmacho flagitia imposita, præsertim adulterij, utque Pontificatu absolveretur, à Theodorico petium. Is Episcopum destinavit, qui criminationes, causamque Symmachi examinaret, sed vociferante (b) Clero, id contra Canones fieri, nec ab alio judicari Pontificem, quàm à S. Concilio posse, imò ne à Concilio quidem, nisi illud Pontifex convocasset; Symmachum rogat, Concilium indicat. Is Regi assensus Romam centum & quindecim Episcopos vocat, seque eorum judicio sponte submittit. Audi acta Synodi Palmaris; sic enim teste Anastasio in Honorio, Porticus Basilicæ S. Petri Palmaria dicebatur: *Memorati Pontifices* (quos videlicet Theodoricus ad Synodum invitaverat) *suggerunt Regi, ipsum Symmachum, qui dicebatur impetitus, debuisse Synodum convocare, scientes, quia ejus Sedis primum*

Uuu 2

Petri

(a) Anastasius in Symmacho.

(b) V. Tom. 4. Concil. jedit. Paris & Maimb. de Schism. Occident. lib. 5. fol. 295. Cassiodor. in chron. anno 500.



Petri Apostoli est meritum, vel Principatus, nec antedicta Sedis Antistitem minorum subjacuisse iudicio. Sed potentissimus Princeps ipsum quoq; Papam in colligenda Synodo voluntatem suam demonstrasse significavit &c. Sed cum in Synodo nullus fieret disceptandi finis; Symmachus moræ & contentionum fessus, quamvis tertio vocatus negat, se amplius velle iudicio sisti, & minorum, quibus nullum in se jus esset, sententias experiri; nec Patres abnuerunt, quorum ad Regem scribentium hæc sunt verba: (a) Nobis quid facere possimus, non remansit, nec inyenit ad disceptationem nostram adducere possumus; nova res est, Pontificem Sedis istius apud nos audiri, nullum constat exemplum &c. Inhorruit Gallia, ubi Reum Pontificem audijt, multoque magis ubi Concilium iudicasse. Ergo omnium nomine ad Festum, Symmachumque Romani Senatûs capita hæc Avitus Episcopus Viennensis scribit: (b) Dum de causa Romana Ecclesia anxij nimis ac trepidi essemus, utpote nutare statum nostrum in lacesito vertice sentientes, quos omnes una criminatio percusserat, si statum Principis obruisset. In Sacerdotibus ceteris potest, si quid forte nutaverit, reformari; at si Papa Urbis vocatur in dubium, Episcopatus jam videbitur non Episcopus vacillare. Sanctorum voce patet Pontificum dignitatem Sedis ejus sanctam toto Orbe Venerabilem, dum illis, quidquid fidelium est, ubiq; submittitur, dum totius Orbis caput esse dignatur; de qua mihi videtur dictum per Prophetam: si hac humiliabitur, ad cujus confugietis auxilium, & ubi relinquetis gloriam vestram. Non facile datur intelligi, quâ vel ratione, vel lege ab inferioribus eminentior iudicetur, quod Synodus ipsa venerabili laudabili Constitutione prospiciens causam, quam (quod salvâ reverentiâ dictum sit) penè temerè susceperat inquirendam, divino potius servavit examini. En tibi Gallicanæ Ecclesiæ sententiam doctrinâ ac pietate florentis, quippe sub tempora baptizati Clodovæi: Non posse Romanum Pontificem in dubium seu iudicium vocari: illi quidquid est fidelium, submitti, esse totius Orbis Caput, & temerè à Synodo iudicari, sed Divino tantum examini servari. Ita Galliæ Antistites ante mille centum & octoginta annos sensere. Nequè, dicas, id tantum de Synodo particulari intelligendum esse, non verò de Synodo Oecumenica. Respondeo vanum esse hoc effugium, omnes enim rationes, sacræq; auctoritates, quæ probant Pontificem particulari Synodo, probant etiam

(a) V. Tom. 4 Concil. edit. Paris. fol. 1330. & seqq.

(b) S. Avitus Episc. Viennens. ep. 2. communi omnium Episcoporum Galliæ nomine apud Sirmond. in Ennod.

etiam Oecumenicâ esse superiorem : & citati Patres Gallicani expressè fatentur, Romanum Pontificem Divino tantum examini servari : quod falsum esset, si Oecumenico Concilio subjaceret. Et ita, quod maximi momenti est, Ennodius sensit ; is enim & Gallus erat, nec ignorare poterat mentem Ecclesiæ Gallicanæ, eodemque tempore vixit, quo Synodus agebatur, & pro Symmacho eloquentissimè scripsit, tantoque pretio apud Patres Synodi Romanæ Apologeticum fuit ab eo conscriptum, ut redigi voluerint inter acta Synodalia, & pro doctrina Synodali ab omnibus haberi. Audi acta ipsius Synodi : *Eo recitato libello, & ab omnibus consensu voce comprobato, sancta Synodus dixit : hac futuris temporibus reserventur, atq; ab omnibus teneantur, & ab omnibus servantur : hic libellus integerrimè synodallyter ab omnibus teneatur, atque inter quarta & quinta Synodorum actiones interponatur, quia Synodali auctoritate conscriptus est, & roboratus. Ad qua omnes ter unâ voce responderunt, ut fiat rogamus.* Jam verò cum tantæ sit auctoritatis Apologeticum Ennodij, audi quid ipse sentiat de Pontificis potestate nulli humano judicio obnoxia : *Aliorum hominum causas DEUS voluit homines terminare, sed Sedis istius Praefules suo sine quaestione reservavit arbitrio : voluit B. Petri successores Cælo tantum debere innocentiam.* Dicas forsitan : *omnium animarum talis erit in illa disceptatione conditio.* Replicabo, uni dictum : *Tu es Petrus, & super hanc petram aedificabo Ecclesiam meam.* Si ergo DEUS Romanos Pontifices suo soli arbitrio reservavit ; si voluit Cælo tantum debere innocentiam, patet illos Oecumenico Concilio minimè subdi, alioquin falsum esset eos soli Divino arbitrio reservari, & Cælo tantum innocentiam debere. Id verò tam clarum est, ut ipse Maimburgus tum Ennodij, tum Antistitum Galliae, quorum voces Avitus Viennensis calamo expresserat, testimonij victus libro quarto de magno Schismate Occidentis fol. 307. in hæc verba proruperit : *Par l'histoire même de Symmachus il est tout evident, que le Concile de Rome, toute l'Eglise Gallicane, Ennodius & le Canons rapportez dans le Decret de Gratien avoient déjà décidé plus de neuf cens ans auparavant, que c'est à Dieu seul, qu'on doit réserver la connoissance, & le jugement des crimes, qu'on pourroit imputer aux Papes, & conséquemment qu'il n'y a Personne, qui ait droit de les juger, ny de les déposer, si ce n'étoit, qu'ils fussent Herétiques, car il est certain, qu'en ce cas ils ne seroient plus Papes.* Hoc est : *Ex ipsa Symmachi Historia certissimum est, tam Concilium Romanum, quàm Ecclesiam totam Gallicanam,*

Ennodium, Canonesq; à Gratiano citatos jam ante nongentos annos decidisse, solius DEI iudicio cognitionem, sententiamq; eorum criminum reservari, quæ Romanis Pontificibus imputantur; & proinde nulli mortalium fas esse sententiam contra illos ducere, eunq; Pontificatum abrogare, nisi foris hæresi tangerentur, tunc enim certum est, eos ne Pontifices quidem esse. Haëtenus Maimburgus cùm adhuc innocenti calamo scriberet, nec præmijs capto, & hoc ipso exemplo utitur, ut ostendat: Non licuisse Concilio Constantiensi Joannem XXIII. Pontificatu exuere, idq; Senatui Regium censuisse. Si ergo ex sententia Caroli VII. Galliarum Regis, ejusque senatus, ac etiam ipsius Maimburgi non licuit Oecumenico Concilio etiam tempore Schismatis, etiam in dubium Pontificem sententiam ferre, quantò minùs licebit in unicum, verum, indubiumque? Sed ut dixi, hæc Maimburgus scripsit pace inter Pontificem, Regemque florente; ubi turbata est, animum ac sententiam mutavit, Regique accessit, non quòd hujus causa melior, sed quia vicinior, potentiorque, sicque pretium ex propinquo paratius. Ergo sive Concilium Romanum, sive Gallicanam Ecclesiam, sive Ennodium & Maimburgum æquè Gallos interroges; Papa omni Concilio superior.

*Secundò.* Facit pro hac nostra sententia egregium Ennodij Galli (qualem se sæpè profiterur) testimonium modò recensitum.

*Tertiò.* Anno DCCC. Cùm Carolus Magnus Romæ ageret, & Leonem III. criminibus, quæ ab æmulis objectabantur, in Synodo purgari vellet, Antistites maximâ & præcipuâ parte Galli (ut testatur Anastasius in vita Leonis) in hæc verba exclamârunt: *Nos Sedem Apostolicam, quæ est caput omnium Ecclesiarum, judicare non audemus.* Nam ipsa nos omnes, ipsa à nemine judicatur, quemadmodum antiquitus mos fuit. Ita Anastasius in vita Leonis. Si à nemine judicatur, ergo neque à Concilio Oecumenico; & nota ea verba: *Sicut antiquitus mos fuit.* Nostra ergo sententia jam dudum Antiquitati commendata fuit, nec uti falsò supponit Maimburgus, modò tyrocinium egressa.

*Quarò.* Anno circiter 1004. Ivo Carnotensis epist. 183. *Judicia Romana Ecclesia à nemine retractari possunt; & si quis aliquando hujus Ecclesie auctoritate prægavatum se sentias, non debet in Ægyptum descendere propter auxilium, sed ab ipsa ad ipsam confugere, & inde expetere levamen, unde se conqueritur accepisse gravamen.* Si ergo *Judicia Romana Ecclesia à*  
*nemi-*

nemine retractari possunt; si ab Ecclesia pręgravatus ad nullum alium recurrere, ergo Concilium non est supra Papam, alioquin hujus judicium retractari possent, & pręgravatus à Pontifice, non ad hunc redire teneretur, sed posset ad Concilium provocare.

Quintò. Anno circiter 1300. S. Thomas Aquinas, qui Parisijs didicit, docuitq; , & quo Universitas Patiensis neminem habuit doctrinā & sanctitate majorem; is opusculo contra impugnantes Religionem capite 4. ita loquitur: *Papa habet immediatam jurisdictionem in omnes Christianos, quia Romana Ecclesia nulli Synodici constitutis ceteris Ecclesijs prælata est, sed Evangelicā voce Domini & Salvatoris nostri primatum obtinuit, & illa, qua sancti Patres determinaverunt esse juris positivi, sunt relicta sub dispositione Pape, ut possit ea mutare vel dispensare secundum opportunitates temporum vel negotiorum.* Sancti enim Patres in Concilijs congregati, nihil statuere possunt, nisi auctoritate Romani Pontificis interveniente, sine qua etiam nec Concilium congregari potest. Et Quæstione de Pot. a. 4. ad 3. Romanus Pontifex hoc suā auctoritate potest ( hoc est, interpretari Symbolum ) cujus auctoritate solā Synodus congregari potest, & à quo sententia Synodi confirmatur, & ad ipsum à Synodo appellatur. *Quia omnia patet ex Gestis Chalcedonensis Synodi. Nec est necessarium, quod ad ejus expositionem congregatur Universale Concilium; cum quandog, id fieri prohibeant belli dissidia, sicut in 7. Synodo id legitur, quod Constantinus Imperator dixit, quod propter imminentiā bella Universalem Synodum congregare non potuit, sed tamen illi, qui convenerunt, quadam dubia in fide exorta sequentes sententiam Agathonis determinaverunt.*

Sextò. Sanctus quoque Bonaventura Clarissimum Universitatis Parisiensis Lumen, & de quo Joannes Gerson ejusdem Universitatis Cancellarius verissimè dixit: (a) *Nunquam talem Doctorem habuisse studium Parisiense.* Hic, inquam, Seraphicus Doctor de Cœlesti Hierarchia p. 2. c. 1. *Summus Pontifex, penes quem prima in terris residet auctoritas, non à Rege, non à Principe seculari, non ab homine judicatur, sed solius DEI judicio reservatur.*

Septimò. Extollunt Moderni Galli Decreta Concilij Constantiensis, ac præsertim Patres Convētūs Parisiensis, ut proinde hujus Concilij doctrina dici possit doctrina modernę Ecclesię Gallicanę: at Patres Concilij Constantiensis negant Concilium esse supra certum & indubitatum Pontificem, idque patet ex eo, quod quoties potestatem Concilio in Pontificem tribuunt, toties clau-

(a) Gerson de lib. Leg. confid. 5. p. 2.

clausulam taxativam & restrictivam apponunt, videlicet: *In his, qua pertinent ad fidem & extirpationem dicti Schismatis; super pramissis, aut ad ea pertinentibus, pro Unione Ecclesia &c.* Planè hæ restrictiones aperte significant, in alijs casibus, quando videlicet nec Schisma est, nec dubius Papa, nullam esse Concilio potestatem; exceptio enim firmat regulam in contrarium, quemadmodum si Episcopus dicat: *Concedimus Petro facultatem audiendi missam in sacello domestico dur ante morbo;* hoc ipso innueret, morbo finito, facultatem quoque sublatam: Sicque Henricus Spondanus quamvis Gallus & Episcopus Apamiensis in Annalibus Ecclesiasticis intelligendum esse Concilium Constantiense disertè, multisq; in locis profiteretur: præcipuè verò ad *Annum 1415. n. 54. & ad Annum 1418. n. 5.* cujus verba postea exscribemus. Sed præsertim Concilium suam mentem expressit, quando die 11. Septembris Anno 1417. ante sessionem 40. post trium Obedientiarum Unionem, cum tres Nationes Italica, Hispanica, & Gallica vellent priùs certum Pontificem eligi, quàm ad Decretum Reformationis procedi; Germanica verò contenderet præmittendam Reformationem, tandem acquievit Germanica tribus alijs nationibus, idque jure inerito, quid enim magis ad Reformationem necessarium, quàm tolli Schisma, & reddi Ecclesiæ Unionem? Post qua, subjungunt acta, (a) *fuerunt facta diversa forma Decreti ad hos; ac tandem fuit dictum, quòd Papa electus ligari non poterat;* ita habetur in 4. Manuscriptis Codicibus à doctissimo Schelstrato editis, relatisque in actis & Gestis Concilij Constantiensis. Si Papa à Concilio ligari non potest; sequitur ergo Concilium non esse supra Pontificem, idè enim adversarij Concilium Pontifici præponunt, ut ligari, judicarique à Concilio possit; at Concilium Constantiense negat id fieri posse. Eàdem die, mense, & anno in Protestatione à tribus Nationibus( quarum florentissima Natio Gallicana, ut ex actis patet) contra Germanicam edita, & communi nomine à Cardinali Pisano lecta, cujus initium: *Audite hæc omnes gentes, circa medium hæc habentur: Si ante dictam provisionem Ecclesia de Pastore, aut saltem modi electionis illius, suppositis hujus Concilij Decretis, quibus omnia jura circa electionem Summi Pontificis edita dicuntur esse suspensa, sequeretur Ecclesiam Dei esse sine Capite, & sine Lege, & Ecclesia in periculo remaneret, quia vix congregaretur indubitatum Concilium deficiente Capite, ad quod pertinet*

con-

(a) Schelstrat. in Actis &amp; Gestis Concil. Constant. fol. 268.

*convocare.* Quomodo ergo Concilium est supra Papam, quando ne quidem est Concilium, multoq; minus habet auctoritatem Conciliarem, deficiente Papâ? Quomodo sustineri potest, auctoritatem Concilij esse immediatè à Christo, si ne Concilium quidem esse aut dici potest, Pontifice sublato, eisque auctoritatem non præstante? Quod si defectu Pontificij consensûs Concilium evadit nullum, multò magis erit nullum, Papâ expressè contradicente; plus enim est, positivè contradicere, quàm tantùm non consentire. Rursus in Bulla Martini V. sacro approbante Concilio facta, quæ habetur sessione ultimâ, inter alias propositiones, quæ aliquem suspectum hæresis reddunt, etiam hæc ponitur: *Papa canonicè electus non est successor Petri, ne habet in Ecclesia DEI supremam auctoritatem.* Agnoscit ergo Concilium, supremam in Pontifice potestatem, atqui suprema non esset, si Concilio subjaceret; quemadmodùm in statu Democratico, qualis erat Respublica Romana, & hodiè Helvetica, nemo dicit supremam potestatem esse penès Consulem, sed penès Comitiam Popularem. En tibi Concilium Constantiense, ipsamque Ecclesiam Gallicanam, præcipuam videlicet illius Concilij partem sententiæ nostræ subscribentem!

*Octavo.* Insigne Ecclesiæ Gallicanæ testimonium habemus in protestatione, quam ea ante Sessionem 40. Concilij Constantiensis contra Nationem Germanicam edidit, quodque modò antè retulimus.

*Nono.* Anno 1441. Carolus VII. Francorum Rex celebrato apud Biturigas Galliz præfatum Conventu, missâque ad Eugenium IV. legatione, cujus Princeps Episcopus Meldensis, non solum Eugenium pro vero Pontifice agnovit, respuitque Decreta Basileensis, verum etiam Pontificis Romani supra Concilium auctoritatem palàm testatus est; verba Meldensis Episcopi hæc sunt. *Nimio fervore resistendi ad hanc insaniam deventurum (Basileenses videlicet) quòd supremam potestatem in uno supposito consistere denegant, sed eam in multitudine, quæ citò in diversa scinditur, collocant, & sic pulcherrimam Ecclesiæ Monarchiam, qua Christianos hucusq; tenuit in unitate fidei, in una professione Religionis Christianæ, in uno ritu sacramentorum, in una observantia mandatorum, in eisdem ceremonijs divini cultûs, atque pacem & tranquillitatem asseruit, nunc abolere contendunt, nobilissimam Politiam, qua beatitudinem celestem habet pro fine, ad Democratiâ vel Aristocratiâ redigentes.* Et hoc ani-

*inadvertens prefatus Rex Christianissimus vehementi dolore ingemiscit, ac remedia ubiq; perquiri, ac denique consulto Prælatorum &c. Observa, quâ Galli censurâ nostram ab Adversariorum sententia distinguant; Adversariorum enim sententiam, quæ Concilium Pontifici præponit, insaniam vocant. Nostram verò, quæ Concilium Pontifici subdit, ac perfectam Ecclesiæ Monarchiam statuit (a) Pulcherrima Monarchia, Unitatis, fidei, ac Religionis Christiana, Obedientia, pacis, ac tranquillitatis Matrem appellant; quid poterat luculentiùs à Gallis dici? aut quis unquam sententiam nostram pulchrioribus encomijs, Adversariorum verò graviore censurâ notavit? Neque hæc solius Regis aut Episcopi Meldensis sensa fuere, sed ut in eadem Oratione habetur: Ex Consulto Prælatorum, & aliorum multorum sapientum Regni sui, &c. Hæc Gallus perorabat.*

*Decimò. Anno MDXIII. Ludovicus Galliæ Rex Legatos suos Cardinalem videlicet Sanseverinum, Claudium Seifellum electum Episcopum Massiliensem, ac Ludovicum Furbin ad Concilium Lateranense mittit, qui exhibitis Regijs litteris professi sunt: Gallia Regem Concilio Pisano ac omnibus in eo peractis renuntiare: Concilio verò Lateranensi tanquam Legitimo, unico, indubitato & Oecumenico adbarere, & quàm primum fieri poterit, effecturum, ut aliqui Prælati & insignes viri nomine Ecclesiæ Gallicanæ cum sufficienti mandato submittantur, qui Concilio Lateranensi adhareant & assistant, quemadmodum cætera Nationes. Idemq; Claudius Massiliensis Episcopus publicis instrumentis & litteris, (b) quas Concilio sequenti anno exhibuit, palàm fecit, ostenditque: Cabilonensem, Lexoviensem, Ambianensem, Engolismensem, & Laudunensem Episcopos unâ cum aliquot Doctores in Theologia, & utroq; jure iter ad Pontificem sumpsisse, ad renuntiandum Pisano Conventui, & adbarendum Lateranensi Synodo. In hoc autem Concilio, quod Galli pro vero & Oecumenico habuere, sessione 10. pronuntiatum est: Solum Romanum Pontificem pro tempore existentem auctoritatem super omnia Concilia, plenamq; potestatem habere Conciliorum indicendorum, transferendorum, ac dissolvendorum, idq; ex sacrarum litterarum testimonio, dictis Sanctorum Patrum, sacerdotumq; Canonum Decretis constare, &c. Et quamvis per modum Dogmatis definitum non fuerit, negari tamen haud potest, maximæ aucto-*

(a) Habetur tota Oratio Episcopi Meldensis apud Raynald. ad ann. 1441. ex Codice Vaticano 4177. descripta.

(b) V. acta Concilij Scilicet 8. & 9. Spondan. ad ann. 1514. n. 31



auctoritatis hanc doctrinam esse, utpote in Concilio Universali assertam, probatam, & cui nullus Episcoporum resistere est ausus.

*Undecimò.* Hanc ipsam veritatem agnovit, ac sæpè in suis professus est Henricus Spondanus Natione Gallus, dignitate Episcopus, doctrinâ eximius, parique pietate ac honorum contemptu, sicque adulationis expers, quam nemo gratis exercet. Is ad Annum 1415. n. 16. ubi agit de Sessione 4. Concilij Constantiensis, ita loquitur: *Hoc Decretum Sessionis 4. accipiendum est de tempore Schismatis, cum dubitaretur, quis verus esset Pontifex; de quo semel dicimus, cum apud diversos pluresq; ejus seculi auctores reperitur assertum, Concilium esse supra Pontificem, Papam subesse Ecclesie, intellexisse omnes (si verba eorum diligenter expendantur) intelligendumq; omnino esse, quando agitur de fide aut tempore Schismatis, quoniam si Papa fortè fieret hæreticus, desineret esse Papa, tempore verd Schismatis incertus est: Ecclesia autem nec unquam labi in hæresin potest, nec ejus auctoritas est unquam incerta. Et ad annum 1418. n. 5. Quæ ambigüe dicta fuerant de auctoritate Concilij supra Pontificem, & de potestate reformandi Ecclesiam, tam in Capite, quàm in membris, ut sonare videntur, absolute sumptas nullo modo Martinus agnoscere, aut probare voluit, utpotè contrarias existimatas & praxi antiquioris Ecclesie, & collata à Christo Domino Petro, ejusq; successoribus auctoritati ac potestati, ipsiq; demum natura rei, quæ Caput debet membra regere, non regi à membris, &c.* Hæc Spondanus, cui utique nemo unquam imputabit, aut ignorasse illum Ecclesie Gallicanæ sententiã, aut ab ea descivisse.

*Duodecimò.* Ipse Maimburgus infestus aded Romanæ sedi, seu nondum adulatione corruptus, seu veritati cedens; idiplum apertissimè professus est in libro de Magno Schismate Occidentis lib. 5. fol. 307. ubi cum longâ oratione, & exemplo Symmachi Papæ, quod suprâ retulimus, ac præsertim auctoritate Ecclesie Gallicanæ tunc temporis sanctitate ac doctrinâ eximie ostendisset: Pontificem Romanum nullius Synodi, sed solius DEI judicio subjacere, hæc tandem verba ex suo adjungit: *Manifestum omnino est, exemplo Synodi Romanæ, iestimonio Ennodij, Ecclesie Gallicanæ, sacrorumq; Canonum à Gratiano ciuatorum, jam supra nongentos annos decisum esse, soli DEO judicium reservari eorum criminum, quæ Pontifici Romano imputantur, siq; nulli Mortalium fas esse Pontificem judicare, aut eum Pontificiâ dignitate exuere; solâ hæresi exceptâ, quam si incurrat, certum est, illum nec dici, nec esse Pontificem posse.* En tibi & Ecclesie Gallicanæ, & ipsius Maimburgi manife-

stam sententiam! quam si postea Maimburgus mutavit, non cau-  
set hoc vitium, quæ semper eadem est, sed animi fuit, indignatio-  
ne in Pontificem, amore in Principem, & cupiditate præmiorum  
capri, aut si hæc omnia defuere, (nec enim mortuum judicaverim)  
eum societas aulae corripit, ardorq̃ue non tam vera scribendi,  
quàm grata & placitura. Miserum! si tam brevi, fluxoque pretio  
calamum locavit, & tempori, non æternitati scripsit. Plura dici  
possent, quibus Ecclesiam Gallicanam pro nobis stare palàm fieret;  
sed id totâ Dissertatione quartâ Galliæ Vindictæ ex professo, &  
luce meridianâ clariùs demonstratum est.

III. Incidi, postquam hæc scripseram, in Dissertationes Pa-  
tris Alexandri Natalis, qui ad Sæculum 16. nihil non agit, ut Basi-  
leenfis Concilij Décreta extollar, deprimatq̃ue Pontificis auctori-  
tatem. Dividit Concilium Basileense in duas partes; & illud va-  
luisse, receptumq̃ue ait usque ad Sessionem 25. quando videlicet  
Eugenius Concilium Ferrariam transtulit: à Sessione verò vigesi-  
ma quinta, invalidum fuisse concedit, quippe saniori Patrum nu-  
mero ab Eugenio stante, & Ferrariam tamquam Græcis commo-  
diorem (de quibus reducendis agebatur) cum Eugenio diligente.  
Ego contrarium ostendam, videlicet etiam ante Sessionem vige-  
simam quintam Décreta Basileensis Concilij, quæ contra Pontifi-  
ciam auctoritatem dictata sunt, invalida fuisse.

*Primò.* Constat Concilium Basileense juratis Eugenij ho-  
stibus, qui non tam Ecclesiæ & Religionis, quàm vindictæ, priva-  
tique odij causam agebant, miscebantq̃ue omnia falsis accusatio-  
nibus, ut Eugenium criminarentur, ac folio deicerent. Joannes  
Turrecremata testis oculatus in Responsione ad Basileenses, quæ  
extat in Bibliotheca Victorina, & quam Alexander citat loco cita-  
to n. 7. *Cardinalis*, inquit, *Arelatensis antiquus Eugenij hostis*, quia ab eo  
non valuerat impetrare, ut Avunculo suo succederet in officio Camera Apostolica.  
*Patriarcha quondam Aquileensis Papa capitalis inimicus propter Patriarchatum*  
*occupatum à Veneris.* *Ludovicus de Palude Episcopus quondam Venciensis fu-*  
*riosus Adversarius Papa*, quia in Ecclesia Massiliensi non habuerat contra justiti-  
am desiderata suffragia, *Gratianopolitanus, Sabaudiensis, Arelatensis consan-*  
*guineus.* *Basileensis homo sine litteris, timore ut credebatur inductus.* *Duo*  
*Religiosi Apostata, sine Ecclesijs Cathedralibus Episcopi nominati.* *Raymundus*  
*Taboni Papa jam dudum insensus*, quòd ab ipso ob sua demerita privatus  
fuisse

fuisse officio Auditoris Curia Avenionensis: ecce merita, ecce numerum eorum, qui furore percussi nomen Ecclesia Universalis sibi usurpantes auctores fuisse Declarationis erroneae. Hæc Turrecremata.

Præsertim verò furebat, miscebatque omnia Dominicus Capranica, purpuram illi negante Eugenio, quam Martinus contulerat. Cardinalis quoque S. Eustachij Avenionensi & Venusino Comitatus à Synodo præfectus, ut hanc dignitatem tueretur, ab Eugenio defecerat, rebusque turbandis impigrè laborabat. Philippus Maria Dux Mediolanensis, ab ipso in Pontificatum ingressu Eugenio infensus, nullum finem concitandi Patres faciebat, donec pace aliquoties cum Eugenio facta ruptaque infelici morte sublatus est, ut scribit S. Antoninus 3. p. tit. 22. c. 11. §. 17. Alfonso Arragoniæ Rex Regnum Neapolitanum captans, quod extincta Johanna II. ad Sedem Apostolicam devolutum fuerat, quodque Eugenius Renato Ludovici Andegavensis fratri parabat; litteris, Legatisque Basileenses urgebat. Sed & Galliz Rex Carolus & Sabaudia Dux Alfonso accessere, & ab Alfonso in commune odium contra Eugenium pertracti sunt. Quid ergo miraris, excitatam fuisse in Concilio Basileensi tempestatem tot in contrarium spirantibus ventis? S. Antoninus 3. p. titulo 22. cap. 10. §. 4. testatur fuisse inter Basileenses Conciliares aliquos propter crimina Episcopatus ab Eugenio privatos.

Johannes quoque de Turrecremata: Nullus, inquit, sana mentis vir, qui novit cum quanta gravitate & modestia fidei causa tractanda sint, judicabit esse universali Ecclesia consensu conclusa, & à Spiritu Sancto dictata, in quibus hujusmodi factiones & practica intervenerant.

Et iterum S. Antoninus 3. p. tit. 22. c. 10. §. 4. Eugenius IV. Concilium Auctoritate Apostolica dissolvebat (id accidit ante Sess. 2.) at illi aures suas obliuaverunt, sollicitati ad hoc à Duce Mediolani, agrè ejus Pontificatum ferente.

Pius II. in Bulla Retractionis, & ipse oculatus testis: Multis doctissimi Viri & Sanctitate celebres scire se dicebant, Basileenses Spiritum Sanctum non habere auctorem.

Alibi quoque Turrecremata: (a) Decreta Concilij Basileensis ad furem quorundam hostium Apostolica Sedis publicata sunt.

Idem Turrecremata in Responsione ad Basileenses in Concilio

eilio Florentino : *Præsidentes omnes non consenserunt, imò contradixerunt & protestati sunt omni meliori modo, quo poterant* (Decretis videlicet Sessionis 18.) *licet aliqui eorum, non ut Præsidentes, sed ut particulares Personæ, quasi violenter, & cum aliter non admitterentur, ad Præsidentiam consenserunt.*

Eugenius IV. in Bulla ad Archiepiscopum Coloniensem Anno 1431. hoc est, post Sessionem primam : *Pleriq̃, stare & accedere sunt coacti, in quibus nec vis nec potestas Concilij Generalis consistit, quorum voces & deliberationes minimè sunt libera, cum ab eorum, qui compulerunt, voluntate dependeant. Itaq̃, digni non sunt, neq̃, habiles, qui legem dent Ecclesia.*

Idem Eugenius in Bulla Translationis Concilij ad Civitatem Ferrariensem Anno 1437. *Cum neq̃, nobis, neq̃, nostris tutum aut liberum sit in eo Concilio, quod subjectio est, & tyrannide quadam amulorum nostrorum redactum, quidquam proponere, aut tractare.*

Pius II. & ipse testis oculatus in Bulla Retractionis : *Cardinales, qui Basileam venerant, ob privatas inimicitias bono & Sancto Viro Eugenio notam inurere voluerunt.*

Et iterum Eugenius in citata Bulla Translationis Ferrariam : *In venerabilem fratrem nostrum Johannem Archiepiscopum nonnulla confingentes irruerunt, omniq̃, pratermisso juris ordine, postquam primò, secundo, ac tertio ea peteret, qua jure nulli deberent denegari, primò in domo sua detinere coacti sunt; deinde Deputationem ac Congregationem Generalem illis interdicerent, ac postremo suam justitiam asserere satagentem, in domo propria tumultuario multitudinis impetu carcerare moliti sunt. Preterea Arnoldum Rachlinchusen dicti Archiepiscopi Procuratorem pro justitia illius loqui volentem in Congregatione Generali manibus injectis percusserunt, ac per capillos ad carcerem trahere conati sunt adeò violenter atq̃, inhonestè, ut Cardinalis S. Sabina Legatus de violentia illata & de sublata Concilij libertate publice fuerit protestatus. Tandem justissima petitione porrecta, quod nisi in sua justitia audiretur, & ab oppressionibus, qua indies augebantur, cessaretur, ipse ob justum metum recedere inde cogeretur : & non modo non fuit audita ipsius petitio, verum etiam contra exhibitorem ipsius, ut ad carceres traheretur, est acclamatum. Omittimus alia plura gravamina, ut cursores nostros primùm, tunc dilectum filium Priorem Farnensem Ordinis Pramonstratensis ad nos specialiter missum in itinere cum litteris interceptum, pecunijs cum bonis alijs nudaverunt, ut ex nostris sit nemo, qui sine justo metu, vel illuc ire, vel inde redire possit. Quantum Generali Concilio ista conveniant, cunctis ratione utentibus liquet.*

Et infra : *Pauci ex primoribus, quos sequitur inferiorum turba, par-*  
tim

tim ambitionis corrupti peste, parim potentium quorundam secularium seu furori obsequentes, seu delinuti obsequijs, seu minis ac terroribus ad Acti sub Reformationis specioso nomine sese Duces atq; auctores praeberunt. Nota, quæ hîc ab Eugenio recensentur, contigisse ante Bullam novæ Translacionis Ferrariam.

Idem Æneas Silvius (qui postea Pius II.) l. i. de gestis Basileensium ad annum 1439. enarrans, quæ in Concilio agebantur pro stabilienda sententia Superioritatis Conciliorum repugnante Cardinali Panormitano: *Hac cum vidisset Ludovicus Patriarcha Aquileensis (quæ videlicet contra sententiam Basileensium à Panormitano, ejusque socijs agebantur) generum nobilitate (Dux erat) fidens, ac tumens, versus ad Panormitanum & Ludovicum Romanum Protonotarium: ne credite, ait, rem sic abire: Germanorum nefcitis mores: nempe si sic proceditur, nequaquam erit integrum capitibus hanc provinciam exire. Hoc verbo velut celesti fulmine tacti Panormitanus ac Mediolanensis Archiepiscopus, uno impetu assurgentes, Libertas, inquit, nobis eripitur? En quid est, quod frangenda nobis capita Patriarcha minatur.*

En tibi veram Concilij Basileensis ideam! Quis habeat pro vero, & Oecumenico Concilio illud, cui essentia, & anima Concilij defuit, libertas videlicet dicendi; & quæ libertas dici potest illius Concilij, in quo omnia susque deque vertebant hostes antiqui, capitales inimici, furiosi adversarij, homines insensu Eugenij Pontificis? in quo factiones & practica intercedebant gravitati, modestia & Spiritui Sancto contraria? in quo ad furorem quorundam hostium Apostolica Sedis Decreta vulgabantur? In quo quasi violenter, & cum aliter non admitterentur ad Præsidendam consentire Legati cogebantur? in quo voces & deliberationes non erant libera: in quo Patres tyrannide emulorum Eugenij agebantur? in quo ob privatas inimicitias Eugenio notam inurere conabantur? in quo denique, qui pro Eugenio ac Pontificia dignitate stabant, non tantum non audiebantur, verum etiam indignis modis, & quod vix feras in Rusticorum, plebisque congressu, carceribus, verberibus, rapinis, multabantur, & Patres (si tamen hoc nomine appellare fas sit tam inconditam turbam) ambitionis corrupti peste, potentium secularium obsequijs delinuti, minis & terroribus ad Acti omnia volebant? hæ sunt notæ veri & Sacrosancti Concilij? hi dicere poterant: *Visum est nobis & Spiritui Sancto?* & Decreta ab hujusmodi hominibus tam indigne, contraque omnem rationem & exempla

anti-

antiquorum Conciliorum dictata Legem Ecclesiæ dabunt? An jure merito non posset Eugenius Basileensibus dicere, quod olim & in simili omnino causa Ephesinis Episcopis Leo primus dixit, cum Decreta Synodi secundæ Ephesinæ damnavit: *Dum privata causa Religionis obtentu exerceretur; commissum est impietate paucorum, quod universam Ecclesiam vulneraret.* Imò tanto justior querela, quod Ephesini Flavianum Episcopum, Basileenses verò Eugenium Summum Pontificem damnaverint; & illi centum viginti octo, Basileenses verò octo tantum cum Eugenium primò, hoc est Sessione 2. & sequentibus citarunt teste Turretemata. Et Eugenius epistola ad Concilium, cui initium: *Ad sanctam Petri &c. &c.* Erant, inquit, & numeri parvitate, & tot tantarumq; rerum mole peragendarum insufficientes penitus & inhabiles ad versutias & hereticorum argumenta solvenda. Et sanè fuisse ignorantissimos præter alia argumenta, vel illud satis ostendit, quod in litteris ad Imperij Electores Anno 1432. datis; *Imitamini*, inquiunt, *Carolus Magnus*, qui Roma Synodo congregata, ut adversus Symmachum Papam accusatores audiri deberent. At imperante Carolo Magno non Symmachus, sed Leo III. Pontificem agebat; & Symmachus objerat Anno Christi 514. hoc est, trecentis annis ante Caroli imperium: imò in causa tam Symmachi quàm Leonis à Patribus Concilij palàm conclamatum est: *primam Sedem non à Synodis, sed à solo Deo judicari posse.* Posset rogo in re tam omnibus nota, & ubique terrarum decantata, qualis est historia Caroli & Leonis, major rerum Ecclesiasticarum ignorantia cogitari? & an Turretemata loco suprà laudato non meritò dixit: fuisse in Basileensi Concilio *homines parvi pretij, & nullius auctoritatis?* sed tales oportuit esse, qui Pontificiam Dignitatem impugnarunt, ignorantes videlicet & crudeles, ut nec scirent veritatem, nec amarent. Pergit idem S. Pontifex dicere, quæ omnino Basileensibus aptati possunt, mutato tantum nomine Flaviani in Eugenij, & Episcopi in Pontificem. Prima ergo labe Basileensis Concilij, quod non integri; sed privatis odijs corrupti, & ex Principum arbitrio, qui Eugenium persequabantur, sententias non tam suas dicerent, quàm alienas recitarent.

*Secundò.* Utque in secundo & Latrociniali Concilio Ephesino, sic in Basileensi, ipsi Patres errorem agnoverunt, confessi sunt, ac etiam emendarunt, petitâ ab Eugenio veniâ, relictoque Basileensi

leenſi Conventu. Si ergo errârunt, nihil poteſt error veritati nocere; atqui erraſſe certum eſt, cùm ipſimet errorem fateantur, nec ulla major aut certior probatio, quàm confeſſio delinquentis. Audi Æneam Silvium, poſteà Pium II. teſtem ocularem, ac omnium, quæ Baſileæ fiebant, conſcium, quique illius acta diligentiffimè ſcripſit, & multò ante Pontificatum, imò ante Sacerdotium, eorum quæ Baſileæ fecerat, ſcripſeratque, poenitentem. Is ergo de ſe, de Cardinalibus, deque Juliano Legato Eugenij ſequentia narrat: *Invenimus Cardinales, qui Baſileam venerant, ob privatas inimicitias bono & ſancto viro notam inurere voluiſſe; qui tamen cuncti poſteà ad eum redierunt, & veniam errati petierunt* (Erraverant verò tantùm ante Sèſſionem 25. ac Concilij diſſolutionem; nam poſt Sèſſionem 25. ſeceſſerunt ad ſententiam, partesq; Eugenij, reliq̃ta plebe Baſileenſium) *Forè per id tempus Julianus ex Hungaria Viennam venit. Sæpe cum eo ſermonem miſcuimus: tuebamur nos antiquam ſententiam, ille novam defendebat* (quæ Pontifici favebat contra Concilij Baſil. Decreta) *extollebamus Generalis Concilij auctoritatem; ille Apoſtolica Sedis auctoritatem magnoperè collaudabat. . . . Tu* (inquebat Julianus) *errantem olim ſectatus, cur modò non ſequeris recta monentem? Praſumpſi de me ipſo, dum eſſem Baſilea, nimis; quamvis decepi, & credens prodeſſe nocui . . . cacus erravi, & in tenebris ambulavi; tandem reliqui eccleſiam malignantium; cognovi priorem errorem; adiſ Romam, & Eugenio, cui fueram rebellis* (ante Sèſſionem 25. nam poſt illam Julianus rebellis non fuit, ſed maxime Eugenio, concilijque Translationi addiſtus) *ſubmiſi cervicem. . . . ego ad ovile redij, qui diu fueram extra caulam &c.* Hæc Julianus Cardinalis & Legatus Eugenij ac Præſes Concilij Baſileenſis de ſe ipſo. Pergit Pius: *Quibus conſideratis cecidit caligo ab oculis noſtris: recognovimus errorem noſtrum, venimus Romam, Baſileenſium dogma reſecimus, & reconciliati Eccleſia Romana illud Hieronymi diximus &c. &c. eramusq; adhuc poſtea Laici, quando ad obedientiam Eugenij rediſimus. Et iterum: & quamquam Julianus Sancti Angeli, & Johannes S. Petri Cardinales ad Eugenium deſeciſſent, quamquam pauciſſimi in fide Baſileenſi remaſiſſent, noluimus tamen credere. Vides & Julianum & Pium ejurâſſe dogma Baſileenſium* (hi verò duo omnem paginam in Concilio Baſileenſi facièbant) *ac pauciſſimos in illa perſtituiſſe.*

Cardinalis Panormitanus, quo nemo ardentius partes Eugenij egit; in Oratione, quam habuit in Feſto Pentecoſtes Felice V.



Antipapa Sacris operante: teste Augustino Patrio capite 100. asseruit: Papam esse majorem Concilio, neq, rectè agi à Patribus, quòd nomen Pontificis nomini Concilij postponerent: sed hanc prerogativam habere Papam in factu alienis: in factis autem proprijs ita Papam subesse Concilio, ut etiam pro quocunq, peccato mortali notorio, Ecclesiam perturbante, possit à Concilio judicari. In alijs judicium omnino ad eum pertinere, ad quem etiam fidei definitiones spectarent, etiam prasente generali Concilio: Hac Panormitanus verba multorum animos offenderunt, putantes ea aperte contra Constantiensis Synodi doctrinam esse & in favorem Eugenij. Monius super his Panormitanus, coram Felice & Cardinalibus suis, se multis purgavit, ostendens qua & quanta fecisset pro auctoritate & defensione Sacri Concilij: se ea verba protulisse ardore sermonis, & non ea intentione, quàm multi acceperant, neq, ita esse interpretanda: acciperent bonam ejus mentem, qui semper auctoritati Concilij favisset, saveretq, quoad viveret. Hæc Panormitanus ambigua & artificiosa oratione invidiam declinans Felicis, ejusque Cardinalium.

Nicolaus Cusanus, quamvis fateatur (quæ nos quoque facemur) Pontificis potestatem ad adificationem esse, non ad destructionem; nec in ejus potestate esse, ut citra necessitatem, aliasq, honestas causas, qua explicata reperiuntur per Petri Successores, infringat; aut si infringat, & in hoc pertinaciter persistat, ab eo recedi posse per Ecclesiam (nec enim Ecclesia teneretur ei obedire, si Simoniam induceret, pacta & concordata aboleret, Beneficia Ecclesiastica indignis conferri mandaret; patrimonium Ecclesiæ alienaret) seq, indignum redderet Sacro Principati. Addit tamen in epistola ad Rodericum de Arevalo Archidiaconum de Trevino die 20. Maji Anno 1442. Visti sunt illi obcassissimi viri (Basileenses) in spiritu furoris fuisse, & extra omnem sensum, quando supra Sacrum Principem Ecclesia (Eugenium IV.) nescio qualem judicariam potestatem sibi vendicabant, & horrendum nefas attentaverunt in Sacrum Principem suum savientes, se ipsos ab eodem, & universa per orbem Ecclesia secantes. . . . Quamvis Sacri Principis Ecclesia manus ad adificationem extensa nullâ observantiâ aut Regulâ Patrum etiam in Concilijs inhiberi, impediriq, possint. Quæ omnia aperte indicant, Pontificem esse Concilijs superiorem.

Denique nemo luculentius Ludovico Cardinali Arelatenfi fateatur, optimos quosque Episcopos à dogmate Basileensium recessisse, quo Concilia Pontifici præferebant: is in oratione quam

contra Panormitanum habuit, referenze Ænea Silvio in actis Basileensibus usque ad 17. Calendas Junias, ita loquitur : *Opus DEI hac vice fuisse autumo, ut inferiores ad dicendum reciperentur. Revelavit enim ea nunc Parvulus DEUS, qua Sapientibus abscondit. Ubi nunc Concilium, si soli Episcopi & Cardinales vocem habuissent? Ubi nunc Conciliorum auctoritas? Ubi Reformatio? nempe omnia libidini Eugenij ac temeritatis jam diu commissa fuissent, victorq; nefandissimi propositi sui ille fuisset. Hic apertè fatetur Arelatensis, & Episcopos & Cardinales aut numquam ejus sententiæ fuisse, quæ Conciliorum auctoritatem Pontificiæ contra Eugenium præferebant; aut si qui eam sententiam tenuissent, postea mutasse. Agnoverunt ergo falsam fuisse, & Basileense Concilium errasse: jam enim alibi ostendimus errasse Concilia, quoties contra Pontificis Romani sententiam pronuntiarent.*

Anno 1439. cum omnes ferè Episcopi & Cardinales, qui Basileam deseruerant, accesserantque Concilium Florentinum, in publica Florentiæ Sessione, & Sacro approbante Concilio Eugenius Bullam edidit, cui initium : *Moses vir DEI.* In hac ita Patres cum Eugenio loquuntur : *Basileenses quibusdam Decretis; licet per unam tantum ex tribus Obedientiis Constantia Schismate tunc vigente editis inharere se dicentes, tres propositiones, quas fidei veritates vocant, protulerunt, quarum tenor est: est veritas fidei &c. Quas propositiones juxta pravam Basileensium intellectum, velut Sacra Scriptura, & Sanctorum Patrum, & ipsius Constantiensis Concilij sensui contrarium tamquam impias, scandalosas; nec non in manifestam Ecclesiæ scissuram, ac omnis Ecclesiastici Ordinis, & Christiani Principatus confusionem cedentes, ipso Sacro approbante Concilio damnamus, & reprobamus. Datum Florentia in Sessione publica (hoc est sessione 26. seu ut alij sexta, ut observat Spondanus ad Annum 1439.) solenniter in Ecclesia S. Maria Anno Incarnationis 1439. pridie Nonas Septembris.* Recitat hanc Bullam Cochläus histor. Hussitar. Horatius Justinian. in Actis Concilij Florent. p. 3. ejusque sæpe meminerunt, refutantque Basileenses in actis editis. An poterant Patres, qui Basileæ ad Concilium Florentinum secesserant; clariùs suam sententiam revocare, inficiarique auctoritatem Concilij Constantiensis tempore quartæ & quintæ Sessionum?

*Neque dicas, in Concilio Florentino non damnari eas propositiones quoad substantiam, sed tantum quoad qualitatem, quòd dicerentur esse de fide.*

Respondeo enim, clarè loqui Patres de ipsa propositionum substantia: negant Concilium Constantiense, cum quarta & quinta Sessio celebrata est, fuisse Oecumenicum, & tamen hoc præcipuum fundamentum est, & millies à Basileensibus repetitum, quo auctoritatem Concilij probare nituntur. Synodus Florentina clarè dicit, propositiones Basileenses repugnare Sacris litteris, Sanctisq̃ue Patribus & Concilio Constantiensi; atqui Sacræ litteræ, Sancti Patres & Concilium Constantiense, si quando de hac re loquuntur, non tantùm dicunt, *non esse de fide, quòd Concilium sit supra Papam*; sed absolutè dicunt, Papam esse supra Concilium, non posse judicari à Concilio, nullum Concilium valere nisi à Papa confirmatum; errare Concilia posse, si absit Papæ consensus: Schismatis tantùm tempore Papam Concilio subjacere: ergo Concilium Florentinum, cùm dicit, Propositiones Basileenses Sacris litteris; Sanctisq̃ue Patribus adversari, omnino eas damnat quoad substantiam, hoc est, quatenus dicunt, etiam extra tempus Schismatis Concilij auctoritatem prævalere auctoritati Pontificiæ. Et scissura Ecclesia ex eo provenit, quòd Concilium sibi potestatem arroget Pontificem judicandi, puniendi, & depõnendi, sive hæc potestas sit de Fide, sive non sit de Fide.

In Propositionibus quoq̃ue Pacis inter Basileenses & Amadeum ex una, & Nicolaum V. ex altera parte, à Rege Christianissimo & Electoribus Imperij propositis, quæ extant Tomo XIII. Conciliorum Labbeanæ editionis pagina 1330. hæc habentur: *Omnia hinc inde conscripta, statuta, facta, promulgata, abroganda esse, etiam si universalem Ecclesiam, & Auctoritatem Conciliorum concernant quovis modo.* Frustra ergo Decrèta Concilij Basileensis allegantur, utpote abrogata, perinde ac si numquam edita fuissent. Patet etiam Gallos, Germanosq̃ue, qui Concilium Basileense tam ardentè complexi fuerant, sententiam mutasse, ac deleta voluisse, quæ aliàs tam enixè venerati fuerant.

Sed rogabit aliquis, quæ causa fuerit, ut Carolus VII. Galliarum Rex, & Sigismundus Romanorum Imperator tam ardentè Basileensi Conventui olim adhæserint?

Respondeo, Sigismundum unicè optasse Bohemorum conversionem, quorum armis, excursionibus, & à Sigismundo defensione is maximè angebatur, sperabatq̃ue bellum cessaturum, si hære-

hæresis cessasset: hinc ægerrimè ferebat Concilium, quòd in Germania convertendis Bohemis laborabat, aut transferri aut dissipari, nec Græcorum, Armenorum, Æthiopumque conversionem (quam Eugenius totis viribus moliebatur) curabat; quippe longinqua & externa, nec sibi commoda; & vidimus præterito sæculo ob similem ferè causam indignissimè tulisse Carolum V. Imperatorem, Concilium Tridentinum Bononiam translatum esse, quippe impediri illo Germanorum suorum conversionem credebat, & bella perpetuari: sed spes & Sigismundum & Carolum fefellit, quippe nec Germani à Tridentino, nec Bohemi à Basileensi reduci potuerunt: atque 18. annorum labore, quo bis Troia expugnari poterat, nil factum Basileæ memoriâ dignum, præter pauculas Constitutiones, quæ vix aliquorum mensium curas occuparent, reliquum tempus seditionibus ac civilibus bellis datum, infinito Ecclesiæ, Religionis, ac animarum damno. Carolum VII. Galliæ Regem Eugenio aliquamdiu infensum reddebant, tum sanguinis conjunctio cum Amadeo, postea Antipapa; tum quòd Eugenius nolleret, ut Basileenses statuerant, Avenione Concilium indicere: tum quòd Cardinalis Vitellescus cum copijs in Regnum Neapolitanum missus, opem contra Alphonsum Arragonium, Renato Andegavensi laturus; Provincias & Civitates, non Renato, sed Apostolicæ Sedis nomine reciperet. Taceo, quæ Gobellinus, aut potius Æneas Silvius narrat lib. 7. Commentariorum; Carolum à Felice Antipapa triginta millia aureorum petivisse, quæ cum non impetrasset, relicto Felice Consanguineo ad Eugenium defecisse; sed Spondanus (a) meritò negat tam indignum ac sordidum facinus de Christianissimo Rege credi posse. Sed utcumque res se habeat, certum est Carolum facti pœnituisse, agnito tamquam legitimo Pontifice Eugenio, Schismate suâ potissimum curâ sublato; & Pontificis supra Concilium auctoritate palàm asserta. Anno enim M. CCCC. XLI. Carolus Rex tandem veritatem, impiasque artes Basileensium edoctus, insignem Legationem ad Eugenium adornavit, cujus Princeps Episcopus Meldensis; isque decima sexta Decembris in sacro & publico Purpuratorum Senatu, sedente adhuc Florentiæ Concilio, quippe post Sessionem 29. ita locutus est: *Nimio fervore resistendi ad hanc vasionem Basileenses deven-*

(a) Spondan. ad Annum 1440. n. 9.

runt, quod supremam potestatem in uno Supposito consistere negant, sed eam in multitudine, qua cū in diversa scinditur, collocant; & sic pulcherrimam Ecclesia Monarchiam, qua Christianos hucusq; tenuit in unitate fidei, in uno ritu Sacramentorum, in una observantia Mandatorum, in iisdem ceremonijs divini cultus, atq; pacem & tranquillitatem asseruit, nunc abolere contendunt nobilissimam politiam, ad Democratiam, vel Aristocratiam redigere molientes . . . . & hoc animadvertens prafatus Christianissimus Rex Francia de consilio Pralatuum & aliorum multorum Sapientum Regni sui, videtur sibi, quod nullum est aptius remedium ad hoc schisma tollendum, quā disperdere duas extremitates, ad quod faciendum necessarium est Concilium Generale. Porro Concilium Basileense unam extremitatem nimis exercuit, quam veritatem de suprema potestate in uno extinguere pertentavit. Concilium autem Florentinum hanc veritatem bene quidem lucidavit, ut patet in Decreto Græcorum, sed pro regulando usum hujus potestatis nihil edidit &c. (a) Poterant Galli Pontificis Auctoritatem Concilio superiorem altius proficere? Concilij tamen in Gallia celebrandi novam Indictionem Eugenius improbavit, ratus sufficere Florentinum, quod sequenti Anno 1442. Romam transtulit. Verum ergo est, quod probandum suscepimus; respuisse Patres Basileenses; qui alicujus pretij erant; nihil ergo ea Decreta contra nos faciunt, quæ ipsi Patres Basileenses improbarunt, & velut falsa & injusta correxerunt: & falsa ac injusta fuisse quo Argumento fortius probas, quā eorum testimonio, qui illa condiderunt?

Tertio. Cerrum & indubitatum est, Concilium Basileense saltem post Sessionem 25. cū videlicet Eugenium citarunt, judicarunt, exauctorarunt, & alium Pontificem elegerunt; cumque superioritatem Concilij tamquam articulum fidei definiverunt; non fuisse Oecumenicum, nec legitimum, ejusque Decreta penitus invalida; quippe paucis exceptis, totus ferè orbis Eugenium pro legitimo Pontifice habuit, respuitque Felicem; & ideo Sancti Viri ac præstantissimi illius Ævi Scriptores (videlicet S. Antoninus, B. Johannes Capistranus, Beatus Albergatus, Pius II. Joannes Turrecremata, ipsiq; Galli perorante Episcopo Meldensi) Schismaticum, Sathanicum, Dæmoniacum, Serpentinum, Væsanum, viribus cassum, Spiritu Sancto destitutum; furiosum; ac denique Sanctorum Patrum doctrinæ & exemplis contrarium appellarunt,

-ut

(a) Habetur hæc oratio apud Raynald. ad Annum 1441. n. 10.

ut ostendimus in Gallia Vindicata (a) & ipse Alexander Natalis confitetur: alioquin totus ferè Orbis Catholicus, ipsique Galli hæretici dicendi erunt, qui aut Pontificem Concilio praponunt; aut saltem negant hæreticos esse, qui hanc sententiam profitentur. Certum igitur est testimonio totius Catholicæ Ecclesiæ, invalida fuisse Concilij Basileensis Decreta, post vigesimam quintam Sessionem edita; atqui ex hoc sequitur, fuisse etiam invalida, quæ contra Pontificem ante Sessionem 25. edita sunt. Quæro enim, cur valida dici debeant, quæ ante vigesimam quintam Sessionem? quia à pluribus Patribus edita? atqui in 2. & 3. Sessione erant tantum 7. vel 8. Antistites; cum è contra 300. Patres & Prælati 39. adfuerint, quo tempore Eugenius depositus est teste Thoma de Corfellis Theologo Parisiensi, ac teste oculato in Conventu Bituricensi. Idemque Spondanus, alijque ejus ævi Scriptores testantur. Et Augustinus Patritius in Actis Concilij Basileensis fatetur: *Italos & Hispanos, qui volebant in Depositionem Eugenij consentire, non fecisse mediam partem Concilij, & quoad Prælatos non fuisse majorem numero; respectu verò totius Concilij vix fuisse quartam partem Concilij.* Ita Patritius c. 73. Non ergo dici potest, Decreta priorum Sessionum fuisse sancita à majori Patrum & Concilij parte; non verò Decreta posteriorum Sessionum. An quia in prioribus Sessionibus viri doctiores & rerum Ecclesiasticarum peritiores? At teste Eugenio in litteris ad Regem Sigismundum, quæ habetur in Appendice ad Concilium Basileense: *Erant propter numeri parvitatem, tot tantarumque rerum peragendarum mole insufficientes penitus & inhabiles.* Ipsique Basileenses in Epistola Synodali ad universos Christi Fideles Anno 1440. Sexto idus Novembris, cui initium: *Grande periculum fatentur: Tempore prima dissolutionis fuisse paucos Prælatos, neque medietatem numeri omnium Suppositorum in Concilio habitam esse; quæ præmissis actibus interfuit.*

Et deinde quis nescit in Concilijs, inque sententijs ferendis rationem haberi majoris numeri, non verò majoris doctrinæ & pietatis, alioquin nihil definiri posset, nullus finis discordiarum esset, cum nemo non majorem doctrinam, & pietatem asserat suæ factioni; & sæpe Spiritus Sanctus (qui solus Concilium regit, ne in rebus fidei erret, juxta illud: *Visum est Spiritui Sancto & nobis*) ab-

scor-



ſcondat ſapientibus, quæ revelat parvulis. An quia in primis Sefſionibus res maturius & diligentius examinatz? At non minus in poſtremis Sefſionibus, imò magis; nam ut Arelatenſis Cardinalis apud Æneam Silvium loquitur in Actibus Baſilcenſium Anno 1439: *Res jam duobus menſibus eſt cœpta agitari: primò in Schola Theologorum latè, diſuſcūq; diſputata fuerunt concluſiones* ( quibus aſſerebatur Superioritatem Concilij eſſe articulum fidei ) *poſtèd Moguntiam & in alias Orbis partes tranſmiſſa: exin vocati in Capitulum majoris Eccleſia Patres viginti circiter & centum numero. Ruſuſq; in Deputationibus omnes dixiſſe, qua volebant. In ea verdè Deputatione, ubi Panormitanus fuerat, triduo rem agitatam. Poſtèd duodecim viros concordāſſe. Poſtea in Congregatione Generali concluſiſſe. Quid amplius velis? An quia in primis Sefſionibus vota liberè dicebantur, non verdè in ultimis? Imò ne in primis quidem, ut numero primo oſtendimus. An quia in primis Sefſionibus ſoli Epiſcopi, non verdè minores Clerici ſuffragium ferebant? At etiam in primis Sefſionibus & ex Decreto Concilij præter Epiſcopos Clerici Doctores, & graduati admiſſi ſunt exemplo Lateranenſis, & Conſtantiænſis Conciliorum. Fatetur id Arelatenſis Cardinalis apud Æneam Silvium loco, quem exſcribit Bzovius ad annum 1439. *Sed ajunt, quia non debent inferiores judicare, & quia non licet nobis cum minori Epiſcoporum parte aliquid agere, quamvis Concilij major pars ſimus. Quodſi verum eſſet, plurima ex veſtris decretis ruerent; illud præſertim quod de Provincialibus, & Epiſcopalibus ſynodis promulgatum eſt, quod cum non placeret Prælato, Cardinali S. Angeli vix quinq; Associatis Epiſcopis cum Majori parte inferiorum concluſit, licèt Epiſcopi admodum multi obſtarent. Id ergo quod iſti ajunt, nihil aliud eſt, quàm funditus hoc Concilium evertere.**

Et denique ſi idèd poſteriores ſeſſiones rejiciendæ ſunt, quia in illis ſuperioritas Concilij tamquam Articulus fidei, contra communem Eccleſiæ ſenſum, definitus eſt; idem dicendum erit de primis Sefſionibus, ubi Baſileenſes æquè ſuam ſententiam pertinere ad fidem voluère: Hanc mentem Baſileenſium fuiſſe, ipſi Baſileenſes ſæpius profeſſi ſunt: nam in reſponſione ſynodali Oratoribus Principum data Anno 1439. cui initium: *Audiat veſtra Charitas*; ſic loquuntur: *Dum prima hujus ſynodi diſſolutio fuerat perpetrata, reſponſum extitit Oratoribus ipſius Summi Pontificis in reſponſione ſynodali, in qua 7. Cardinales aderant, & Legatus Apoſtolicus præſidebat: hic arti-*  
culus



culi fidem concernit, qui sine interitu salutis negligi non potest: malumus mori, quàm tanto errori per ignaviam cedere. Hac verba ibidem dicta fuerunt, quæ nunc multò magis dicenda veniunt. Idem repetunt in alia synodali, cui initium: *Rem gravissimam.*

*Quarid.* Quæro an primis Sessionibus decreta pro Concilij superioritate pertineant ad dogmata fidei, an verò ad Reformationem tantùm, & Disciplinam? si primùm; certum est Basileenses errasse, cum Ecclesia eos nunquam pro articulis fidei receperit, imò paucis Gallis exceptis, contrarium credat, & publicè doceat. Si verò ad Reformationem tantùm & disciplinam; certum est *primò*, deformari illis Ecclesiam, destruique disciplinam, cum schismati certissimam viam aperiat (ut in ipso Basileensi Concilio experientia docuit) quo nullum gravius malum potest Disciplinæ accidere, nam ut optimè observavit Archiepiscopus Colossensis, Orator Eugenij in oratione ad Pates Concilij habita, *ex schismate necessariò oriuntur discordia, contentiones, rixa, seditiones, bella, ac tandem hæresis*; exempla sunt in schismate Photij, Clementis VII. ac etiam Basileensi. Quæ ergo pertinent ad disciplinam, aut recipi debent tanquam disciplinæ proficua, quæ potius disciplinam penitus delent? *secundò*. Exemplo Gallorum patuit, Decreta Basileensium ad Reformationem spectantia nullo modo necessitatem fidelibus imponere ea observandi. Galli enim (ut narrat Spondanus (a) cum agit de Conventu Bituricensi, conditaque in illo Pragmatica sanctione) tanta libertate, in recipiendis, rejiciendis, truncandis, ampliandis Basileensium placitis usi sunt; ut patentissimè se etiam iudices constituerint Concilij Generalis. Si quid verò Concilij Basileensis recepit, non ut ab ejus auctoritate obligatoria (quali omnino debuisset esse, si verè ejus Decreta tanquam Oecumenica synodi agnovisset) recepit, sed velut à proponente, quæ utilia sunt, ita ut libitum esset, quæ vellet recipere, quæ nollet rejicere: uti & fecit tam in hac re, quàm nonnullis alijs auctoritate Regia & propria. Si ergo Decreta Basileensium Reformationem & Disciplinam spectantia Regem Galliarum non obligabant, idque Galliarum Episcopi in Conventu Bituricensi professi sunt; quomodo obligabant Pontificem? & si ad Galliarum Regem, tanquam supremum Galliarum Principem pertinebat judicare, quanam Concilij Basileensis Decreta etiam prioribus sessionibus edita Galliarum

convenirent, aut non convenirent, & ista rejicere; quanto magis id quoque pertinuit ad Pontificem Romanum supremum Ecclesie Principem, & cui non minor, sed multo major cura Ecclesie Gallicanæ, majorque etiam de Concilio Oecumenico ejusque Decretis judicandi potestas, quàm Gallie Regi? & si Regi licuit Decreta Basileensia moderari, restringere, certisque conditionibus limitare; quanto magis id Pontifici licuit? ut videlicet auctoritatem Concilij in Pontificem Romanum restringeret ad casus schismatis, Pontificis dubij, aut hæretici, & obligationem tantùm directivam non coercitivam? nisi fortè dicant, majorem esse Galliæ Regis in Concilium Oecumenicum, quàm Pontificis Romani potestatem; & quod huic non licuit, Regi licere.

*Quintò.* Certum est, & in hoc passim opere, Galliaque Vindicatâ invictè à nobis probatum fuit, Decreta Conciliorum à Pontifice Romano non confirmata, multoque magis improbata, nihil momenti habere, & esse invalida; at Eugenius non confirmavit, imò improbavit, quæ Concilium Basileense de potestate coactiva Concilij adversus Pontificem definiivit. Probatur id *primò* Testimonio Cardinalis de Turrecremata. l. i. r. Summæ de Ecclesia cap. 100. qui refert Florentiæ in publica disputatione, defendente ipso Turrecremata, ac Juliano Cardinali impugnante, & Concilij auctoritatem Bullis ipsius Eugenij asserente; Eugenium palàm dixisse: *Nos quidem progressum Concilij approbavimus, volentes, ut procederet, sicut inceperat, non tamen approbavimus ejus Decreta.* Subjungitq; Turrecremata: *Et hoc quidem sapientissimè fecit, qui enim nisi imprudentissimus Princeps approbasset Decreta, quæ nunquam vidisset, & quæ prius non examinasset? & licet Basileenses cum maximo studio repetitis vicibus supplicaverint per Oratores suos, ut Dominus Eugenius eorum Decreta approbaret, & confirmaret, nunquam tamen talem approbationem, & confirmationem dare voluit.* Ubi nota, aliud esse approbari aliquod Concilium tamquam legitimum, & Oecumenicum; aliud approbari omnia Concilij Decreta, sicut non sequitur ex eo, quòd aliquis Princeps legitimus sit, atque ab omnibus pro tali habeatur; omnia quoque ejusdem Principis acta, & Decreta valida, & justa esse; potest enim transgredi limites sue potestatis, & habemus exempla synodi Constantinopolitanæ 1. & Chalcedonensis, quæ licet legitimæ, & Oecumenicæ fuerint, nihilominus in prima canon secundus;

Bus; in secunda Decreta Actionis 5. & 15. à summo Pontifice rejecta sunt, ut ostendimus in hoc Regali Sacerdotio f. 353. & 356. & 359. & in Gallia Vindicata f. 10. Diss. 3. & optimè de hac rescripsit S. Gelasius Papa Tomo de Anathematis vinculo, qui habetur Tomo 2. Concilior. Ne dicant, quod si synodus Chalcedonensis admittitur, omnia constare debeant, quæ videntur illic esse deprompta; aut enim ex toto eam admitti oportere, aut si ex parte repudialis est, firmam ex toto constare non posse. Cognoscant igitur illud secundum scripturas sanctas, traditionemq; Majorum, secundum Canones, Regulasq; Ecclesia, pro fide communi, & veritate Catholica, pro qua hanc fieri sedes Apostolica delegavit, factamq; firmavit; à tota Ecclesia indubitanter admitti: alia autem quæ per incompetentem presumptionem illic prolata sunt, quæ Sancta sedes Apostolica gerenda nullatenus delegavit, mox à Vicarij Sedis Apostolica contradicta manifestum est, quæ sedes Apostolica etiam petente Martino Principe nullatenus approbavit. Num quidam in ipsorum Hæreticorum libris non multa posita leguntur, quæ ad veritatem pertinent? num ideo veritas refutanda est, quia illorum libri, ubi pravitas est, refutantur? Et Pelagius II. aut potius S. Gregorius tunc Pelagij Secretarius in epistola ad Ecclesiam Aquileensem, & Episcopos Istriae: cum isti objicerent: Neq; tota unum aut apicem possumus violare eorum, quæ à synodo Chalcedonensi sunt rectè, & inviolabiliter definita. Respondet: Longè aliud est: non posse commoveri ea, quæ decreta sunt, & non posse commoveri ea, quæ rectè ab ea, & inculpabiliter definita sunt; sciebant enim viri doctissimi, ea quæ illic gesta fuerant, de causis specialibus à Prædecessore nostro Leone recepta omnino non fuisse; & idcirco illico subjungunt, ita sapiamus semper, sicut sapit Apostolica Romanorum sedis Ecclesia. Ita B. Gregorius.

Si ergo ne ipsius quidem Chalcedonensis Concilij, quamvis legitimi, quamvis Oecumenici, ac totius Orbis veneratione suscepti; omnia Decreta valere, sed illa tantum, quæ edita sunt in fidei causa, quæque sedes Apostolica confirmavit; quanto magis id dici debet de Concilio Basileensi, non valuisse nec legitima fuisse ea Decreta, quæ Romanus Pontifex non confirmavit, imò improbavit; quæque omnino non pertinebant ad finem, & causas, ob quas Concilium convocatum fuerat, ut enim ex Bulla Indictionis patet, causa convocandi Concilij fuerat conversio Bohemorum, unio Ecclesiarum Græcæ cum Latina; concordia Religionis, morumque Reformatio, non verò depreßio Pontificis aucto-

rltatis, & legitimi Pontificis, ac innocentis indignissima Depositi-  
o, ac schismatis introductio, quò videlicet spectabant seditiosa  
illa dogmata de superioritate Concilij, & quibus id actum est, ut  
omnia provenirent finibus, ob quos Concilium indictum fuerat;  
penitus contraria. Non ergo sequitur, ut si Concilium Basileense  
tanquam legitimum à Pontifice habitum fuerit, etiam omnia il-  
lius Decreta ab Eugenio non confirmata, imò improbata, ac om-  
nino scopo repugnantia, ob quem Concilium convocatum fuerat,  
sint etiam pro legitimis validisque habenda. *Secundò.* Eugenius  
in Diplomate dudum Anno 1433. quo Concilium Basileense re-  
staurat, revocatque Bullas Dissolutionis, adjungit hanc conditio-  
nem; *ita tamen ut omnia, & singula contra auctoritatem nostram facta, &  
gesta per dictum Concilium prius omnino tollantur, & in pristinum statum  
reducantur.* Vides Eugenium non tantum non approbare, quæ  
Concilium fecerat contra Pontificiam auctoritatem, verum etiam  
abolita & revocata velle, nec aliter Concilio assentiri, aut factam  
nuper à se Concilij dissolutionem revocare. *Tertiò.* Cardinalis  
Arelatenfis in oratione pro 8. fidei Conclusionibus contra Ponti-  
ficiam auctoritatem apud Æneam Silvium ita Patres alloquitur:  
(a) Cumq; Oratores Eugeniani ubiq; novam doctrinam prædicent; Romanum  
Pontificem supra universalem Ecclesiam extollescentes. Et iterum: Prædicant  
ubiq; terrarum hæreses Eugeniani, nec ipsis aliquis dicit ut supersedeant &c.  
Et in eodem Conventu Panormitanus: Quoniam notorium est, primis  
duabus Conclusionibus Eugenium constantissimè contraire, ea propter rogare  
se iterum atq; iterum, ne sessio fieret. Illæ verò duæ Conclusiones  
erant de Superioritate Concilij. *Quarid.* Ipse Eugenius in Conci-  
lio Florentino, inque publica sessione Anno 1439. pridie Nonas  
Septembr. ipsas propositiones superius descriptas juxta prævum Basileensium  
intellectum velut Sacrosancta Scriptura, & Sanctorum Patrum, atq; ipsius Con-  
stantiensis Concilij sensui contrarium, tanquam impias, scandalosas, in mani-  
festam Ecclesia fissuram, & Ecclesiastici Ordinis confusionem tendentes, ipso  
sancto approbante Concilio damnamus, improbamus. &c. *Quinid.* Cardi-  
nalis Turrecremata l. 11. de Ecclesia: Licet Basileenses cum maximo  
studio repetitis vicibus supplicaverint per Oratores, ut Dominus Eugenius eo-  
rum De reita approbaret, & confirmaret, nunquam tamen talem approbatio-  
nem, & confirmationem habere ab eo potuerunt.

mata

(a) Æneas Silv. de Actibus Basileens. Anno 1439. v. Bzovium f. 332.

mata in Responsione ad Basileenses in Concilio Florentino: *Præsidentes omnes non consenserunt, imò contradixerunt, & protestati sunt omni meliori modo, quo potuerunt* (Decretis vid. Session. 18. de superioritate Concilij) *Licet aliqui eorum non ut Præsidentes, sed ut privata Persona, & quasi violenter, cum aliter non admitterentur ad Præsidentiam, in revocationem illam consenserunt.* Septimò. Legati Eugenij quamvis Session. 17. admissi fuissent nomine, vice, & loco Eugenij; ubi tamen eò devotum est, ut eos oporteret subscribere, ac jurare in Decreta Pontificiæ auctoritati adversa; habent acta Basileensia typis edita; illos nomine tantum proprio, & tanquam privatas Personas subscripsisse, ac jurasse. Advenerant, receptique erant nomine & vice Eugenij; cur ergò non subscribunt, jurantque nomine Eugenij, si Eugenius ea Decreta approbaverat? id planè evidentissimo argumento est, non probasse Eugenium, alioquin nihil causæ erat, ut qui Legati Eugenij erant, & hujus nomine recepti, non etiam hujus nomine subscriberent. Octavò. Idem Eugenius IV. cum à Friderico Rege Romanorum & Electoribus Imperij urgeretur ad Decreta Basileensis Concilij confirmanda, & hanc esse unicam, ac necessariam viam schismati finiendi; ita Legatis suis in Germaniam Anno 1445. Undecimo Calendas Augusti Romæ rescripsit: *Cùm Romanorum Imperator, & S. R. Imperij Electores per suos Nuntios nobis nuper exposuerint, ad subortum schisma extinguendum maxime convenire, ut Auctoritas Generalium Conciliorum manuteneatur, & conservetur. . . . Nos ipsorum Regum & Electorum supplicationibus inclinati ad imitationem SS. Patrum, & Prædecessorum nostrorum, sicut illi Generalia Concilia venerari consueverunt; sic Generalia Concilia Constantiense, & Basileense ab ejus initio usq; ad translationem per nos factam (absq; tamen præjudicio Juris, Dignitatis, & præminentia Sanctæ Sedis Apostolicæ, ac Potestatis sibi, & in eadem canonice sedentibus concessa) cum omni reverentia & devotione suscipimus, amplectimur, & veneramur.* Vides hic iterum confirmari ab Eugenio Basileensis Concilij Decreta, ijs exceptis, quæ juri, potestati ac præminentia sedis Apostolicæ repugnant. Quæ verò magis repugnant, quàm quæ Pontificem Concilio submittunt, & à Concilio judicari, puniri, deprimique posse dicunt? maxime ob causas tam leves, imò tam iniquas, quàm illæ erant, ob quas depositus in Concilio Basileensi fuit; hoc est, ob translationem Concilij in locum Græcis commodiorem, sine qua uniti Ecclesiæ non poterant, ut

postea eventus docuit. Patet ex his omnibus, nullius auctoritatis esse Decreta Concilij Basileensis, quæ nobis opponuntur.

IV. *Obijciunt* 1. Anno 1446. Cum Germanorum Legati Romanam ad Eugenium venissent schisinatis finiendi gratiâ; inter quatuor conditiones Eugenio propositas Ænea Silvio perorante Frederici Imperatoris Legato; hæc secundo loco fuit: *Ut professio potestatis, Auctoritatis, & præminentie Generalium Conciliorum per Oratores Eugenij facta; ipsius litteris approbaretur.* Subditque Gobellinus Silvij Orationem cum à Papa, tum à Cardinalibus mirum in modum laudatam esse, Eugenium verò rem Cardinalibus tractandam commississe, & omnia qua petita essent, approbasse, atque litteras super his decrevisse. Ita Gobellinus in *Comment. Pij II. l. 2. Cochli: histor. Hussu: l. 9. & ex istis Spondan: ad Annum 1446. n. 8. & 9.*

2. Germanorum Legati non de alia Conciliorum præminencia loquuntur, quàm illâ, qua ab Oratoribus Eugenij asserta, & laudata fuerat: At ut vidimus, illi non aliam admisferunt, quàm quæ, & quatenus non præjudicaret potestati, auctoritati & præminencia Pontificiæ, ut vidimus numero 8. & nos ipsi fatemur posse, ac debere Concilia Orbi Catholico leges ad inores, & fidem spectantes præscribere, quæ etiam Pontificem obligent, & quas observare teneatur: hæc est præminencia Conciliorum, quam Eugenius agnovit, & nos cum ipso, ut alibi ostensum. Aliam verò Concilij superioritatem, quoad vim coactivam nunquam Eugenius admisit, ut ex dictis patet, ac ex ipsis Eugenij litteris, quas Germaniæ Legatis traditas ab Eugenio fuisse Gobellinus narrat. Data sunt Anno 1447. 4. Idus Febr: & incipiunt: *Inter cetera desideria.* & habentur in Bullario Eugenij IV. constitutione 29. In ijs Eugenius pacis causâ multa concedit Germanis circa Beneficia Ecclesiastica, jurisdictionem Principatum, & Diocæseon, Annatas, servitia, restitutionem, & absolutionem eorum, qui jam Eugenio adhæserant, aut deinceps intra sex menses adhæsuri erant. De Auctoritate verò Conciliorum, multoquæ minus de confirmatione Decretorum Basileensium ne verbum quidem, ut proinde ex hoc ultimo Eugenij Diplomate nihil prorsus in favorem Basileensium colligi possit; & cum Gobellinus dicit: *Eugenium omnia qua petita essent approbasse, atque litteras super his decrevisse,* intelligi omnino debeat de sola Beneficiorum concessione, impunitate & amnistia præterito-

rum,



rum, cū littera Eugenij de his solū loquantur nullā, Conciliorum mentione. Etsi Germani pacem volebant, nisi Eugenius hanc Concilij superioritatem & Decreta Basileensia, quibus illa asse-  
batur, *suis litteris confirmaret*, idque Eugenius promiserat; cur rogo passi sunt hunc articulum omitti? & cur omissus, nisi quia nec pe-  
titus, nec promissus est?

*Obijciēs 2.* Decretum Concilij Laulanensis, in quo Nicolao V. Eugenij successori Patres obedientiam promittunt, abdicato An-  
tipapa Amadæo, idque quia, *inquit, fida relatione (a) comperimus eandem credere, & tenere veritatem* pro conservanda Sanctorum Con-  
ciliorum auctoritate in Synodo Constantiensi definitam, ac in  
sacro Concilio Basileensi renovatam, nec Nicolaus reclamavit.

R. Nicolaus V. inhærens Eugenij vestigijs nihil aliud in ce-  
lebris sui unionis Diplomate confirmavit, quā solam præteri-  
torum Amnystiam, & Beneficiorum possessionem, aut collationem  
à Basileensibus factam, nullā mentione superioritatis Concilio-  
rum; quomodo ergo confirmavit, cujus ne mentionem quidem  
facit?

*At Lausanenses Patres dicunt Nicolaum hujus Sententia fuisse.*

R. Lausanenses aliorum tantū narrata referre; at quis ne-  
scit vanissimos esse; & fallacissimos rumores: & prudentissimè  
Nicolaus dissimulavit, permisitque hæc de se dici, ut schisma tol-  
leretur, quis verò nescit multa, & minora mala permitti posse ad  
majus malum evitandum? An verò licent mala, quia permittun-  
tur? nec tunc tempus erat disputandi de potestate Pontificis, sed  
potius curandi, ut schisma tolleretur, reliquis minus necessarijs  
in aliud & pacatius tempus reservatis; nec silentium pro confes-  
sione habetur, quando aliquis nec loqui potest, nec debet.

*Obijciat 3.* Multæ Universitates Basileense dogma tunc tem-  
poris amplexæ sunt, ut Parisiensis, Viennensis, Herfordiensis,  
Colonienfis, Cracoviensis, Lovaniensis, quarum meminit Angu-  
stinus Patritius in historia Concilij Basileensis.

R. Non hîc quæro, quid Academiæ senserint, sed cujus au-  
toritatis Concilium Basileense, ejusque Decreta sint. Quot non  
dico Academiæ, sed Provinciæ, synodique Provinciales conspi-  
rarunt pro sententia Cypriani, & Anabaptismo Hæreticorum? &

tamen

(a) Habetur apud Raynald, ad Annum 1449;



tamen errarunt, quia Stephani Pontificis Romani Decreto acquiescere noluerunt? *non enim claves Regni celorum, & potestas Ecclesiam pascendi Academijs, sed Petro data est, ejusque successoribus, sicut potestas mundum illuminandi non multis stellis data est, sed uni soli; & auctoritas pugnandi, vincendi que hostem non multis militibus, aut Ducibus, sed uni Imperatori.* Et planè Germania (cujus sunt illæ Academiæ) postquam in Constantiensi, & Basileensi Concilijs, suisque Academijs toties auctoritatem Pontificiam concussit, tandem in hæresin collapsa est, amisitque Religionem, ac exemplo suo docuit, verissimam esse Cypriani Sententiam: (a) *Hæreses, & schismata ex eo nasci, quod non uni Sacerdoti, qui vice Christi judicem agi; universa fraternitas obtemperet.* Atque utinam sapiat Gallia alieno malo.

Obijciunt 4. Nicolaus V. inita pace cum Basileensibus, litteras, Processus, mandata, & Decreta quaecumque; sententias, Censuras, & poenas quascumque, statutas & influctas per Eugenium Prædecessorem contra Concilium Basileense, Lausanense, & Amedæum dictum Felicem V. motu proprio, & ex certa scientia ac de plenitudine potestatis declarat nullum effectum sortiri, sed perinde haberi, ac si nullatenus emanassent, eaque omnia & singula aboleri, & deleri mandat. Manent ergo valentque Decreta Basileensia, perinde ac si nunquam abolita, improbata & ab Eugenio revocata fuissent.

R. 1. Si ita est, ergo valebunt quoque Decreta ultima à Basileensibus, Lausanensibus, & Amedeo facta, & repetita, quibus hæretici declarantur, quicumque superioritatem Concilij non agnoscunt; ac sequeretur totam ferè Ecclesiam Catholicam esse hæreticam, quæ contrarium tenet. 2. Jam supra ostendimus, inter conditiones pacis à Nicolao V. cum Basileensibus, & Amedeo factæ, eam quoque fuisse, ut omnia hinc inde statuta (tam videlicet ab Eugenio quàm Basileensibus) facta, promulgata abrogentur, etiam si Universalem Ecclesiam, & Auctoritatem Conciliorum Universalium, aut Sedis Apostolicæ concernant quovis modo. Videri potest Labbeus in editione Conciliorum Tomo 13. f. 1330. Quæ rogo sunt ista Decreta auctoritatem Conciliorum Universalium, & Sedis Apostolicæ concernentia, nisi quæ Concilia Pontifici præponunt? si ergo abrogata, & obliterata sunt, perinde est, ac si nunquam edita fuissent, nec ullam habent auctoritatem; quid

(a) S. Cyprianus. lib. 1. ep. 3. sub initium.

quid ergò mirum est, abrogatis Basileensibus Decretis, abrogâsse etiam Nicolaum, quæ Eugenius ijs opposuerat? Cessant enim remedia extincto morbo. 3. Sed verus, & ingenuus sensus verborum Nicolai est: omnia Eugenij Decreta, quæ ad pœnas, Censuras, privationes Beneficiorum spectant; pacis causâ revocari, punitosque in integrum restitui; ut patet ex verbis allegati in objectione Diplomatis, quod Censurarum, pœnarum, privationum meminit, & de istis solis disponit.


*Obijciunt* 5. Eugenius Sessione 16. ut ibi habetur: *Citationi, monitioni, & requisitioni sacri Concilij plenariè satisfacit*: Bullas, & Diplomata contra Concilium edita, revocat; nulla & inania fuisse declarat; ipsum verò Concilium fuisse legitime inchoatum, legitimeque continuatum; quo videtur Eugenius omnia in superioribus sessionibus facta confirmâsse.

*Re.* 1. Cardinalis Turrecremata omnium, quæ Basileæ agebantur, testis oculatus: (1) *Andreas*, inquit, *Venetus Domini Venetorum tunc Orator, & aliqui Domini Cardinales minati sunt Domino Eugenio, nisi Bullas illas Adhæſionis concederet, ipsum solum recedentes relinquerent, unde præfato Domino in lecto decumbenti referuntur Bullas illas taliter qualiter expeditisse, & misisse Basileam.* Neque hoc novum in Eugenio, qui in Bulla Adhæſionis Sess. 16. fatetur prolixiores litteras illas, quarum initium *Deus novit*, & quæ eadem sessione recitantur; se inscio emanâsse. 2. Constat Bullam Adhæſionis gravissimo metu fuisse extortam, ut probavimus in Gallia Vindicata Dissert. 3. f. 145. 3. Non sequitur confirmata fuisse omnia Basileensium Decreta, quia Eugenius professus est Concilium Basileense legitime fuisse inchoatum, legitimeque continuatum, ut exemplis Conciliorum Chalcedonenſis, Constantinopolitani, & Constantienſis, ac testimonio ipsius Eugenij ostendimus in Gallia Vindicata Dissert. 3. f. 146. ac præsertim testimonio Legatorum Eugenij, qui nunquam adduci potuere, ut seditiosis illis Decretis nomine Eugenij subscriberent, sed proprio tantum privatoque nomine. 4. Neque Eugenius purè, & simpliciter revocavit Bullas Dissolutionis Concilij, eique tamquam legitimo se adhæsurum promisit, sed sub expressa conditione: *Ita tamen quod Præsidentes nostri ad præfati Concilij Præsidentiam admittantur cum effectu; ac omnia & singula contra Perso-*

Aaaa

nam,

nam, auctoritatem, ac libertatem nostram, & Sedis Apostolica facta, & gesta per dictum Concilium prius omnino tollantur, & in pristinum statum reducantur. Ita habetur in Diplomate (a) Eugenij Dudum dato Calendis Augusti Anno 1433. Ad Basileenses Legatos Eugenij, nec cum effectu admiserunt, sed abiq; omni jurisdictione coactiva. (Contra Bullas Legationis à Martino, & Eugenio datas, quibus eis potestas datur statuendi, decernendi, concludendi, & Concilium transigendi, dissolvendi, prorogandi; Contradictores quoslibet & rebelles cujuscunq; Status, per Censuram Ecclesiasticam, & alia jura remedia, postposita appellatione compefendi. Quæ Bullæ in Concilio Basileensi Session. 1. lectæ, approbatæ, & receptæ sunt) ut habetur in Session. 16. nec revocârunt, quæ contra Apostolicæ Sedis auctoritatem, & fecerant, & decreverant; Conditionibus ergò non impletis non valuit Revocatio. Quamquam Eugenius, quæ postea secuta sunt, usque ad novam Concilij translationem (quæ contigit post Sess. 25.) amore pacis, ac iniquitate temporum prudenter admiserit, ac etiam Patrum salubria Decreta (quæ videlicet post Sessionem 16. confecerant) admodum laudaverit, ut patet ex litteris Eugenij ad Patres Concilij 1. Calendas Julij Anno 1434. quæ habentur in Append. Concilij Basileensis.



## S. XIX.


*Respondetur ad Textus Canonicos.*

## S U M M A R I A.

1. R. Ad c. legimus 24. d. 93. & Glossam ibid.
2. Ad alia Capitula in decreto.
3. Ad c. 11. Octava Synodi.
4. Ad c. sicut sancti d. 15.
5. Ad auctoritatem S. Antonini.

I. Ob-

(a) Habetur hoc Diploma Dudum in Appendice Concilij.



## I.



*Bi*jciur 11. c. legimus 24. d. 93. qui exscriptus est ex Epistola Hieronymi ad Evagrium Episc. ubi: *Sed dicis: quomodo Roma ad testimonium Diaconi Presbyter ordinatur? quid mihi præsers unius Urbis consuetudinem? quid paucitatem, de qua ortum est supercilium, in leges Ecclesie vendicas? Si auctoritas quaeritur, orbis major est Urbe. Ergo ex sententia B. Hieron. Concilium universale, quod totum orbem Christianum repræsentat, majoris est auctoritatis, quàm Urbs, & Urbis Romanæ Episcopus: & ideo glossa in hunc locum: Est hic, inquit, argumentum, quod statuta Concilij præjudicant statutis Papæ: Et in c. nemo 9. q. 3. Cùm Papa peccat, potest ejus peccatum etiam Ecclesia denuntiari. Et in c. si Papa d. 40. Cerè credo, quod si notorium est crimen Papæ, & inde scandalizatur Ecclesia, & incorrigibilis est, quod inde possit accusari; nam contumacia dicitur hæresis c. si qui presbyteri. d. 81 & contumax dicitur infidelis c. nullus d. 38.*

¶ Hieronymum in *can. cit.* non de potestate Romani Pontificis agere, majorne illa, minorve Concilio sit, sed calamum in superbos Diaconos stringere, qui se Presbyteris æquabant; immo præferebant; cùm enim Bonorum Ecclesiæ administratio illis commissa esset, & Romæ causis etiam præessent, teste B. Augustino in *quæst. ex utroq. mixtis q. 101.* fiebat, ut à populo lucrum, non dignitatem spectante, magis colerentur, ipsique supercilium attollerent. Horum fastui & contentionibus, quæ propterea ferebantur, compescendis, jam dudum Concilium Nicænum c. 17. & Carthaginense 6. c. 18. statuerant, Diaconi Presbyteris, ut dignitate, sic honoribus cederent: immo Consuetudo Romanæ Ecclesiæ habuit, ut sederet Presbyter stante Diacono, donec crescente fastu etiam Diaconi sederent. Istorum ergo arrogantiam B. Hieronymus *epist. ad Evag.* confutat, docetque non esse propterea Romanos Diaconos Presbyteris majores, quod arrogantiam in consuetudinem, vel potius abusum vertissent: totius enim Orbis, Presbyteros ante Diaconos venerantis consuetudinem, abusui & supercilio paucorum merito præferri. En sensum & sententiam Hieronymi, quæ ad rem nostram nihil omnino pertinet. (a)

Aaaa 2

Ad

(a) V.S. August. quæst. ex utroque mixt. q. 101. S. Hieron. *epist.* 85. ad Evag. S. Gregor. M. l. 2. ep. 14. & seqq. Baron. ad annum CDII. n. 44.

Ad glossam respondemus, eam methodo apud jurisconsultos solemniter in utramque partem argumenta & textus conferre: alioquin in *c. nemo 9. q. 3.* expressè dicit: *Etiam si totus mundus sententiaret in aliquo negotio, erga Papam, videtur quod sententia Papæ standum esset; ut in c. hac est fides 24. q. 1.*

Aliud est, Papam Concilio aut Collegio Cardinalium denuntiari, aliud judicari posse: denuntiationem ad effectum justæ & charitativæ reprehensionis, ac ut media emendationi necessaria parentur, jam dudum Octava Oecumenica Synodus admisit, nec nos negamus, & hoc solum dicit Glossa in *c. si Papa*.

Ceterum in ijs, quæ ad fidem, & doctrinam Theologicam spectant, Glossam exilis esse auctoritatis ex eodem loco manifestum est, ubi quærens: *Pro quo peccato deponi Imperator possit?* Respondet: *Pro quolibet, si est incorrigibilis; unde deponitur, si est minus utilis.* Quæ Glossæ opinio erronea est, præcinitivè discordijs & seditionibus classicum, repugnativè Evangelicæ & Apostolicæ doctrinæ *Matth. 23. & Petri 1.*

II. *Objicitur 12. c. confidimus 25. q. 1. c. contra. c. prima salv. c. idem, eadem causâ & q.* Ubi dicitur, S. Pontificem sacris canonibus, & Universalium synodorum Decretis alligari, & ea nullam magis exequi Sedem, quàm primam oportere: Concilium ergo est supra Papam, cui leges, parendique necessitatem imponit: hæc enim est subjectionis argumentum.

æ. Aliqua esse à sacris Canonibus & Concilijs statuta, quæ ad Jus divinum & naturale pertinent, quæ Romanum Pontificem utique obligant, & de his præsertim sermo est in præcitatæ Canonibus, ut patet ex *c. sunt quidam 25. q. 1. c. omne. & c. satagendum. eodem.* Quæ verò sunt Juristarum tantum humani, ea aut ex honestate obligant Pontificem, non necessitate *L. ex imperfecto ff. de Legat. 3. & L. digna vox. C. de Legibus.* aut quoad vim directivam, non coactivam. V. S. Th. 2. 2. q. 96. a. 5. ad 3. more suo eleganter differentem; cum enim Principis exemplum in omnem partem valeat, fieri vix potest, ab alijs legem observari, quam Princeps ludibrio habet, infringitque. Aut denique dicendum est, Papam non posse temerè, passim & absque legitima causa Canones solvere, in ijsque dispensare: id enim quid aliud esset, quàm potestate suâ ad destructionem Ecclesiæ, non ædificationem abuti? Quod si velis crudè & absque aceto præcitos Canones

Canones intelligi, oportebit dicere, & concedere, quæ nullus dixit hactenus, concessitque, Pontificem videlicet non statutis tantum Generalium Synodorum, sed etiam particularium, sanctorumque omnium Patrum subiacere; de his enim omnibus ij Canones loquuntur.

Sed lubet Gratianum ipsum audire de hoc argumento differentem, & Canones interpretantem. *Hic, inquit, ita respondetur. Sacrosancta Romana Ecclesia ius, & auctoritatem Canonibus impertitur, sed non eis alligatur. Habet enim ius condendi Canones: utpote quæ caput est, & cardo omnium Ecclesiarum: à cuius regula nemini dissentire licet. Ita ergo canonibus auctoritatem præstat, ut seipsam non subiciat eis. Sed sicut Christus, qui legem dedit, ipsam legem carnaliter implevit, octavâ die circumcissus, quadagesimo die in templo cum hostijs præsentatus, ut in seipso eam sanctificaret; postea verò, ut se Dominum legis ostenderet, contra legis litteram leprosum tangendo mundavit; Apostolos quoque contra litteram Sabbathi per facta prætergredientes, spicas vellentes, & confricantes manibus suis, probabili exemplo David, & Circumcisionis, & templi excusavit, dicens: Non legis, quid fecerit Abimelech, quando venit ad eum David, & dedit ei panes Propositionis, de quibus non licebat edere, nisi solis Sacerdotibus, & comedit ipse, & pueri ejus? Item, Octavâ die secundum legem puer circumciditur: & vos in sabbatho circumciditis hominem? Item, Cum jube holocaustum ex lege offeratur, cum masculus quadagesimâ, femina verò octuagesimâ die ab ortu sue nativitatis secundum legis imperium cum hostijs in templum præsentaretur; unde Sacerdotes offerentes hostias in templo, litteram Sabbathi solvunt, & sine crimine sunt: tunc filius hominis multò magis valet solvere litteram legis, qui est etiam Dominus Sabbathi. Hinc etiam de eo. Erat Jesus docens, tanquam potestatem habens, id est, tanquam legis Dominus, addens moralibus ea, quæ deerant ad perfectionem, umbram figuratum in lucem spirituali intelligentia commutans, non tanquam scriba eorum, qui littera legis adstricti non audebant aliquid addere, vel commutare. Sic & summa Sedis Pontifices canonibus, sive à se, sive ab alijs suâ auctoritate conditis reverentiam exhibent: & eis se humiliando ipsos custodiunt, ut alijs observandos exhibeant. Nonnunquam verò seu jubendo, seu definiendo, seu aliter agendo, se Decretorum Dominos, & conditores esse ostendunt. In præmissis ergo capitulis, alijs imponitur necessitas obsequendi: summis verò Pontificibus ostenditur inesse auctoritas observandi: ut à se tradita observando, alijs non contemnenda demonstrent; exemplo Christi, qui Sacramenta, quæ Ecclesia servanda mandavit, primò in se*

ipso suscepit, ut ea in se ipso sanctificaret. Oportet ergo primam sedem, ut diximus, observare ea, quæ decernendo mandavit, non necessitate obsequendi, sed auctoritate impertiendi. Licet itaque sibi contra generalia decreta, specialia privilegia indulgere, & speciali beneficio concedere, quod generali prohibetur decreto. Quanquam, si decretorum intentionem diligenter advertamus, nequaquam contra sanctorum Canonum auctoritatem aliquid concedere invenietur. Sacri siquidem Canones ita aliquid constituunt, ut interpretationis auctoritatem sancta Romana Ecclesia reservent. Ipsi namque soli canones valent interpretari, qui jus condendi eos habent. Unde in nonnullis capitulis Conciliorum, cum aliquid observandum decernitur, statim subinfertur: Nisi auctoritas Romana Ecclesia aliter imperaverit, vel, salvo tamen in omnibus jure sancta Romana Ecclesia, vel, salva tamen in omnibus Apostolica auctoritate.

III. Obijciunt 13. c. 21. Octava Synodi Oecumenica, ubi dicitur: Universalis Synodus cum convenienti reverentia quamlibet questionem de Romana sede exortam audire teneatur, & in ea proficere; non tamen audacter sententiam in Romanum Pontificem dicere: ergo si non audacter, sed cum debita reverentia Concilium universale procedat, poterit in Romanum Pontificem sententiam proferre; non enim absolutè prohibetur judicari; sed temerè & audacter.

R. Si modus tantum judicandi, non ipsum judicium prohiberetur, nihil hic speciale circa Pontificem Synodus disponderet, quod maximè tamen intendebat: cum audax & temerarium judicium in omnium causis prohibeatur: & quoad hoc non est discrimen inter examen, aut delationem, & judicium temerarium; cum utrumque prohibeatur, & tamen Synodus citata discrimen facit, admittitque, posse quidem Concilium universale cognoscere de controversijs, notorijs delictis, & abusibus, quæ in summo Pontifice notantur; non tamen judicium ferre: hoc enim temerarium & audax fore. Si enim de notorijs Papæ delictis, & abusibus sacræ potestatis, cognitio & judicium Synodo permetterentur, cur canon citatus inter cognitionem & sententiam distingueret, & hanc Concilio negaret, illam permetteret? Permittitur ergo universali Concilio, ut quæ Pontifici obijciuntur, cognoscat quidem examinetque, non tamen quoad effectum judicandi, sed tantum admonendi, reprehendendi, omni que honestæ ac permittæ ratione emendationem procurandi, immo etiam Pontifici, si Ecclesiam vastet usurpetque aliena, resistendi, ut eleganter scribit B. Gregorius



gorius l. 7. ep. 1. ind. 2. ad Januarium, & habetur in c. Paulus 2. q. 7. Paulus dicit: Seniores ne increpaveris: sed hac ejus regula in eo servanda est, cum culpa senioris exemplo suo non trahit ad interitum corda juniorum. Ubi autem senior juvenibus exemplum ad interitum prabet, ibi districtâ interpretatione feriendus est. Nam scriptum est: Laqueus Juvenum omnes vos. Et rursus Propheta dicit: Maledictus puer centum annorum.

IV. Obijcitur 14. c. sicut sancti d. 15. Ubi Gregorius M. dicit: Ne quidem à S. Pontifice solvi posse, quos quinque Concilia Oecumenica ligarunt: aut ligare, quos illa solverunt.


R. Sermonem esse de hæreticis, quos ea Concilia damnarunt: nec enim in potestate S. Pontificis est efficere, ut sit hæresis, quod non est; aut sit vera fides, quæ vera non est. Quod si velis sermonem esse de jure merè humano: etiam ista mutari à S. Pontifice sine gravi & publica causa non possunt, dicimur enim ea non posse, quæ honestè liciteque fieri nequeunt.

V. Obijcitur 15. S. Antoninus, qui q. 3. T. 23. c. 2. §. 6. In ijs quæ ad fidem pertinent, majorem esse scribit auctoritatem Concilij, quàm S. Pontificis: & infra. In ijs, quæ universalis Ecclesia statum concernunt, non posse Papam contra Concilium aliquid statuere.

R. S. Antoninum nihil aliud velle, quàm semel à Concilijs in materia fidei statuta, mutari à Pontifice amplius non posse, quod verissimum est: sicut enim in potestate Pontificis non est facere, ut triangulus non sit triangulus: aut quoddam verum est, non sit verum: multò minùs, ut quoddam revelatum à Deo est & consequenter credendum, non sit revelatum à Deo est & consequenter credendum: immo si Papa, quæ sunt fidei everteret, jam hæreticus esset, & ut suprà diximus, Concilio subiectus. Rursus in ipsis fidei Decretis condendis, si Papa toti Concilio repugnaret, suæque contra omnes opinioni inhæretet, nec veritatem edoctus acquiesceret, hoc ipso hæreticus præsumendus esset, nec illius sententia prævaleret, quia privatum Doctorem ageret, hoc est, privatis tantùm rationibus duceretur.

Rursus non potest Papa ea Conciliorum statuta abolere, quæ ad totius Ecclesiæ pacem, & decorum constituta sunt, hoc enim esset abuti potestate, quam ad ædificandum accepit, non destruendum. In his casibus negat S. Antoninus, & nos cum ipso, Papam Concilio adversari posse; quod tamen non ex eo provenit, quodd  
Papa

Papa non sit supra Concilium; sed quodd non sit supra Deum, supra fidem, supra rectam rationem. (4)



## §. XX.

*Respondetur ad exempla Pontificum, qui à Concilijs videntur judicati, damnatiq<sup>ue</sup> fuisse.*

### SUMMARIUM UNICUM.

*Re. Ad Exempla variorum Pontificum, quos Imperatores aut Concilia judicaverunt.*

**O**bjicitur 16. Multi Pontifices fuerunt judicati punitique à Concilijs, immo etiam Imperatoribus. Marcellinum judicavit Synodus Sinuessana, quodd Idolo thus incendisset: Constantius Liberium, Justinianus Sylverium proscriptit. Otto I. in Concilio Romano Joannem XII. expulit, suffecto Leone VIII. Henricus III. Gregorium VI. deposuit, & Clementem II. ordinari in Concilio Episcoporum jussit teste Leone Ostiensi l. 2. Chron. Cass. c. 80.

Re. Hæc exempla qui obijciunt, manifestè produnt, quàm malam, miseramque causam susceperint defendendam, cui sustinendæ argumentis æquè miseris utuntur, & toties damnatis: eadem enim ratione possent & exemplo Davidis adulteria, & Neronis tyrannidem commendare. Sed ad singula veniendum.

Marcellini causam Sinuessani Patres cognoverunt, & examinârunt quidem, meritoque, cùm idolis adolevisset; nec tamen condemnare ausi sunt, ut patet ex actis illius Concilij. Tom. 1. Concil.

Constantius Imperator Arianus eo jure Liberium in Beroëam Thraciæ relegavit, quo Nero Martyres persecutus est. Vicit Liberium biennij exilium, & in Athanasij condemnationem consen-

(4) V. Gelas. Pap. sin ep. ad Episc. Lucan. 1. c. 2. & habetur c. Et si causa 1. q. 7.

sensit, quæ causa fuit, ut hæresis suspectum nollent Catholici admittere, sed Felici III. adhererent, multiq[ue] propterea à Præfectis Constantij Martyrio sunt affecti. *V. Hieron. in Chron.*

Sylverium per vim metumq[ue], acceptaq[ue] insuper pecuniâ Theodorus Gottorum Rex solio Pontificali imposuit: sed postmodum ejus electioni Clerus subscripsit teste Anastasio *in vita Sylverij*. Hunc cum Theodora Augusta permovere non posset, ut Anthymum hæresis Eutychianæ damnatum restitueret, per Belisarium in exilium egit, & Vigilium, à quo ingentem auri summam acceperat, & majora promissa, Pontificem jussit. Exilio Sylverij ea causa prætexta, quod contra Imperatorem cum Gottis colluderet: fictaq[ue] litteræ Sylverij Pontificis nomine, quæ colorem calumniæ adderent. Exhorruit postea Belisarius impium facinus, illiq[ue] expiando Romæ templum posuit, sceleris juxta, & pœnitentiæ monumentum. (a)

Joannis XII. expulsio sic habuit: Joannes Alberici potentissimi Romanorum Patritij filius, in principatum Urbis defuncto Patri successit: & paullo post duodeviginti annos natus, mortuo Agapeto in Papatum irrupit, metu, potentiâ, opibus nixus, & quem schismatis & pejorum metu, toleravit potius Ecclesia Pontificem, quàm fecit. Hic Berengarij tyrannidem non ferens, Otonem per Legatos in Italiam vocavit; adfuit cum exercitu Otto, fusoq[ue] Adalberto Berengarij filio Italiâ potitus, & à Joanne undatus est Imperator: fides mutuo data & accepta, ac juramento adstricta. Vix Româ excesserat Otto, & Joannes pactorum negligens se Adalberto jungit, causatus suis hostibus Otonem favere, & quæ ad Romanam Ecclesiam pertinerent, usurpare. Imperator binâ legatione Pontificis animum placare conatus est, sed cum flecti non posset, Romam armatus intrat, Pontificem in fugam vertit, Clerum Populumq[ue] Romanum juramento adstringit, nunquam sine Imperatoris assensu Pontificem electuros: & denique coactâ Italix & aliquot Germaniæ Episcoporum Synodo, præter Clerum Romanum, Joannem Pontificem sacrilegij, incestus, Simonix aliorumq[ue] criminum turpissimè reum vocari curat, nec

Bbbb

com-

(a) V. Anastas. in Sylver. & Liberat. in Breviar. c. 22. Baron. ad annum DXXXVIII.

comparentem, Papatu exiit, & ex Concilij sententia Leonem subrogat, Octavum postea dictum. (a)

Joannes paullo post extinctus est, quem Luitprandus in adulterio à dæmone occisum scribit. Circa hanc Joannis XII. depositionem observandum est, malè aliquos hujus exemplo uti, ut probent Papam criminolum à Concilio Universali deponi posse: nimis enim hoc argumentum probat; cum enim Concilium, à quo Joannes exauctoratus est, particulare, & ex Episcopis Italiæ præter paucissimos Germaniæ constitutum fuerit; sequeretur contra omnium sententiam, etiam Synodum particularem, cui ne quidem Episcopi abdicandi potestas est, supra Pontificem Romanum esse. Deinde quidquid in prima illa Synodo Romana contra Joannem statutum est, alia Synodus æquè Romana damnavit, in qua conclamatum à Patribus est, primam illam fuisse prostibulum favens adultero, in vasori scilicet alienæ sponsæ, nempe Leoni intruso. Et Joanne postea extincto, Cleri Romani & Cardinalium voto Benedictus V. Papa renunciatus est, nec prius à Romanis desertus, quàm armis Ottonis Augusti Româ iterum captâ: refertque Dietmarus Episcopus Merseburgius *l. 2. Chronici*. ob injurias Benedicto illatas Ottonis exercitum peste gravissimâ conflictatum, quâ magna illius pars consumpta est. Idem Dietmarus, qui tempore Ottonis scribebat, de eodem Benedicto hæc scribit: *Romanorum prepotens Imperator Otto secundus, valentior sibi in Christo Dominum Apostolicum Benedictum, quem nullus absque Deo judicare potuit, injustè, ut spero accusatum, & quod utinam non fecisset, exilio in Hamaburg relegari præcepit.* Sed hæc omnia sint nulla: fueritque Joannes XII. in Synodo Romana legitimè judicatus damnatusque, nihil illius exemplo convincitur, Joannem enim fuisse metu, & largitionibus intrusum, & ab Ecclesia toleratum, non electum, jam suprâ diximus; nulla est verò consequentia à Pontifice intruso ad Pontificem legitimè electum: intrusio enim inficit electionem, redditque nullam: de quo *vide §. 14.*


Cum ergo depositio Joannis XII. ex tot capitibus evadat ad minimum dubia, nihil facit ad Concilij superioritatem probandam; cum principium dubium non sit idoneum medium veritatis

(a) Vide Luitpr. c. 8. l. 6.

tatis demonstrandæ: prius ergo [certi aliquid in medium afferant, tum à nobis assensum petant; neque enim tam mali rerum æstimatores sumus, ut rebus dubiis fidem addicamus nos, tot ex sacris litteris, Concilijs, sanctisque Patribus ex adverso instructi, edoctique. Otto Frisinganus l. 6. c. 23. de hac ipsa Joannis depositione sic loquitur: *Qua omnia utrum licitè, an secus acta sint, dicere præsentis non est operis; res enim gestas scribere, non item rerum gestarum reddere rationem proposuimus.*

Ad Gregorium VI. respondemus, aut non fuisse illum Pontificem legitimum; tres enim eo tempore sibi Pontificatum vindicabant, & unus in Vaticano, alter ad S. Mariam, tertius in Palatio Lateranensi sedebant. Aut quod verius est, legitimus quidem Pontifex Gregorius fuit, sed cum videret armatum ex una parte Henricum Regem, eumque implacabilem: ex altera verò imminens Ecclesiæ schisma, sponte Papatu abiit. (a)

Ergo ut hunc §. concludamus: exempla hæcenus allegata, cum sint de Pontificibus aut intrusis, aut dubijs, aut sponte cedentibus, aut per tyrannidem ejectis, nihil probant; nec enim, quid vi aut per injuriam factum sit, querimus, sed quid Jure, & ex legum præscripto fieri possit, debeatque.



## §. XXI.

*Respondetur ad alias rationes, quæ Pontificibus opponuntur.*

### S U M M A R I A.

1. *Melius Ecclesiæ consultum esse, summâ potestate in Pontifice potius, quàm Concilijs collocatâ.*
2. *Pontificem non Ecclesiæ, sed Christi Vicarium & Ministrum esse, non ergo Concilio, aut Ecclesiâ inferiore.*

Bbbb 2

3. Ec-

(a) V. Platinam in vita. & Otton. Frisingens. in Chron. l. 6. c. 32.

3. *Ecclesiam à Papa, hoc est, Capite separatam errare posse.*
4. *Papam membrum Ecclesia esse, potestatem verò ipsam Papalem non ex parte tantum, sed plenariè Pontificis esse.*
5. *Ex Matth. 18. absurde deduci, Papam judicio Concilij subjacere.*
6. *An in Ecclesia ut distincta à Pontifice reperire sis supremam & Papalem auctoritatem?*
7. *Quid de Pontifice mortuo, deportato, amente? &c.*
8. *Quid de Papa hæretico?*
9. *Ex jure defensionis, quo contra Pontificem Ecclesia gaudet, male deduci jus majoritatis & jurisdictionis.*
10. *Non tamen frustra esse Concilia, quia Pontifici subsunt.*
11. *An expediat curando corpori caput truncare?*

## I.



*Obijciunt* 17. Deus Ecclesiæ suæ optimè providit, multo-  
 que melius, quàm Synagogæ, cui dicitur: *Quid debui  
 facere vinea mea; & non feci? Isa. 5.* Sed Ecclesiæ pessimè  
 consultum foret, si omni remedio caretet, quo  
 Pontificem Ecclesiæ inutilem, immo noxium, vitæque & moribus  
 omnia corrumpentem, qualis Joannes XII. fuit, amovere non  
 posset: sicut enim corruptio optimi est pessima: ita corruptus &  
 malus Pontifex est pessimum Ecclesiæ malum: quis autem credat  
 Deum pessimo malo, nullum remedium, quo sanaretur, opposuis-  
 se? nec verò remedium ullum est, si Pontifex malus & incorrigi-  
 bilis judicati potest à nemine: quemadmodum nec ægrototo ullum  
 remedium est, si nulli medico subdatur, qui corruptum infectum-  
 que membrum ferro fecerit. Aut ergo Deus Ecclesiam necessa-  
 rijs remedijs in pessimo morbo destituit, aut Pontificem malum,  
 & corrigi nolentem alicui medico subdidit; cui verò, si non Con-  
 cilio universali?

2. Ad ipsam Dei providentiam, & maximum Ecclesiæ bo-  
 num pertinere, quòd summam Potestatem in Pontifice, non Con-  
 cilio collocaverit, & hoc illi subiectum voluerit: si enim optimè  
 con-

consultum est navi, quæ unius imperio ducitur: exercitui, qui unico paret, non pluribus: corpori, cujus summa & tota facultas gubernandi regendique in capite non membris est: quis propterea Ecclesiam dicat minùs providè instructam, quòd illi unum caput Deus, unumque Ducem præfecerit, illique summam rerum, non multitudini crediderit? immo malè Deus Ecclesiæ providisset, Pontifice Concilij subjecto, & frænâ non aurigæ, sed equo commissis. Magnum malum fatemur Princeps malus, sed pejus, multitudo dominans. Nec enim tantum periculi est ex malo Pontifice, quantum ex schismate, & discordijs: hæc siquidem malos juxta bonosque involvunt, aut ignorantia videlicet, aut indiscretâ pietate: sunt diuturnæ: tollunt pacem mutuamque charitatem, hoc est, animam Reipubl. impunitatem flagitij & licentiam tribuunt, & tandem in hæreses desinunt. Hæc omnia ex discordijs; nec discordiæ umquam defuturæ, summâ rerum in Concilium collatâ. Legantur Acta Conciliorum & Basileensis præsertim; quid non illic mali, ambitionis, discordiarum, scandali, latrocinij denique reperiatur, secessione semel à Pontifice factâ, usurpatâque in hunc potestate? Et docuit exemplum Eugenij IV. nullum fore tam innocentem sanctumque Pontificem, & tanto fastigio parem, cui non timendum sit à Concilio naufragium, semel hoc ad clavum sedente, ut meritò B. Gregorius Nazianzenus *epist. 55. ad Procopium* scripserit: *Numquam sine periculo ac offensione sacerdotum haberi conventus.* Quod verissimum est, ubi non uni parent, à quo ducantur; ubi enim plures adsunt mentes ac plura corda, ibi semper aliqua inest opinionum & affectuum discordia: hæc contentionem parit, & contentio seu pugna ut in corporis, sic animi temperamento corruptionis origo est. Patet ergo Ecclesiam optimè à Deo curatam esse, cum unum qui regeret, non plures præfecit. Nec propterea vitia Pontificum sine remedio sunt: rogari enim, moneri que potest, nec à Concilio tantum, sed etiam à Principibus Christianis: & hoc præsertim tempore, quo tanta honoris & decori ratio in aulis habetur, ut vix aliquem Pontificem futurum credamus, tam pudoris expertem, qui hoc, quo diximus modo, aut non correcturus sit vitia, aut saltem ne oculos feriant, velatus; & quod monuit Politicus: *Semotis saltem arbitris turpis futurus.* Quod si Ecclesiam invadat, aut aliena usurpet; resisti illi potest, & quævis



honestâ defensio opponi. Hæc si non profint: Oratio adhibenda, quæ inter mediâ à Deo præparata, efficacissimum est, & si ritè fiat, non potest non exaudiri, juxta illud Joann. 14. *Quodcumq; petieritis Patrem meum in nomine meo, hoc faciam, ut glorificetur Pater in filio.* Et pulchrè docet S. Th. 3. *contra Gent.* c. 95. & 96. Nec propterea dicendum est, Ecclesiam absque remedio esse, quia remedium à solo Deo expectat: immo tanto fortius est remedium, quanto propinquius & immediatius à Deo est, & ordini ab ejus providentiâ statuto accommodatius: est verò divinæ Providentiæ ordo, ut quæ in aliquo genere suprema sunt, nullis inferiorum subdantur: in corpore humano quia cor est primum mobile, à se ipso, non alio vibratur: Sol in genere lucidorum est primum lucens, & idèò omnia illuminat, ipsum à nullo alio, præter Deum illuminatur: Principia demonstrationum, sunt prima in genere intelligibilia, & idèò per alia principia non demonstrantur: Linea in genere rectorum est prima figura, & idèò judex & regula omnis obliqui, ipsa verò ab alia non rectificatur: Denique primum mobile est mensura motûs, & temporis, & idèò tempori non subiacet: nec propterea timendum est, ne ista juxta terminos à Deo impositos præfixosque deficiant, quia immediatè à Deo gubernantur. Cùm ergo ex Dei institutione Papa sit fundamentum, Pastor caputque, hoc est, primum movens, & gubernans in Christi Ecclesiâ, Ecclesiæ non subiacet, sed Deo soli; nec propterea timendum est, ut in fide & doctrina deficiat, & Ecclesiam absque remedio relinquat, cui Deus hunc ordinem imposuit, & cui ne pereat curæ est, reservato sibi tamen Vicarij sui judicio, juxta illud *Ezech. 34. Hac dicit Dominus Deus: Ecce ego ipse super Pastores requiram gregem meum de manu eorum, & cessare faciam eos, ut ultra non pascant gregem meum, nec pascant amplius pastores semetipsos, & liberabo gregem meum de ore eorum, & non erit ultra eu in escam.*

II. *Obijciunt 18.* Papa est Minister Ecclesiæ 1. *ad Corinth.* 4. & *Matth.* 20. & idèò S. Thom. 2. 2. q. 100. a. 1. expr. docet: *Papam non esse Dominum, sed dispensatorem rerum Ecclesiæ.* Nec Ecclesia est propter Papam, sed Papa propter Ecclesiam, ad cujus ædificationem, non destructionem claves & potestatem accepit. 2. *ad Corinth.* 13. Si Papa est Minister & Dispensator Ecclesiæ, ergo est infra Ecclesiam & infra Concilium, quod illam repræsentat.

II. Papam esse Ministrum ac Vicarium Christi, & etiam Ministrum Ecclesiæ. Ministrum Christi, quia hujus Vicarius, & ab hoc potestatem in Ecclesiam accepit, & administrationem bonorum ipsius Christi, & ideo *1. ad Corinth. 4.* Apostolus dicit: *Sic nos existimet homo ut ministros Christi.* Est etiam Minister Ecclesiæ, quia in hujus bonum & ædificationem Christus Papatum instituit: sed hoc ministerij genus non infert subjectionem, & inferioritatem: nam & Angeli dicuntur missi in ministerium propter eos, qui capiunt hæreditatem salutis *ad Hebr. 1.* nec tamen Angelus infra hominem est, sed infra Deum, cujus propriè ministrum agit. Immo hoc ipsum bonum, pax, & Unitas Ecclesiæ, ad quam ordinatur Papatus, exigit, ut Ecclesia sit infra, non supra Papam; quemadmodum & Dux est propter exercitum, & Gubernator est propter navigantes; non tamen in exercitu ducendo, regendaque navi, aut nauta navigantibus subjacet, aut Dux exercitui; quia hoc ipsum in malum potius & militibus & navigantibus cederet. Licet ergo Deus plus Ecclesiam dilexerit, quam solum Papam, voluit tamen eam Papæ subjctam, quia magis illi expedit uni, quam pluribus subesse; & obedire, quam imperare: quando ergo ipsa subjectio est majus bonum, quam non subjectio, non valet consequentia; Papa est propter Ecclesiam; ergo Ecclesia non Papæ est subjecta, sed Papa Ecclesiæ: quemadmodum non sequitur, pater magis diligit filium quam tutorem; & tutor est propter filium: ergo filius non est tutori subjectus, nec minoris auctoritatis, quam tutor: immo quia pater magis filium dilexit, quam tutorem, oportuit majorem huic, quam illi auctoritatem dare, cum melius sit filio subesse, quam non subesse.

Et denique cum dicitur, Papam esse propter Ecclesiam: & Ecclesiam plus à Deo, quam solum Papam diligi; verum non est de Ecclesia à capite suo separata, illique opposita, nec obtemperare volente, quale Concilium Basileense: talis enim Ecclesia Vicario Christi non subjecta, & in eum insurgens, cum alienam potestatem sibi usurperet, dissolvatque ordinem à Deo institutum, & in schisma deflectat, non potest Deo placere, cui confusio, schisma, & ambitio nunquam placuerunt, nec placere possunt.

III. *Obijciunt 19.* Ecclesia errare & deficere non potest, cum ipsa sit columna & firmamentum veritatis *1. ad Timoth. 3.* Papa verò & er-

& errare & deficere potest, immo in hæresin incidere *c. si Papa d. 40.* ergo iudicium Ecclesiæ firmitus certiusque est, consequenter prævalet iudicio Papæ.

R. Si Ecclesiam à Pontifice separatam, nec ab illo directam consideres, eam omnino errare posse, ut patuit in Concilijs Ephesino II. & Basileensi, & nos suprâ docuimus; sicut enim corpus capite minutum, aut aliàs à capite non directum, impingit, caditque: sic Ecclesia & Concilium, auctoritate, & gubernatione Pontificis destitutum. In ipsum Pontificem ut privata quædam Persona error quidem personalis cadere potest, & in illum facilius, quàm in Concilium; proniùs enim est unum, quàm plures decipi: sed non si Papa ex auctoritate Pontificia sibi à Christo communicata, & ex cathedra sententiam ferat, & in fide aliquid definiat: tunc enim non ipse, sed Spiritus sanctus per illum loquitur, teste Christo Domino *Marci 13. Non enim vos estis, qui loquimini, sed Spiritus S. qui loquitur in vobis.* Cùm ergo ad Pontificem spectet, quæ sunt fidei, determinare, illique Ecclesia obedire teneatur, ut docet sanctus Thomas 2. 2. q. 1. a. ult. & contra errores Græcor. c. 37. & habetur in 6. quoties 24. q. 1. Error Pontificis totius Ecclesiæ, hoc est, capitis & membrorum error esset, cùm tamen certum sit, Ecclesiam in rebus fidei erroris expertem esse. Et de hoc plura in sequenti Propositione. Sed demus Pontificem errare posse in materia fidei; adhuc non sequitur esse Concilium supra Papam. Nam vel error in fide est vincibilis, & tunc Pontifex vincibiliter errans hæreticus est, in quo casu concedimus Concilio subesse. Vel error invincibilis est, & tunc Pontifex veritatem à Concilio docendus est, ut habetur in c. *Paulus 2. q. 7.* Cui nisi acquiescat, error invincibilis evadit vincibilis, & hæreticalis.

IV. *Obijciunt 20.* Omne totum est majus suâ parte; sed Papa est pars & membrum Ecclesiæ, & hæc est totum corpus mysticum; huic ergo Papa subjacebit.

R. Ecclesiam ut à Papa distinctam, & huic oppositam, non esse integrum corpus, sed truncum & acephalum. Et quamvis Papa ut homo Christianus sit membrum Ecclesiæ præcipuum, & maximæ dignitatis: ipsa tamen auctoritas, jurisdictio, & potestas Papalis non est pars aliqua, sed tota, plena, & redundans jurisdictio, cui omnem Ecclesiam (cujus jurisdictio est pars tantùm aliqua & deli-

delibatio Pontificiæ potestatis) Christus subjecit; quemadmodum in corpore humano, licet caput sit membrum corporis, ipse tam influxus directivus & gubernativus, qui per sensus, intellectum, voluntatem & diffusionem spirituum animalium exercetur, non est particulariter, sed totaliter in capite, à quo velut fonte in reliquum corpus derivatur. Sic omnino plenitudo Ecclesiasticæ potestatis in Papa à Christo collocata est, & per Papam in Episcopos deducitur, ut habetur in *c. sacrosancta d. 22. c. omnes d. ead. c. qui se fuit 2. q. 6. c. decreto. 6. q. 6.* Et *Basileenses in epist. Synodali ad Eugenium IV. Vide de hoc argumento prolixè differentem Salmer. Tomo 12. à Tract. 64.*

V. *Obijciunt* 21. Ecclesia ex Christi ordinatione constituta est iudex Papæ, per illa verba *Matth. 18. Si peccaverit in te frater tuus &c. dic Ecclesiam: & si Ecclesiam non audierit; sit tibi sicut Ethnicus & Publicanus.* Aut ergo Papa frater non est, nec eundem cum reliquis Christianis Patrem Deum habet, eandemque Matrem Ecclesiam: aut si frater est, ab Ecclesia judicari potest, & si Ecclesiam non audit, Ethnici & Publicani instar habendus.

R. Ad hunc Matthæi locum jam supra respondimus, eumque explicavimus: sed quia in hoc textu velut arce tutissima opinionis suæ spem omnem Adversarij statuunt, aliquid adhuc dicemus, ut pateat, quàm infirmum sit hoc illorum præsidium.

Aut ergo volunt Adversarij hunc Matthæi locum de fratre Ecclesiæ subjecto intelligendum esse, aut de fratre etiam non subjecto, qualem nos dicimus Pontificem esse? Si de fratre non subjecto: hoc absurdum est, & impossibile, cum non subjectus deferri & puniri à iudice non possit, quem non habet. Si de fratre subjecto: oportet prius demonstrent Papam Ecclesiæ subjectum esse, quàm posse ab ea puniri: aut si hoc supponunt, supponunt planè, quod probandum erat. Quæ ergo est hæc demonstrandi ratio, supponere quod probandum est, & idem per idem, hoc est, enssem per gladium, & nigrum per atrum explicare? est equidem frater Christianorum, sed etiam Princeps Ecclesiæ, de quo Christus non loquitur. Deinde mille sunt scripturæ textus, qui in sensu accommodo & possibili sunt intelligendi; sicut etiam in hoc ipso Matthæi loco; non omne peccatum (v. g. occultum, quodque probari non potest) deferendum est iudici, & per testes probandum: sicut ergo non omne peccatum deferri debet, sed illa, quæ possunt probari, & à iudice puniri; ita nec omnis persona deferenda est, sed quæ iudi-

cem habet, plebūquo potest: & si tu omnem Christianum judicem habere, punirique posse, etiam Papam, supponas: hoc prius probandum est, & tum denique locus Matthæi applicandus. Denique cum Papam ab Ecclesia judicandum puniendumq; esse dicis, quam tu Ecclesiam intelligis? Papæ conjunctam, aut ab hoc separatam? si conjunctam: ergo non probas ex hoc Matthæi loco Concilium, ut à Papa distinctum, esse Papâ superius: si verò à Papa separatam intelligis: negamus Ecclesiam aut Concilium universale dici posse, cui pars optima & maxima, hoc est, caput abest, quemadmodum nec integram domum dixeris, quæ fundamento, nec integrum exercitum, qui Duce caret. Vides ergo quot morbis argumentum laboret, quod putabas insuperabile?

VI. *Obijciunt* 22. Potestas Papalis non tantum est in solo Romano Pontifice: sed multò principalius in tota Ecclesia, & Concilio Ecclesiam repræsentante: si enim Ecclesia Papalem auctoritatem non habet, cur eligit Papam? cur eo defuncto omnia, quæ Pontificis sunt, præstat? Fac perpetuo carcere aut amentia Pontificem teneri, cujus erit de rebus fidei infallibilem, & expertem erroris sententiam ferre?

R. Hoc argumento probari Concilium non esse supra Papam, sed paris ejusdemque potestatis, & consequenter nihil in Pontificem posse, cum par in par potestatem non habeat. Deinde si hanc potestatem Papalem Concilium habet, à quo habet? à se, an à Christo? Non à se; quia est supernaturalis, quæ non habetur, si non datur. Non à Christo; quia numquam & nullibi legimus in sacris Paginis Ecclesiæ aut Concilio dictum: *Tibi dabo claves Regni cælorum: Super te edificabo Ecclesiam meam: Pascere oves meas.* &c. Quid autem turpius, minusq; consentaneum rationi, quàm dicere Christum potestatem tantam, tam magnam Concilio dedisse, nec tamen posse ostendere quando, ubi, quibusve verbis? Si Provinciam tibi à Cæsare donatam diceret, nec tabulas aut testes donationis proferres, quis tibi fidem commodaret? & tamen hoc Adversarij faciunt, dum Regnum Cælorum Concilij commissum esse à Christo dicunt, nec tamen toties interpellati tabulas & chirographum Commissionis ostendunt: aut ergo nimis simplices illi, qui fidem nihil probantibus præstant, aut nimis ipsi prædentes, qui fidem petunt nunquam promeritam conductamque. Si totum jus & fastigium Papale in solo Concilio est, ergo in Ecclesia dux supremæque

maximæque erunt potestates, hoc est, in uno Regno duo, parique potentia Reges: in uno Cælo duo soles: in uno corpore duæ animæ, duo capita: hoc est, monstrum Regiminis, & à quo semper bene instituta Respublica abhorruit. Et si Concilio par est Pontificia auctoritas, cur ergo Papali eget confirmatione? & idem eget, ut sine ista Concilium sit planè nullum, per apertissimos textus à nobis suprâ citatos: superflua planè hæc esset confirmatio, si totum jus Papale in Concilio reperiretur: nec enim à pari confirmatio petitur. Ex quo etiam confutatur, qui dicunt supremam potestatem in Papa non principaliter esse, sed tanquam in ministro Ecclesiæ & Concilij; & ita, quod est absurdissimum, petere Concilium à ministro confirmationem. Nec verum esset, quod in Concilio Constantiensi definitum est *Sess. 8. Papam esse immediatum Vicarium Christi*: esset enim potius Vicarius Concilij, & Ecclesiæ.

Nec bene colligitur esse in Concilio aut Ecclesia potestas Papalis, quia Ecclesia Papam eligit; sicut non sequitur in Capitulo, à quo Episcopus eligitur, esse potestatem Episcopalem: ipsa enim eligendi forma, ipsique electores subjacent legibus Pontificum, qui modum & formam eligendi præscripserunt: nec conferunt eligendo potestatem Papalem, sed nominant personam, cui potestas immediatè à Deo confertur: nemo enim alius Vicarium Principi dat, quàm ipse Princeps: & in Concilio Constant. *Sess. 8.* definitur, Papam immediatum esse Vicarium Christi. Quid autem mortuo Pontifice, aut in perpetuam amentiam lapsò Concilium possit aut non possit; nolumus definire, cum ipsa Ecclesiæ praxis, quid fieri in similibus casibus debeat, satis ostendat: nos verò non de hoc casu loquimur, sed de Pontifice vivente, & ex Pontificia auctoritate aliqua decernente, quem supra Concilium esse dicimus. Videatur tamen Cajetan. in *opuscul. de auctoritate Papa & Conc. c. 16.* ubi docet, Pontifice capto aut relegato, cujus conveniendi nulla spes sit, non propterea alium Pontificem eligi posse; sed imitatione Ecclesiæ primitivæ, cum Petrus ab Herode captus esset, orationem sine intermissione ad Deum fundendam esse, ut Ecclesiæ subveniat. In casu verò perpetuæ amentię, & cujus curandæ ex medicorum consensu spes nulla affulgeat; Papam haberi pro mortuo quoad vitam rationalem & intellectualem, non tantum in actu, ut in dormiente, ebrio aut phrenetico contingit, sed etiam in potentia naturali. Videatur etiam Suar. de *fide d. 10. f. 6.* Advertendum tamen

est circa omnes hos casus & hypotheses, quæ fieri solent: pertinere ad Dei providentiam, qui Ecclesiam & Papatum cum suprema potestate instituit; ne huiusmodi casus evenire permittat, quos quidem absolutè non repugnat evenire; si tamen evenirent, ordinem à Deo impositum confunderent, & idèò repugnantiam habent respectivam & consequentem, hoc est, ex suppositione divinæ voluntatis & Providentiæ, decernentis rem hoc, & non alio modo fieri: v. g. fieri quidem absolutè potest Clementem VIII. non esse validè baptizatum, & consequenter nec verum Pontificem, & ea quæ circa fidem & canonizationem Sanctorum ab illo statuta sunt, æquè invalida fuisse, sed suppositâ Dei providentiâ, quâ voluit Ecclesiæ visibili caput visibile præponi, & quæ ad fidem spectant, certa & indubitata esse: repugnat tale & occultum impedimentum à Deo permitti, sed ad Dei curam pertinet cavere, ne contingat. Eodem modo non implicat absolutè Sacros Codices, quibus Ecclesia Catholica utitur, in rebus fidei aut malitiâ aut ignorantia, aut incuriâ librariorum, aut etiam injuriâ temporum corrumpi; sed quia voluit Deus fidem & Religionem ex Verbo Dei scripto, & tradito pendere, ipsius Omnipotentis & sapientis est, ne corrumpantur, curare. *Qui ergo sumus nos, qui statuamus tempus & modum miserationis Domini, & in arbitrium nostrum diem & terminum constituamus ei? expectemus ergo humiles consolationem ejus. Judih. 4.*

Et idèò S. Thom. 1. 2. q. 100. a. 8. Ea quæ sunt jure Divino ab ipso Deo determinata, non solum in communi ratione justitiæ, sed etiam quantum ad determinationem ad singulos actus, non esse ab Ecclesia dispensabilia docet, sed à solo Deo: nec in illis habere locum epiikiam aut gnomen, sicut in legibus humanis, in quibus non potest Legislator humanus singulos actus particulares prævidere ijsque providere; & idèò fornicatio v. g. sive accessus ad non suam, etiam ex intentione maximi alicujus boni & utilitatis nunquam permissa est.

VII. *Obijcitur 23.* Potest Ecclesia etiam invito, aut non consentiente Pontifice Concilium congregare, v. g. Papâ mortuo, aut relegato, aut amentia correpto, aut si ipse nolit Concilium congregare, cum tamen oporteret, &c. Felin. in c. super litter. de Rescript. Alex. in canon. synod. d. 17. ergo videtur non tantum in Papa, sed etiam in ipsa Ecclesia potestatem Papalem residere.

24. Certissimum esse potestatem congregandi Concilia ordinata-



diariam solius Pontificis esse, *distinct. 17. per totum.* Et *cap. significasti de elect.* Quemadmodum solius Principis est convocare status generales, quod si alius molietur, perduellionis in Principem suspectus est. In casibus particularibus, & extraordinariis potest ab Ecclesia hoc ipsum fieri; quæ tamen potestas nullo modo Papalis est, cum non sit universalis, nec se extendat ad ordinandam Ecclesiam universalem, sed tantum particularem illum casum & necessitatem: Papalis autem potestas ordinaria, perpetua, & universalis est: & hæc Ecclesiæ non communicatur, alioquin ipsa Ecclesia esset vicaria Christi; Pontifex verò esset Vicarius Vicarij, & consequenter non immediatus Christi Vicarius, quod est absurdum, immo hæreticum ex Conc. Const. *Sess. 8.*

VIII. *Obijciunt 24.* Papa deponi à Concilio potest propter hæresin *c. si Papa d. 49.* ergo est subiectus Concilio, & inferior: qui enim subiectus non est, ob nullum crimen judicari condemnari potest, cum iudicium & sententia jurisdictionem supponant, & hæc subiectionem. Rursus si Papa hæreticus judicari, & puniri potest à Concilio, cur non æquè publicus usurarius, simoniacus, blasphemus, perjurus, adulter, tyrannus, & qui palam Deum odio habet? hæc enim peccata partim hæresi graviora sunt, partim bono, paci quæ Ecclesiæ magis incommodant, quàm privata aliqua hæresis, v. g. Spiritum sanctum à Filio non procedere: nec in sacris Scripturis reperies Papam magis ob hæresin, quàm aliud crimen publicum, offensivum publici, & incorrigibile deponi posse: cur ergo tacente sacro textu hæresin excipis, & si excipis hæresin, cur solam?

æ. Magnam esse inter hæresin, & alia Pontificis delicta differentiam. Hæresis enim per se, & ex sua natura prorumpit in falsam doctrinam, tollit quæ omne fundamentum gratiæ, & salutis, & velut in sua radice omne meritum & virtutem venenat: salvæ enim fide, omni peccato est suum remedium, quo sanetur: extinctâ fide, omnia simul remedia sublata sunt, cum omnia fidem supponant: & idè B. Apostolus dicit: *Iustum ex fide vivere.* Quia sicut vita necessaria est, ut medicina; ita fides, ut Sacramenta aliquid operentur. Et idè in sacris litteris jubemur Prælati, etiam dyscolis & peccatoribus obedire *Matth. 23. c. 1. Petri 2. & Luca 12.* Ab hæreticis verò & infidelibus omnino separari, & consequenter nec pro Pastoribus habere *Num. 16. ad Galat. 1. & 2. ad Thessal. 3. & 2. ad*

Cor. 6. & 2. Joann. 2. & c. verbum d. 1. de Pœnit. c. Novatianus 7. q. 1. & c. didicimus 24. q. 1. c. si Papa d. 40. & c. over 2. q. 7. An verò Papa hæreticus ipso facto amittat Papalem dignitatem perinde ac mortuus, an verò deponendus sit ab Ecclesia, aut etiam à Deo præcedente sententiâ hæresis declaratoriâ, videri potest Cajetan. *Tr. de auctor. Papa & Concilij à c. 17. & Suar. de fide in Tr. de S. Pontif. d. 10. f. 6.* Nec refert, etiamsi concedamus Papam in hoc casu à Concilio judicari; quia hic est calus in sacris litteris toties exceptus: nec tam Concilium judicat, quàm potiùs declarat, Papam incurrisse sententiam ab ipso Deo latam, promulgatamque, juxta illud Joann. *Qui non credit, jam judicatus est.*

IX. *Obijciunt* 25. Si Papa gladio aliquem appetat, aut rem domesticam & facultates invadat, aut alio modo injuriam paret: licebit utique gladium invadenti extorquere, eumque quâvis aliâ ratione compescere, immo etiam jure defensionis, si aliter non possit, occidere: quanto ergo magis, si Beneficia vendat, immèritos promoveat, ipsamque Ecclesiam perverso exemplo, injustisque legibus opprimat (juxta illud *ad Galat. 2. junctâ Gl. Cogis gentes judaizare exemplo mala conversationis*) licebit Pontifici obsistere, & si aliter cohiberi, aut corrigi non possit, Pontificatu pellere?

R. Aliud esse Jurisdictionem in Papam exercere, aliud defensione uti: hæc non Concilio tantùm universali, sed cuilibet etiam privato permissa est: illa ad Superiores tantùm pertinet: & quamvis invadentem jure defensionis, & servato moderamine inculpatæ tutelæ, occidere etiam possit; non tamen auctoritative sententiam mortis in illum dicere, quia hoc est Superioris, & jurisdictionis, quam nullam Conciliis in Pontificem esse jam suprà ostendimus. Immo potestas Pontificem exauctorandi non tam ad Ecclesiæ defensionem, quàm majorem offensionem pertinet, propter periculum schismatis, aliorumque malorum, quæ suprà numeravimus; essetque hoc remedium pejus ipso malo, perinde ac si dolorem dentium truncato capite curatum velles: & idè licet Christus monuerit: *Si pes, manus, vel oculus tuus scandalizat te, erue eum, & projice abs te:* nunquam tamen in Evangelio dixit: si caput tuum scandalizat te, amputa illud, & projice abs te. Morbus ergo capitis infecti & inficientis soli Deo reservatur.

*Obijciunt* 26. Potest Papa renunciare, & renuntiando ab Ecclesia

clesiæ regimine discedere, ergo etiam Ecclesia ex causa boni publici à Papa separari, & sibi alium eligere.

R. Negando consequentiam: cum enim Ecclesia Papæ sit subiecta, non Papa Ecclesiæ; ista minus, ille plus potest: quemadmodum, quia vir est caput uxoris, non uxor viri; vir poterat uxori libellum repudij dare, non econtà, ut colligitur ex Deuter. 6. 24. Et tradit Josephus l. 15. c. 11. Deinde ex Pontificis renuntiatione non sequuntur illa mala, quæ docuit experientia sequi, cum se à Pontificis obedientia Ecclesia subducit, & alium eligit.

X. *Obijciunt* 27. Si Papæ auctoritas est supra Concilium, & solus potest res fidei decidere, ejusque judicium est infallibile, incorrigibile, inappellabile, quid ergo Concilii opus est? & tamen fuisse necessaria, praxis Ecclesiæ docuit.

R. Non sequi, ut quidquid agitur, semper necessariò agatur; cum multa fiant, non quia necessaria, sed quia commodiora. Concilia enim simpliciter necessaria non esse, patuit in Ecclesia primitiva, in qua licet trecentis & suprâ annis nulla Concilia Generalia indicta fuerint, in tanta nihilominus persecutionum, & hæresum agitatione nunquam magis Ecclesia, fidesque floruit: immo exemplis omnium ferè Conciliorum constat, vix ullam hæresin fuisse, quæ Concilio cesserit, & ideo extincta fuerit, quia in Synodo à Patribus damnata: adeò, ut B. Gregorius Nazianzenus non dubitaverit pronuntiare, nullius Synodi successum prosperè à se visum. Incendium Arianum tantum abest, ut post Concilium Nicænum resederit, ut tunc maximè gtastratum fuerit, Orientem, Occidentem, Africam, Hispaniam, Italiamque complexum: Idem in Concilio Chalcedonensi, Ephesino, aliisque evenit: & si totam Ecclesiasticam historiam percurras, vix aliquem reperies, qui Romano Pontifici pertinaciter obluçtatus, non æquè Synodos contempserit, aut à Synodo absolutus fuerit, quem Pontifex damnaverat. Quia tamen in Concilium Patres ex toto orbe conveniunt, negari haud potest, majorem in Conciliis sapientiam, experientiam, rerum hominumque notitiam, pietatem, apud vulgus majorem venerationem, amorem fidemque reperiri, quàm in solo Pontifice; quæ causa est, ut auctoritas Conciliorum semper maximi habita fuerit, & medium efficacissimum obstinatissimis etiam animis expugnandis, capiendæque informatione multarum rerum, in quibus falli posse Pontifices ultro fatemur,

XI. *Obijcitur* 28. Juris naturæ est, ut membra, quæ totum corpus inficiunt, amputentur: si ergo Papa exemplo maloque regimine inficiat Ecclesiam, amputari poterit, suâque privari dignitate.

29. Novum esse inauditumque curandi genus, nec ab ullo Medicorum præscriptum, ut sanando corpori, caput amputetur: quod non in Physicis tantum, sed etiam politicis locum habet, propter gravissima & certissima incommoda, schismatis præsertim, quæ admittit hanc potestate Papam judicandi, amovendique sequerentur, ut suprà ostendimus. Ne tamen Ecclesia remedio careret, Orationem Deus Ecclesiæ tradidit, promissitque se illam, cum expedit, certissimè exauditurum; orando igitur potest Ecclesia Pontificem deponere: qui modus potentissimus est, quietissimus, erroris expers (Deo semper quæ meliora sunt concedente) tutissimus, & denique Ecclesiæ convenientissimus, quæ non tam humanâ, quàm divinâ providentiâ regitur; quæque sicut oratione caput ( *Postula à me, & dabo tibi gentes hereditatem tuam. Psalmo 109.* ) oratione conservatur: *Ego rogavi pro te Petre, ut non deficiat fides tua. Luca 22.* ita oratione defendenda est: cum alia remedia humana, si coactiva sint, multo pluribus damnis, periculisque exponant, quàm Pontificis mores etiam perditissimi; sicut enim in corpore humano, ita in politico nihil membris ipsâ divisione nocentius est, ex qua corruptio sequitur. Nocet, *inquis*, Ecclesiæ Pontifex adulter, Simoniacus, prodigus, injustus. *Ominino*: sed rari sunt, hoc præsertim tempore, immo jam nulli. Fac tamen aliquem esse, eumque per vim extirpandum; quantum Ecclesiæ nocebunt, bella, discordiæ, schismata, ambitus tot capitum ad tiaram aspirantium, tumultus & confusio nescientium, quem pro legitimo habeant, & denique omnium licentia, & impunitas flagitiorum, nullo judice certo, & omnibus, ut amicos indulgentiâ parent, conniventibus? ergo Pontifex malus, magnum Ecclesiæ malum: sed schisma longè majus, quo si Ecclesiam curatum eas, perinde feceris, ac si domum incendas, ut eam ab aura insalubri purges, aut navim subducturus tempestati, ad scopulum impellas.


## FINIS LIBRI SECUNDI.



# LIBER III.

## PROPOSITIO III.

**I**N fidei quæstionibus, & præcipuæ sunt Pontificis Romani partes: & quæ ab illo etiam extra Concilium, è cathedra tamen, definita sunt, errorem omnem ac dubium excludunt: non quia hominis voces sunt, sed quia Dei per os Vicarij sui loquentis: & ideò non eà ratione Pontificis sententiæ certæ firmæque sunt, quia illas Ecclesia credit, acceptatque: sed ideò Ecclesia credit, acceptatque, quia veræ certæque sunt. Sic canones loquuntur, sic Patres testantur, sic ipsa Concilia profitentur, sic usus omnium Ecclesiarum semper obtinuit: & quod omnia superat, sic divinæ scripturæ locuta sunt.



§. I.

*Quid sit Pontificem è Cathedra docere.*

S U M M A R I A.

1. *Papam considerari, ut summum Ecclesie caput, & privatum Doctorem posse, ex utroq; Testamento, ex SS. Doctores, varijsq; exemplis ostenditur.*
2. *Quid requiratur, ut docere ex Cathedra Pontifex dici possit?*

I.



A distinctio, quâ Pontificem Romanum consideramus, vel ut *privatam Personam*, vel ut *Publicam & solemniter, auctoritative, ex Pontificia potestate, ac è cathedra docentem*; non est nova, sed antiquissima; nam in vetèri lege celebre illud Oraculum Urim, & Thümmim, quod in ambiguis obscurisque rebus summum sacerdotem edocebat, atque ab eodem ad pectus gestabatur, non privata & domesticæ vesti, sed Pontificali & solemniter inscriptum erat. *Exodi 28.* Deo hâc ratione ostendente, munus Ecclesiam instruendi, & in causis ambiguis judicandi, ad summum quidem sacerdotem pertinere; non tamen semper & ubique, sed cum Pontificem agit; tunc enim, & non alias, eum calitùs, ne fallat, aut fallatur, illustrari. Hæc causa fuit, ut sacerdotes nunquam ad consulendum Oraculum accederent, ab eoque responsum acciperent, nisi prius Ephod induissent, ut patet *1. Regum 23. & 30.* Quæ vestis erat auro texta, varijsque ex serico coloribus distincta, & cui Oraculum insertum erat.

Sic *Matthæi 23.* jubet Christus scribas & Phariseos audiri, eorumque doctrinam observari, quia super cathedram Moysi & Prophetarum sederunt: quasi tota radix & origo eorum in docendo auctoritatis cathedræ adstricta esset, quam publicè docentes infedebant:

debant: alioquin privatas opiniones & sententias quod attiner, certum est multa Phariseos docuisse, impia, legique divinæ & naturali omnino contraria, ut habetur *Matth. 23.*

Sic etiam sexta Synodus Constantinopolitana sub Agathone PP. epistolam ejusdem Agathonis approbat, summisque laudibus extollit, & in illa non tam Agathonem, quam Petrum locutum fuisse dicit. *Seff. 8. & Seff. 18.* agnoscitque Cathedram Petri, ejusque successores omnis hæresis expertes esse: & tamen *Seff. 13.* Honorium I. Romanum Pontificem hæreticum fuisse dicit, eumque damnat: ubi manifestè Concilium differentiam indicat inter Pontificem à Cathedra ac sententialiter, & ex privata tantum opinione docentem; & in hoc casu errare posse, nam in primo non admittit.

Sæpe etiam S. Augustinus contra Donatistas disputans, cathedram à persona, hoc est, *errorem personalem à cathedrali* distinguit, hunc negat in Petri successores cadere; illum concedit. (a)

Immo B. Apostolus, & ex illo symbolum nostræ Religionis Ecclesiam Catholicam, sine ruga & macula, & sanctam esse profitentur; cum tamen major pars Ecclesiæ sint peccatores; immo qui dicit se absque peccato esse, mendax sit *1. Joann. 1.* Quomodo ergo Ecclesia est sine ruga & macula, sed tota putrida? nisi quia non tam privata personæ, quæ Ecclesiam Catholicam componunt, attendendæ sunt, quam publica illius forma, quæque ad omnes pertinet, hoc est, leges, doctrina, & Sacramenta, quæ omnia sancta sunt, omnemque maculam peccati excludunt.

Sic ergo cum in hoc libro dicemus, Romani Pontificis judicium in rebus fidei esse ultimum, infallibile, irreformabile; de Romano Pontifice loquimur, non ut privata persona est, & aliorum Doctorum instar scribit, docetque: sed ut Pontifex est, & ex Pontificali auctoritate Ecclesiam universalem docet, ac rebus mature discussis, causam aliquam definit, & quæ definivit, jubet tamquam fidei veritatem haberi, & qui non habent, creduntque, hæreticos pronuntiat. Hoc ergo est Pontificem agere, & à cathedra loqui, quod nulli Doctorum, aut Episcoporum convenit. Sicut ergo in antiquo Testamento non omne Pontificis responsum Oraculum fuit: & in Christo Domino non omnis actio divina, sed etiam humana, & mixta, seu theandrica: nec omnis in eodem

Dddd 2

Chti-


(a) V. Ejusdem B. August. epistolam 165.



Christo scientia infusa, & increata, sed etiam creata, & acquisita; & capax incrementi, immo imperfecta, & aliquid habens nescientia; *Marci 13. n. 31. De die autem illa vel hora nemo scit, neque Angeli in celo, neq. Filius, nisi Pater.* Eodem modo non omnis actio ab anima rationali procedens, est rationalis: nec omnis notitia, quam de causa aliqua iudex habet, est publica & judicialis, & ideò communiter & Theologi & Jurisperiti docent, teneri iudicem sententiam proferre non ex privata, sed publica scientia *c. 28. de offic. Jud. Deleg.* Sic etiam non omnis actio & doctrina Pontificis, est Pontificia, sed sicut in Beatis visio beatifica & matutina non absorbet visionem vespertinam; ita & Pontifex aliqua facit, ut homo, aliqua ut Princeps, aliqua ut Doctor, aliqua ut Papa, hoc est, ut Caput & fundamentum Ecclesiae: & his solis actionibus privilegium infallibilitatis adscribimus: alias humanæ conditioni relinquimus: sicut ergo non omnis actio Papæ est Papalis, ita non omnis actio Papæ Papali privilegio gaudet.

II. Ceterum, ut dicatur Papa ex cathedra, & consequenter absque ullo errandi periculo aliquid definivisse, non oportet illum certo alicui medio, aut consultationi alligare: frustra enim alioquin & inefficax foret in Papa talis auctoritas, nam cujus error damnatus esset, prætereundum semper posset, se illegitimè damnatum esse, quod Papa paucos concilio adhibuisset, aut imperitos rerum, aut odio ductos, aut denique præconceptâ opinione occupatos, & partium studiis addictos, quæ omnia hæretici nostri temporis Tridentino Concilio objecerunt. Modò ergo non constet Romanum Pontificem in rebus fidei decidendis temerè processisse, omnino illius iudicio standum est, Deoque curæ erit, non permittere, ut absque sufficienti examine & prudentia sententia feratur; ejus enim est, qui finem constituit, etiam media fini necessaria curare: frustra alioquin *Deut. 17. Matth. 23. & 18. & Luca 10.* Ecclesiae & Sacerdotis imperio obtemperari etiam sub pœna mortis juberet, quibus semper à subditis opponi posset, sine sufficienti examine, & imprudenter imperatum esse. Et ideò in Tridentino Concilio *Sess. 25. de Reform. c. ult. in fine.* Romani Pontificis prudentiæ & discretionis committitur, quem in rebus ambiguis definiendis, industriæ modum adhibere velit. Verba Concilij sunt: *Quod si in his recipiendis difficultas aliqua oriatur, aut aliqua inci-*  
derint,

derint, qua declarationem aut definitionem postulant; præter alia remedia in hoc Concilio instituta confidit S. Synodus, Beausimum Romanum Pontificem curaturum, ut vel evocatis ex illis præsertim Provinciis, unde difficultas orta est, ijs, quos eidem negotio tractando viderit expedire: vel etiam Concilij Generalis celebratione, si necessarium judicaverit, vel commodiore quâcunque ratione ei visum fuerit, Provinciarum necessitatibus pro Dei gloria, & Ecclesia tranquillitate consulatur.



## §. II.

*Summi Pontificis è Cathedra, quamvis extra Concilium, docentis indubiam & infallibilem auctoritatem esse, sacris Paginis docetur.*

### SUMMARIA.

1. Expenditur locus Deuter. 17. & ex illo argumentum ducitur.
2. Et Luca 22. adjunctâ SS. Patrum interpretatione.
3. Et Matthæi 16. ac Joann. ult.
4. Adversarios Concilij prætextu id agere, ut S. Pontificis sententias non Concilio tantum, sed cuilibet Episcopo, privatorij, Doctori submittant; sublata interim obsequendi necessitate.

#### I.



Atis quidem ex ijs, quæ in secunda propositione disputavimus, Pontificis Romani auctoritatem in rebus fidei decidendis supremam esse, omnique periculo errandi exemptam constat; si enim Concilium

à Papa non confirmatum, ut ostendimus, errare potest, nec ullam in Pontificem corrigendi, judicandi, recipiendique appellationes potestatem habet; oportet ergo, aut Pontificis judicium, quod ultimum est, infallibile esse; aut omnia in Ecclesia fluctuare, nullo Judice certo, qui nascentes fidei controversias ita dirimat, ut omne dubium absolvat. Ut tamen res tanto clarius evadat, quanto pluries illustrata: expendemus etiam pro hac tertia propositione, ea Scripturæ loca, quæ pro Secunda jam supra expendimus; sunt enim ferè eadem.

Primo locum habemus Deuter. 17. ubi: *Si difficile atq; ambiguum apud te judicium esse perspexeris inter causam & causam, lepram & lepram, & judicium intra portas tuas verba videris variare: surge & ascende ad locum, quem elegerit Dominus Deus tuus, veniesq; ad Sacerdotem Levitici generis, & ad judicem, qui fuerit illo tempore, quæresq; ab eis, qui indicabunt tibi judicii veritatem. Qui autem superbierit nolens obedire Sacerdoti imperio, qui eo tempore ministrat Domino Deo tuo, ex decreto judicis morietur.* Ad hunc locum Deuteron. respiciens Josaphat Rex Paralipom. 2. cap. 19. Sacerdotes sic alloquitur: *Omni causam, qua venerit ad vos fratrum vestrorum, ubicunq; quæstio est de Lege, & de mandato, de ceremoniis, de justificationibus, ostendeti eum, ut non peccent in Dominum: Amarius autem Sacerdos & Pontifex vester, in his, quæ ad Deum pertinent, præsidebit.*

Et Ecclesiast. 12. *Verba Sapientum sicut stimuli, & sicut clavi in altum defixi, quæ per Magistrorum consilium data sunt à Pastore uno. His amplius fili mi ne requiras.*

Ad majorem intelligentiam horum sacræ Scripturæ textuum nota: Legales causas fuisse duplices. Primo erant sacræ & ceremoniales, hoc est, de Religione, de Fide, Sacrificijs, lepra, &c. hæc ad Sacerdotale judicium pertinebant. Aliæ judiciales erant, videl. de homicidio, de sanguine, &c. istas Magistratus laicus dirimebat, qui in singulis urbibus habitabat, & in portis jus dicebat, ut ab omnibus etiam exteris tanto liberius adiri posset. Deuter. 16. n. 8. Si verò lis tam esset ambigua, ut ab inferiori & obvio hoc Magistratu definiti non posset, ea Hierosolymam deferenda, & à Concilio Sacerdotum, præsertim summo Pontifice definienda erat. Omnes enim causæ etiam judiciales ex lege explicabantur; legis autem interpretes erant Pontifex, cui in hoc casu non sacræ tantum, sed etiam civiles causæ committebantur, ut patet ex Deuteron. 21.

v. 5. *Ezech. 44. v. 24.* Josepho l. 2. *contra Apionem.* Et Philone l. 3. *de Vita Moysi.* Pronuntiata verò à summo Pontifice sententiâ, iudex secularis eandem exequabatur, & ex hujus decreto, qui nollent Pontificis imperio obtemperare, extremo supplicio multabantur, ut hic dicitur, explicantque Cajetanus, Lyranus, Oleaster, Sigonius, & ex istis Cornelius in hunc locum.

Ex hoc Deuteron. textu argumentari sic licet. Vel summi Sacerdotis sententia infallibilis & irreformabilis erat, vel non erat? Si erat? hoc ipsum est, quod volumus, quodque probare intendimus; nec enim privilegium & assistentia Synagogæ concessa, Ecclesiæ neganda est longè nobiliori, quàmque plures hæreses impugnant, utpote toto orbe diffusam: & proinde uno & infallibili iudice magis indiget, qui finem discordijs imponat. Si verò summi Sacerdotis sententia infallibilis & irreformabilis non erat? cur ab illa non admittitur appellatio, & qui non acquiescit, mori iubetur? planè dignus morte non est, qui in rebus fidei dubiam incertamque sententiam non admittit, cum fidem oporteat indubiam esse, certamque: nec unquam, nisi injustè, ultimo supplicio affectus est, qui à iudice & sententia appellavit, à qua appellare potuit, quæque ultima non est.

*Dices.* Pontificis sententiam fuisse quidem certam, sed à Pontifice in Concilio, & ex Concilij suffragijs latam, ut patet ex verbis sacri textus, qui non de uno Pontifice, sed de pluribus loquitur; & ideò Hebræi & Sigonius l. 6. *de Republ. Hebr. c. 7.* explicavit de magno Concilio Sanhedrim, quod 70. viris constabat; non ergo potest ex hoc textu deduci, summi Pontificis sententiam, etiam extra Concilium docentis, ultimam esse, & irrefragabilem.

Et Sanhedrim non fuisse Concilium generale, cum 70. tantum viris constaret, quorum multi Sacerdotes non erant; non ergo potest ex hoc loco argumentum pro Concilio generali adduci. Deinde esto generale fuerit, illi tamen Pontificis Max. sententia adstricta non erat: de solo enim summo Sacerdote dicitur: *Qui autem superbiens noluerit obedire imperio Sacerdotis, qui eo tempore ministrat Domino Deo tuo, morie morietur.* Et ideò solus Pont. Max. Rationale, & Oraculum Urim Vethümmim ad pectus gestabat, cum inscriptione: *Judicium & Veritas:* solus etiam & sine Concilio Oraculum consulabat in rebus dubijs, *Regum 23. & 30.* Et esto concedamus in veteri

veteri testamento, ubi vix angulum Orbis Synagoga occupabat, Pontificis ultimam sententiam fuisse Concilio alligatam; hoc tamen de Ecclesia Christi dici non potest, quæ cum toto terrarum orbe diffusa sit, Concilium generale convocari rarissime potest, & tunc etiam cum gravissimis Ecclesiæ incommodis; & propterea non in Concilium, sed in solum Petrum curam & gubernationem suæ Ecclesiæ transtulit Christus, multasque hæreses sine Concilio voluit à solo Pontifice confutari, & qui non illi adhæreret, pro hæretico æstimari, ut expressè testantur S. Augustinus *epist. 162. & in Psalm. contra partem Donati*. Et S. Leo *epist. 87. ad Episcop. Viennensis Provincia*, quæ verbatim testimonia infra recitabimus, & ipsa Ecclesiæ praxis plùs satis demonstrat.

II. Secundus scripturæ locus habetur *Luca 22*. Ubi Christus pro Petro ejusque successoribus rogasse se dicit, ne unquam illorum fides deficiat: *Simon Simon, ecce Sathanas expetivit vos, ut cribrares sicut triticum; ego autem pro te rogavi, ut non deficiat fides tua: & tu aliquando conversus, confirma fratres tuos*.

Nota, hæc Christi verba specialiter ad Petrum dirigi; quamvis enim Sathan omnes Apostolos expetiverit, non tamen dicit Christus: *Ego pro vobis rogavi*: sed *pro te*: innuens se privilegium aliquod speciale Petro postulasse: nec Petro tantum, sed illius etiam successoribus: semper enim Ecclesia, ut imperitur à Sathana, ita confirmari debet: & sicut ex omnium Catholicorum sententia aliæ promissiones Petro factæ ad ejus successores pertinent, sic etiam ista; nec aliter Concilia ipsa & Patres hunc locum intellexerunt, ut planè temerarium sit, non ita intelligere: quamvis enim etiam pro perseverantia Petri in gratia, & pro ipsa Ecclesia Christus oraverit; specialiter tamen pro Petro ejusque successoribus, ne in fide deficerent, aliquid contra ipsam docendo, orasse; sicque speciale aliquod privilegium Petro & successoribus impetrasse, tum ipsa per se verba, tum omnium Patrum consensus habet. Ii sunt: Patres sextæ Universalis Synodi Constantinopolit. *Act. 4*. S. August. *l. de corrept. & grat. 18*. S. Chrysostomus *homil. 83. in Matth.* Theophylactus *in c. 22. Luca*. S. Lucius Papa & M. *epist. 1. ad Episcopos Gall. & Hisp.* S. Leo *Serm. 3. de Assumpt. sua ad Pontif.* S. Nicolaus *l. epist. ad Michaëlem Imperat.* S. Leo IX. *epist. ad Petrum Antioch.* S. Bernardus *epist. 190. ad Innoc.* S. Gregorius M. *l. 6. epist. 37. ad Eulogium*.  
S. Thom.

S. Thom. 2. 2. *quest. 1. a. ult.* Innocentius III. in *epist. ad Episc. Arelat. & habetur* 6. *Majores de Bapt. Joannes Constantinopolit. epist. ad Hormisd. Papam.* Theodorus Studites *epist. ad Paschalem PP.* S. Bernard. *serm. de privileg. B. Joann. Bapt.* Et denique omnium elegantiss. B. Agatho PP. *epist. ad Augustos*, quæ recitata, recepta, summisque laudibus affecta est, à Patribus VI. Oecumenicæ Synodi *Act. 4. & 8. & habetur Tomo 3. Conciliorum.*

Jam ex hoc Lucæ textu, junctâ explicatione & interpretatione omnium ferè SS. Patrum, sic argumentamur. Si Romani Pontificis è Cathedra docentis sententia in materia fidei non est infallibilis, ergo potest illi error fidei subesse; ergo ejus fides potest deficere: non ergo verum est privilegium illi à Christo speciale impetratum esse, ne illius in docendo fides deficiat.

*Dices 1.* Hoc privilegium Petro impetratum à Christo ad ejus successores extendendum non esse.

*R.* Hoc imprimis militare contra explicationem omnium Patrum, qui hanc Christi promissionem non Petro tantum, sed ejus Sedi, & consequenter successoribus factam esse dicunt. Idque ex Christi verbis colligitur, qui hoc donum perpetuæ & indefectibilis fidei in utilitatem Ecclesiæ Petro contulit, ut is videlicet eam confirmaret contra Sathanæ insultus: quæ ratio non pro Petro solum, sed pro ejus successoribus æquè multoque magis militat: quando videlicet Ecclesia & multo magis impugnatur, & multo magis, ut confirmetur, opus habet. Quod si hoc privilegium ad solum Petrum restringas: idem dicendum erit de alijs *Matth. 16. & Joann. ult.* Petro concessis: quod si semel admittas; imprimis contra totam Ecclesiam sentis: deinde quomodo contra hæreticos primatum & potestatem Pontificis Romani probabis?

*Dices 2.* Promissionem Petro factam principaliter in Ecclesiam dirigi, quæ à Concilio Generali repræsentatur.

*R.* Hoc vix responso aliquo dignum esse: tam enim clara sunt Christi verba, tam apertè in solum Petrum diriguntur, & aded nulla Ecclesiæ, aut Concilij fit mentio, ut videantur adversarij nostri non tam suam opinionem ad scripturam accommodare voluisse, quàm potius scripturam, volentem nolentemque, in suas partes trahere, ut non tam ipsi quod scriptura, quàm scriptura quod ipsi sentiret.

Quòd si velint donum & privilegium Petro & successoribus collatum, mediàtè ipsi etià Ecclesià collatum esse, quæ cùm à Petro gubernari se patitur, errare non potest; quemadmodùm quidquid boni natura capiti concessit, illud totum in bonum, & directionem corporis redundat; id quidem verissimum est, & sensui SS. Patrum omnino consentaneum: sed sententiam nostram confirmat potiùs, quàm evertit.

*Dices 3.* Ex eo Evangelij textu non haberi, quòd Pontificis judicium etià extra Concilium docentis, infallibile sit.

*R.* Cùm Christus nullam omnino Concilij mentionem faciat, multoquè minùs infallibilitatem Petri illi adstringat; gratis & sine fundamento hanc limitationem ab ijs opponi, qui dolent Scripturam aliter loqui, quàm ipsi velint. Si Petri fides à Concilij directione, & non econtrà Concilij fides à Petro penderet; non tam Petrus fratres suos confirmaret, quàm ipse à fratribus confirmaretur.

III. Faciunt ad hoc ipsum probandum, quæ *Matth. 16. & Joann. ult.* habentur, ubi ex omnium Catholicorum sententia Petro, ejusquè successoribus dicitur, eos esse *Petram & fundamentum Ecclesiæ, contra quam porta inferi non prevalebunt*: illis, tanquam totius Ecclesiæ Pastoribus, omnium Christi ovium cura & regimen per ea verba committitur: *Petre amas me? pascere oves meas.* Quænam istorum verborum sententia sit, jam suprà explicavimus: nunc ex illis hoc argumentum ducimus. Si Petrus ejusquè successor est fidei Petra, oportet illum, cùm Ecclesiàm publicè, & cum potestate docet (tunc enim maximè officio suo fungitur, & Petram agit) concuti in fide non posse, multo minùs frangi; aliàs non tam Petra, quàm arena esset: & quid plus alijs Doctoribus & Episcopis Petrus accepisset, quàm ratione Petræ titulum magis meritis esset, si æquè ac illi posset in fidem impingere evertique, & errores docere? Si Petri omniumquè Episcoporum in credendo, docendoquè, quæ sunt fidei, par est conditio, omnes pariter erunt petræ, nec majori titulo Petrus, quàm illi: si verò Petri, & aliorum Episcoporum non est in fide par conditio, oportet plus Petro ejusquè successoribus, quàm alijs Episcopis tribui: & quid hoc aliud? nisi quòd cadere illi omnes in errores possint; immo pleræquè hæreses ab Episcopis aut natæ, aut nutritæ: Petrus solus ejus-



ejusque successores non possint; & ideò Petro, non alijs dictum esse: *Super hanc petram adificabo Ecclesiam meam.* Rursus: si Petrus, ejusque successores sunt fundamentum Ecclesiæ, contra quam portæ inferi non prævalebunt, hoc est, quæ nunquam corruet, nunquam errabit, aut deficiet, multo magis oportet fundamentum corruere & deficere non posse: quid enim hoc portenti, ut stante domo fundamentum cadat? Aut ergo fundamentum Ecclesiæ non est Petrus: aut si est, eo cadente, cadet Ecclesiæ, & Ecclesiæ non cadente, nec ipsum cadere potest.

Quòd si dicas, Petrum Ecclesiæ repræsentasse, & ita hanc promissionem non tam Petro, quàm Ecclesiæ factam. Id verum est, si velis firmitatem & constantiam fidei Petro promissam, etiam ad Ecclesiæ pertinere, immo propter Ecclesiæ factam esse, quemadmodum soliditas fundamenti est soliditas ædificij, & hoc ipsum Patres voluerunt; sicut enim caput totum hominem repræsentat, ita Pontifex Max. Ecclesiæ toto orbe diffusam; in cujus rei figuram summus apud Hæbræos Sacerdos totum orbem terrarum vesti Pontificiæ inscriptum gestabat, juxta illud *Sapientii 18. In veste poderis totus erat orbis terrarum.* Et teste Epiphanio *l. de lapidib. & gemis*: Idem Pontifex tempore Salomonis Regis, præludens velut illi Constantiæ & petrini firmitati, quam Christus Vicario suo promisit, præter gemmas Rationalis, adamantem, binis Smaragdus incinctum, ad pectus gestabat; qui Deo placato, serenâ luce perfundebatur, irato verò & accincto vindictæ, sanguineus micabat. Si verò sic Petrum Ecclesiæ repræsentasse dicas, ut tota firmitas, & indeficientia veræ fidei ad Ecclesiæ pertineat, excluso Petro; imprimis nihil potest dici, quod magis Evangelio repugnet, ejusque sententiæ: cum sole clarius sit, Christum ad Petrum loqui, illi fidem polliceri, ejus confessionem præmio afficere, & denique multis modis & velut anxie laborare, ut Petrum ab alijs distinguat, eumque solum, non alios designet, nullâ Concilij mentione, nullâ Ecclesiæ factâ, nisi quòd hanc dicat se Petro inædificaturum. Deinde si hoc modo, quo Adversarij volunt, Evangelium intelligas, sensus evadit planè absurdissimus, hic enim erit: Tu es Petrus: & super Ecclesiæ, quam repræsentas, ædificabo Ecclesiæ meam. Aut ergo Ecclesiæ sibi ipsi fundamentum est: aut duæ sunt Ecclesiæ, quarum una fundamentum est alterius:

aut Petrus est Ecclesiæ fundamentum : & si est, quærimus quæ fieri possit, ut hujus fides & doctrina deficiat stante Ecclesiâ ? Quoddâ ad alios sensus hæc Evangelij verba detorqueas, quasi fundamentum Ecclesiæ non sit Petrus, sed fides Divinitatis Christi, quam professus est : inprimis Evangelio vim facis, cujus tam antecedentia, quàm subsequētia verba omnino ad Petrum diriguntur, occasione ex illius confessione captatâ. Deinde Petri & Pontificis Romani primatum, hoc est, arcem Religionis Catholicæ evertis : hoc enim Evangelij loco aut sublato, aut in alienos sensus exposito, nihil amplius superest, quo adversus Calvinistas, & Lutheranos Primatum defendas.

Ex illo Joannis ult. *Pasce oves meas* (cujus, quæ sit sententia, jam suprâ vidimus) hoc argumentum deducitur. Per hæc verba Petrus, ejusque successores constituti sunt Doctores & Pastores totius Ecclesiæ; aut ergo docentes illos, præsertim quæ sunt fidei, tehetur Ecclesia audire, aut non tenetur ? si tenetur, ergo illi cùm docent, errare non possunt: nam si possent, erraret etiam Ecclesia, quæ illorum doctrinæ tenetur acquiescere. Si verò Ecclesia non tenetur ea credere, quæ summus Pontifex ex verbo Dei credenda esse definit, non tam Petrus, quàm ipsa Ecclesia erit sibi Pastor, immo ipsa Petrum pascet, quia ipsa errantem Pontificem corriget, ipsa ducet, ipsa an Petri sententia cum Verbo Dei conveniat, an secus, judicabit, discernetque, hoc est, quod nunquam factum, nunquam auditum fuit, non ipse Pontifex confirmabit, reprobatique fidem Concilij, sed Concilium fidem Pontificis: sicque malè Christus Petro dixerit: *Pasce oves meas*: cùm potius ovibus & Ecclesiæ dicere debuisset: Si me amatis, pascite Petrum & Vicarium meum: errare hic potest, & in abrupta deferri, & falsa pro veris docere: vos ergo Pastori Pastores este, & cadentem sublevate, hoc est, discipuli Magistrum docere, & oves Pastorem ducite.

Et ne credas nostra tantùm hæc esse argumenta, non verò Sanctorum Patrum, ipsos audi in hanc ipsam sententiam loquentes.

S. Leo Papa ad Episcopos Vienneses epist. 78. Hujus muneris Sacramentum ita Dominus ad omnium Apostolorum officium pertinere voluit, ut in Beatissimo Petro principaliter collocaret, ut ab ipso quasi quodam capite dona sua, velut in corpus omne diffunderet, ut exortem se mysterij intelligeret esse divini, qui ausus fuisset se à Petri soliditate dividere.

S. Augustinus *Serm. de Cathedra*: Petra ergo pro devotione Petrus dicitur, eo quod primus fidei fundamenta posuerit, & tanquam saxum immobile totius operis Christiani compagem, molemq; contineat.

Origenes in hunc *Matth. Locum*: Manifestum est, etsi non exprimitur, quod nec adversus Petrum, nec adversus Ecclesiam porta pravalere poterunt inferorum: nam si praevalerent adversus Petram, in qua fundata Ecclesia erat, contra Ecclesiam etiam praevalerent.

Plures in sequentibus paragraphis dabimus.

IV. Observandum interim est, si adversarii Conciliorum auctoritatem Pontificiae ita praeferrent, ut tunc solum Pontificis sententias & definitiones in dubium vocarent, cum à Concilio improbantur; tolerari utcumque possent: sed ipsi nullius Concilij expectatâ sententiâ, sibi iudicium arrogant, admittuntque aut excludunt, quæ placent displicentve, ut experientia ostendit, eo solum prætextu, quod Papa extra Concilium errare possit: sicque non Concilio tantum Papam submittiunt, sed cujuslibet Episcopi privatiq; Doctoris censuræ, ab effectu plerumque distat: quo satis ostendunt, non tam sibi veritatis & Conciliorum, quam privatam causam cordi esse, ut interim agant, quod lubet, Concilij obtentu dilatâ, aut etiam extinctâ obsequendi necessitate.



### S. III.

*Eadem Papæ Ecclesiam docentis infallibilitas è  
sacris Canonibus asserta.*

#### S U M M A R I A.

1. Doctrinam SS. Canonibus contrariam, necessario falsam esse.
2. Varijs multisq; Canonibus demonstratur Constitutiones Papales in materiâ fidei certissimas esse.
3. Argumentum ex allatis textibus deductum.
4. Respondetur ad objecta.

¶

## I.

**S**ummam, nisi fallimur, sacris Canonibus deberi auctoritatem, nemo nisi temerarius negabit. Cum enim illos summi Patres ediderint, hoc est, Magistri Catholica Ecclesie doctrinam, pietate, omniumque veneratione insignes: cum illos Ecclesia non receperit tantum, sed etiam velut regulas quasdam, & axiomata veram incorruptamque doctrinam fidelibus tradiderit: cum illos Galli præsertim, adeo sanctos, inviolatosque voluerint, ut in nuperis propositionibus ne quidem summo Pontifici eos egrediendi potestatem faciant: quid aliud esset contra Canonum præscriptum aliquid docere, quam supra sanctos Patres & Ecclesie Magistros sapere velle, sibi que, quod Pontifici non permittitur, usurpare? immo Ecclesiam ipsam corrigere, & quos ipsa limites fixit, refigere? nec discipulos nos sacrorum Canonum, sed Magistros profiteri?

Quod si oratio contra regulas Rhetoricæ, aut Grammaticæ necessariò est barbara incultaque: propositio contra regulas Logicæ falsa: navigatio contra regulas Hydrographiæ temeraria, ac naufragio proxima: & denique quidquid contra regulas artis agitur, rude, impolitumque, & erroris plenum; sic omnis opinio contra sacras regulas, hoc est, Canones concepta, necessariò est falsa: si enim Canon est regula, & regula semper est recta; oportet & rectum non esse, quod à regula discedit, quemadmodum quod à linea discedit, necessariò est curvum. Aut ergo Canon non est Canon, aut doctrina, quæ à Canonibus discedit, vera non est. Videamus ergo, quid de nostra, & Adversariorum doctrina Canones sentiant, & confecta res erit.

S. Leo I. *Ad Episcopos Viennenses epist. 87. inc. ita Dominus d. 19. & habetur Tomo 2. Conciliorum: Ita Dominus noster JESUS Christus humani generis Salvator instituit, ut veritatis, quæ antea Legis & Prophetarum præconio continebatur, per Apostolicam tubam in salutem Universitatis exiret: sicut scriptum est: In omnem terram exivit sonus eorum, & in fines orbis terra verba eorum. Sed hujus muneris sacramentum ita Dominus ad omnium Apostolorum officium pertinere voluit; ut in beatissimo Petro, Apostolorum omnium summo princip. aliter collocaret: ut ab ipso quasi quodam capite dona sua, velut in corpore*  
omne

omne diffunderet; ut exortem se mysterij intelligeret esse divini, qui ausus fuisset à Petri soliditate recedere. Hunc enim in consortium individua unitatis assumptum, id quod ipse erat, voluit nominari, dicendo: Tu es Petrus, & super hanc Petram adificabo Ecclesiam meam: Ut aeterni adificatio templi mirabili munere gratia Dei in Petri soliditate confisteret, hæc Ecclesiam suam corroborans firmitate, ut illam nec humana temeritas posset appetere, nec porta contra illam inferi prævalerent. Verum hanc Petri ipsius sacratissimam firmitatem, Domino, id diximus, adificante, constructam, nimis impiâ vult presumptione violare, quisquis ejus potestatem temat infringere, favendo cupiditatibus suis, & id, quod accepit à veteribus, non sequendo.

Nota, summum Pontificem non loqui de sola Petri persona, sed etiam de successoribus Petri, ut patet ex toto Epistolæ contextu, & qui Petri & successorum decretis resistunt, exortes dicere mysterij divini.

S. Hieronymus in c. hac est fides 24. q. 1. Hac est fides, Papa beatissime, quam in Ecclesia Catholica didicimus, quâq; semper tenuimus, & tenemus: in qua si minus petiit, aut parùm caute foris aliquid positum est, emendari cupimus à te, qui Petri & fidem, & sedem tenes. Sin autem hac nostra confessio Apostolatus tui judicio comprobatur, quicumque me culpate voluerit, se imperitum, vel malevolum, vel etiam non Catholicum, non me hæreticum comprobabit. Item. Sancta Romana Ecclesia, quæ semper immaculata mansit, & Domino providente, & beato Petro Apostolo opem ferente in futuro manebit, sine illa hæreticorum insultatione firma, & immobilis omni tempore persistet.

Idem S. Hieronymus in c. quoniam 24. q. 1. Quoniam vetusto oriens inter se populorum furore collisus indiscissam Domini tunicam, & desuper textam per frustra discepit; & Christi vineam vulpes exterminant, ut inter lacus contritos, qui non habent aquam, difficile, ubi fons signatus, & hortus ille conclusus sit, possit intelligi; idcirco mihi Cathedram Petri, & fidem Apostolico ore laudatam censui consulendam; inde nunc mea anima postulans cibum, unde olim Christi vestimenta suscepi.

Venerabilis Beda c. quicumq; eodem. Quicumq; ab unitate fidei, vel societatis Petri Apostoli quolibet modo semetipfos segregant, tales nec vinculis peccatorum absolvi, nec januam possunt regni celestis ingredi.

Pelagius PP. in c. schisma 24. q. 1. Idipsum enim magis est, propter quod schismatici sunt: quia non eos diversa sentiendi judicium, sed quedam apud se delata, sibi tamen incognita metuentes, & contra Apostolicam Sedem temere credentes pessima divisi opinio. Quod schisma specialiter esse beatus denuntia-

*Augustinus, dicens de talibus: adversus auctoritatem illarum Ecclesiarum, quæ ab Apostolica Sede epistolas accipere meruerunt, temerè credendo, ininimissimum schismatis crimen à se propulsare non poterit. Ergo teste Pelagio & Augustino, qui non credit, quod Pontifex Rom. credendum proponit, schismaticus est: ergo Pontifex errare in fide non potest; nam si posset, schismaticus non esset, qui cum illo errante non sentiret.*

Neque dicas Pontificem errare non posse, si juxta Verbum Dei doceat, secus si contrà. Ridicula exceptio! nec enim speciale Pontificis Privilegium hoc est, sed cujuslibet Episcopi, & Doctoris, immo cerdonis, textorisque, ut si doceat juxta Dei Verbum, non erret: tam ergo schismaticus aut hæreticus esset, qui contra textorem, quàm qui contra Papam sentiret. Et Papa, & qui contra hujus decreta disputat, dicent se Verbo Dei fulciri; quis judicabit interim, quis absolvet, damnabitque?

Concilium, *inquiu*: at Pelagius & Augustinus, non dicunt schismaticum esse, qui Concilio, sed qui Papæ repugnant. Et dum Concilium Patresque conveniunt, quid credam interim, quid scribam, dicamque? quod placet? omnino, lite me inter & Papam pendente: magno scil. Ecclesiæ, pacis, & unitatis bono.

S. Lucius PP. ad Episc. Gallia & Hispan. in c. à recta 24. q. 1. *Hæc sancta & Apostolica Mater omnium Ecclesiarum Christi Ecclesia: quæ per Dei omnipotentis gratiam à tramite Apostolica traditionis nunquam errasse probatur: nec hæreticis novitatibus depravata succumbit: sed, ut in exordio normam fidei Christiana percepit ab auctoribus suis Apostolorum Christi Principibus, illibata finetenus manet.*

Sixtus PP. II. in c. memor sum 24. q. 1. *Memor sum, me sub illius nomine Ecclesia præsidere, cujus à Domino JESU Christo est confessio glorificata: & cujus fides nullam hæresim unquam fovit, sed omnes quidem hæreses destruit.*

Innocentius PP. in c. quoties 24. q. 1. *Quoties fidei ratio ventilatur, arbitror omnes fratres, & Coepiscopos nostros non nisi ad Petrum, id est, sui nominis, & honoris auctorem referre debere (veluti nunc retulis vestra dilectio) quod per totum mundum possit Ecclesijs omnibus in commune prodesse.*

Calixtus PP. in c. non decet. d. 12. *Non decet à capite membra discedere: sed juxta sacra scriptura testimonium omnia membra caput sequantur.*

quantur. Nulli verò dubium est, quòd Apostolica Ecclesia mater est omnium Ecclesiarum, à cuius vos reguli nullatenus convenni deviare. Et sicut Dei filius venit facere voluntatem Patris; sic & vos voluntatem vestra impleatis Patris, qua est Ecclesia: cuius caput, ut prædictum est, Romana existit Ecclesia. Quidquid ergo sine discretionem iustitia contra hujus disciplinam actum fuerit, ratum haberi ratio nulla permittit.

Gregorius IV. Papa in c. præceptis d. 12. Præceptis Apostolicis non durà superbià resistatur; sed per obedientiam, qua à sancta Romana Ecclesia, & Apostolica auctoritate iussa sunt, salutiferè impleantur; si ejusdem sancta Dei Ecclesia, qua est caput vestrum, communionem habere desideratis.

Nicolaus PP. c. si Romanorum. d. 19. Si Romanorum Pontificum decreto, ceterorum opuscula tractatorum approbantur, vel reprobantur: ita ut, quod Sedes Apostolica probavit, hodie teneatur acceptum: quod illa repulsi, hæcenus inefficax habeatur: quanto potius, qua ipsa pro Catholica fide profanis dogmatibus pro varijs, & multis varijs Ecclesia necessitatibus & fidelium moribus diverso tempore scripsit, omni debent honore præferri, & ab omnibus prorsus in quibulibet opportunitatibus discretionem, vel dispensationem magistrà reverenter assumi.

Agatho PP. in c. sic omnes d. 19. Sic omnes Apostolica Sedis sanctiones accipiendæ sunt, tanquam ipsius divini Petri voce firmata sint.

Stephanus PP. in c. enimverò d. 19. Enimverò, quia in speculum, & exemplum sancta Romana Ecclesia, cui nos Christus præesse voluit, proposita est; ab omnibus quidquid statuit, quidquid ordinat, perpetuè, & irrefragabiliter observandum est.

Nicolaus I. in epist. ad Photium c. si decreta d. 20. Si Decreta Romanorum Pontificum non habetis, de neglectu atq; incuria estis arguendi. Si verò habetis, & non observatis, de temeritate estis corripendi, & increpandi.

Idem Nicolaus I. PP. in c. omnes d. 22. Qui autem Romana Ecclesia privilegium ab ipso summo omnium Ecclesiarum capite traditum auferre conatur, hic procul dubio in hæresim labitur: & cum ille vocetur injustus, hic est procul dubio dicendus hereticus.

Paschalis Papa. in c. significasti de elect. Ajunt in Concilij statutum non inveniri; quasi Romana Ecclesia legem Concilia ulla præfixerint, cum omnia Concilia per Romani Pontificis auctoritatem, & facta sint, & robur acceperint, & in eorum statutis Romani Pontificis patenter exipiat auctoritas. Cum igitur à sede Apostolica vestra insignia dignitatis exiguus, qua à B. Petri tantum corpore assumuntur: iustum est, ut vos quoque sedis



*Apostolica subjectionis debita signa solvatis, qua vos cum Beato Petro tanquam de membro habere, & Catholici capitis unitatem servare declarant.*

Innocentius IV. Papa in c. majores de Bapt. Majores Ecclesia causas, præsertim articulos fidei contingentes ad Petri sedem referendas intelligit, qui cum quarentis Domino, quem discipuli dicerent ipsum esse, respondisse notabat: Tu es Christus filius Dei vivi: & pro eo Dominum exorasse, ne deficiat fides ejus.

Lucius III. Papa in c. ad absolvendam de hæret. Universos, qui de Sacramento corporis & sanguinis D. N. JESU Christi, ut de baptismo, seu de peccatorum confessione, matrimonio, vel reliquis Ecclesiasticis Sacramentis aliter sentire, aut docere non metuunt, quàm sacrosancta Rom. Ecclesia prædicat & observat, & generaliter quoscunque eadem Romana Ecclesia vel singuli Episcopi per dioeceses suas cum consilio Clericorum, vel Clerici ipsi sede vacante cum Consilio (si oportuerit) vicinorum Episcoporum hæreticos judicaverint: vinculo perpetui anathematis innodamus.

Et denique Hadrianus Papa in c. generali 25. q. 1. Generali Decreto constituimus, ut execrandum anathema sit, & veluti pravavicator Catholica fidei semper apud Deum existat, quicumque Regum, seu Episcoporum, vel Potentum deinceps Romanorum decretorum censuram in quocunque crediderit, vel permisit violandam.

III. Ex allegatis Canonicis textibus argumentari sic licet: Vel Adversarij sacros Canones admittunt, vel non admittunt? si non admittunt? illorum ergo doctrina canonica non est, sed irregularis ac exorbitans, & consequenter erronea, nec à Spiritu S. profecta, juxta gravem censuram S. Damasi Papæ in c. violatores 25. q. 1. Si verò Canones admittunt? ergo eadem ratione summ. Pontificum statuta & Decreta tenentur admittere, hoc enim Canones jubent, nec possunt eo prætextu rejicere, quòd Pontifices statuendo erraverint: si enim hoc est, frustra Pontifices statuunt, frustra illis obedire Canones jubent: quia semper, qui obedire non vult, Pontificem errare potuisse dicet; nec unquam, ut in rebus omnibus, ita in Pontificum Decretis causæ deerunt, & rationes tergiversandi, nedumque in scirpo quærendi, quod nimium experientia ostendit. Deinde sacri Canones eos, qui semel à Pontifice Romano definita non recipiunt, schismaticis & hæreticis adscribunt, eosque salutis & fidei expertes dicunt: oportet ergo Pontificum definitiones certas omnino esse, nec errori subjectas: nec enim

enim hæreticus aut schismaticus est, qui non recipit incerta, qui dubia non credit, quique probabili doctrinæ adhæret. Tandem certum est ex præfatis Canonibus, esse summo Pontifici auctoritatem in aliquo saltem casu aliqua definiendi, ita ut fideles teneantur definitioni acquiescere, & nisi acquiescant, ijs censuris, quas diximus, perstringantur: in quo ergo casu hanc definiendi potestatem Papæ concedunt? an tunc solum, cum de re definienda palam & clarissimè omnibus constat, quæque à nullo negatur? at hoc ridiculum & otiosum est: res enim, de qua constat, quæque in aperto, & apud omnes in confesso est, definitione non eget, nam solem lucere, ardere ignem, sine Bulla, & plumbo & diplomate videmus. Ergo hæc potestas definiendi, quam Canones in Pontifice agnoscunt, obsequendique necessitas, locum in re dubia habebit, quamque alij negant, alijque affirmant: tunc Pontificis partes sunt, nodum truncare, litemque finire: nostræ verò, credere, obsequi, nec amplius causam jam pacatam turbare. Si ita est, nemo ergo salvis Canonibus in dubium vocare potest, multoque minùs negare, Pontificiam auctoritatem, cum Ecclesiam docet, & de fide pronuntiat, infallibilem esse, errorisque immunem: hanc enim quæstionem olim ambiguam, Pontifices è Cathedra definiverunt, Clemens videl. V. in Concilio Viennensi. Clement. de S. Trinit. Eugenius IV. Sess. ult. Concilij Florentini. Leo X. Sess. II. Concilij Lateran. Sixtus IV. in Concilio Complutensi contra Petrum Oximensem. (a)

Rursus: si ut ex allegatis Canonibus evicimus, in re dubia & utrimque disputata, sententia Pontificis Romani necessariò tenenda est: cum semper hujusmodi Pontificum sententiæ & definitiones sint de re priùs dubia, & disputata; necessariò tenendæ erunt, dubiumque omne absolvent, & qui illis obloquitur, in Canonum censuras incurrit.

IV. Dices I. Non esse standum Papæ definitionib⁹ & doctrinâ, quando cum verbo & doctrina Dei pugnant: tunc enim magis Deo quàm hominibus obediendum est.

Re. Hypothesin fingi impossibilem, ut Papæ videl. è cathedra docentis sententia, cum veritate & fide pugnet: sed demus

Ffff 2

hanc

(a) Vide Raynaldum ad annum MCDLXXIX. n. 32. & Bullarium in Sixto IV. Constitut. 17.


hanc hypothesin impossibilem, qualis fuit illa B. Pauli *ad Galat. 1.* *Licet nos aut Angelus de cælo evangelizet vobis, præterquam quod evangelizavimus vobis, anathema sit.* Si ergo Papa contrarium aliquid scripturæ pro cathedra doceret, idque constaret, credendum utique non esset: sed quamdiu non constat (ut planè numquam constabit) ejus definitiones, qui non accipit, certasque habet, multoque magis, qui oppugnat, ex Canonum sententia, profanus, naufragus, spiritui S. infestus, schismati & hæresi innexus est, sic enim Canones loquuntur.

*Dices 2.* Canones quos produximus, summorum Pontificum esse, qui cum in propria causa loquantur, fidei suspectæ sunt.

R. Non hinc summorum Pontificum, sed Ecclesiæ & fidei causam agi, in qua ex sacrorum Canonum sententia, Prælatus non testis tantum, sed judex esse potest. Et quis summorum Principum lites, nisi ipsi, decidunt, qui superiorem non habent? Immo hæc ipsa exceptio non Pontificem tantum, sed Episcopos, Conciliumque excludit, de quorum æquè causa & potestare agitur. Deinde non soli sunt Pontifices, qui pro se dicunt; sed & Concilia, & Patres, & praxis Ecclesiæ, & ferè Doctores omnes, ut postea dicemus: immo si soli Pontifices essent, ij tamen, plerique & sancti & Martyres sunt, in quos nulla cadit mendacij, ambitionis, vanitatis, usurpatique juris alieni suspicio, quique merito cum

Christo dicere possunt: *Et si testimonium perhibeo de me ipso, testimonium meum verum est.*





S. IV.

*Pontificis Maximi in rebus fidei discernendis  
infallibilitati Concilia suffragantur.*

S U M M A R I A.

1. *Testimonium Concilij Nicani.*
2. *Et Alexandrini sub S. Athanasio.*
3. *Et Carthaginensis.*
4. *Et Ephesini.*
5. *Et Chalcedonensis.*
6. *Et Constantinopolitani sub Agathone.*
7. *Et quinta ac septima Oecumenica Synodi.*
8. *Et Concilij Generalis Roma sub Nicolao II.*
9. *Et Conciliorum primi & secundi Lugdunensis: professio Ecclesia Græca.*
10. *Et Concilij Lateranensis ultimi, cui & Rex & Ecclesia Gallicana adherere professæ est.*
11. *Respondetur ad objecta.*

I.

**I**N Concilio Nicæno, quod Anno cccxxv. celebratum est c. 18. hæc leguntur: Omnes Episcopi in gravioribus causis liberè Apostolicam appellant sedem, atq; ad eam quasi ad matrem confugiant, cujus dispositioni omnes majores Ecclesiasticas causas Apostolorum auctoritas reservavit. Citat hunc canonem ex Concilio Nicæno S. Julius I. in epist. 2. contra Orientales pro Athanasio, & habetur Tomo 1. Conciliorum post Concilium Nicænum: idemque habet Pelagius II. in c. multi d. 17. & de Canonibus Concilij Nicæni jam supra Lib. 2. diximus. Si ergo majores & difficiliores causæ, in-

ter quas sunt utique causæ fidei, Apostolicæ sedi reservantur; oportet hujus sententias esse infallibilis auctoritatis: alioquin non Pontifici reservandæ forent, sed Concilio: & sicut fides certa est, nec ullum admittit dubium, ita sententia, cui reservantur causæ fidei, debet esse certa, & dubij expers; ubi enim sententia non est certa, etiam id, quod per sententiam pronuntiatum est, non est certum; & si certum non est, non potest esse dogma & objectum fidei.

II. In Synodo Alexandrina Præfide M. Athanasio Episcopi Ægypti, Thebaidos, Libyæque ad S. Felicem II. Papam & M. circa annum CCCLIX. quorum Epistola Tomo 1. Conciliorum habetur, hæc scribunt: *Idè Pater beatissime, quia semper antecessores nostri, & nos à vestra sancta Apostolica Sede auxilium hausimus, & nostri vos curam habere agnovimus, præfatam Apostolicam & summam expetimus juxta Canonum decreta Sedem, ut inde auxilium capiamus, unde prædecessores nostri ordinationes & dogmata (NB.) ceperunt. Et infrà. Similiter à supradictis Patribus Concilij Nicæni est definitum consonanter, ut si quisquam Episcoporum judices suspectos habuerit, vestram sanctam Romanam interpellet Sedem, cui ab ipso Domino potestas ligandi ac solvendi speciali privilegio super alios concessa. Ipsa enim firmamentum à Deo fixum & immobile percepit, quoniam ipsam formam universorum lucidissimam Dominus JESUS Christus vestram Apostolicam constituit Sedem. Ipsa est etiam sacer vertex, in quo omnes Ecclesia vertuntur, sustentantur, relevantur: tu profanarum hæresum atq; omnium infestantium depositor, ut princeps & Doctor, Caputq; omnium Orthodoxæ doctrinæ & immaculatæ fidei existis, &c.* Hæc Athanasius, & cum illo Synodus Alexandrina: ex quorum sententia si Papa dogmata condit, si est firmamentum à Deo fixum & immobile, in quo omnes Ecclesiæ vertuntur & sustentantur; si omnium hæresum profligator; si Princeps, Doctor, Caputque omnium orthodoxæ doctrinæ, & immaculatæ fidei; planè sequitur, infallibilem esse, & quæ ab illo definita sunt, eo prætextu, quòd errare possit, repelli haud posse: alioquin omnia illa Athanasij encomia adulationes sunt, & verba sensu vacua, captandæ gratiæ tantùm adornata.

III. De Concilio Carthaginensi circa annum CCCCII. hoc habet S. Innocentius I. PP. in epist. ad Concilium Carthag. quæ habetur Tomo 1. Conciliorum: *Antiqua traditionis exempla servantes, & Ecclesiastica memores disciplina, nostra religionis vigorem non minus nunc in consulendo,*  
quàm

quàm antea cùm pronuntiaretis, veneratione firmatis, qui ad nostrum referendum approbâstis esse judicium, scientes quid Apostolica Sedes (cùm omnes hoc loco possit, ipsum sequi desideremus Apostolum) debeat, à quo ipse Episcopus, & tota auctoritas nominis hujus emerfit. Quem sequentes, tam mala jam damnare novimus, quàm probare laudanda: vel id verò, quòd Patrum insultiâ sacerdotali officio custodientes, non censuit esse cakanda: quod illi non humanâ, sed divinâ decrevere sententiâ: ut quicquid, quamvis de disjunctis, remotisq; Provinciis ageretur, non prius ducerent finiendum, nisi ad hujus Sedis notitiam perveniret, ut tota hujus auctoritate (justa qua fuerit) pronuntiatio firmaretur: indeq; sumerent cetera Ecclesie (velut de natali suo fonte aqua cuncta procederent, & per diversas totius mundi regiones puri capitis incorrupta manarent) quid præcipere, quos ablueri, quos veluti in cæno inmundabilis sordidatos, mundi digna corporibus unda vitaret.

Vides hîc iterum testari Innocentium, ultimam fidei definitionem ad Papam spectare, ab hoc velut natali fonte sanam sinceramque doctrinam fluere: ab hoc alios Episcopos, Ecclesiasque omnes discere, quos absolvere, quos damnare hæresis oporteat: quæ omnia falsissima sunt; si Pontifex Ecclesiam docens errare potest, tunc enim ab alijs corrigi & doceri debet: nec illius sententia, utpote incerta, fidei quæstiones finire potest, sed ad aliud fõrum, aliûve doctrinæ fontem recurrendum erit.

IV. In Concilio Ephesino Anno CCCCXXXI. Cælestinus Papa, cùm hæresin Nestorianam ipse in Romana Synodo prædamnâssent, Legatos quidem Ephesum ad Concilium misit, sic tamen, ut sententiam Romæ datam exequerentur, certamque Patribus regulam præfigerent, juxta quam Nestorium contumaciter erroribus insistentem damnarent: sic enim habetur T. I. Concilior. in Actis Concilij Ephesini Tomo 2. c. 15. Evagrio l. 1. histor. cap. 4. Epist. synodali Cælestini in versione Cresconiana apud Baron. ad annum CCCCXXXI. & Spondan. ibid. num. 4.

Si ergo Papa hæreses ante Concilium damnat, & quos damnavit, à tota Ecclesia pro hæreticis damnari jubet: si Concilij sententiam, quâ teneantur, præscribit; ergo minùs quàm ipsa Concilia errare potest: alioquin non ipse Concilij, sed hæc Pontifici credenda præscriberent: quod enim hoc paradoxum, ut qui eget doctrinâ doceat, qui non egent doceantur? quique errare à via potest, eos ducat, qui errare non possunt, hoc est, cæcus, confuso

fuso rerum ordine, à vidente, magister à discipulo discat, & fons à rivulo bibat?

In Concilio Carthaginensi sub Damaso Papa, qui Anno ccclxvii. electus est & ccclxxxiv. mortuus; Stephanus Archiepiscopus & tria Africæ Concilia in *epist. ad S. Damasum, qua habetur Tom. 1. Concilior.* & Damasus in responsoria ad eosdem Episcopos, aperte profitentur: *Sedi Romana Episcoporum iudicia, & summorum finem Ecclesiasticorum negotiorum, & sententiam de divinis rebus reservatam esse. Apostolicam hanc sedem firmamentum esse à Deo fixum & immobile, omniumq; verticem Ecclesiarum.*

V. In Concilio Chalcedonenfi Anno ccccli. prout citat S. Thomas in *opusc. contra errores Græcorum*: si quis Episcopus predicatur infamis, liberam habeat sententiam appellandi ad Beatissimum Episcopum anti-qua Roma, quia habemus Petrum petram refugij, & ipsi soli liberâ potestate loco Dei sit jus discernendi secundum claves à Domino sibi datas, & omnia ab eo definita teneantur tanquam à Vicario Apostolici throni. Et in condemnatione Dioscori Patres sic acclamârunt: *Sanctissimus Archiepiscopus Magnæ Romæ unâ cum ter beatissimo Petro, qui est petra & crepido catholica Ecclesiæ, & ille, qui est recta fidei fundamentum* (NB.) nudavit eum Episcopatus dignitate. Et in *epistola Synodali ad Leonem* gratulantur Patres: *Quod tantum Antistitem Apostolica sedi, unde Religionis nostra fons & origo manat, Dominus dederit.* Et in *epist. Synodali ad Patres Concilij Leo* Papa negat dogma fidei à se contra Eutyhen & Dioscorum senel declarata, in dubium aut disputationem vocari debere: neq; Legatos à se mitti, qui rem decisam definitamq; in litteris ad Flavianum datus, examini rerum subdi permittant, sed qui definita exequantur. Hæc omnia evincunt Papam in causis fidei errare non posse, nam si potest, cur non liceat ejus sententias à Concilio examinari, emendariq;? sed audi ipsum Leonem: *Neq; enim abjuncta est à vobis mea præsentia, qui nunc in Vicarijs meis adsum, & jam dudum fidei Catholica prædicatione non desum, ut qui non potestis ignorare, quid ex antiqua traditione credamus, non possitis dubitare, quid cupiam.* Unde, fratres charissimi, rejectâ penitus audaciâ disputandi contra fidem divinitus inspiratam, vana errantium infidelitas conquiescat: cum non liceat defendi, quod non liceat credi, cum secundum evangelicas auctoritates, secundum propheticas voces, Apostolicamq; doctrinam, plenissimè & lucidissimè per litteras, quas ad beate memoria Flavianum Episcopum misimus, fuerit declaratum, quæ sit de Sacramento Domini Nostri JESU Christi pia & sincera confessio.

VI. In



VI. In sexta generali Synodo, Anno DCLXXXI. quæ habetur Tomo 3. Conciliorum, S. Agatho Papa in epist. ad Constantinum Augustum non permittit Concilio, ut aliter in causa fidei pronuntient, quam suus Legatus Pontifex injunxerat, suaq; definitioni nihil addi, nihil minui, sed juxta traditionem Apostolica Sedis, ut à Prædecessoribus suis conservata est, omnia definiri.

Hæc utique supponunt Pontificem Romanum non tantum errare non posse, sed ejus etiam Officij esse regulam credendi, docendique Concilio præscribere. Sed hanc Pontificis infallibilitatem in eadem epist. (quam summis laudibus extulit, approbavitque eadem sacra & generalis Synodus Aſ. 4. & 18.) adeò clarè Agatho expressit, ut nihil clariùs dici potuerit; sic enim loquitur: Cujus adnuente prasidio, hæc Apostolica ejus Ecclesia, nunquam à via veritatis, in qualibet erroris parte deflexa est. Cujus auctoritatem, usque Apostolorum omnium Principis, semper omnis Catholica Christi Ecclesia, & universales Synodi fideliter amplectentes, in cunctis sequuta sunt, omnesq; venerabiles Patres Apostolicam ejus doctrinam amplexi, &c. & sancti quidem Doctores orthodoxi, venerati atq; sequuti sunt: hæretici autem falsis criminationum odijs insecuti, &c.

Hæc Apostolica Christi Ecclesia, per Omnipotentis Dei gratiam à tramite Apostolica traditionis nunquam errasse probabitur, nec hæreticis novitatibus depravata succubuit: sed ut ab exordio normam fidei Christiana percepit ab auctoribus suis Apostolorum Christi Principibus, illibata finetenus manet, secundum ipsius Domini Salvatoris divinam pollicitationem, quam suorum discipulorum Principi in sacris Evangelijs fecit: Petre, inquit, ecce Sathanas expetivit, ut cribraret vos, sicut qui cribrat triticum. Ego autem rogavi pro te, ut non deficiat fides tua: & tu aliquando conversus confirma fratres tuos. Consideret itaq; vestra clementia, quoniam Dominus & Salvator omnium, qui fidelis est, & fidem Petri non defecturam promisit, confirmare eum fratres admonuit.

Ex Concilijs Africanis, quæ Anno DCXLVI. quatuor Primates Africæ in subiectis sibi Provincijs convocârunt, data est Synodalis ad Theodorum PP. epistola, in qua inter alia: Antiquis regulis sancitum est, ut quidquid quamvis in remotis vel longinquo positis ageretur provincijs, non prius tractandum esset, nisi ad notitiam Alme Sedis Apostolica fuisset deductum, ut ejus auctoritate justâ quæ fuisset pronuntiatio firmaretur, indeq; sumerent cetera Ecclesia, velut de natali suo fonte, predicationis

nis exordium, & per diversas totius mundi regiones, puritatis incorrupta manarent fidei Sacramenta salutis. Videatur Spondanus ad hunc annum &c. & Acta Synodi Lateranensis, sub Martino Papa.

VII. In quinta Generali Synodo Anno DLIII. Act. 4. in sententia, quam contra Anthymum Mennas Patriarcha Constantinopolit. pronuntiavit, hæc habentur. Nos Apostolicam Sedem sequimur, & obedimus, sicut charitas vestra fecit, & ipsius communicatores habemus, & condemnatos ab ipsa & nos condemnamus.

In septima Synodo Act. 2. lecta & approbata est epistola Adriani II. Ad Tharasium Patriarcham, ubi expressissimum Pontificis infallibilitatis testimonium extat, sic enim inter alia habet:

Cuius etiam Sedes per totum terrarum orbem primum obtinens lucet, omniumq; Ecclesiarum Dei caput existit. Unde & ipse Beatus Petrus Apostolus, Dei jussu Ecclesiam pascens nihil omnino pratermisit, sed ubiq; Principatum obtinuit & obtinet: cui etiam & nostra beata & Apostolica Sedi, qua est omnium Ecclesiarum Dei caput, velim beata vestra sanitas ex sincera mente & toto corde aggluinetur, utpote, qua revera sit recte sentiens, & pietatis incorrupta conservatrix. Hoc sacrificium primum omnipotenti Deo exhibeatur. Vestraq; beatitudo magnos & piissimos nostros Imperatores supplicibus verbis admonet, ut Ecclesia nostra vestigia sequentes, coram Deo & horribili ejus judicio, venerandas imagines in regia civitate, & omni loco in antiquum statum restituendas curent, jubeantq;: nimirum servantes traditionem hujus sanctissima nostra Romana Ecclesia.

VIII. In Concilio Generali Romæ habito Anno MLIX. sub Nicolao II. inter alios canones, hic etiam fuit: Si quis dogmata vel decreta pro Catholica fide, aut Ecclesiastica disciplina à Sedis Apostolica Præsule promulgata contempserit, anathema sit. Habetur hic Canon in c. si quis. 25. q. 2. & c. ad abolendam de hæretic.

IX. Concilium Lugdun. primum Anno MCCXLV. sub Innocentio IV. in c. un. de homicidio in 6. Pro humani redemptione generis, de summis Calorum ad ima mundi descendens, & mortem tandem subiens temporalem Dei filius JESUS Christus, ne gregem sui pretio sanguinis gloriosi redemptionem ascensurus, post resurrectionem ad Patrem absq; Pastore defereret, ipsius curam B. Petro Apostolo (ut sua stabilitate fidei, ceteros in Christiana Religione firmaret, eorumq; mentes ad salutis opera sua accenderet devotionis ardore) commisit.

Con-

Concilium Lugdunense II, sub Gregorio X. Anno MCCLXXIV. in c. unico de summa Trinit. in 6. *Fideli ac devotâ professione fatemur, quod Spiritus sanctus aternaliter ex Patre & Filio non tanquam ex duobus principijs, sed tanquam ex uno Principio: non duabus spirationibus, sed unicâ spiratione procedit. Hoc professi est hæcenus, prædicavit, & docuit, hoc firmiter tenet, & prædicat, proficietur, & docet sacrosancta Romana Ecclesia: mater omnium fidelium & magistra.*

In eodem Lugdunensi Concilio Michaëlis Palæologi Imperatoris & Orientalis Ecclesiæ Legati Professionem fidei orthodoxæ ediderunt, quæ & à Synodo Lugdunensi recepta est, & infallibilitati Pontificiæ apertissimum suffragium dedit: videri ea potest apud Raynaldum ad annum MCCLXXIV. n. 24. & inter alia hæc habet: *Ipsa quoque S. Romana Ecclesia summum & plenum primatum, & principatum super universam Ecclesiam Catholicam obtinet: quem se ab ipso Domino in B. Petro Apostolorum Principe, sive vertice, cujus Romanus Pontifex est, successor, cum potestatis plenitudine recepisse veraciter, & humiliter recognoscit. Et sicut præ ceteris tenetur fidei veritatem defendere, sic & si qua de fide suborta fuerint quæstiones, suo debent iudicio definiri.*

Concilium Lateranense sub Innocentio III. Anno MCCXV. in c. *damnamus de summa Trinitate: Maxime cum ipse Joachim omnia sua scripta nobis assignari mandaverit Apostolica sedis iudicio approbanda, seu etiam corrigenda, dictans Epistolam, quam propriâ manu subscripsit, in qua firmiter consissetur, se illam fidem tenere, quam Romana tenet Ecclesia, quæ disponente Domino, cunctorum fidelium mater est & magistra. Reprobamus etiam, & condemnamus perversissimum dogma impij Amarici, cujus mentem sic pater mendaciæ excacavit, ut ejus Doctrina non tam hæretica, quàm insana sit censenda.*

X. Concilium denique Lateranense sub Julio II. & Leone X. cui Germania, Hispania, Anglia, Dania, Norvegia, Scotia, Italia, & Hungaria amplissimis Legationibus missis adhæserunt, ut videre est apud Raynaldum ad annum MDXII. n. 53. Et Ludovicus Galliæ Rex per suos Oratores acta Concilij Pisani damnans, hoc ipsum Lateranense pro legitimo & Oecumenico agnovit, ei que se adhærere professus est, ut habetur in actis ejusdem Concilij *Sess. 8. Tomo 5. Conciliorum, Veneta edit.*

Idem à Galliæ Prælati factum, qui & ipsi Pisanum Conciliabulum execrati, professi sunt se, & adhærere, & semper adhæsurus

Concilio Lateranensi, ut videre est in actis Concilij *sess. 9.* In hoc ergo Concilio à Gallis, ut diximus, etiam recepto *sess. 11.* ex professo definita est suprema Pontificis Romani supra Concilium auctoritas, & consequenter omnimoda infallibilitas. In eadem *sess. 11.* rescissa est fatalis illa & Pragmatica sanctio, quæ Carolo VII. Rege in Bituricensi Conventu, vigente Basileensi schismate adversus Romanorum Pontificum auctoritatem lata fuerat, quamque jam dudum anno videlicet MCDLXII. sub Pio II. Ludovicus XI. in publico Cardinalium senatu revocaverat.

XI. Hactenus Conciliorum testimonia : Ad objecta jam transeamus.

*Dices 1.* Quæ hactenus ex Concilijs producta sunt, tantum probare summi Pontificis judicium in fidei quæstionibus irrefragabile esse, quando Ecclesiæ consensus accessit, non verò, si Ecclesiæ consensus nondum accessit : Ecclesiam enim errare non posse, & ab hujus acceptione pendere, quam firmitatem Pontificum decreta habeant, vel non habeant.


*2.* Hujus restrictionis falsitatem ex multis convinci posse. *Primò.* Quia, ut vidimus, Concilia hanc ut maximam & specialissimam prærogativam Pontifici Romano uni & soli concedunt, fundantque super illa Christi promissione : *Super hanc Petram fundabo Ecclesiam meam, &c.* Ego pro te rogavi, ut non deficiat fides tua, &c. At verò Decreta condere, doctrinamque aliquam proferre, quæ tunc primum sit certa, & extra suspicionem erroris, cum ab Ecclesia recipitur ; non est solius Pontificis Rom. prærogativa, sed cujuslibet Episcopi, immo privati Doctoris, cujus opinionem & sententiam aliquam si Ecclesia recipiat, evadet utique certa, & dubij expers ; sed hæc certitudo non ad Doctoris ipsius, sed Ecclesiæ privilegium spectat ; at verò Concilia de Privilegio Pontifici & soli concessio loquuntur. *Secundò.* Si Pontificis de fide sententia certa non est, nisi post Ecclesiæ consensum : ergo ante consensum erat incerta ac errori obnoxia, ergo recipi poterat, aut repelli, sed Concilia eos, qui Pontificum Decreta non recipiunt, pro schismaticis, naufragis in fide, perditisque habent ; ergo supponunt jam antè firma, & certa esse, quàm ab Ecclesia recipiantur, immo recipi debere. *Tertiò.* Certum est ex Concilijs citatis, Pontificem Romanum esse Pastorem, Doctorem & Magistrum Ecclesiæ uni-


ver-

versalis, ut expressè habetur in Concilio Constantiensi *Sess. ult. Florent. Sess. ult. Lugdun. c. ult. de SS. Trinit. in 6.* Lateranensi sub Innocent. III. *c. damnamus de S. Trinit.* Si ergo discipuli partes ad Ecclesiam spectant, Magistri & Doctoris ad Papam; quilibet animo secum reputet, possitne credi divinam Providentiam, quæ omnia suaviter, & ad singulorum naturam accommodatè disponit; voluisse plus doctrinæ, certitudinis, ac lucis Discipulo affundere, quàm Magistro: & Magistri doctrinam, à doctrina discipuli pendere: & quod discipulus probaret, ratum fixumque esse: quod Magister, dubium, anceps, & in lubrico positum. Denique aut errat Providentia, quæ Discipulo plus tribuit, quàm Magistro: aut errant Concilia, quæ Pontificum Decretis omnem certitudinem, parendique necessitatem adscribunt: aut errant illi ipsi, qui hæc omnia Pontifici adimunt.

*Dices 2.* Concilia non omnimodam infallibilitatem Pontificum decretis asserere, sed primas tantùm in rebus fidei partes, magnamque auctoritatem, non tamen necessariam.

*R.* Hoc ipso quodd Concilia pro *schismaticis*, pro *nausfragis*, pro *anathemate dignis*, pro *ejectis ab Ecclesia Catholica* habent, qui Pontificum decreta non recipiunt, suamque fidem illis accommodant; omnino sequi Pontificis auctoritatem infallibilem esse; nulla enim est auctoritas tam magna, cui si certa non est, sine hæresis aut schismatis nota contradicere non liceat, ut eleganter docet S. Augustinus *epist. 19. ad Hieronymum*: & passim *tota d. 9.* Et esto, sine hæresi Pontificum de fide sententiæ impugnare possis, non potes tamen, si Concilij credi debet, sine temeritate, sine periculo: quæ ergo aut imprudentia est, aut cæcus animi impetus, malle temeritatis notari, exponique fidei naufragio, quàm obsequi? Et tandem Concilia non solum dicunt, Pontificis Romani sententiæ in causis fidei magnæ auctoritatis, sed etiam *definitivas* esse, quæque *litem omnem absolvant, ac dubijs finem imponant*: & quibus Concilia *nihil addere possint, nihil detrabere*; quæ omnia absolutissimam & omnimodam infallibilitatem arguunt, multoque majorem, quàm ipsis Concilijs insit.





## §. V.

*Patrum pro eadem Pontificis infallibilitate consensus unanims.*

## S U M M A R I A.

1. *Catholicorum est nota, cum SS. Patribus sentire, hereticorum ab illis deficere.*
2. *Testimonia SS. Irenaei, Cypriani, Ambrosij, Augustini, & Innocentij.*
3. *Alia SS. Hieronymi, Cyrilli, Theodoretij, Joannis Patriarchae, Tertulliani, Flaviani Patriarchae, Patrumq; Tarraconensium.*
4. *Alia SS. Fulgentij, Agapetij, Gregorij M. Sophronij Patriarchae, Theodori Studitae, Ignatij Patriarchae, Patrum Concilij Milevitani, Episcoporum Dardaniae, & Lucij PP. & M.*
5. *Alia SS. Leonis IX. Gelasij, Cyrilli, Anselmi Cantuariensis, Ruperti Tuitiensis, Bernardini, Bernardi, Thomae Aquinatis, & Stanislai Hosij.*
6. *Omniumq; fere totius Orbis Christiani Doctorum, (paucissimis exceptis) praesertim Patrum Societatis JESU, etiam in Gallia.*
7. *Quid de Parisiensibus Doctoribus dicendum?*
8. *Brevis anacephalaosis, & repetitio eorum, quae à SS. Patribus dicta sunt,*



I.

Concilio Patres subjungimus. Et istorum enim in rebus ad Religionem & fidem pertinentibus summa est, & invicta auctoritas, cum conspirant: fuitque semper hæc nota, & character hæreticorum, ut à communi Patrum doctrina deficerent, novamque, proscriptâ antiquitate, proferrent: sicut ex adverso idem semper fuit, Catholicè, & cum Patribus sentire; cum enim Catholica Ecclesia, hoc est, fidelium multitudo, semper id crediderit, quod à Patribus audiebat, legebatque (qui enim aliter crederet sacrarum litterarum majori ex parte imperita?) necessariò sequitur, eandem fuisse Patrum & Ecclesiæ sententiam fidemque; de quo argumento vide eleganter Melchiorum Canum *de locis Theologicis* l. 7. S. Clementem *in c. relatum*. S. Bernardum *in epist. 190.* ubi inter alia hæc scribit: *Habemus in Francia novum de veteri Magistro Theologum, qui ab ineunte ætate sua in arte dialectica lussit, & nunc in scripturis sanctis insanit. Olim damnata & sopita dogmata, tam sua videlicet, quam aliena suscitare conatur, insuper & nova addit. Qui dum omnium, quæ sunt in cælo sursum, & quæ in terra deorsum, nihil præter solum, nescio quid, nescire dignatur, ponit in cælum os suum, & scrutatur alia Dei, rediensq; ad nos refert verba ineffabilia, quæ non licet homini loqui.*

Et infrà: *Nonne omnium meritò in se provocat manus, cujus manus contra omnes? omnes, inquit, sic: sed non ego sic. Quid ergo tu? Quid melius asfers? quid subtilius invenis? Quid secretius tibi revelatum jactas? quod præterierit sanctos, effugerit sapientes? Aquas furtivas & panes absconditos puto apponet nobis iste. Dic tamen, dic quidquid illud est, quod tibi videtur & nulli alteri. An quid filius Dei non ut hominem liberaret, hominem induit? Hoc planè nemini se excepto videtur; tu videris, ubi videris. Non enim hoc à sapiente, non à Propheta, non à Apostolo, non deniq; ab ipso Domino accepisti. Magister gentium accepit à Domino, quod & tradidit nobis. Magister omnium Doctrinam fatetur non esse suam: Non enim, ait, à me ipso loquor, tu verò de tuo nobis tradis, quod à nemine accepisti. Qui loquitur mendacium, de suo loquitur. Tibi proinde sint, quæ tua sunt.*

Ego Prophetas & Apostolos audio, obedio Evangelio secundum Petrum.



Tu nobis novum condis Evangelium? quintum Ecclesia Evangelistam non recipit. Quid lex, quid Propheta, quid Apostoli, quid Apostolici viri nobis aliud evangelizant, quam quod solus tu negas; Deum videlicet factum hominem, ut hominem liberaret? Et si Angelus de caelo aliud nobis evangelizaverit, anathema sis, sed qui venerunt post Apostolos Doctores non recipis, homo qui super omnes docentes te intellexisti. Denique non erubescis dicere, quod adversum te omnes sentiant, cum ab invicem non dissentiant. Frustra proinde illorum tibi fidem doctrinamq, proponerem, quos jam proscripsisti.

Si ergo ostenderimus sententiam, quam defendimus, omnium Patrum esse; sequetur, aut Patres omnes, & cum illis errasse Ecclesiam; aut errare illos, qui aliud quam Patres, quam Ecclesia sentiunt.

II. S. Irenaeus l. 3. c. 3. adversus haereses: Quoniam igitur, inquit, valde longum esset omnium hinc Ecclesiarum enumerare successiones, maximae & antiquissimae, ac ab omnibus cognitae, à gloriosissimis duobus Apostolis, Petro & Paulo fundatae Ecclesiae, eam quam habet ab Apostolis & annuntiatam omnibus fidem, per successiones Episcoporum ad nos usque pervenientem judicantes confundimus omnes, qui quoquo modo, vel per sui placentiam, vel vanam gloriam, vel per caecitatem & sententiam malam, praeter quam oportet, colligunt. Ad hanc enim Ecclesiam propter potentiorum Principalitatem necesse est omnem convenire Ecclesiam, hoc est, qui sunt ubique fideles, in qua ab his, qui sunt undique, conservata est ea, quae ab Apostolis traditio. Nota hic, Irenaeum dicere: oportere omnem Ecclesiam in rebus fidei cum Ecclesia & sede Romana convenire: per fidem & doctrinam successorum Petri confundi omnes haereticos: in hac eadem sede conservatam semper fuisse Apostolicam fidem & traditionem, quae omnino infallibilitatem arguunt Romanae Cathedralis.

S. Cyprianus l. 1. epist. 3. Post ista adhuc intemper pseudo-Episcopo sibi ab haereticis constituto navigare audent, & ad Petri cathedram, atque ad Ecclesiam Principalem, unde unitas sacerdotalis exorta est, à schismaticis & profanis litteras ferre, nec cogitare eos esse Romanos, (quotum fides, Apostolo praedicante, laudata est,) ad quos perfidia non possit habere accessum, Et l. 4. epist. 8. Nos singulis navigantibus, ne cum scandalo ullo navigarent, ratio-

rationem reddentes, scimus nos hortatos esse, ut Ecclesiæ Catholice radicem & matricem agnoscerent, & tenerent.

*S. Ambrosius orat. funebri de excessu fratris sui Satyri*: Advocavit ad se Satyrus Episcopum, nec ullam veram putavit, nisi veræ fidei gratiam, percontatusque est ex eo, utrumnam cum Episcopis Catholicis, hoc est, cum Romana Ecclesia conveniret.

*Idem S. Ambrosius epist. 11. ad Ageruchiam*: In omnibus Romanæ Ecclesiæ formam, & typum sequimur.

*S. Augustinus contra Julianum Pelagianum l. 1. c. 4.* Puto eam tibi partem orbis sufficere debere, in qua primum Apostolorum suorum voluit Dominus Gloriosissimo Martyrio coronare. Ecclesiæ præsentem Beatum Innocentium si audire voluisses, jam tunc periculosa juventutem tuam Pelagianis laqueis exuisses. Nihil enim potuit vir ille sanctus Africanis respondere Concilijs, nisi quod antiquitus Apostolica sedes & Romana cum ceteris tenet perseveranter Ecclesia. Huic vide quid respondeas, qui cum Irenæo, Cypriano, Hilario, Ambrosio confidet, etsi posterior tempore, prior loco.

*Idem S. Augustinus epist. 157.* In verbis Apostolicæ Sedis tam antiqua atque fundata certa & clara est Catholica fides, ut nefas sit de illa dubitare Christiano.

*Et l. 2. contra Pelagium & Cælest. c. 7.* Cælestius B. Papæ Innocentij litteris non est ausus obistere, immo se omnia, quæ illa sedes damnaret, damnaturum esse promisit.

*Et l. 2. c. 3. contra duas epistolas Pelagianorum*: Per Papæ rescriptum causa Pelagianorum finita est, totoque Orbe post ejus damnationem damnati sunt, ac litteris Innocentij tota de hac re dubitatio sublata est.

*S. Innocentius I. PP. cujus in modò allegatis locis S. Augustinus meminit in epistola responsoria ad Legationem Patrum Africanorum*: Patres olim non humanâ, sed divinâ decrevêre sententiâ, ut quidquid in disjunctis remotisque Provincijs ageretur, non prius ducerent definiendum, quam ad illius sedis notitiam perveniret, ubi tota ejus auctoritate, juxta quæ fuerit pronuntiatio, confirmaretur. Scientes, quod per omnes provincias de Apostolico fonte petentibus responsa semper emanent, præsertim quoties fidei ratio ventilatur: quod arbitror omnes fratres & Coepiscopos nostros, non nisi ad

H h h h

Petrum,

Petrum, id est, sui nominis & honoris auctorem referre debere, velut nunc retulit vestra dilectio, quod per totum mundum possit omnibus Ecclesijs in commune prodesse.

III. *S. Hieronymus epistola 57. ad Damasum PP.* Ego nullum primum, nisi Christum sequens, Beatitudini tuæ, id est, cathedræ Petri communione consocior, super illam petram ædificatam Ecclesiam scio. Quicumque extra hanc domum agnum comedere, profanus est. Si quis in Arca Noë non fuerit, peribit regnante diluvio. Et quia pro meis facinoribus ad eam solitudinem commigravi, quæ Syriam juncto Barbariæ sine disternat, nec possum sanctum Domini, interjacentibus spatijs à sanctimonia tua semper expetere: ideo hinc collegas tuos Ægyptios confessores sequor, & sub onerarijs navibus parva navicula delitescō. Non novi Vitalem, Meletium respuo, ignoro Paulinum. Quicumque tecum non colligit, spargit, hoc est, qui Christi non est, Antichristi est.

*Idem epistola 8. ad Demetriadem c. 9.* Et quia vereor, immo rumore cognovi, in quibusdam adhuc vivere, & pullulare venenata plantaria, illud te pio charitatis affectu præmonendam puto, ut S. Innocentij, qui Apostolicæ Cathedræ, & suprâ dicti viri successor, & filius est, teneas fidem, nec peregrinam, quamvis tibi prudens callidaque videaris, doctrinam recipias.

*Idem contra Ruffinum l. 3. c. 5.* Et tamen miror, quomodo probaverit Italia, quod Roma contempsit: Episcopi susceperint, quod sedes Apostolica condemnavit. *Et c. 6.* Innocentem te vocas, ad cujus interpretationem Roma contremuit: absentem, qui accusatus respondere non audes, & tantum Romanæ urbis judicium fugis, ut magis obsidionem Barbaricam, quam pacatæ Urbis velis sententiam sustinere. *Et l. 3. Apologia:* Scito Romanam fidem Apostolico ore laudatam ejusmodi præstigias non recipere, etiamsi Angelus aliter annuntiet, quam semel prædicatum est, Pauli auctoritate munitam non posse mutari.

*Idem epistola 58. ad Damasum Papam:* Si rectum putatis, tres hypostases cum suis interpretationibus debere nos dicere: Non negamus, sed mihi credite, venenum sub melle latet.

*Idem epistola 77.* Sabellianæ hæresis & impieratis arguor, inquit, tres subsistentes, veras, integras, perfectasque Personas indefectâ

voce pronuntians. Si ab Arianis! meritò. Si ab Orthodoxis! qui hujusmodi arguunt fidem, Orthodoxi esse desierunt. Aut si eis placet, hæreticum me cum occidente, hæreticum me cum Ægypto, hoc est, cum Damaso, Petroque condemnent. Quid unum hominein, exceptis socijs criminantur? si rivus tenuiter fluit, non est alvei culpa, sed fontis.

*S. Cyrillus Alexandrinus epistola ad Cælestinum Papam:* Quamvis hæc ita se habeant, non priùs tamen Nestorij communionem confidenter deferere ausi fuimus, quàm hæc ipsa pietati tuæ indicaremus. Dignèris proinde, quid hîc sentias, declarare; quò liquidò nobis constet, communicarène nos cum Nestorio oporteat, an verò liberè eidem denuntiare, neminem cum eo communicare, qui ejusmodi erroneam doctrinam fover ac prædicat.

*Theodoretus Cyri Episcopus epist. ad Leonem Papam:* Est enim ipsa sedes Romana amplissima, splendidissima, & orbi præsidet. Prætereà ipsa principatum Imperatorium profudit, ac nomen suum, id est, Romanum, cum ijs, qui in ditione ejus sunt, communicavit. Fides verò præcipuè eam ornat: testis est Paulus, qui clarissima voce ait: Fides vestra annuntiatur in universo mundo, &c. Ego verò suffragium Sedis Apostolicæ expecto, & supplex oro atque obsecro sanctitatem vestram, ut ea me, tribunal vestrum justum, ac rectum appellantem, defendat, ac protegat, jubeatque, ut ad vos accurram, & doctrinam meam vestigijs Apostolicis insistentem ostendam; vestram sententiam expecto: quòd si sententiæ eorum, qui condemnârunt, acquiescere jusseritis, acquiescam, nulli deinceps futurus molestus. Quin potiùs, expectabo incorruptum Dei & Salvatoris nostri tribunal.

*Idem epistola ad Renatum Presbyterum:* Quamobrem deprecor te, ut sanctissimo Archiepiscopo (Leoni Papæ) suadeas, ut Apostolicâ auctoritate utatur, jubeatque ad vestrum Concilium adire. Teneat enim sancta ista sedes gubernacula regendarum cuncti orbis Ecclesiarum, cum propter alia, tum quia semper hæretici fœtoris expers mansit, nec ullus unquam, qui contrarium sentiret, in ea sedit: quin potiùs Apostolicam gratiam puram custodivit. Quare quæ ab isto vestro tribunali proficiscuntur, qualiacumq; erunt, judicii vestri integritate confisi, amplectemur.

*Joannes Patriarcha Constantinopolit. epist. ad Hormisdam PP.* Prima

salus rectæ fidei regulam custodire, & à Patrum traditione nullatenus deviare: quia non potest Domini nostri prætermitti sententia, dicentis: Tu es Petrus, & super hanc petram ædificabo Ecclesiam meam. Hæc, quæ dicta sunt, rerum probantur effectibus: quia in sede Apostolica inviolabilis semper Catholica custoditur religio.

*Theodoretus exempl. ex V. lege:* Quòd si Paulus præco veritatis, tuba sanctissimi Spiritûs, ad magnum Petrum cucurrit, ut ijs, qui Antiochiæ de institutis legalibus contendebant, ab ipso adferret solutionem, multo magis hi, qui abjecti sunt & pusilli, ad Apostolicam Sedem debent accurrere, ut Ecclesiarum ulceribus medicinam à Petri successore accipiant.

*Maximianus Constantinopolit. Patriarcha:* Omnes fines terræ, quæ Dominum syncerè receperunt, & ubique terrarum Catholici veram fidem confitentes, in potestatem Romanorum Pontificum; tanquam in solem respiciunt, & ex ipsa lumen Catholicæ, & Apostolicæ fidei recipiunt. Nec immeritò, quia Petrus legitur primò perfectam fidem esse confessus, Domino revelante, cum dixit: Tu es Christus filius Dei vivi, &c. Decebat tantæ dignitatis & sapientiæ virum non ab alio cœlestis mysterij arcana requirere, nisi ab eo potissimùm, quem non potuit caro & sanguis instruere, sed cui Dominus ipse sua secreta dignatus est aperire: Beatus es, inquit, Simon Barjona, &c. Hunc enim de ceteris mortalibus ex toto terrarum orbe conditor orbis elegit, cui cathedram magisterij principaliter possidendam tenere perpetuo privilegij jure concessit, ut quisquis divinum aliquid aut profundum nôsse desiderat, ad hujus præceptionis oraculum, doctrinamque recurrat: ne illi humiliter referre, quod solvendum est, erubescat, etiamsi ipse, quod quæritur, non ignoret.

*Tertullianus de præscrip.* Inde à Romana Sede nobis auctoritas præstò est: hæc enim felix Ecclesia est, cui totam doctrinam Apostoli cum sanguine suo profuderunt.

*S. Cyprianus l. i. epist. 8.* Pseudo episcopo sibi ab hæreticis constituto, Romam navigare audent; & ad Petri cathedram, atque Ecclesiam principalem, unde unitas sacerdotalis exorta est, à schismaticis & profanis litteras ferre; nec cogitare eos esse Romanos, quorum fides, Apostolo prædicante, laudata est, ad quos perfidia habere non possit accessum.

*S. Fla-*

*S. Flavianus epist. ad Leonem PP.* Causa enim eget solummodo vestro solatio atque defensione, quâ debeat consensus proprio ad tranquillitatem & pacem cuncta perducere. Sic enim hæresis, quæ surrexerit, & turbæ, quæ propter eum factæ sunt, facillimè destruentur, Deo cooperante per vestras sanctissimas litteras. Removebitur autem & Concilium, quod fieri divulgatur, quatenus nequaquam ubique sanctissimæ turbentur Ecclesiæ.

*Patres Tarraconenses in epist. ad Hilarium PP. Leonis successorem:* Ad fidem recurrimus Apostolico ore laudatam: inde responsa querentes, unde nihil errore, nihil præsumptione, sed Pontificali totum deliberatione præcipitur.

*S. Gelasius Papa in epist. ad Episcopos per Lucaniam, Siciliam, &c.* Inidignum est quemquam Pontificum hanc observantiam refutare, quam Beati Petri Sedem & sequi videat & docere; satisque conveniens est, ut totum corpus Ecclesiæ in hac sibi met observatione concordet, quam illic vigere conspiciat, ubi Dominus Ecclesiæ totius posuit Principatum.

*IV. S. Fulgentius in libro de Incarnat. Verbi, & Gratia ac libero arb.* Id enim, quod duorum magnorum luminarium Petri scilicet Pauli; verbis, tanquam splendentibus radijs illustrata, eorumque decorata corporibus, Romana, quæ mundi caput est, tenet & docet Ecclesiæ; totus cum ea Christianus orbis, & ad iustitiam nihil hæsitans credit, & ad salutem non dubitat confiteri.

*S. Agapetus in epist. ad Patres Carthagine congregatos:* Constituentes, ut si quis Catholicæ nostræ fidei contraire tentaverit, quam pro submovenda hæreticorum suspitione paternis regulis consentaneam præsentī definitione firmamus, sanctæ communionis efficiatur extraneus.

*S. Gregorius Magnus l. 4. epist. 52.* Si quam verò contentionem, quod longè faciat divina potentia, de fidei causa evenire contigerit, aut negorium emerferit, cuius vehemens sit fortasse dubietas, & pro sui magnitudine, iudicio sedis Apostolicæ indigeat; examinatâ diligentius veritate, relatione suâ ad nostram studeat perducere notionem, quatenus à nobis valeat congruâ sine dubio sententiâ terminari. *Idem habet l. 7. epist. 31. & 32.*

*Sophronius Patriarcha Hierosolymitanus epistolâ ad Stephanum Episcopum:* De finibus terræ usque ad terminos ejus ambula, donec

ad Apostolicam sedem, ubi Orthodoxorum dogmatum fundamenta existunt, pervenias.

*S. Theodorus Studia epist. ad Paschalem Papam:* Audi Apostolicum caput, Pastor ovium Christi à Deo electe, claviger Regni Cœlorum, petra fidei, super quam ædificata est Ecclesia Catholica, &c. Huc ades, ab Occidente exurge, & ne repellas in finem. Tibi namque dixit Christus Deus noster: Tu aliquando conversus confirma fratres tuos.

*Idem epist. ad Michaelem Imperatorem:* Si verò aliquid dubitare, vel non credere videtur vestra divina Magnificentia, ejus rei explicatio à Pontifice piè est postulanda: magna & à Deo firmata manus vestra, ut publicæ cupida utilitatis, jubeat à veteri Roma capere declarationem, ut à principio à Patribus nostris est traditum. Ea, ô Christi imitator, inter omnes Ecclesias Dei summum & supremum obtinet locum: cujus Petrus tenuit primam sedem, ad quem dicit Dominus: Tu es Petrus, & super hanc Petram ædificabo Ecclesiam meam, & portæ inferi non prævalebunt adversus eam.

*Idem epistolâ ad Naucratiū:* Testor nunc coram Deo & hominibus, divisi sunt à corpore Christi, & à suprema sede, apud quam Christus deposuit claves fidei, adversus quam portæ inferi à sæculo non prævaluerunt, nec prævalebunt usque ad consummationem ejus, hæreticorum videlicet effrænata ora, secundum promissionem veracis Domini.

*S. Ignatius Patriarcha Constantinopolit. epist. ad Nicolaum Papam, quæ habetur in Actis octava synodi Aſi. 3.*

*Patres Concilij Milevitani epistolâ ad Innocent. cujus meminit S. August. epist. 92.* Multo plures, & qui Pelagij sentus diligentius indagare potuerunt, adversus eum pro Christi gratia, & Catholica fidei veritate configunt, præcipuè S. Filius tuus frater & compresbyter noster Hieronymus. Sed arbitramur (adjuvante misericordiâ Domini nostri Jesu Christi, qui te regere consulentem, & orantem exaudire dignatur) auctoritati Sanctitatis tuæ, de sanctarum scripturarum auctoritate depromptæ, facilius eos (qui tam perverſa & pernicioſa sentiunt) esse cessuros.

*S. Petrus Chrysologus epist. ad Eutychem:* In omnibus hortamur te, frater honorabilis, ut his, quæ à beatissimo Papa Romanæ civitatis



tis præscripta sunt, obedienter attendas: quoniam B. Petrus, quia in propria sede & vivit, & præsidet, præstat quærentibus fidei veritatem. Nos enim pro studio pacis & fidei extra consensum Romanæ civitatis Episcopi causas audire non possumus.

*Episcopi Dardania ad Gelasium PP.* Desiderij enim & voti nostri est, jussionibus vestris in omnibus obedire, & quemadmodum à Patribus nostris accepimus, Sedi Apostolicæ, quæ vitæ & meritis vestris delata est, intemerata servare, atque religionem Orthodoxam, cujus estis prædicatores, fide & inculparâ devotione, prout rusticitatis sensus patitur, custodire, &c. Si qui fortè pravâ intentione (quod neque arbitramur, neque optamus) à sede Apostolica se crediderint segregandos, ab eorum nos alienos esse consortio profitemur: quoniam, ut dictum est, Patrum in omnibus custodientes præcepta, & inviolabilia sanctorum Canonum instituta sectantes, Apostolicæ & singulari illi sedi vestræ communi fide & devotione parere contendimus.

*S. Lucius PP. & Mari. in epist. ad Episcop. Hispaniæ & Galliæ, quæ habetur, Tom. 1. Conciliorum:* Hæc sancta & Apostolica Mater omnium Ecclesiarum Christi Ecclesia, quæ per Dei omnipotentis gratiam, à tramite Apostolicæ traditionis numquam errasse probatur, nec hæreticis novitatibus depravanda succubuit: sed, ut in exordio normam fidei Apostolicæ percepit ab auctoribus suis, Apostolorum Christi principibus, illibata finetenus manet, secundum ipsius Domini salvatoris divinam pollicitationem, qui discipulorum suorum principi in suis fatus est Evangelij: Petre, inquit, ecce sathanas expetivit, ut cribraret vos, sicut qui cribrat triticum. Ego autem pro te rogavi, ut non deficiat fides tua: & tu aliquando conversus, confirma fratres tuos.

*V. S. Leo IX. epist. ad Petrum Antiochenum, quæ habetur Tomo 4. Conciliorum:* Siquidem ab Apostolica tua sede nostram Apostolicam sedem consulendo, perpendimus tuam dilectionem nolle deviare à Dominico, & omnium sanctorum Patrum concordî decreto, quo inviolabiliter cunctis in toto orbe terrarum Ecclesijs, sancta Romana & Apostolica sedes caput præponitur, ad quam majores & difficiliore causæ omnium Ecclesiarum definiendæ referantur, sicut omnia veneranda Concilia, sic leges humanæ promulgant, sic ipse sanctus sanctorum, & Dominus Dominantium confirmat, qua-

quatenus ibi principalis dignitatis, & totius Ecclesiasticae disciplinae venerabilis apex præfulgeat, & præcellat, ubi ipse vertex atq; Cardo Apostolorum Petrus carnis suae beatam resurrectionem in novissimo die expectat. Nimirum solus est ille, pro quo, ne deficeret ejus fides, Dominus & salvator asserit se rogasse, dicens: Simon, Simon, ecce sathanas expetivit vos, ut cribraret sicut triticum: ego autem rogavi pro te, ut non deficiat fides tua: Et tu aliquando conversus, confirma fratres tuos. Quae venerabilis & efficax oratio obtinuit, quod hactenus fides Petri non defecit, nec defectura creditur in throno illius usque in saeculum saeculi: sed confirmabit corda fratrum varijs concutienda fidei periculationibus, sicut usque nunc confirmare non cessavit.

*S. Gelasius PP. epistolâ ad Anastasium Imperat. qua habetur T. 2. Conciliorum:* Hoc est, quod sedes Apostolica magnopere cavet, ut quia mundo radix est Apostoli gloriosa confessio, nullâ rimâ pravitatis, nullâ prorsus contagione maculetur. Nam si (quod Deus avertat, quod fieri non posse confidimus) tale aliquid proveniret, unde cuiquam resistere auderemus errori? vel unde correctionem errantibus posceremus? Proinde si pietas tua unius civitatis populum negat posse pace componi, quod nos de totius orbis terrarum sumus universitate facturi, si (quod absit) nostra fuerit prævaricatione deceptus?

*S. Cyrillus apud S. Thomam in catena Luca 22.* Secundum hanc Christi promissionem Ecclesia Apostolica Petri ab omni seductione, & haeretica circumventionem manet immaculata.

*S. Anselmus Episcopus Cantuariensis c. 1. de Incarnat. verbi:* Domino & Patri universae Ecclesiae in terra pugnantis, summo Pontifici Urbano. Divina providentia vestram elegit Sanctitatem, cui vitam, & fidem Christianam custodiendam, & Ecclesiam suam regendam committeret. Ad nullum itaque alium rectius refertur, si quid contra Catholicam fidem oritur in Ecclesia, ut ejus auctoritate corrigatur, nec ulli alij tutius, si quid contra errorem respondetur, ostenditur, ut ejus prudentia examinetur.

*B. Rupertus Tuitiensis l. 2. de divinis offic. c. 22.* Tantis haeresibus fermentata est Graecia, ut mirum videri non debeat hoc, quod de fermento immolat. Tantæ è contrario sinceritatis semper fuit Romana Ecclesia, ut cui deest scripturarum notitia, vel argumen-

tandi

tandi facultas, solā illi de azymo contra Græcos sufficere debeat ejus auctoritas. Nam Constantinopolitana non solum hæreticos, sed & hæresiarchas protulit multos: Romana verò Ecclesia, super Apostolicæ fidei Petram altius fundata, firmiter sterit, & tam Græciæ quàm totius orbis hæreticos semper confutavit, & de excelso fidei tribunali datā sententiā judicavit.

*S. Bernardinus Senensis p. 3. serm. 3.* Cū Papa sit Christi Vicarius, & gerat vicem Dei in terris, sequitur, quod habet plenitudinem potestatis, & illud quod facit, præsumitur facere auctoritate Dei. Idē ipso approbante aliquid, & nos approbare debemus, immo ipsius sententiæ est magis standum, quàm totius mundi sententiæ.

*S. Bernardus epist. 190. ad Innoc. PP.* Oportet ad vestrum referri Apostolatum pericula quæque, & scandala emergentia in regno Dei, ea præsertim, quæ de fide contingunt. Dignum namque arbitror ibi potissimum resarciri damna fidei, ubi non possit fides sentire defectum. Hæc quippe hujus prærogativa sedis. Cui enim alteri aliquando dictum est: Ego pro te rogavi Petre, ut non deficiat fides tua. Ergo quod sequitur, à Petri successore exigitur: Et tu aliquando conversus confirma fratres tuos. Id quidem modò necessarium. Tempus est, ut vestrum agnoscatis, Pater amantissime, principatum, probetis zelum, ministerium honoretis. In eo planè Petri impletis vicem, cujus tenetis & sedem, si vestrâ admonitione corda in fide fluctuantia confirmatis, si vestrâ auctoritate conteritis fidei corruptores.

*S. Thomas Doctor Angelicus 2. 2. q. 1. a. 10. Et ibid. ad 3. Item in opusc. 1. contra errores Græcorum. Idem opusc. in symbol. Apost.*

*Stanislaus Hosius in confessione Catholica fidei c. 38.* Sola Romana Ecclesia, quam ab exordio fidei Christianæ normam accepit, in ea semper illibata permansit. Defecit Hierosolymitana Ecclesia, cui præsedit Jacobus: defecit Achaja, ubi Andreas: defecit Asia, ubi Joannes: defecit India, ubi Thomas: defecit Persis, ubi Judas: defecit Æthiopia, ubi Matthæus: defecit Phrygia, ubi Philippus: defecit Græcia, ubi Paulus. Sola fuit, & est Romana Ecclesia, ad quam, sicut præclare scribit Cyprianus, nunquam accessum habere potuit perfidia: quæ mille jam quingentis & amplius annis ita est Catholica semper & Apostolica habita, nunquam ut

ullâ fuerit hæreseos labe maculata. In qua videre etiamnum licet viros & vitæ sanctimoniâ, & doctrinâ præstantissimos. Neque enim existimandum est, si quando ad Petri cathedram de causis majoribus refertur, solum esse Paulum, aut Julium Pontificem, qui de illis judicet. Habet ille lateri suo assidentes totius orbis viros doctissimos, quibus ipse minimè doctrinâ secundus præsidet, de quorum consilio de rebus gravioribus pronuntiat. Quamobrem ferendi non sunt, qui Pontifici se dicto audientes fore profitentur, non autem Paulo, aut Julio, sibi que hoc arrogant, suum ut esse velint judicium, quando ut Pontifex, quando ut Julius decernat. Quæ si semel admixtæ fuerint captiones, omnis erit à terris obedientia sublata.

VI. Denique Theologi omnes, si paucissimos excipias, hanc ipsam de Pontificis infallibilitate sententiam docuerunt, præsertim verò Patres Societatis: immo isti acerrimis censuris contrariam opinionem fixerunt, ut videre est apud Suarez *de fide* d. 5. n. 3. Salmer. *ad finem* Tomi 12. Layman. *de fide* cap. 7. Amicum *de fide* d. 7. Eoque ardor Religionis & observantiæ Patres Societatis provexit, ut Parisijs in Collegio Claremontano Anno MDCLXI. die 12. Decembris, contra hæreses & Schisma sæculi decimi hanc thesin publico soli exposuerint, immo & defenderint: *Datur in Ecclesia Romana Controversiarum fidei iudex infallibilis etiam extra Concilium generale; tum in quæstionibus juris, tum facti; unde post Innocentij X. & Alexandri VII. constitutiones fidei divinæ credi potest librum, cui titulus, Augustinus Fansenij, esse hereticum, & quinque propositiones ex eo excerptas esse Fansenij, & in sensu Fansenij damnatas.*

Hanc eandem sententiam de infallibilitate Pontificis in facti quæstionibus docet P. Richardus Archdekin p. 1. Tr. 1. q. 3. & opinionem contrariam acerbè pulsatur.

VII. Doctores Parisienses quod attinet, enimverò nostrum non est, quid illi scribant, dicere, multoque minùs quid sentiant, hoc enim nimis occultum est, illud nimis apertum: maximè cum sæpe alia sit mentis, alia calami sententia, & tunc præsertim, ubi citius aliqua cogitantur, quàm scribuntur: Quia tamen Parisienses Doctores nobis objiciuntur, multosque tanti nominis auctoritas movet, creduntque illis ducibus, non impunè tantum, sed etiam gloriose errari posse; nos, ut veritas omni ex parte in tuto sit,

fit, quid Parisienses hac in re sentiant, aliorum verbis, non nostris, nec enim suspicione vel minimâ tangi volumus, expromemus.

P. Augustinus à Virgine Maria strictioris observantiae Carmelita Gallus Provinciae Turonensis in anno tertio Cursus Theologici Tr. de fide d. 10. q. 3. hæc scribit: Dicuntur communiter, & contra nos esse Doctores Parisienses: quo titulo tamen id adeò universim de ipsis dicatur, vix possum ceriò agnoscere: & præter paucos jam citatos, hucusq; alios ex illa facultate probatos Auctores non habemus, qui typis defendant sententiam nostram oppositam. Immo Du-Vallius insignis Sorbona Doctor, & Cathedralis, in quadripartita disputatione de suprema Romani Pontificis in Ecclesiam potestate part. 2. acriter propugnat hanc infallibilitatem Papa: ubi & testatur hanc esse consuetudinem Academia Parisiensis, ut Baccalaurei de questionibus Theologicis solemniter responsuri, protestationes præmittant, se nolle quidquam contra decreta sanctæ sedis Apostolica & Romana asserere, aut defendere. Et præfatum librum cum præclaro encomio approbârunt duo Sorbonici Doctores. Idem in fine q. 4. testatur: Quòd nihil quidquam à facultate Parisiensi contra Pontificis infallibilitatem unquam sit definitum: unde præter D. Thomam citatum, refert idem pro nostra sententia Doctores Parisienses, Divum Bonaventuram, Hervæum, Armonium, Henricum de Gandavo socium Sorbonicum, Joannem de Cellaja socium item Sorbonicum; ac tandem Tractatum illum in fine Magistri sententiarum impressum, in quo errores Joannis refutantur, & prima conclusio est, quòd ad S. sedem Apostolicam pertinet auctoritate judiciali supremâ, circa ea, quæ sunt fidei, judicialiter definire. Et probatur: quia fides ejus nunquam deficit: Rogavi pro te, ut non deficiat, &c. Quidam vero alij questionis decisionem refugiunt, ut Gammachaus hic quest. 1. cap. 12. Usamberius tractatu de Judice controversiarum, disputatione ult. De alijs autem, qui suas opiniones typis non mandant, nisi non tam audacter nostram sententiam non tam publicè velint sustinere; audio tamen non paucos eam intra privatos parietes prorsus amplecti.

Richardus Archdekinus Hibernus S. J. Theologus in sua Theologia tripartita p. 1. tract. 1. q. 1. Postremò hic extorquendum est telum quibusdam, qui hoc tempore in partibus hæreticorum se vocant Missionarios Apostolicos, nec dubitant tamen, ut evehant potestatem Principum se ultimum, Apostolica sedis auctoritatem infra Concilium deprimerè: ac confiderenter asserere, hanc esse Ecclesia Gallicana certam & indubitatam doctrinam.

Verùm in hoc produnt crassam rerum Gallicarum ignorantiam, dum

suam & paucorum labem omnibus Gallia Theologis affricare nituntur. Testatur id mecum celebris schola Sorbonica Doctor Andreas Duvallius agens de ea sententia, qua asserit Pontificem esse supra Concilium generale. Trad. de Rom. Pontificis potestate p. 4. q. 7. Totus, inquit, orbis, exceptis pauculis Doctoribus, eam (sententiam) amplectitur, & rationibus validissimis, cum ex Scriptura, Concilijs, & Patribus, tum ex principijs Theologiae petitis confirmatur. Atque idem Doctor luculenter ostendit in Anteloquio, §. quo pacto: Concilium Basileense, in hoc puncto Pontificia auctoritati inimicum, ab universa Ecclesia explosum semper rejectumq; fuisse, nec aliam in hoc esse fidem Gallie, quam universalis Ecclesia.

Hujus rei praeclarum praeberet argumentum Episcopi Gallia, & Doctores Sorbona, quando Parisijs Anno MDCXI. prodijt libellus Anonymus de Ecclesiastica, & politica potestate, qui cum in hac quaestione videretur Pontificis auctoritati adversari, Cardinalis Perronius, una cum Episcopis Provincia Senonensis, & postea Aquisgranensis Provincia Antistites gravi censurâ libellum notârunt, ac suo decreto condemnârunt. Quorum sententiam ipse Auctor libelli postea amplexus est, suumq; errorem debite retractavit. Abeant jam inanes fabellae, de Ecclesia Gallicana universa in hoc dogmate Pontifici contraria; facessat quoque credula nimis talium Missionariorum impudentia, qui, ut cupiditatibus suis viscentur, à veritate auditum avertunt, & ad tales fabulas convertuntur. Hæc Archdekin.

VIII. Et hæcenus quidem Patrum Doctorumque omnis ætatis testimonia, quæ legi, audiri que à nullo possunt, qui non continuò persuasum habeat, omnes illos in rebus fidei, supremum judicium, certamque sententiam Romano Pontifici tribuisse. Volunt lite aliquâ de rebus fidei exortâ, Romam ad judicium iri: volunt sententiam illic datam Oraculum esse, cui nisi obtemperes, hæresin oleas, aut ab Ecclesia defectionem: volunt, quod Papa definierit, finitum esse, nec amplius in dubium vocari posse. Hieronymus tres hypostases in Trinitate agnosceret, si Damasus jubeat. Augustinus hæresin Pelagianam, toties victam, toties pugnæ restitutam, tunc denuum profligatam esse dicit, ubi Pontifex se prælio miscuit, eamque truncatam voluit: Patres Nicæni Concilij tam certam habent Pontificis Romani sententiam, ut majora Ecclesiæ negotia illi reservata velint. S. Athanasius Patresque Africani hanc unam sedem ad eod. erroris expertem dicit, ut ab illa dogmata fidei majores sui, & velut à matre lac sinceræ doctrinæ

doctrinæ acceperint. S. Cyrillus non priùs audet Nestorium inter hæreticos censere, quàm à Cælestino Papa damnatum. S. Cyprianus non posse perfidiam habere ad Petri cathedram accessum. S. Fulgentius aded, quæ à Pontifice Romano decernuntur, certa esse, ut quod ille tenet, docetque, totus Christianus orbis nihil hæsitans credat. S. Agatho & cum illo Patres VI. Oecumenicæ Synodi nullum omnino errorem nullamque hæresin Petri cathedram infedis, nec unquam deinceps futurum, ut Petri successores, pro quibus tam seridè Christus oravit, à vera fide deficient. Denique omnium ferè Patrum, Græcæ, Latinæque Ecclesiæ est una, constansque sententia, non posse in rebus fidei decernendis Pontificem errare. Huic tantâ pietate, doctrinâ, rebusque pro Ecclesia gestis illustrium virorum choro, si tu Gersonem, Almainum, & Ochamum opponas, qui contrarium docuerunt: quid amabò aliud facies, quàm ut paucos aliquot, & gregarios milites cum castris Heroum conferas, tenuesque radios cum ingenti sole componas? magnus fatemur Gerson, sed quis ille, ut Augustino, Hieronymo, Ambrosio, Athanasio, Gregorio, totique Oecumenicæ Synodo præferatur? Et quæ ratio, aut æquitas postulat, ut uni mille: non sancto, tot sanctos: Cancellario Parisiensi, Doctores Ecclesiæ, immo ipsam Ecclesiam, quæ ex illorum sententia pender, cedere oporteat? tu ergo Gersoni fidem habes, non habes Hieronymo, non Athanasio, non Fulgentio, non Augustino, ad quorum vestigia, si Gerson viveret, pronus lubensque accideret? At Patres non clarè loquuntur: immo tam clarè, ut clariùs non possint: quid enim tam clarum, quàm illud Fulgentij: *Quod Romana, qua mundi cacumen est, tenet, & docet Ecclesia, totus cum ea Christianus orbis nihil basitans credit.* Et illud Augustini: *Quid potuit vir ille S. Innocentius Papa Africanis respondere Concilij, nisi quod antiquitus Apostolica sedes & Romana cum ceteris tenet perseveranter Ecclesia.* Et illud Hieronymi: *Ego Beatitudini tuæ, hoc est, cathedra Petri communionem confocior: quicumque, extra hanc domum comederit, profanus est, quicumque, tecum non colligit, spergit.* Apud vos solos incorrupta Patrum servatur hæreditas. Et illud Agathonis Papæ, sex:que Synodi: *Sedes Romana à tramite Apostolica traditionis nunquam erravit, & in ea vera fidei lumen nullâ hæretici erroris, nec falsitatis nebula fuit confudata, sed illibata finetenus permanet juxta pollicitationem Petro factam: Pro te rogavi, ut non deficiat fides, &c.* Hæc



planè & alia plura sanctorum Patrum testimonia tam clara & perspicua sunt, ut ad ea intelligenda, nec face, nec glossâ opus sit, sed oculo tantùm sano purgatoque, nec privatis affectibus tincto; alioquin agris infectisque oculis, ne sol quidem sine umbra & maculis est.



## §. VI.

*Praxis, ususq; Ecclesie pro eadem infallibilitate Pontificis Romani.*

## S U M M A R I A.

1. *Praxis Ecclesie ex modo loquendi apud scriptores Ecclesiasticos.*
2. *Qui à Pontifice Romano definitis non acquiesceret, pro schismatico haberi solitus.*
3. *Nota Catholicorum, damnare, quæ Romana Ecclesia damnat; approbare, quæ approbat.*
4. *Lites in causa fidei ex sententia Romani Pontificis finire solita.*
5. *Multa hæreses à Romano Pontifice extra Concilium damnata.*
6. *Responsiones ad objecta.*

## I.



I Legum Christi interpret nullus sanior est, quàm perpetuus Ecclesiæ usus, erit, speramus, omnibus numeris confecta demonstratio, ubi ostenderimus Canonum, Conciliorum, Patrumque de Romani Pontificis infallibilitate sententias, non imaginarias tantùm, & ipstra cala-

calamum chartamque sterisse, sed perpetuo Ecclesiæ usu confirmatas: hunc autem Ecclesiæ morem usumque ex multis capitibus colligere licet.

*Primò.* Quod passim in historia Ecclesiastica, sacris Concilijs, & Patrum Commentarijs multi loquendi modi occurrant, qui hanc ipsam, de qua agimus, infallibilitatem ostendunt, quales sunt: Quod Romana sedes sit fidei fundamentum: quod inde Religio-  
nis nostra fons & origo manet: quod, qua illa damnat, omnes damnent, qua approbat, omnes approbent: quod semper ejus doctrinam omnis Catholica Christi Ecclesia, universales Synodi, sanctiq; Patres fuerint secuti: quod omnium fidelium & Ecclesiarum disponente Domino existat Magistra. Hæc, ut diximus, legenti passim & ubique occurrunt, nec dici omnino possunt, nisi de doctrina planè infallibili, & ab omni errore aliena.

*II. Secundò.* Quod, qui aliquid à Romana sede definitum non recipere, schismatici haberentur, & cum illis nemo communicaret; quod manifestissimo argumento est, Romanæ sedis in rebus fidei sententias certissimas esse, nec enim schismaticus aut hæreticus est, nisi qui certæ compertæque veritati se opponit: quæ enim incerta & dubia sunt, ac intra opinionem consistunt, recipi pro arbitrio possunt, repellive: nec propterea, qui hoc facit, hæreticus aut schismaticus est. Sed testes hujus veritatis producamus. Pelagius Papa, & apud illum Augustinus in c. schisma 24. q. 1. Id ipsum enim magis est, propter quod schismatici sunt: quia non eos diversa sentiendi judicium, sed quadam apud se delata, sibi tamen incognita metuentes, & contra Apostolicam sedem temerè credentes, pessima divisit opinio. Quod schisma specialiter esse, beatus denuntiat Augustinus, dicens de talibus, adversus auctoritatem illarum Ecclesiarum, qua ab Apostolica sede epistolas accipere meruerunt, & temerè credendo, immanissimum schismatis crimen à se propulsare non poterit.

S. Cyrillus Alexand. epist. ad Cælestinum Papam: Quamvis hæc ita se habeant, non prius tamen Nestorij communionem confidenier deferere ausi fuimus, quam hæc ipsa pietati tua indicaremus. Dignèris proinde, quid hic sentias, declarare; quod liquidò nobis constet, communicarene nos cum Nestorio oporteat, an verò liberè eidem denunciare, neminem cum eo communicare, qui ejusmodi erroneam doctrinam foveat ac prædicat.

S. Hieronymus epist. ad Damasum: Hic in tres partes scissa Ecclesia me ad se rapere festinat; ego interim clamo: si quis Cathedra Petri jungitur,

meus est. Meletius, Vitalis, atq; Paulinus tibi barere se dicunt: possem credere, si hoc unus assereret, nunc aut duo mentiuntur, aut omnes. Et in alia ad eundem Damasum epistola: Ego Beatitudini tuae, hoc est, cathedra Petri communione confocior: non novi Vitalem, Meletium nescio, quicumque tecum non colligit, spargit. S. Leo epist. 87. ad Episcopos Viennensis Ecclesiae: Predicationis Evangelij Sacramentum ita Dominus ad omnes Apostolos pertinere voluit, ut in beatissimo Petro Apostolorum omnium summo principaliter collocaret, ut ab ipso quodam capite dona sua velut in corpus omne diffunderet, ut exortem se mysterij esse divini intelligeret, quisquis ausus fuisset à Petri soliditate recedere. S. Cyprianus l. 4. epist. 2. de cathedra Petri loquens: Scimus hortatos nos esse, ut Ecclesia Catholica radicem & matricem agnoscerent, & tenerent. S. Ambrosius Orat. de obitu Satyri: Rogavit, si cum Episcopis Catholicis, hoc est, cum Romana Ecclesia consentiret.

Dices: Eos tantum à SS. Patribus notari, qui se à communione, & fide sedis Romanæ, quoad omnia separant, non verò in una tantum alterâve causa.

Æ. Patres, ut ex adductis testimonijs patet, de causis tantum particularibus loqui, eosque arguere, qui semel à Pontifice definitis non acquiescunt; & meritò: sicut enim fides Catholica partes non recipit, & qui vel unum non credit, nihil credit, estq; hæreticus: ita qui vel in uno dogmate semel definito cum Romano Pontifice non communicat, in nullo communicat, negatque illi, quod maximum & præcipuum habet, privilegium videl. summi Pastoris, fundamenti, Petræ, & Magistri Ecclesiæ, sicque non contentus ramum aliquem aut florem carpere, ipsas radices sacræ illius dignitatis incidit.

III. Tertio. Patres exortâ aliquâ fidei dubitatione, ut ab hæreticis certâ notâ distinguerentur, certi que ipsi essent veritatis, se id credere profitebantur, quod crederet sedes Petri, suamque fidem istius judicio submittere, & quod damnarer, se quoque damnare; hoc verò supponit Romanæ Sedis doctrinam veram omnino esse & certissimam, incapacemque erroris: cum enim fides certissima sit, nullumque dubium admittat, oportet fidei quoque regulam certissimam esse; alioquin fides dubio principio nixa, & ipsa dubium reciperet, quod fieri nequit: si ergo doctrina Pontificis Romani sanctis illis Patribus regula credendi fuit, in quam fidem suam tutò reponebant; oportet quoque & illam fixam omnino,

nino, & immobilem esse, & si non est, sanctos illos Patres, velut anchoris, quibus tenerentur, perditis, fluctuâsse potiùs, quàm credidisse. Sed ipsos audiamus.

Anno CIX. Passus est S. Ignatius Apostolorum discipulus, qui epistolâ ad Romanos, postquam Ecclesiam Romæ existentem vocâisset: DEO dignam, decore dignam, meritò beatissimam, dignam laude, dignam, quâ quis potiatur, castissimam & præcellentem dilectione Christi, spiritu plenam, &c. Postea circa medium loquens de Cleto & Clemente successoribus Petri: Qui igitur, inquit, his non obedit, atheus prorsus, & impius est, & Christum contemnit, & constitutionem ejus imminuit. Ubi nota, Ignatium loqui non de solis Clemente, & Cleto, sed de omnibus Petri successoribus, ut significant ea verba: Constitutionem Christi imminuit. Constitutio verò Christi, videl. hanc petram, &c. Tibi dabo claves Regni celorum, &c. complectitur non solum Petrum, sed omnes ejus successores, ut constans est omnium Catholicorum sententia.

S. Irenæus auditor Discipulorum Apostolorum lib. 3. c. 3. Maxima & antiquissima & omnibus cognita à gloriosissimis duobus Apostolis Petro & Paulo fundata & constituta Ecclesia, eam quam habet ab Apostolis traditionem, & annuntiatam hominibus fidem per successiones Episcoporum provenientem usq; ad nos indicantes, confundimus omnes eos, qui quoquo modo vel per sui placentiam, vel vanam gloriam, vel per cecitatem præterquam oportet colligunt. Ad hanc enim Ecclesiam, propter potentiorē principalitatem necesse est, omnem convenire Ecclesiam, hoc est, eos, qui sunt undiq; fideles, in qua semper conservata est, ea qua est ab Apostolis traditio. Et lib. 4. c. 43. Reliquos verò, qui absistunt à principali successione (Romanæ videlicet Ecclesie) quocumq; loco colliguntur, suspectos habere, vel quasi hæreticos & mala sententia, vel quasi scindentes & elatos, & sibi placentes; aut rursus ut hypocritas quasi gratia, aut vana gloria hoc operantes.

Tertullianus de Præscript. cap. 36. Habes Romam, unde nobis quoq; autoritas præsto est, statu felix Ecclesia, cui totam Doctrinam Apostoli cum sanguine suo profuderunt.

Anno CCLXI. S. Cyprianus martyrium subiit. Is libro 4. epist. 9. ita scribit: Qui Cathedram Petri, supra quam fundata est Ecclesia, deserit, in Ecclesia se esse non confidat. At Cathedram Petri deserit, qui, quæ Petrus, Petrique successores ex Cathedra definiunt, acceptare renuit; quid enim est aliud Cathedram deferere? aut si Ca-

thedra Petri errare potest, cur non æquè Cathedram Petri, ac Cathedram Pauli, Jacobi, Joannis, aliorumque deferere liceret? quisquis enim errare potest, deferi potest, nec fidem meretur; nec ob aliam causam Infallibilitas Romanæ Cathedræ negatur, quàm ut eam impunè liceat deferere. *Neque dicas*, S. Cyprianum de ijs tantùm loqui, qui Cathedram Petri in omnibus, non verò, qui in uno tantùm, alteroque articulo ab ea deficiunt. Hæc enim evasio ridicula, & vana est. Nam qui docent, Cathedram Petri errare posse, non tantùm in uno, alterove, sed in omnibus utcunque libuerit deferunt. Cùm enim dicis, Pontificem ex Cathedra docentem errare, fallique posse in exponendo vero scripturæ sensu, rebusque fidei decidendis, quæro, an in omnibus? Si in omnibus, ergo apertè sequitur, posse in omnibus deferi, sicut potest in omnibus errare. Si in uno tantùm, alteroque, quæro, in quo possit errare, & in quo non possit? & cur in uno magis, quàm in altero? & quam ob causam voluerit Christus in uno potius esse infallibilem, quàm in alio, cùm tamen oporteat, Ecclesiam, & consequenter Ecclesiæ Magistrum, & Pastorem non in uno tantùm, alteroque, sed in omnibus, quæ ad fidem pertinent, erroris expertem esse? Quid, rogo, proderit, unam hosti portam occludere, aliâ patente? unum venenum respuere, aliud admittere? fundamentum Ecclesiæ una ex parte firmum, solidumque esse, aliâ infirmum, ac ruinæ obnoxium? Deinde nullus unquam fuit, eritque hæreticus, qui in omnibus fidei articulis à Cathedra, & doctrina Romanorum Pontificum recesserit, non Arrius, non Pelagius, non Nestorius, non Lutherus, non Calvinus; frustra ergo & sine causa diceret Cyprianus: *Qui Cathedram Petri deserit, in Ecclesia non esse*; quippe de casu loqueretur, qui nunquam contigit, & nunquam contingere potest. Imò si Patrum testimonia consideres, luce meridianâ clarius erit, eos de particularibus tantùm casibus loqui, non verò de ijs, qui universim, omni- que ex parte, & quoad omnes fidei articulos à Cathedra Petri deficiunt. *Neq; dicas*, Cathedram Petri deferendam non esse, quando ex præscripto sacræ scripturæ, verbi- que divini aliquid docet, in hoc enim casu, non verò in alijs esse infallibilem. Verum quidem est, nunquam debere Romanum Pontificem aliquid docere, quod scripturæ, & veritati adversetur, sed quæstio est, utrum possit

possit hujusmodi aliquid contra scripturam, & veritatem docere? nam si potest, frustra ex Cathedra Petrus clamabit; dicam enim, quoties libebit, ejus doctrinam cum scripturis pugnare, nec unquam scripturæ, & rationes deerunt ad id confirmandum, sicut nec Arrio, nec Luthero, nec alijs hæreticis omnibus defuere. Quando, rogo, lis finietur, si ex partium arbitrio pendeat, declarare, sententiam à Judice prolatam contra leges pugnare, & ideo nec obligare? Nec Cyprianus de Privilegio Cathedræ, sed sacræ scripturæ loqueretur, (quemadmodum quòd hedera plantæ implicita sursum, & in altum feratur, non est proprietas hederæ, sed plantæ) cùm tamen constet, loqui de Privilegio Cathedræ. Et frustra diceret Cyprianus: *Qui Cathedram Petri deserit, non esse in Ecclesia*, si crederet, Cathedram Petri errori subjectam esse, & tunc solum non deferendam, cùm constat, eam nihil aliud docere, quàm quod docet Scriptura; hoc enim non tantum Cathedræ Romanæ privilegium est, sed etiam Constantinopolitanæ, Alexandrinæ, Mediolanensis, imò omnium Episcoporum, & Sacerdotum, ac etiam cujuslibet privati Doctoris, ut videlicet errare non possint, nec deferi debeant, quoties & quando aliquid scribunt, docentque sacræ Scripturæ consentaneum; In hoc ergo sensu æquè dicere poterat Cyprianus: *Qui Cathedram Carthagenensem, Mediolanensem, imò Tertulliani, & Origenis deserit, in Ecclesia se esse non confidat.* Quæ omnia quàm sint absurda, nemo non videt. Hæc observatio sequentibus quoque Patrum testimonijs aptanda est, ne oporteat idem sæpiùs repetere.

Anno CCCLXVIII. Obijt Optatus Milevitanus, qui libro 2. contra Parmenionem hæc habet: *Negare non potes, si ve te, in Urbe Roma Petro primò Cathedram Episcopalem esse collatam, in qua una Cathedra unitas ab omnibus servaretur, ut jam Schismaticus, & peccator sit, qui contra singularem Cathedram alteram collocaret.* Si unitas ab omnibus cum Cathedra Petri servanda est, oportet ergo, eam Cathedram esse infallibilem, alioquin ab ea discordare liceret: ubi verò est discordia, ibi utique non est unitas doctrinæ; & cur potiùs in Cathedra Petri sit *unitas doctrina ab omnibus servanda*, si æquè ac aliæ Ecclesiæ Cathedra Petri errare possit? Et rursus si Schismaticus est, qui contra singularem Petri Cathedram aliam collocat, quæro, an ab hac nota eximi possint, qui contra Cathedram Petri aliam Cathedram

*drum in Concilio collocant, quales fuerunt Basileenſes? Quæro etiam, an qui contra Cathedram Petri, & contra ſacroſancta Innocentij XI. decreta, & Diplomata, Regaliam extendi prohibentis, eandem Regaliæ extensionem approbarunt, quiq; idè Pontificem falli, ac errare poſſe docuerunt, ut, quoties luberet, eum poſſent erroris arguere, aliamq; doctrinam Pontificiæ doctrinæ oppoſitam docere? quæro, inquam, an ij contra Cathedram Petri non aliam Cathedram collocent? quid enim eſt aliud alia Cathedra, quàm alia doctrina? Nam ſi velint tunc tantùm Cathedram contra Cathedram collocari, quando Pontifici legitimè electo alius Pontifex opponitur, nihil hîc ſpeciale Cathedræ Romanæ concederetur. Rurſus ſi Schismaticus eſt, qui doctrinæ à Cathedra Romana traditæ aliam doctrinam opponit; ergo oportet, doctrinam Romanæ Cathedræ eſſe infallibilem; nec enim Schismaticus dici poteſt, qui doctrinam probabilem quidem, ſed tamen adhuc incertam, ac errori obnoxiam amplecti renuit.*

*S. Baſilius epist. 77. Cùm ad hunc modum habeant res noſtra, debebant continuè à veſtra dilectione ex ſinceris fratribus aliqui mitti, qui nos afflictoſ & oppreſſoſ inviſerent, & multo crebriùſ amica ad noſ veſtra deſtinari litteræ, quibus vel in propoſito confirmaremur, vel, ſi qua in re offenda-  
mus, corrigeremur. Non enim negamus, innumeris noſ obnoxioſ erroribus eſſe, cùm homineſ ſimùſ, & in carne vivamùſ: parati hac in re veſtram inſtitutionem amplecti.*

*Anno CCCXCVII. Obijt S. Ambroſiùſ, qui in Oratione funebri de exceſſu fratris ſui Satyri: Advocavi, inquit, Satyrus Episcopum, nec ullam veram putavi, niſi ſolius fidei gratiam, percunctatùſq; eſt ex eo. utrumnam cum Episcopis Catholicis, hoc eſt, cum Romana Eccleſia conveniret? Et epistolâ 11. ad Agerûchiã: In omnibus Romana Eccleſia formam, & typum ſequimur. Si ergo ex mente Ambroſij unum, idemq; eſt: Cum Eccleſia Catholica, & cum Romana Eccleſia convenire; ſequitur, eum, qui non convenit cum Eccleſia Romana, multoq; magis, qui ab ea poſitivè in rebus fidei diſſentit, ne quidem cum Eccleſia Catholica conſentire, & conſequenter Schismaticum eſſe. Ergo oportet, doctrinam Eccleſiæ Romanæ, hoc eſt, Romani Pontificis è Cathedra pronuntiantis, omninò infallibilem eſſe, alioquin cur ab ea diſſentire non liceat, ſi errare poteſt?*

*Anno CCCCLXX. Obijt S. Hieronymus, cujuſ hæc ſunt verba epist.*



epist. 57. ad Damasum Pontificem: Ego Beatitudini Tue, id est, Cathedra Petri communione confocior, super illam Petram adificatam Ecclesiam scio. Quicumq; extra hanc domum agnum comederit; profanus est, si quis in Arca Noë non fuerit, peribit regnante Diluvio. Quicumq; tecum non colligit, dispergit, hoc est, qui Christi non est, est Antichristi. Observa, unum idemque esse apud S. Hieronymum, Cathedram Petri (qui utique errare non potest) & Cathedram Pontificis Romani; & qui cum Pontifice Romano non colligit, hoc est, contrariam ab eo in rebus fidei sententiam tenet, non esse Christi, sed Antichristi, nec intra arcam Noë, (hoc est, in Ecclesia) sed extra illam, hominemque profanum esse. Quæ utique dici non possunt, nisi de doctrina certa & infallibili. Idem Hieronymus in expositione Symboli: Si autem hæc nostra Confessio Apostolatus Tui iudicio comprobatur, quicumq; me culpate voluerit, se imperitum, vel malevolum, vel etiam non Catholicum, non me hæreticum comprobabit.

Idem S. Hieronymus epist. ad Damasum de tribus hypostasibus: Idcirco obtestor beatitudinem tuam, per crucem Domini, per necessarium fidei nostra decus, per passionem Christi: ut mihi litteris tuis, apud quem in Syria communicare debeam, significes. Noli dispicere animam, pro qua Christus mortuus est. Discernite obsecro: non timebo tres hypostascs dicere, si jubeatis. Quamobrem obtestor Beatitudinem tuam, per Crucifixum, mundi salutem, per homousion Trinitatem, ut mihi epistolæ tui, sive tacendarum, sive dicendarum hypostaseon detur auctoritas.

Ruffinus in symboli explanat. Siquid parum cautè positum est, emendari cupimus à te, qui Petri fidem & sedem tenes.

Anno CCCCLXXX. Obijt S. Augustinus, qui epistolâ 157. In verbis, inquit, Apostolica Sedes tam antiqua, atque fundata, certa & clara est Catholica fides, ut nefas sit dubitare Christianis. Si doctrina & decreta fidei Sedis Romanæ sunt certa, si, qui de illis dubitat, non est Christianus, sed nefarius; ergo doctrina Sedis Romanæ est infallibilis, alioquin & dubitare de illa liceret, nec magis nefarius esset, indignusq; nomine Christiano, qui illam, quam qui Constantinopolitanæ, aut alterius Sedis decreta respueret.

Anno CCCCLXXXII. S. Cælestinus I. Pontifex Maximus extinguitur est. Hic epist. ad Episcopos Galliarum hæc habet: Satis suffi ego credimus, quicquid secundum prædictas regulas Apostolica Sedes nos scripta docuerunt; ut prorsus non opinemur Catholicum, quod apparuerit præfixis sententijs esse contrarium.

Anno CCCCXLIV. Moritur Cyrillus Alexandrinus. Hic epist. ad Cælestinum ita scribit: *Quamvis hac ita se habeant, non prius tamen Nestorij communionem confiderenter deserere ausi fuimus, quàm hac ipsa Pietati Tuae indicaremus. Digneris proinde, quid hic sentias, declarare, quòd li- quidò constet, communicarène nos cum Nestorio oporteat, an verò liberè eidem denuntiare, &c.* Nestorius gravissimis scripturæ, Patrumque testi- monijs premebatur, & tamen non palàm constabat, communica- re cum illo, an secùs oporteret; idque ex sententia Pontificis unicè pendebat, ut patet ex allegata Cyrilli sententia; itemque ex alia Hieronymi epistola § 8. ad Damasum: *Si rectum putatis, tres hypostases cum suis interpretationibus debere nos dicere, non negamus, sed mihi credite, venenum sub melle latet.* Si ergo sententia Pontificis, & cum ea consensus est nota veræ & Catholicæ Religionis, sequi- tur, esse infallibilem, & erroris expertem; doctrina enim falsa & incerta non potest esse signum veræ & indubitatæ fidei.

Theodoretus l. 5. hist. c. 2. Gratianus toto Imperio positus, scripsit le- gem, quâ jubebat sanctus Ecclesias tradi his, qui Damasi, (is erat Episcopus Romanus) communionem amplexarentur. Idem Theodoret. epist. ad Re- natum Presbyterum: *Quare quæ ab isto vestro tribunali proficiscuntur, qua- liacumq; erunt, judicij vestri integritate consili amplectemur.*

Anno CCCCLXI. S. Leo Magnus mortem oppetit. Is epist. 87. ad Episcopos Viennensis Ecclesiæ: *Prædicationis Evangelij Sacramentum ita Dominus ad omnes Apostolos pertinere voluit, ut in Beatissimo Petro Aposto- lorum omnium summo principaliter collocaret, ut ab ipso, velut quodam Capite, dona sua, velut in corpus omne, diffunderet, ut exortem se mysterij esse divinò intelligeret, quisquis ausus fuisset à Petri soliditate recedere. Neque dicas, S. Leonem loqui de sola Petri persona, non verò de illius successo- ribus. Nam ex contextu ejus Epistolæ palàm est, S. Leonem hanc ipsam Petri prærogativam ad omnes ejus successores extendere. Deinde & personam Petri consideres, prout tantùm Apostolus erat, non magis ejus doctrina in rebus fidei infallibilis erat, atque à DEO inspirata, quàm aliorum Apostolorum; & ideo S. Leo, ut patet etiam ex ejus verbis, loquitur de infallibilitate S. Petri, non ut Apostolus erat, sed ut Caput Ecclesiæ, & consequenter de Infallibilitate Dignitati annexa, quæ perpetua est, & ad omnes Petri successores transmissa; idque jure merito, cum Ecclesiæ non pri- mâ tantùm suæ ætate, sed semper & perpetuò visibili Capite, fun- damen-*

*Praxis, ususq; Ecclesiæ pro eadem infallibilitate Pontificis &c.* 631  
damento solido, ac Judice controversiarum indiguerit; oportuit  
ergo Infallibilitatem in bonum ac ædificationem Ecclesiæ Petro  
concessam non cum ipso Petro interire, sed in ejus successores per-  
petuari.

Anno DXLIX. S. Pelagius Papa Augustinum citans: (a) *Contra  
Apostolicam Sedem temerè credentes, pessima dividit opinio, quod schisma spe-  
cialiter esse denuntiat Augustinus.*

Anno DXLIX. Patres Concilij Aurelianensis in Gallia: *Quas  
etiam Sectas Sedes Apostolica condemnat, similiter cum suis auctoribus & secta-  
toribus execrantes anathematizamus, rectum atq; Apostolicum in Christi no-  
mine fidei ordinem predicantes.*

Anno DCCCXLIII. Gregorius IV. Pontifex Maximus epist. ad  
universos Episcopos, prout habetur c. *præceptis d. 12. Omnium Sanctæ Re-  
ligionis relatio ad Sedem Apostolicam quasi ad Caput Ecclesiarum debeat referri,  
& inde normam sumere, ubi sumpsit Originem, cujus auctoritatis sanctionem  
omnes teneant Sacerdotes, qui nolunt ab Apostolica Petra, supra quam Christus  
universalem fundavit Ecclesiam, societate divelli.*

Anno DCCCLXXVIII. Patres Concilij Trecensis æquè in Gallijs  
habiti: *Judicium vestra auctoritatis, quod privilegio Divi Petri & Sedis Apo-  
stolica protulisti, voto, voce & unanimitate nostra persequimur, scilicet quos  
excommunicasti, excommunicamus, quos ab Ecclesia abjicisti abjicimus. Sen-  
tentia ergo Pontificis est infallibilis auctoritatis; quomodo enim  
dignus esset Ecclesiâ excludi, qui dubiæ, incertæque doctrinæ fi-  
dem non adhiberet? Et nota illa verba: Judicium vestra auctoritatis,  
quod privilegio Divi Petri, & Sedis Apostolica protulisti, &c. Quæ omninò  
significant, infallibilitatem judiciorum Apostolicorum in rebus  
fidei fundari in privilegio Divi Petri, Sedisq; Apostolica, sicque esse per-  
petuum, & ad omnes Pontifices, Petrique Successores pertinere.*

Anno MLIV. S. Leo IX. epistolâ ad Michaëlem Patriarcham  
Constantinopolitanum: *Quid hoc monstri est, frater charissime? Romana  
Ecclesiâ ad eam non est sola, vel, sicut tu putas, una, ut in toto orbe terrarum qua-  
cunq; natio dissentit superbè ab ea, non sit jam dicenda, vel habenda Ecclesiâ  
aliqua, sed omninò nulla, quin potius Conciliabulum hæreticorum, aut Conven-  
ticulum Schismaticorum, & Synagoga Sathana.*

Anno MLXI. S. Nicolaus Papa II. in epistola ad Mediolanenses,  
& habetur in c. omnes d. 22. *Fidem violat, qui adversus illam agit, qua*  
*maior*

(a) Habetur in decr. Grat. c. quon. 24. q. 3.

*mater est fidei, & illi contumax invenitur, qui eam forsitan non cunctis Ecclesijs proutulisse invenitur.*

Anno MLXXXV. Gregorius VII. in dictato Canone 26. *Catholicus non habeatur, qui non concordat Romana Ecclesia.* Scio, apud aliquos Gallorum Gregorium VII. non bene audire, quippe nimis severitatis accusatum (severitatem enim in Pontifice appellant, quam in aliquo suorum Judicum animi magnitudinem, in Senatore invictam fidelitatem appellarent) sed cum Gregorius nihil aliud dicat, quàm quod alij sancti Patres & pontifices dixerunt, non potest in Gregorio in dubium ea sententia vocari, quam ab alijs sanctis Patribus hausit; alioquin poterit Gregorius dicere, quod olim S. Hieronymus epist. 77. *Quid unum hominem exceptis socijs criminantur? si rivus tenuiter fluit, non est alvei culpa, sed fontis.*

Anno MCXIV. S. Ivo Carnotensis epistolâ 8. *Cujus judicij & Constitutionibus obviare est heretica pravitas notam incurrere.* Loquitur Ivo de quodam judicio prolato ab Urbano II. extra omne Concilium Oecumenicum.

Anno MCLXVII. Hugo Etherianus de Process. Spiritûs Sancti l. 3. c. 10. qui habetur in Bibliotheca Patrum: *Æquum est, ratum habere, quod tanta Ecclesia decernit, quod tantus Pontifex annuntiat; qui autem prima Sedis, imò totius Orbis Prasuli resistunt, Christi dispositioni resistunt, & nisi respiciant, contumacia judicio plecentur. Quicunq; Christi naviculam spernit, incautè navigat, & nisi plumbeas moles perveracitatis abjiciat, influent maria.*

Abbas Joachimus, ut ex Concilio Lateranensi in c. 1. de Summa Trinit. refertur: *Constitetur se illam fidem tenere, quam Romana tenet Ecclesia, qua disponente Domino cunctarum Mater est & Magistra.*

Anno circiter MCC. Goffridus Vindocinensis epist. 30. Eodem spiritu, quo dictante & lex prima per Moysen data est, & per Christum secunda, S. Apostolica Sedes Canones dedit, & ipso inspirante exposuit. Si quis igitur Apostolica Sedi in Canonum expositione contrarium sentit, non sapit, quicunq; est ille, sed desipit, non cultor, vel expositor divina legis, sed insidiator & oppressor indubitanter agnoscitur.

Josephus Patriarcha Constantinopolitanus in chirographo, quod jam moriens scripsit, hoc suæ fidei monumentum reliquit, ut sess. ult. circa finem Concilij Florentini habetur: *Joseph miseratione divinâ Constantinopolis, & Nova Roma Archiepiscopus, ac Oecumenicus Patriarcha. Quoniam ad extremum vita mea perveni, idcirco pro meo munere dilecti filijs*

filijs benignitate Dei meam sententiam hijs litteris palam facio. Nam quæ Domini JESU Christi Catholica & Apostolica Ecclesia Roma Veteris sentiat ac celebret, omnia me quoq; sentire, credereq; profiteor, ac ipsis plurimum acquiesco. Beatissimum autem Patrum patrem, ac summum Pontificem, Romæq; Veteris Papam, Domini Nostri JESU Christi Vicarium esse concedere, atq; animarum Purgatorium esse non inficio. Datum Florentia, die Octavâ mensis Junij, millesimo quadringentesimo trigesimo nono.

IV. *Quarid.* Natâ hæresi aliquâ, quæ Ecclesiam turbâset, non prius etiam apud Catholicos dubitandi disputandique finis erat, quàm pronuntiât à S. Pontifice sententiâ; tunc enim verò dato velut signo finis inter Catholicos certandi erat, & hæresis conclamata; quod evidens signum est, persuasum fidelibus fuisse, sententias Romani Pontificis in quæstionibus fidei certissimas esse, nec errori subjectas; alioquin non poterat illos sententia incerta certos reddere, dubia indubios, & errori exposita, ab omni errandi periculo liberos. Testes hujus veritatis sunt Sozomenus l. 6. c. 22. *Qua de controversia*, inquit, *Romanus Pontifex certior factus, scripsit ad Ecclesias Orientis litteras, ut unâ cum sacerdotibus & Episcopis Occidentis, Trinitatem, & consubstantialem esse, & gloriâ aequalem existimarent. Quo facto, singuli rebus ab Ecclesia Romana semel judicatis, acquieverunt, hacq; controversia finem habere visa est.*

S. Prosper contra Collatorem, & in Chronico: Tunc Pelagianorum Machina fracta, quando B. Memoria Innocentius nefandi erroris capita Apostolico mucrone percussit.

S. Augustinus l. 2. contra Pelagium & Cælestium c. 7. Cælestius B. Papa Innocentij non est ausus litteris obflescere, immo se omnia, quæ sedes illa damnaret, damnaturum esse promisit. S. Augustinus l. 1. c. 1. ad Bonifacium PP. Concilio apud Carthaginem habito 217. Episcoporum, ad Pontificem Zozimum synodalia decreta perlata sunt, quibus probatis per totum mundum hæresis Ariana damnata est. Patres Milevitani epist. ad Innoc. I. Arbitramur, adjuvante misericordiâ Christi, qui te & regere consulentem, & orantem exaudire dignatur, auctoritati Sanctitatis Tue de sanctorum scripturarum auctoritate depromptæ, facilius eos, qui tam perversa sentiunt, esse cessuros.

S. Cyrillus epist. ad Cælestinum Papam de hæresi Nestorij: Porro Tua integritatis mens, & super hac conscientia, non modo religiosissimis Deoq; piissimis devotissimis Macedonia Episcopis, sed totius quoq; Orientis Antistitibus perspicue per litteras exponi debet. Nam cupientibus illis ansam dabimus, ut

omnes uno animo in una sententia persistant, rellaq̃, Fidei, qua jam impu-  
gnatur, opem ferant.

Constantinus Magnus in edicto, cui initium: *Ea qua Salvator  
noster, &c.* (habetur hoc edictum in codice Conciliorum quatuor  
Generalium Coloniae edito Anno MDXXX.) fol. 58. hæc habet:  
*Et Pontifex qui pro tempore ipsius sacrosanctæ Romanæ Ecclesiæ extiterit, cel-  
sior & Princeps cunctis Sacerdotibus totius mundi existat, & ejus judicio  
quaq̃, ad cultum Dei, vel fidei Christianorum stabilitatem procurandam fue-  
rint, disponantur: justum quippe est, ut ibi lex sancta caput teneat principa-  
tûs, ubi sanctarum legum institutor Salvator noster beatum Petrum Apostola-  
tûs obtinere precepit cathedram, ubi & crucis patibulum suslinens, beatissimum  
mortis sumpsit poculum, suiq̃, Magistri & Domini imitator apparuit.*

Hieronymus de Irenæo Romam misso in catalogo: *Omnium  
doctrinarum curiosissimus explorator, non moles adificiorum Urbem circum-  
eundo contemplantur, sed Apostolica Ecclesia fidem, ritus, mores, ac disciplinam,  
quam illi Petrus & Paulus Apostolorum Principes tradidissent, perscrutabatur,  
nañsq̃, ibi Apostolicas traditiones integras & illibatas, ut ab Apostolis tradi-  
ta fuerant, vigilantissimè custoditas & integerrimè conservatas, ad eas omnes,  
quos scriptis exagitat, exinde provocavit hæreticos, quos sciret eo solo tam pa-  
venti testimonio (si qua in eis reliqua esset ratio veritatis) posse convinci.*

V. Quinto denique. Multæ hæreses à solo Romano Pontifice  
extra Concilium damnatæ sunt, extinctæq̃, quod fieri non po-  
terat, nisi ab auctoritate infallibili & errare nescia: sicut enim fides  
est de re certa, & cui fallum subesse non potest, ut eleganter de-  
clarat S. Bernardus epist. 190. ad Innocent. ita hæresis est rei certò fal-  
sæ, & cui verum subesse non potest: ergo sententia Pontificis, quâ  
declarat opinionem aliquam esse hæreticam, omnino est certa &  
infallibilis; alioquin nec declaratio erit certa, utpote ab aucto-  
ritate incerta profecta: nec id quod declaratum est, certò ad hæ-  
resin pertinebit, cum fieri non possit, ut à principio incerto de-  
ducatur conclusio certa, quemadmodum si non est certum, te  
aquâ elementari baptizatum esse, ita nec erit certum te verè  
baptizatum, & Christianum esse. Fuisse verò quamplures hære-  
ses auctoritate solius Pontificis extra Concilium generale damna-  
tæ, dubium non est. Nam Anno 106. teste S. Irenæo lib. 3.  
cap. 3. turbatam Corinthi fidem S. Clemens Papa iterum crexit,  
datis ad eam Ecclesiam dogmaticis litteris, de quib⁹ hæc Irenæus:



Clemens, qui & vidit ipsos Apostolos, & consulit cum eis, cum adhuc insonantem predicationem Apostolorum & traditionem ante oculos haberet; dissensione non modica inter eos, qui Corinthi essent, Fratres facta; scripsit, quæ est Roma Ecclesia, potentissimas litteras Corinthiis ad pacem eos congregans, & reparans fidem eorum, & annuntians, quam in recenti ab Apostolis receperant traditionem.

Anno 145. & 146. exortæ sunt Valentini, Cerdonis, & Marcionis hæreses, quas ab Hygino Pontifice confutatas & delectas esse, testantur S. Irenæus lib. 3. cap. 4. & Tertullianus lib. 3. contra Marcionem.

Anno 172. Ecclesiam Montani hæresis vehementer afflixit, quam à Pontifice Romano damnatam quoque esse testatur Tertullianus lib. adversus Praxeam cap. 1.

Anno 196. prodijt Theodolus Byzantinus, aliàs Coriarius, cujus hæresin (quod doceret, Christum hominem tantum, non etiam Deum esse) à Pontifice Victore Anathemate confixam, ipsumque Theodolum Ecclesiâ ejectum esse narrant Eusebius lib. 5. Histor. cap. 27.

Nolebant Pelagiani Summorum Pontificum sententijs acquiescere, quibus & necessitas gratiæ assererebatur, & Pelagij errores hæresis damnabantur; provocabantque Pelagiani ad Concilium Universale, quibus egregiè Augustinus (a) in hæc verba respondet: *An verò Congregatione Synodi opus erat, ut aperta perniciēs damnaretur? quasi nulla hæresis aliquando nisi Synodi congregatione damnata sit, cum potius rarissima inveniantur, propter quas damnandas necessitas talis existerit &c.* Et pauld post: *Verum istorum superbia hanc etiam gloriam captare intelligitur, ut propter illos Orientis, & Occidentis Synodus congregetur. Orbem quippe Catholicum quoniam pervertere nequeunt, saltem commovere conantur. &c.* Et alibi: (b) *Quasi verò in Concilio Episcoporum, quod non salubriter, sed jactanter propter vestras quæstiones debere dicitis congregari, si sederent Episcopi, quos supra memoravi, facile invenires, quos eis in doctrina Ecclesiastica antiquius tradita aquare, nedum præferre possesit.* Et alibi: (c) *Si in Concilio, cujus videris desiderare judicium, sederent Cyprianus, Hilarius, Gregorius, Basilus, Joannes Constantinopolitanus, ut laceam*

LIII<sup>2</sup>

alios,

(a) August. lib. 4. contra duas epist. Pelagian. cap. 12.

(b) Idem lib. 1. contra Julian. c. 60.

(c) Ibid. l. 2. c. 37. vide etiam l. 2. c. 10.



*alios, nunquid doctiores, prudentiores, veraciores Judices quare auderes? ipsi contra dogmata vestra clamant, ipsi scriptis suis scripta vestra condemnant, quid quaris amplius? Quid si quæras, si Concilio Oecumenico (de hoc enim loqui Augustinum certum est ex illis verbis: Ut propter illos Orientis & Occidentis Synodus congregetur;) opus non est, cuius ergo auctoritate & sententiâ hæreses elidentur, verusque Sacrarum Scripturarum sensus elucidabitur? respondet Augustinus: Si Romana Ecclesia Præsidentem B. Innocentium audire voluisses, jam tunc periculosam Juventutem tuam Pelagianis laqueis exuisses. Quid enim potuit vir ille Sanctus Africanis respondere Concilijs, nisi quod antiquitus Apostolica Sedes, & Romana cum cæteris perseveranter tenet Ecclesia? Quibus verbis duo docet Augustinus, videlicet, & non posse Romanum Pontificem ab antiqua, & vera doctrina aberrare, & ejus auctoritatem sufficere hæreticis laqueis exuendis. S. Prosper quoque in Chronico: Tunc Pelagianorum machina fracta sunt, quando B. memoria Innocentius nefandi erroris capita Apostolico mucrone percussit. Et S. Hieronymus de Irenæo Romam missio: Omnium doctrinarum curiosissimus explorator non moles adificiorum Urbem circummeundo, sed Apostolica Sedis fidem, ritus, mores, ac disciplinam, quam illi Petrus, & Paulus Apostolorum Principes tradidissent, perscrutabatur, nactusque ibi Apostolicas traditiones integras & illibatas, ut ab Apostolis tradita fuerant, ad eas omnes, quos scriptis exagitat, exinde provocavit hæreticos, quos sciret eo solo tam patenti testimonio posse convinci. Sozomenus l. 6. c. 22. Qua de controversia Romanus Pontifex certior factus, scripsit ad Ecclesias Orientis litteras, ut unâ cum Sacerdotibus, & Episcopis Occidentis Trinitatem, & Consubstantialem esse, & gloriâ aequalem existimarent. Quo facto singuli rebus ab Ecclesia Romana semel iudicatis acquieverunt, hacque Controversia finem habere visa est. Sixtus II. PP. Memor sum, me sub illius nomine Ecclesia præsidere, cujus à Domino JESU Christo confessio est glorificata, & cujus fides nullam hæresin unquam fovit, sed omnes quidem hæreses destruit. Omitto alia jam superius memorata.*

VI. Dices 1. Tunc modò Pontificum sententias opinionem aliquam damnantium, certitudinem adeptas esse, cum ab Ecclesia universim receptæ sunt; & quando ipsa Ecclesia hujusmodi damnatas opiniones pro hæreticis habuit.

Respondimus jam suprâ ad hanc objectionem, & ea quàm sit inanis, demonstravimus: Idè enim Ecclesia hujusmodi Pontificum

tificum sententias recepit, non quia jam certa veritatis, & ut illis certitudinem commodaret, sed quia certas credidit, & tales, ut merito dubium omne, quo prius Ecclesia jactabatur, excluderet: dubitabat ante Pontificis sententiam Ecclesia: post illam omni dubio solvebatur; non ergo certitudinem Pontifici dabat, sed accipiebat. Deinde qui pronuntianti Papæ non acquiescerent, pro hæreticis habebantur, non ergo liberum erat ab eo definita aut repellere, aut acceptare, & acceptando certa efficere: immo ipsi Pontifices acceptari juebant, & qui obstitissent, anathemate dirisque feriebantur. Denique cum dicis à Pontifice definita non esse certa, sed consensu Ecclesiæ certa fieri, quid tu intelligis nomine Ecclesiæ? Concilium generale? at jam ostendimus ex ipsis Concilijs, ex Patribus, praxique Orbis Catholici etiam extra Concilium errare Pontificem non posse. Nec ullus est in Ecclesiastica historia vel leviter tinctus, qui nesciat, trecentis & ultra annis gravissimas multasque hæreses sine ullo Generali Concilio damnatas proscriptasque esse. Totam omnino fidelium societatem? ergo nunquam me Pontificis definita obstringent, quia nunquam constare mihi potest, omnes omnino fideles in ea consensisse, & assensu firmasse, sine quo, ut dicis, certa non sunt: quis enim tibi nuntius aquilâ aut Pegaso vectus ad aures pertulit omnes in India, in Africa, in Asia, in Hispania, Germania, Italia, Polonia, Americaque Alexandro Pontifici subscripsisse, cum Janſenium damnavit? immo qui potuerunt omnes consentire, re non ad omnes perlatâ, nulloque conventu habito, nunquam capitibus collatis? Quod si nomine Ecclesiæ majorem fidelium partem intelligis, de eadem redit quæstio, quomodo constare tibi possit, majorem illorum partem in sententiam contra Janſenium latam, v. g. consensisse? maxime cum non semper illa pars sit melior, quæ est major: absurdum igitur est, sententias & decreta Pontificum in rebus fidei tunc primum necessarias certasque esse, cum à tota Ecclesia recipiuntur: antequam recipiantur, incertas, nec animum obligare.

*Dices 2.* Etiam ab alijs Episcopis, privatisque Synodis fuisse hæreses damnatas, ut ex Augustino constat, locis citatis; non ideo tamen sequi, sententias Episcoporum & particularium Synodorum esse irreformabiles; ergo ex hoc Capite non potest deduci Infallibilitas Summorum Pontificum.

*Resp.*

*Resp.* Maximum esse discrimen inter sententias Pontificum, & inter sententias Episcoporum hæresin aliquam damnantium. Episcoporum enim sententiæ erant tantum doctrinales, non verò dogmaticæ & ultimæ, atque irreformabiles; nec prius valebant, quam à Summo Pontifice confirmarentur; sententiæ verò Pontificum Dogmaticæ & ultimæ, nec poterant iterum in iudicium, licetque vocari, adeò, ut si permissu Summorum Pontificum prædamnatæ à Pontifice hæreses iterum in Concilijs examinarentur, non id erat, quòd causâ à Romano Pontifice jam finitâ dubitare liceret, sed ut auctoritate tot Patrum, doctrinâ & sanctitate florentium, argumentisque ab eis tantâ efficacîâ & eloquentiâ productis hæreticorum perveracia obrueretur. Id ita esse patet testimonijs eorundem Patrum. Nam S. Hieronymus (a) *Hac est fides, inquit, Pater Beatissime, quam in Ecclesia Catholica didicimus, quamq; semper tenuimus, & tenemus, in qua si minus periùd, aut minus caute foris aliquid positum est, emendari cupimus à Te, qui Petri & fidem, & Sedem tenes.* S. Cyrillus Alexandrinus epistolâ ad Cælestinum PP. *Quamvis hac ita se habeant, non prius tamen Nestorij communionem confidenter deserere ausi fuimus, quam hac ipsa Pietatis Tuae indicavimus. Digneris proinde, quid hîc sentias, declarare.* S. Paschalis PP. (b) *Ajunt, in Concilijs statutum non inveniri, quasi Romana Ecclesia legem Concilia ulla præfixerint, cum omnia Concilia per Romani Pontificis auctoritatem & facta sint, & robur acceperint, & in eorum statutis Romani Pontificis patenter excipiatur auctoritas.* S. Innocentius I. PP. *Quidquid, quamvis de disjunctis, remotisque, Provinciis ageretur, non prius Patres ducebant finiendum, nisi ad Sedis notitiam perveniret, ut tota hujus auctoritate pronuntiatio firmaretur.* S. Stephanus Archiepiscopus suo & trium Africæ Conciliorum nomine: (c) *Vestra Sedi Episcoporum iudicia, & summorum finem iudiciorum Ecclesiasticorum in honorem Beatissimi Petri Patrum Decreta omnium cunctam reservare sententiam; antiquis enim regulis constitutum est, ut quidquid horum, quamvis in remotis, ageretur Provinciis, non prius tractandum, vel accipiendum sit, nisi ad notitiam almae Sedis Vestrae fuerit deductum, ut ejus auctoritate juxta quod pronuntiatum fuerit, firmaretur.* S. Damasus: (d) *Nulla unquam Concilia rata leguntur, quæ non sint fulta Apostolica auctoritate.* Cælestinus PP. in In-

(a) Habetur in Decr. Gratiani cap. quoniam 24. q. 1.

(b) In capit. significasti de elect.

(c) In epist. ad Damas. PP.

(d) Epist. ad Stephanum.

structione Legatis suis ad Concilium Ephesinum data: (a) *Auctoritatem Sedis Apostolica custodire debetis, siquidem & Instructiones, qua vobis tradita sunt, hoc loquuntur, ut interesse Conventui debeatis: ad disceptationem si fuerit ventum, vos de eorum sententijs judicare debeatis, non subire examen.* S. Gelasius: (b) *Hoc robur obtinui, quod in Synodo firmavit Sedes Apostolica auctoritas, quod refutavit, firmitatem habere non potuit.* Omitto sexcenta alia, ex quibus palam est, latum discrimen à Patribus agnitum esse inter sententias Episcoporum, & sententias Romanorum Pontificum, hæreses aliquas damnantium, ut videl. istorum vellet esse ultimas & decretorias, illorum verò adhuc reformabiles, & judicio Pontificum, etiamsi in Concilio Oecumenico latæ essent, omnino subjectas.

Sed videamus nunc, quænam in particulari hæreses à solis Romanis Pontificibus extra Concilium Oecumenicum damnatæ sint.

Certum est, à Christi nativitate usque ad annum 325. quo Concilium Nicænum celebratum est, nulla fuisse Oecumenica Concilia celebrata, & tamen quàm plurimæ hæreses toto hoc annorum decursu & extitère, & abolitæ, aut saltem damnatæ sunt. Et quamvis in particulari non semper ostendi possit, eas à Romano Pontifice damnatas esse, quippe flagrantibus persecutionibus, & Ecclesiâ Romanâ omnibus venis sanguinem fundente, otium non erat Romanis Pontificibus multa scribendi, & posteriorum memoriæ commendandi; vix tamen dubium esse potest, auctoritate Summorum Pontificum fuisse confixas. Constat enim unâ parte testimonijs suprâ productis, Ecclesiam suprâ fidem Petri ejusque successorum fundatam esse, idque Patres primorum seculorum palam professi sunt, nam præter dicta Sozomenus scribit: (c) *Julium ad eos, qui Antiochia convenerant, scripisse, atq; inculpasse, quod contra leges Ecclesiæ eum ad Concilium non vocassent, nam Legem esse ad Sacerdotij dignitatem spectantem, quæ pronuntiat, acta illa irrita esse, quæ præter sententiam Episcopi Romani constituuntur.* Et ipse Athanasius ex persona Julij, cujus epistolam recitat: (d) *An, in-*

quit,

(a) Commonitor. Cælest. à Balluzio nuper editum ex MM. SS. Codic. Colbertino & Vaticano.

(b) S. Gelas. l. de vinculo anathem.

(c) Lib. 3. hist. cap. 9.

(d) S. Athanas. apolog. 2. ad Orient.

quit, ignari estis, hanc consuetudinem esse, ut nobis scribatur, ut hinc, quod justum est, definiri possit? nunc autem nos, quos certiores minimè fecerunt, postquam jam egerunt, quod libuit, suffragatores sua damnationis, cui non in-  
 versuimus, esse volunt; non ita se habent Petri & Pauli ordinationes, non ita Patres docuerunt, sed fastus iste, & novum studium est. Qua enim accepimus à B. Petro Apostolo, hæc vobis scribimus. Ubi vides, hanc Pontificis Ro-  
 mani auctoritatem ad Apostolorum traditionem referri. Ex alte-  
 ra verò parte æquè constat, Pontificum in fidei causis sententiam adedò Ecclesiam Catholicam venerari solitam, ut qui eam non recipient, teste S. Ignatio Episcopo Antiocheno, qui primo Se-  
 culo floruit: (a) *Qui his non obedi* ( loquitur de SS. Cleto & Cle-  
 mente ) *Atheus prorsus & impius sit, & Christum contemnit, & Constitu-*  
*tionem ejus imminuit.* At quæ est Christi constitutio, nisi illa? *Tu*  
*es Petrus, &c. Tibi dabo claves Regni Cælorum, &c. Pæce oves meas.* At  
 hæc Christi constitutio aut de omnibus Petri successoribus in-  
 telligenda est, aut non est intelligenda de Cleto & Clemente,  
 cur enim potiùs de Cleto, quàm de Alexandro, de Gregorio, de  
 Innocentio? Cùm ergo constet, Romanis Pontificibus supremam  
 in causis fidei decidendis auctoritatem concessam, eamque in pri-  
 mitiva quoque Ecclesia agnitam, summaque veneratione exce-  
 ptam esse; quis dubitet, in profligandis hæresibus Summos Pon-  
 tifices illà non esse usos? Poterant, debebant, ergo fecere, alio-  
 quin sancti non essent. Et idedò S. Irenæus de S. Clemente scri-  
 bit: (b) *Dissensione non modicâ inter eos, qui essent Corinthi, fratres factâ,*  
*scripsit quæ est Romæ Ecclesia potentissimas litteras Corinthijs, ad pacem eos*  
*congregans, & fidem eorum reparans, & annuntians, quam ab Apostolis re-*  
*ceperant, traditionem.* Sic Cerdon & Valentinus hæresiarchæ (c)  
 coram Hygino S. Pontifice hæreses suas recantârunt. Sic Theo-  
 dorus hæresiarcha, Theodoreto (d) & Eusebio testibus, à Viçto-  
 re Pontifice damnatus, & Ecclesiâ ejectus est, quod doceret,  
 Christum hominem tantummodò, non etiam Deum esse. Idem  
 Viçtor, ut habet Eusebius, *totius Asiæ Ecclesias, & alias finitimas*  
*( quamvis traditionem Joannis Evangelistæ prætexerent ) tan-*  
*quam*

(a) S. Ignat. epist. ad Roman.

(b) S. Iren. lib. 3. adu. hæres. cap. 3.

(c) Anno 155. testibus Irenæo lib. 3. cap. 4. Eusebio lib. 4. cap. 10.

(d) Anno 196. Theodoret. hæretic. fab. lib. 2. Eusebius lib. 5. hist.  
 cap. 27.

quam alterius fidei & opinionis literis graviter objurgatas simul omnes à Communione Ecclesia semovendas duxit; quòd videl. celebrarent Pascha decimâ quartâ Lunâ, quacunq; die incidissent. Id verò quamvis Ecclesia Romana tolerâisset, postquam tamen verti in hæresin cœpit, & Judaïsimo ansam præbere (quod Nicephorus testatur) (a) quodq; conniventia Ecclesiæ fuerat, pro necessitate ac debito jactari, (pari ferè ratione, quâ hâc tempestate de necessitate utriusq; in Communione speciei à Calvinistis differitur) Victor necessariam esse severitatem credidit, quamvis ab ea sanctum Pontificem Irenæus vehementer dehortatus sit, potestatem quidem Pontificis agnoscens, sed usum restringi cupiens. Ubi nota, quamvis plurimi historici Ecclesiastici, videl. Eusebius, Irenæus, Nicephorus, Hieronýmus, Photius, aliq; hujus rei meminerint, nullus eorum tamen scribit, Episcopos Victori hanc potestatem negâsse, sed tantùm hortatos esse, ut pacis causâ nimîâ severitate temperaret. Et temperavit quidem Victor, sed ejus sententia contra omnium Asianorum, & Synodi Ephesinæ Decreta omnino vicit, ac Nicæno Concilio confirmata est. Paulò post Zephyrinus (b) Victori succedens hæresin Montanistarum & Cataphrygum anathemate ferit, & præcipuum hujus hæresis Caput Tertullianum, quod ipsemet fatetur, (c) unde perpetuum Tertulliani in Pontifices odium, more omnium hæreticorum, Judicem, à quo plectuntur, averfantium. De ejusdem Zephyrini contra Cataphrygas Decreto hæc scribit Tertullianus: *Audio etiam, decretum esse propositum, & quidem peremptorium; Pontifex Maximus, Episcopus Episcoporum dicit; ego & mœchia, & fornicationis delicta sanctis pœnitentiâ dimitto.* Ubi observas, jam tunc temporis, quamvis flagrante persecutione, Romanos Pontifices supremâ auctoritate suâ uti solitos esse, in materia videl. fidei (talis enim erat, de qua tunc temporis quærebatur, videlicet, an relapsi ad pœnitentiam recipi possent) Decreta, & quidem *peremptoria*, hoc est, definitiva proponendo, quibus omnes Christi fideles obedire tenentur; hæc verò Decreta, ut aliàs ostendi, infallibilitatem Pontificiam supponunt. Origenes à Dionysio Episcopo Alexandrino hæresis ac-

Mmm

cusa-

(a) Niceph. lib. 4. cap. 30. Tertull. de Præscript. cap. 53. Euseb. 5. hist. cap. 9.

(b) Anno 215.

(c) Tertull. de jejun. cap. I.

cusatus, fidei suæ professionem Romam ad Fabianum Pontificem misit: (a) sed cum calamo fides non haberetur, ipse Romam accessit, (b) ratus, se hæresis notâ satis absolutum fore, si à Romano Pontifice reciperetur.

Cyprianus, omnesque ferè Africani Patres, à Stephano Papa (c) anathemate percussi, aut saltem territi, ob repetitum hæreticorum baptismum. Ubi planè enituit invicta Romanorum Pontificum auctoritas, quando contra torrentem Africanæ eloquentiæ, & sanctitatis, frustrâ obnitente Cypriano (cujus in Ecclesia Catholica eâ tempestate summa veneratio) veritati suffragium tulit, effecitque, ut toto Orbe probaretur. Planè nunquam magis credi potuit, errâsse Pontificem, quàm cum Cypriano, totque, & tam numerosis Synodis (in quibus florem Catholicæ Religionis facilè collectum vidisses) adversatus est; vicit tamen, & pro illo veritas stetit. Quando errabit Pontifex, si tunc non erravit? num aliquando doctiores, sanctioresque adversarios habebit, quàm Cyprianum, & tot alias Synodos Orientis? ergo si tunc, quando tam multi, robustique impellebant, hæc Petra non cecidit, frustrâ expectas aliquando casuram; stetit, stabitque, ut Petram decet.

*Dices:* Etiam post prolatam à Stephano sententiam, dirasque intentatas nec Cyprianus, nec alij Africanæ Episcopi acquiescere; non ergo credebant, Pontificem falli non posse.

*Resp.* De certamine Cypriani cum Stephano alibi dictum est, & dicetur postea, cum objectiones dissolvemus; nunc verò id solum dico, Cyprianum, ejusque asseclas, si crediderunt Pontificem ex Cathedra docentem falli posse, omninò errâsse; neque id mirum est, aut absurdum; si enim errârunt circa Baptismum, cur non errare potuerint circa Pontificem? & si tu absurdum & falsum esse non credis, cum dicitur, Cyprianum circa Baptismum errâsse, cur absurdum, & falsum esse credas, cum dicimus, errâsse circa Pontificem? præsertim cum nemo unquam falsam doctrinam pertinaciter defenderit, qui non hoc ipso cum Romano Pontifice bellum gesserit, jurato videlicet, & necessario mendacij hoste, ac vindice veritatis; ut adeò unum idemque sit, Pontifici bellum,

(a) Anno 248.

(b) Euseb. lib. 6. hist. cap. 28. 29.

(c) Anno 258.



bellum, & veritati indicere, quemadmodum unum idemque est, in leges & in Judicem offendere. Et verò ubi primus ille animorum ardor deferbuit, qui Cypriani, & Firmiliani calamos myrrhâ, & felle impleverat, redijtque serenitas agnoscendæ veritati necessaria; resipuit Cyprianus, totumque illud agmen Africanorum, seque Pontifici Romano submisit. Cùm ergo Cyprianum habeamus, & errantem, & pœnitentem, quærimus ex Gallis, cur malint errantem sequi, quàm pœnitentem? Audi Augustinum: (a) *Correxisse autem Cyprianus istam sententiam non invenitur, non incongruenter tamen de tali viro existimandum est, quòd correxit, & fortasse suppressum sit ab eis, qui hoc errore nimium delectati sunt, & tanto velut patrocinio cavere noluerunt.* Idem testatur clarissimis verbis S. Hieronymus de Episcopis, qui cum Cypriano decreverant, hæreticos rebaptizandos esse. Verba Hieronymi hæc sunt: (b) *Denique illi ipsi Episcopi, qui rebaptizandos hæreticos cum Cypriano statuerant, ad antiquam consuetudinem revoluti (quæ habebat, non esse rebaptizandos hæreticos, & quâ maximè Stephanus nitebatur) novum emisere Decretum.* Et Cresconius Donatista objicit Augustino: (c) *Majores nostri (Donatistæ videlicet) ab Orientalium propter eam communionem discreti sunt, quia illi suum judicium resciderunt, quo eis placuerat de illa questione (an videlicet hæretici rebaptizandi essent) Cypriano, atque illi Africano Concilio consentire oportere.* Cui respondet Augustinus: (d) *Paucos illos Orientales, quinquaginta videl. (totidem erant Episcopi in Synodo Iconiensi Firmiliano præsidente) non tantum judicium suum rescidisse, verum etiam correxisse.* De Dionysio quoque Patriarcha Alexandrino mutasse eum sententiam, ac Stephano manus dedisse clarum videtur, tum ex familiarissimis ejus Epistolis ad Xistum Stephani successorem apud Eusebium: (e) *tum quia ad eum Stephani sententiæ accesserat, ut ne quidem fratrem quendam atate admodum proveltâ, & Baptismate apud hæreticos tinctum, sed pleno impietate, plenog, blasphemia, neq, ullam omnino cum nostro habente similitudinem, sit ausus rebaptizare, nisi permitteret Romanus Pontifex; sic enim epistolam ad Xistum concludit: Profectò opus habeo*

Mmm 2

(a) August. epist. 48. ad Vincent.

(b) S. Hieron. Dial. contra Luciferianos.

(c) Crescon. lib. 3. cap. 2.

(d) August. contra Crescon. lib. 3. cap. 3.

(e) Euseb. lib. 7. cap. 9.

habeo Frater consilio Tuo, & sententiam Tuam expello, ne forte ipse hallucinet talis negotio ad me delato. Ita Eusebius; patet ergo, Africanos Episcopos, eorumque Coryphæos Firmilianum, & Dionysium sententiam correxisse. Quando ergo Arelatenſe, quod multò post celebratum est, canone 1. decernit: *Afrs propriâ lege uti, ut rebaptizent*, intelligendum est, ut bene notavit Sirmondus, non de quibuscunque Catholicis Afris (quales erant Cypriani sectatores) sed de Afris Donatistis & Schismaticis; & ideo in Concilio Romano ante Concilium Arelatenſe celebrato sub Melchiade Papa, Donato etiam ab Africæ Episcopis vitio datum, imò damnatus est, quòd *confessus esset se rebaptizasse*, teste Optato Milevitano; ergo certum est, eâ tempeſtate non fuiſſe apud Africanos moris, ut tincti ab hæreticis iterum tingerentur, alioquin quomodo ab Africanis Episcopis id ſoli Donato crimini verteretur? Hæc omnia eò ſpectant, ut ostendamus, Africanos Episcopos, præſertim Firmilianum & Dionysium reſipuiſſe. Jam Lectoris judicium eſto, quorum æquior ſit cauſa: adverſariorum, qui errantes Africanos ſequuntur, an noſtra, qui ſequimur poenitentes? Illud quoque ex Auguſtino addendum; paucos fuiſſe, qui cum Cypriano Pontifici obluſtabantur: (a) *Quinquaginta videl. Episcopi Orientales, & ſeptuaginta Afri contra tot millia Episcoporum, quibus hic error (Cypriani) in toto Orbe diſſicuit.* Quæro jam iterum, utrum magis expediat paucorum errores amplecti, an multorum veritatem, inò tot millium Episcoporum, & totius Orbis conſenſum, qui Romani Pontificis ſententiam venerati ſunt? Quanquam ſi verum dici oportet, nihil Stephanus ex Cathedra, & per modum Dogmatis definiit; cùm enim Cyprianus Anno CCLVI. in ſecundo Carthaginenſi Concilio, quò omnes Africæ Episcopi convenerant, ſolemni Decreto hæreticorum baptiſma damnâſſet, illudque per literas Synodicas Stephano Papæ confirmandum miſiſſet, Stephanus in hæc verba reſpondit: *Si quis à quacunq; hæreſi venerit ad nos, nihil innovetur, niſi quod traditum eſt.* Quibus verbis planè contrariam Cypriani ſententiam hæreſis non damnavit, ſed vetuit tantùm, *nihil innovari*, hoc eſt, antiquam Eccleſiæ traditionem, uſumque retineri, donec tota hæc quæſtio in Concilio Univerſali decideretur, ut ſæpe teſtatur Auguſtinus. Et meritò ad Concilium

(a) S. Auguſt. contra Creſconium lib. 3. cap. 3.

cilium universale rejecta est, cum enim potissima quaestio facti, non juris esset: *An videlicet rebaptizatio haereticorum antiqua totius Ecclesiae consuetudini, & traditioni adversaretur*, merito Concilium universale expetebatur, ut videlicet singuli Episcopi de suarum Ecclesiarum usu ac consuetudine testari possent. Et quia pauci Episcopi Africani contra tot millium Episcoporum, imò totius Orbis sententiam (ut testatur Augustinus) non solum privatam opinionem sustinebant, verum etiam contra Decretum Pontificis Romani ne quidem operiri Concilium, & interim repetito Baptismo abstinere volebant, imò primam Sedem convitijs onerabant, planè sacro calamo indignis (qua de causa S. Augustinus (a) Cyprianum reprehendit) jure merito excommunicationem illis Romanus Pontifex Stephanus minatus est, non tamen inflixit, deprecante Dionysio Patriarcha Alexandrino; sic enim ipse testatur epistolâ ad Xistum Pontificem: (b) *Atque ut pro omnibus Episcopis illum deprecarer, epistolam scripsi.* De quo vide Schelstrate (c) & Alexandrum Natalem, (d) & simul adverte, moris fuisse, ut sanctissimi Episcopi excommunicationem apud Romanos Pontifices deprecarentur, eamque ne vibrarent dissuaderent; sic Irenaeus Victorem, sic Dionysius Stephanum Pontifices rogârunt.

Ex hoc Cypriani conflictu magnum pro Infallibilitate Pontificia argumentum sumitur. Cyprianus tantâ doctrinâ, pietate, eloquentiâ, ingenio, ac insuper tot Episcoporum, & trium Synodorum votis subnixus, ubi tamen à Romano Pontifice secessit, in haeresin & errores prolapsus est, postea ab Ecclesia damnatos; naufragium fecit, anchoram perdidit; quis ergo deinceps speret, se absque periculo & impune à Romani Pontificis sententiâ deflexurum, sibi que stationem promittat Cypriano cadente? *Tu es Petrus, & super hanc Petram, inquit Christus, aedificabo Ecclesiam meam.* Ergo super hanc Petram aedificium es, extra hanc Petram ruina.

Anno CCCLXXIII. Primus Damasus haeresin Apollinaris, simulque Timotheum & Vitalem Apollinaris discipulos extra Concilium Oecumenicum damnavit. Negabant isti Divinitatem Spiritus S. Damasi verò Decretum fuisse preteritorium &

Mmm 3

deci-

(a) August. lib. 5. contra Donat. cap. 25.

(b) Apud Euseb. lib. 7. cap. 5.

(c) Schelstr. in antiquit. illustrata p. 2. dissert. I. cap. 5. 2. 5.

(d) Alex. Natal. ad seculum 3. Dissert. 12.

decisivum, ac necessitatem Ecclesijs imposuisse, ut reciperetur, authenticis Documentis probari potest, ac insuper testimonio Ecclesiæ Gallicanæ. Theodoretus hæc habet: (a) *Damasus simul ut exortant hanc hæresin accepit, non Apollinarem solum, verum etiam Timotheum ejus discipulum abdicavit, quam rem etiam Episcopi Orientalibus significavit.* Damasus ipse in epist. ad Episcopos Orientis: (b) *Scitis velim, Fratres, nos Timotheum ipsum cum impio ejus dogmate jam pridem abdicasse, & ob eam causam credimus, impias ejus reliquias nihil in posterum momenti habituras. Jam enim semel formulam fidei edidimus &c.* Et post pauca: *Quid est, quod abdicationem Timothei à me rursus requiritis, qui etiam hic judicio Sedis Apostolica abdicatus est unà cum Magistro suo Apollinari? quod si alios quosdam ad suam perducant sententiam, sciant illi, se cum illo unà perituros, ut qui animum induxerint Ecclesiæ Canonici repugnare.* Nota illa Damasi verba: *Jam pridem impium ejus dogma abdicavimus, quam ob causam credimus, ejus reliquias nihil in posterum momenti habituras.* Quæ causalis supponit omnino, sententias Pontificis Romani in causis fidei esse ultimas & irreformabiles, alioquin quæ esset consequentia? *Damnavimus dogma Apollinaris, ergo illud dogma nihil amplius momenti habebit?* Imò habebit, quia damnatio Pontificis revocari potest, & errori subjecta, nec certam fidem facit, nisi ab Ecclesia recipiatur; non ergo sufficit à Damaso damnatam esse. Sed & illa verba: *Sciant, se cum Apollinari unà perituros, &c.* eandem Infallibilitatem ostendunt. Ipsi Gallix Episcopi ex hoc Damasi Decreto Pontificiam Infallibilitatem recentissimè agnoverunt, & Papæ Decreta divinà ac summà per universam Ecclesiam auctoritate nisi professi sunt. Sic enim ad Innocentium X. anno 1653. scribunt: *Perspectum enim habebat (Zosimus videl. PP.) non solum ex Christi pollutione, sed etiam ex actu priorum Pontificum, & ex anathematis suis adversus Apollinarem & Macedonium nondum ab ulla Oecumenica Synodo damnatos à Damaso paulò ante jactus, judicia pro sancienda Regula fidei à Summis Pontificibus lata, divinà aequè ac summà per universam Ecclesiam auctoritate nisi, cui Christiani omnes ex officio ipsius etiam mentis obsequium prestare teneantur.* Neque obstat, post Damasi definitionem in Concilio Constantinopolitano eandem Pneumatomachorum causam fuisse agitatam, damnatamque; neque enim id factum, quod sententia Pontificis incertæ fidei esset, ac retra-

ctari

(a) Theodoret. lib. 5. cap. 10.

(b) Theodoretus ibidem.

ari posset, sed quia hæretici eadem temeritate, quâ Spiritui Sancto sacræque Scripturæ, etiam Pontificum judicio oblectabantur, & quid mirum, qui DEO & Scripturæ non credebant, non credidisse Pontifici? num ideò errare scriptura potest, quia hæretici scripturæ non credunt? Ut ergo eorum contumacia tot Patrum doctrinâ & pietate florentium testimonijs, ac insuper argumentis, quæ ab illis in medium proferebantur, vinceretur, permisit Papa, eandem causam in plenario Concilio agitari, cujus auctoritas licet non sit major Pontificiâ in *decernendo*, ac *decidendo*, est tamen major in *docendo* & *instruendo*, ob præclaram scientiam, facundiam, ac Zelum Episcoporum, qui Concilio intersunt. Sicut ergo cùm Christus Apostolis dixit: *Paracletus autem Spiritus, quem Pater mittit in nomine meo, ille docebit vos omnia, & suggeret vobis omnia, quacunque dixerò* (Græcè *ἵππων*, hoc est, dixi, prout etiam Arabicus & Syrus habet) *vobis*; non ideò sequitur, Spiritum Sanctum majoris esse auctoritatis, quàm Christum, aut posse corrigere, quæ à Christo dicta sunt; sed tantùm, Spiritûs Sancti partes esse, insinuare, explicare, & credentium animos suaviter, fortiterque disponere, ut credant, quæ à Christo dicta sunt; ita Concilij partes sunt, non immutare Pontificum Decreta ad fidem pertinentia, sed solum explicare, & fidelium animos doctrinâ, eloquentiâque, quæ in Concilijs abundant, permovere. Et hoc modo intelligendus est etiam S. Augustinus, quando, præcipuè in causa S. Cypriani, Concilium Universale toties commendat. Verbo, Papa est supra Concilium in *decernendo*, Concilium supra Papam in *docendo*, si non semper, at sæpè; quemadmodum major potest esse in Senatoribus & Consultoribus doctrina, jurisque peritia; at penès Judicem major, imò unica potestas judicandi, litemque finiendi. Et illud quoque observatione dignum, quod S. Hieronymus notat, videl. in Synodo Nicæna, quæ anno 325. celebrata est, nullam fieri expressam mentionem errorum Origenis, Valentini, Marcionis, Cataphrygum, aut Manichæi, (a) quos certè ante Synodum fuisse dubium non est. Ex quo evidenter colligitur, Patres Nicænæ Synodi sententias Summorum Pontificum pro indubitatis habuisse, alioquin cur eas hæreses intactas & indemnatas relinquerent, quas soli Pontifices damnassent extra Concilium Universale? damnatas enim

(a) Hieron. epist. 65. cap. 2

enim esse à Pontificibus, & ided quoque ab Ecclesia reje&as patet tum ex ijs, quæ diximus, tum ex luculento Damasi testimonio, sic enim ad Stephanum Archiepiscopum Carthaginensem, & tria Africa Concilia scribit: *Scitis, Fratres Charissimi, firmamentum à DEO fixum, & immobile suorum Sacerdotum, id est, omnium Episcoporum Apostolicam Sedem esse constitutam, & verticem Ecclesiarum &c. nam ut nòstis, Synodum sine ejus auctoritate fieri non est Catholicum, neq; ulla unquam Concilia rata leguntur, qua non fuerint ejus fulta auctoritate &c.* Et circa medium: *Cujus Sedis Apostolica ante omnia decebat eos (Patres Concilij Ariminensis) expectare Decretum.* Quæ tantum abest, ut ab Episcopis improbata fuerint, ut ipsi potiùs ad eundem Damasum ita scriberent: *Notum facimus Vestra Beatitudini, quod quidam fratres venerabiles Episcopos vobis inconsultis à proprio dejiciunt gradu, cum Vestra Sedi Episcoporum judicia & summorum finem negotiorum Patrum decreta omnium cunctam reservavere sententiam inquirendi de DEJ rebus, quas omni curâ & solitudine observare debemus.* Hæc omnia falsa sunt, si Pontifex errare, ejusque sententiæ in materia fidei corrigi possunt; quomodo enim finis negotiorum summorum Pontifici reservatur, si aliud adhuc Ecclesiæ aut Conciliorum examen. & judicium expectandum est? Quomodo Sedi Romanæ Patrum Decreta omnium cunctam reservavere sententiam, si post ejus sententiam, quia errare potest, alijs sententijs locus est? Quomodo nulla Concilia rata leguntur, qua non fuerint Sedis Apostolicæ fulta auctoritate, cum potiùs Sedis Romanæ judicia non sint rata ex mente adversariorum, nisi Conciliorum auctoritate fulciantur?

Anno CCCXC. Emerfit, larvamque deposuit hæresis Joviniani. Eam S. Hieronymus acris, flammatoque stylo confixit, crederes non tam scribere, quàm tonare; sed dum totus est in extollenda Virginitate, visus est in extrema prolabi, & matrimonium quoq; averfari, unde multorum in Hieronymum querelæ, quas ille scriptâ apologiâ delevit. Siricius verò Papa, ubi eam hæresin detexit, coactâ Romæ Synodo continuò damnavit, datisque litteris ad S. Ambrosium, nam Mediolani quoque grassabatur, pro damnata haberi eam voluit. Sic enim scribit: *Nos sanè nuptiarum vota non aspernanter accipimus, sed Virginum nuptias majore honorificentia honoramus.* Facto igitur Presbyterio (hoc est Synodo) invenimus, ea doctrina nostra, hoc est, Christi esse contraria, unde omnium nostrum tam

Pres-



*Presbyterorum & Diaconorum, quàm totius Cleri una lata fuit sententia, ut Jovinianus, Auxentius, Genialis, divinâ sententiâ & nostro judicio in perpetuum damnati extra Ecclesiam remanerent. Quod custodituram Sanctitatem Vestram non ambigens hac scripta direxi. Ubi etiam nota, Siricium Pontificem pro eodem habere, Dei & Papæ judicium. Respondit Ambrosius suo & Mediolanensis Synodi nomine: (a) Recognovimus litteris Sanctitatis Tuae boni Pastoris excubias, qui fideliter commissam Tibi januam servas, & piâ solitudine Christi ovile custodis, dignus, quem Domini oves audiant & sequantur.*

Anno CCCCi. Anastasius Papa Rufinum Origenistarum Coryphæum Romam vocat ad causam dicendam; sed tergiversantem, & comparere renuentem (quippe haud ignorabat, si semel Romæ hæresis notaretur, se toto Orbe Catholico abominationi, & pro hæretico habitum iri) hæresis damnat, & unâ Infallibilitatem Pontificiam egregio testimonio sancit; audi Hieronymum, & postea ipsum Anastasium; Hieronymus ergo hæc de Rufino scribit: (b) *Innocentem te vocas, ad cujus interpretationem (translulerat enim Origenis Periarchon) Roma contremuit? Absentem, qui accusatus respondere non audes, & in tantum Romana Urbis judicium fugis, ut magis obfidionem Barbaricam, quàm pacatam Urbis velis sententiam sustinere?* Anastasius verò epist. ad Joannem Hierosolymorum Episcopum hæc habet: *Absit hac ab Ecclesia Romana nequaquam Catholica disciplina. Nunquam profectò eveniet, ut aliquâ hoc admittamus ratione, quod jure, meritoq; damnamus. Quapropter in toto Orbe Christi DEI diffusa providentia probare dignabitur, accipere nos omninò non posse, qua Ecclesiam maculent. Mihi certè cura non deerit, Evangelij fidem circa meos custodire populos, parteq; populis mei, per quaq; Orbis terrarum spacia diffusas, quantum possum, litteris convenire, ne qua profana Interpretationis origo subrepat. Audis, profiteri Anastasium: Nunquam per Christi providentiam eventurum, sed nec evenire posse, ut Romanus Pontifex recipiat, qua Ecclesiam maculent. Quid est hoc aliud, quàm infallibilem esse?*

Anno circiter CCCCxvi. Innocentius Primus hæresin Pelagianam damnavit extra omne Concilium Oecumenicum, & teste Augustino insigne Infallibilitatis Pontificiæ documentum post se reliquit. Sic enim de Innocentio apud S. Prosperum: (c) *Con-*

Nnnn

stini-

(a) V. Epistolas Rom. Pontificum Tomo I.

(b) S. Hieron. apolog. in Rufin.

(c) S. Prosper adv. Collator.



stitimus, in Pelagium atque Cælestium per venerabilem Episcopum Innocentium de Beatissimi Apostoli Sede prolatam manere sententiam. Et Gennadius: (a) Multos Cataphrygas (Innocentius videlicet) & Pelagium ac Cælestium invenit hæreticos, & damnavit eos, & hoc constituit; ut qui natus fuerit de Christiana, rursus nasci debeat per Baptismum; hoc est, baptizari debeat, quod Pelagius damnabat. Idem S. Prosper: Tunc Pelagianorum machina fracta, quando B. memoria Innocentius nefandi erroris capita Apostolico mucrone percussit. S. Augustinus l. 2. contra Pelagium & Cælestium c. 7. Cælestius B. Papa Innocentij non est ausus literis obistere, imò se omnia, qua Sedes illa damnaret, damnaturum esse promissit. Et lib. 2. cap. 3. contra duas epistolas Pelagianorum: Per Papæ Rescriptum causa Pelagianorum finita est, totoq; Orbe post ejus damnationem damnati sunt, ac litteris Innocentij tota de hac re dubitatio sublata est. Et contra Julianum l. 1. c. 4. Puta, eam tibi partem Orbis sufficere debere, in qua primum Apostolorum suorum voluit Dominus martyrio coronare. Cui Ecclesia præsentem Beatum Innocentium si audire voluisses, jam tunc periculosam juventutem tuam Pelagianis laqueis exuisses. Nihil enim potuit Vir ille Sanctus Africanis respondere Concilijs, nisi quod antiquitus Apostolica Sedes & Romana cum cæteris tenet perseveranter Ecclesia. Et serm. 2. de verbis Apostoli: Jam enim de hac causa (hæresi videlicet Pelagiana) duo Concilia missa sunt ad Sedem Apostolicam, inde etiam Rescripta venerunt; causa finita est, utinam etiam error finiat? Quomodo dici potest per Rescripta Apostolica causa finita esse, si judicia Romani Pontificis errori subjecta sunt, si examinari debent, si consensu Ecclesiæ, si sententiâ Concilij Oecumenici indigent? an Pelagiani respondere non poterant, nullo modo causam finitam esse, quippe in nullo Oecumenico Concilio damnatam; nam Concilia, quorum Augustinus meminit, fuerunt solum Provincialia? Ipsi denique Gallicanæ Ecclesiæ Antistites litteris ad Innocentium X. datis: Innocentius l. Pelagianam hæresin, inquit, damnavit olim ad Episcoporum Africa relationem; sic ad Gallicanorum Episcoporum consultationem hæresin ex adverso Pelagiana oppositam Innocentius X. auctoritate suâ proscripsit &c. Vides, non solum novum exemplum damnatarum ab Innocentio hæreseon, sed etiam Infallibilitatem Romani Pontificis palam assertam, quid enim aliud sonant illa Augustini verba: Per Papæ Rescriptum causa Pelagianorum finita est, ac litteris Innocentij tota dubitatio sublata.

(a) Gennad. de viris illustr. cap. 43.

*Praxis, ususq; Ecclesie pro eadem infallibilitate Pontificis &c.* 651  
sublata. Et illa: Puto, eam tibi partem Orbis sufficere debere, in qua primus Apostolorum martyrio coronatus est. Et illa: Nil potuit vir ille sanctus (Innocentius) Africanus respondere Concilio, quàm quod antiquitus Apostolica Sedes tenet &c.

Anno CCCCXVIII. Cælestius Pelagianus, cùm pollicitus esset B. Innocentij sententijs acquiescere, postea verò eandem hæresin redoleret, iterum Carthagine in Synodo 214. Patrum damnatus est; sed cùm ab hac Synodi Carthaginensis sententia appellâset, Zosimus Pontifex appellationem recepit; causa recipiendæ appellationis, teste Augustino: (a) Quòd Cælestius litteris B. Innocentij Papa, quibus de hac re dubitatio tota sublata est, consentire respondit, & propterea Libellus ejus Catholicus dictus est. Sed cùm Romæ Cælestius recusaret, errores, quâ famâ, quâ proprijs scriptis sibi impositos damnare, Zosimus Papa, & Cælestio, & hæresi Pelagianâ extremum vulnus inflixit, aded, ut post Zosimi Decretum toto Orbe deleta sit. Audi eorum temporum scriptores, qui & hoc testantur, & Pontificiæ Infallibilitati insigne suffragium præstant. S. Prosper: (b) Concilio, inquit, apud Carthaginem habito ducentorum decem, & septem Episcoporum ad Pontificem Zosimum Synodalia Decreta perlata sunt, quibus probatis per totum Orbem hæresis Pelagiana damnata est. Ipse Zosimus Pontifex epistolâ ad Aurelium & Episcopos Carthagine congregatos: (c) Quamvis Patrum traditio Apostolica Sedi auctoritatem tantam tribuerit, ut de ejus judicio disceptare nullus auderet, idq; per Canones semper, regulasq; servaverit; tamen cùm tantum nobis esset auctoritatis, ut nullus de nostra possit retractare sententia, nihil egimus, quod non ad vestram notitiam nostris ultro litteris referimus, non quia, quid deberet fieri, nesciremus, aut faceremus aliquid, quod contra utilitatem Ecclesie veniens displiceret, sed pariter vobiscum volumus habere tractatum &c. Nihil poterat pro Infallibilitate clariùs dici, qui enim falli possent Pontificem dicunt, consequenter etiam volunt, de Pontificis judicio disceptari, ejusq; sententiam retractari posse; id verò Zosimus negat; & quod Pontifices congregari subindè Concilia permittant, non id necessitatis esse, aut ignorantix, quasi quid deberet fieri nesciat, aut aliquid contra utilitatem Ecclesie decernere possit; sed ut fraternæ Charitati

Nnnn 2

con-

(a) S. August. ad Bonifac. contra litter. Pelagij lib. 2. cap. 3.

(b) S. Prosper. in Chron.

(c) V. integram epistolam apud Baron. ad ann. 418. n. 5.

*consulat.* Hæc omnia adversarios manifestè confundunt. Paulinus Diaconus epistolâ ad eundem Zosimum PP. *Beatitudinis Tua justitiam obsecro, Domine Zosime Papa Venerabilis; nunquam Fides vera turbatur, & maximè in Ecclesia Apostolica. Cui non sufficit ista sententia? (Pontificis videlicet Romani) quis hanc tam salubrem, tam amplexabilem, tam piam respueret alius, nisi qui à fide devius est?* Hæc omninò infallibilitatem Pontificiam sonant, alioquin & *fides Cathedra Romana turbari posset, nec esset à fide devius, qui Pontificijs Decretis non acquiesceret, nec sufficeret Romana sententia.* Ipse S. Augustinus l. 2. retrahat. c. 50. testatur, postquam Innocentius, & Zosimus Summi Pontifices doctrinam Pelagij ut hæreticam damnârunt, omnes Catholicos eos pro hæreticis habuisse.

Anno CCCCLXXX. Nestoriana hæresis palàm erumpere, larvâque deponere cœpit. Et Cyrillus Alexandria Episcopus ut primùm comparentem vidit, gravissimis scriptis confutavit, nec tamen priùs Nestorium pro hæretico habere, ejusque Communionem abstinere ausus est, quàm Cœlestini Pontificis sententiam exquireret. Hic verò indictâ Romam Synodo non solum Nestorium, hæresinque Nestorianam confixit, totoque Orbè proscriptam voluit, verùm etiam Patribus Synodi Oecumenicæ Ephesinæ, quid in hac causâ definire eos oporteret, præscripsit, prohibuitque, ne à sententia Romana vel latum unguem abscederent. Quid amplius cupias pro asserenda suprema & infallibili in causis fidei Pontificum auctoritate? si enim falli Pontifex potest, cur asserit Cyrillus, se nullâ aliâ ratione de Nestorio damnando certum reddi posse, quàm ex sententia Pontificis? & quid est aliud, esse infallibilem, quàm esse certum? & si potest errare Pontifex, cur non possit à Concilio corrigi? & si corrigi potest, cur prohibet, ne aliter Concilium judicet, quàm Papa judicavit? Planè tam sunt invicta Infallibilitatis Pontificiæ hæc argumenta, ut desiderari majora non possint. Sed testes audiamus. Cyrillus ergo epistolâ ad Cœlestinum (cujus hoc initium: *Si in rebus usque adeò serijs*) hæc scribit: *At quamvis ita res habeat, non priùs tamen illius communionem confidenter deferere ausi fuimus, quàm hac ipsa Pietati Tua indicarem.* Dignaris proinde, quid hîc sentias, declarare, quod siquid nobis constet, communicarène nos cum illo oporteat, an verò libere ei denunciare, neminem cum eo communicare, qui bujusmodi erroneam doctrinam

nam prædicat. S. Cœlestinus epistolâ ad Nestorium, quæ in Concilio Ephesino summis laudibus excepta est, & quam Evagrius (a) divinam appellat circa finem: *Aperit igitur hanc nostram scias esse sententiam, ut nisi hanc perfidam novitatem intra decimum diem aperta & scriptâ confessione damnaveris, ab universalis te Ecclesiæ Catholica communione dejectum scias, quam formam nostri judicij per filium meum Possidonium Diaconum destinavimus, ut agat vice nostrâ, quatenus statutum nostrum vel tibi, vel universis Fratribus innotescat.* Et in Commonitorio (b) suis Legatis ad Concilium Ephesinum dato, quod nuper Stephanus Balluzius edidit: *Auctoritatem Sedis Apostolica custodire debetis, & conventui interesse, ad disceptationem si fuerit ventum, vos de eorum sententijs judicare debetis, non subire examen.* Idem Cœlestinus epistolâ ad Synodum Ephesinam datâ: (c) *Direximus pro nostra sollicitudine sanctos Fratres & Confacerdotes nostros, qui ijs, quæ aguntur, interfint, & quæ à nobis antea statuta sunt, exequantur, quibus præstandum à vestra sanctitate non dubitamus assensum.* Et Projectus Cœlestini Legatus: *Litterarum S. Pape Cœlestini Episcopi formam vestra sanctitas consideret, ut ea, quæ & dudum antè definire, & nunc in memoriam revocare dignatus est, juxta communis fidei regulam ad finem deduci jubeatis.* Et ibidem Firmus Cæsareæ Cappadociæ Episcopus: *Apostolica & sancta Sedes Cœlestini sanctissimi Episcopi per litteras, quas misit etiam antè de præsentī negotio, sententiam, regulamq; præscripsit, quam nos quoq; secuti formam illam executioni mandavimus, Canonicum Apostolicumq; judicium in illum exequentes.* Vides, tantum abesse, ut Pontificum sententiæ tanquam errori obnoxie judicari, corrigiq; à Concilio debeant, ut potius illæ norma ac regula sint, ad quas Concilij Decreta exigī debeant, erratura & abolenda, si illis non respondeant; nec alias esse Concilij partes, quàm ut Pontificum sententijs jam prius prolatis exequantur, sic enim Cœlestinus, ejusque Legati, imò & Patres Concilij profitentur. Quod si Concilium à Pontificis sententia deflectat, non Pontifex errabit, sed Concilium: nec sententia Pontificis corrigi, sed Concilij debebit, quod tum ex allatis testimonijs constat, tum etiam luculento exemplo, quod in eadem Synodo Ephesina proditum est. Cum enim Juve-

Nnnn 3                      nalis

(a) Evagr. lib. 1. cap. 4. Baron. anno 430.

(b) Commonit. Cœlest. apud Balluz. ex M. S. Cod. Colbertino, & conservato in Bibliotheca Vaticana.

(c) Habetur in actis Synodi Ephes. p. 1. act. 2.

nalis Episcopus Hierosolymitanus ob celebritatem ejus Urbis contra Cæsariensis Episcopi jura Primatum totius Palestinæ affectâset, ac etiam communi totius ferè Synodi suffragio obtinisset, obstiterè Legati Apostolicæ Sedis, & auctoritate, quæ supra Concilium pollebant, Decretum Synodi abolitum voluere, id quod S. Leo Magnus memorat, simulque quantum Pontifex Romanus Concilio præstet, his verbis memoriâ dignis ostendit: (a) *Quoties, inquit, ob incurrentes causas Generalis Congregatio facta fuerit Sacerdotum, difficile est, ut cupiditas improborum non aliquid supra mensuram suam moliat appetere, sicut etiam in Ephesina Synodo Juvenalis Episcopus ad obtinendum Palestina Principatum credidit, se posse sufficere, quod sancta memoria Cyrillus merito perhorrescens multum poposcit scriptis suis, ut illicitu conatibus nullus præbeatur assensus. Hoc tamen proprium definitionis mea est, ut quantumlibet numerus Sacerdotum amplior aliquid per quorundam subreptionem decernat, id justitia consideratione cassetur. Iterum sæpè memoratus S. Cælestinus Papa epistolâ ad S. Ephesinam Synodum: Tandem malorum sine gaudendum est, tandem iniquè loquentium os videmus esse obstructum. Hujusce tamen fideliter peracta rei vos executores ac defensores nobiscum videamus fuisse fidei Sacerdotes. Ubi iterum vides, non alias esse Concilij partes, quàm ut exequatur, quæ à Summo Pontifice definita sunt. Unde facile responderetur Ludovico Dupino interroganti: Si Pontifices infallibiles sunt, quid opus cogi Concilia? Cui respondeo, cogi Concilia, non ut retractent, revocentque jam semel à Pontificibus definita, sed ut exequantur, ut illustrent, ut compellant, utque ab hæreticis objecta, quæ valent eloquentiâ & ingenio, resutent, prout clarissimè in Concilijs Nicæno & Ephesino apparuit, in quibus Christianæ fidei Dogmata præclarissimis argumentis non tantum definita, sed etiam illustrata & munita sunt. Non ergo convocantur Concilia, ut Pontificum Decreta examinent, vera an falsa sint, sed ut eorum veritatem magis, magisque illustrent; quemadmodum cum sacrarum Scripturarum sententias ad examen vocamus, non id agitur, ut de eorum veritate dubitetur, sed ut eadem veritas, quam illæ complectuntur, omnibus perspecta fiat, omni que argumentorum genere conspicua evadat: nam & qui telescopijs, alijsque instrumentis solem intuetur, non dubitat, an sol existat, luceatque, sed id agit, ut solem existentem & lucen-*

rem

(a) S. Leo epist. 62. Baron. ad ann. 431. n. 103.

tém magis, magisque agnoscat. Et quoties unum, idemque dogma in diversis Concilijs Oecumenicis examinatum, discussumque est? num idèd prioris Concilij dubia fides, & errori obnoxia? sit contra hæresin Arrianam post Nicænam Synodum etiam in Synodis Sardicensi, & Ariminensi actum est. Sic hæresis Nestoriana non solum in Synodo Ephesina, verum etiam in Chalcedonenſi & Constantinopolitana iterum, iterumque damnata est; & de una, eademque fidei veritate quàm multi Prophetæ vaticinati sunt? num idèd priorum Prophetarum falsa vaticinia, aut dubia, quia alij idem cecinère? Nihil ergo Pontificum auctoritatis obſtat, quòd, quæ ipsi definiverant, alia Concilia postmodum æquè deciderint, præsertim cum eorum decisiones, nisi Pontificis Romani auctoritas accederet, vanæ irritæque haberentur. Sed quid opus argumentis, quando ex allatis Patrum testimonijs constat, Concilia exequi tantum solita esse Pontificum Decreta, nec illis licuisse aliud pronuntiare, quàm Roma præscripsisset? Quæ testimonia sive Dupinus legit, sive non legit, æquè reus est; si enim legit, quantæ pertinaciæ est, agnoscere veritatem, nec tamen admittere? si non legit, quantæ temeritatis scribere, quæ ignoret? Et planè legenti Dupinum palàm est, non aliam ei metam fuisse, quàm Maimburgi argumenta (quæ in libello de privilegijs Ecclesiæ Romanæ recitaverat) exscribere, & Latinitati tradere, nullâ interim veritatis aut curâ, aut notitiâ. Sed hæc ex dicendis adhuc clariora evadant.

*Anno CCCCXLIX.* Celebrata est Synodus Chalcedonenſis, cujus occasione non solum auctoritas Romani Pontificis in damnandis etiam extra Concilium Oecumenicum hæreticis, ac statuendis fidei dogmatibus, verum etiam summa Infallibilitas multifariam enituit, multisque testimonijs & exemplis probata est, ut ex dicendis patebit. S. Leo ad Patres Ephesi in causa Eutychetis congregandos: (a) *Fratres nostros Julianum Episcopum, Renatum Presbyterum, & filium meum Hilarium Diaconum misi, qui vice mea sancto Conventui intersint, & communi vobiscum sententiâ, qua Domino sint placitura, constituant. Hoc est, ut primitus persisteo errore damnato etiam de ipsius, qui impudenter erravit, restitutione tractetur, si tamen sensus hæreticos, quibus imperitia ejus fuit irretita, planè, apertèque propriâ voce & subscriptione dam-*

*mina-*



naverit, quod etiam in Libello, quem ad nos misit, est professus, spondens per omnia nostram se esse sententiam secuturum. Vides, Leonem jam prædamnasse extra Concilium hæresin Eutychetis, nec suam jam prius prolatam sententiam Concilij arbitrio aut judicio subicere, sed potius & modum, & substantiam, quo procedere debeant, præscribere; num hoc aut Leo faceret, aut Concilium pateretur, si errare Pontifex posset? si infrà Concilium esset? nec enim minor majori præscribit, nec is, qui errare non potest, ab eo se doceri, duci & imperari permittit, qui errare potest. Idem S. Leo epistolâ ad Patres Synodi Chalcedonenſis: (a) *Tamen in his Fratribus, qui ab Apostolica Sede directi sunt, me Synodo Vestra Fraternitas existimet præsidere, qui nunc in Vicarijs meis adsum, & jam dudum fidei Catholica prædicatione non desum, ut, qui non potestis ignorare, quid ex antiqua traditione credamus, non possitis dubitare, quid cupiamus. Unde Fratres charissimi, rejectâ penitus audaciâ disputandi contra fidem divinitus inspiratam, vana errantium infidelitas conquiescat, nec liceat defendi, quod non licet credi; cum secundum Evangelicas veritates, secundum Propheticas voces, Apostolicamq; doctrinam plenissimè & lucidissimè per litteras, quas ad B. memoria Flavianum misimus, fuerit declaratum, quæ sit de Sacramento Incarnationis Domini nostri pia & sincera confessio. Si errare Pontifex potest, si Concilio subiectus est, cur non liceat ejus epistolam examini subicere? cur illi Patres Concilij adstricti sint? quænam ergo sunt notæ Infalibilitatis, si hæ non sunt? & quid ampliùs præstare Pontifex debet, ut credatur Concilio major, expertusq; erroris? Dicant adversarii, si quid habent, & si non habent, cedant veritati. Martianus quoque Imperator Oratione ad Concilium habitâ: De cætero autem nemo de nativitate Domini aliud disputare audeat, præter quod Apostolicum præcæmium trecentorum decem & octo Patrum consonans huic doctrina tradidisse noscitur, sicut Sanctissimi Papa Leonis, qui Apostolicum gubernat thronum, ad sanctæ memoria Flavianum, testantur litteræ. Et Valentinianus Imperator epistolâ ad Theodosium: (b) *Fidem, quam à nostris majoribus traditam accepimus, debemus cum omni devotione defendere, & dignitatem propria venerationis B. Apostolo Petro intemeratam conservare, quatenus Beatissimus Romana Ecclesiæ Episcopus, cui Principatum super omnes antiquitas contulit, locum habeat, ac facultatem de Fide ac Sacerdotibus judicandi.**

Hæc

(a) Leo epist. 47.

(b) Extat Tomo I. Concillorum ante Concil. Chalced.



Hæc enim gratiâ secundum solemnitatem Conciliorum & Constantinopolitanus Episcopus cum per libellos appellavit, propter contentionem, qua orta est de Fide. Et Galla Placidia ad eundem Theodosium Filium: Hæc itaque gratiâ mansuetudo Tua tantis malis resistens veritatem immaculatam fidei Catholica Religionis servari precipiat, ut secundum formam & definitionem Apostolica Sedis in statu Sacerdotij illaso manente, Flaviano ad Concilij (non Occumenici, sed Romani & nationalis Italix, quod Leo Romanum indixerat) & Apostolica Sedis judicium transmittatur, in qua primus ille, qui cælestes claves dignus fuit accipere, Principatum Episcopatus ordinavit. Vides hîc iterum, judicia in causis fidei Romanæ Sedis committi, reservariq; & ad illius præscriptum & normam instituenda esse, quæ utique summa est Infallibilitatis nota, cum oporteat regulam & normam erroris expertem esse.

Neg. dicas: Summos Pontifices more aliorum Episcoporum sententias quidem ferre in causis fidei, sed non ultimas, nec infallibiles & peremptorias, has enim Concilio reservari.

Respondeo, allata Patrum testimonia nimis esse clara, ut tam inanibus & ridiculis distinctionibus eludi possint. Si enim Pontificum sententiæ in causis Fidei non sunt decretoriæ, & definitivæ, sed solum doctrinales; cur Patres sub pœna anathematis eas recipi toto Orbe terrarum jubent? cur illis adstringunt Concilia, nec permittunt in dubium vocari? cur toties protestantur, non valere Conciliorum Decreta, nisi à Pontificibus confirmata? & quænam est censenda ultima & definitiva sententia, quæ nullam aliam expectat, à qua confirmetur? (quales sunt sententiæ Romanorum Pontificum) an quæ aliam expectat, à qua necessariò pendeat, quales sunt omnes sententiæ Conciliorum, ut supra ostendimus? Et denique potestatem Romanorum Pontificum causas fidei decidendi Patres in speciali privilegio fundant Cathedralis Petri; at verò Judicium ferre tantum doctrinale, quodque examinari, corrigiq; possit, nec prius certum reddatur, quàm Ecclesia illud acceptet, non est speciale Privilegium Sedis Apostolicæ, sed cujuslibet Episcopi, imò & privati Doctoris, Theologiæ utcunq; imbuti. Sed age jam alios quoque testes audiamus. Theodoretus epistolâ ad Renatum Cardinalem: (a). *Hac igitur de causa, inquit, tuam oro sanctitatem, ut persuadeas sanctissimo atque Beatissimo*

O o o o

Archib:

Archi-Episcopo Tuo, ut Apostolicâ utatur auctoritate, & præcipiat, ad vestrum convolare Concilium. Habet enim Sanctissima illa Sedes omnium per orbem terrarum Ducatum, & Principatum, multis quidem ex causis, præcipuè verò, quòd hæreticâ labe immunis permansit, & nullus, qui contraria sentit veritati, in illa unquam sedit, sed Apostolicam gratiam integram & immaculatam servavit. Quæ enim à nobis decernuntur, contenti his erimus, & illis acquiescimus, quacunque illa fuerint, vestro iusto iudicio confisi. Si teste Theodoro Primatus Romana Ecclesia præsertim in eo consistit, quòd hæreticâ labe immunis permansit, & nullus in ea sedit, qui contraria sensu veritatis; sequitur, ut quemadmodum semper penès Romanam Ecclesiam Primatus stetit & stabit, ita etiam semper Romana Sedes, & immunis fuerit, & immunis futura sit ab omni hæresi & errore; in hac enim Immunitate Primatus Pontificius (qui salvâ fide negari non potest) teste Theodoro consistit; sed hic Primatus est perpetuus, ergo etiam perpetua ea Immunitas. Illud quoque insigniter ostendit, quàm præcipuè sint partes Romani Pontificis in damnandis hæresibus, multoque supra Concilium; quòd cum in Synodo Chalcedonenſi omnium Patrum suffragio formula & confessio fidei contra hæreses Eutychetis contexta esset, eamque pertinacissimè Patres defenderent, aded ut contentâ voce clamarent: (a) *Definitio omnibus placet, hæc Fides Patrum, qui aliter sentit, anathema sit; altera Definitio non sit*; Legati nihilominus Romani Pontificis eam semper respuerunt (quòd videlicet non omnino Leonis epistolæ consentanea esset) parati Concilium dissolvere, ac te infectâ Romam reverti: Si enim, inqueiebant, non consentit Epistola Apostolica, & Beatissimi Viri Papa Leonis, jubete nobis rescriptam dari, ut revertamur. Ipsi quoque Concilij Iudices: Ergo addite Definitioni secundum iudicium Sanctissimi Papæ nostri Leonis, duas esse naturas unitas in Christo inconvertibiliter, inseparabiliter & inconsuse. Assenserunt Patres, aliamque Fidei formulam ex præscripto Leonis ediderunt. Quæro jam, quid apertius & efficacius dici possit pro superioritate Pontificis supra Concilium, proque ejus Infallibilitate? Si Pontifex Concilio subiectus est, cur imperat, non obsequitur? cur cogit? cur præscribit? & si non patitur, Patres Concilij aliter in rebus fidei loqui aut scribere, quàm ipse loquatur & scribat; quantum minùs pateretur, aliter sentire, aliter credere? Denique S.

Gela-

(a) Acta Conc. Chalced., act. 1.

Gelasius PP. opusc. de anathemate: *Cognoscant igitur illud* (Concilium videlicet Chalcedonenſe) *secundum Scripturas sanctas, traditionemque Conciliorum pro fide communi & veritate Catholica, & Apostolica, pro qua hanc fieri formam Sedes Apostolica delegavit, factamq; firmavit, à tota Ecclesia indubitanter admitti; alia autem, qua Sedes Apostolica nullatenus delegavit, mox à vicarijs Sedis Apostolica contradiſta manifestum.* Quid clarius dici poterat? Nihil videlicet in Concilijs etiam Oecumenicis definita valere, nisi à Sede Apostolica priùs præscripta fuerint, & postea confirmata.

*Obijcies I.* Sophronius (a) ex S. Gregorio narrat, Leonem cum epistolam dogmaticam contra Eutycheten, & Nestorium scripsisset, eam Apostolorum tumultu cum his verbis imposuisse: *Si quid ut homo, vel minus cautè posui, Tu, cui à Domino Salvatore nostro hac Sedes commissa est, emenda.* Post quatuor verò dies, quos inter preces & vigilias consumpserat, Apostolum apparuisse ac dixisse: *Legi & emendavi.* Quam cum Leo aperuisset, legissetque, *Apostolicam manu emendatam* invenisse. Nisi ergo Petrus emendasset, Leo in rebus fidei tradendis errasset; cur ergo non possint alij Pontifices errare, doctrinà & pietate Leone inferiores, & quorum epistolas non solet Petrus emendare?

*Resp.* Priùs oporteret istarum visionum veritatem ostendi, quàm ex illis argumentari; nec enim potest esse certa, & necessaria consequentia ex incertis, dubijsque principijs: & nos certa, non dubia querimus, nec ex visionibus, sed ex traditione, Patrumque doctrina argumenta petimus; mirumque est S. Leonem nihil de hac Petri emendatione dixisse, quo fidem epistolæ suæ adstrueret; fuissetque operæ pretium, quando videlicet Eutychiani eandem epistolam corruperunt, aded ut Nestorianismum redolere, multisque in Ecclesia Alexandrina suspecta hæresis videretur; quæ causâ fuit, ut B. Leo (b) datis ad Martianum literis Imperatorem rogaverit, curaret epistolam suam fideliter in Græcam linguam transferri. Sed demus, hanc visionem certam esse; quis nescit potuisse emendari epistolam, non quòd errorem aliquem fidei contineret, sed quia tamen mysterium aut non plenè, aut non clarè, aut verbis mysterio imparibus explicabat? nam & do-

Oooo 2

num,

(a) Sophron. Prato spirit. 147.

(b) S. Leo epist. 69. Baron. ad ann. 454.

rum, & imaginem, & faciem emendamus, integrâ, nec mutatâ substantiâ. Imò hoc ipsum ostendit, quantâ, quamque speciali providentiâ DEUS Pontificio calamo moderetur, ut quantumvis humano aliquo errore tangatur, non permittat tamen, eum in Ecclesiæ perniciem vulgari, sed illum quovis modo emendet, seu miraculo, seu speciali revelatione, qualis & Petri fuit, de quo Christus: *Beatus es Simon Barjona, quia caro, & sanguis non revelavit tibi, sed Pater meus, qui in cœlis est.* Et Caiaphæ Summi Sacerdotis, qui licet impiissimus, & in ipso procinctu flagrantis Deicidij, prophetavit tamen privilegio Pontificatûs. *Prophetavit, inquit Evangelista, quia Pontifex erat anni illius.* Si prophetavit Caiphas, quantò magis prophetabit Innocentius, prophetabit Alexander, ubi non de occidendo DEO, sed fide stabiliendâ agitur?

*Obijciunt II.* Epistola Dogmatica S. Leonis à multis impugnata est, nec priùs admissa, quàm post longum examen; id enim S. Leo testatur epistolâ ad Theodoretum: (a) *Gloriamur, inquit, in Domino, qui nullum nos in nostris Fratribus detrimentum sustinere permisit, sed qua nostro priùs ministerio desiniverat, universa Fraternalitatis irretractabili firmavit assensu, ut verè à se prodixisse ostenderet, quod priùs à prima Sede firmatum totius Christiani Orbis iudicium recepisset.* Nam ne aliarum Sedium consensus assentationis esse videretur, inventi priùs sunt, qui de nostris iudicijs ambigerent. Et dum nonnulli à Dissensionis incitati auctore ad contradictionis bella profiliunt, ad majus bonum malum ejus perventum est. Ipsa quoque veritas clariùs enitescit, dum, qua fides priùs docuerat, postea examinatio confirmat. Multùm denique Sacerdotalis officij meritum splendet, ubi sic summorum servatur auctoritas, ut in nullo inferiorum putetur imminuta libertas. Si ergo doctrina Leonis, quam in Dogmatica sua epistola expresserat, in dubium & ad examen vocata est, sequitur, quòd non crediderint Patres, Leonem errare non posse; quis enim rem certam examinet? Sic etiam Eusebius Mediolanensis Episcopus coactâ Synodo eandem epistolam ad normam Traditionis exegit; sic enim ad Leonem scribit: *Recitatâ epistolâ, quam ad Orientem Sanctitas vestra transmiserat, claruit, eam Prophetarum assertionibus, Evangelicis auctoritatibus, Apostolica doctrina testimonijs, omnibusque sensibus convenire, quos Beatus Ambrosius suis libris inseruit.* Ex his Alexander Natalis

(a) S. Leo epist. 65.

lis concludit, (a) summi quidem Pontificis partes esse : *Ut causas fidei ad Synodum referat, ut formam edenda Definitionis in causa fidei concipiat, ut in fide, & pace Ecclesiarum constituenda à sacris scripturis, à Canonibus, à traditione majorum nullo pacto discedat; quod, utrum ita se habeat, expendere partes Concilij erunt, & ita non prius Decreta Pontificum rata & certa esse, quam à Concilio confirmentur.*

Resp. Hæc Objectio multa complectitur, quæ sigillatim sunt examinanda. *Primò. Epistola, inquit, Leonis, diu multumq; prius examinata est, quam reciperetur. Esto; sed nego, omne examen, omnemq; disputationem esse de re incerta, dubiaque. Quanto studio, quantisque disputationibus sacras litteras examinamus, earumque mysteria discutimus, ac innumeris objectionibus exercemus? Num idèd incertæ veritatis sunt, & qui illas dictavit Spiritus S. errori obnoxius est? Et Christus Joannis s. Scrutamini scripturas, & illa sunt, quæ testimonium perhibent de me. Num verba & prædicatio Christi dubiæ fidei, quia eorum veritas ad testimonia Prophetarum examinanda erat? Quàm multis, varijsque instrumentis Astrologi Solis, Lunæque cursum, & eclipses examinant, observantque? Num idèd de Solis existentia, motu, umbraque ambigui sunt? Non ergo sequitur, ut, quidquid examini subicitur, mox sit incertum, & dubiæ fidei; aliqua enim examinamus, quia licet vera, falsis tamen aliunde suggestis admixta sunt; sic aurum igne examinatur, ut à fæcibus purgetur; alia examinamus, quia licet vera, nobis tamen obscura sunt. Utrumque accidit epistola Dogmatica Leonis; nam ut suprà diximus, Eutychiani eam corruperant, & Nestorianismo miscuerant, ne fidem mereretur. Rursus quia Latino idiomate, cujus plerique in Synodo Patres ignari erant, concepta, à quàm plurimis malè intelligebatur, adèd ut Romanis Legatis ei explicandæ sudandum fuerit; quàm primùm verò explicata est, omnium vota promeruit, nullo examine, nullo conflictu consensum morante. Id ita esse pater ex actis Concilij; cum Palestinæ, & Illyrici Episcopi ignorantia linguæ aliqua in epistola Leonis non intelligerent, & idèd consensum suspenderent, tandem edocti industriâ Legatorum sic locuti sunt: *Factum est autem nobis certum de epistola missa ab ipsis Beati tudine à sanctissimis Episcopis Paschasino, Lucenio, qui nobis dilucidaverunt, quæ obscuritas lingua secernere**

O o o o ;

sub.

*subnotabat.* Quæro igitur, si linguam Syriacam ignotanti Evangelium Syriacè conscriptum exhibetem, peteremque, ut continuo assensum suum præberet, is verò differret, ignorantiam linguæ causatus; an propterea dicendus esset de Evangelij veritate dubitare? Non ergo epistola Leonis examinata est, ex qua parte Leonis erat, sed ex qua parte aut ab Eutychanis corrupta, aut à Græcis malè intellecta imperitiâ sermonis; alioquin de illius veritate nullam dubitandi, disputandique rationem fuisse tam certum est, ut nihil certius esse possit; sic enim ipse Leo epist. 45. ad Synodum: *Fratres charissimi, rejectâ penitus audaciâ disputandi non liceat defendi, quod non licet credi, cum secundum Evangelicas auctoritates plenissimè & lucidissimè per litteras, quas ad Flavianum Episcopum misimus, fuerit declaratum, quæ sit de Sacramento Incarnationis pia & sincera confessio.* Et epistolâ 33. ad Pulcheriam Augustam: *Simplex est, & absolutum quod poscunt, ut remoto longarum disputationum labore Cyrilli epistola acquiescat, & epistola mea, qua ad Flavianum Episcopum est directâ, consentiat, quia & mea, & Sanctorum Patrum concors & una confessio est, quam si quis existimaverit non sequendum, ipse se à compage Catholica Unitatis abscindit.* Et actione 1. Concilij Chalcedonenlis Lucentius Legatus: *Quoniam Sancta memoria Flaviani fides concordat cum Apostolica Sede, & Patrum traditione, sententiam, quâ illum ab hæreticis constat esse damnatum, in eos retorqueri à sancta Synodo necesse est.* Et actione 2. Cécropius Sebastopolitanus: *Emerferunt, qua ad Eutyben pertinebant, & super ijs forma data est à sanctissimo Episcopo Romana Urbis, & epistola omnes subscripsimus; Reverendissimi Episcopi clamaverunt: Omnes ista dicimus.* Et actione 4. Sedis Apostolicæ Legatus: *Manifestum est, nec poterit dubitari, unam Fidem Beati Papa Leonis cum trecentorum decem & octo Patrum apud Nicaam concordare, &c.* Ex his alijsque, quæ prolixè in medium adduci possent, clarissimum est, epistolam Leonis hujusmodi fuisse, ut nullus Catholicorum de ejus veritate dubitaverit, præsertim postquam obscuræ quædam sententiæ ob ignorantiam Latinæ linguæ à Romanis Legatis explicatæ sunt. Quòd verò Monachi quidam Eutychiani, adeoque hæretici Leonis epistolâ subscribere noluerint, nihil causæ nostræ officit; nec enim contendimus, Infalibilitatem Pontificis apud hæreticos certam esse, sed apud Catholicos tantum. Imò illi ipsi, qui epistolam Leonis in dubium vocabant, renuebantque illi subscribere, æquè Concilij Decreta



in dubium vocabant, æquè adversabantur, æquè cum sacris Concilij Nicæni Canonibus conferri volebant; cùm enim Patres sæpè decrevissent, Leonis epistolam recipiendam esse, quique ei subscribere nollet, anathemate feriendum, hæresisque notandum; pergebant tamen oblatrare, adversarique. Si ergo Infallibilitas Pontificis idèò neganda est, quia aliqui circa ejus epistolam conflabantur; æquè Infallibilitas Concilij neganda erit, cùm istius Decreta ab illis ipsis respuerentur, qui Pontificiam epistolam respuebant, ut videre est totâ ferè actione 4. Et idèò hujusmodi concertationes & dubitationes tam S. Leo loco citato in Objectione, quàm Patres Concilij actione 4. *À spiritu malo contradictionis & hæresis* profectas esse dicunt. Patet ergo hoc Alexandri argumentum quàm multis ex capitibus invalidum & inerme sit. *Secundò.* In præfata Objectione opponitur, epistolam Leonis fuisse collatam ab Eusebio Episcopo Mediolanensi alijsque, cum Sanctorum Patrum testimonijs & doctrina, cumque Decretis Concilij Nicæni, & tunc primùm receptam esse, cùm palàm fuit, eam nihil antiquæ doctrinæ adversum complecti; atqui nullâ collatione opuserat, si credebant, Leonem errare non posse.

*Resp.* Hæc Objectio non minùs Concilij Infallibilitatem, quàm Pontificis impugnat, nam & Concilij Chalcedonensis Decreta fuisse cum Decretis Nicænæ Synodi, Sanctorumque Patrum doctrina ab Episcopis collata, & idèò recepta, quia doctrinæ Patrum consentanea reperiebantur, innumeris ferè testimonijs ostendi possèt; aliqua tantùm libabimus. Episcopi Europæ sic ad Leonem Imperatorem loquuntur: *Chalcedone collectum magnum & Universale Concilium, ed quodd prædicta Concilia ( Nicænum videl. Ephesium, & Constantinopolitanum ) firmaverit, nihilq; commoverit, nec augmentum vel detrimentum fecerit, aut quidquam quæ tunc fuerunt definita commoverit, aut aliquid incongruenter interpretatum sit, servamus &c.* Vides hîc, Decreta Concilij Chalcedonensis cum Decretis aliarum Synodorum fuisse collata, & idèò ab Episcopis Europæ recepta, quòd cum Decretis Nicænæ, Constantinopolitanæ & Ephesinæ Synodorum concordarent; an propterea dicendum erit, Decreta Concilij Universalis inertæ fidei esse, nec priùs obligare, quàm à nobis cum sacris Scripturis, Patrumque traditione collata fuerint? Audi etiam Stephanum Episcopum epistolâ ad Leonem Imperatorem,



torem, quæ habetur post acta Concilij Chalcedonenſis: *Tanti & talis Concilij* (Chalcedonenſis videl.) *amplectere judicium Sereniſſime & Orthodoxe Imperator*, tales namq; ſapuiſſe comperimus omnes, qui verbo & doctrinâ DEO placuerunt, id eſt, *Beatus Athanaſius, ſic & Baſilius magnus, & Gregorius Nazianzenus, & Gregorius Niſſa, & Joannes Conſtantinopolitanus*, verborum ſimul & cogitationum pelagus benediſſimum. En tibi Concilij Chalcedonenſis recipiendi rationes, quia videlicet Athanaſio, Baſilio, alijsq; conſentit; quid ſi ergo non conſentiret? num ideò erraret? num ideò arbitrio noſtro ſtabit, Decreta Concilij Univerſalis cum doctrina Athanaſij, aliorumq; Patrum conferre, & ſi cum illa conſentire videantur, recipere, ſin minùs, reſpuere? Sicut ergo hæc Collatio Decretorum Concilij cum doctrina Patrum nihil nocet Infallibilitati Conciliorum; ita etiam nihil nocet Infallibilitati Pontificum. *Ad quid ergo hæc collatio, ſi conſtat, Pontificem falli non poſſe? cur aurum Lydio lapide exploras, ſi conſtat, aurum eſſe?* Reſpondeo, quia lumen lumini additum majorem lucem & claritatem affert, redditq; objectum magis magisq; viſendum; quoties duas faces accendimus, cùm una ſufficiat? ipſa fidei myſteria, quoties parabolis, ſimilitudinibus, & argumentis è Philoſophia petitis illuſtrantur, quamvis certa, quamvis indubitata? num ideò major Philoſophiz, quàm fidei certitudo? nutriunt hæc fidem, ſi non pariunt. Deinde Concilia & Pontificum Decreta non ſolùm fidelibus, ſed etiam infidelibus & hæreticis ſcribuntur, iſtos ut ſanent, illos ut confirment; ergo ut etiam hæreticos convincant, rationibus munienda ſunt, quas etiam hæretici capiant; tales ſunt, quæ à ſcripturis & Patribus ac Synodis petuntur, olim & ab omnibus receptis. Novit aurifex, quid ſit aurum, ignoro ego; mihi ergo, non illi Lydius admovetur. Meritò igitur, cùm Eutyſchiani, ſicut omnes æquè hæretici, Leonis Papæ epiſtolam, & Concilij Decreta reſpuerent, ad ſcripturas, ad Synodum Nicænam, ad Patres revocabantur; alioquin veris Catholicis nullam fuiſſe de Leonis epiſtola rationem dubitandi, adeoque nullam examinandi neceſſitatem ex dictis certum eſt, & audiri adhuc poſſunt acta Chalcedonenſis Synodi; nam actione 4. Paſchaſinus dixit: *Manifeſtum eſt, nec poterit dubitari, fidem Beatiffimi Papæ Leonis cum trecentorum Patrum concordare &c.* Et S. Leo epiſt. ad Leonem Imperatorem, quæ habetur poſt acta Concilij Chalcedonenſis: *Licet ea, quæ à Sede Apoſtolica*

judi-

judicata sunt, sufficerent, insidias tamen hæreticorum etiam hæc, quæ sunt adjecta, referabunt. Ubi vides, sufficere quidem in causis fidei Apostolica Sedis iudicium: Sed tamen convincendis hæreticis Patrum quoque suffragia admitti. Tertio. Concludit P. Alexander, Pontificum Decreta in causis fidei non prius rata & certa esse, quàm à Concilio confirmantur.

*Resp.* Tam falsa hæc est Conclusio, quàm falsa sunt principia, ex quibus illa deducitur, & quæ jam suprà confutavimus. Imò tantum abest, ut Decreta Pontificum à Concilio confirmari debeant, ut potius certissima sit regula, & millies à Patribus repetita, videlicet: *Concilia à Pontifice Romano non confirmata nullius valoris esse.* Et id ipsum confirmant, quæ de Concilio Chalcedonenſi hæcenus dicta sunt, videl. *Leonem præscripsisse Concilio, quid definiri, quid non definiri oporteret; Concilij Decreta alia confirmasse, alia improbasse; in causis Fidei sufficere Pontificis Rom. sententiam.* Quòd si Pontificis Decreta non prius valida & rata sunt, quàm à Concilio Oecumenico confirmentur, quid rogo plus habent Decretis cuiuslibet Episcopi? & ubi est illud tam à Patribus declamatum Romanæ Sedis privilegium in causis fidei decidendis? Et hæc sufficient pro Infallibilitate Pontificis ex Chalcedonenſi Concilio excerpta.

Anno CCCCLXXXIII. Prorupit hæresis Petri Cnaphæi, qui non solum Eutychianus hæreticus, sed etiam Apollinarista, atque Sabellianus erat, sicque ob hæresin ex tribus hæresibus constatam merito Hæresiarcha appellatus est; hunc à Felice III. in Synodo Romana damnatum esse, totaque Ecclesiâ proscriptum, & simul insigne Infallibilitatis Romanæ argumentum editum esse ex sequentibus patebit. Evagrius hæc habet: (a) *Mittuntur à Felice ad Zenonem Imperatorem Vitalis, & Misenus Episcopi, ut ejus auctoritate tum Concilium Chalcedonenſe firmarent, tum Petrus ut hæreticus Episcopatu pelleretur, tum denique Acacius mitteretur ad ipsum Felicem, rationem de rebus, quas Joannes ei obiectasset, redditurus.* Idem Evagrius cap. 20. (b) *Quòd quidem Romanum Concilium, quæ sequuntur, de Petro pronuntiavit: Petrum hæreticum jam pridem sententiâ sacra Sedis Apostolica condemnatum, interdictum Ecclesiâ, & anathemate multatum Ecclesia Romana non recipit.*

P P P P

Et

(a) Evag. lib. 3. cap. 18.

(b) Idem l. 3. c. 20.

Et ipsa Synodus Romana: (a) *Successor Prasulum Sedis Apostolica caput est omnium, Domino ad B. Petrum Apostolum dicente: Tu es Petrus, & super hanc Petram adificabo Ecclesiam meam; quam vocem sequentes sancti Patres apud Nicaam congregati confirmationem rerum, atque auctoritatem sancta Romana Ecclesia detulerunt, quam utramq; inque ad aetatem nostram successiones omnes Christi gratia prestante custodiunt.* Ut intelligas, quæ de Canone Nicæno Synodus Romana, hîc memorat; sciendum est, tribus locis de Romani Pontificis Primatu Canones Nicænos loqui, juxta diversas editiones, videlicet canone 6. canone 19. & canone 40. Quamvis enim Rufinus, communisq; sententia tantum viginti Canones numeret, gravissimæ tamen rationes sunt, quæ persuadent plures, hoc est usque ad 70. fuisse: tum quia acta Concilij Nicæni ab hæreticis Arrianis flammis corrupta sunt, tum quia Julius I. epistolâ ad Orientales, quam S. Athanasius citat Apologiâ 2. meminit Canonis 71. ubi de appellationibus ad Romanum Pontificem agitur. S. Hieronymus contra Luciferianos agens de rebaptizatione meminit Canonis 31. 32. 34. 35. 36. S. Augustinus epistolâ 100. Canonis 48. in versione Turriani, & in versione Abrahami Ecchelenensis canonis 52. & canonis 54. S. Leo PP. Primus epistolâ ad Theodosium 24. ubi agit de Appellatione Flaviani, Canonis 71. Et denique multa apud antiquos scriptores in Nicæna Synodo constituta esse leguntur, quæ modò in vulgatis Canonibus reperire non est; ut aded certum sit, multò plura in Synodo Nicæna decreta esse, quàm viginti Canones complectantur. Sed quidquid de hoc sit, sextus saltem Canon Nicænus indubitatæ fidei est, quantumvis & hunc, prout modò in Tomis Conciliorum legitur, esse corruptum, nec eam sententiam reddere, quam antiqui Patres repræsentant, certum sit; is enim Canon, prout in vulgaris exemplaribus legitur, comparisonem tantum instituit quoad Patriarchatum inter Pontificem Romanum & Episcopum Alexandrinum, ut videlicet hic intra terminos sibi à Synodo assignatos, Ægyptum videlicet, Pentapolim, Lybiamque eandem Patriarchalem potestatem exerceat, quam Romanus Pontifex intra suum Patriarchatum, cujus quidem nullos terminos Nicænum Concilium assignat. At verò lapsis retrò temporibus multò plura hic Canon continebat, Primatum videlicet, & judi-

(a). Inter epistolas Felicis epist. 4.

ciariam universalem Pontificis potestatem. Bonifacius (a) enim primus epistolâ 9. ad Episcopos Thessaliæ: *Institutio*, inquit, *universalis Ecclesia de Beati Petri sumpsit honore principium*, in quo regimen ejus & summa consistit. Nicæna Synodi non aliud præcepta testantur, aded ut non aliquid super eum sit ausa constituere, cum videret nihil supra meritum suum posse conferri; omnia denique huic noverat Domini sermone concessa. Nota, ne quidem Concilium Nicænum, quamvis omnium celeberrimum, quamvis circa Alexandrinum, Antiochenum & Hierosolymitanum Patriarchas multa constituisset, non tamen circa Romanum Pontificem, & quam ob causam? nisi quod agnosceret, omne Concilium, quantumvis Oecumenicum, infra Pontificem esse? Stephanus V. (b) *An ignoras*, inquit, *quid in prima Nicæna Synodo prasidente ibi Constantino B. Sylvester Papa de non judicando supremo Throno per Legatos pronuntiari?* In Concilio Chalcedonensi actione 16. Paschasinus Episcopus, & Leonis Legatus hæc habet: *Trecentorum decem & octo Patrum canon sextus: Quod Ecclesia Romana semper habuit Primatum; teneat autem & Ægyptus, ut Episcopus Alexandrinus omnem habeat potestatem &c.* S. Leo IX. epist. 1. ad Michaelem Patriarcham: (c) *Beatissimo & Apostolico Pontifice Sylvestro divinitus decernente, spiritali, ejus Filio Constantino cum universa Synodo approbante ac subscribente, ut Prima Sedes à nemine judicetur.* S. Gelasius I. Tract. adversus Græcos: (d) *Quâ ratione vel consequentiâ alijs Sedibus deferendum est, si prima Beatissimi Petri Sedi antiqua & vetusta reverentia non deferatur, per quam omnium Sacerdotum dignitas semper est roborata, atq; firmata, trecentorumq; decem & octo Patrum invicto & singulari judicio vetustissimus judicatus est honor?* Constat ex Patrum testimonijs, multo ampliorem fuisse Concilij Nicæni de Romano Pontifice sententiam, quam quæ modò in vulgatis Canonibus habetur.

Anno CCCXCIV. Gelasius Papa in Synodo Romana septuaginta Episcoporum, quinam libri sint Canonici, quinam verò apocryphi (hoc est, aut dubiæ, aut malæ fidei, aut errorib<sup>9</sup> aspersi) definit, sicque lapidem fundamentalem veræ Religionis ponit; quid enim certi in fide Catholica, si incertum sit, quodnam sit verbum DEI? Clauditis Gelasius hoc Decretum de libris Cano-

PPPP 2

nicijs

(a) Obijt anno 423.

(b) Obijt anno 817.

(c) Obijt anno 1054.

(d) Obijt anno 496.

nicis his verbis supremam auctoritatem indicantibus : *Hæc omnia & his similia non solum repudiata, verum etiam ab omni Romana, Catholica & Apostolica Ecclesia eliminata, atq; cum suis auctoribus sub anathematis indissolubili vinculo in æternum confitemur esse damnata.* In eodem Decreto hæc habet Gelasius: *Sancta Romana, Catholica & Apostolica Ecclesia nullis Synodicis constitutis cæteris Ecclesijs prælata est, sed Evangelicâ voce Domini & Salvatoris nostri Primatum obtinuit.* Et infra: *Eadem Sancta Romana Ecclesia post illas veteris & novi Testamenti etiam hæc suscipi non prohibet scripturas, videl. Sanctam Synodum Nicanam, trecentorum decem & octo Patrum, sanctam Synodum Constantinopolitanam, sanctamq; Synodum Ephesinam.* Nota ea verba; etiam hæc suscipi non prohibet scripturas &c. Quibus manifestum est, Papam esse supra Concilium, nec ullum esse Concilium tam Oecumenicum, tam sanctum, quod ex Pontificiâ approbatione non pendeat; cujus enim est prohibere, nisi superioris? & quomodo prohiberi possit à Pontifice, quod à Pontificis potestate non pendeat? Prohibebit miles Ducis imperium recipi, Senator Imperatoris?

Anno DXXXIV. Cùm Justinianus Imperator ad Joannem II. Rom. Pontificem splendidam Legationem misisset, rogaretque, ejus Decreto definiri, an salvâ fide Catholicâ admitti hæc propositio posset, videl. *Unus de Trinitate passus est?* Joannes habitâ Romæ Synodo definivit, posse. Quamvis enim Hormisdæ Papa aliquando eas voces novitatis suspectas, & ab Eutychianis repertas (tacebant enim nomen *Persona*, & tantum *Unum* dicebant, quod æquè de *Unitate naturæ* intelligi poterat) vetuisset; mutatis tamen personis, submotoque periculo, ad confundendos Nestorianos (qui negabant, unam esse in Christo personam) Joannes Papa definivit, posse eam propositionem admitti. Hâc occasione insigniter quoque Primatus & Infallibilitas Pontificiæ emicuit; nam in Epistola, quam Justinianus Imperator ad Joannem Pontificem scripsit, hæc habentur: *In præsentî, quæ commota sunt, quamvis manifesta & indubitata sint, & secundum Apostolicæ Vestræ Sedis doctrinam ab omnibus semper Sacerdotibus firmiter custodita & prædicata, necessarium tamen duximus, ut ad Vestræ Sanctitatem perveniat, nec enim patimur quidquam, quod ad Ecclesiarum statum pertinet, quamvis manifestum & indubitatum sit, quod movetur, ut non etiam Vestræ innotescat sanctitati, quæ caput est omnium Ecclesiarum.* Fateetur hic palàm Justinianus: *Qua*  
ab

ab Apostolica Sede decreta sunt, ab omnibus semper Sacerdotibus firmiter custodita & predicata esse; quod omnino Infallibilitatem arguit, alioquin quæ causa esset, ut ab omnibus reciperentur, & firmiter custodirentur Pontificum Decreta? Et infra in eadem epistola: Omnes Sacerdotes Sancta Catholica & Apostolica Ecclesia sequentes Sanctitatem Vestram, & custodientes statum & unitatem DEI Ecclesiarum, quam habent ab Apostolica Vestra Sanctitatis Sede, nihil penitus immutantes de Ecclesia statu. Joannes verò Papa in Responsoria ad Justinianum: Ipsos (hoc est Acæmetes Eutychianos) minimè in nostra Communione recepimus, & ab omni Ecclesia Catholica esse jussimus alienos, nisi errore damnato doctrinam nostram quantocius sequerentur. Æquum quippe est, ut qui nostris statutis non præstant obedientiam, Ecclesijs habeantur extorres. At quomodo æquum, ut qui non obedit Apostolicæ Sedis Decreto, ab Ecclesia habeatur extorris, si errare Sedes Apostolica potest? Nemo enim cæcam hanc & necessariam obedientiam debet incerto Duci. Quid ergo ex sententia Joannis meriti sunt, qui Innocentij XI. Decretis non tantum non obtemperârunt, sed etiam ejus auctoritati bellum intulêre? Idem Justinianus aliâ ad Hormisdam Papam Epistolâ: Hoc enim credimus esse Catholicum, quod Vestro Religioso responso nobis fuerit intimatum. Credebat utique Justinianus, Papam esse infallibilem; alioquin falsum esset, id esse Catholicum, quod Papa pronuntiat.

Anno DCXLVIII. Theodorus Papa hæresin Monothelitarum, ejusque præcipuos auctores ante omne Oecumenicum Concilium damnat; sic enim Anastasius in vita Theodori: Sanctissimus Papa Theodorus scripsit Paulo Patriarcha, sed cum non posset à suo conamine revocare, justè ab Apostolica Sede depositionis Sententiâ percussus est. Theophanes ad annum 20. Heraclij Imperatoris: Theodorus plenitudine convocata Ecclesia (hoc est, Synodo Romanâ) ad Sepulchrum verticis Apostolorum accessit, & divino calice expositulato, ex vivifico sanguine in atramentum stillavit, & ita propriâ manu depositionem Pyrrhi fecit.

Anno DCXLIX. Celebrata est Synodus Romana, in qua Martinus Papa hæresin Monothelitarum damnavit, & insignia quoque Pontificiæ Infallibilitatis exempla prodita sunt. Sic enim epistolâ II. ad Hierosolymitanum & Antiochenum Episcopos Martinus loquitur: Nos verò, id est, hujus sanctæ Sedis Pontifices ad custodiam domus pervigiles non permisimus eos Fidei thesaurum surripere, sed ipsos



catenis impia & adulterina eorum doctrina constringentes accuratâ demonstratione, & examinatione eorum, quæ ab ipsis contra integritatem fidei scripta sunt, tum ipsos, tum ea, quæ impudenter docuerunt, igne Canonica sententia velut mala Zizania exurentes, Synodali ter condemnauimus. Idem Martinus epistolâ 13, enarrans, quæ sibi acciderant Constantinianâ Basilicâ exeunti, Calliopa (qui ad eum trucidandum missus fuerat) pro foribus stante: Cum, inquit, exirem ab Ecclesia, in qua exercitus me cum armis constrinxerat, clarâ voce dixerunt: anathema habeat, quisquis dixerit vel crediderit, quia Martinus usque ad unum apicem fidem mutauit, aut mutaturus sit. Hic apertè Ecclesia Romana agnoscit & profitetur, non posse Pontificem fidem mutare, & consequenter infallibilem esse; sunt enim termini æquivalentes, esse infallibilem, & esse in vera Fide immutabilem. Et Secretario secundo Synodi Lateranensis Maurus Episcopus Cæsenas: In his quæ mouentur, & contra Patrum Orthodoxorum Decreta proponuntur, me non aliter sentire, nisi quomodo sancta vestra Apostolica doctrina & orthodoxa tenet Ecclesia, profiteor. Agnoscit ergo infallibilem esse doctrinam Apostolicæ Sedis; alioquin quâ conscientiam dicere posset, se credere, quod Papa credit? non esset hoc inniti super baculo arundineo? nec Fidem diuinam, sed humanam & fallibilem profiteri, quippe humano ac fallibili iudicio nixam? non est hoc credere, sed opinari, nec supra Petram, sed super arenam ædificare. Si falli potest Papa, ergo & falli potest, qui credit, quod credit Papa; sed vera fides falli non potest. Eodem Secretario 2. Sophronius Stephanum Dorilensem ita alloquitur: Quamocius ergo ex sinibus terra ad terminos ejus deambula, donec ad Apostolicam Sedem peruenias, ubi Orthodoxorum dogmatum fundamenta existunt, & non quiescas, instantius petens, atq; exorans, donec ex Apostolica prudentia, quæ in DEO est, ad victoriam iudicium perducere debeant, & non viter introductorum dogmatum destructionem. Fierine potest, ut in Sede Romana sint Orthodoxorum dogmatum fundamenta, si Sedes Romana in rebus fidei falli potest? Contra fundamenta fidei ne portæ quidem Inferi possunt prævalere, quomodo error & ignorantia præualebunt? aut ergo falsum est, quod Sophronius profiteretur, quodque Synodus tacendo approbat; videl. In Sede Romana Orthodoxorum dogmatum fundamenta reperiri; aut falsum est, Papam errare posse, repugnat enim, esse fidei fundamentum, & labi posse.

Anno DCLXXX. Romæ ab Agathone PP. Synodus celebrata est,



est, in qua, sicut & in sequenti Oecumenica, quæ fuit sexta Constantinopolitana, multa Pontificæ Infallibilitatis argumenta & testimonia prædita sunt, quæ hîc breviter libabimus. Agatho igitur epistolâ ad Constantinum & Fratres Imperatores ex Synodo Romana hæc habet: *Cujus, (B. Petri) adnitenæ præsidio hac Apostolica ejus Ecclesia nunquam à via veritatis in qualibet erroris parte deflexa est, cujus auctoritatem utpote Apostolorum omnium Principis semper omnis Catholica Ecclesia, & Universales Synodi fideliter amplectentes in cunctis secuta sunt, omnesq; venerabiles Patres Apostolicam ejus doctrinam amplexi, per quam & præbatissima Ecclesia luminaria claruerunt, & sancti Orthodoxi Doctores venerati sunt, hæretici autem falsis criminationibus ac odijs insecuri. Et infra: Hac est vera Fidei regula, quam & in prosperis, & in adversis vivaciter tenuit ac defendit hæc spiritalis mater vestri tranquillissimi Imperij, Apostolica Christi Ecclesia, qua per DEI omnipotentis gratiam à tramite Apostolicæ traditionis nunquam errasse probabitur, nec hæreticis novitatibus depravata succubuit. Quid rogo dici poterat, quod magis Pontificiam Infallibilitatem probaret? Fac, me Romæ in ea Synodo largis stipendijs Advocatum fuisse; num poteram aliquid accommodatius & efficacius dicere? Nunquam à via veritatis deflexit, nunquam erravit, nunquam Universales Synodi ab ejus doctrina discessere, nunquam Patres ejus dogmata non sunt amplexi, nunquam à tramite Apostolicæ traditionis secessit. Quid est, esse Infallibilem, si hoc non est?*

*Dices*, Agatho de præterito loquitur, non de futuro; dicit, nunquam errasse, non verò, nunquam erraturos Pontifices; & quid, si addam, Agathonem errasse, quando dixit, Pontifices errare non posse.

*Resp.* Ratio Agathonis omne tempus, præteritum & futurum complectitur; quodd enim nunquam erraverit, rationem hanc affert, quia videl. *Petri Confessio à DEO revelata est; quia spirituales oves Ecclesia ternâ commendatione à Domino pascendas suscepit; quia Christus Petro dixit: Ego pro te rogavi, ut non deficiat fides tua. Quæ rationes omnè tempus complectuntur; nunquid enim pro aliquo tantum tempore Christus Petro oves commendavit, & non semper? & pro aliquo tantum tempore pro Petro rogavit? Quodd si Sedes Romana, quando Ethnici Imperatores ferro & flammâ in eam grassabantur, quando Ariana, Pelagiana, Nestoriana, Eutychiana hæreses impietate & potentiâ armatæ eam impellebant; quando*

inquam tot erant errandi causæ, nunquam tamen erravit; quis credat, erraturam, quando errandi causæ cessarunt? Stetit, cum quateretur, non stabit, cum quies est? non cessit adversis ventis, cedit, aut mergetur secundis? & cum lubricum & glaciem calcaret, erecta tamen & innotata processit, nutabit nunc, cadetque plano & florente itinere? Millies ergo cecidisset, si cadere posset; nunc autem idem non cecidit, quia non potuit, sustinente videlicet Christo: *Et innixa super dilectum*. Quamquam nec argumentis opus est, cum ipse Agatho objectioni occurrat, & Sedit Romanam non tantum nunquam errasse, sed ne quidem errare posse aperte dicat; sic enim pergit: *Sed ut ab exordio Fidei Christiana percepit ab auctoribus suis, Apostolorum Christi Principibus, illibata finetenus permanet secundum ipsius Domini Salvatoris divinam pollicitationem*: Ego autem pro te rogavi, ut non deficiat fides tua. Nota ea verba, quæ omnem cavillationem præcidunt, videl. *Illibata finetenus permanet*. Neque hæc solius sunt Agathonis verba, sed totius sextæ Synodi, quæ Agathonis epistolam instar oraculi habuit, ut videre est in actis ejusdem Synodi. Idem Agatho in epistola Synodali ad Patres Oecumenicæ Constantinopolitanæ, Legatos se quidem mittere, qui Synodo universali assistant, ita tamen, ut nullo modo permittat, quæ ab ipso Agathone definita erant, in dubium aut disputationem vocari, multò minùs inverti; quod quid aliud est dicere, quàm Pontificem in rebus fidei decidendis & infallibilem esse (cùm ne quidem in Concilio Universali disputari de ijs debeat, quæ semel ipse deciderit) & omni Concilio superiorem, cùm Concilio imperet, præscribatque, quid credere debeat? Sed audi ipsum Agathonem in Epistola suis ad Concilium Legatis data: *Personas autem de nostra humilitatis Ordine previdimus dirigere, qua omnium nostrum suggestionem, in qua & Apostolica nostra fidei confessionem prælibavimus, offerre debeant; non tanquam de incertis contendere, sed ut certa atq; immutabilia compendiosâ definitione proferre*. Et iterum: (a) *Portitoribus testimonia aliquorum Sanctorum Patrum, quos hac Apostolica Christi Ecclesia suscipit, cum eorum libris tradidimus, ut ex ijs duntaxat satisfacere studeant*. Licentiam proinde eis, sive auctoritatem dedimus apud tranquillissimum Vestrum Imperium simpliciter satisfaciendi, in quantum eis duntaxat injunctum est, ut nihil profectò præsumant augere, nihil minuire,

sed

(a) V. Baron. ad ann. 681. n. 21.

sed traditionem hujus Apostolicæ Sedis, ut à Prædecessoribus Apostolicis Pontificibus instituta est, sincere enarrare. Vides hîc iterum, Pontificem Concilio præscribere, quid credere, quid definire debeat, aut non debeat; imò prohibere, ne ijs, quæ ipse definierat, addatur aliquid, aut minuat. Quid hoc est aliud, quàm Papam esse infallibilem? nam si falli, si errare potest, cur non possit corrigi & emendari, ejusque doctrinæ addi aliquid, detrahiq;

Anno DCLXXXII. Constantinopoli celebrata est Synodus quini-sexta ( sic dicta, quòd Canones in quinta & sexta Synodo omisso supplemento ) in qua centum & tres Canones sanciti, sed quam plures contra Ecclesiæ antiquam disciplinam, adèd ut Romani Pontifices nunquam eam comprobare voluerint. Nihil à Græcis Imperatoribus actum non est, ut Pontificis consensum impetrarent, sed irritum semper, & inani conatu. Audi Anastasium in Sergio: *Compellebatur autem & ipse Sergius subscribere, sed nullo modo acquievit, pro eo quòd quadam capitula extra ritum Ecclesiasticum fuerant in eo adnexa, quæ & quasi Synodally definita & in sex tomis conscripta à tribus Patriarchis, hoc est, Alexandrino, Constantinopolitano, & Antiocheno subscripta, manuq; Imperiali firmata, in hac Romana urbe ad confirmandum vel in superiori loco subscribendum Sergio Pontifici utpote Capiti omnium Sacerdotum direxit, qui Beatissimus Pontifex penitus eidem Justiniano Augusto non acquievit, nec eosdem tomos suscipere, vel lectione pandere passus est, porro eos ut invalidos respuit, atq; abiecit, &c.* Mortuo Sergio idem Justinianus Joannem Pontificem, missâ legatione enixè ardentèq; sed frustra, pro Confirmatione rogavit. Repetitæ preces apud Constantinum Pontificem, imò is propterea Constantinopolim accersitus, sed æquè frustra, nulloque successu. Jam quæro, quid causæ fuerit, ut tanto studio ac toties repetitis vicibus consensus Romani Pontificis peteretur, cum jam quatuor Patriarcharum præcessisset, isq; sufficere videri posset; nisi quòd scirent Græci, quod Romanus Pontifex probavisset, à toto Orbe probatum iri: quod improbasset, irritum & inane futurum? ut planè ea Synodus irrita fuit, ac communi Ecclesiæ voto erratica est appellata.

Anno DCCXXVI. Gregorius II. Iconoclastarum hæresin anathemate primus configit, celebratâ Romæ Synodo. Audi Zonaram: *Gregorius, qui tunc Romæ Ecclesiam gubernabat, repudiata societate*

*Præsidis nova Roma, Leonis scilicet Imperatoris, nec non eorum, qui illum sequebantur, Synodico anathemate perstrinxit.*

Anno DCCXXXIII. Teste Anastasio Gregorius III. colle&â Romæ Synodo 93. Episcoporum decrevit: *Ut si quis deinceps antiqua consuetudinis & Apostolica Ecclesie fidelem usum contemnens adversus eandem venerationem sacrarum Imaginum depositor atque destructor, & prophanator, vel blasphemus extiterit, sit extorris à corpore & sanguine Domini nostri JESU Christi, vel totius Ecclesie unitate atq; compage.* Idem anathema repetitum est contra Iconoclastas à Stephano Papa IV. anno 768. in Synodo Romana.

Anno DCCLXXXVI. Celebrata est pro sacrarum Imaginum cultu secunda Oecumenica Synodus Nicæna, in qua egregia iterum & invicta testimonia pro suprema Pontificis Romani auctoritate & infallibilitate: nam Hadrianus I. Pontifex maximus missis ad Imperatorem Constantinum, sacramque Synodum Legatis, additisque litteris, *primò* negat ullum dubitandi locum amplius superesse, postquam cultus sacrarum Imaginum à Pontifice Romano definitus, receptusque sit. *Secundò*, modum legesque Concilio præscribit, quas in definienda hac causa fidei necessariò observare debeat. *Tertiò* verat, ne ab ijs, quæ Romani Pontifices olim decreverant, removeri se patiantur. *Quartò*. Primarij Concilij Patres, imò tota Synodus tanquam de re necessaria interrogantur, velintne epistolam dogmaticam Hadriani recipere, an secùs? *Quintò*. Legatis præcipitur, ut si Synodus parere & acquiescere nolit Romani Pontificis sententiæ, continuo Romam revertantur, nec Synodò assistant. Amabò quid amplius velis, quo constet Pontificem esse Synodo superiorem, & posse ante omnem Synodi sententiam causas fidei definire, nec à Synodo pendere, sed hanc potius à Romano Pontifice? sed audi ipsa Synodi acta; Hadrianus in epistola ad Augustos: *Vos autem maxime in traditione orthodoxa fides Ecclesia B. Petri, & Pauli Principum Apostolorum acquiescitis, eamq; amplectimini, quemadmodum à superioribus Imperatoribus sacrum est, qui Vicarium ejus ex toto corde dixerunt.* Et infra: *Hi siquidem Principes Apostolorum sunt, qui Catholicam Orthodoxam fidem auspiciati servandam præceperunt, omnibus scilicet, qui in sedes eorum successuri erant, & in fide eorum usque ad consummationem sæculi permansuri.* Nota hæc ultima verba, quibus apertè infallibilitas Pontificia palàm fit; si enim

enim contra veram fidem docere aliquid possent, planè non permanerent usque ad consummationem sæculi in Petri fide. Et infra præscribens, quid fieri, quid omitti à Synodo debeat: Si verò impossibile est, ipsas sacras Imagines sine Synodi actione in pristino erigere ac confirmare statu; sicut in vestris fertur imperialibus iussionibus; imprimis pseudosyllogus ille, qui sine Apostolica Sede enormiter, nequiter, irrationabiliter contra Sanctorum Patrum traditionem de sacris Imaginibus actus est, anathematizetur presentibus Missis nostris; & tunc sicut antiquitus mos extitit, jurejurando vestra piissima ac tranquillissima potestas, una cum Domina Augusta seu ejusdem Regia Urbis Patriarcha, nec non & cuncto senatu corporale tribuentes sacramentum, verbum Communionarium, sicut antiquitus nobis dirigere vestra dignetur sacra Imperialis potestas, quod non est apud vos partis cuiuslibet favor, aut defensio, sed aequalitatem utriusq; partibus conservabit, nullatenus necessitatem facientes his, qui à nobis mittuntur, sed omni honore eos habebitis. Et siquidem utriusq; convenerint, ecce bene! sin autem minimè convenerint, cum omni humanitate ad nos dirigere satagetis. Vides, nolle summum Pontificem Concilij Decretis adstringi, sed potiùs Concilium adstringere, ut obtemperet sententiæ à Pontifice Romano latæ, quod nisi faciat, Legatos suos re infectâ domum remitti. Non dicit Hadrianus: Legati mei Concilio obtemperent, sed econtrà: Concilium Legatis meis obtemperet, & nisi faciat, domum redeant. Judicium nunc feras licet, major sit Pontificis, an Concilij auctoritas, isto parente, illò imperante. Idem Hadrianus in epistola ad Tharasium Patriarcham: Cuius (hoc est B. Petri) etiam sedes per totum Terrarum orbem Primatum obtinens lucet, omniumq; Ecclesiarum DEI caput existit, cui etiam velim Beata Vestra sanctitas ex sincera mente & toto corde agglutinetur, utpote, qua sit reverè rectè sentiens, & pietatis incorrupta conservatrix. Hoc sacrificium primum DEO omnipotenti exhibeatur. Vestraq; Beatitudo piissimos nostros Imperatores supplicibus verbis admonebit, ut Ecclesia nostra vestigia sequentes, & servantes traditionem hujus sanctissima nostra Romana Ecclesia &c. Potèstne Hadrianus tam intrepidè asserere, Romanam sedem esse incorruptam Conservatricem vera fidei, si corrumpi, si fidem dissipare possit? Possiet tam prædenter hortari Imperatores, ut Romanæ doctrinæ agglutinentur, ut ejus vestigijs insistant, si ducere in errorem possunt?

Actiōne secundâ ejusdem Oecumenicæ Synodi Legati Apostolici primùm Tharasium Patriarcham, postea totam Sacram Syn-

nodum his verbis interrogant: *Dicat nobis sacra Synodus, num recipiat sanctissimi Papa Veteris Roma litteras, an secus? sancta Synodus respondit: sequimur, recipimus, approbamus.* Quod si Synodus respondisset: *Non sequimur, non recipimus, non approbamus:* quid aliud Legati dicturi essent, quàm quod olim in Concilio Chalcedonenſi actione 5. dixêre, videlicet: *Si non consentiunt epistola Apostolica Beatissimi Papa Leonis, jubete nobis rescriptam dari, ut reveriamur.* Et planè Hadriani Legati, ut suprà vidimus, in mandatis habebant, ut nisi Synodus Hadriani Decretis inhæreret, continuò Constantinopoli excederent, sicquè Concilium dissolverent. Actione 6. Patres Conciliabulum Constantinopolitanum, quod Iconoclastæ pro septima Synodo venditabant, hâc ratione improbant: *Quia nullum habuit Cooperarium, Romanum Papam, neque illius Sacerdotes, neque per Vicarios, neque per Provinciales Litteras, quemadmodum fieri in Synodis debet.* Nota, confirmationem Romani Pontificis necessariam esse Synodis Oecumenicis, & esse non tantùm meræ convenientiæ, sed debiti.

Anno DCCCLXIX. Cæpta est celebrari Constantinopoli octava Oecumenica Synodus auctoritate Hadriani II. Papæ, in qua præclara omninò argumenta Auctoritatis, & Infallibilitatis Pontificiæ producta sunt; imò in ea expressis, conceptisque verbis definitum est, Papam à Concilio Oecumenico judicari non posse, sicquè Papam Concilio non subjacere. Cùm Photius verus, non fabulosus Græciæ Phæton, ausus esset sententiam & diras in Pontificem pronuntiare, coactâ in Regia urbe Synodo; necessarium, nedum opportunum fuit, supremam Pontificis auctoritatem in Synodo Oecumenica universali Decreto sancire. Audi ergo, quàm multa & irrefragabilia in hac Synodo pro Romano Pontifice dicta sint. Nam Primò negant Legati, nec Concilium dissentit; se umquam (quantò minùs Romanum Pontificem) Concilij judicio subjectos fuisse. Cùm enim rogarentur Legati Sedis Apostolicæ, mandatum exhibere Pontificis Hadriani, respondent: *Hoc nos non invenimus in Universalis Synodo factum, ut Vicarij senioris Roma à quolibet perpendantur, utrum talem habeant exiſtimationem.* Secundò Actione 1. Hadrianus Pontifex Concilio imperat, præscribitquè, quid fieri oporteat, & insuper libellum Patribus legendum proponit, cui omnes subscribere teneantur. Audi Hadrianum in epistola ad



ad Basilium Augustum data, & in Synodo omnium approbatione perfecta: Volumus, inquit, numerosum Concilium Constantinopoli celebrare, cui nostri Missi Praesidentes, & culparum, Personarumq; differentias liquidò cognoscentes, juxta quod in mandatis acceperunt. In quo sacro Cœtu exoranda vanitatis Concilij, quod adversus hanc sedem actum est, cuncta decernimus exemplaria igne cremari, nec superesse apud quemlibet vel unum iota, nisi quis totius Clericatus, imò totius nominis Christiani anathemate percussus carere voluerit. Et paulò post recitatur libellus Hadriani, cui omnes subscribere tenentur, qui sic habet: Anathematizamus omnes hæses simul cum Iconomachis. Anathematizamus etiam Pboitum; donec Sedis Apostolica sanctionibus inobediens perseverans ejus sententiam tam de se, quàm de Patriarcha nostro Ignatio spreverit, & Conciliabuli acta, quod se auctore contra Sedis Apostolica voluntatem congregatum est, anathematizare distulerit. Sequimur autem sanctam synodum, & amplectimur, quam Beata recordationis Papa Nicolaus, cui & ipse coangelice Papa Hadriane subscripsisti, simul & quam tu ipse egisti, & omnia, qua in eis statuta sunt, secundum decreti vestri moderationem venerabiliter conservabimus, recipientes, quos recipiunt, & damnantes, qui in illis damnati sunt. Sancta Synodus dixit: Omnibus placeat libellus à sancta Romana Ecclesia expositus. Et tertia Epistola Hadriani ad synodum: Romanorum Pontificem de omnium Ecclesiarum Praesulibus judicasse legimus, de eo verò quemquam judicasse non legimus. Licet enim Honorio ab Orientalibus post mortem anathema dictum sit, sciendum tamen, quia fuerit de hæresi accusatus, propter quam solum licitum est minoribus majorum suorum motibus resistere; quamvis & ibi nec Patriarcharum, nec caterorum Antistitum cuipiam de eo quamlibet sui fuerit sententiam proferre, nisi ejusdem prima Sedis Pontificis consensus præcessisset.

Actiōne 4. & 10. recitatae sunt epistolæ Nicolai I. Pontificis, summisque laudibus celebratae. Hic verò Nicolaus epistolâ ad Michaelē Imperatorem: Non ergò dicatis vos in causa pietatis Ecclesia Romana non eguisse, qua collecta Concilia suâ auctoritate firmat, & suâ moderatione custodit. Unde quadam eorum, quia consensum Romani Pontificis non habuerunt, valetudinem perdiderunt. Et in eadem epistola §. sed his tandem: Patet profectò Sedis Apostolica, cujus auctoritate major non est, judicium à nemine fore retractandum, neq; cuiquam de ejus liceat judicare iudicio. Idem Nicolaus in Romana Synodo: Si quis dogmata, mandata, interdicta, sanctiones vel decreta pro Catholica fide, pro Ecclesiastica disciplina à Sedis Apostolica Prasule salubriter promulgata contempserit, anathema sit. Idem



Nicolaus in libello paulò ante citato, & cui nisi subscripsisset, nemo ab Hadriano ad Concilium admittebatur, quique propterea in Canonem à sacra Synodo admissus est. Postquam Nicolaus Primatum Summi Pontificis multis ostendisset, tandem subdit: *Tu es Petrus, & super hanc Petram adificabo Ecclesiam meam. Hac qua dicta sunt, rerum probantur effectu, quia in Sede Apostolica est immaculata semper Catholica reservata Religio, & sancta celebrata doctrina.* Hæc verba infallibilitatem Pontificiam omninò convincunt, si enim Pontifex Romanus aliquando ex cathedra hæresin docuit, falsum est, in Sede Apostolica immaculatam semper reservatam fuisse catholicam Religionem. Idem Nicolaus epistolâ 8. ad Michaëlem Imperatorem: *Nulla regula, nulla consuetudo demonstrat Sedis Apostolicæ semel prolatam sententiam ipsâ non annuente posse mutari.* Ergo infallibilis est, si enim falli posset, mutari posset, corrigique. Sed omnium apertissimè Papam omni Concilio superiorem esse, & consequenter infallibilem, definitum est in Canone 21. (in alijs editionibus est 13.) ejusdem octavæ Oecumenicæ Synodi, ubi hæc leguntur: *Porro si Synodus Universalis fuerit congregata, & facta fuerit etiam de sancta Romana Ecclesia quadam ambiguitas & controversia, oportet venerabiliter, & cum convenienti reverentia sciscitari, & solutionem accipere, aut proficere, aut profectum facere* (alia versio habet, licebit eum decenti reverentiâ de proposita questione cuncta percunctari, responsumque admittere, vel utilitatem admittere vel dare) *non tamen audaçter sententiam dicere contra Summos Senioris Romæ Pontifices.* Hic apertis, clarisque verbis Patres testantur, ne quidem Concilio Universali fas esse, sententiam in Romanum Pontificem dicere, & consequenter hunc Concilio non subesse, ergo nec errare posse, alioquin si errare posset, à Concilio corrigendus, & huic subiectus foret.

*Dices, Concilio tantum prohiberi, ne audaçter contra Pontifices sententiam ferat.* R. Frivola & ridenda cavillatio! Concilium distinguit inter *sciscitationem & sententiam*, istam contra Romanum Pontificem non probat, illam admittit; atqui si tantum intelligatur audacia prohiberi, quis non videt non tantum audacem sententiam, sed etiam audacem interpellationem vetandam esse? nam audacia, sive interrogas, sive pronunties, æquè damnanda est. Deinde: nullum hoc esset Romani Pontificis privilegium; nec enim solus Romanus Pontifex, sed nec Episcopus, nec-Cle-  
ricus,

ricus, nec laicus, imò nec latro, nec parricida, temerè & inconsultè damnandus est; quid ergo plus Pontifici tribuitur, quàm Clerico, quàm Laico, quàm Latroni, quàm Parricidæ?

Anno ML. Leo Nonus in Synodo Provinciali Romanâ Berengarii hæresin damnat, sic enim Landfrancus scribit: *Tempore S. Leonis Papa delata est hæresis tua (Berengarium alloquitur) ad Apostolicam Sedem, qui cùm Synodo præsideret ..... promulgata est in te damnationis sententia, privans te Communionem sancta Ecclesia &c.* Eadem hæresis in Concilio quoque Vercellenfi præsentè eodem Leone iterum damnata est. Sed cùm Berengarius ad vomitum iterum, iterumque rediret; sæpius quoque & à varijs Pontificibus ejus hæreses confixæ sunt, videlicet Leone IX. Victore II. Nicolao II. & Gregorio VII. Insigne verò est ejusdem sancti testimonium pro infallibilitate Pontificia, sic enim ad Petrum Patriarcham Antiochenum scribit: *Siquidem ab Apostolica tua sede nostram sedem consulendo perpendimus tuam Dilectionem, nolle deviare à Domino, & omnium Sanctorum Patrum concordæ decreto, quo cunctis in toto Orbe terrarum Ecclesijs sancta Romana & Apostolica Sedes caput praponitur, ad quam majores & difficiliore causa omnium Ecclesiarum definienda referantur. Sic omnia veneranda Concilia, sic leges humana promulgant, & sic ipse sanctus Sanctorum confirmat. Nimirum solus est Petrus, pro quo ne deficeret fides ejus, Dominus & Salvator asserit se rogasse, qua Venerabilis & efficax Oratio obtinuit, quòd hætenus fides Petri non defecit, nec defecitura creditur in throno illius usque in sæculum sæculi. Nihil poterat Leo clarius dicere, tantoque majorem fidem ejus testimonium meretur, quòd omninò cum ijs concordet, quæ iisdem ferè verbis S. Agatho professus fuerat, ac universali applausu Concilium sextum Oecumenicū exceperat. Credit Eminentissimus Aguirre (a) primum fuisse Leonem, qui processionem Spiritûs Sancti à Patre Filioq. definierit. Primus enim invenitur eam Symbolo & Professioni fidei ad Petrum Patriarcham Antiochenum insertuisse, nam & anno 1054. Humbertum Legatum suum Constantinopolim misit ad Michaëlem Patriarcham Constantinopolitanum, Processionem Spiritûs Sancti negantem, & ab eodem Michaële excommunicatus est, quòd Symbolo addidisset Filioq.*

Anno MLXV. Hæresis Incestuosorum nata est, quàm plurimi enim,

(a) V. Card. Aguirre Tract. 1. de auctor. infall. Rom. Pontif. d. 10. & Tomo 2, Theol. S. Anselmi dist. 91. & 92.

enim, imò teste Petro Damiano, multa millia Christianorum præcipuè præpotentium in tertio gradu nuptias contrahebant, quòd multorum Juris Consultorum auctoritate ducti, gradus ex Justiniani præscripto numerarent, adèd ut fratrem & sororem in secundo gradu collocarent. Hanc Hæresin Alexander II. in Synodo Romana damnavit; sic enim loquitur in sententia Synodali: (a) *Taliter igitur determinati gradibus consanguinitatis, Auctoritate vos Apostolicâ monemus, ut omnibus seriem Genealogia computandam intimetis, quemadmodum SS. Patres numerandam esse sanxerunt, & antiquus mos Ecclesiâ hactenus comprobâsse monstratur. Nam si quis perversâ & obstinatâ mente à recto tramite Apostolica Sedis deviare voluerit, & aliter quàm nos in nuptijs contrahendis gradus computare; primum pro sua temeritate celestis poenâ plectetur: postmodum verò gladio perpetui anathematis se noverit esse jugulandum.* Ad eundem Alexandrum Petrus Damianus contra insurgentem Simoniacam hæresin hæc scribit: (b) *Dignum est, ut Summo Pontifici patientis Ecclesiæ lasso nuntiatur, ut nutantis fidei firmamentum, vel etiam ordo Religionis, qui confundi cœperat, instauretur. Nova prò dolor hæresis orta est, cui nisi quantocius auctoritatis se vestra vigor obijciat, timendum est, ne ad Religionis Christianæ perniciem cancer feraliter serpat.*

Anno MLXXXV. Obijt Gregorius VII. invictissimi animi Pontifex, & Regibus, cum quibus perpetuum ei bellum, formidandus. Multa is Pontificiæ infallibilitati testimonia reliquit. Is enim in Dictatu suo *canone 18.* ita definit: *Sententia Papa à nullo debet retractari, & ipse omnium solus retractare potest.* Hanc Gregorij sententiam verissimam esse Ivo quoque Carnotensis Archiepiscopus profitetur, sic enim ad Johannem Archiepiscopum Lugdunensem scribit: *Non videtur nobis utile ad ea Concilia convenire, in quibus non possumus eas Personas, de quibus agitur (agebatur verò de Paschali Papa, qui privilegium tradendi Episcopis investituras Imperatori concesserat) judicare, vel condemnare, quia nec nostro, nec ullius hominis probantur iudicio subiacere.* Sæpiùs hoc Ivo repetit, præsertim verò epistolâ 241. & 159. Sed multò maximè id confirmatū est in Concilio Quintileneburgensi, Anno MLXXXV. De quo ita loquitur Bertholdus ejus temporis scriptor: *Cum ergo omnes juxta suum ordinem confedissent, prolata sunt in medium Decreta Sanctorum Patrum de Primatu Sedis Apostolicæ, quòd nulli unquam*

(a) Habetur c. ad Sedem Apostolicam 35. q. 4.

(b) Habetur apud Baron. ad ann. 1065. n. 36.

quam liceat ejus judicium retractare, quod de totius Synodi professione laudatum, & confirmatum est. Idem Gregorius VII. can. 26. *Catholicus non habetur, qui non concordat Romana Ecclesia.* Hoc quoq; Gregorij effatum omninò concordare cum aliorum Patrum doctrina, præsertim verò SS. Ignatij, Hieronymi, Cypriani, Ambrosij, aliorumq; jam suprà ostendimus. Idem omninò est sensus S. Ivonis Archiepiscopi Carnotensis, sic enim scribit: (a) *Contra Apostolicam Sedem caput erigitis, dum quod illa adificat, vos in quantum in vobis est, destruitis, & quod illa destruxit, vos adificare contenditis, cujus judicij & constitutionibus obviare, est hæretica pravitas notam incurrere.* Nota hunc esse illum Ivonem, quem Præfules Gallicani in Conventu Parisiensi epistolâ ad Innocentium datâ mirificis laudibus in Cælum usque extollunt. Eadem sententia Adelberti Archiepiscopi Moguntinensis epistolâ 23. ad Ecclesiam Herbipolensem: *Noverit pro certo Dilectio Vestra, nos id ratum habere, quod Romana sanxit & determinavit Auctoritas, cujus terminos nec debemus, nec volumus transire, quia hæreticum esse constat, quisquis Romana Ecclesia etiam in tam justo judicio non concordat.*

Anno MCXL. Damната est ab Innocentio II. hæresis Abailatdi, qualis ea fuerit Bernardus his verbis explicat epistolâ 292. quæ est ad Guidonem de Castello: *Cùm de Trinitate loquitur, Arrium sapit: cùm de Gratia, sapit Pelagium: cùm de Persona Christi, sapit Nestorium.* Ad hanc ergo hæresin, quæ paulatim per Galliam serpebat, perimendam, ita idem Bernardus Innocentium supplicat: *Verùm tu O successor Petri judicabis, an debeat habere refugium ad Sedem Petri, qui Petri fidem impugnat. Tu inquam amice sponsi providebis, quomodo liberes sponsam à labijs iniquis, & à lingua dolosa. . . . itaque ad consummationem Virtutum, & ne quid minus fecisse inveniamini à magnis Episcopis Antecessoribus vestris, capite nobis Pater amantissime vulpes, quæ demoliantur Vineam Domini.* Nec moratus Innocentius aquam gliscenti incendio affundere, coactâ Romæ Synodo novum hæresiarcham, novasq; hæreses damnavit, sic enim ipse ad Henricum Senonensem Archiepiscopum, & S. Bernardum scribit: *Nos itaque, qui in B. Petri cathedra licet indigni residere conspiciamur, communicato fratrum nostrorum Episcoporum & Cardinalium consilio, Univerſa ipsius Petri perversa dogmata Sanctorum Canonum Auctoritate cum suo Auctore damnamus, eiq; tanquam hæretico perpetuum silentium imposuimus. Univerſos quoq; ejus errores da-*

R r r r

mnan-

(a) S. Ivo epist. 8.

mnantes, eorum sectatores & defensores à fidelium consortio sequestrandos esse censemus. Ad eundem Innocentium II, ita scribit S. Bern. *Oportet ad vestrum Apostolatum referri pericula quæq; & scandala emergentia in regno DEI, ea præsertim, quæ de fide contingunt. Dignum quippe arbitror, ibi potissimum resarciri damna fidei, ubi non possit fides detrimentum sentire; hæc quippe huius prærogativa Sedis; cui enim alteri aliquando dictum est; ego pro te rogavi Petre, ut non deficiat fides tua? Hic manifestè Bernardus docet, Pontifices Romanos in causa fidei errare non posse: si enim errare possent, ergo posset eorum fides detrimentum sentire (quid enim est aliud detrimentum fidei, quàm error fidei) at Bernardus hoc negat; imò hanc infallibilitatem inter prærogativas reponit Sedis Romanæ. In eadem Abailardi causa Rhemensis, Sueffionensis, Catalaunensis, & Atrebatensis Episcopi ita ad Innocentium scribunt: *Tuum est de cætero Beatissime Pater, ne in diebus tuis aliquà hæretica pravitate maculâ Decor Ecclesia maculetur, providere. Tibi commissæ est sponsa Christi amice sponsi: Tuum est tandem Uni Viro Virginem castam exhibere Christo.* Nec minùs nervosè Gotfridus Vindocinensis: (a) *Si cuilibet retractare placet, quod Romanus Pontifex facit, & in eum, qui soli Cælo innocentiam debet, os ponere præsumit, &c. Et epistolâ 30. Eodem spiritu, quo dictante & lex prima per Moysen data est, & per Christum secunda, sancta Apostolica Sedes Leges, quas Canones appellamus, dedit, & ipso inspirante exposuit. Si quis igitur Apostolica Sedi, qua Leges Canonum dedit, in Canonum expositione contrarium sentit, non sapii, quicumque est ille, sed desipit, & quia suo spiritu loquitur, non cultor vel expositor Divina Legis, sed insidiator vel oppressor indubitanter agnoscitur.**

Anno MCXLVIII. A Romano Pontifice Eugenio III. in Concilio Rhemeni hæresis Gilberti Porretani examinata & proscripta est. In qua causa aliqua contigere Pontificiæ infallibilitati apertè faventia. De illa hæc habet Otho Frisingensis: (b) *Gilebertus cum quâdam die Conventum de sua Diocesi Clericorum magnum celebraret, sermoni, quem fortè gratiâ exhortationis habebat, quadam de fide sanctissima Trinitatis inseruit, & à duobus suis Archidiaconis Arnolâo & Calone tanquam doctrinam instituens contra Catholicæ Ecclesiæ normam, ad summi Pontificis Romanæq; Sedis examen appellatione mediante vocatur. Fuisse verò hanc hæresin ab Eugenio III. damnatam testis est Gosfridus in*  
vita

(a) Epistolâ 17.

(b) Otho Fris. de histor. Frid. lib. I. cap. 46. & 47.

vita S. Bernardi: (a) Ita demum, inquit, Apostolico iudicio, & auctoritate universalis Ecclesia error ille damnatus est. Et Gaufridus Monachus Cisterciensis: *Ibidem Dominus Papa auctoritate Apostolica de consensu totius Ecclesie, qua convenerat, capitula ipsa damnavit, districte precipiens, ne eundem librum legere, vel transcribere etiam sic reprobatum quis auderet, nisi prius Romana Ecclesia eum correxisset.* Illud quoque in hoc Concilio memoratu dignum contigit, videlicet S. Bernhardum unà cum Galliæ Episcopis secessisse, Symbolum fidei contra Gilberti errores conscripturnum; quod cum Cardinalibus innotuit, vehementer indignati sunt, quippe solius Romani Pontificis esse, Symbolum fidei fidelibus proponere, nec retrò temporibus ullum unquam Symbolum valuisse, nisi à Pontifice confirmatum. Eugenius ubi has querelas intellexit, facti rationem à Bernhardo exposcit; is verò modestissime, ut sanctum decuit, respondit, agnovitque unà cum Præsulibus Gallis, Symbolum fidei condere ad solos Romanos Pontifices pertinere; se verò, quid Ecclesia Gallicana crederet, scriptis complexum esse, relicta Pontifici auctoritate definiendi. Si ergò ex confessione Galliæ Antistitum, solus Pontifex est, qui fidei Symbolum condit, nec ullum Symbolum valet, nisi à Pontifice confirmatum: sequitur, Pontificem in causis fidei esse infallibilem, quid enim magis ad fidem pertinet, quam Symbolum fidei? & quid minùs erroris expers est, quam Symbolum fidei? alioquin tota Ecclesia errare potest, quæ id credit, quod Symbolo fidei continetur. Sed præstat audire acta ex historia Othonis Frisingani: *Hoc Gallicana Ecclesia factum (Symboli videlicet confessionem) tam graviter sacer Cardinalium Senatus accepit, ut cum magna indignatione curiam intraret, ac Pontifici suo diceret. . . . Quid fecit Abbas tuus, & cum eo Gallicana Ecclesia? quâ fronte contra Ecclesia Romana Primatum & apicem se erexit? Hac enim est sola, qua claudit, & nemo aperit, aperit, & nemo claudit. Ipsa sola de fide Catholica discutere habens à nullo in hoc singulari honore præiudicium pati potest, sed ecce Galli isti tanquam definitiva sententia ultimam manum apponendo nobis inconsultis fidem suam scribere præsumpserunt. Quinimò juxta Antiquorum exempla & instituta Romano servaretur examini terminandum.* Eugenius, cum querelas benignè recepisset, ex Divo Bernardo rationem facti exposcit, à quo modestè responsum: *Se vel Dominos*

(a) Gotfr. in V. S. Bernardi lib. 3. cap. 5.



*Episcopos nihil de præfatis Capitulis definisse, sed simpliciter quid sentiret, exposuisse. Quo tam humili, quam modesto responso Cardinalium indignatio quievit, ita tamen, ut præfatum scriptum tanquam inconsultâ Curiâ prolatum, velut Auctoritatis pondere carens, pro Symbolo in Ecclesia, quod in Concilijs contra hæreses congregatis fieri solet, non haberetur. Vides hîc iterum, & Divum Bernardum, & Ecclesiam Gallicanam verbis, factisque testari, potestatem condendi Symbolum fidei, tesseramque veræ Religionis penes solum Pontificem Romanum esse, nec ullius Symboli auctoritatem aliquam esse, nisi illo probante, quod ut supra diximus, certum est Pontificiæ Infallibilitatis argumentum.*

*Anno MCCCII. Celebratum est Viennense Concilium, in quo Petri Joannis hæreses (tres erant, videlicet, Christum adhuc viventem Lanceâ percussum: animam rationalem non esse formam Corporis: nullasque virtutes supernaturales in Baptismo infundi) damnatæ sunt, eademque occasione Pontificis Romani in rebus fidei decidendis auctoritas insigni testimonio asserta. Sic enim Pontifex in eodem Viennensi Concilio loquitur. Nos igitur Apostolica considerationis, ad quam duntaxat hæc declarare pertinet, aciem convertentes &c. Solius ergo Romani Pontificis officium & potestas est, ultimam sententiam in causis fidei proferre, & consequenter illi soli infallibilitas competit, nec Concilium contra dixit.*

*Anno MCCCCLXXIX. Sixtus IV. Petri Osmanni Professoris Salmanticensis errores damnat. Ii erant, Confessionem non esse sacramentum, sed rem humanâ lege, non divinâ inductam: & Ecclesiam Romanam in hæresin prolabi posse. Sixtus hos errores hæresis notavit. Petrus verò palinodiam canens, fidem suam in his verbis expressit: (a) Consentio sanctæ Matri Ecclesiæ Romanæ, & Sedi Apostolicæ: & ore ac corde confiteor, illam me fidem tenere, quam Dominus Sixtus Papa auctoritate Apostolicâ & Evangelicâ tenet, & omnes, qui contra hanc fidem venerint, dignos aternâ damnatione pronuntio.*

*Anno MDXXI. A Leone X. Pontifice Maximo damnati sunt, quos recens sparserat, ac Germaniæ intulerat, Lutheri errores. Verba Bullæ Leonis circa finem hæc sunt: Auctoritate Omnipotentis DEI, & Beatorum Apostolorum Petri, & Pauli, & nostrâ præfatos omnes errores tan-*

(a) Vide Raynaldum ad hunc annum, & Constitutiones Sixti IV. in Bullario.



*Praxis, ususq; Ecclesia pro eadem infallibilitate Pontificis &c.* 685  
tāquam respectivè hæreticos, aut scandalosos, & veritati Catholica obviantes  
damnamus, reprobamus, atque omnino rejicimus; ac pro damnatis, reprobatis,  
atque rejectis ab omnibus Christi fidelibus haberi debere harum serie declara-  
mus &c. Notandum verò est, fuisse ab eodem Leone X. Conci-  
lium Lateranense, quod Julius II. inchoârat, ad finem perductum;  
eique tanquam Oecumenico & sacrosancto Ludovicum XI. Gal-  
liæ Regem adhæsisse, ut habetur sessione 8. ac etiam Basileensi ac  
Pisano Conciliabulis expressis & conceptis verbis renuntiâsse.  
In hoc verò Lateranensi Concilio, quod Rex Galliæ pro legitimo  
& Oecumenico habuit, superioritas Papæ supra Concilia, ac con-  
sequenter infallibilitas in causis fidei sessione decimâ definita,  
multisque rationibus stabilita est; nec illi recitandæ immorari  
luket, cùm omnibus sit nota.

Anno MDLXXIX. Gregorius XIII. Michaelis Baij Lovaniensis  
Universitatis Cancellarij septuaginta novem propositiones velut  
hæreticas damnavit; easque ipse Bajus operâ Francisci Toleti  
postea Cardinalis recantavit sequenti anno. Quin & Nicolaus  
Magnienſis ex relatione Toleti addit, dixisse Bajum: *Malle se por-  
cos pascere, quàm ulla in te Romani Pontificis judicio repugnare.*

Anno MDCLIII. Innocentius X. quinque Jansenij Proposi-  
tiones hæreticas esse declaravit, atque anathemate inussit. Et  
quamquam Jansenius morte præventus, damnationi suæ haud su-  
pervixerit, certum tamen est ex ijs, quæ scripsit, eum Pontificiæ  
sententiæ tanquam infallibili acquieturum fuisse; sic enim To-  
mo 2. sui Augustini l. 1. c. 29. scribit: *Mihi constitutum est, ad extre-  
mum usque Spiritum Romanam Ducem sequi Ecclesiam, & Beatissimi Petri in  
Romana Sede successorem. Super illam hanc Petram adscatam Ecclesiam scio;  
quicumque cum illo non colligit, spargit, apud eum solum incorrupta Patrum ser-  
vatur hereditas; quodcumque ab ista Petri Cathedra, ab isto Christi Vicario præ-  
scriptum fuerit, teneo. Quidquid improbatum, improbo, damnatum damno,  
anathematizatum anathematizo.* Et libro 10. de gratia: *Quidquid de  
rebus tam multiplicibus, tam arduis, juxta mentem non meam; sed S. Augustini  
pronuntiavi, de Apostolica Sedis, Ecclesiæq; Romana Matri mea judicio, sen-  
tentiâq; suspendo; ut illud jam nunc teneam, si tenendum: revocem, si revo-  
candum: damnem, & anathematizem, si damnandum & anathematizandum  
esse judicaverit.* En ingenuam Jansenij Professionem! legerat Au-  
gustinum totum tredecies, & libros de gratia contra Pelagianos

vicesies; eloquentiâ, ingenio, Theologicis scientijs florebat, & tamen Romano Oraculo hæc omnia submittit: taceo, scribo, revoco, improbo, utcunq̃ue Romæ placuerit: quid amplius loqui poterat, ut Pontificis infallibilitatem satis testaretur? atque utinam Jansenistæ Jansenij sui modestiam imitentur; si enim eum Magistrum agnoscunt, ejusq̃ue doctrinam sequuntur, cur rogo, non æquè ejus humilitatem, modestiam, Romanæq̃ue Cathedræ observantiam? Cum Jansenio sentitis, esto; sed cur non æquè cum Jansenio paretis? an verò pudet vos ab eo discere virtutem; à quo didicistis errorem? Sed Jansenio imputantur, quæ Jansenij non sunt. Nimirum, cum Pius V. cum Innocentius, cum Alexander VII. & Clemens IX. Pontifices Jansenium damnârunt, innocentem, inauditumq̃ue damnârunt, & tam cæci erant, ut, quæ Jansenius scripserat, imò impresserat, non viderent, aut saltem tam improvidi, injustiq̃ue, ut accusantibus crederent, nec probatâ causâ, nec reo convicto; præsertim cum tam faciliè calumnia notari posset, detegiq̃ue, si videlicet, qui hæc Jansenium scripsisse dicebant, in Jansenio non ostenderent; quid enim magis obvium, magisque parabile argumentum, quàm Jansenium accusantibus dicere: *Si hæc Jansenius in libris docuit, ergò libros ostendite?* erit aliquis tam ineptæ mentis, qui credat Jansenium à quatuor Pontificibus damnatum, & tamen istorum nulli in memoriam venisse, ut peterent sibi ostendi, ubi hæc Jansenius scripsisset? & demus hoc quatuor Pontificibus excidisse, quid dicemus de tot alijs Doctoribus & Theologis, qui illis assidebant, dum hæc causa examinaretur? nemini illorum res tam obvia, & tamen tam necessaria in mentem venerit? Sed fuerit Jansenius innocens, tantùm errores ipsi damnentur, & cum illo faciliè in gratiam redibimus, quippe ut ostensum est, calamum, doctrinamq̃ue suam Romanæ sententiæ submisit. Cæterùm damnatas Jansenij propositiones in illius Augustino reperiri dubitari vix potest. Nam *prima* damnata propositio totidem ferè verbis habetur *l. 3. de statu Nat. lapsa cap. 13. & l. 4. cap. 24.* *Secunda* propositio habetur *lib. 1. de gratia Christi cap. 1. & c. 24. & cap. 25.* *Tertia* propositio habetur *lib. 6. de gratia Christi cap. 6. & c. 8.* *Quarta* propositio habetur *lib. 8. cap. 6. de hæresi Pelagiana & ibidem c. 7. & lib. 2. de gratia Christi c. 12. & 25. & lib. 8. de gratia Christi cap. 3. & 15. & 19.*

& 19. Quia quod Christus non sit pro omnibus mortuus lib. 3. de gratia Christi c. 21. & fusiùs c. 20. & l. 8. de hæresi Pelagiana c. 26. & 31.

Sed quod hanc damnationem Jansenij spectat, illud præcipuè observandum est, non solum fuisse illam ab octoginta quinque Galliarum Episcopis ab Innocentio X. expetitam, summoque plausu exceptam; verum etiam ejus occasione à Gallicanis Episcopis Pontificiam Infallibilitatem enixissimè proclamatam; sic enim in epistola ad Innocentium data 1653. loquuntur: *Majores causas ad Sedem Apostolicam referri solemniter Ecclesia mos est, quem fides Petri nunquam deficiens perpetuo retineri pro jure suo postulat. Experita est nuper Beatitudo tua, quantum Apostolica Sedes in profligando gemino errore auctoritas valuerit: continud sedata est tempestas, atq; ad Christi vocem & imperium mare & venti obedierunt. Quamobrem flagitamus Beatissime Pater, ut clarâ firmâque prolata istarum propositionum sententiâ caliginem omnem discutias; animos fluctuantes componas, dissidia prohibeas, Ecclesia tranquillitate reddas.* Hæc Gallia ad Pontificem: sentiebant ergo infallibilem, ejusque sententias ab omni errore exemptas esse; alioquin quomodo caliginem omnem discuterent, animos fluctuantes componerent, dissidia prohiberent? cum semper respondere Adversarij possent, quod modò Galli respondent, cum Romanis imperijs urgentur, videlicet, *Papam falli posse; & idèd se ejus definitionibus non teneri.* Aut ergo Galliarum Antistites, tunc cum hæc scribebant, errârunt, aut errant modò, cum primis contraria decernunt; aut quod vero propius est, idem & modò sentiunt, sed non idem loquuntur; quippe tunc pacati erant, modò indignati, & idèd calamo, linguaque infesti, animis licèt veritate convictis. Sed audienda est adhuc alia, multoquæ ad rem nostram accommodatior Gallorum Antistitum epistola. Sic enim ad Innocentium scribunt, postquam is Jansenij errores damnaverat: (a) *Quo in negotio (damnatione videlicet propositionum Jansenij) illud observatione dignum accidit, ut quemadmodum ad Episcoporum Africa relationem Innocentius I. Pelagianam hæresin damnavit olim; sic ad Gallicanorum Episcoporum consultationem, hæresin Pelagiana ex adverso oppositam Innocentius X. auctoritate suâ proscripserit. Enimverò illius vetusta auctoritas Ecclesia solâ Cathedra Petri communione & auctoritate suffulta, qua in Decretalis epistola Innocentij ad Africanos data elucebat, quamq; deinde Zozimi altera ad Universos Orbis Episcopos subsequuta est, Pelagiana hæresis damnationi absque*

absque cunctatione subscripsit. Perspectum enim habebat, non solum ex Christi Domini Nostri pollicitatione Petro facta, sed etiam ex actu priorum Pontificum, & ex anathematisnis adversus Apollinarem & Macedonium, nondum ab ulla Synodo Occuménica damnatos, à Damaso paulo ante factis, judicia pro sancienda regula fidei à Summis Pontificibus lata super Episcoporum consultatione (sive suam in actis sententiam ponant, sive omittant) Divinam aquè ac summam per Universam Ecclesiam auctoritate niti, cui Christiani omnes ex officio ipsius quòque mentis obsequium prestare tenentur. Et nos quoque sententiâ ac fide imbuti, Romane Ecclesie presentem, quæ in Summo Pontifice Innocentio X. viget, auctoritatem debitâ observantiâ colentes Constitutionem Divini Numinis instinctu à Beatitudine Vestra conditam, nobisq; traditam, &c. Hæc planè tam manifesta est Pontificiæ Infallibilitatis confessio, ut dici, imò nec optari efficacius possit: num Galli tunc temporis scripturas ignorabant? num eos, quid Concilia, quid Patres docuissent, quidve Gallicana Ecclesia sentiret, latebat? Quæ est ergo Galliæ Antistitum tam repentina mutatio, ut quod nuper sub uno Innocentio tam clarè asserebant, nunc sub altero Innocentio tam enixè repudient?

Denique, ut alia omittamus, his omnino consentanea refert Archdekinus in *Theolog. tripart. p. 1. tr. 1. q. 5. in fine*. Ex Regis Christianissimi, & Episcoporum Gallia desiderio, Alexander VII. decrevit, ut universus ordo Ecclesiasticus huic professioni cum juramento subscriberet: Ego N. Constitutioni Apostolica Innocentij X. data die 31. Maij MDCLIII. & Constitutioni Alexandri VII. data 16. Octobris MDCLVI. summorum Pontificum me subjicio, & quinque propositiones ex Cornelij Jansenij libro, cui nomen Augustinus, excerptas, & in sensu ab eodem Auctore intentio, prout illas per dictas Constitutiones sedes Apostolica damnavit, sincero animo rejicio, ac damno, & ita juro: sic me Deus adjuvet, & hac sancta Dei Evangelia.

Agnovit ergo Gallia totusque Ordo Ecclesiasticus, tam certam esse Pontificis Romani sententiam, ut quæ ille damnat, & pro hæreticis habet, damnari debeant, haberiq; pro talibus, & damnationis sententia juramento confirmari; quod fieri non posset, si damnatio certa & indubia non esset; nemo enim jurare potest, propositionem aliquam damnabilem, aut hæreticam esse, nisi certò id credat, alioquin juramentum exponeret periculo falsi, doctèque omnes tum Theologi, tum Jurisperiti.

Denique Anno MDCLXXXVII. Innocentius XI. Pontifex morum sanctitate, rerum caducarum contemptu, disciplinæ Ecclesia-

clesiasticæ Zelo, propagandæ Catholicæ Religionis ardentissimo studio, animi magnitudine, etiam Regibus formidandâ, præclarissimis contra Turcas victorijs, quas immensâ auri profusione & sanctissimis apud Principes consilijs, & continuis lachrymis à Deo impetravit; Pontifex inquam, rerum gestarum, & animi magnitudine, antiquis illis Pontificibus Leoni, Nicolao, Gregorio, hæreticorum etiam confessione, planè similis, & cui parem, à multis retrò sæculis haud invenies; is, inquam, tantus Pontifex post accuratissimam, totoque biennio productam discussionem, Michaëlis Molinos Hæresiarchæ perniciosissimos juxta fœdissimosque errores die 28. Augusti extra Concilium Oecumenicum solâ Apostolicâ auctoritate damnavit. Fuit Michaël Molinos natione Hispanus Arragonensis, Sacerdotis dignitate insignis, tantaque pietatis, quam accuratissimè simulabat, opinione apud plerosque commendatus; ut dirigendis Primatum, ac præsertim nobilium Matronarum conscientijs passim adhiberetur; hinc illi laxandis pascendisque carnis cupiditatibus prona occasio: primò amor, tum error: inter thalamos, & amplexus contemplativam, mysticamque Theologiam docebat; eodemque momento adulterum agebat, Doctoremque: sed hæc intra Cubile, Virginumque aut etiam nuptiarum Academias: foris Angelò similis, ecstases spiranti: credentes Paulum in tertium Cælum altè sublatum: nullæ voces, quàm de *Oratione, sensuum morte, Unione ac quiete cum DEO*. Hinc tam multos infecit, dulci videlicet occultoque veneno; sed istis cognitâ fraude pœnitentia primùm, tum remedia succelsère. Duos & viginti annos nunquam conscientiam expiavit, nunquam ex Catholicorum ritu carne abstinuit. Taceo alia memoratu pudenda. Tandem detectus, biennio Romæ intra carceres hæsit, quo tempore ejus erroribus detegendis, confutandisque à præclarissimis Theologis desudatum. Postea publicè coram sacro senatu, Aulaque Romana, ac immensâ populi frequentia errores suos recantavit; tantâ omnium execratione ejus doctrinæ capita & obscœnitates auditæ sunt, ut repetitis populi vocibus ad flammam posceretur. Summa errorum hæc fuit. Ut in elemento aëris, ita in anima hominis duas esse Regiones, superiorem & inferiorem, quas Theologi duos Appetitus vocant, Rationalem & sensitivum. Superiorem quod atinet, illic semper serenum & apricum esse oportere;

tere; hoc est, Unionem cum DEO, ac perpetuam Contemplationis, amorisque solstitium, quale in Terrestri Paradiso fuit. At verò in animæ inferiori Regione turbidum, & tempestates gliscere, iras videlicet, concupiscentias, & reliquum passionum humanarum tumultum, neque has curandas esse sistendæve; sed permittendas potius explendasque, quippe naturæ innatas, nec magis culpæ obnoxias, quàm naturam ipsam, cujus illæ flores & fructus sint. Quis enim ægrè ferat uvas ex vite nasci, glandes ex quercu, spinas vepresque ex rubo? atqui eandem rationem esse, cum voluptates ex carne leguntur, quippe æquè naturæ corporeæ congenitas, ac glandes quercui, spinæ vepresque rubo. Imò coërcendis voluptatibus illis frustra noxiæque laborem impendi; frustra, quia morari torrentem nemo potest, maximè cum plenus est, redundatque. Noxiè verò, quia cum illis oblectamur, laboramusque sustinendis, unio interim quiesque cum DEO turbatur, quæ ut perennis sit & illæsa, pace potius cum sensibus, quàm bello curandum. Ex generali hac doctrina ad particulares alias propositiones non impias tantum Molinos, sed obscuras etiam dilabitur, dictu, audituque indignas, aded, ut cum illæ ex suggestu legerentur, meritò ignem, ignem, Populus inclamaverit. Ex inter alias sunt: Oportere Potentius annihilari, & hanc esse viam internam. DEUM offendi, cum aliquis operari aliquid activè conatur, cum DEUS velit solus in homine operari; oportere igitur, ut quis se totum DEO deferat, & postea instar mortui & cadaveris se habeat. DEUS vult in nobis operari sine nobis. Anima nihil agendo, & nihil operando ad DEUM redit. Via interna est illa, in qua nec lumen, nec amor, nec resignatio in DEUM cognoscitur. Imò oportet ne quidem ipsum DEUM cognosci, & tunc res benè habet. Anima nec de DEO, nec de Cælo, nec de inferno cogitare aliquid debet. Qui semel DEO voluntatem suam commisit, nihil amplius, nec Cælum, nec Infernum curare debet, nec perfectionem aut sanctitatem, virtutesque, imò nec salutem propriam optare. Petere à DEO aliquid est imperfectio, sicut & gratias agere. Postquam DEO voluntatem tuam commisisti, non amplius curanda sunt tentationes, neque illis resistendum, nisi tantum negativè, nullaque adhibitâ diligentia: & si natura aliquid sentit, permitte, ut sentiat, quia natura est. Oportet, ut in Oratione solam fidem obscuram, & universalem habeas, & stes coram DEO ad ipsum amandum, nullum tamen actum eliciendo, nihilque agendo, quia DEUS hujusmodi meritis haud delectatur. Cogitationes quantumvis im-

puta,



*pura, & contra DEUM sanctosq;, si voluntariè non foveantur, nec etiam positivè repellantur, sed patienter tolerantur, non tantùm non impediunt Orationem, sed eam potiùs perfectissimam reddunt. Tadium rerum spiritalium bonum est, quia eo purgatur amor proprius. Hactenus Molinos, qui alias propositiones adjungit in favorem mollitiei, quam exemplis Sanctorum Jobi & Pauli sacrilegè promovere audet: nihil turpius, sed nec magis impium dictu audituque est. Taceo igitur, quæ nec legi, nec scribi possunt sine horrore. Has ergo sacrilegas, obscenasque hæreses Innocentius XI. extra Concilium damnavit, & Ecclesia mox pro damnatis habuit. Porro ex hac tam longa inductione, quâ ostensum est, quàm plurimas hæreses à solis Romanis Pontificibus damnatas esse, & Ecclesiam hujusmodi damnationi necessariò acquievissè, adedò ut dubitari ampliùs non potuerit, teste etiam Gallicanâ Ecclesiâ in litteris ad Innocentium X. constat, inquam, Pontificis auctoritatem in rebus fidei decidendis infallibilem esse, omnisque erroris expertem, & quæ contra hanc sequelam objici possent, jam suprà refutavimus. Sic ergo etiam quartum signum Infallibilitatis Pontificiæ absolvimus.*


*Quantum signum est, ex praxi Romanæ Ecclesiæ, cujus meminit Beruo (a) Monachus S. Galli, & postea Abbas Augiensis lib. 2. de rebus ad missam spectantibus, qui habetur in Bibliotheca Patrum. Is refert, in Ecclesia Romana multos annos sub sacrum nunquàm Symbolum cantari solitum, præter morem omnium aliarum Ecclesiarum; roganti verò causam Henrico primo Imperatori, Benedictum VIII. respondisse: Quia traditio erat, Romanam Ecclesiam in fide errare non posse. Sed Henricus Benedicto persuasit, ut more aliarum Ecclesiarum etiam Roma Symbolum caneretur. Hæc Beruo, qui ut ipse testatur, coram assistebat, audivitque responsum: Me, inquit, coram assistente audi vi Pontificem hujusmodi responsum reddentem, videlicet, quòd Romana Ecclesia non fuisset aliquando ullâ hæreseos sæpe infecta, sed secundum S. Petri doctrinam in soliditate Catholica fidei permaneret inconcussa; & ided magis necessarium esse illos Symbolum sæpiùs cantando frequentare, qui aliquando ullâ hæresi potuerunt maculari. Vides in hoc celebri Antiquitatis monumento, quàm antiqua fuerit traditio de Romani Pontificis infallibilitate, videlicet à Christi nativitate, sive potiùs à tempore Apostolorum usq;*



ad annum circiter 1014. quo credimus hoc colloquium inter Benedictum & Henricum contigisse, dum Romæ essent.

*Dices*, non hîc asseri Romanorum Pontificum, sed Romanæ Ecclesiæ infallibilitatem.

*Resp.* Si particularis Romanorum Ecclesia errare non potest, multò magis errare non possunt Romani Pontifices; promissiones enim Christi ad Petrum ejusque successores, non ad Ecclesiam, quæ Romæ est, referuntur; neque enim Christus dixit, se fundaturum Ecclesiam suam supra Romanorum Ecclesiam, sed supra Petrum: neque Christus pro Roma rogavit, ne ejus fides deficeret, sed pro Petro; cur ergo privilegium Petro adimis, quod Christus Petro dedit? & cur Romanæ Urbi confers, quod Christus Romæ non contulit? & quo fundamento Romæ potius quàm Petro, Petrique successoribus? Fac Petrum non Romæ, sed Alexandriæ aut Antiochiæ mortem obiisse; quæso an tunc quoque Romanorum Ecclesia ab omni hæresi immunis futura esset? si immunis? quam ob causam illa potius, quàm aliæ Ecclesiæ particulares? si non Romana, sed Antiochena, ubi Petrus obierat, sui que successores reliquerat? ergo infallibilitas & immunitas ab omni errore intuitu Petri & successorum à Christo Ecclesiæ concessa est; prius ergo magisque infallibilis Petrus, ejusque successores, quàm ipsa Ecclesia, cui Petrus præfedit; & planè cùm DEUS omnia suaviter & accommodatè ad rerum naturas operetur, adèò ut potentiam visivam v.g. oculo, non pedi infuderit, quia oculus magis dispositus est ad videndum, magisque oculo, quàm pedi videre convenit; quis credat Deum, qui Romanum Pontificem Caput & Magistrum Ecclesiæ Romanæ constituit, illum magis errori obnoxium esse voluisse, quàm Ecclesiam? cùm utique magis conveniat Caput & Magistrum, quàm membra & discipulos errorum immunes esse, & quid rogo magis rationi adversum, quàm velle, ut erraret, qui docet, non erraret, qui discit? imò tam fieri non potest, ut errante Magistro non erraret discipulus, quàm ut ductore errante non erraret quoque qui sequitur, quemque is manuducit: verbo, *non est discipulus super Magistrum, sed sufficit ei, ut sit sicut Magister*, teste ipso Christo Domino Nostro. Quamquàm nec ullis argumentis opus est, cùm ex Patrum testimonijs suprâ citatis satis superque constet, quid de Infal-  
libilitate Pontificis Romani Ecclesia semper senterit,



S. VII.

*Rationes pro Romani Pontificis infallibilitate.*

S U M M A R I A.

1. *Prima ratio ex necessitate judicis controversiarum.*
2. *Ex Conciliorum certitudine.*
3. *Ex confirmatione Pontificis, sine qua Concilia plenam auctoritatem non habent.*
4. *Ex ordine Divina Providentia.*
5. *Ab experientia.*
6. *Ex Ecclesia ipsius infallibilitate.*
7. *Ab absurdis.*
8. *Resp. Ad objecta.*

I.



Primè animadvertit S. Thomas 3. p. q. 1. a. 3. *Ea qua ex sola voluntate Dei proveniunt supra omne debitum naturæ, nobis innotescere non posse, nisi quatenus in sacra Scriptura traduntur, per quam divina voluntas nobis innotescit.* Cùm ergo privilegium infallibilitatis Romano Pontifici concessum, non tantùm naturæ debitum superet, sed etiam sit contra hominis naturam semper in errores præcipitem, maximè verò circa res divinas, quæ stellarum more, quanto sunt à nobis remotiores, tanto magis oculum aut fugiunt, aut fallunt, tutiore semper silentio, quàm sermone; suffecisset inquam illam ipsam infallibilitatem, seu, ut Græci vocant, *anamartisian* ex sacris litteris probâsse, ex Conciliorum, Patrumque testimonijs, ipsoque perpetuo Ecclesiæ usu. Quia tamen Deus, qui est summa & prima omnium Ratio, nihil potuit aut sine ratione, aut rationi dissentaneum efficere, & homo Christianus, quamvis fide ducatur, hanc ipsam

ipsam tamen fidem tanto pronius amplectitur, quanto magistratione, nativo velut pondere, in illam rapitur; nostrarum erit partium argumenta expendere, quæ hanc ipsam infallibilitatem nobis persuadeant.

*Prima igitur ratio est*, quia negatâ hâc infallibilitate in rebus fidei decidendis, sequitur Ecclesiam omni Judice controversiarum destitutam esse, sicque velut navim in fluctibus, sine clavo, & gubernatore, incertam vagari, & vel nunquam esse certam veritatis, vel omnes sacras controversias ex sententia instinctûs & enthufiasmi privati dirimendas esse, quæ est hæresis Lutheranorum: Concilia enim & difficillimè multoque temporis defluxu convocantur, & sæpissimè convocari non possunt, ut in primitiva Ecclesia trecentis ferè annis contigit: & si convocentur, multa iterum occurrant, ob quæ vocari in dubium potest, an sint universalialia, an legitimè celebrata, an quæ illic decernuntur, fuerint conciliariter, hoc est, præmisso examine & diligenti inquisitione, & pluribus votis decreta, & denique an fuerint à S. Pontifice confirmata: immo Prælati unius nationis Catholicæ aut venire ad Concilium recusantibus, aut subito à Concilio abscedentibus, idque allegatis causis, quæ nunquam defunt, quæque legitimæ sint an secus, paucissimis constare potest, generalitas Concilij semper impugnari poterit. Tota ergo Conciliorum auctoritas & certitudo ex hisce omnibus pendet, quorum si vel unum absit, aut saltem dubitetur an abfuerit, Concilij definitio evadit incerta, ut experientiâ multorum Conciliorum constar, videlicet Francofordiensis sub Carolo M. Pisani, Constantiensis, Basileensis, Florentini, Lateranensis, &c. Quid ergo fiet Concilio aut impedito, aut discordijs soluto, aut de quo non constar, an universale & legitimum sit, ac à Pontifice confirmatum? Quis tunc finem controversijs imponet? quis partibus sententiam dicet, si Papa errare potest? & denique me in fide nutantem quis confirmabit? Expectetur *dices* Concilium. At nimis tardum, nimis incertum est hoc remedium animis interim discordiâ divisiss, & falsâ opinione infectis, quam diu animo retentam vix deponent, Concilio postea jubente: sunt enim falsæ corruptæque doctrinæ venenorum instar, quibus festinata remedia subveniunt, sed tarda multumque dilata, ac malo jam in præcordia recepto, frustra sunt, & inutilia. Deinde Con-

cilia,

ilia, ut diximus, tam multis opus habent, ut vix aliquod sit, quod repelli aut eludi non possit hâc præsertim tempestate, quando opinandi licentia tam latè dominatur, ut nihil sit, quod in dubium & problema vocari non possit, Doctoribus passim novitate gaudentibus, omniq̃ue industriâ ea probantibus, quæ probari non possunt, ut ex difficultate ingenium ostendent, & ex ingenio palmam & plausum apud eos mereantur, qui plus arti tribuunt quàm veritati.

II. *Secunda Ratio.* Negatâ Pontifici Romano Infallibilitate, cùm è cathedra pronuntiat, ne quidem ipsis Concilijs eorumq̃ue decretis certa & indubitata auctoritas & fides constat: Concilia enim, nisi sint legitima, & universalia, nihil in fide statuere possunt, ut pater de Concilio Ariminensi, Ephesino II. alijsq̃ue: at legitima & universalia esse unde constat? Quia Papa confirmavit, testaturq̃ue legitima esse? At secundùm te errare potest Papa, & tunc maximè, cùm facti quæstio vertitur, qualis est illa: an Concilium fuerit Generale, legitimum, & legitimè processerit. Quia Ecclesia recepit? At non tenetur Ecclesia recipere, nisi constet legitimum & universale esse, quis hoc dixit Ecclesiæ, & cui tutò credere Ecclesia potuit, lubrico Papæ testimonio & casui exposito? Vide, ead̃ in ratione præcipitari Concilium, quâ nimium attollitur.

III. *Tertia Ratio.* Si Papa errare potest, Concilium non potest, ergo non oportebit acta Concilij à Papa confirmari, sed potiùs acta Pontificis à Concilio confirmanda erunt, quod tamen est contra expressissimam doctrinam sanctorum Patrum, *in d. 17.* & perpetuam Ecclesiæ praxin. Quid verò magis contra rectum ordinem rectamq̃ue rationem, quàm ab eo, qui errare potest, necessariò illius sententias confirmari, qui errare non potest, hoc est, videntem à cæco duci, & solem à stellis radiari?

IV. *Quarta Ratio.* Certum est Deum, quantumvis rerum omnium primam & potentissimam causam, quæq̃ue nullius consortio aut præsidio indiget, accommodatè ad rerum omnium causam operari, per ignem videl. non per aquam calefacere: per lucem, non per sonos aërem illustrare: coloribus oculos pascere, non saporibus: pernecitatem aquilis, non testudini dare: & deniq̃; quæ singulorum naturis congruunt, non quæ adversantur, tribuere: & hanc esse divinæ Providentiæ indolem, à sacris paginis toties com-

commendatam, non nia videlicet *In ordine, pondere, & mensura* mollientis, *disponentis* 3, *suaviter*, hoc est, juxta non contra rerum naturas ac propensiones. Cùm ergo Deus Pontificem Romanum constituerit Caput, Pastorem & Magistrum, non tantùm Ecclesiarum omnium in particulari, verùm etiam ipsius Ecclesiæ universalis (ut definitum est in Concilio Constantiensi *sess. 8. art. 37. sess. 15. sess. ult. & Concilio Florent. sess. ult. Lateranen. sess. 11. & Lugdun. primo c. unico. de homic. Lugdunen. II. c. unico de summa Trinit. in 6.*) oportet infallibilitatem, de qua agimus; aut Ecclesiæ tribuere, aut Pontifici, aut utrique, aut neutri. Si neutri? nihil ergo in Ecclesia certi habebimus, fide in opinionem mutatâ. Si & Pontifici & Ecclesiæ? est ergo Pontifex infallibilis. Si soli Ecclesiæ & Concilio, non verò Pontifici? ergo Deus plus doctrinæ, & certitudinis in discipulum, quàm in Magistrum contulit, & qui oves noluit errare posse, voluit pastorem posse: & domum voluit firmius quàm fundamentum stare, hoc frangi & cadere, illam non posse: quid amabò magis contra naturam fundamenti, contra ordinem capitis, contra rationem Magistri, contra conditionem Pastoris? Si tibi hinc rupem, hinc atenam ostenderem, quam tu pro fundamento eligeres, quæ subsidere, & moveri potest, aut quæ non potest? Si duos tibi ad magisterium offerrem, alterum tam copiosâ doctrinâ instructum, ut falli docendo non posset, alterum mediocriter instructum, & sæpe prolapsum: quem tu Magistrum diceres? in errores expositum, an securum veritatis, & nunquam erraturum? Eâdem ergo ratione, si Ecclesia falli non potest, sed Papa potest, Ecclesiæ dicendum erat non Papæ: *Pasce oves meas: Pro te oravi, ut non deficiat fides tua: Super te edificabo Vicarium meum:* & denique Ecclesia Magistra Papæ, Ecclesia Vicaria Christi, Ecclesia ovium & ipsius etiam Pontificis Pastor; quæ omnia & per se sunt absurda, & apud nullos Patres, in nullis Concilijs audita.

V. *Quinta Ratio* deducitur ab experientia; quæ enim fieri possunt, aliquando facta sunt, nec ullam aut in cælis aut in terris potentiam reperies, quæ aliquando in actum non eruperit: potest ignis calefacere, & idèd nullum reperies, qui non aliquando calefecerit: potest vitis vinum proferre, & idèd nulla vitis est, quæ non aliquando protulerit, aut si non protulerit, idèd est, quia non potuit: potest homo in sanctum evadere, & idèd aliquos sal-

tem inter homines reperies, qui evaserunt: sicut ex adverso, quæ nunquam in aliqua specie facta sunt, creduntur fieri non posse: quemadmodum quia nunquam duo phœnices visi sunt, nunquam boves alati, nunquam aquilæ cornigeræ, nunquam ignes frigidi: ideo & optimo quidem jure negamus ea fieri posse; alioquin frustra aliquid natura faceret, hoc est, potentiam sterilem, & nunquam in actum aliquem prodeuntem: ex quo etiam principio Philosophi docent cælum incorruptibilis naturæ esse, quia nulla in cœlis corruptio à tot sæculis observata est. Eodem modo cum ab Ecclesia condita nunquam cathedra Petri hæresis aliqua prodierit, ut in solutione objectionum dicetur, aut nimis imprudens est, qui dicit fieri posse, quæ nunquam facta sunt; aut nimis timidus, qui timet, ne aliquando contingant, quæ nunquam contigerunt, maximè ubi tot alia adminicula inconsultum hunc, & panicum timorem absolvunt. In cathedra Constantinopolitana Macedonius, Nestorius, Sergius hæresiarchæ federunt. In Alexandrina Gregorius & Lucius Ariani, Dioscorus Eutychianus, Cyrus Monothelita. In Antiochena Paulus Samosatenus, Petrus Eutychianus, Macarius Monothelita. In Hierosolymitana Joannes Origenista, Irenæus & Hilarius Ariani. Romanam verò sedem nulla hæresis occupavit, ut suprâ ostendimus, quam propterea S. Hieronymus *epist. ad Damasum, Fontem signatum vocat, hortumq; conclusum, & apud quam solam incorrupta Patrum servatur hereditas: & planè admiratione omnino dignum est, hanc solam à Paganis, ab hæreticis, à schismaticis, dolis, armis, supplicijsque & certatim appetitam steterisse, semper invictam, nec invictam tantum, sed etiam invulneratam, cadentibus interim, à quibus infestabatur, hostibus, totoque Orbe pro hæreticis & perduellibus, qui cum illa non sentirent, conclamatis. Quid Wandalus, quid Gothus, quid Græcus, quid Constantius, quid Valens non egit? nam Neronæ & Diocletianos tacemus, ut hanc virginem corrumpere, sedarentque, toto penè Orbe in unam & inermem armato? vicit tamen illa, floremque Religionis tam illibatum servavit, quàm accepit, ostenditque verum fuisse illud sui sponsi vaticinium: *Porta inferi non prevalebunt adversus illam. Et illud Isaiæ 50. Pro eo quod fuisti derelicta, & odio habita, & non erat qui per te transiret; ponam te in superbiam sæculorum, gaudium in generationem & generationem, & suges lac gentium, & manillâ**

*Regum laudaberis, & scies quia ego Dominus salvans te, & Redemptor tuus. & veniens ad te curvi filij eorum, qui detrahebant tibi, & vocabunt te Civitatem Domini.* Cùm ergo fides Romanæ Sedis tunc non defecerit, cùm aliæ omnes defecerunt, maximeque timeri poterat, ne hæresi aliquâ corrumperetur; planè dicendum est deficere eam non posse, nam si posset, jam defecisset.

VI. *Sexta Ratio.* Hoc privilegium infallibilis doctrinæ, quod Pontifici asserimus, ex duobus capitibus, aut negari summo Pontifici, aut concedi debet; ex voluntate videlicet Dei per scripturas declarata, & ex bono Ecclesiæ regimine; sed utroque titulo cogimur hanc infallibilitatem Pontifici asserere; Scriptura enim sacra iisdem verbis, quibus dicit Ecclesiam errare non posse, iisdem de Pontifice hoc dicit: si enim Ecclesia idèd errare non potest, quia 1. ad *Timotheum* 3. dicitur *columna & firmamentum veritatis*: Et *Qui Ecclesiam non audit, est instar Ethnici & Publicani habendus*: idem parique jure de Petro dicendum erit, qui *fundamentum Ecclesia appellatur*, cui *claves Regni cælorum traduntur*, pro cuius fide, ne deficiat, *Christus orat*: & cui soli, ac tertid præcipit: *Si amas me, pascie oves meas.* Aut ergo verba scripturæ Ecclesiæ infallibilitatem non probant, aut probant etiam Petri, ejusque successorum. Bonum verò Ecclesiæ Regimen quod attinet, certum est, Ecclesiæ magis conducere, ut Pastorem infallibilem habeat, & cujus doctrina nihil falsitatis admittat, quàm errori obnoxium; hoc enim quàm plurimis nocet, illud nemini. Ergo quocumque respicias, non debet hoc privilegium negari Vicario Christi.

VII. *Septima Ratio.* Qui dicunt in rebus fidei judicandis errare Pontificem posse, non id tantùm agunt, ut hanc opinionem intra scholas & arenam disputationis retineant; sed ut illam quàm maximè ad mores & praxin extendant; & ita Pontifici aliquid statuente, contrarium ipsi & dicunt, & sentiunt, negantque fidem suam, quæ certa esse debet, dubiæ Pontificis sententiæ alligari posse. Ex hoc autem quàm plurimæ in mores, ipsamque Religionem corruptela existunt. Primò enim quilibet Judicem Pontificis agit; damnat, quos ille absolvit; absolvit, quos damnat, pessimæque assuescitur libertati, summi Pastoris sententias examinandi, tum etiam rescindendi, ac denique contemnendi; nascitur enim ex pugna & victoria victi tanquam aut paris, aut inferioris

con-




contemptus, & qui modò Papam Concilio submittebant, jam etiam sibi, dum judicant, damnantque, submittunt. Deinde cùm opiniones, quas summi Pontifices damnant prohibentque, semper Religioni aut moribus infestæ sint & perniciosæ; si eas possum nihilominus ut honestas amplecti, & in opus redigere, quanta in Ecclesiam confusio, in mores licentia, & perniciës grassabitur? v. g. hanc Jansenij propositionem: *Semipelagianum est dicere, Christum pro omnibus omnino mortuum esse, aut sanguinem sudisse: damnavit ut hæreticam Innocentius X. Istam verò: Licet honesta aliàs matrona, quæ amoris succubuit, ne honoris jacturam faciat, sœrum medicamentis abigere: hanc ut temerariam, scandalosam, & omnino falsam, alter Innocentius XI. æquè proscripam voluit; si tu ergo illorum Pontificum sententijs insuper habitis, eoque prætextu, quòd extra Concilium errare possint, contrariam opinionem, ut probabilem teneas exerceasque, nec per censuram incertæ auctoritatis præjudicium illis factum dicas, quæ scandala, turpitudines, corruptelæ Ecclesiam interim sædabunt? quamque erit serum, incertumque à Concilio remedium, morbo jam latè fuso, & per tot clades animarum vagante? Quòd si hæc libertas contra Principum leges & imperia opinandi agendique omnem Rempublicam, statumque politicum perderet, quanto magis perderet Christianam, quæ ex morum fideique integritate constat? ut proinde nulli umquam venire in mentem possit, eâ ratione Christum Ecclesiam suam instituisse, quâ si Princeps sæcularis institueret, omnium reprehensionem jure optimo mereretur. Et qui in fidei & morum Decretis errare posse Pontificem dicunt, multo magis de Episcopis, alijsque Prælatis dicunt, multoque istis liberius, quàm Pontifici obstitent: en ergo pulchram in Ecclesia majorum minorumque harmoniam ac concentum: Asserit Papa, Episcopus negat. Episcopus præcipit, Clericus non obtemperat. Clericus explicat, populus aliter intelligit. Quod superiores nigrum esse dicunt, subditi album vocant, pulcherrimâ imperandi & numquam obtemperandi conditione.*

VIII. Dices: Pontificem extra Concilium errori quidem obnoxium esse, ejus tamen decreta observari interim debere, donec in Concilio rescindantur.

æ. Si hæc ita fierent, ut dicuntur, tolerari utrumque eam

sententiam posse; jam verò contrarium experimur: si enim, ut dicunt, Papæ interim obediendum est, cur non obediunt Leoni X. in Concilio Lateranensi, cur non Eugenio IV. in Florentino, cur non Pio II. alijsque supra productis, qui omnes definiunt, Concilium Pontifici subesse, & hujus cùm è cathedra docet, sententias nulli errori misceri posse? cur Concilij partes occupant, & quod nullum Concilium ausum est definire, definiunt ipsi, perinde ac si non Concilium tantum supra Papam, sed seipsos supra Concilium attollant, & potestatem ab hoc numquam usurpatam involent ipsi, præcipitatâ in Pontificem ejusque auctoritatem sententiâ? Deinde si concedunt decretis fidei à Pontifice factis semel credendum esse, dum interim Concilium cogatur; concedere debent, etiam post Concilium, & semper credendum esse, quia fides numquam mutatur, & quod semel, hoc semper credendum est, cùm veritas semper sit eadem, nec vultum variet: & quod heri verum fuit, hoc hodie, hoc crastinâ, hoc perendie, hoc post centum, post mille annos, semperque verum erit.



## §. VIII.

*Censura Patrum & Doctorum.*

## S U M M A R I A.

1. *Censura Gregorij IV. PP. S. Nicolai I. S. Hieronymi, Pelagij PP. Hugonis Eiberiani, S. Leonis IX. Francisci Suarez, Melchioris Cani Episc. Canariensis, S. Thoma, S. Antonini, &c.*
2. *Respond. ad objecta.*

## I.



Ux Patrum de illis sententia fuerit, qui summorum Pontificum de fide aut moribus Decreta eo prætextu, quod errare possint, non observant, totidem nos illorum verbis referemus, nihil ex nostro adjecturi.

Gre-

Gregorius IV. in epist. ad Episcopos Gallie, Germanie, Europa & per universas Provincias constitutos, qua habetur in c. praeceptis d. 12. Præceptis, inquit, Apostolicis, non durâ superbâ resistatur, sed per obedientiam, qua à sancta Romana Ecclesia & Apostolica auctoritate jussa sunt, salutiferè implorantur, si ejusdem sancta Dei Ecclesia, qua est caput vestrum, communionem habere desiderat.

S. Nicolaus II. in epistola ad Mediolanenses, c. omnes d. 22. Fidem, inquit, violat, qui adversus illam agit, qua Mater est fidei, & illi contumax invenitur, qui eam cunctis Ecclesijs prætulisse cognoscitur.

S. Hieronymus epist. ad Damasum qua habetur in c. quoniam 24. q. 1. Ego nullum premium, nisi Christum secutus, Beatitude tua, hoc est, cathedra Petri communionem confocior: super illam Petram adificatam Ecclesiam scio: quicumq; extra hanc domum agnum comederit, profanus est: si quis in Arca Noë non fuerit, peribit regnante diluvio: quicumq; tecum non colligit, spergit, hoc est, qui Christi non est, Antichristi est.

Pelagius PP. in c. quoniam 24. q. 1. Contra Apostolicam sedem temere credentes pessima dividit opinio, quod schisma specialiter esse denuntiat Augustinus dicens de talibus: Adversus auctoritatem illarum Ecclesiarum, qua ab Apostolica sede epistolas accipere meruerunt temere credendo, immanissimum schismatis crimen à se propulsare non poterit.

Hugo Etherianus, qui scripsit sub Alex. III. PP. Vir planè doctissimus in comment. de Process. spiritus S. l. 3. c. 10. & habetur in biblioth. Patrum: Æquum est, ratum habere, quod tanta Ecclesia decernit, quod tantus Pontifex enuntiat. Qui autem prima sedis, immo totius orbis Praesuli resistunt, Christi dispositioni resistunt, & nisi resipiscant, contumacia judicio plectentur. Quicumque naviculam Christi spernit, incaute navigat, & nisi plumbeas moles pervicacitatis rejiciat, influent maria.

S. Leo IX. epist. ad Michaelem Patriarcham Constantinop. quam recitat Baronius ad annum MLIV. n. 14. Quid hoc monstri est frater charissime? Romana Ecclesia caput & Mater Ecclesiarum, membra & filias non habet? Et quomodo potest dici caput, aut Mater? credimus enim, propter quod & loquimur, atq; constanter profiteamur: Romana Ecclesia adeò non est sola, vel sicut tu putas, una; ut in toto orbe terrarum, quaecunq; natio dissensit superbe ab ea, non sit jam dicenda vel habenda Ecclesia aliqua, sed omnino nulla, quin potius conciliabulum haeticorum, aut conventiculum schismaticorum, & Synagoga sathana.

Franciscus Suarez in Tr. de fide d. 20. sect. 3. n. 22. At verò tam de hac definitione (Bonifacij VIII. in extravag. unam sanctam de major. &c.) quàm de alijs decretis Pontificum ausus est diclus Rogerus respondere, non esse de fide certum, Pontificem definientem sine Concilio generali, non posse errare. Sed est responsio, non solum nimis temeraria, sed etiam erronea: nam licet olim fortasse aliqui Doctores Catholici sine pertinacia in hoc dubitaverint, vel erraverint; jam verò tam est constans Ecclesia consensus, & Catholicorum Scriptorum concursus de hac veritate sententia, ut eam in dubium revocare, nullo modo liceat.


Idem Suarez Tr. de fide d. 5. sect. 8. n. 4. Nihilominus veritas Catholica est, Pontificem definientem ex Cathedra, esse regulam fidei, qua errare non potest, quando aliquid authenticè proponit universa Ecclesia, tanquam de fide divina credendum: ita docent hoc tempore omnes Catholici Doctores, & censeo, esse rem de fide certam.

Melchior Canus Episcopus Canariensis, quique Concilio Tridentino interfuit, de locis Theolog. l. 6. c. 6. Illud assero, ac fidenter quidem assero, pestem eos Ecclesia ac perniciem asferre, qui aut negant Romanum Pontificem Petro in fidei doctrinaq; auctoritate succedere, aut certe asserunt summum Ecclesie Pastorem, quicumque tamen ille sit, errare in fidei iudicio posse. Utrumq; scilicet hæretici faciunt; qui verò illis in utroq; repugnant, hi in Ecclesia Catholici habentur. Quamobrem non equidem intelligo, quoniam consilio fideles quidem hæreticorum, quàm Catholicorum opinionibus favere malint, nam hæretici video quid sequantur: nempe vivendi docendiq; licentiam, & in his omnibus impunitatem. Et volunt sine capite corpus, ut neq; pes, neq; mens suum officium faciant. Volunt sine Pastore oves, ut cum lupi ipsi sint, Pastores tamen esse videantur. Volunt sine iudice lites, ut dissidiorum nullus finis sit. Atq; ita cum amoto arbitrio adversus Doctos dimicent, victores à turba iudicentur. Turbari demum omnia volunt, quoniam, sicut in Hispanorum proverbio est, turbatum flumen piscatorum est lucrum: nos autem communem Catholicorum sententiam sequamur; iud enim sequimur, quoniam communis Catholicorum est. Præterquam quòd ea sentiunt, qua sacrarum etiam litterarum testimonia confirmant, Pontificum decreta definiunt, veterum sanctorum chorus concinit, Conciliorum Patres affirmant, Apostolorum traditio probat, perpetuas Ecclesia usus observat.

Adjungi his possunt censuræ omnium illorum Patrum, qui Concilium universale Papæ submitunt, S. videl. Thomæ, S. Bonaventuræ, S. Antonini, & aliorum quos suprà protulimus.

II. *Dices*: Sanctorum Patrum censuris, quas modò recitavimus, eos tantùm perstringi, qui aut à sede Apostolica deficiunt, aut illius decretis non obtemperant; neutrum ab ijs fieri, qui Pontificem extra Concilium errare posse dicunt: hanc enim sententiam à Sede Apostolica damnatam non esse, conjungique cum obsequio, cum reverentia Pontifici debitis.

R. Eos qui doctrinam sedemque Romanam erroris insimulant, non gratis id agere, neque ingenij tantùm calami que exercendi gratiâ: sed in opus etiam & praxin micare, eo que velut clypeo, quæ à Pontifice decernuntur, sed non placent, repellere: hos verò, ut diximus, graviter à SS. Patribus notari, ut illorum verba, quæ clarissima sunt, satis ostendunt: immo posita semel fallibilitate Pontificis, decreta fidei ab hoc constituta, ne quidem à volentibus observari possunt, quis enim certâ & divinâ fide id credat, quod certum non est, quod potest falso misceri? Quod si Patres tam severè in illos declamant, qui à sede Apostolica in uno alterove discedunt, quid de illis dicturi essent, qui totam hujus auctoritatem in ipsa velut radice succidunt? Quod verò dicitur: nihil à summis Pontificibus in hac questione definitum esse, id quam à vero sit alienum, patet ex suprâ disputatis. Et demus ita esse, tacet Petrus, quia non auditur: *Si enim dixerit vobis, non creditis, & si interrogaverit, non respondebitis illi*: quî enim dicenti credant, qui idèò fallibilem volunt, ut credere non teneantur? Si Leonem, Si Eugenium, si Sixtum, si tot Concilia non audistis, Innocentium audietis? At, inquiunt, omnem Pontificibus venerationem profitemur. Omnino sic à Catholicis oporteret: ceterum videntur nobis dicere, sed non facere: nec enim hanc novam obsequendi formam intelligimus; obsequimur, sed si jubet, non paremus: si minatur, contemnimus: si monet, non audimus: si statuit, non credimus: si appellantes recipit, tumultuamur: & tamen obsequimur. Quis enim verò non dicimus Rex aliquis aut Princeps, sed vel Paterfamilias à servis à filiis hoc obsequium ferret? Faciant ergo quod dicunt, & absoluta res est, aut si non faciunt, saltem nec dicant, ne ludibrium inobservantiæ adjungant.



## §. IX.

*Respondetur ad objecta.*

## S U M M A R I A.

1. *Posse Papam in haresin personalem cadere, non doctrinalem.*
2. *Non ideo frustra esse concilia, quia Papa falli non potest.*
3. *Posse Pontificem sine Concilij necessariam dogmatis definiendis industriam adhibere.*
4. *Cypriani contentiones magnum argumentum esse infallibilitatis Pontificia.*
5. *Cur Pontifex haresin docere non possit?*
6. *Quid de erroribus S. Petri?*
7. *Et Zephyrini?*
8. *Et Liberij?*
9. *Et Felicis?*
10. *Et 11. Gelasij?*
12. *Et Vigilij?*
13. *Et Honorij I.?*
14. *Et aliorum Pontificum?*
15. *Non semper Pontificum constitutiones ad fidem pertinere.*
16. *Errare possunt in questionibus facti, sed non omnibus.*
17. *Post Concilium Constantiense de fide est, hunc in individuo legitimum esse Papam.*
18. *Contrariam sententiam nec à ratione, nec ab auctoritate probabilem esse.*



## I.

*P*ponitur 1. Sancti Patres, ipsique canones dicunt, Pontificem in hæresim lapsum judicari à Concilio debere, supponunt ergo posse in hæresim incidere.

2. Canones expressè loqui de errore personali non judiciali: hoc est, posse Pontificem hæreticum esse, non posse hæresim publicè & è cathedra docere: hoc nos solùm negamus, hoc Petro & Ecclesiæ promissum est. Error enim personalis, aut occultus est, aut privatis scriptionibus à Pontifice, & sine imperio inspersus, Ecclesiæ nihil nocet, cum omnes sciant, Pontificem extra cathedram errare posse, nec illius privatas opiniones alio animo, aliòve vultu, quàm privati Doctoris legant, tantumque illis tribuant, quantum ponderis & rationum habent. Habemusque hujus rei exemplum in veteri testamento *Numer. 14.* Ubi Balaam propheta Dei, quamvis veller, maximeque percuperet populo Israelitico maledicere, nunquam tamen Deo prohibente potuit: quod Regi, à quo ad execrandum conductus erat, confessus: *Non potero praterire, inquit, sermonem Domini Dei mei, ut vel boni quid vel mali proferam ex corde meo, etiamsi dederit Balac plenam domum suam auri, & auri, sed quidquid Dominus dixerit, hoc loquar.* Et in eodem antiquo testamento summo sacerdoti Oraculum non canebat, nisi saceris induto & Pontificem agenti. Idem dicas de Romano Pontifice.

At, *inquies*, hoc perpetuum miraculum est, non posse hominem errare, cum hoc sit maximè humanum: multoque magis Papam hæreticum non posse hæresim docere, cum tamen *ex abundantia cordis os loquatur, nec possit arbor mala fructus bonos facere.*

*Respondetur.* Si per miraculum rem intelligas viribus naturæ superiorem, verum dicis: sed hoc in Ecclesia non est novum, immo quotidianum, & penè momentaneum, ut apparet in justificatione peccatorum, administratione sacramentorum, sacrificio incruento aliisque mille: nec enim Ecclesiam natura, sed gratia munit, conservatque; nec Deo difficilius est supra, quàm juxta naturam agere, cum omnia voluntate & nutu agat, ipsique naturæ nihil magis sit innatum, & proprium, quàm volenti Deo obedire, adeò ut

Uuuu

quid-



quidquid, agente Deo, naturæ supra naturam accidit, sit illi magis consentaneum, quam ipsa natura, quam Philosophi vocant *potentiam obedientialem*.

II. *Non obstat 2.* Frustra esse Concilia, si Papa sine illis errare non potest.

¶ Certum esse, & negari à nemine posse, etiam sine Concilijs definiti res fidei posse, & trecentis ac amplius annis definitas fuisse; nec propterea tamen frustra Concilia sunt: nam & sine rheda possum & sine equis iter facere, nec ista tamen frustra sunt. Roma, teste Plinio *l. 29. c. 1.* sexcentis annis medicis caruit, multoque pluribus sine magnete vela fecit: non idè tamen nullus est magnetis & medicorum usus. Pontifex ergo Concilium vocat, non quia sine Concilio errori subiacet; sed quia in Concilijs, quod plura sunt capita, ed plures sunt oculi linguæque, quæ vident & consulunt, tantoque citius veritas reperitur, quanto à pluribus quæritur. In Concilio omnium nationum Episcopi sunt, qui singularum varias necessitates, conditiones, mores exponunt, & accommodata singulis remedia suadent, dissentanea refutant. Et cum non sufficiat leges ferre, nisi etiam latæ executioni dentur; in Concilijs de modo exequendi agitur, nec ullus exceptioni locus datur, ubi omnes auditi, communiq; omnium consilio leges decreta; cessantq; querelæ subditorum, ubi non unius tantum, sed omnium voto obstrictos se vident, pudetq; omnes accusare. Hæc sunt bona Conciliorum, quæ tamen cum multis magnisque periculis aliquando vinciantur, Pontificis arbitrio sedet, quando cum illis, quando sine illis agere velit: illi enim creditæ sunt oves, illi traditæ claves, in illo fundata Ecclesia, nullâ Concilij mentione.

III. *Non obstat 3.* Assistentiam Spiritûs S. Romano Pontifici sub ea conditione promissam, ut is in rebus fidei declarandis sufficientem adhibeat diligentiam, humanoque procedat modo, prout in rebus arduis, summiq; momenti homines solent, nec enim si dormienti aut intemperijs agitato constitutio aliqua excideret, ea continuo pro fidei dogmate recipienda esset: ex quo duplex argumentum ducitur. Primum: quia ut huic necessariæ diligentia satisfiat, videtur Concilium necessarium omnino esse, hujus enim indictio est supremus humanæ diligentia gradus, cum maior adhiberi

hiberi non possit. Secundum: quia nobis constare non potest, an Pontifex sufficientem, & inveniendæ veritati necessariam diligentiam adhibuerit; ergo etiam constare non potest de veritate ab eo factæ decisionis, quæ illi, ut diximus, diligentia alligata est.

2. Verum esse, oportere Romanum Pontificem adhibitis pro negotij qualitate Doctorum consilijs, matremque expensâ veritate res fidei decernere, nec Deum præcipitatis in re tanta, & temerarijs sententijs radium suum accommodare: sed negamus ad has humanæ industriæ partes explendas necessaria esse Concilia; si enim necessaria, cur in Primitiva Ecclesia, tot hæresibus agitata, cessatum à Concilijs est? immo, ut sæpe diximus, impedimento hæc potius sunt, ubi lenta remedia morbus non admittit; quod maximè in hæresi extinguenda verum est, quæ, nisi favillam opprimas, in incendium erumpit. Quodd si casum aliquem ponas, in quo sit opus Concilio, Deus, qui nunquam Ecclesiæ in necessarijs deest, neque hîc deerit: neque tunc tamen Pontificis sententia plurimum suffragijs alligata erit, sed illi parti, quam æquiores crediderit, quamvis minori: nec enim ad prudentiam, humanamque industriam pertinet pluribus semper adhærere, sed melioribus; quod optimè Historicus animadvertit, ubi *l. 1. decade 3.* cùm recitasset Hannonis contra Hannibalem perorantis sententiam, hæc subjungit: *Pauci ac ferme optimus quisque Hannoni assentiebantur: sed ut plerumque fit, major pars meliorem vicit.*

At unde constabit diligentiam à Pontifice præstitam, qualem causa requirit, cùm hoc sit facti, & à Pontifice errari possit?

*Respondemus:* Concilio idem opponi posse, nam & hoc in facto errare potest. Sunt ergo, ut infra dicetur, aliqua, quæ ad factum quidem spectant; sed quia à Deo revelata sunt, aut saltem cum revelatis connexa, & ad publicum Ecclesiæ bonum spectant, in ijs æquè ac in Juris quæstionibus nec Pontifex, nec Ecclesia errare, aut deficere possunt, Deo enim curæ est, ne desint fini à se præfixo media fini accommodata. Cùm ergo voluerit Deus sententias fidei à Pontifice latas, ratas haberi, fixasque, nec errore aliquo corruptas; ipse etiam curabit, ne sint temerariæ, cæcoque impetu, & absque consilio profusæ: quemadmodum, quia Deus Abraham filium promiserat, & ex filio perpetuam successionem,

ipsumque Mesiam; ad eundem spectavit Deum, ut à sterili filius nasceretur, nec ante tempus, quamvis occidi jussus, quamvis jam gladio subjectus, vitam finiret: quod pulchrè S. Paulus *ad Roman. c. 4.* exprimens: *Et non infirmatus est, inquit, Abraham fide, nec consideravit corpus suum emortuum, cum jam fere centum esset annorum, & emortuam vulvam Sara. In repromissione etiam Dei non bastavit dissidentia, sed confortatus est fide dans gloriam Deo, plenissime sciens, quia quacunq; promisit, potens est & facere.*

IV. *Nec obstat 4.* Sanctum Cyprianum Episcopum & Martyrem in Synodo 80. Episcoporum, contra expressam Stephani Papæ definitionem, statuisse hæreticos rebaptizandos esse, immo in eundem Stephanum acriter invecum, ut patet ex illius *epist. ad Pompejum*. Sensit ergo B. Cyprianus alijque Episcopi, non esse, quæ à Papa definiuntur, omnino certa, posseque integrâ fide improbari; alioquin hæreticus esset Cyprianus, & in hæresi mortuus, quem tamen Ecclesia semper ut Sanctum venerata est.

*27.* Antequam huic argumento satisfiat, repetenda est dissensionum origo, quæ Cyprianum in Stephanum Papam concitârunt, majori, quàm Sanctum & Martyrem decuit, agitatione; adeò ingentis animi viris facilius est ferrum & pœnas, quàm affectus & animum vincere. Res sic habuit. Novatus in Africa Episcopus, gravium illic flagitiorum postulatus, Romam concesserat, homo turbidissimi ingenij, ferendisque contentionibus unice natus, ac ut verbis Cypriani utamur: *Curiosus ut proderet, adulator ut falleret, nunquam fidelis, ut diligeret, fax & ignis ad constanda seditionis incendia, turbo & tempestas ad cienda fidei naufragia.* Hic ubi Romæ fuit, excitato schismate, Cleroq; Romano in partes ac factiones diviso, Cornelio legitimo Pontifici Novatianum Sacerdotem Romanum opponit, cumq; à paucis Episcopis Pontificem renuntiari curat. Additæ schismati hæreses: negabat enim lapsos, quamvis facti pœniteret, recipi debere; hinc se suosque Catharos, hoc est, mandos appellabat, gestabatq; candidam vestem, sanctitatis insigne, quod nollet peccantibus misceri; eos qui à Catholicis Baptismum acceperant, tingi iterum jubebat, quod immundos, indignosq; diceret, ut suis jungerentur. Hinc Cypriani errores, litesq; cum Stephano: negabat Baptismum ab hæreticis collatum, validum esse, sed necessario repetendum; hæreticos

reticos enim extra Ecclesiam esse; extra Ecclesiam verò nec fidem, nec Sacramenta, quæ fidei sigilla sunt, dari. Ad hunc errorem muniendum tres in Africa Synodi celebratæ, in quibus Cypriani potissimum auctoritate damnatus hæreticorum Baptismus, repetique iustus. Ex Synodo Carthaginensi, ad quam 87. Episcopi convenerant, datæ ad Stephanum Papam litteræ, quibus quæ statuta essent, docebatur. Improbavit Stephanus perperam facta, resciditque in hæc verba: *Si quis à quacunque hæresi ad Ecclesiam venerit, nihil innovetur: nisi, quod traditum est, ut manus illi imponatur in penitentiam.* Exarsit ad hoc responsum Cyprianus, suamque & tot Conciliorum sententiam damnari, haud ferens, calamum in Stephanum armavit, scripsitque ad Pompejum Sabratensem Episcopum epistolam illam 74. flammæ, myrrhæque plenam, & in qua Martyris oblitus hominem se ostendit. Ceterum quamvis hunc de rebaptizandis hæreticis ante Cyprianum Tertullianus & Montanistæ errorem invexerint, multæque ante turbas Africanas in Oriente Synodi confirmârint, præsertim Iconienfis, cui Firmilianus Cæsareæ Episcopus interfuit *epist. 75. Cypriani. Euseb. l. 7. c. 4. & 6. Philastr. de hæres. c. 50.* Præpotuit tamen veritas, omnesque Catholici Stephano Pontifici adhæterunt, & Cypriani sententia damnata est in Concilio Arelatensi *l. can. 8. & Nicæno c. 19.* & testatur S. Hieronymus *l. contra Luciferianos: Synodus*, inquit, *Nicæana omnes hæreticos suscepit, exceptis Pauli Samosatani discipulis.* Immo illi ipsi, qui maximè pro hac Cypriani sententia pugnaverant, primi postea impugnârunt, Stephani definitionem amplexi. S. Augustinus *epist. 48. ad Vincentium*, existimat Cyprianum ipsum sententiam mutasse; idem habet *l. 2. contra Donatistas c. 4.* Illud quoque certum est, sic inter Cyprianum & Stephanum pugnatum esse, ut neuter hæresis alterum damnet: de Cypriano constat ex epistola synodica *ad Stephanum Papam*, S. Hieronymo *adversus Luciferianos*, S. Cypriano *epist. 29. & epist. 72.* S. Augustino *l. 2. contra Donatistas c. ult. & l. 3. c. 3. 4. 5. 6. & l. 7. c. 1. & contra Cresconium lib. 3. c. 1. & 2.* De Stephano verò, non fuisse ab hoc quaestione definitam, nec Cypriani errorem hæresi notatum scribit S. Augustinus *l. 5. contra Donatum c. 25.* Eusebius *l. 7. c. 4.* ubi notat Stephanum excommunicationem tantum Baptisma repetentibus minatum esse: patetque ex ipsa Stephani ad Carthaginense Concilium sen-

tentia, quam refert Eusebius loco cit. Cyprianus *epist. 74.* ubi nihil aliud Stephanus dicit, quàm: *Nihil ab antiquis traditionibus quoad hæreticos, qui respiscunt, redeunq; ad Ecclesiam, innovandum esse.* Eusebius *l. 7. c. 3.* Stephanus, inquit, nihil novi aut alieni à traditione ex temporibus Apostolorum derivata molendum ratus, hac de re vehementer commotus fuit.

Hicse prænotatis faciliè ad argumentum respondetur: Cyprianum videl: quantumvis contra Stephanum sentiret, non tamen hæreticum fuisse, idq; multis rationibus. *Primò:* Quia Stephanus nihil adhuc è cathedra definierat, nec opinionem suam ad fidem pertinere dixerat, contrariam verò ad hæresin; non potuit ergo Cyprianus hæreticuseffe, quæstione necdum decisâ, nec ad fidem spectante. *Secundò:* Quia nondum tot Conciliorum, Patrum, canonumq; decreta emerferant, nec Ecclesiæ praxis adhuc satis ostenderat, extra Concilium errare Papam non posse; immo neq; hoc temporis, qui contrarium asserunt, hæresis petimus.

Errâsse tamen Cyprianum, cùm Stephano Pontifici se opposuit, nec culpâ caruisse ipse rei eventus Ecclesiæq; auctoritas ostendit, quæ postea Cypriani sententiam pro hæresi habuit: & Patres Cyprianum quantumvis sanctum & Martyrem intemperantiæ damnârunt: & S. Augustinus *l. 1. contra Donatistas c. 18.* dicit: *Hanc culpam Cypriani, salce Martyrij fuisse purgatam. Et c. 19. Fuisse hoc peccatum, quasi navum in candore sancta illius anima, quam ubera charitatis tegebant.*

Hoc ergo Cypriani exemplum non tantum sententiam nostram non impugnât, sed illam vehementer confirmât. Si enim Cyprianus & sanctus & Martyr, doctrinâq; præcipuus, & cujus sententiæ quàm plurima Concilia, ac ferè omnes in Africa & Oriente Episcopi subscripserant, & sanctitate florentissimi, ubi tamen à Pontificis Romani sententia deflexit, & ipse adeò graviter erravit, & secum totum illud sanctorum Doctorumq; agmen in errorem traxit; cui se periculo exponunt, qui nec doctrinâ, nec sanctitate Cypriani sunt, nec habent pro se tot Conciliorum Patrumq; suffragia, nec tamen Pontificum sententias observant, sed eo prætextu, quòd errores admittant, neglectui habent? illi qui usq; ad cælos ascenderant, qui nidum suum inter stellas collocârunt, quique Ecclesiæ columnæ, & turres Religionis videbantur, illi, inquam, à Petro avulsi ceciderunt: tu canna & vitrum

vitrum illis cadentibus stationem tibi promittis? Audiendus est Vincentius Lyrinensis, qui quàm multis validisq; rationibus suam causam Cyprianus munierit, ostendit; ut tanto clariùs evadat, Pontificis sententias omni ratione majores esse, utpote quæ Deum à se habeant, nec ullam esse causam tam speciosè instructam, quæ illius auctoritati non cedat. Sic ergo Lyrinensis contra hæreses c. 9. scribit: *Intelligebat ergo vir sanctus & prudens (Stephanus Papa) nihil aliud ratione pietatis admittere, nisi ut omnia, quæ fide à Patribus suscepta forent, eadem fide filijs consignarentur; nosq; Religionem, non quæ vellemus, ducere, sed potius quæ illa duceret, sequi oportere: idq; esse proprium Christiana modestia & gravitatis, non sua posteris tradere, sed à maioribus accepta servare. Quis ergo tunc universi negotij exitus? quis utique nisi usitatus & solitus? retenta est scilicet antiquitas, & explosa novitas. Sed forte tunc ipsi novitia adinventioni patrocinia defuerunt? Immo verò tanta vis ingenij adfuit, tanta eloquentia flumina, tantus assertorum numerus, tanta veri similitudo, tanta divina legis Oracula, sed planè novo ac malo more intellecta; ut mihi illa conspiratio nullo modo destrui posse videatur, nisi solam tanti moliminis causam ipsa illa suscepta, ipsa defensa, ipsa laudata novitatis professio destituisset. Postremò ipsius Africanæ Concilij, sive decreti quæ vires? donante Deo, nulla: sed universa tanquam somnia, tanquam fabule, tanquam superflua, abolita, antiquata, calcata sunt.*

V. *Non obstat* 5. Posse Pontifices in alia peccata incidere, Simonix, avaritiæ, superbiæ, &c. cur non in hæresin, cum hæc plerumque ex illis consequatur?

R. Aliud esse Pontificem in hæresin cadere, aliud posse hæresin ex cathedra docere; hoc negamus: cur hoc? quia Christus non pro Petri humilitate, charitate, justitia &c. rogavit, sed pro fide, ne deficeret: in hac Ecclesiam Christus fundavit, huic Patres, Concilia, Ecclesiæ Traditio testimonium ferunt: nec à Christo dictum est: quæ faciunt facite, quæ credunt, credite; sed quæ dicunt facite; oportet ergo doctrinam incorruptam esse, non exempla: hæc fædari possunt, non illa.

VI. *Non obstat* 6. Petrum bis, & gravissimè errasse, nam Matthæi 26. Christum negavit: & ad Galatas 2. coëgit gentes judaizare; unde à B. Paulo graviter reprehensus est. Si ergo Petrus errare potuit, quanto magis Papa Petri successor?

R. Petrum ore, non corde Christum negasse, cum nondum  
Pon.

Pontifex effert; Primatus enim Ecclesiæ promissus illi est *Matth. 18.* ante Passionem, sed collatus post Resurrectionem *Joann. ult.* fuit ergo hic error vel potius culpa Petri piscatoris, non Petri Pontificis. Deinde non docuit Petrus definivique Christum negandum esse, sicque non fuit ille error *doctrina, aut cathedra*, sed *Persona*, de quo non agimus. Alium errorem quod spectat; iterum assumitur factum incertum, ex quo nihil certi deduci potest: Græci enim Patres plerique & cum ijs Hieronymus *epist. 89. ad Augustinum*, nullum in Petro errorem agnoscunt, sed omnia ex composito simulateque, non seriò inter Petrum Paulumque acta fuisse dicunt, ut Judæos juxta & Gentiles lucrarentur, ita *Origines, Didymus, Apollinarius, Eusebius, Theodorus Heracleotes, Chrysostomus, Theodoretus, Theophylactus, Occumenicus, ad Galat. 2. Cassianus collat. 17. & Hieronymus epist. 89. ad Augustin.* Hi omnes Petrum excusant, eumque simulate tantum à Paulo redargutum dicunt, alioquin multo majori Paulum reprehensione dignum fore, qui legales ceremonias multo sæpius & accuratius, quam ipse Petrus adhibuit, nam ut à Judæis gratiam iniret, Timotheum patre gentili natum circumcidit *Act. 16.* caput Nazaræorum more totondit *Act. 18.* Hierosolymis cum Judæis se purificavit *Act. 21.* denique Judæis Judæus factus est *1. ad Corinth.* Cur ergo in Petro tam indignè tulit, damnavitque, quoties usurpavit ipse? & cum oporteat aut Petrum in culpam aut Paulum vocari, Petrum si justè correptus est, Paulum si injustè corripuit, immo & fecerat, quæ in alio suggillaverat; cur non potius, inquirunt, Petrum Apostolorum Principem absolvamus? immo utrumque, quod fiet, si nec Petrum errasse dicamus, nec Paulum seriò objurgasse, sed in speciem, & simulate. Hæc Græcorum Patrum & Hieronymi sententiâ est. Latini errasse Petrum fatentur, non quidem in ipsa rei substantia (nec enim usum Legaliū necessarium credebant, cum ipse in Concilio Hierosolymitano contrarium paullo ante definivisset *Act. 15.*) sed in modo, & loci ac temporum circumstantijs: sic enim à Gentilibus secesserat, eorum cibus abstinebat, totusque cum Judæis erat, ut auctoritate, exemploque, quod pro lege fideles habebant, quàm plurimos in errorem inscius induceret, quod crederent necessario à Gentiliū cibus, quos tanto studio Petrus vitabat, abstinendum esse, utendumque Judaicis ritibus, quos ille tam accuratè palamque colebat,

magno



magno Gentilium malo, qui propterea Christianos averfabantur, & isti in Judaicos rirus, tamquam necessarios se induebant: hanc ob causam Petrum severè à Paulo objurgatum; Deo id agente, ut in uno libertas Christiana, in altero modestia & patientia micaret, exemplo subditis, Prælatisque profuturo, ut egregiè notant S. Augustinus *lib. 2. de Bapt. contra Donatist. cap. 2.* & S. Cyprianus *epist. 71. ad Quint.*

Sed quidquid de hoc sit, certum est, Petrum non doctrinâ errasse, sed ad summum exemplo: nec enim docuit, aut decreto aliquo sancivit judaizandum esse; sed exemplo quod omnes venerabatur, quàm plurimis occasionem errandi dabat: hoc reprehendit quidem Paulus, sed extra disputationem est. (a) Cur ergo dicit Paulus; cogebat judaizare? Respondet Tertullianus *lib. de Præscript.* & cum eo omnes Patres, non jussu, sed exemplo Petrum coëgisse: cui tanrum omnes tribuebant, ut pro imperio haberent, quidquid ille ageret: & hoc ipsum S. Paulus expressit *ad Galat. 2.* ubi Petrum non docuisse aut præcepisse dicit; sed à gentilibus se subduxisse, simulasse, ritu Judaico vixisse, &c. alioquin doctrinam quod atinet, certum est sanctum Petrum Legalium observationem non habuisse pro necessaria *Act. 15.* & *ad Galat. 2.* Ergo ut verbo omnia dicamus, simulavit Petrus, non docuit; si ergo erravit, non doctrinæ fuit error, sed facti, de quo non contendimus.

VII. *Non obstat. 7.* Zephyrinum Papam ementitis à Montano vaticinijs ac miraculis captum eisdem communicasse, ut testatur Tertullianus *l. adversus Praxeam c. 11.*

Re. Tertullianum Montanistam fuisse, tantumque illi credendum, quantum Calvinistæ aut Lutherano sacras litteras pro se afferentibus, maximè cum præter Tertullianum, nemo aliud scribat. Deinde ex Eusebio *l. 5. c. 3.* sciendum est, Montanistas prius quàm eam hæresin incidissent, viros fuisse insigni pietate, miraculis & vaticinijs claros, aded ut etiam in hæresin prolapsi multis sanctisque viris imposuerint, teste eodem Eusebio: præferebant insignem pietatem, martyria, jejunia, & quidquid apud Catholicos in pretio erat, sanctissimè colebant: quâ pietatis larvâ, Tertulliano, omnium ea tempestate præstantissimo illusum, ut quos fuerat acerrimè insectatus in *l. de præscript. c. 15.* eos postea, &

X x x x

defen-

defenderit & coluerit, specie videlicet miraculorum & severitatis, quam profitebantur, deceptus. Quid ergo mirum, si eodem pietatis apparatu, obtentuque Religionis Catholicæ Zephyrinum circumvenerint? qui tamen à Praxea rei fabulam edoctus, communionem pacemque, quam illis paraverat, continuò abruptit. Nihil ergo, quod fidei adversaretur, docuit Zephyrinus, sed mendacio deceptus est, at nos Pontificem decipi ab aliquo posse, haud negamus. (a)

VIII. *Non obstat* 8. Liberium Papam Arianæ hæresi subscripsisse teste Athanasio *in epistola ad solitariam vitam agentes*, & Hieronymo *in Chronico & in catalogo, alijsq.*

æ. Totam Liberij culpam hanc fuisse; quòd ædio pœnarum exilijque, & spe repetendæ summæ dignitatis victus, primæ fidei formulæ, quam Sirmij ediderant Ariani, subscripserit, & in damnationem Athanasij consenserit. Hoc solum & totum est Liberij crimen, nec ab ullo scriptorum aliud memoriæ proditum est. In eodem Sirmiensi Concilio secunda formula Confessionis concepta est impia omnino & blasphemix plena, in qua Dei Filius nec ejusdem substantiæ cum Patre, nec similis esse dicitur: Huic secundæ Hosius Episcopus Cordubensis extremâ jam senectute, vi & tormentis adactus subscripsit. Hujus secundæ formulæ adeò ipsos Arianos puduit, ut in Concilio Ancyrano tertiam ediderint, Catholicæ omnino simillimam, nisi quòd vocem *Consubstantialis* omitterent, hanc Constantius amplexus est, & secundam suppressam, expunctamque voluit, proposito ijs, qui eam occultarent, supplicio. Ita scribunt S. Athanas. *de Synod. Socrat. l. 2. c. 29.* S. Hilarius *l. de Synod.* Epiphanius *hæresi 73.* Forma igitur Professionis, cui Liberius subscripsit, licet vocem *Consubstantialis* silentio premeret, fuit planè Catholica, in qua Photini hæreses damnabantur, in qua Filius ejusdem cum Patre substantiæ dicebatur, quam ipse S. Hilarius exponens, Catholicam esse fatetur, idemque asserit Vigilius Episcopus Trident. adversus Eutychen *l. 5.* Et Liberius in litteris, quas ad Orientis Episcopos dedit, se ideò cum Ursacio & Valente communicasse dicit, quòd eorum fidem agnovisset Catholicam, alienamque ab Ariana perfidia. Imò Augustinus tantus Arianorum hostis, adversus Pascentium

Aria-

(a) V. Philastr. de hæres. c. 50. & Epiphanium hæresi 48.

Arianum agens, se illius fidei subscripturum sponder, si nihil aliud Catholicæ veritati contrarium inveniatur, quàm quòd vocem *Consubstantialis* omittat *epistola 174.* & tamen hanc solam Liberius omitti passus est; cur ergo silentio, & quidem pœnis expresso, unius vocis hæreticus? præsertim cùm non priùs Sirmio Liberius excesserit, quàm Arianâ hæresi, illisque qui negarent filium substantiâ, reliquisque omnibus Patri similem esse, damnatis, teste Sozom. *l. 4. c. 14.* Cùm ergo formula Sirmienfis, cui subscripsit Liberius, nullam hæresin professâ fuerit, & Episcopi, cum quibus communicavit, id ipsum credere dicerent, quod in illa continebatur, ex quo tandem capite Liberium hæresis accuset? de cujus in vera fide constantia contemptuque munerum sibi à Constantio Augusto oblatorum vide Theodoret. *l. 2. c. 22.*

Cur ergo, inquit, S. Hieronymus aliisque Liberium *heretica pravitati subscripsisse* dicunt? Quia Athanasij condemnationi assensus est, cujus causa aded cum fide conjuncta fuit, ut idem videretur Athanasium condemnare, quod fidem prodere: Quia vocem *Consubstantialis*, quæ tessera Catholicorum erat, omitti passus est: Quia cum Arianis communicavit; ubi quidem multum graviterque à Liberio peccatum est, sed extra naufragium fidei: quemadmodum non ided Lutheranus est, qui cum Lutheranis communicat: sed hanc quoque maculam Liberius extersit, cùm rescissis damnatisque Ariminensis Concilij Actis, sede iterum pulsus ærumnisque confectus, in sepulchris delituit, multisque propterea encomijs à SS. Patribus laudatus est. V. Sozomen. *l. 4. c. 10.*

Denique etiamsi concesserimus formulam, cui Liberius subscripsit, hæreticam fuisse, quid denique contra sententiam nostram sequitur? aliud enim est hæresi subscribere, aliud hæresin docere: & quemadmodum Petrus, cùm Christum negavit, aut Marcellinus cùm Idolis thus incendit, non propterea ex cathedra sententiam tulit, decideritque Christum negandum, Idolis adolendum esse; ita nec Liberius. Nec nos Pontificem metu vinci posse, ut hæresi subscribat, & cum hæreticis communicet, negamus: sed non posse hæresin è cathedra Ecclesiam docere, & fidelibus errorem, pro veritate, credendum imponere: hoc nec Liberium, nec ullum Pontificem fecisse, facturumque contendimus.

mus. De alijs verò Pontificum erroribus nobis nec quæstio, nec cura est. (a)

IX. *Non obstat 9.* Felicem II. operâ Arianorum, Liberio in exilium pulso, suffectum esse, quem S. Hieronymus Episcopum Arianum fuisse dicit in Catalogo scriptorum in Acatio.

Æ. Felicem, antequam Pontifex Romanus eligeretur, libere quidem cum Arianis communicasse, nunquam tamen Arianum fuisse, ut expresse testantur Rufinus l. 10. *histor. c. 22.* Theodoretus l. 2. c. 17. Sozomenus l. 4. c. 10. Imò ubi cathedram Petri conscendit, in alium derepentè mutatus, & societatem cum Arianis abruptit, & Constantium Augustum, quòd Baptismum ab Arianis accepisset, sacris interdixit, capite, ut aliqui dicunt, propterea truncatus, aut aliàs pro fide catholica ærumnis confectus; nam sanctum & Martyrem obiisse certum est. (b)

X. *Non obstat 10.* Gelasium I. Papam, in libro contra Eutychen, docuisse, in Sacramento Eucharistiæ unà cum carne Christi etiam substantiam Panis post Consecrationem durare, quæ est manifesta Lutheri hæresis: ex quo errore argumentum contra Eutychen deducit, ut quemadmodum post consecrationem utraq; substantia inconfusa perseverat, ita post Incarnationem. Verba Gelasij sunt: *Certè Sacramenta, qua sumimus, corporis & sanguinis Christi, divina res est, propter quod & per eadem divina efficimur consortes natura, & tamen esse non desinit substantia seu natura panis & vini, &c.* Et ne quis dicat, hunc librum Gelasij Papæ non esse; sciendum est, S. Fulgentium Gelasij coævum, hunc ipsum librum Gelasio adscribere, & multa ex illo citare *respons. 2. ad Ferrand. Diacon.* & patet ex illis verbis, quæ in eodem libro habentur: *Cum sedem Apostolicam dilectio vestra unanimiter teneat, constanter predicet, sapienterq; defendat, &c.* Quæ verba auctorem fuisse Romanum Pontificem apertè ostendunt. Si potuit ergo Gelasius errare, poterunt & alij Pontifices, nec enim major est unius, quàm alterius ratio, cum omnes æquè sint Christi Vicarij, omnes Petri Successores, omnesque in eadem cathedra sedent.

Æ. Hic

(a) V. Baron. ad annum CCCLVII. n. 9. ubi supposititia Hilarij scripta refellit.

(b) V. Bellarm. de Romano Pontifice l. 4. c. 9. Baron. ad ann. CCCLVII. Azor. p. 2. l. 4. c. 17. Damasum in vita Felicis, S. Gregor. I. in Anthonario & sacramentario.

æ. Hic iterum ex incertis argumentum deduci : est enim incertissimum, Gelasium Papam illius libri auctorem esse; imò videtur certum non esse, ut gravissimi scriptores tradunt, & nos demonstrabimus, ut planè causæ suæ infirmitatem ostendant, & nos sustinendæ tam infirma, & incerta præsidia adhibentur. Sed Gelasium Papam illius libri auctorem non esse his rationibus probamus.

*Primò.* Quia liber, quem contra Nestorium & Eutychem Gelasius Papa composuit, Gennadio *de scriptor. Ecclesiast.* & Anastasio *Bibliothecario* testibus, fuit *grande volumen, & in quinque libros distinctum*, hic autem, de quo agimus, libellus tantum est, & cujus, qui de Gelasij lucubrationibus scripsere, Gennadius vid. Anastasius, Trithemius &c. nullam mentionem faciunt.

*Secundò.* Auctor libelli de duabus naturis in ipso exordio altercationem de duabus naturis novam, recentemque, & nuper natam esse dicit, ejusque initijs extinguendis se illam scriptiorem suscepisse: at verò quo tempore Gelasius sedebat, Eutychna hæresis non tantum nova recensque non fuit, sed planè decrepita, imò extincta & funerata, & quam multa Concilia jam dudum damnaverant, Constantinopolitanum vid. sub Flaviano Patriarcha anno CDXLVIII. & aliud Constantinopolitanum, cui Leonis Papæ Legati adfuerunt anno CDL. & Concilium Chalcedonense Oecumenicum anno CDLI. post quod à Marciano & Leone Imperatoribus exterminati sunt Eutychniani anno CDLII. & CDLX.

Quomodo igitur Gelasij Pontificis tempore, qui anno CDXCII. electus est, potuit hæresis tot jam retrò annis nata, damnata, extincta, nova esse, recensque?

*Tertiò.* Hic auctor professus se omnium ferè antiquorum Patrum sententias de incarnatione Domini collecturum, ex Latinis duos tantum citat Damasum & Ambrosium, reliquos Græcos omnes, quod argumento est Græcum fuisse, imò Concilij Chalcedonensis, & Leonis Papæ nullam planè mentionem facit, à quibus tamen maximè hæresis Eutychniana conclamata, explosaque est, ut omnino credibile sit hoc opusculum à Gelasio Papa, & post Chalcedonense Concilium conscriptum esse, cum sola hujus Concilij auctoritas mille Patribus par esset, suffecissetque adversarijs

revin-

revincendis : cur ergo omissum, quod præ omnibus erat? & omissum à Gelasio Papa tantæ eruditionis tantique ingenij viro; qui-  
 que Concilij Chalcedonensis auctoritate libenter utitur, ut patet  
*ex ep. ad Faustum* data, tantò libentiùs tunc usus, cum argumen-  
 tum, quod præ manibus erat, id unicè posceret, & victoria ex eo  
 penderet?

*Quartò.* Inter alios orthodoxos Patres Eusebinum Pamphili  
 Cæsariensem Episcopum citat, eumque Gregorio Nazianzeno an-  
 teponit, hominem videlicet non tantum non sanctum, nec Patri-  
 bus annumerandum, sed omnino impium, qui in Diocletiani per-  
 secutione defecit, qui sanctos Athanasium & Eustachium Catholi-  
 cæ Religionis Duces acerrimè infectatus est, qui hæresin Arianam  
 facis instar ubique accendit, in eademque vitam finivit; cujus me-  
 moria execrationi semper & luctui Catholicis fuit, quem etiam  
 ejusque opera tanquam peste Arianâ infecta septima Generalis Sy-  
 nodus *Act. 5. & 6.* proscripra voluit, cujusque historiam eodem ve-  
 neno tinctam Gelasius Papa inter Apocrypha rejecit; hunc, in-  
 quam, hominem toties mendacem perfidumque, à Gelasio inter  
 Patres, inter sanctos referri; ejusque testimonio, velut orthodoxi  
 Eutychianos revinci?

*Quintò.* Testatur Cassiodorus, solitos fuisse hæreticos, & Pe-  
 lagianos præsertim suis, quæ in lucem emittebant, operibus Ge-  
 lasij Pontificis nomen præfigere, ut (verba sunt Cassiodori *l. de di-  
 vin. Lect. c. 8.*) *res vitiosas gloriosi nominis auctoritate defenderent.* Nihil  
 ergo novi, si Gelasio Pontifici sint adscripta, quæ ad alium Gela-  
 sium spectant, nominis insuper similitudine, fraudem, aut erro-  
 rem juvante, ut jam dicemus.

*Sextò.* Iraque Cardinalis Baronius accuratè eruditeque obser-  
 vat, auctorem hujus libelli de duabus naturis contra Eutychen  
 & Nestorium, Gelasium illum esse, cujus in Bibliotheca Photius  
 meminit, qui que Acta Synodi Nicænæ tribus tomis contra Euty-  
 chianos complexus est: hic enim scripsit, cum hæresis Eutychia-  
 na sæpiùs extincta Basilisci Tyranni potentia gliscere iterum in-  
 cepit: idem exagratum se ab Eutychianis, & contra eosdem scri-  
 psisse dicit. Eusebium Pamphili eximijs encomijs ornat, & inter  
 orthodoxos refert, eumque; Joannes II. PP. *in epist. ad Acacium, aliosque  
 senatores* citat, quæ omnia optimè, & velut ad unguem in libelli au-  
 ctorem

ctorem quadrant. Videantur de hoc argumento *Baronius citat. Bel-  
larminus de Rom. Pont. l. 4. c. 10. Canus de locis Theolog. l. 6. c. ult. ad 9.  
Spondan. ad annum CDXCVI. Ludovic. Jacob. Biblioth. Pont. le Mire Biblioth.  
Ecclesiast. pag. 72. & 201. Petronius, Rinius, Sirmundus, alijq.*

Quòd si verò concederemus huic ipsum libellum & errorem  
Gelasij Pontificis esse, non propterea causâ cecidimus. Jam enim  
præmuenimus, Papam multa dicere & scribere, ut privatum Do-  
ctorem, non ut Pontificem: nec enim libros scribere est actio Pon-  
tifici propria, sed cuilibet Doctori concessa & communis, quæque  
ex omnium sententia errorem admittit, nec quidquid libris suis  
Pontifices inferunt, ad fidei dogmata pertinere volunt. Imò  
hæc est distinctio inter Dei & Pontificis Verbum, quòd illud in  
nulla sui parte, nullo tempore, nulloque casu, etiam in re mini-  
ma, mendacium errorémve patiatur: Pontificum doctrina in eo  
solum casu certitudinem meretur, nec ullo errore fœdari potest,  
cùm Ecclesiam è cathedra docet, hoc est, cùm quæstione aliquâ  
inter Christianos extorâ, Pontifex rebus omnibus maturè discuf-  
sis sententiam pronuntiat, declaratque ad fidem aliquid aut hære-  
sis pertinere, & Christi fidelibus, quid eos credere necessariò o-  
porreat, cum apparatu, & pro Pontificia auctoritate mandat: hæc  
enim solemnitas, auctoritativa, ad totam ac universalem Ecclesiam  
directa cum mandato declaratio, est actio soli Pontifici propria,  
in quam, ut docuimus, cadere error non potest, quod de illa circa  
Eucharistiam doctrina, Gelasio adscripta, dici non potest.

XI. *Non obstat II.* Eundem Gelasium Papam docuisse, sacram  
Eucharistiam sub utraque specie necessariò sumendam esse, nec  
posse sine sacrilegio species separari, quæ est hæresis Hussitarum  
& Calvinistarum: habetur hoc Gelasij decretum apud Gratianum  
in c. *comperimus. de Consecrat. d. 2.* in hæc verba: *Comperimus quòd qui-  
dam sumptâ tantummodò Corporis sacri portione, à Calice sacri cruoris absti-  
neant: qui proculdubio ( quoniam nescio quâ superstitione docentur obstringi )  
aut integra Sacramenta percipiant, aut ab integris arceantur: quia divisio unius  
ejusdemq; mysterij sine grandi sacrilegio non potest provenire.*

82. Vel Gelasium loqui de Sacerdotibus, qui non possunt al-  
terâ specie abstinere, & sic Gelasium ipse Gratianus, Glossa, & ru-  
brica illius Canonis explicant. Vel Gelasius loquitur de illis, qui  
non ex præcepto Ecclesiæ, infirmitate, aliâve simili & necessaria  
causa



causa abstinebant speciebus vini, sed ex superstitione, ut ibi Gelasius se ipsum explicans dicit. Sciendum enim est, inter alias Manichæorum hæreses etiam illam fuisse, quod superstitiosum ciborum delectum inducerent, abstinerentque à carnibus & vino, quibus non inesse divinam substantiam dicebant, sed à mali principio generata: ob quam causam abstinebant Eucharistiâ sub speciebus vini, sed tamen ne hæresis notarentur, cum alijs Catholicis, Eucharistiâ sub panis speciebus fruebantur, ut testatur oculatus testis *serm. 4. de Quadrage.* S. Leo Papa: Oportet ergo tunc temporis calicis usum Catholicis liberum fuisse, & aliquando eo non uti solitos, si enim utrâque specie Catholici, & necessariò vescerentur, non tam unius speciei usu latuissent, quàm proditi essent Manichæi, & tamen S. Leo eâ simulatione latuisse eos dicit. Ergo monito ejusdem Pontificis, qui perpetuò, & anxie unam tantum speciem frequentabant, dato velut signo pro Manichæis habiti deprehensique sunt. Sanctus ergo Gelasius in citato Canone non absolutè damnat, qui unâ tantum specie Eucharistiam sumunt: sed qui ex superstitione & sacrilegio hoc faciebant, quales Manichæi erant, quos à Gelasio Papa detectos, exilioque multatos esse, eorum libris concrematis testatur Anastasius Biblioth. in *Gelasio*.

XII. *Non obstat 12.* Vigilium Papam hæresin Eutychianum professum esse, & anathema illis dixisse, qui duas in Christo naturas dicebant, ut prolixè scribit Liberatus Archidiaconus Ecclesiæ Carthaginensis in suo Breviario *cap. 22.* Ubi Epistolam Vigilij ad Theodoram Augustam recitat, & habetur in *Tomo 2. Conciliorum*.

Æ. Casus Vigilij sic habuit, Theodora Augusta Eutychianam hæresin animo fovebat, dolebatque à Romanis Pontificibus suæ fidei Episcopos, Anthimum præsertim, sede ejectos, deportatosque esse. Vigilius ergo Agapeti quondam Diaconum aggreditur, ingentem auri vim, & Pontificatum pollicita, si Chalcedone acta rescinderet, Eutychianam fidem probaret, Anthimum restitueret. Omnia à Vigilio promissa, auri cupiditate & ambitione cæco. Sylverius in exilium pulsus, subornatâ, quod cum Gortis colluderet, accusatione. Vigilius Belisarij potentiâ, viventi adhuc & exulanti Sylverio suffectus; quo tempore ad Theodoram arcano chirographo Eutychianam hæresin professus est,  
moni-

monitâ tamen Augustâ, ut omnia silentio, secretoque tegeret, re enim vulgarâ Romanos palàm defecturos. Mortuo postea inter ærumnas Sylverio, Augusta à Vigilio petere, exsolveret fidem occultis litteris obstrictam, reciperetque in gratiam Anthimum Patriarcham. Negavit Vigilius præstari à se posse, quæ temerè promississet: neminem pactis obligari, quæ turpiùs servantur, quàm rumpuntur. Excanduit Imperatrix, & Vigilium attractu, & si dicere licet, factò quodam Romanæ cathedræ subitò mutatum, quasi fidem Petri cum mitra induisset, in exilium egit, ubi pœnis, ærumnisque confectus, Sancti nomen, & encomia à Patribus accepit. (4)

Ex hac Vigiliij historia manifestum est, epistolam quâ hæresin probabat, ab eo scriptam, cum nondum vivente adhuc Sylverio legitimus Papa esset; nec fuisse illam epistolam definitionem è cathedra, de qua tantum disputamus, sed occultos furivosque codicillos, & ab ipso auctore silentio tenebrisque damnatos, ac luce prohibitos, quod omnino sententiæ judiciali, & è cathedra prolatae repugnat.

XIII. *Non obstat* 13. Honorium I. Pontificem Hæreticum Monothelitam fuisse, eamque hæresin in duabus epistolis ad Sergium docuisse, quam ob causam inter alios hæreticos numeratur, damnaturque in sexta generali Synodo Constantinopolitana sub Agathone Papa.

R. Honorium Papam quod attinet, nos planè ambiguos animi esse, quid de illius hæresi dici oporteat. Si enim auctoritatem illorum æstimes, qui eum hæresis accusant, negari omnino non potest hæreticum fuisse, hoc enim testantur Concilia Oecumenica, sextum, septimum & octavum, & hoc præsertim *Act. 7.* idque semper Apostolicæ sedis Legatis presentibus, qui utique reclamassent, si Honorium innocentem credidissent. Honorium quoque hæresi postulant Hadrianus II. Papa, ut habetur in *actis 8. synodi generalis act. 7.* Leo Papa in litteris ad Constantinum Augustum, Agatho Papa ad eundem Augustum. Iterum Leo Papa II. *epist. 2. ad Episcopos per Hispaniam constitutos: & epist. 5. ad Ervigium Regem*

Yyy

Hispa-

(4) V. S. Gregor. M. l. 2. epist. 36. ad Episc. Hibern. Paulum Diacon. in vita Justiniani, &c. & proluxius in Gallia Vindicata dissert. 3. §. 1. sum. 3. 4. 5.

*Hispania.* Nicephorus Patriarcha Constantinopolit. *epist. ad Leonem III. PP.* Tharadius ad summos Sacerdotes Antiochiæ, Alexandriæ, & sanctæ Urbis, Theodorus cum Synodo sua Hierosolymitana, ut habetur in 7. synodo act. 3. Beda de natura rerum c. 67. His omnibus tanto numero, tantaque auctoritate, fidem abrogare velle, eosque aut deceptos dicere, aut mendaces, quid amabo aliud est, quam contra torrentem navigare, omnemque historiam Ecclesiasticam in dubium vocare? si enim tot tantique testes decepti sunt, idem de Sozomeno, Socrate, Nicephoro, Theodoro, aliisque omnibus dici poterit, qui longè minoris fidei, & auctoritatis sunt, quam illi, qui Honorio Hæresin adscribunt: sublatâ verò historiâ, & consequenter traditione, usuque Ecclesiæ, quæ tu arma contra hæreticos satis valida habebis? Malè ergo, ut nobis equidem videtur, Ecclesiæ illi consulunt, qui ut Honorij causam tueantur, historiam, Ecclesiamque exarant. Ergo si testibus agenda res est, Honorius Papa hæreticus fuit.

Si verò causam ipsam rationesque attendas, ob quas hæresis postulatur Honorius, fatendum est innocentem esse, & noxâ liberum. Rem non ex aliorum opinionibus, quæ plerumque partibus addictæ sunt, ideoque fallaces; sed ex ipsa historia litterisq; Sergij Monothelitæ ad Honorium, & hujus ad Sergium deducemus. Heraclius fufus fugatisque Persis, & intra Tigrim fluvium coercitis, Hierapolim victor intraverat. Illic ab Athanasio Jacobitarum Patriarcha officij causâ invisitur. Hunc ejusque asselas Imperator benignè monet, depositâ tandem Eutychianâ hæresi, quæ unam tantum in Christo naturam agnoscebat, in gratiam cum Ecclesia redeat, & decretis Chalcedonensis Concilij acquiescat. Athanasius jam hæresin Monothelitarum hauserat, qui ex Eutychianis nati duas in Christo naturas admittebant, sed unam voluntatem, unamque operationem. Ergo ex Imperatore vicissim quærit, ecquid ipse de Christo sentiat, duasne in illo voluntates duasque operationes, an unam esse? Heraclius quid ad hanc quæstionem responderet, dubius, Sergium Constantinopoli Patriarcham, & Cyrum Phasidis Episcopum, per litteras consulit. Ab utroque (nam Monothelitæ erant) responsum, unam esse Christi voluntatem, unam operationem: idque ad eò ab illis Cæsari persuasum, impressumque est, ut edicto, quod Ecthesin, hoc est,

est, expositionem vocârunt, unam in Christo voluntatem prædicari, credique jussit. Sergius coactâ Synodo novam hæresin, quanto conatu potuit, muniendam curavit, & Imperatoris edictum, ab Episcopis subscriptum spectante populo, ad fores sanctæ Sophiæ palam affixit. Idem à Cyro Alexandria factum, Sophronius sanctitate & doctrinâ tunc celebris, & postea ex Monacho Episcopus Hierosolymitanus, exultanti palam hæresi, & Principis potentiâ subnixæ, se ex adverso opponit, excitatisque orthodoxis Monothelitas anathemate ferit, & hæreticos pronuntiat. Sergius Catholicorum, & Sophronij præsertim auctoritatem veritus, Honorio Pontifici scribit, simulatâque, quam publicè in Synodo & edicto produxerat, hæresi, novas à Sophronio turbas agitari dicit, omnia inter Catholicos discordijs misceri, novis nec necessarijs vocularum disputationibus animos turbari: optimum proinde videri, si nec una in Christo voluntas dicatur, nec duæ, sed hisce vocibus velut facibus discordiarum extinctis, id de Incarnatione dicatur credaturque, quod Patres & Concilium Chalcedonense præsertim definierant.

En tibi historiæ contextum ex ipsa Sergij ad Honorium epistola, quæ recitata est in 6. Synodo, *Act. 12.* & habetur *Tomo 3. Conciliorum Veneta edition.* Jam quid Honorius responderit, videamus. Is ergo duas ad Sergium epistolas dedit; utramque reperies *Act. 12. & 13. sexta Synodi Tomo 3. Conciliorum.* Earum hæc summa fuit: *Duas esse in Christo naturas, eas discretas, inconfusas, impermixtas, sicque hæreticum esse Eutychetem, qui illas confunderet. Utramque naturam operari, divinam qua Dei sunt, humanam qua hominis. Abstinentium tamen à vocibus duarum vel unius voluntatum, idque multis ex rationibus.*

*Primò.* Quia voces illæ novæ, & hætenus inauditæ, & idèò partim essent simplicibus suspectæ, partim offendiculo, cum eas non satis intelligerent.

*Secundò.* Quia qui unam voluntatem diceret, videri posset, unam quoque naturam admittere, sicque hæresin Eutychianam incidere: qui verò duas voluntates, duasque operationes diceret, suspectus fieret hæresis Nestoriana, quasi ut duas operationes, ita duos operantes, & consequenter duas in Christo personas agnosceret.

*Tertiò.* Quætionem de una aut duabus voluntatibus in nulla Synodo, nec à Patribus definitam esse, non ergo ad dogma fidei pertinere.

*Quartò. Videri hanc questionem vel ad Grammaticos, vel ad Philosophos pertinere, cur ergo illius causâ fideles turbentur?*

*Quintò. Cum dua in Christo voluntates esse dicuntur, aliquos sic intelligere, quasi dua contraria, pugnantes, discordesq; in Christo voluntates fuerint, ita ut humana nollet, quod vellet divina: id verò falsum & absurdum esse; sed in hoc sensu unam tantum in Christo voluntatem, hoc est, non diversam, neq; contrariam dari, cum Christus naturam hominis, non culpam aut repugnantiam natura cum divina voluntate assumpserit. Hæc est sententia litterarum Honorij ad Sergium, quibus hæresis Monothelitarum damnatus est, & quas tanto fidelius nos reddidimus, quòd Tomo 2. Conciliorum in actis sextæ Synodi extant Act. 12. & 13. ubi facillè videri possunt, & cum ijs quæ diximus, confertur.*

Jam verò in his omnibus, quæ Honorius ad Sergium scribit, non tantum hæresin Monothelitarum non adstruit, sed planè destruit; Monothelitz enim negabant duas in Christo esse voluntates, sed unam tantum: idque in eclesiâ ab Heraclio vulgata expressè continebatur: at Honorius clarissimè dicit: non esse dicendam unam voluntatem, vel unam operationem, sed unum operantem; monetque Sergium, ut omitat deinceps unam voluntatem in Christo dicere. Monothelitz idè in Christo unam voluntatem ponebant, ut ex illa inferrent unam naturam, cum natura humana sine voluntate esse non possit, quod S. Maximus in disputatione cum Pyrrho animadvertit: at Honorius expressè duas naturas distinctas inconfusas, discretasque agnoscit.

Monothelitz nullam propriam & humanam operationem in Christo agnoscebant, sed tantum divinam; dicebant enim, admissis duabus operationibus admittendos esse duos operantes, ut observat S. Thom. 3. p. q. 18. a. 1. & Pyrrhus in dialogo cum S. Maximo fatetur: at Honorius in secunda ad Sergium epistola apertissimè duas naturas esse dicit, & singulis naturis propriam operationem tribuit, quamvis ad evitandam ex novis vocibus offensionem nollet duas operationes dici. Verba Honorij sunt: *Pro una, quam quidam dicunt, operatione, oportet nos operatorem Christum Dominum in utrisq; naturis veraciter confiteri: & pro duabus operationibus ablato gemina operationis vocabulo ipsas potius duas naturas in una persona inconfuse, indivise nobiscum predicare propria operantes. Quid potuit clariùs ab Honorio dici? si enim quælibet natura habet propriam operationem, hoc est, huma-*

humanam & divinam, ergo sunt duæ operationes: sicut enim unum idemque non potest esse equus & lapis, ita, multoque minùs potest esse divinum & humanum. Ergo perinde est duas naturas cum proprijs operationibus (quas Monothelitæ negabant) admittere, quod duas operationes; sed hanc vocem, *duas*, refugiebat Honorius propter causas suprà allegatas. Quomodo ergo Honorius Monothelita, si negabat, quod Monothelitæ admittunt, admittebar, quod illi negabant? imò quòd maximi momenti est, S. Maximus Abbas & Martyr, qui que sedente Honorio vivebat, in celebri illa, cum Pyrrho Monothelita, disputatione, quam totam græcè latineq; Baronius recitat ad calcem *Tomi 8. Annalium*, Pyrrho auctoritatem Honorij opponenti, respondet: non negasse Honorium duas in Christo voluntates, humanam videl. divinamque; sed negasse tantum duas humanas & contrarias, quales in hominib<sup>9</sup> reperiuntur, cum spiritus concupiscit adversus carnem, & caro adversus spiritum: dabimus verba Pyrrhi Monothelitæ Hæretici Honorium accusantis, & S. Maximi Catholici & Martyris eundem Honorium ab imposita calumnia liberantis: *Sit ita de Vigilio. Quid de Honorio ad respondendum habes, qui aperte antecessori meo unam voluntatem Domini Nostri Jesu Christi esse tradidit? Maxim. Quis fueris fide & auctoritate dignus epistola hujus interpres, qui eam ex persona Honorij scripsit, adhuc superstes, & qui totum occidentem cum alijs virtutibus, tum dogmatibus fidei Christiana illustravit? an ij, qui Constantinopoli, qua ex corde erant, loquebantur? Pyrrhus. Qui hanc composuit, Max. Is igitur ipse, cum ad divum Constantinum Imperatorem ex persona rursus S. Papa Joannis de hac epistola scriberet, dixit: Unam voluntatem diximus in domino, non divinitatis ejus, & humanitatis, sed humanitatis solius. Cum enim Sergius scripisset, quod quidam duas voluntates in Christo contrarias dicerent, diximus, Christum non duas voluntates contrarias habuisse, carnis, inquam, & spiritus, sicut nos habemus post peccatum, sed unam tantum, qua naturaliter humanitatem ejus signabat. Hoc autem ita esse, argumentum evidens est, meminisse membrorum & carnis, qua quidem de divinitate illa accipi non permittunt.*

*Dices:* Honorius in duabus illis allegatis epistolis se cum Pyrrho sentire, ejusdemque doctrinam approbare dicit: at constat Pyrrhum hæreticum fuisse ducemque Monothelitarum.

ꝛ. Honorium in uno capite cum Pyrrho conspirasse: in alijs vero, quæ hæresin continebant, aperte & ex professo dissensisse.

Scripserat enim Pyrrhus, sibi pacis componendæ causâ, comprimendisquæ discordijs, quæ gliscabant, necessarium videri, ut nec duæ in Christo voluntates dicerentur, nec una, sed duæ tantum naturæ. Respondit Honorius sibi hoc placere, variasquæ produxit causas, ob quas de duabus operationibus silendum esset. Quod verò Pyrrhus aliud ad Honorium scribens, aliud docens, duas voluntates expressè negaret, unamquæ assereret, eundemquæ errorem in Episcopos disseminaret, adeò Honorio non placuit, ut etiam positivè improbareret, ut ex illius epistolis manifestum fecimus.

Ceterum quidquid de causa (a) Honorij Pontificis sit; nihil illum ex cathedra definisse, quod hæresin sapiat, certum est: cum epistolæ, quas ad Sergium dedit, privatæ fuerint, nihilquæ decendant, & nec unam voluntatem in Christo, nec duas dici velit: sed duas naturas cum proprijs operationibus: quod planè non est decedere, sed rem in suspenso relinquere.

XIV. *Non obstat* 14. Multos alios SS. Pontificum errores fuisse, ut Gregorij III. qui in *epist. ad Bonifacium*, quæ habetur *Tom. 3. Conciliorum & in c. quod proposuisti 32. q. 7.* ob infirmitatem Uxoris Marito aliam ducere permittit. Nicolai I. docentis Baptismum in nomine Christi sine trium personarum expressione valere, *c. à quodam de Consecration. d. 4.* contra canonem *multi.* & canonem in *Synodo d. ead.* Alexandri III. in *c. cum esses. de Testamentis*: aliorumquæ Pontificum, admittentium pollè matrimonium ratum alio matrimonio, sed consummato dirimi in *c. licet. de sponsa duorum.* Innocentij III. in *c. per venerabilem*: ubi dicit legem Veterem necdum plenè esse abrogatam. Nicolai III. in *c. exijt. de V. S. in 6.* ubi docet, Christum perfectam docuisse paupertatem, quæ consistit in abdicatione omnis dominij tam in particulari, quàm in communi: quam doctrinam hæreticam esse definit Joannes XXII. *extravagante ad conditorem.* Et *c. quia quorundam de V. S.* Idem Joannes negavit animas Beatorum ante Resurrectionem Deum vituras teste Gerson *serm. de Paschate alijsq.* Cælestini III. in *c. quanto de divortijs*, ubi testatur Innocentius III. eum sensisse Matrimonium dissolvi altero conjugum in hæresin labente.

32. Istos omnes aliosquæ errores, qui Pontificibus tribuuntur,

(a) Videatur fusiùs in Gallia Vind. Diss. 3. §. 1. sum. 9.



tur, personales fuisse, privatosque, non verò definitivos & sententiales, ut legentibus patet, & idèd singulis non immoramur, sed lectorem ad ea, quæ jam dicta sunt, remittimus; videri etiam possunt Cajetanus in opusculo de 27. questionib. Azorius. 2. p. l. 5. c. 15. Canus l. 6. c. ult. Bellarm. de Romano Pontif. l. 4. Spondanus & Baronius, ubi de singulis Pontificibus agunt. Gonzalez in Decretales, alijque. Habenda est ergo semper ante oculos ea regula, Pontificis Romani in fidei materia definitiones, tunc esse certas, infallibiles, securasque veritatis, & quibus reluctari non liceat, cum videl. questione aliquâ ad sedem Apostolicam delatâ, & re maturè discussâ, causæque meritis examinatis, Pontifex sententiam pronuntiat, eamque non ad unam alteramve, sed ad totam & universalem Ecclesiam dirigit, obligatque fideles, ut ita credant: non quidem ut ipsa Pontificis sententia sit causa & ratio credendi; sed tantum applicatio certa & inerrabilis divinæ revelationis, cui fides nostra soli & unicè innititur. Talis enim sententia cum auctoritate & imperio aliquid definiens, toti que Ecclesiæ velut dogma proponens, est proprius actus Pontificiæ potestatis, perti-nensque ad solum Pastorem Doctoremque Ecclesiæ universalis: alij verò actus, hoc est, epistolæ, rescripta, responsa ad quæstiones privatorum, aut etiam particularium Ecclesiarum, non sunt actus verè Pontificij, sed cujuslibet Doctoris, aut Episcopi, quos errare posse omnes confitemur. Certitudo quippe fidei à Deo Pontificibus in Petro promissa, non propter personas, Ecclesiasque privatas concessa est, quæ falli omnes possunt: sed propter Ecclesiam universalem erroris incapacem, ut bene notavit Canus l. 5. c. 5. q. 4.

XV. *Non obstat 15.* Multa à summis Pontificibus, & etiam Concilijs statui decernique, non tanquam certæ & exploratæ fidei, sed tanquam magis probabilia; non ergo quia sunt definita, idèd sunt certa, sed tantum magis probabilia, v. g. in c. firmiter de summa Trinit. Concilium Lateranense sic loquitur: *Firmiter credimus, & simpliciter constitemur, quòd unus est solus verus Deus Creator omnium visibilium & invisibilium, corporalium & spiritualium, qui simul ab initio temporis utramque de nihilo condidit creaturam corporalem, & spiritualem, Angelicam videl. & mundanam.* Atqui non est fidei adversum, Angelos ante mundum corporeum conditos, aut spiritualis naturæ non esse; quamquam qui hoc diceret, temerarius nunc esset. S. Thom. 1. p. q. 61. art. 3. Sic etiam.

etiam in *Clement. unica de sanctissima Trinitate*, ea opinio tanquam probabilior eligitur, quæ habet, in Baptismo gratiam & virtutes infundi.

Re. Cùm Pontifices & Concilia aliquid definiunt, adduntq; veritatem sic definitam ad fidem pertinere, aut anathema dicunt contrarium sentientibus: aut qui ita, ut definitum est, non credunt, hæreticos pronuntiant: aut volunt ea firmiter à fidelibus credi: cùm ergo Pontifices hoc, similive loquendi modo utuntur, certum est, non tantùm, quæ magis probabilia, sed quæ omnino certa & explorata sunt, proponi, cùm fides sit de certò veris, hæresis de certò falsis, omni probabilitate exclusâ, & exempla sunt in *c. damnamus de summa Trinit. c. unico eodem in 6. Clement. unica eod. §. 2.* Quæ autem in Concilijs, vel Pontificum Decretis adducuntur explicandi tantùm causâ, vel ad objecta respondendo, vel rationes aliquas afferendo, vel incidenter solùm, & præter causam principalem asserendo; hæc ad fidem non pertinent, sed tantùm ad maiorem minorémve Pontificum doctrinam, cùm solius Dei sacræque Scripturæ privilegium sit, ne apice quidem in veritatem offendere; Concilijs verò summisque Pontificibus ea tantùm certitudo donata est, quæ instruendæ Ecclesiæ necessaria fuit. Si verò summi Pontifices sententiam aliquam, non quidem anathemate feriant, nec hæresis notent, eam tamen doceri exercerive sub pœna excommunicationis prohibeant; ea omnem continuò amittere probabilitatem practicam, hoc est, turò liciteque exerceri, & sine peccato non poterit, quantumvis hæretica non sit. Exempla habemus in *c. cùm Christus. & in c. ad abolendum de heret. c. gaudemus de divortijs: & in propositionibus ab Alexandro VII. & Innocent. X. damnatis.*

XVI. *Non obstat. 16.* Pontificem in quæstionibus facti errare posse, ut communis omnium Doctorum sententia habet; ergo etiam poterit in quæstionibus juris, in fidei decretis, & generalibus præceptis morum. Consequentia probatur, quia multa ad fidem pertinentia in facto consistunt, v. g. Sacramentum Matrimonij à Christo institutum esse, Sacramenta esse tantùm septem, non plura: characterem in Baptismo impressum esse qualitatem indelebilem, quæque repeti non possit, &c. Imò in omnibus definitionibus, quæ ad fidem, moresque spectant, non aliter summus Pontifex infallibiliter à Deo dirigitur, quàm si omnem, aut saltem

saltem necessariam diligentiam rei examinanda impendat: nec enim somnianti temereque agenti Spiritus S. dogmata inspirat: at verò ea diligentia est facti, multisque erroribus subiecta: quid si enim non satis rem perpenderit? non doctiores rerumque peritiores ad consilium vocaverit? non audierit, quæ in contrarium opponebantur? uni tantum parti autem, non alteri præbuerit? hæc omnia sunt facti, erroremque admittunt: ergo etiam fidei momentumque decreta, quæ ab alijs pendent.

R. Quæstiones facti esse duplicis generis: alia enim sunt facta, vel immediatè à Deo per scripturas & traditiones revelata, vel saltem cum revelatis connexa, qualia sunt Christum in Eucharistia realiter existere, & panem in sacram illius Humanitatem mutari, &c. In hæc error nullus cadit, cum repugnet, Deum in quacumque re tam facti quam juris errore aliquo capi, aut falsum dicere, hoc est, aut ignorantem esse, aut mendacem, quæ dux sunt falsi origines. Ad eadem facta mediatè revelata pertinet diligentia illa necessaria, quam in rebus fidei decidendis in Romano Pontifice desideramus: cum enim voluerit Deus Ecclesiam errare non posse, voluit etiam nihil ei deesse, quod vitando errori necessarium est: & idè Patres sextæ Synodi contra Monothelitas ex eo, quòd in Christo dux essent naturæ, optimè intulerunt, duas esse voluntates, cum voluntas sit potentia cum humana natura necessariò connexa.

In illis verò quæstionibus facti, quæ nec immediatè nec mediatè à Deo revelatæ sunt, quæque ex testimonio & informatione hominum pendent, negari non debet, & Concilia, & Pontifices errare posse: cum enim fides divina testimonio & Verbo Dei nitatur: & vox Papæ sit vox hominis non Dei, non potest ille, quæ nec mediatè nec immediatè revelata sunt, pro fidei dogmatibus proponere: quæ verò sunt facti, revelata non sunt, & idè errori obnoxia. Quod ingenuè ipsi Pontifices confessi sunt, Bonifacius videl. VIII. in c. 1. de constitutionibus, ubi dicit: Romanos Pontifices ignorare, quæ sunt facti: at ignorantia est mater erroris: errare ergo potest; qui ignorat. Et Eugenius IV. qui cum ex certis magnisque causis Concilium Basileense dissolvisset, & ab eo acta, planè irrita declarasset per Bullam, *Inscrutabilis* anno MCCCCXXXIII. veritatem postea edoctus, per aliam Bullam, *audum* anno MCCCCXXXIV

quæ priùs constituerat, revocat; non quia Concilium dissolvere non poterat, sed quia ex non veris causis, ut postea apparuit, id egerat: extant Bullæ Eugenij in actis Concilij Basileensis *sess. 16. &* videndus est Raynaldus ad *annum MCCCCXXXIV. n. 15.* Denique qui Honorium I. hæresi absolvunt, sunt verò quàm plurimi, ij etiam negare haud possunt, & in Pontifices & in Concilia errorem cadere, ab utrisque enim hæresis damnatus est, ejusque memoria, tanquam hominis hæretici, profligata.

XVII. *Non obstat 17.* Fide tantum humanâ constare, hunc in individuo hominem, v.g. Innocentium XI. esse legitimum verumque Pontificem, ac in terris Christi Vicarium; at fides humana errori subest, fierique potest, non esse legitimum Pontificem: quid si enim invalidè electus? quid si non ritè baptizatus? aut unde nobis constat ritè Baptizatum, electumque esse, nisi fide humanâ, quæ falli potest? Sic Joannes VIII. sic Formosus veri Pontifices credebantur, & tamen eventus docuit, illum scæminam fuisse, istum non verum, sed imaginarium Papam, & cujus acta à Stephano VI. omnia rescissa sunt. Si ergo fide divinâ & certâ Innocentium Pontificem esse non constat; non etiam certâ divinâque fide constabit, quæ ab illo decernuntur, certa esse, & ad dogma, si hoc declararet, spectare.

18. Hanc objectionem nimium sibi sumere, & si quid probet, non in Pontifices tantum, sed in omnia Concilia, in totam Ecclesiam, & intima fidei Catholicæ viscera grassari: si enim certâ, indubiâque fide non constat, Innocentium XI. legitimum Papam esse: ergo nec Innocentium X. nec Clementem IX. nec Alexandrum VII. nec Leonem, nec Agathonem, nec Sylvestrum: in omnibus enim aut nulla subest dubitandi ratio, aut eadem. Si ergo Pontifices, & ab illis definita dubia sunt; ergo etiam quæ à Concilijs, nam hæc à Pontifice confirmantur, & sine Pontifice tam sunt integra, quàm corpus capite suo truncum. Imò ex iisdem causis, quæ tibi Pontifices, eorumque electiones dubias faciunt, ipsa etiam Concilia in dubium vocantur, quæ ut sint legitima, multo pluribus, quàm Pontifices opus habent: dubio verò Pontifice, dubijs Concilijs, dubijs etiam quæ ab illis constituta sunt, quid superest in fide certum? frustra Ariana hæresis, frustra Nestoriana, Eutychiana, Lutherana, Calvinistica, frustra omnes

omnes hæreses damnata, nam ut tu dicis, incerti erant Papæ, incerta Concilia, incerta ab utrisque decisa; quæ verò incerta sunt, nec ad hæresin, nec ad fidem pertinent, ut credi necessariò negarive debeant. Quòd si nemo audet Concilia, quæ ab Ecclesia recepta sunt, in dubium vocare, imò qui hoc agit, æquè ac qui Evangelia non recipit, hæreticus est teste D. Gregorio *in c. sicut. d. 15.* idem de Pontifice Romano dicendum est, par enim, ut paulo antè notavimus, de utrisque est ratio. Et sicut ad fidem non sufficit, credere aliquam in genere Ecclesiam, & non istam determinatam; aut aliquas scripturas sacras, sed non istas, quas manibus terimus; ita nec sufficit, aliquem in Ecclesia Christi Vicarium, aliquod caput visibile, aliquem Judicem Controversiarum, sed non istum, quem Ecclesia elegit, quem Ecclesia colit, à quo leges & decreta, ac in rebus controversis sententiæ procedunt. Quando navigabis, quando litem absolves, quando finem morbo impones, si aliquam quidem navim, aliquem judicem, aliquem medicum velis, sed nullum certum, nullumque, quem possis digito ostendere, nec istum, nec illum admittas? sic pessimè consultum Ecclesiæ, pessimè fidelibus, si Christus nullum illis Pontificem dedit, cui & morum, & in fidei decretis certam fidem deberent, certamque obedientiam. Nec in Ecclesia tot retrò sæculis, & hæreticis toties in Romanam sedem armatis, auditum aliquando est, hanc Pontificibus eorumque Decretis exceptionem oppositam esse, quòd videl. non certò constaret Leonem, Sylvestrum, Damasum legitimos Papas esse: quanti putas hoc inventum Ariani emissent, ut Nicæno Concilio litem inferrent, & quæ illic Patres deciderant, inania redderent? sed hoc nostro sæculo, in quo tanta novarum rerum cupido est, vicimus antiquitatem, novo artificio reperto, ut Papam sine Papa, legem sine lege, sententiam sine sententia haberemus, hoc est, aliquem Papam, sed non istum, aliquem Legislatorem, sed non istum, aliquem Judicem, sed non istum, nullumque certum; captâ interim credendi faciendique quod placet libertate. Denique post Concilium Constantiense vix intelligimus, quomodo negari possit, certâ fide hunc in individuo Pontificem pro vero legitimoque habendum esse, *sess. enim ult.* Martinus Papa sacro approbante Concilio, ab hæreticis, qui Ecclesiæ Catholicæ conjungi volunt, ante omnia

exigendum esse dicit: *Ut credant Papam Canonice electum, qui pro tempore fuerit, ejus nomine expresse, esse successorem Petri, & supremam habere in Ecclesia potestatem.* Supponit ergo Concilium, credi posse fide divinâ (nec enim de alia fide quàm divina hæretici sunt interrogandi) hunc numero & determinatum Pontificem legitimum esse Christi Vicarium, imò credi debere, nec enim quæ credi non possunt, aut non debent, necessariò credenda sunt.

*Dices* : Concilium loqui de Pontifice canonice electo, at non constare canonice electum esse.

*Respondemus* : Si constare certâ fide non potest Papam Canonice electum esse, cur ergo Concilium tam accuratè vult hæreticos de hoc interrogari? erit enim otiosa minimeque necessaria interrogatio, cum sicut constare non potest esse canonice & validè electum, ita nec legitimum Pontificem Christi que Vicarium. At Papam legitime baptizatum, ordinatum, electumque esse Deus nunquam revelavit, quæ ergo credi potest? Imò tunc revelavit, cum tota Ecclesia Pontificem pro legitimo habuit receptitque; vox enim & testimonium Ecclesiæ, quæ falli non potest, vox est & testimonium Dei: sicut enim Deus nunc verbo, nunc litterâ, nunc miraculis, ita vocibus & assensu Ecclesiæ loquitur, juxta illud Christi Domini pollicitum: *Non enim vos estis qui loquimini, sed spiritus Patris vestri, qui loquitur in vobis; ipse Spiritus docebit vos omnem veritatem.*

Ad Dei ergo Providentiam curamque pertinet, ut Ecclesiam, quam voluit esse columnam & firmamentum veritatis, in re tanti momenti errare non permittat, eumque pro Pontifice colere, qui Pontifex non est; aut si permittat circa personam ipsam Pontificis errare, non permittat tamen circa auctoritatem, hoc est, putatio Pontifici eam ipsam auctoritatem potestatemque, quam vero tribuat, quemadmodum leges humanæ id ipsum in putatio judice, teste, & matrimonio statuunt in l. *Barbarius, de off. Prat. l. 3. in fine ff. de suppellect. legat. l. 3. ff. ad S. C. M. S. 7. instit. de Testam. ordin. c. infamis 3. q. 7. c. penult. & ult. qui filij sint legitimi.*

XVIII. *Non obstat* 18. Eorum sententiam, qui Pontificem extra Concilium falli posse affirmant, probabilem esse, ergo illam turò amplecti, docere, & si res ferat, exercere etiam possumus.


2. Sententiæ alicujus probabilitatem ex duobus capitibus æstimari: ex rationum videl. gravitate ac momentis; & ex docentium auctoritate. Rationes quod attinet, aut nullæ pro contraria sententia producuntur, aut tam infirmæ fragilesque, & solutu tam faciles, ut ad flectendum in unam partem intellectum, ejusque assensum non dico extorquendum, sed invitandum, pondus exiguum habeant, imò nullum, si cum illis rationibus conferantur, quæ in oppositum urgent. Compara scripturas cum scripturis, Concilia cum Concilijs, Patres cum Patribus, Ecclesiæ usum cum usu, rationes cum rationibus, & tunc demum videbis, quam vim movendo flectendoque intellectui habeant, quæ ab Adversarijs dicuntur: revoca etiam in animum Patrum Doctorumque censuras, quibus sententiam illam configunt, & tecum reputa, an aliquam probabilitatis speciem agnoscant: & censuras non Patrum quorumcunque, sed sanctitate & doctrinâ florentium, quosque non ut Doctores tantum, sed ut fastigia & vertices Doctorum omnes scholæ venerantur. Vix pro sententia, quam impugnamus, octo decemque auctores numerabis, ubi nostra omnes habet, quotquot ubique terrarum scripsere. Quis enim est Gerson, Almainus, Adrianus, ut illos Thomæ Aquinati, Alberto M. Bonaventuræ, Antonino, Bernardo, & omnibus ferè opponas? Enimverò ad hos soles pallescunt illæ stellæ, disparentque, & tam fieri non potest, ut qui istorum auctoritatem rationesque spectat, aliquam in contraria sententia probabilis rationem videat, quàm ut lucente in meridie sole radij aliquid aut lucis in stellis observeret: imò multo minus; cum in cælo stellæ sint plurimæ, sol unus, à nobis verò soles sint plurimi, & ex adverso stellæ

paucissimæ.

### *FINIS LIBRI III.*







# LIBER IV.

## PROPOSITIO IV.



**L**icet Pontifici Max. Vicario Christi summa in Ecclesiam Catholicam sit potestas à Deo concedita; ea tamen est ad ædificandum, non destruendum, nec contra veritatem, sed pro veritate. Non poterit ille in lege divina & naturali dispensare, quæ totius Ecclesiasticæ disciplinæ, ac vitæ Christianæ fundamenta sunt. Nec etiam nulla aut levi ex causa leges Canonicas solvere. Quid enim hoc aliud esset, quàm contra monitum sapientis sepem dissipare, & unâ manu destruere, quod Apostoli, quod Patres tanto laborum, sanguinis ac vitæ impendio alterâ manu construxerunt? Si tamen necessitas aut utilitas Ecclesiæ poscat, publica præsertim, ad eundem sumum Pontificem spectabit, iisdem clavibus, quibus Cælum, etiam Canones aperire, & canonicum rigorem paternâ indulgentiâ dispensando mitigare. Neque hoc est contra, sed maximè juxta Canones agere, qui hoc ipsum summis Pontificibus concesserunt.



§. I.

*Papam in lege divina & naturali dispensare non posse.*

S U M M A R I A.

1. *Sicut res omnes, sic Pontificis auctoritatem terminis includi.*
2. *Testimonijs sanctorum Patrum & Doctorum non posse summum Pontificem in legibus divinis & naturalibus dispensare ostenditur.*
3. *Et rationibus.*
4. *Non posse ergo Pontifices juri quasito, pactis, & privilegijs, quæ in pactum transierunt, derogare.*
5. *Posse tamen in jure Naturali permisso, votis, juramentis Deo factis, & Canonibus Apostolorum ex causa dispensare.*

I.



Nter alia, quæ à Sapientibus sunt sapientissimè pronuntiata, est etiam illud Pittaci: *Ne quid nimis.* Habent enim omnia suos fines, suos limites, suos crescendi agendiq; terminos, quos si moveas, nimiumq; prolates, illud quod in rerum natura pulcherrimum est, continuo deleas, pacem videlicet ordinemq; quod turpissimum inducas, hostilitatem, confusionem. Habent stellæ suas sphaeras, metasq; currendi, quibus continentur; nec sol lunæ, nec luna solis imperium ac fines occupat; quanta clades rerumq; omnium intemperies, si metas pertumperent? Habet aër suas regiones, quibus coercetur, nec suprâ agitur, ubi ignis imperium: nec infrâ, ubi terræ jus est. Mare & ripas, & littus observat, & cum possit excurrere, si vim molemq; aquarum spectes, modestè ta-

men

men ad arenam subsidit, ni faciat, mundi naufragium erit. Denique omne vitium in excessu est.

Malè igitur publico bono consultum eunt, qui tantum Principibus tribuunt, quantum volunt; nec immensæ illorum potestati alium terminum ponunt, quàm cupiditas, naturali divinâq; legibus in exilium actis.

At verò hanc potestatem exlegem, effrenem, ac inverecundam, nec Apostolus admisit, qui *pro veritate tantum, non contra veritatem, ad adificationem, non ad destructionem* se aliquid posse dicebat. Vanz igitur sunt illæ, & ne quid acerbius loquamur, inconsultæ quorundam Jurisconsultorum voces, eam Pontificibus asserentium potestatem, quam ipsi Pontifices erubescunt: *Deos quosdam esse in causis beneficialibus: mutare posse quadrata rotundis: uno verbo sine alio ritu Sacerdotes facere: dogmata condere: sanctos, impollutos, segregatos à peccatoribus esse: & alia multa, quæ licet innocentem aliquem, sanumque sensum habere possunt, ipsâ tamen verborum specie absurdissima sunt, ac hæreticis risum, Catholicis indignationem movent.* Quibus meritò illud Jobi 13. occinere possis: *Utinam taceretis, ut putaremini esse sapientes! Numquid enim Deus indiget mendacio vestro, ut pro illo loquamini dolos? Pharisaicæ sunt istæ voces: Tu quis es? Messias es tu? Elias es tu? Propheta es tu?* Quibus modestissimus Joannes: *Non sum ego Christus, non sum Elias, non sum Propheta; in medio autem vestrum stetit, cujus ego non sum dignus solvere corrigiam calceamenti.* In quem locum eleganter B. Gregorius: *Elegit Joannes solidè subsistere in se, ne humanâ opinione raperetur inaniter super se, ut veritatem loquens ejus membrum fieret, cujus sibi nomen fallaciter non usurpavit: sicq; dum infirmitatem suam studuit humiliter agnoscere, illius celsitudinem meriti veraciter obtinere.* Hujus sancti Præcursoris modestiam summi Pontifices imitati, suam potestatem, quamvis cælestem, omnique humanâ majorem, naturalibus tamen ac divinis legibus subjectam professi sunt. Ipsos, aliosque SS. Doctores audiamus.

II. Urbanus Papa in c. sunt quidam 25. q. 1. *Sunt quidam, dicentes Romano Pontifici semper licuisse novas condere leges. Quod & nos non solum non negamus, sed etiam valde affirmamus. Sciendum verò sumopere est, quia inde novas leges condere potest, unde Evangelista aliquid, & propheta nequaquam dixerunt. Ubi verò aperit Dominus, vel ejus Apostoli, & eos sequentes sancti Patres sententialiter aliquid definierunt, ibi non novam legem Romanus Pontifex*

islex dare, sed potius, quod pradicatum est, usq; ad animam & sanguinem confirmare debet. Si enim quod docuerunt Apostoli, & Propheta, destruere (quod absit) niteretur, non sententiam dare, sed magis errare convinceretur. Sed hoc procul sit ab eis, qui semper Domini Ecclesiam contra luporum insidias optime custodierunt.

Innocentius III. in c. litteras de Restitut. spoliator. Opinioni autem ultima non videtur incongruè adaptari, ut in gradibus consanguinitatis divinâ lege prohibitis restitutioni aditus præcludatur, sed constitutione interdictis humanâ restitutio locum habeat cum effectu, cum in illis dispensari non possit, & in istis valeat dispensari, sicut B. Gregorius, & multi alij dispensarunt.

Alexander III. in c. super eo 4. de usur. Cum usurarum crimen utriusq; testamenti pagina detestetur, super hoc dispensationem aliquam posse fieri non videmus.

S. Thomas 1. 2. q. 97. a. 4. ad 3. Ad legem divinam ita se habet quilibet homo, sicut persona privata ad legem publicam, cui subjicitur; unde sicut in lege humana publica non potest dispensare, nisi ille, à quo lex auctoritatem habet, vel is, cui ipse commiserit, ita in præceptis juris divini, qua sunt à Deo, nullus potest dispensare nisi Deus, vel is, cui ipse specialiter committeret.

Idem in 4. d. 47. a. 4. Qua sunt ordinata per legem divinam, non sunt mutabilia, vel dispensabilia, nisi præcepto Divino.

Et infrà: Contra præcepta secunda tabula, qua ordinantur immediatè ad proximum, Deus potest dispensare, non autem homines in his dispensare possunt.

Idem in quodlibet. 4 q. 8. a. 3. Circa ea verò, qua sunt juris divini vel naturalis, dispensare non potest Papa, quia ista habent efficaciam ex institutione divina. Jus autem divinum est, quod pertinet ad legem novam vel veterem: sed hac est differentia inter legem utramq;: quia lex vetus determinabat multa, tam in præceptis ceremonialibus pertinentibus ad cultum Dei: quàm in præceptis judicialibus pertinentibus ad justitiam inter homines conservandam: qua in novo testamento non obligant, nisi assumantur ab Ecclesia vel aliquâ civitate pro suo statuto: & hoc quoad judicialia: nam ceremonialia ex toto cessant. Sed lex nova, qua est lex libertatis, hujusmodi determinationes non habet: sed est contenta præceptis moralibus naturalis legis, & articulis fidei, & Sacramentis gratia: unde etiam dicitur lex fidei, & lex gratia propter determinationes articulorum fidei, & efficaciam sacramentorum. Cetera verò qua pertinent ad determinationem judiciorum, vel determinationem Divini cultûs, liberaliter permisit Christus, qui est nova legis lator, præ-

lati Ecclesia & Principibus Populi Christiani determinandi. Unde omnes hujusmodi determinationes pertinent ad jus humanum: in quo Papa potest dispensare. In solis verò hu, qua sunt de lege natura, & in articulis fidei & Sacramentis nova legi dispensare non potest: hoc enim non esset posse pro veritate, sed contra veritatem.

Præter Divum Thomam tenent hanc ipsam sententiam S. Bonaventura in 4. d. 38. a. 2. S. Antoninus 3. p. T. 22. c. 7. §. 23. Suarez Tom. 3. de Euchar. q. 74. d. 43. Dur. Sylv. Navarr. Valent. omnesque ferè Theologi.

III. *Ratio prima* est: Quia tota dispensandi ratio in lege humana illa est, quòd humanus Legislator non omnes casus, omnesque circumstantias prævideat, quæ possunt occurrere, & in quibus æquius sit legem solvi, quàm observare: imò etiamsi prævideret, non idèò subvenire omnibus posset: & idèò ad illa, quæ plerumque, & in plerisque contingunt, spectat; quæ rarò eveniunt & in paucis, casui committit: casum prudentiæ & dispensationi, tunc videlicet. cum publico bono legem dispensatione moliri potius convenit, quàm ejus observantiam severè premi, prout eleganter animadvertit S. Thom. in 3. d. 37. q. 1. a. 4. sub init. & L. 3. cum seqq. ff. de Legibus. Dispensatio igitur ex ignorantia partim legislatoris, partim ex impotentia defectuque legis nascitur, non semper nec in omni casu publico privatoque bono accommodatæ. Secus est in lege divina, seu positiva, seu naturali; cum Deus omnia prævideat, omnesque futuros eventus ante oculos distinctissimè habeat, sicque leges suas omnibus æquè casibus, omnibus personis adapter: nec tantum quid fieri velit præcipiat, sed præceptis gratiam viresque implendi adjungat, ut planè nullâ sit opus dispensatione, aut si aliquâ opus sit, soli Deo reservetur, qui legum suarum modum, finem, terminosque notos habet, homini ignotos abditosque, quod pulchrè S. Doctor exemplo causarum naturalium ostendit, quarum ordinem nexumque à Deo institutum mutare nemo, aut suspendere potest; aut si necessitas mutandi occurrat, non homini ea mutatio, non naturæ permittitur, sed à Deo expectanda est. S. Thom. in 4. d. 47. a. 4.

*Ratio 2.* Sola jura humana varietate temporum, urgente necessitate, aut evidente utilitate variare possunt, ut habetur in c. non debet. 8. de Consanguinit. & affinit. divina verò & naturalia Jura immuta-

mutabilia sunt, argumento c. cit. & c. fin. de Consuetud. Reg. Juris 88. in ff. instit. de J. N. G. & C. §. 11. & Cic. 3. de Republ. ubi inter alia : Huic legi nec derogari fas est, nec abrogari aliquid ex hac licet, nec tota abrogari potest. Nec verò aut per Senatum, aut per populum solvi hæc lege possumus: nec erit alia lex Roma, alia Athenis, alia nunc, alia post, sed in omnes gentes, omniq<sup>ue</sup> tempore una lex, & sempiterna erit immutabilis. Si ergo naturalis lex, ejusque obligatio est immutabilis, ergo nec dispensationem admittit; hæc enim obligationem legis non mutat solum, sed etiam perimit: nam si velis eo solum nomine naturalem legem immutabilem esse, quia nec tota, nec sæpe dispensationem patitur; parum illam, aut nihil à lege humana distinguas, cum multæ sint humanæ leges, quarum obligationem nec totam deleri expedit, nec multâ dispensatione & passim solvi, quales sunt, v. g. de matrimonijs in secundo gradu consanguinitatis, aut primo affinitatis, &c.

*Ratio 3.* Cum dicis in legibus naturali & divinâ dispensare Pontificem posse, quâ faciat hoc auctoritate? humanâ an divinâ? non humanâ, quia certum est non posse in lege superioris inferiorem dispensare, alioquin prævaleret minor majori potestati, si quod hæc ligavit, illa solveret, & sunt textus *Clementin. 1. ne Romani de el. c. inferior d. 21. c. cum inferior de major. & obed. non ergo potest humanâ potestate Pontifex solvere, quos Deus ligavit.* Sed nec divinâ, tanquam Vicario Christi per illa verba sibi communicatâ: *Quacumq<sup>ue</sup> solveris super terram, &c.* hæc enim verba generalia non includunt casus specialissimos; alioquin extendi etiam deberent ad potestatem illam privilegiatam, soli que Christo concessam, quàm Theologi vocant *Excellentia*, mutandi materiam Sacramentorum, nova instituendi, obligandi ad ea, quæ sunt meri consilij, &c. quæ nemo Papæ concesserit. Et sacris Canonibus receptissimum est, Vicarium, licet idem tribunal, eandemque cum Episcopo jurisdictionem habeat, adeò ut à Vicario ad Episcopum non appelleretur, non posse tamen dispensare in lege ab Episcopo specialiter lata, sed ad ea, quæ majoris momenti, & notâ speciali digna, speciali mandato & concessione indigere, nec generale sufficere c. quid agendum 4. c. qui generaliter 5. de Procuratorib. in 6. *Clement. 2. eodem.* & sunt exempla in collatione libera Beneficiorum c. 3. de offic. Vicarij in 6. & in casibus, quos Episcopus sibi reservavit.

vit. (4) Cùm ergo dispensare in naturalibus divinisque legibus, hoc est, movere ipsos cardines, & fundamenta vitæ & honestatis humanæ, casus summi momenti, & si quis alius, speciali notâ dignissimus sit, non potest generali concessione comprehendi, quæ *Maub. 16.* habetur. Maximè cùm nec Patres, nec traditio hanc potestatem agnoverint, & ipsi Pontifices à se repulerint, ut supra vidimus; cur ergo nos Pontifici tribuamus, quod illis accipere pudor est? Liceat cum D. Bernardo *epist. 179.* in dispari argumento dicere: *Miramur satis, quid visum fuerit hoc tempore quibusdam Doctorum, mutare colorem optimum, novam inducendo opinionem, quam ritus Ecclesiæ nescit, non probat ratio, non commendat antiqua traditio: nunquid Patribus Doctiores aut devotiores sumus? periculose præsumimus, quidquid ipsorum in talibus prudentiam præterivit. At valde honorandus est, inquis, Papa, Vicarius Christi. Bene mones: sed honor Pontificis judicium diligit. Non eget falso honore veris cumulatus honorum titulis, insulis dignitatum: libenter gloriosus hoc honore carebit, quo falsa induci videtur prærogativa. Alioquin nullâ ei ratione placebis contra Ecclesiæ usum præsumpta novitas, mater temeritatis, soror superstitionis, filia levitatis.*

*Ratio 4.* Si hanc dispensandi potestatem Pontifices habent, cur illâ usi non sunt, concessâ v. g. polygamiâ, sterilisque uxoris repudio, quando de conservandis Regijs familijs, maximis regnis Catholicâ Religione imbuendis, avertendisquæ quàm plurimis ac gravissimis malis agebatur? præsertim cùm polygamia, & repudia non aded honestati ac naturæ adversentur, ut in veteri lege à sanctissimis viris non fuerint admissa.

*Ratio 5.* Leges divinæ & naturales sunt regulæ, exemplaria, & amussim quædam omnium honestarum actionum, ipsiusque etiam dispensationis; quid ergo aliud esset dispensando eas leges tollere, quàm lineam ipsam & regulam ac limites honesti tollere, & licentiam erroribus dare? cùm enim non major sit unius divinæ legis, quàm alterius ratio, si una dispensationi cedit, ergo & alia: ergo & illa, quæ jubet Baptismum in aqua, nec aliter conferri: & illa, quæ repudium vetat: & illa, quæ unam marito, non plures concedit: nec hominibus præsertim magnatibus causæ ac necessitates, in speciem saltem compositis, deerunt, eas dispensationes exprimendi: quid ergo habebimus in Ecclesiâ certi, tutique,



*Papam in lege divina & naturali dispensare non posse.* 741  
que, ac hominum cupiditati & artificijs non expositi? licet ergo  
hæc potestas in paucorum privata commoda aliquando cederet,  
noceret tamen universis: non ergo Pontifici data, cujus non de-  
struendi, sed ædificandi officium est.

IV. Colligitur ex hac nostra conclusione, non posse Papam,  
si causa boni publici absit, derogare alterius juri *c. de Ecclesiasticis 25.*  
*q. 2. præsertim pactis & transactis c. ex multiplici 3. de decimis.* aut privi-  
legijs, quæ in vim & naturam pacti transferunt *c. privilegia. c. de Ec-*  
*clesiasticis. c. quod verò. c. dicenti c. privilegia. 1. & 2. 25. q. 2.* adeo ut nec  
clausulis motu proprio, ex certa scientia, ex plenitudine potesta-  
tis, juri quæsito præjudicium fiat, ut ipsi Pontifices declarant in  
Regula Cancellariæ de jure non tollendo. & *c. 15. de off. judic. deleg.*  
*c. rescripta & seqq. 25. q. 2. L. si quando 35. C. de inoff. testam.* Imò nisi  
Pontifices exprimant, non præsumuntur ordinariè uti velle ple-  
nitudine potestatis, sed potiùs juxta jus commune rescribere *c.*  
*proposuit 4. §. licet de concess. prob. (a)*

V. Multis tamen modis hæc nostra conclusio limitanda  
est.

1. Ut in jure naturali permissivo tantùm, non præceptivo  
Papa aliùsve Princeps dispensare possit: cùm enim hoc jus abroga-  
ri omnino possit, ut de libertate habetur *in l. 4. ff. de l. & l. & §. 2.*  
*insti. de I. N. G. & Civ. & de communione bonorum can. 1. d. 8.* quan-  
to magis dispensatione aliquâ restringi?

Limitatur 2. Ut in votis ac juramentis, quorum obligatio ex  
voluntate contractuque hominis existit, dispensari à Pontifice pos-  
sit; cùm enim voluntas hominis, ab eaque imperati actus, & ex  
actibus orta obligatio humanæ legi subjacere possint: imò vota &  
juramenta sub hac conditione, ac lege emittantur, ut potestati ac  
dispensationi humanæ subiaceant, idque in majorem Dei gloriam,  
Ecclesiæque bonum cedat, sitque constans in Ecclesia traditio u-  
susque perpetuus, qui optimus divinæ voluntatis interpret est,  
negari haud potest, cadere in illam dispensationem. *c. quanto 18. de ju-*  
*rejur.* Quamvis non defuerint gravissimi Doctores, qui negent,  
Aaaaa 3 Pon-

(a) Videantur Sanch. de Matrim. l. 2. d. 15. n. 2. Barb. claus. 41. Andr.  
Gail. 2. observ. 58. & observ. 76. Joannes Chokier in regulam 16.  
Cancellar. Sylv. v. Papa. n. 12. & seqq.

Pontificem in voto vel juramento dispensare, sed declarare tantum, votum in aliquo eventu non obligare. (a)

*Limitatur 3.* Ut possit Papa, vel alius Princeps dispensare in quibusdam conclusionibus, quæ ex naturalibus principiis deducuntur, non tamen necessariò, sed dependenter tantum ab humana voluntate, v. g. furem esse extremo supplicio afficiendum, & de his tantum est intelligendus S. Thomas 1. 2. q. 97. a. 4. ad 3.

*Limitatur 4.* Ut licet S. Pontifex non possit in jure divino dispensare, possit tamen in præceptis Apostolicis, quæ videlicet non ex naturali, aut divina lege, sed ex humana solum potestate ab Apostolis sunt constituta. Est communis Doctorum cum S. Thoma in 4. sentent. & exempla sunt in bigamo, cum quo dispensatur c. Lector. d. 34. in ordinato absque titulo c. 6. de prabend. &c. V. Gloss. ad c. sunt quidam 25. q. 1. Barb. ibid. Sanch. de Matr. l. 7. d. 86. n. 4. Sylv. v. excommunicatio 5. n. 10. Gonzal. ad c. cum secundum. de prab.

*Limitatur 5.* Ut possit Pontifex divinam naturalemque legem, cum dubia sunt, interpretari, & in particulari aliquo eventu, obligent nec ne, auctoritative declarare. Sunt enim v. g. aliqui casus, aliquæ circumstantiæ, in quibus dubitari potest, an præceptum residendi, fœnus, hoc est, lucrum supra sortem captandi, homines obliget: oportet ergo aliquem judicem esse, qui litem gliscentem finiat: aliquem interpretem, qui mentem legis evolvat: aliquam facem, quæ in obscuro præluceat: aliquem Magistrum, qui veritatem aperiat: & quis alius præter Vicarium Christi? Itadocet S. Thom. 2. 2. q. 2. a. 3. & de potest. 10. a. 4. & habetur ex c. 18. quanto de jurejur. & c. licet 13. de testibus: estque communis Catholicorum, nam hæreticos non moramur. Dabimus hic tantum verba Hugonis Ethe-riani viri suo ævo doctissimi, qui floruit anno MCLXXVII. Nulla, inquit, insimulatione, nulla reprehensione, nullaque calumniâ notandus est antiquioris Romæ Antistes, quod causâ interpretationis dictionem unam, dico autem ex filio procedere Spiritum S. sanctorumque, plurium Episcoporum, scientissimorum Cardinalium consensu habito apposuerit. Licuit enim ei, semperque, licebit frates confirmare, decreta edere, cudere interpretationes, sicuti aliquid obscure scriptum sit, & de voluntate scriptionis argumentari, judicio voluntatis illius

(a) Videantur S. Bonaventura in 4. d. 38. a. 2. q. 3. S. Th. 2. 2. q. 88. a. 10. S. Antonin. 2. p. tit. 11 c. 2. §. 9 Sylv. v. votum 4. q. 3. dicto 3. Glossa in c. non est de vot. & c. quanto 18. de jurejur. & in c. sunt quidam 25. q. 1.

illius relicto facere, hoc persuadente. Is enim est, cui oves & agni commissi: & ideo non solum scripti recitator esse debet, verum interpret illorum, qua adscripta non sunt, ut Caput ovium, & Dei Pastor. Qua in re manifestum est, antiquioris Romæ Prasulem potestatem in Petro accepisse, fidem renovandi (ut verbis Patrum utar) habendi curam & regimen omnium Sacerdotum, quin etiam omnium Christianorum. Quare palam & publicè sit ex his, nequaquam licere cuiquam, omnium sanctissimam & magnam, omniumq; Principem Romanam Ecclesiam calumniari, quasi aliam fidem conscripserit, aut composuerit, aut docuerit. Nam neq; assert, neque perdocet, neque aliud tradit symbolum, si edictum à SS. Patribus interpretetur, non perpetuens fidem labefactari, apud quos semper effulsit. Qua licet Primatum habeat, attamen humiliat scipsam, respondendo, quod Chalcedone celebrata Synodus quondam se calumniantibus respondit; Injustè inquit, arguor, dum non fidem sed memoriam renovo: non apposui, non ademi salutari symbolo, si dictionem occultam manifestavi. Renovavi enim, ut Patres antedicti, fidem, & apposui Nicæna, Constantinopolitanæ atq; Chalcedonensi Synodis, sed nullo modo illis contraria; qui dum illorum patrum vestigia persequor, solummodo, qua tunc quasita non sunt, tempore post per interpretationem & appositionem verbi, quod non perspicue ab omnibus intelligebatur, enucleavi.

Non obstat. Solius Legislatoris esse legem suam interpretari *L. fin. ff. de Legib. l. 1. & L. sacratissima C. de legibus*, non ergo Pontificis est leges divinam, & naturalem interpretari, quas non tulit.


Re. Papam Deum non esse, sed tamen in rebus fidei, morumque decidendis, non humano spiritu, sed divino regi, sicque divinæ legis eundem spiritum & conditorem esse, & interpretem: deinde cum adiri Princeps non potest; cum verus legis sensus ex alijs legibus elici potest, cum à Principe data interpretandi potestas; in his, inquam, casibus, jus interpretandi etiam inferioribus esse patet *Deuter. 17.* & sunt etiam textus in jure Cæsareo §. 8. *Institut. de l. N. G. & C. l. 12. & seq. ff. de Legib.*

*Limitatur 6.* Ut possit dispensare Papa in gradibus *Levitic. 18.* prohibitis, ut definivit Trident. *de Matrim. sess. 24. can. 3.* & Julius II. cum Henrico VIII. Angliæ Rege dispensavit, ut posset Catharinam Austriacam prædefuncti Arcturi fratris Viduam ducere. Sed nota, licet matrimonium inter Levirum & fratrem divinâ lege prohibeatur, eaque non ceremoniali aut judiciali tantum, sed etiam morali, nixâque pudore, ac honestate naturali, ut patet legenti

genti textum *Levit. 18. & 20.* eâ tamen indecentia tanti non erat, ut accedente causâ aliquâ privati, multoquæ magis publici ac maximi boni, factâ velut compensatione non aboleretur: & ideò *Levit. 18* permittitur Marito non quidem vivæ, sed defunctæ Uxoris Sororem ducere; cur ergo pari ratione non posset uxor defuncti Mariti germano nubere? est enim idem affinitatis gradus inter Maritum & Sororem uxoris, qui inter uxorem & fratrem Mariti, eadem naturæ, pudoris, ac honestatis ratio. *Deuter. 25.* permittitur Leviro, ut fratris jungatur, quando ex prædefuncto Marito prolem non suscepit, idque eâ ratione, ut *frater fratris sui semen excitet, illiq; domum & familiam adificet.* Si ergo bonum tam exiguum, tam incertum, meteque imaginarium, ac in hominum æstimatione brevi lubricaque fixum, quale est proles non ex te, sed uxore quondam tua suscepta, illius affinitatis verecundiam excusat: quanto magis verum, reale, maximum publicumque bonum, quale fuit pax & amicitia inter duos potentissimosque Angliæ & Hispaniæ Reges? In hoc casu nec divina, nec naturalis lex matrimonium vetat, imò concedit ob majoritatem rationis: cùm enim casus particulares sint infiniti, leges autem paucas esse expediat: ex casu unius legis ad casum alterius ob identitatem aut majoritatem rationis procedi posse, definitum est in *L. 12. & seqq. ff. de Legib.* Cur ergo Pontifex dispensavit, si naturalis & divina lex præsentem illâ boni privati aut publici causâ non obligabat?

RE. Non in lege divina aut naturali Papam dispensasse, sed in humana, quæ eadem Matrimonia vetat, nec permittit quovis privati, aut publici boni obrentu legem infringi: quæ enim aliàs lex tuta, fucatisque rationibus non exposita? & tunc maxime, ubi tanta opinandi licentia, tantusque ardor etiam pessima quæq; in virtutes fingendi? Dici etiam potest, Tridentinum vocem dispensationis improprie, & in sensu S. Thomæ accipere pro declaratione tantum, & interpretatione juris divini.





§. II.

*Summum Pontificem suis suorumq. Prædecessorum legibus, quoad vim directivam, obstringi.*

S U M M A R I A.

1. *Summos Pontifices suis suorumq. Antecessorum legibus, & Canonibus, quoad vim directivam ligari, probatur ipsarum Pontificum, & S. Thoma auctoritate.*
2. *Et Rationibus.*
3. *Variè Limitatur.*



I.

Ta ferè omnes cum sacri tum profani Doctores, quorum testimonijs modò abstinemus, cum ipsa SS. Pontificum modestissima professio omni testimonio major sit.

Gelasius PP. in epist. ad Episc. Dardania: c. confidimus 25. q. 1. Confidimus, quòd nullus jam veraciter Christianus ignoret, uniuersumq. Synodi constitutum, quod uniuersalis Ecclesia probauit assensus, nullam magis exequi sedem præ ceteris oportere, quàm primam: quæ & unamquamq. Synodum suâ auctoritate confirmat, & continuatâ moderatione custodit.

S. Zosimus ad Episcopos Ecclesiæ Narbonensis, teste Ivone in epistola ad Hugonem Archiep. Lugdun. in c. contra statuta 25. q. 1. Contra statuta Patrum condere aliquid, vel mutare, nec hujus quidem sedis potest auctoritas. Apud nos enim inconvulsis radicibus vivit antiquitas, cui decreta Patrum sanxere reverentiam.

Gregorius PP. l. 5. epist. 12. in c. justitia 25. q. 1. Justitia, ac rationis ordo suadet, ut qui sua à successoribus desiderat mandata servari, decessoris sui procul dubio voluntatem & statuta custodiat.

Leo Papa IV. in c. idèd 25. *Permittente Domino pastores hominum sumus effecti, ut quod Patres nostri sive in sanctis canonibus, sive mundanis affixere legibus, excedere minimè debeamus: contra eorum quippe saluberrima agmina instituta, si, quod ipsi divino statuerunt consulto, intactum non conscrvamus.*

Idem B. Gregorius I. 12. epist. 31. ad Felicem Episcop. in c. si ea 25. q. 2. *Si ea destruerem, quæ antecessores nostri statuerunt, non constructor, sed everfor esse justè comprobaret, testante veritatis voce, quæ ait: Omne regnum in se ipso divium non stabit: & omnis scientia, & lex adversum se divisa destruitur.*

Idem L. 7. epist. 17. in c. institutionis 25. q. 2. *Institutionis nostra decreta, quæ pro defensorum sunt Privilegijs, & ordinatione disposita, perpetuâ stabilitate, & sine aliqua constituimus refragatione servari: sive quæ scripto decrevimus, sive quæ in nostra præsentia videntur esse disposita: nec à quoquam Pontificum in totum, vel in partes ea quâlibet occasione convelli decernimus vel mutari. Nam nimis est asperum, & præcipuè bonis sacerdotum moribus inimicum, nisi quæcumque, rationis excusatione, & quæ bene sunt ordinata, rescindere, & exemplo suo docere ceteros, sua quandoq, post se constituta dissolvere.*

Idem L. 2. epist. 37. in c. quod verò 25. q. 2. *Quod verò dicitis, nostris temporibus debere servari, quæ à meis quoq, prædecessoribus tradita, atq, custodita sunt, absit à me, ut statuta majorum consacerdotibus meis in qualibet Ecclesia infringam: quia mihi injuriam facio, si fratrum meorum iura perturbo.*

Gelasius PP. in epist. ad Cresconium & Joannem Episcopos in c. Decefforum 25. q. 2. *Decefforum statuta, sicut legitima & justa, successorem custodire convenit, ita debet etiam malefacta corrigere.*

Pelagius Papa ad Armentarium Magistrum milit. in c. posteaquam 25. q. 2. *Posteaquam Ecclesia jura, documentorum quoque intercedentium fuerint auctoritate firmata, nullatenus ab his discedendi liberam Pontifex, vel si vult, permittatur habere licentiam.*

S. Isidorus l. 1. sententiar. de summo bono c. 53. in c. iustum d. 9. *Iustum est, Principem legibus obtemperare suis. Tunc enim jura sua ab omnibus custodienda existimet, quando & ipse illis reverentiam præbet. Principes legibus teneri suis, nec in se convenit posse damnare jura, quæ in subjectis constituunt. Justa est enim vocis eorum auctoritas, si quod populis prohibent, sibi licere non patiantur.*

Leo Papa in c. nos, si incompetenter 2. q. 7. Nos, si incompetenter aliquid & egimus, & subdiximus iusta legis iramitem non conservavimus, vestro ac missorum vestrorum cuncta volumus emendare iudicio: quoniam si nos, qui aliena debemus corrigere peccata, pejora commisitimus, certe non veritatis discipuli, sed (quod dolentes dicimus) etiam præ ceteris erroris magistri. Inde magnitudinis vestra magnopere clementiam imploramus, ut tales ad hæc, quæ diximus, perquirenda missos in his partibus dirigatis, qui Deum per omnia timeant, & cuncta (quemadmodum si vestra præsens fuisset imperialis gloria) diligenter exquirant, & non tantum hæc sola, quæ superius diximus, quarimus, ut examissum exagient, sed sive minora, sive etiam majora illis sint de nobis indicata negotia, ita eorum cuncta legitimo terminentur examine, quatenus in posterum nihil sit, quod ab eis indiscussum, vel indefinitum remaneat.

Bonifacius VIII. in c. ult. de Rescript. in 6. Quod nobis licere non patimur, nostris successoribus indicamus.

S. Thomas 1. 2. q. 96. a. 5. Ad 3. Dicendum, quod Princeps dicitur esse solutus à lege, quantum ad vim coactivam legis: nullus enim proprie cogitur à se ipso: lex autem non habet vim coactivam, nisi ex Principis potestate. Sic igitur dicitur Princeps esse solutus à lege, quia nullus in ipsum potest iudicium condemnationis ferre, si contra legem agat: unde super illud Psalmi 50. Tibi soli peccavi, &c. dicit glossa: Quod Rex non habet hominem, qui sua facta dijudicet: sed quantum ad vim directivam legis, Princeps subditur legi propriam voluntate, secundum quod dicitur extra de constitutionibus, capit. cum omnes: Quod quisq; juris in alterum statuit, ipse eodem jure uti debet. Et Sapientis dicit auctoritas: Patere legem, quam ipse tuleris. Improperatur etiam his à Domino, qui dicunt, & non faciunt, & qui alijs onera gravia imponunt, & ipsi nec digito ea volunt movere, ut dicitur Matth. 23. Unde quantum ad Dei iudicium, Princeps non est solutus à lege quantum ad vim directivam ejus: sed debet voluntarius non coactus legem implere. Est etiam Princeps supra Legem, in quantum si expediens fuerit, potest legem mutare, & in ea dispensare pro loco & tempore.

II. Ratio præter jam proximè ex S. Doctore allegatas, est, quia licet par in parem potestatem non habeat, multoque minus in se ipsum, ex quo capite S. Thomas 1. 2. q. 93. a. 5. docet, nullum posse sibi legem ponere; cum tamen lex bonum commune spectet, cujus cura maximè ad Papam pertinet: ex altera parte nihil magis hoc ipsum bonum commune legisque observantiam im-



pediat, eamque contemptui exponat, quàm si videant subditi contra illam à Papa agi, cujus exempla pro imperio sunt; videtur ex hac ipsa publici boni & legis ratione esse, ut à Papa observetur: quam rationem insinuat Isidorus in *c. iustum d. 9.* Tunc enim, inquit, jura sua ab omnibus custodiri existimet, quando & ipse illi reverentiam prabet. Et S. Ambrosius l. 5. epist. 32. ad Valentinianum Imperat. Quod cum præscripsisti alijs, præscripsisti etiam tibi, leges enim Imperator fert, quas primus ipse custodiat. Et Innocentius III. eleganter in *c. magna 7. de voto*: Præterea non videbatur expedire, cum ex absolutione tua scandalum posset Laicorum mentibus generari, dicentium, ubi est Deus Clericorum? & hoc exemplo credentium, se ad voti observantiam non teneri, quod enim agitur à prælatis, faciliè trahitur à subditis in exemplum: juxta quod Dominus inquit ad Moysen in Levitico: Si Sacerdos, qui est unctus, peccaverit, faciet delinquere populum. Plin. in pan. Vita Principis perpetua censura est, ad hanc dirigimur, nec tam nobis imperio, quàm exemplo opus est. Patercul. l. 1. Princeps imperio Magnus, exemplo maximus est. Pacatus in Theodof. Exasperat homines imperata correctio, blandissimè jubetur exemplo.

Non obstat: Istud periculum, & nativam indecentiam, publicamque offensionem abesse, si Princeps occultè, aut aliquoties tantum in legem agat.

Æ. Lege semel fixâ, positâque certæ virtuti materiâ gravi (sicut v. g. lex jejunijs ponit materiam gravem temperantiæ) omnes pro gravitate materiæ obligari, quotquot obligari possunt ac debent; posse autem & debere Papam obligari jam dixi. Quamvis verò actus occultus aut rarus non valde offendar subditos, graviter tamen offendit legem in materia gravi, pro quolibet actu graviter obligantem: alioquin sequeretur, nec subditum peccare, quia semel contra legem agendo, v. g. missam die Dominicâ non audiendo, parùm bono publico & Religioni, qui sunt hujus præcepti fines, nocet; cum possit alijs operibus pijs bonisq; operam dare. Et datâ licentiâ semel aut iterum legis negligendæ, limes certus aut numerus definiri non poterit, ut ultra non liceat: quamvis ergo una transgressio non multum noceat, plurimum nocet periculum, & quæ ex illo consequuntur.

Amplianda est Conclusio, ut Papa maximè Contractibus paucisque ligetur, quorum obligatio naturalis est *L. 1. ff. de pact. Gail. l. 2. obs. 55. n. 7.*

III. *Limitatur* 1. Ut leges, quæ Papam dedecent, eum obligare non possint, cessante primâ legis conditione, quæ est, ut sit iusta honestaque. Exemplum in *l. sancimus C. de donat.*

*Limitatur* 2. Ut Papa non teneatur suis legibus vi coactivâ. S. Thom. 1. 2. q. 96. a. 5. ad 3. qui nec ab alio cogi possit, cum non habeat superiorem, & si habet, non jam suâ, sed alienâ lege cogetur: nec à se ipso, cum nemo seipsum cogat invitum: nam si vult, non cogitur. Deinde indignum esset, adversumque Papæ majestati, parem cum subditis pœnam subire.

*Limitatur* 3. Ex aliquorum sententia absente scandalo hanc obligationem esse levem & venialem. Palao *de Legib. q. 24. §. 1. Lessl. de J. & J. l. 2. c. 35. dub. 5. Azor. 1. p. l. 5. c. 11. q. 1.* sed jam suprà contrarium docuimus.

*Limitatur* 4. Ut sicut Papa ex causâ justa & rationabili alios Privilegio, aut dispensatione eximere potest, ita & se ipsum: cur enim peioris ipse conditionis quàm alij? lex enim ex voluntate Papæ obligat: si voluerit Titium lege complecti, non Cajum, hic liber erit, ligatus ille: sicut ergo Cajum, ita se ipsum potuit lege excludere. De dispensatione docet S. Thomas in 4. d. 20. q. 1. a. 5. *questiunculâ 5. ad 3.* & latè Sanch. *de Matr. l. 8. d. 3.* quod enim jurisdictionem voluntariam possit quis in se ipsum exercere, sunt textus in *L. si consul ff. de adopt. & L. un. ff. de off. Consul. V. Abb. c. ex litteris n. 11. de probat. & c. fin. de instit. n. 5.* Et ratio est, tum quia si Papa suis se legibus obligare potest, ergo & solvere: potestas enim legislativa ad utrumque est: tum etiam quia, ut diximus, in jurisdictione voluntaria, ubi nullius damnum agitur, potest ex legum permissione duas quis distinctasque personas agere, agentis & patientis; modò ex specialibus rationibus jure quis non prohibeatur, ut se ipsum præsentare *c. per nostras, de jure patronat.* Tutor in rem propriam auctoritatem præstare *L. 1. ff. de auctor. & consens. Tut. Capitulum*

*sibi Ecclesias unire Clement. 2. de reb. Eccl. non alien. Sibi Beneficium conferre c. fin. de instit. &c.*





## §. III.

*Posse summum Pontificem ex justis causis in  
omni Lege Canonica dispensare.*

## S U M M A R I A.

1. *Quanti dispensationes Pontificias omnes etiam Galli faciant.*
2. *Potestatem in lege Canonica dispensandi ipsi Canones Papa concedunt.*
3. *Testimonia S. Thomæ, S. Bernardi, S. Antonini.*
4. *Praxis Ecclesia Antiqua.*
5. *Et Rationes.*



## I.

Crumagere videamur, si rem omnium temporum usu, omnium Patrum testimonijs, eorumque etiam exemplis, qui hoc ipsum negare audent, certam probatamque nos probare aggrediamur. An istud facem in meridie accendere non est, aut Lectorum non abuti patientiâ, dum cantilenam tam notam vulgatamque illis præcimus? Qui verò locus aut terra est tam canonum legumque observans, quæ non multis privilegijs, ac libertatibus à sede Apostolica, contra Canonum legumque severitatem muniatur? Sacerdotia Regum arbitrio permissa: multa ac opulenta Beneficia in unum collata: Ordo Ecclesiasticus toties non Principum tantum obsequijs, sed imperijs, legibus, foro subiectus: Ejusdem ordinis Ecclesiastici bona ac facultates, tributis, collectis, stipendijs exposita: Monasteria in commendas, ut vocant, data: an hæc, multaque alia Canonibus non utcumque, sed enixissimè vetita, ac gravissimis poenis sancita? Et tamen in Gallijs, nullo sacros Canones offendendi

metu

metu hæc omnia peraguntur, quòd privilegijs se tutos arbitrentur, & pro his ipsis privilegijs, & pro hac ipsa contra factos Canones vivendi libertate, velut pro aris focusque pugnatur: non ergo, ut credimus, hæc Canonicam severitatem molliendi potestas tam illis invisa est, quam tam laxo sinu admittunt, & admittam tam in amoribus habent, ut nil minùs, quàm eam vel levisimè offendi patiantur. Imò si Pallavicino Cardinali, in Historia Concilij Tridentini, fides habenda est: (& verò habuit quàm maximam Maymburgus, qui in historia Lutheranismi hujus testimonijs unicè gaudet) potissima causa Concilij in Gallias non admissi, ea fuit, quòd timerent eo semel recepto, antiquos juxta Canones, eorumque observantiam, quæ à Concilio imperabatur, recipi oportere, abolitis libertatibus, ac privilegijs, quæ adversùs Canonum antiquam disciplinam illi Regno Pontifices dederant. Res sic habuit. Henricus Magnus & promiserat, & juraverat Concilium recipere. Eo interfecto Medicæ Regina nunquam, ut illud in Regnum admitteret, pervinci potuit, varijsque artibus urgentem Pontificem ludificata est.

Primò: *Ignota sibi decreta Tridentini; tempore aliquo ijs pervidendis opus esse.* Deinde: *Tridentinum necdum à Papa confirmatum; expectandam ergo confirmationem.* Postea: *Regem Hispania recipiendo Concilio adhuc cunctari; cur ergo Galli properarent?* Deinde: *A Pio Pontifice primum Gallico Oratori locum, primasq; sedes ante Hispanum negari, qua tamen antiquissima Possessionis jure debebantur, cur ergo gratificaretur Pontifici Gallia, cum ab illo ladebatur?* Tandem: *Hæreticos Hugonottos Concilio obniti, eorq; promulgato, graviter offensum iri, Regno in periculum & discordias adducto.* Hactenus Gallorum exceptiones: celsârunt hæc omnia. Concilium Hispania recepit, Papa confirmavit, tempus deliberandi fluxit, loci prerogativa Gallis concessa, Hugonotti excisi, nec ullus ab ijs metus, & tamen Concilium exulat, quæ causa? Cardinalis Ossatus Regis Christianissimi Orator in suis Epistolis Gallicè editis, & Pallavicinus l. 24. *Hist. Trid. c. 10. & 11.* has dicunt renuendi Concilij veras causas esse.

*Quòd Concilium pluralitatem Beneficiorum, & Commendas severè prohibeat, multaq; statuat pro immunitate Ecclesiastica, quibus Libertatem Ecclesia Gallicana, ejusq; privilegia offensum iri Galli formident.* Galli ergo plùs privilegijs indulgentiâ Pontificis Romani obtentis, quàm Canonibus

nibus delectati, eâdem constantiâ, quâ Concilium petierant petitum postea repulere; adeo sibi à Patrum disciplina timebant, quam nunc Pontifici objectant, ejusque dispensationibus impenetrabilem, inaccessam volunt, ut mirari planè subeat, quæ causa sit canones tam subito dulces, melleosque Gallis evasisse, à quibus non multis retrò annis tantum abhorrebant. Enimverò Pontifices hâc adversum canones dispensandi potestate haud ægrè cessuros credimus, si tam facilè Galli privilegijs cedant, quæ à summis Pontificibus contra canones acceperunt. Quamquam nec contra canones factum est, quod isti semper concesserunt, ut jam videbimus.

II. Leo Papa *epist. 85. c. 1. ad Episc. Africa in c. exigunt. 1. q. 7. Exigunt causa, ut non solum in tales Praefules, sed etiam in ordinatorum eorum ultio competens proferatur. Sed circumstanti nos hinc mansuetudo clementia, hinc censura justitia, ut credamus delicta quadam utcumq; toleranda; quadam verò penitus amputanda. Illos ergo, quorum provelio hoc tantum reprehensionis incurrit, quod ex laicis ad officium Episcopale delecti sunt, locum suum tenere permittimus; non praeducantes Apostolica sedis statutis, nec beatorum Patrum regulas solventes: quia remissio peccati non dat licentiam delinquendi; nec quod potuit aliqua ratione concedi, fas erit amplius impune committi: ne quod ad tempus piâ lenitate concessimus, justâ posthac ultione plectamur.*

Innocentius III. ad Archidiaconum Bituricentem in Gallia *in c. litteras 13. de Restitut. spoliat. In gradibus consanguinitatis divinâ lege prohibitis restitutioni aditus pracludatur; sed constitutione interdictis humanâ restitutio locum habeat cum effectu, cum in illis dispensari non possit, & in istis possit dispensari, sicut B. Gregorius & multi alij dispensarunt.*

Idem Innocentius III. *epist. ad Praepositum, & Capitulum Cameracense in c. proposuit 4. de conc. prob. Licet autem intentionis nostræ non sit, investituras de vacaturis factas contra canonum instituta ratas habere, qui secundum plenitudinem potestatis de jure possumus supra jus dispensare, &c.*

Idem in *epistola ad Archiepisc. Cantuariensem in c. immoritur 20. de elect. Quamvis autem Canon Lateranensis Concilij ab Alexandro Praedecessore nostro editus non legitime genitus adeo persequatur, quod electionem talium innuit esse nullam: nobis tamen per eam adempta non fuit dispensandi facultas, cum ea non fuerit prohibentis intentio, qui successoribus suis nullum potuit in hac parte praedictum generare, pari post eum, immo eâdem sanctionis potestate.*

Idem Decano & Capitulo Andegavensi in Gallia *in c. inter 2.*  
de

de transl. Episc. Nos iniuentes, qui licet sibi munus consecrationis impensum, nec prioris Ecclesia ipsum Pontificem fecerit, nec secunda: cum ad primam non fuerit consecratus, & ad secundam (priori vinculo perdurante) non potuerit canonice consecrari, adhuc conjugaliter alteri alligatus, et iam à vinculo prioris Ecclesia, quàm à pena suspensionis penitus absoluto, de benignitate sedis Apostolica duximus concedendum, ut priori consensu hactenus perdurante Andegaven. Ecclesiam studeat gubernare. Honorius III. ad Episcopum Ventensem in c. ex parte 3. de Capell. Monach. Cum autem id obviet Lateranensi Concilio, de quo nulla mentio est in litteris antedicti: fraternitati tuae breviter respondemus, quod huiusmodi litteras ab Apostolica sede non credimus emanasse. Quodsi per occupationem forsitan emanaverint, nolumus per hoc derogari Concilio supradicto. Potest ergo summus Pontifex Concilio generali derogare, si in clausula derogativa huius faciat expressam mentionem. Quod etiam in loco mox citando habetur.

Item Innocentius III. in Concilio Lateranensi in c. nonnulli 28. de Rescript. Cum autem per iudicium injurijs aditus patere non debeat, (quas observantia interdicti) statuimus, ne quis ultra duas dietas extra suam diocesim per litteras Apostolicas ad iudicium trahi possit. Nisi de assensu partium fuerint impetrata, vel expressam de hac constitutione fecerint mentionem.

Gratianus post c. ideò 25. q. 1. §. his ita: Sacrosancta Romana Ecclesia ius & auctoritatem sacri canonibus impertitur, sed non eis alligatur. Habet enim condendi canones potestatem, utpote qua caput est, & cardo omnium Ecclesiarum, à cuius regula nemini dissentire licet. Ita ergo canonibus auctoritatem prestat, ut seipsam non subiciat eis.

Hadrianus II. Papa in epistola ad Basilium Imperatorem, quæ in 8. Synodo Act. 1. recitata est, & à Patribus probata. Verùm quia pietas tua cum Ecclesiastica misericordia nos circa illos ad id, quod humanius est, exhortatur: nolumus ignorare, quoniam ultra quàm dici possit, hinc fa-teor, maxore comprimimur, immensoq; dolore constringimur, eos nimirum non solum beata memoria decessorū mei Papa Nicolai, quibus & ipse subscripsi, justis sanctionibus creberrimè percellentibus, verùm etiam sanctorum Patrum regulis severissimè, seu quodammodo peremptoriè punientibus. Verumtamen propter pacem facilius obtinendam, propter quā tantam multitudinem, si tamen respuerint, misericorditer liberandam (ut cum sancto Gelasio Papa dicamus) necessariā rerum dispensatione constringimur, & Apostolica sedis moderamine convenimur, sic Canonum Paternorum decreta librare, & retrò

praesulum decessorumq; nostrorum praecepta metiri, ut qua praesentium necessitas temporum restaurandis Ecclesijs relaxanda deposcit, adhibita consideratione diligenti, quantum potest fieri, temperemus: quod & nos aqua possumus pro lucrando fratribus ratione prosequi, & temporum necessitati consulendo penitus imitari: Photij duntaxat ordinationem ab huius moderamine pietatis interrim prorsus excipientes, eamq; passim, & praeter examen nullatenus admittebant.

III. S. Thomas 1. 2. q. 96. a. 4. Dispensatio proprie importat commensurationem alicujus communis ad singula; unde etiam gubernator familia dicitur dispensator, in quantum unicuiq; de familia cum pondere & mensura distribuit, & operationes & necessaria vita. Sic igitur & in quacunq; multitudine ex eo dicitur aliquis dispensare, quia ordinat, qualiter aliquod commune praeceptum sit à singulis adimplendum. Contingit autem quandoq;, quod aliquod praeceptum, quod est ad commodum multitudinis ut in pluribus, non est conveniens huic persona, vel in hoc casu: quia vel per hoc impediretur aliquid melius, vel etiam induceretur aliquod malum, sicut ex supra dictis patet. Periculosum autem esset, ut hoc judicio cujuslibet committeretur: nisi forte propter evidens & subitum periculum: ut supra dictum est: & idem ille qui habet regere multitudinem, habet potestatem dispensandi in lege humana, qua sua auctoritati innuitur, ut scilicet in personis vel in casibus, in quibus lex deficit, licentiam tribuat, ut praeceptum legi non servetur. Si autem abiq; hac ratione pro sola voluntate licentiam tribuat, non erit fidelis in dispensatione, aut erit imprudens: infidelis quidem, si non habet intentionem ad bonum commune: imprudens autem, si rationem dispensandi ignoret: propter quod dicit Dominus Luca 12. Quis putas fidelis dispensator & prudens, quem constituit Dominus super familiam suam?

Idem in quodlibeto 4. q. 8. a. 3. Non est dubitandum, quod Papa habeat plenitudinem potestatis in Ecclesia, ita ut quacunq; sunt instituta per Ecclesiam vel Ecclesia Praelatos, sint dispensabilia ab ipso. Eadem habet S. Doctor in Tractatu contra impugnantes Religionem.

S. Bernardus l. 3. de considerat. c. 4. Subtrahuntur Abbates Episcopis, Episcopi Archiepiscopis, Archiepiscopi Patriarchis, sive Primatibus. Bonae species haec? mirum est, si excusari queat vel opus. Sic facitudo vos probatio habere plenitudinem potestatis, non iidem plenitudinem justitiae. Facit hoc, quia potestis, sed utrum & debeatis, quaestio est & quomodo? non indecens tibi voluntate pro lege uti? & quia non habes, ad quem appelleris, potestatem exercere, negligere rationem? &c.

Idem



Idem S. Bernardus epist. 131. ita Mediolanenses alloquitur: Nunc verò audi me inclita plebs, gens nobilis, civitas gloriosa. Audi, inquam, me (veritatem dico, non mentior) dilectorem tui, Zelatorem salutis tuae. Romana Ecclesia valde clemens est, sed nihilominus potens. Fidele Consilium, & omni acceptione dignum. Noli abuti clementiâ, ne potentiâ opprimaris. Sed dicit aliquis: debitam ei reverentiam exhibebo, & nihil amplius. Esto. Fac quod dicis: quia si exhibeas debitam & omnimodam. Plenitudo siquidem potestatis super universas orbis Ecclesias, singulari prerogativâ Apostolica sedi donata est. Qui igitur huic potestati resistit, Dei ordinationi resistit. Potest, si utile judicaverit, novos ordinare Episcopatus, ubi hactenus non fuerunt. Potest eos, qui sunt, alios deprimere, alios sublimare, prout ratio sibi dictaverit, ita ut de Episcopis creare Archiepiscopos liceat: & e converso, si necesse visum fuerit. Potest à sinibus terra sublimes quascumq; personas Ecclesiasticas evocare, & cogere ad suam praesentiam non semel aut bis, sed quoties expedire videbit.

Idem L. 2. de consider. c. 8. Jacobus, qui videbatur columna Ecclesiae, unâ contentus est Hierosolymâ, Petro universitatem cedens. Pulchrè verò ibi positus est, suscitare semen defuncti fratris, ubi occisus est ille. Nam dictus est frater Domini. Porro cedente Domini fratre, quis se aliter ingerat Petri prerogativa? Ergo juxta canones tuos alij in partem sollicitudinis, tu in plenitudinem potestatis vocatus es. Aliorum potestas certis arctatur limitibus, tua extenditur & in ipsos, qui potestatem super alios acceperunt. Nonne si causa extiterit, tu Episcopo solum claudere, tu ipsum ab Episcopatu deponere, etiam & tradere Sathana potes? Stat ergo inconcussum privilegium tuum, tibi tam in datis clavibus, quàm in ovibus commendatis.

S. Antoninus in Summa Tit. 23. c. 2. §. 6. Quòd Concilia generalia non possint praefigere legem Papa, notat Abbas de Sicilia super c. significasti. de elect. Quòd Concilia generalia non possunt statuendo praefigere legem Papa, immo in omnibus statutis Concilij intelligitur tacitè excepta auctoritas Papa, & textus hujus decretalis significasti, frequenter allegatur, praesertim in materia, ubi disputatur de potestate Concilij & Papa. Et vide de hoc bonum textum g. 9. ubi dicitur: Nemo judicabit, vel judicare potest primam sedem, sc. Papam: nec Augustus, nec Populus, nec Clerus. Et c. aliorum & multa alia cap. ibi posita, ad idem faciunt. Et per istum textum arguit Johann. Quòd sententia Papa est standum, quando praedecedit sententia totius Concilij: & remittit ad notata in c. in istis. dist. 4. & c. sicut dist. 14. Inferi etiam Joann. Quòd per istum textum solum Papa potest interpretari statuta Con-

cilij: nec mirum, cum secundum eum possit & tollere & limitare: ut c. statutum. de rescript. lib. 6. Vide bonam gloss. in c. ubi periculum. de elect. lib. 6. qua dicit, quod licet non sit licitum, quod Papa revocet statuta Concilij sine ipsius Concilij consilio: potest tamen si vult. Pro quo facit textus hic & ibi: sed textus iste, & omnia prædicta debent limitari, & restringi ad ea, qua de pendent à plena dispositione Papa: nam in his, qua sunt Juris positivi, indubitanter est Papa supra Concilium: quia ipse est caput Ecclesia. Unde licet potestas sit data Papa & toti Ecclesia: Papa tamen tributa est tanquam capiti: unde debet corpus moveri à dispositione capitis.

IV. Huic sacrorum Canonum Patrumque doctrinæ continuæ Ecclesiæ praxis, & exempla adstipulantur: recentibus quidem pleni sunt libri, hominumque memoria: ex antiquis aliqua proferemus.

Anno CDXXXIV. Cælestinus Papa contra canones Nicæni Concilij 15. & 16. (qui habentur *causâ 7. q. 1.*) petente Theodosio Imperatore Proclum Episcopum Cyzicenum transfert ad sedem Constantinopolitanam. Socr. l. 7. c. 39. Baronius *ad hunc annum num. 11.*

Anno CDLXXIX. Simplicius Papa permittit contra canones Nicæni Concilij Stephanum Episcopum Antiochenum, non Antiochiæ, sed Constantinopoli eligi, idque turbas, cædesque, quæ ab Eutychianis imminebant, virandi causâ; acceptâ prius tamen à Zenone Imperatore cautione, hanc concessionem privilegij Ecclesiæ Antiochenæ innoxiam fore, nec in jus & exemplum ab Archiepiscopis Constantinopolitanis, (nam conabantur) deductum iri. V. epist. Simplicij Pontif. 13. *ad Zenonem Augustum & Acacium Patriarcham, qua est 15.* easque recitat Baronius.

Anno DCCCLXXI. Ignatius Patriarcha missis Romam legatis ab Hadriano II. dispensari petit, laxarique octavæ Synodi Decreta, quibus à sacris dignitatibus prohibebantur, quos Photius promovisset, qui que ausi essent sententiæ in Nicolaum Pontificem dictæ subscribere. Verba supplicantium sunt.

Deinde quoque, super Theodoro, qui à nobis quidem consecratus est Metropolita Caria: multum enim laboravit, & afflictus est ab initio injuste & iniuste dejectionis nostræ: in novissimis verò cum misero Photio conveniens propter ejus immensa tormenta, qua sibi resistentibus inferebat, consensit & usque ad ultimum ipsius diem, repænitens nihilominus rursus corde contrito & spiritu

ritu humilitatis veniam expetivit : prohibuerunt eum Sacerdotio fungi quo-  
quo modo sanctissimi Vicarij almitatis vestra, ed quod subscripserit, ut sciebantur,  
in eam, qua facta est ab infelicissimo Photio quasi depositio beatissimi  
& optimi Patris nostri Nicolai decessoris sanctitatis tua. Hac sunt de quibus  
rogamus sanctitatem vestram, ut si possibile sit, utatur verbo dispensationis  
& misericordia in his, cum alia omnia optimum & commodum finem  
ac dispositionem susceperint. Habetur integra epistola post acta 8.  
Synodi. Negavit Hadrianus tam graves sibi causas videri, ob  
quas à Patribus octavæ Synodi statuta rescindi oporteret. Repetita  
igitur anno DCCCLXXXVI. à Stiliano Metropolitano Neocæsareæ  
ad Stephanum Papam preces, quarum hæc summa fuit: Quoniam  
verò scimus, quod à vestra Apostolica sede corrigi, & juxta Canones corrigi de-  
bemus: hac de causa humilibus his nostris litteris tuam oramus venerabili-  
tatem, ut misericorditer nobiscum agas, cum populo videlicet, qui non sine ra-  
tionabili causa Photij ordinationem recepit, ut ne qui Apostolica sedis Legatos  
Rodoaldum & Zachariam, qui initio Photium confirmarunt in Constantinopo-  
litana sede, deinde Eugenium & Paulum, qui secundâ vice cum Photio  
communicarunt, exceperit, unâ cum Photio interitu damnetur, ne alius infinitus  
numerus ab Ecclesia pellatur: hoc enim facere consuevit Ecclesia. Oecume-  
nica enim Synodus Quarta Dioscorum iniquitatis Principem, & auctorem,  
Flavianum interfectorem, beati videlicet Patriarchæ Constantinopolitani, damna-  
vit, & homicidam & hæreticum, ut qui ausus est sanctissimo Papa Leoni ex-  
communicationem irrogare: eos verò qui à Dioscoro fuerant ordinati, vel  
lapsi fuerant, cum tamen pietatis sectatores fuissent, per poenitentiam illos  
suscepit. Nicæna etiam septima Synodus auctore hæresis Ionomachorum  
damnavit, illorum verò sequaces per poenitentiam admisit. Quapropter decet  
etiam tuam singularem virtutem, Photium quidem tanquam ab initio schi-  
smaticum, & à schismaticis illegitimè ordinatum, & propter alia multa, qua  
operatus est mala, expellere: eos verò qui ab ipso decepti sunt, misericorditer  
cum illis dispensari rogamus, ut Ecclesia Constantinopolitana pax & tranquil-  
litas ita restituatur, & non alij quidem Apollo, alij Cephas sint, & alij Pauli,  
& sic unum Corpus Ecclesia dividatur, sed omnes unamini, tanquam unum  
caput habentes, Christum Deum & Salvatorem omnium nostrum, omnes com-  
muniter illi laudes offeramus, & ejus præcepta similiter prædicemus. Neque  
propter unum hominem peccatorem tantus numerus pereat. Sed morante  
adhuc Stephano, & postea morte sublato, tandem à Formoso Pon-  
tifici Orientali Ecclesiæ, quæ preces in communem causam so-

ciaverat, facta est gratia; verba Pontificis ad Stilianum hæc sunt: Oportebat istam Ecclesiam, in qua talia deprehenduntur facta, gravissimas dare penas, ut huiusmodi penis vestra Ecclesia purgaretur. Continet autem nos benignitas, & fratrum dilectio, qua nobis persuadet, ut alia quidem toleremus, alia verò omnino è medio tollamus. Quapropter misimus è latere nostro Religiosissimos Episcopos Landenulphum Capuanum & Romanum, quibus sanctitatem etiam tuam hortamur convenire, nec non Theophylactum Metropolitanum Ancyra, & Petrum fidelem nostrum: ut ita ante omnia in Photium pravaricatorem, & legum eversores sententia à Prædecessoribus Oecumenicis Pontificibus ante omnia synodice prolata, nec non à nostra humilitate confirmata perpetuo tempore immutabilis permaneat. Cum ijs verò, qui à Photio fuerunt ordinati, misericorditer nos gerentes, decernimus, ut oblati libellis se deliquisse fateantur, & penitentiam veniam deprecantur, pollicentes se nunquam tale quid commissuros. Deinde his peractis, quæ sequuntur omnia, quæ nostris litteris mandata conspiciuntur, unà cum prædictis viris sanctitas tua peragat, nec aliquid addendo, nec deminuendo aut commutando. Ita enim & à nobis, & à reverentia tua in communionem fidelium receptis ut laicis, scandalum delebitur.


S. Martinus Papa contra canonem Apostolicum in casu necessitatis bigamum ad minores, imò etiam Subdiaconatum admittit in c. *Leitor. d. 34.* Nec obstat c. *nuper de bigamis*, quo non absolute potestas in bigamia dispensandi negatur, sed tantum eam facile non concedi innuitur.

S. Gregorius M. circa annum DCI. contra antiquos canones ac etiam Concilij Lugdunensis, qui usque ad septimum Con sanguinitatis gradum matrimonia vetabant, cum Anglis dispensat, ut habetur in c. *quadam Lex 35. q. 3.*

V. Pater ergo ex hæcenus citatis canonibus, usuque Ecclesie perpetuo, semper hanc dispensandi facultatem penès Romanum Pontificem fuisse, eamque qui neget, aut nimiam rerum ignorantiam laborare, aut nimiam præfidentiam, perinde ac si credere tu possis, aut alteri persuasum velis, lucem in meridie, in mari aquam non esse: Imò si canones, si experientia cessent, an non hoc ipsum ratio ipsa convincit? leges enim locis, hominibus, temporibus aptantur, quæ sicut variant, ita legem variari aut flecti oportet: ridiculus sit nanta, qui aliter ventis spirantibus, non ipse vicissim aliter velum inflectat; quando ad portum venturus, si  
auris,

auris, undæque non pareat? Lex quæ multis profuit, non paucis nocuerit: quæ centum retrò annis severitate animos continuit, eadem severitate incitabit, legumque contemptum inducet, nisi molliantur: alij sunt præpotentes, qui leges non ferunt; laxandæ ergo sunt, minori que malo, majus avertendum: alij sunt, quorum imbecillitas legibus opprimitur potius quàm juvatur; ergo mitigandæ sunt leges, nec onus addendum jam cadentibus: alij quos legum observantia, matrimonij, pace, religione, fæderibus arcet, quæ sit crudelitas & illos tam multis malis, & Rempublicam aliquâ indulgentiâ non eximere? Omnium pedibus eundem calceum, omnium moribus idem pharmacum aptabis, idemque ut dici solet, omnium oculis collyrium? ergo tam Reipublicæ aliqua necessaria est dispensatio, quàm animo aliqua quies, corpori aliqua à laboribus feriatio. Cui ergo dispensatio committetur? Omnibus? nullæ leges erunt, aut nulla legum observatio. Nulli? hoc humanæ conditioni, totque necessitatibus plùs quàm durum, nihil sperare possit. Concilio? Serum rarumque remedium, morbo in dies medicinam postulante, & plerumque nec moras patiente. Alicui? & cui parcius quàm uni? tutius quàm communi pastori? melius potiusque quàm Vicario Christi? Aut ergo nulla dispensatio admittenda est; quod plùs quàm inhumanum: aut aliqua concedenda, & nulli magis honestiusque quàm Romano Pontifici; nam si hunc excludas, multo magis alios excludes, minori potestate, minori gratiâ, Dei que spiritu minùs instructos.





## §. IV.

*Non posse tamen summum Pontificem aut in omni lege Canonica, aut sine causa dispensare, & quanam sint legitima causa?*

## S U M M A R I A.

1. *Non potest Papa in omni lege Canonica dispensare.*
2. *Nec sine causa.*
3. *Dispensatio in lege divina & naturali sine causa est irrita, & sola dissimulatio Principis non inducit dispensationem.*
4. *Quae sint causa dispensandi, quas pro legitimis sacri Canones admittunt?*

## I.



Leganter Papinianus monuit in lib. 15. ff. de conditionibus institut. *Quae facta laedunt pietatem, existimationem, verecundiam nostram, & contra bonos mores sunt, nec facere nos posse credendum esse.* Quod etiam habetur l. 29. ff. de jure dotium. Non ergo ij nos sumus, qui minorem honesti curam, sensumque quam Ethnicus ille habeamus; & Pontificis Max. auctoritatem, quae muniendae rationi, proferendaeque virtuti à Deo constituta est, contra rationem, contraque virtutem amare velimus: potest Papa quod licet, quod decet; quae nec decent, nec licent, non potest; & sicut nullâ potestate, nulloque privilegio fieri potest, ut Papa non sit animal rationale, ita nullâ ratione fieri potest, ut non debeat ratione uti, & contra rationem facta damnare.

Non ergo potest in ijs Papa dispensare, quae velut fundamenta nervique sunt Ecclesiasticae disciplinae: & quibus indulgentiâ

*Non posse tamen summum Pontificem aut in omni lege &c.* 761  
ciâ sublatis, necesse est Ecclesiam velut decolorari, ut sancti Pa-  
tres loquuntur.

S. Leo Papa epistolâ ad Rusticum Narbon. Episc. in c. 2. d.  
14. Sicut quedam sunt, inquit, quæ nullâ possunt ratione convelli; ita multa sunt,  
quæ aut pro necessitate temporum, aut pro consideratione atatum oporteat tempe-  
rari: illa consideratio semper servata, ut in ijs, quæ vel dubia fuerunt, aut ob-  
scura, id noverimus sequendum, quod nec præceptis Evangelicis contrarium,  
nec decretis sanctorum Patrum inveniat adversum.

Gelasius Papa epist. ad Episc. per Lucaniam constitutos in c.  
& si illa i. q. 7. Et si illa nonnunquam sinenda sunt, quæ, si ceterorum constet  
integritas, nocere sola non valeant: illa tamen sunt magnopere præsavenda,  
quæ recipi, nisi manifestâ decoloratione non possunt. Ac, si ea ipsa, quæ nullo  
detrimento aliquoties indulgenda creduntur, vel rerum temporumq; cogit in-  
tuitus, vel accelerata provisionis respectus excusat; quanto magis illa nullatenus  
mutilanda sunt, quæ nec ulla necessitas, nec Ecclesiastica prorsus extorquet uti-  
lias?

II. Sic etiam non potest Papa absque legitima honestaque  
causa in lege Canonica dispensare, esset enim huiusmodi dispen-  
satio imprudens, noxia, disciplinæ adversa, repugnansque, & ob-  
ligationi, quâ tenentur Pontifices proprias ac antecessorum leges  
observare, & officio Papæ, cuius est canones custodire, non vio-  
landos exponere, & etiam juramento, quo se, cum Pontificatam  
ingreditur, obstringit. Audiamus ipsorum Pontificum, Patrum-  
que testimonia.

Clerus Romanus in epist. ad S. Cyrtianum Episcopum in c.  
absit d. 50. Absit à Romana Ecclesia vigorem suum tam profanâ facilitate dimit-  
tere, & nervos severitatis eversâ fidei Majestate dissolvere, ut cum adhuc non  
tantum jaceant, sed & cadant everforum fratrum ruina, properata nimis re-  
media communicationum utique non profutura præsentur, & nova per mis-  
ericordiam falsam vulnera veteribus transgressionis vulneribus imprimantur, ut  
miseris ad eversionem majorem eripiat & poenitentia. Ubi enim poterit in-  
dulgentia medicina proficere, si etiam ipse medicus interceptâ poenitentia indul-  
get periculis? si tantummodo operis vulnus, nec finit necessaria temporis reme-  
dia conducere cicatricem? Hoc non est curare; sed, si dicere verum volumus,  
occidere.

S. Damasus Papa epist. ad Aurel. Carthagin. Episc. quæ habetur  
præfixa Tomo 1, Concilior. Violatores voluntarij Canonum graviter à sanctis



Patribus judicantur, & à Spiritu sancto (cujus instinctu ac dono dictati sunt) damnantur: quemadmodum blasphemare spiritum S. non incongruè videmur, qui contra eosdem sanctos Canones non necessitate compulsi, sed libenter (ut præfixum est) aliquid aut protèrvè agunt, aut loqui præsumunt, aut facere volentibus sponte consentiunt. Talu enim præsumptio manifestè unum genus est blasphemantium Spiritum sanctum, quemadmodum (ut jam prælibatum est) contra eum agit, cujus impulsu & gratiâ idem sancti editi sunt Canones. Diabolica verò nequitia plerorq; subtiliter fallere solet, & ita quorundam imprudentiam per similitudinem pietatis sapissimè illudit, ut pro salutaribus noctura persuaideas. Idcirco norma sanctorum Canonum, qui sunt spiritu Dei conditi, & totius mundi reverentiâ consecrati, fideliter à nobis est scienda, & diligenter tractanda; ne quovis modo sanctorum Patrum statuta absque inevitabili necessitate, quod absit, transgrediamur; sed fidelissimè per ea gradientes, cum eis, qui eos instinctu divino condiderunt, mercedu gloriam & laudis cumulem, eorum meritu, auxiliante Domino, habere mereamur.

Hadrianus II. Papa epist. ad Basilium Macedonem Imperat. Neque enim nobis moris est, ut pro libitu proprio paternis sanctionibus abutamur, quemadmodum quibusdam, qui apud vos summa rerum Ecclesiasticarum gubernacula moderantes, tunc Synodorum statuta, vel etiam Apostolica sedù decreta proferunt, cum vel alios ledere, vel se juvare concupiscunt. Et hac tunc sub silentio tegunt, quando sortasse contra se, vel pro alijs proponerentur, si nostra, more priorum, æquitas in vestra Urbis Præsules majorum regulis obviantes commoveri severius voluisset. Quamvis multà instantiâ & certamen viri prudentissimi & religiosissimi Egumeni, ac vasorum sacrorum custodis Theognosti, qui de pietatis vestra virtutibus, & probabiliu morum insignibus, & trophaorum triumphis, atq; beneficiorum vestrorum piè sibi præstitorum multitudine nos plurimùm relatione suâ latificavit, & qualiter diebus vestris, superno brachio atque studio & solertiâ vestra Christianitas prosperetur, enarrans multimodas laudes sanctæ Trinitati reddendus, & gratias alacriores exhibuit, ad postulata divinitus muniendo Imperio vestro concedenda nos supra modum efflagitaverit, & ultrà quàm diu possit, solito & prisco more, ac pro Ecclesiæ utilitatibus frequenter impenso, crebri suggestionibus insistarint: super quibus tamen propter jam designatam causam nec annuere possumus, nec quidquam præter quod jam Evangelizatum est, ullo modo definire.

Concilium Tridentin. Sess. 25. de Reform. c. 18. Sicut publicè expedit, legis vincula quandoq; relaxare, ut plenius evenientibus casibus, & necessitatibus pro communi utilitate satisfiat: sic frequentius legem solvere, exem-

plōq; potius, quàm certo personarum, rerumq; doleſtu, petentib; indulgere, nihil aliud eſt, quàm unicuique ad leges transgrediendas aditum aperire. Quapropter ſciant univerſi, ſacraſſimos Canones exactè ab omnib; & quoad eju fieri poterit, indifſinctè obſervandos. Quid ſi urgens, juſtaq; ratio, & major quādoq; utilitas poſtulaverint, cum aliquib; diſpenſandum eſſe; id cauſā cognitā, ac ſummā maturitate, atq; gratis, quib;cumque, ad quos diſpenſatio pertinebit, erit praſtandum; aliſq; ſacra diſpenſatio ſurreptitia cenſeatur.

Baronius ad annum DCCCLXIX. recitat juramentum, quo ſummi Pontifices, antequam inaugurarentur, ſe obſtringebant, ubi inter alia: Diligentius autem & vivaciùs, quamdiu vixero, omnia decreta Canonica prædeceſſorum Apoſtolicorum noſtrorum Pontificum, quæcunque ipſi ſynodaliter ſtatuere, & probata ſunt, confirmare, & indiminuta ſervare, & ſicut ab eis ſtuta ſunt, in ſui vigoris ſtabilitate cuſtodire: quæq; vel quocunque condemnaverunt vel abdicaverunt, ſimili ſententiā condemnare, vel abdicare. Diſciplinam & ritum Eccleſia, ſicut invenimus à Sanctis prædeceſſoribus meis canonicè traditum, quamdiu viſa in iſtis comes fuerit, illibata cuſtodire, & indiminutas res Eccleſia conſervare, neq; alienare, ſeu in feudum, cenſum, vel emphyteuſim dare quomodolibet ex quacunque cauſa; & ut indiminutè cuſtodiantur, operam dare. Nihil de traditione, quam à probatiſſimis prædeceſſoribus meis canonicè traditam & ſervatam reperi, diminuerè vel mutare, aut aliquam novitatem admittere; ſed ſerventer, ut eorum verè diſcipulus, & ſequipeda totus mentis mea conatibus, qua tradita canonicè comperio, & ſervare & venerari.

S. Bernardus l. 3. de Conſiderat. c. 4. Spiritualis homo ille, qui omnia dijudicat, ut ipſe à nemine dijudicetur: omne opus ſuum irinā quadam conſideratione praveniet. Primum quidem an liceat, deinde an deceat, poſtremò an expediat. Nam eſi conſtet in Chriſtiana utiq; Philoſophia non decere, niſi quod licet, non expedire niſi quod decet & licet: non continuò tamen omne quod licet, decere aut expedire conſequens erit. Age aptemus, ſi poſſumus, tria ipſa operi huic. At quomodo non indecens tibi voluntate pro lege uti, & quia non eſt, ad quem appelleris, poteſtatem exercere, negligere rationem? Tunc major Domino tuo, qui ait: Non veni facere voluñtatem meam? Quanquam non minùs deſecti quàm elati animi eſt, veluti rationis expertem non pro ratione, ſed pro libitu agere, nec iudicio agi, ſed appetitu. Quid tam beſtiale? & ſi indignum cuius utenti ratione, vivere ut pecus? Quis in te rectore omnium ſanctam conſummam naturā, honoris injuriā ſerat? Si degenerando

(quod absit) generale opprobrium fecisti proprium tibi: Homo cum in honore esset, non intellexit, comparatus est jumentis insipientibus, & similis factus est illi.

S. Thomas 1. 2. q. 79. a. 4. Si autem rector universitatis absq; ratione pro sola voluntate licentiam tribuat, non erit fidelis in dispensatione, aut erit imprudens: infidelis quidem, si non habet intentionem ad bonum commune: imprudens, si rationem dispensandi ignoret, propter quod dicit Dominus Luca 12. Quis putas est fidelis servus & prudens, quem constituit Dominus super familiam suam?

III. Imò si agamus de jure divino aut naturali, v. g. in votis & juramentis, dispensatio absque causa legitima non tantum illicita est, sed omnino invalida, (a) nec in foro externo, cum in jure divino aut naturali, praesertim ad petitionem partis dispensatur, praesumitur justa causa, nisi probetur, cum saepissimè aut importunitate aut mendacijs Principes victi concedant, quæ non oportet c. ult. de Rescript. in 6. & c. 6. extra eod. & l. i. c. de petition. bonorum sublat. V. Sanchez cit. n. 14. multo minùs solâ impunitate ac dissimulatione Principis inducitur dispensatio per textum & DD. in c. cum jam dudum de prabend. & c. 3. de cognat. spiritali, & docet Sanchez L. 2. de matrim. d. 38. n. 12. ubi respondet ad celebre c. quia circa de consang. & affinit. & l. 8. d. 5. n. 25. Abb. in c. veniens de fil. Presby. num. 7. Menoch. de presumpt. l. 2. 20. n. 32. Et ratio est, quia dissimulatio ad permissionem potius pertinet, quæ non excusat, quàm ad dispensationem: hæc enim cum sit gratia & beneficium, ac legitimâ causâ nitatur, non est ut eam superiores dissimulent tegantque.

IV. Ceterùm variæ sunt causæ dispensandi, & quas pro legitimis Canones admittunt. Prima ac præcipuæ, & ad quas omnes ferè reducuntur, sunt necessitas & utilitas c. etsi illa 1. q. 7. c. 2. de transl. Episcoporum. S. Bernard. l. 3. de considerat. c. 4. circa finem. Secunda: Mutatio temporum & personarum c. 1. & 3. d. 29. c. non debet de consanguinit. Tertia: Virtus eminens & habilitas supplicantis c. 13. & 14. d. 56. c. tali 1. q. 7. Quarta: Periculum dissensionum & publici damni c. 25. d. 50. c. dispensationes 1. q. 7. Quinta: Scandalum pusillorum, eosque lucrandi spes. c. quædam 35. q. 3. Sexta: Simplicitas delinquentis c. tanta 1. q. 7. Septima: Multitudo delinquentium c. quoties 1. q. 7. Octava: Temporum hominumque malignitas duriora aspernantitum c. quoniam 1. q. 7. & c.

(a) S. Th. 2. 2. q. 88. a. 12. ad 2. & Glossa ab omnibus recepta in c. non est. de vot. Sanchez lib. 8. de matrim. d. 17. n. 3.

## §. V. &amp; Ultimus.

*Propositiones Conventûs Parisiensis à Clero  
Gallicano revocate, & certamen cum Gal-  
lis finitum.*

## S U M M A R I A.

1. *Mors Innocentij XI. & Alexandri VIII. electio, curaq; cum Gallo transgendi. Promotio ad purpuram Belluacensis Episcopi à multis & impugnata & defensa, & quas ob causas?*
2. *Mors Alexandri, & ejus jam expirantis in Gallos Diplomata.*
3. *Innocentij XII. Pontificis Maximi pro pace conatus, & quo fine, quibusq; conditionibus cum Episcopis & Rege compositum.*
4. *Innocentij XII. ad Sacrum Collegium Oratio. Episcoporum; Regisq; ad Pontificem littera, quibus & Propositiones Parisienses revocantur, & Regij Edicti cessatio promittitur.*
5. *Quid boni ex Gallorum Retractione Veritatis accesserit?*

## I.



Actenus quidem & originem belli, quo Romani Pontificis auctoritas à Gallis oppugnata, & rationes, quibus defensa est, exposuimus, superest, ut victoriam quoque prosequamur; sic enim magis magisque patebit, hoc semper privilegium veritatis fuisse, ut vinci non possit, nec aliud certando effectum, quàm ut nunquam materia triumphi deesset,

Mortuo Innocentio XI. Cælum prodigijs parentavit, quibus contra multorum criminationes ejus & innocentiam, & constantiam, suo quoque calculo visus est Deus comprobasse. Successit Alexander VIII. Is, cum ut fieri amat, plura sibi promitteret, quam ab Antecessore præstita essent, speraretque; vinci industriâ suâ posse, quæ paci cum Gallis obstabant; nihil non egit, ut Christianissimi Regis animum expugnaret; sic enim conflictu inter Romanam Sedem, Gallosque sublato, sperabat, aliud quoque & funestissimum in Europa bellum confectum iri, Mediatoris partibus ad Pontificem delatis. Ergo ut dixi; nihil non actum, ut cum Gallo amicitia jungeretur; idque tam impenso, enixoque studio, ut Alexander non paucis Principum suspectus redderetur. Quæ præsertim suspicio crevit, Jansonio Episcopo Belluacensi ad Purpuram evecto. Id ut fieret, flagrantissimè Gallus petebat. Sed multa Belluacensis opponebantur. Cum enim Anno 1688. die trigesima septembris Episcopi Galli, qui Parisijs morabantur; jussu Regis in aedes Archiepiscopales convenissent, & Instrumentum appellationis ad futurum Concilium, magno plausu, multisque in Regem laudibus profecuti essent; sicque tacito saltem consensu appellationem approbassent, & ideo centuras à Calixto III. Pio II. Julioque II. Romanis Pontificibus incidisse viderentur: inter illos verò, qui Cætui Episcoporum assederant, quique lectæ à Procuratore Regio appellationi applauserant, Belluacensis quoque interfuisset, ejusque nomen & subscriptio processui verbali appensa esset; à multis Romæ credebatur, non potuisse purpurâ donari, nisi exemplo Pij II. prius delicti pœnituisset, tacitamque appellationis approbationem revocasset. At Galli respondebant: *a Regio Procuratore Instrumentum quidem appellationis Episcopis prælectum, sed non ideo approbatum esse. Tria enim post lectam appellationem ab Episcopis præstita.*

Primò rogasse Archiepiscopum, ut eorum nomine gratias Regi ageret, quòd dignatus esset, Gallia Antistes, eorum, qua tunc temporis occurrebant; *monere.*

Deinde vota precesque Deo ab Episcopis oblata, ut Pontifici Innocentio, qua pacis sunt; *inspiraret.*

Ac denique Regis pietatem, & sapientiam commendasse, quòd Ecclesiæ Pastoribus sic quidem, qua acciderant, insinuari voluisset, ut tamen plenam  
eis

eis libertatem relinqueret; sentiendi, dicendi, qua in rem opportuna videretur. Hæc fuisse, quæ in eo Conventu Antistites Galli præstissent. Nihil hic esse, quod accusationem, multoq; minus, quod censuras & anathemata mereretur. Quid enim iustius, quam Principi in Ecclesia Pastores tam benigno, gratias referre? quid æquius, quam tanto Regi, belli pacisq; artibus, & tot victorijs florenti applaudere, ac de Religione & Republica tam egregie meritum encomijs prosequi? Prudentia quoq; rectaq; rationi nihil aequè consensum, quam ea temporum difficultate, ita sententias moderari, ut ancipiti responso nec Pontificem arguere, nec Regem viderentur. Aliud esse rem aliquam approbare, aliud silentio transmittere. Silentium enim à nullis Pontificum censuris percussum esse, imò nec potuisse, cum sæpe ad prudentiam spectet; prudentiam verò non pœnas, non censuras, sed laudem mereri. Nihil ergo à Belluacensi commissum, quod Purpurâ indignus esset.

Hæc Gallorum argumenta erant, quibus adjuvare causam suam nitebantur, & ijs tandem ipse Pontifex accessit, Janfonio in Senatum Purpuratorum accepto. Dicitur non potest, quantum ea res Cæsarem offenderit; quippe & majestate Imperij, & ingentibus perpetuisque contra Turcas victorijs longè alijs Regibus majorem, magisque de Republica Christiana meritum, & tamen præteritus videbatur, nullo ex ejus voto, inter Cardinales adlecto. Sed indignanti Pontifex respondebat: pro uno Gallo, plures Austriacæ Domui addictos, charosque Imperatori electos esse.

II. Alexandrum interim, ut cum Gallis transigeret, omnia conantem, primò spes concepta fefellit, deinde mors etiam oppressit, lite non minus, quam sub Innocentio flagrante. Prius tamen, quam morte fungeretur, vocatis ad lectum Cardinalibus, expositisque miræ animi præsentia, quæ pro pace inter Sedem Apostolicam, Regemque Christianissimum componenda, fecisset; quamque votis ac laboribus suis malè responsum esset, Diploma, seu Bullam jam dudum à se conceptam, retentamque exprimi, legique à Cardinali Albano jussit, quâ quidquid à Galliæ Episcopis in Conventu Parisiensi Anno millesimo sexcentesimo octuagesimo secundo peractum erat, improbabatur. Sic Alexander Pontificatum suum clausit, relictâ tantæ rei conficiendæ curâ Innocentio duodecimo Successori; ut videlicet bellum pro justitia & Religione ab uno Innocentio susceptum, ab alio Innocentio finiretur.



III. Duo præsertim novi Pontificis animum perurgebant: & quòd ferre non posset, tanto jam tempore & tot in Gallia Ecclesias suis Pastoribus destitutas: & quòd durante dissidio, pax etiam inter Christianos Principes, gravissimo bello confligentes impediretur, ac Turcico Imperio jam ferè colliso, vires iterum & potentia redirent. Ergo omni contentione laboratum, ut sublatis utrimque discordijs, pax cum Gallo sanciretur. Multa huic operi obstabant. Nec enim Antistites à Rege promoti admitti prius poterant, quàm in Comitijs Parisiensibus contra Pontificis auctoritatem decreta revocarent, sponderentque, nihil se facturos, quo Regaliam recèns Provincijs liberis impositam, agnoscere viderentur. Utrumque difficillimum factu, & tot impedimentis obnoxium credebatur, ut superari vix possent. Diu, multumque certatum; alijs semper alijsque componendi modis, & productis, & rejectis, ut penè spes nulla boni exitus superesset. Tandem, cum & Pontifex & Gallus conciliari festinarent; in has condiciones conventum. *Gallia Antistites, qui à Rege nominati ad Ecclesias fuerant, Conventus Parisiensis decreta revocarent: Regaliam, donec à Romana Sede causa finiretur, non agnoscerent: Rex ipse datis ad Pontificem luteris, promitteret; Edictum, quo Propositiones Parisijs edita armabantur, cessaturum. Pontifex verò, abolitâ præteritorum memoriâ; Episcopos Ecclesijs, quas à Rege acceperant, potiri permitteret, solemnique more Bullis ac Diplomati- bus necessarijs instrueret. Ita utrimque conditum, belloque domestico finis impositus.*

IV. Pontificis ad Sacrum Collegium oratio in Consistorio hæc fuit.

*Venerabiles fratres!*

**J**Am diu est, quod plurimas florentissimi Galliæ Regni Ecclesias Pastoribus viduatas, intimo cordis affectu misereamur: Ex quo verò Divinæ bonitati placuit ad præcellsum hoc Apostolici muneris culmen, & ad sollicitudinem omnium Ecclesiarum humilitatem Nostram vocare, deplorabili sanè tot animarum periculo consulere dies, noctesque assidue cogitamus. Tandem



dem cùm quò gravissima rerum, ac temporum difficultate non alia æquior hæctenus occurrerit ratio huic necessitati prospiciendi, de complurium fraternitatum Vestrarum consilio in eam sententiam ivimus, ut ex eorum numero, quos Nobis Charissimus in Christo filius noster Ludovicus Francorum Rex Christianissimus nominavit, illos dumtaxat, qui satis notis Cleri Gallicani Comitij anno 1682. habitis non interfuere, nec inibi gestis meritò ab hac Sancta Sede reprobatis, ullatenus assensere, quosque non modò ab ea labe immunes, sed & alioquin idoneos legitimis documentis fore constiterit, ad Ecclesiarum Regimen admitteremus. At verò, quoniam eorum aliqui ijs Ecclesijs præficiendi erunt, quibus ipsum Regaliæ onus non ita pridem invecutum fuit, ne ulla unquam ex hac nostra nominatorum admissione suspicio oriri possit probatæ à Nobis, seu dissimulatæ saltem ejusdem Regaliæ servitutis, ijs omnibus, qui præfatis Ecclesijs, quæ ejusmodi oneri obnoxia verè non sunt, præficientur, pro commissi nobis Pastoralis officij debito, nostræ non minus, quàm ipsorum Conscientiæ consulentes, seriò injungemus, ut memores Sanctionis Occumenici Concilij Lugdunensis, pœnarumque ab eo inflatarum, ipsi Regaliæ nullatenus consentiant; Sed ab ijs omnibus abstineant, unde illius usus admissus quoquo modo videri posset. donec plenius gravissima hac de re judicium ad Apostolicam Sedem suo jure pertinens, & legitimè interposità nonnullorum appellatione delatum, quod Nobis integrum reservamus, suo tempore, si opus fuerit, proferatur. Ceterum de eximia ejusdem Christianissimi Regis pietate, filialique in hanc Sanctam Sedem observantià plenè confidimus,

Eeeee

ipsum

ipsum omnino facturum, ut quemadmodum pluries sperare Nos fecit Regium Edictum, quo in præfatis Comitij edita de potestate Ecclesiastica declaratio firmabatur, viribus, & effectu vacuum re ipsa ab omnibus habeatur. Nostraque erga Majestatem suam paternæ Charitatis, quin imò, & causæ ipsius Justitiæ daturum, ut nihil Nobis impofterum etiam quoad universum Regaliæ negotium desiderandum supersit, qua de re ipsum hortari, admonere, atque etiam in Domino obsecrare non desistemus.

Quæ omnia Vobis in primis Venerabiles fratres innotescere dignum duximus, qui tanto religionis ardore, ac pietatis merito humilitati nostræ in Universalis Ecclesiæ regimine assistitis, ut vel inde agnoscatis, nihil Nos ab Ecclesiasticæ Libertatis, atque hujus Sanctæ Sedis auctoritatis tuendæ proposito deflectere. Sed Romanorum Pontificum Prædecessorum Nostrorum, ac precipuè felicis recordationis Innocentij Undecimi, & Alexandri Octavi super præmissis editis Litteris constanter inhærere, atque ad extremum usque vitæ Spiritum adjuvante Domino inhæsuros, ut creditam nobis Pontificiæ potestatis plenitudinem illibatam servemus, & immaculatam hæreditatem, uti à Domino accepimus, Successoribus relinquamus.

Episcopi ad Pontificem in hunc modum scripsere:

Beatissime Pater.

**C**um in hac tandem exultantis Ecclesiæ felicitate ingentes Christiani omnes Paterna Providentia Sanctitatis Vestræ fructus percipiant, facilemque in sinum Clementiæ Vestræ adiutum experiamur; nihil accidere molestius nobis potuit, quàm quòd

eo nunc loco res nostra sint, ut aditus in gratiam Sanctitatis Vestrae nobis haëtenus interclusus videatur. Cujus quidem rei, cum eam fuisse rationem perciperemus, quod nos Cleri Gallicani Comitij Anno 1682. Parisiis habitis interfuerimus; idcirco ad pedes Beatitudinis Vestrae provolui profitemur, & declaramus, nos vehementer quidem, & supra id quod dici potest, ex corde dolere de rebus gestis in Comitij predictis, qua Sanctitati Vestrae, Ejusq. Prædecessoribus summo perè displicuerunt, ac proinde quidquid in eisdem Comitij circa Ecclesiasticam Potestatem, & Pontificiam Auctoritatem decretum censi potuit, pro non decreto habemus, & habendum esse declaramus, & quidquid ibidem deliberatum in Præjudicium Jurium Ecclesiarum censi potuit; pro non deliberato habemus, & habendum esse declaramus, quin imò à mente nostra alienum fuisse testamur, quidquam decernere, & Ecclesijs predictis præjudicium inferre, prompti insuper in profundissimi obsequij, quod Sanctitati Vestrae profitemur, & demissa reverentia pignus ita nos gerere, ut de debita nostra, quam ad extremum viam spiritum Sanctitati Vestrae impensissimè præstabimus, obedientia, & de nostro pro tuendis Ecclesie Juribus zelo nihil unquam possit desiderari. His itaq. perlectis nostris litteris speramus, & Sanctitatem Vestram humillimè obtestamur, ut nos in gratiam, benevolentiamq. tandem receptos, Ecclesijs, ad quas Rex noster Christianissimus nos nominaverit, præficere non dedignetur, quò maturius animarum salutis, & Christiane Religionis utilitati, ipsarum Ecclesiarum Juribus, & dignitati, ut sincere Sanctitati Vestrae profitemur, studium omne nostrum, & curam impendamus. Interim Beatitudini Vestrae tanquam Beati Petri Apostolorum Principis Successori Christi Domini Vicario, totiusq. militantis Ecclesie Capiti veram, & sinceram obedientiam, quam jam promissimus, iterum promittimus, rogemus

& juramus, ac multos, & felices annos pro bono totius Ecclesie ex animo precamur.

Regis litteræ ad Pontificem Innocentium ita conceptæ erant  
*Tres Saint Pere . . . .* quæ latinè sic habent.

Beatissime Pater.

**M**ulta mihi semper & egregia de Sanctitatis Vestra ad Pontificatam hanc Dignitatem promotione pollicitus eram; cum nihil ambigerem, Eam quamplurimum ad Ecclesia totius, nostraq; Sancta Religionis incrementa ac splendorem profecturam. Nec ea me spes fefellit, cum non sine ingenti meo gaudio, quæ in utriusq; commendationem, maximumq; augmentum à Sanctitate Vestra magnificè, præclareq; gesta sunt; oculis usurpem, sentiamq; eam quoq; ob causam filialem meam in Beatitudinem Vestram reverentiam semper intendi. Et quia animo statui, quâ maximè ratione possum, id ipsam Sanctitati Vestra testatum facere; latere Eam nolo; jam à me provisum esse, ut Edictum, quo Parisiensium Comitiorum declaratio Anno millesimo sexcentesimo octuagesimo secundo die secunda Martij, munita fuerat; quodq; eorum temporum conditio à me expresserat, effectu deinceps careat, suspensumq; censcatur. Et verò ut maxima mihi cura ac voto est, ut non solum Sanctitas Vestra animi mei sensa, verum etiam Mundus totus venerationem intelligat, quâ eximias, sanctasq; Ejus virtutes impensissimè amplector; ita persuasum quoq; habeo, nihil passuram desiderari, quo Ejus paternam in me charitatem magis magisq; expensar. Precor interim Deum, ut Sanctitatem Vestram quamplurimis annis, & felicissimam conservei.

V. Hactenus Episcoporum Regisque litteræ. Novum ergo pro Romana Sede argumentum & testimonium a Gallis habemus; quando sententiam Pontifici adversam, & Patilij vulga-

tam

tam ac tot libris defensam & dolore, & pœnitentiâ delêrunt, triumphante ut semper veritate, nulloque Episcoporum dedecore, quibus instar victoriæ fuit, veritati cessisse. Nam paris virtutis, ejusdemque bellicæ artis semper habitum est; non solùm cum hoste pugnasse; verum etiam omisâ pugnâ, citraque fugam, pedem retulisse. Adeò, ut de Sertorio Romanorum fortissimo scribat Plutarchus in vita: *Plus admirationis corrigendo accepta damna, quam adversarios vincendo promeritum esse.* Sic quoque in maximis ingenijs, ac pietate, & sapientiâ florentissimis gloriosum semper, ac par victoriæ fuit, non solùm nunquam errasse (id enim hominem superat) sed etiam errorem cortexissè; ut hîc quoque similibus ferè verbis dici illud Gregorij Magni (a) possit: *plus nobis aliquorum incredulitas ad fidem, quam fides aliorum credentium profuit; quia dum illi ad fidem disputando reducuntur, nostra mens omni dubitatione postposita, in fide solidatur; errorem enim incidisse natura fuit, diluisse virtutis.*

(a) S. Gregor. hom. 26. in Evang. S. Ambros. in Apolog. David cap. 2.



# INDEX PARAGRAPHORUM.

## PRAELVDIORVM

- §. I. Quid Jus Regaliæ, quæ illius origo, progressus: quæ causa, ut tam acriter impugnatum, defensumque, & rationes utrinque productæ. fol. 14
- §. II. Rationibus, & exemplis ostenditur, animum passionibus agitatum in errores prolabi Ecclesiæ fatales. 120
- §. III. Exhibetur Edictum Regium cum Propositionib. Conventûs Paris. 127
- §. IV. Hæreticos ad veram Religionem non propterea facilius converti, quod Catholici eorum postulatis acquiescant, eorumque doctrinæ propius accedant. 131
- §. V. Calvinistis & Iutheranis non favere Propositiones Parisiens. quod causam suam meliorem faciant, Catholicorum verò pejorem reddant. 134



## LIBER I. fol. 142.

## PROPOSITIO PARISIENSIS I. fol. 142.

- §. I. Pontifici Romano in Principes sæculares, eorumque Provincias & Regna Jus aliquod & potestatem dari, non tamen ordinariam & directam. fol. 144
- §. II. Esse in Ecclesia, & in capite Ecclesiæ, Romano vid. Pontifice potestatem indirectam, eum urget necessitas tuendæ Religionis, in Reges, eorumque bona temporalia, ex sacris litteris demonstratur. 150
- §. III. Primus textus Canonicus ex c. novit. 13. de Judicijs. 160
- §. IV. Secundus Textus Canonicus ex cap. licet 6. de votis. 164
- §. V. Tertius Textus Canonicus ex c. venerabilem 34. de elect. 166
- §. VI. Quartus Textus Canonieus ex Clementina unica, de jurejurando. 211
- §. VII. Quintus Textus Canonieus ex c. ad Apostolicæ de sententia & re judicata in 6. 221
- §. VIII. Sextus Canonieus Textus in Extravaganteupica, si Fratrum, ne sede vacante. 223
- §. IX. Septimus Textus Canonieus in Extravagante, unam sanctam: inter communes, de Majoritate & obedientia: & Extravagante, meruit: de privilegijs. 231
- §. X. Octavus Text. Canon. ex cap. grandi. de supplen. neglig. Præl. in 6. 237
- §. XI. Nonus Textus Canon. ex c. per venerabilem, qui filij sint legitimi. 239
- §. XII. Decimus Textus Canonieus ex c. alius item, causa 15. q. 6. alijque textus allegati. 241
- §. XIII. Ecclesiasticam potestatem etiam in Reges eorumque temporalia extendi auctoritate Concilij Constantiensis, quâ Conventus Gallicanus maximè nititur, elare ostenditur. 242
- §. XIV. Concilij universalis Lateranensis IV. in eandem sententiam Decretum ex c. 3. de Hæret. 248
- §. XV. Hæc ipsa SS. Pontif. auctoritas & potestas exemplis confirmata. 251
- §. XVI. Testes pro eadem Sententia. 267
- §. XVII. Rationes pro eadem veritate. 281
- §. XVIII. Solvuntur Objectiones. 295
- §. XIX. Quando, quibusque ex causis in particulari possit S. Pontifex potestatem in Magistratus & Principes sæculares exercere? 304
- §. XX. Quam censuram mereatur prima Conventus Parisiensis propositio. 307




## LIBER II. fol. 318.

## PROPOSITIO PARISIENSIS II. fol. 318.

- §. I. Quid Concilium Generale seu Occumenicum, & quæ ad tale Concilium requisita. fol. 319
- §. II.

## PARAGRAPHORUM.

- §. II. Origo, Necessitas, commoda & Incommoda Concilij Occumenici & universalis. fol. 312
- §. III. Quando hæc quæstio de superioritate Concilij supra Pontificem agitari cæpta, & quas ob causas? 327
- §. IV. Summum Pontificem supra Concilium esse ex SS. Litteris probatur. 330
- §. V. Conciliorum testimonia, quibus se Pontifici submittunt. 348
- §. VI. Summum Pontificem à nemine, præter solum Deum judicari posse: ergo Concilio subijci. 391
- §. VII. Non dari Appellationem à Summo Pontifice ad Concilium, non ergo huic Pontificem subesse. 402
- §. VIII. A Concilio universali ad Papam appellari: hunc ergo illo majorem esse. 408
- §. IX. Solum Pontificem Romanum esse Vicarium Christi, universalis Ecclesiæ Caput, & Episcopum: ex quibus manifestè deducitur, esse supra Concilium, eoque Majorem. 420
- §. X. Concilium universale à Pontifice non approbatum, errori esse obnoxium: non ergo supra, sed infra Pontificem esse, & hujus judicio & correctioni subiectum. 428
- §. XI. Patrum aliorumque Doctorum pro summo Pont. testimonia. 433
- §. XII. Quà censurâ Patres & Doctores eos notaverint, qui à Romano Pontifice dissentiunt, & hunc Concilio submittunt. 437
- §. XIII. Supremam in Christi Ecclesia potestatem penès Romanum Pontificem, non Concilium esse, rationibus evincitur. 440
- §. XIV. Qui sint casus excepti, in quibus Papæ Concilium prævalet. 456
- §. XV. Respondetur ad argumenta ex SS. litteris perita. 461
- §. XVI. Respondetur ad auctoritatem Concilij Pisani. 467
- §. XVII. Respondetur ad auctoritatem Concilij Constantiensis. 480
- §. XVIII. Respondetur ad auctoritatem Basileens. Concilij, & Universitatis Parisiensis. 513
- §. XIX. Respondetur ad Textus Canonicos. 554
- §. XX. Respondetur ad exempla Pontificum, qui à Concilijs videntur judicati, damnatique fuisse. 560
- §. XXI. Respondetur ad alias rationes, quæ Pontificibus opponuntur. 563



## LIBER III. fol. 577.

### PROPOSITIO PARISIENSIS III. fol. 577.

- §. I. Quid sit Pontificem à Cathedra docere. 578
- §. II. Summi Pontificis à Cathedra, quamvis extra Concilium, docentis, indubiam & infallibilem auctoritatē esse, sacris Paginis docetur. 581
- §. III. Eadem Papæ Ecclesiam docentis infallibilitas è sacris Canonibus asserta. 589
- §. IV. Pontificis Maximi in rebus fidei discernendis infallibilitati Concilia suffragantur. 597
- §. V.



## INDEX PARAGRAPHORUM.

|                                                                            |     |
|----------------------------------------------------------------------------|-----|
| §. V. Patrum pro eadem Pontificis infallibilitate consensus unanimis.      | 606 |
| §. VI. Praxis, ususq; Ecclesiæ pro eadē infallibilitate Pontificis Romani. | 611 |
| §. VII. Rationes pro Romani Pontificis infallibilitate.                    | 693 |
| §. VIII. Censuræ Patrum & Doctorum.                                        | 700 |
| §. IX. Respondetur ad objecta.                                             | 704 |



## LIBER IV. fol. 734.

### *PROPOSITIO PARISIENSIS IV. fol. 734.*

|                                                                                                                              |     |
|------------------------------------------------------------------------------------------------------------------------------|-----|
| §. I. Papam in lege divina & naturali dispensare non posse.                                                                  | 735 |
| §. II. Summum Pontificem suis suorumque prædecessorum legibus, quoad vim directivam, obstringi.                              | 745 |
| §. III. Posse summum Pont. ex iustis causis in omni lege Canon. dispensare.                                                  | 750 |
| §. IV. Non posse tamen summum Pontificem aut in omni lege Canonice, aut sine causa dispensare, & quænam sint legitimæ causæ? | 760 |
| §. V. Propositiones Conventus Parisiensis à Clero Gallicano revocatæ, & certamen cum Gallis finitum.                         | 765 |

## F I N I S.





# A P P E N D I X

Ad folium 772.

Litteræ Regis Galliaë ad Pontificem  
idiomate Gallico conceptæ.

*Trés Saint Pere.*

**J'** Ai toujours beaucoup esperé de l'élévation de Vôtre Sainteté au Pontificat, pour l'avantage de l'Eglise & l'avancement de nôtre Sainte Religion. J'en reconnois presentement les effets avec beaucoup de joie dans tout ce que V. S. a executé de grand & d'avantageux pour le bien de l'un & de l'autre. Cela redouble mon respect filial pour Vôtre Sainteté. Et parce que je tâche de lui témoigner par les preuves les plus fortes dont je suis capable, que je suis bien aise de faire savoir à V. S. que j'ai donné les ordres nécessaires, afin que les affaires contenuës dans  
mon

mon Edit du 2. de Mars 1682. concernant la  
Déclaration faite par le Clergé du Roïaume  
(à quoi les conjectures d' alors m'avoient  
obligé) n'avoient point de suite. Et comme  
je souhaite non seulement que V.S. soit in-  
formée de mes sentimens, mais aussi que tout  
le monde sache par un témoignage public la  
veneration, que j'ai pour ses grandes & sain-  
tes qualitez ; je ne doute pas aussi que V. S.  
n'y reponde par toutes sortes de preuves & de  
témoignages de son affection paternelle en-  
vers moi. Cependant je prie Dieu, qu'il con-  
serve V.S. heureusement pendant plusieurs  
années.





Handwritten text, likely a letter or document, written in a cursive script. The text is mostly illegible due to fading and blurring. It appears to be a formal communication, possibly a letter of introduction or a business document. The text is organized into several paragraphs, with some lines indented. The ink is dark, and the paper is aged and yellowed.

Handwritten text, possibly a signature or a closing. It is written in a cursive script and is mostly illegible due to fading and blurring. It appears to be a formal communication, possibly a letter of introduction or a business document. The text is organized into several paragraphs, with some lines indented. The ink is dark, and the paper is aged and yellowed.

C.XX. 4 C<sup>22</sup>

